


Bulu ntam pəpwe;
Nkonya



New Testament in Nkonya (GH:nko:Nkonya)

Bulu ntam pɔpwɛ; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: (Nkonya)

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

2014-05-01

PDF generated using Haiola and XeLaTeX on 21 Feb 2024 from source files dated 29 Jan 2022
 2c5882f1-9b2d-5f5e-bf4f-7030fc58727b

Contents

Mateo	1
Marko	44
Luka	71
Yohane	116
Gyumagyiηε	148
Romafo	188
1 Korintofo	206
2 Korintofo	222
Galatiafo	233
Efesofa	239
Filipifo	245
Kolosefo	249
1 Tesalonikafu	253
2 Tesalonikafu	257
1 Timoteo	259
2 Timoteo	264
Tito	268
Filemon	270
Hebrifo	271
Yakobo	285
1 Petro	289
2 Petro	295
1 Yohane	298
2 Yohane	303
3 Yohane	304
Yuda	305
Ata Lesúnáhé	307

Asun Wanklaán Aní Mateo Lówanlín

Yesu Anáin Ilínto (Luka 3:23-38)

¹ Yesu Kristo, Owíe Dawid mu na, Abraham mu na ámu ilínto ní.
² Abraham lókwí Isak. Isak lókwí Yakob. Yakob lókwí Yuda mu na mu apio yinhé*. ³ Yuda lókwí Peres mu na Sera. Amó yín gyí Tamar. Peres lókwí Hesron. Hesron lókwí Ram. ⁴ Ram lókwí Aminadab. Aminadab lókwí Nahson. Nahson lókwí Salmon. ⁵ Salmon lókwí Boas. Boas mu yín gyí Rahab. Boas lókwí Obed. Obed mu yín gyí Rut. Obed lókwí Yisai. ⁶ Yisai lókwí Owíe Dawid.

Owíe Dawid lókwí Salomo. Salomo mu yín gyí ɔtsi ɔkwa tɛki ogyi Uria mu ka. ⁷ Salomo lókwí Rehabeam. Rehabeam lókwí Abia. Abia lókwí Asa. ⁸ Asa lókwí Yehosafat. Yehosafat lókwí Yoram. Yoram lókwí Usia. ⁹ Usia lókwí Yotam. Yotam lókwí Ahas. Ahas lókwí Hiskia. ¹⁰ Hiskia lókwí Manase. Manase lókwí Amon. Amon lókwí Yosia. ¹¹ Yosia lókwí Yekonia mu na mu apio yinhé. Mu brésú bekítá Israelfo, híe amó bee buyétsiá Babilon ɔmátó ní.

¹² Amó Babilon yótó á, Yekonia lókwí Sealtiel. Sealtiel lókwí Serubabel. ¹³ Serubabel lókwí Abihud. Abihud lókwí Eliakim. Eliakim lókwí Asor. ¹⁴ Asor lókwí Sadok. Sadok lókwí Akim. Akim lókwí Elihud. ¹⁵ Elihud lókwí Eleasar. Eleasar lókwí Matan. Matan lókwí Yakob. ¹⁶ Yakob lókwí Yosef, Yosef létsiá Maria. Maria lókwí Yesu. Yesu gyí Kristo, (ɔhá ámuú Bulu ladá mu ofúli amu) ní.

¹⁷ Mó su tsú Abrahamsu bɔtu Owíe Dawidsu bugyi anáin ilínto dúana. Tsú Dawidsu bɔtu bréá ɔyɔ Babilon ɔmátó é bugyi anáin ilínto dúana. Asa tsú amó Babilon yótó bɔtu Kristo, (ɔhá ámuú Bulu ladá mu ofúli amu) kwíísó é bugyi anáin ilínto dúana.

Yesu Kristo Kwí (Luka 2:1-7)

¹⁸ Ɔkpa ánfisú Yesu Kristo kwí lɔtsun ní. Bɔpu Maria há Yosef bee ɔtsiá. Táme asa bétsiá, abufia ɔtsi múa oyin á, bowun aní Maria dé ɔmé Ɔɛ Wankíhé túmito. ¹⁹ Mu kulu Yosef a, mu asún da ɔkpa, táme omekle aní ɔbɔwa mu pélito. Mó su ɔlɔbwe agywun aní obékiná mu náinto. ²⁰ Táme bréá ɔde mó agywun bwe á, kí, Bulu-ɔbɔpu ɔku léle ɪwɪ ɔwan súná mu okudetɔ, bláa mu ɔbéé, “Yosef, Dawid mu na, mánya péli aní fɛkpa fú ká Maria ba fú wá, tsúfé ɔmé ámuú ɔde ámu itsú Ɔɛ Wankíhé túmito. ²¹ Ɔbókwí obiyímbi, bédinká mu dá Yesu. (Mó así gyí, ‘Ɔlepó.’) Tsúfé mu ɔbéle mu ahá tsú amó lakpantɔ ní.”

²² Iní léha Bulu asún ámuú ɔleblí tsun mu ɔnósú ɔtɔ́púsú ámu ɪleba mótó. ²³ Ɔbéé, “Kí, obitebí aní ɔmákyó oyin wá kí obénnya ɔmé. Ɔbókwí obiyímbi, bédinká mu dá Imanuel.” (Mó así gyí, “Bulu bu aní wá.”)

²⁴ Bréá Yosef létsinkí á, olegyi asún ámuú Bulu-ɔbɔpu amu lébláa mu amusu. Oletsíá Maria, kpáin mu. ²⁵ Táme ɔmɔpu ɪbi da Maria, kpéfɔn bréá ɔlɔkwí mu bi yinhé gyankpapu, ɔledinká mu dá Yesu.

2

Anyansapu Aku Bá

* **1:2** Apio yinhé ánfí gyí Israel abusuan dúanyo ámu anáin ní.

¹ Bréá Owíe Herode dé iwíe gyí Yudea ɔmátó ɔkwí Yesu wúlu kɔá ɔtɛtí mó Betlehem, ɔbɔ Yudea ɔmátó ɔnɔ. Mú ɔma a, anyansapɔ akɔá ɔtɔwun ató ntsrakpabito ɔtsu owí ɔdalikpa ɔmá kɔtɔ ba Yerusalem wúlutɔ. ² Bɛfité bɛɛ, “Nkúnú ɔkwí Yudaɔ owíe amɔ? Anɔlɔwun mɔ osúna ání igyi ɔtsrakpabi owí ɔdalikpa ɔnɔ. Mú sɔ abá ɔosúm mɔ.”

³ Owíe Herode lónu asón ání á, opúni letsíi mɔa Yerusalemɔ fée. ⁴ Mú sɔ ɔletí Yudaɔ Bulu igyi ahapú dɛɛn pú Mose mbla asunápú fée fia, fité amó ɔtínéá ɔkwí Kristo, (ɔhá amú Bulu ladá mɔ ofúli amɔ).

⁵ Bɛbláa mɔ bɛɛ “Betlehem wúlúá ɔbɔ Yudea ɔmátó. Alí Bulu ɔnósó ɔtɔípú ɔku lówanlín tswi nɔ. ⁶ ɔbɛɛ,

‘Fó Betlehem, Yudea wúlu,

fɔmegyí wúlu túkúríibi ɔkpagyíɔkpasɔ Yudea awúlu yilé amɔtɔ.

Tsúfɛ ɔmásó ogyípú ɔku ɔbédalɔ tsu fótáá,

ɔbékpa Bulu ahá Israelfɔ.’ ”

⁷ Mú sɔ Owíe Herode létí anyansapɔ amɔ nkɔlɛ, fité amó bréá bowun osúna ɔtsrakpabi amɔ, bɛbláa mɔ. ⁸ Mú ɔlɔwa amó Betlehem ɔbɛɛ, ɔyóɔdunká kebi amɔ wankláán. Ní bowun mɔ a, ɔyíinki bɛbláa mɔ, ménɔ mɔ é móyósum mɔ.

⁹ Olenya bláa amó tá alí bɛnatí. ɔtsrakpabi amó bowun owí ɔdalikpa amɔ, lékpa amó alu yélí ɔtínéá kebi amɔ ɔbɔ. ¹⁰ Bréá bowun ɔtsrakpabi amɔ a, ansí lɛɛ gyi amó. ¹¹ Bowie wóyító ɔnɔ á, bowun kebi amɔ mɔa mɔ yin Maria, bɛda akpawunu súm kebi amɔ. Bɛsankí amó akentebi, bekie mɔ sika pɛpɛ, ɔhíén pú ohuam.

¹² Mú ɔma a, Bulu lɔwa mbla há amó okudɛtɔ ɔbɛɛ, ɔmáýinkí yótsɔn Herode wá. Mú sɔ ɔtsɔn ɔkpa bámbásó yó amó wúlutɔ.

Yesu Mɔa Mɔ Akwúpú Egyipte ɔmátó Yɔ

¹³ Bréá anyansapɔ amɔ bɛnatí á, Bulu-ɔɔpɔ lélɛ ɔwɔ ɔwan súná Yosef okudɛtɔ, bláa mɔ ɔbɛɛ, “Kɔsɔ, afɔkpa kebi amɔ mɔa mɔ yin srɔ ya Egyipte ɔmátó. Mlitsia ɔnɔ yófɔn bréá nébláa fɔ mbɛɛ mlyíinki ba, tsúfɛ Owíe Herode ɔbóɔdunká kebi amɔ, mó mɔ.”

¹⁴ Mú sɔ Yosef lókɔsú onyé-onyé amɔ, kpá Maria mɔa kebi amɔ srɔ ya Egyipte ɔmátó. ¹⁵ Betsiá ɔnɔ yófɔn bréá Herode lówu. Inɔ léha Bulu asón ání ɔlɛblí tsɔn mɔ ɔnósó ɔtɔípú ɔkɔsɔ lɛba mótó. ɔbɛɛ, “Nɛtɔ mí bí amɔ tsú Egyipte ɔmátó.”

Betlehemɔ Abi Mɔ

¹⁶ Bréá Owíe Herode lówu ání anyansapɔ amɔ bamlé mɔ a, ɔbló lɛɛ kítá mó. ɔlɔwa mɔ isá akɔpú ɔbɛɛ, ɔyó Betlehem wúlutɔ pú mó nkudasí, abɔyɔmɔ abi yinhé ání bahɔ tsú nfinyɔ ba ayasí fée. Tsúfɛ anyansapɔ amɔ bɛbláa mɔ bɛɛ, begyankpá wun ɔtsrakpabi amɔ nfinyɔ ní.

¹⁷ Inɔ léha Bulu asón ání ɔlɛblí tsɔn mɔ ɔnósó ɔtɔípú Yeremiasɔ lɛba mótó.

¹⁸ ɔbɛɛ,

“Bonu isú móa olú kɔá ɔmeká tin Rama wúlutɔ.

Rahel dé mɔ abí sú. Omotsulá ání ɔkɔpáta mɔ, tsúfɛ ɔutráa ɔuma ɔnɔ.”

Yesu Mɔa Mɔ Akwúpú Yínki Tsú Egyipte

¹⁹ Owíe Herode lowu ɔma a, Bulu-ɔɔpɔ lélɛ ɔwɔ ɔwan súná Yosef okudɛtɔ Egyipte ɔnɔ, bláa mɔ ɔbɛɛ, ²⁰ “Kɔsɔ, afɔkpa kebi amɔ mɔa mɔ yin, amlyíinki yɔ Israel ɔmátó. Tsúfɛ ahá amó bodunká ání ɔómɔ kebi amɔ, bawú.” ²¹ Mú sɔ Yosef lókɔsú kpá kebi amɔ mɔa mɔ yin, beyínkí yó Israel ɔmátó.

²² Táme bréá bowie ɔnɔ á, olonu ání Arkelao latsiá mɔ sɔ Herode ɔbíásó, ɔdɛ Yudea ɔmásó gyí. Mú sɔ olenya ifú ání ɔɔpɔ kebi amɔ ya ɔnɔ. Bulu lélawá mbla há mɔ okudɛtɔ ɔbɛɛ, ɔpúu mɔ ya Galilea ɔmátó. ²³ Mú sɔ ɔyɔ yétsiá Nasaret

wúlutò. Iní léha Bulu asón á múú òlèblí tson mu ònósú atóipósu òbée, “Béti mu Nasaretyin” amu òlèba mótó ní.

3

Asú Ọ̀bapọ̀ Yohane Bulu Asón Ọ̀kanda

(Marko 1:1-8; Luka 3:1-18; Yohane 1:19-28)

¹ Bré kùtò á, Asú Ọ̀bapọ̀ Yohane léba ọ̀de Bulu asón ọ̀kan da Yudea dimbísú. ² Ọ̀bée, “Mlídámli klùntò, amlísi lakpan bwe, tsúfẹ̀ Bulu iwíegyi lawíé wóyí tá.” ³ Yohane ɪwɪ asón Bulu ònósú ọ̀tóipọ̀ Yesaia lówanlín òbée,
“Ọ̀kù dékplùn dimbísú òbée,

‘Mlílà aní Wíe ọ̀kpa.

Mlitswii ọ̀kpa ha mu’ ” amu ní.

⁴ Yohane lówa kpósó-imi atadié, ọ̀lọ̀pọ̀ ọ̀wuló-kpákpá ọ̀fẹ̀ klí mósú. Atsantsanku pọ̀ ọ̀kwén otegyi. ⁵ Ahá botsu Yerusalem wúlutò, Yudea ọ̀mátó pọ̀ Yordan bọ̀nkpa ònó awúlu féesú ba bonu mu ason blíhé. ⁶ Bèlè amú lakpan blí, ọ̀lọ̀bọ̀ amú asú Yordan ntsutso.

⁷ Táme bréá Farisifò pọ̀ Sadukifò tsòtsòtsò bèba bèe, ọ̀bọ̀ amú asú á, ọ̀lefíté amú òbée, “Abé abí-aná, ntò gyá mli, mliśrí Bulu ɪsɔbití á múú íbá á mu? ⁸ Mómó mliświe abíá íbósuná aní lélé mlíládámli klùntò. ⁹ Mlímákí mlihaa, mli náin gyí Abraham. Mú sù Bulu méebití mli ɪsɔ. Ndé mli bláa mbée, Bulu ọ̀bétalí há abwi ánfí íbédámli Abraham abí-aná. ¹⁰ Séi á, Bulu lapó ẹ̀fẹ̀ yi nyí-atsitsitò. Oyígyíoyí aní imoswie abi wankláán á, bókun mú dá, wá mú fée ogyá. ¹¹ Mí mú á, ntsu ndepúbó mli asú púsúná aní mlíládámli klùntò. Táme ọ̀kúá ọ̀dun mli bọ̀ ọ̀ma ọ̀bá. Mmọ̀fun aní nósorá mu ntókuta kóráá. Mu ọ̀bọ̀pọ̀ Ọ̀jẹ Wankíhé pọ̀ ogyá bó mli asú ní. ¹² Ọ̀de mu ɪlín, ọ̀bọ̀pọ̀fúní ntéte lé ayó ámutò. Ọ̀békpa ayó ámu wá mu odudutò. Táme ọ̀béfẹ́í ofuníkpa ɪnu wankláán, kpá ntéte amu wá ogyá aní itamaduntò.”

Yesu Asúbọ̀

(Marko 1:9-11; Luka 3:21-22)

¹³ Yesu lótsu Galilea ọ̀mátó ba Yordan ntsu ònó Yohane wá ọ̀bée, ọ̀bó mu asú. ¹⁴ Tẹkí Yohane mótsulá aní ọ̀bọ̀bọ̀ mu asú. Iní sù ọ̀lèbláa Yesu ọ̀bée, “Mí ilehián aní fọ̀bọ̀ asú. Nkálí ígyi sù faba fée mí ọ̀bọ̀ fú asú?”

¹⁵ Yesu lébláa mu ọ̀bée, “Séi á, ha atsu mú alí asa, tsúfẹ̀ ilehián aní abóbwe tógyítá ıda ọ̀kpa Bulu ansító.”

Mú sù Yohane lótsulá. ¹⁶ Bréá ọ̀lọ̀bọ̀ Yesu asú tá, Yesu lédalí ntsu ámutò alí nɔwúlótáa lefinkí, olowun Bulu Ọ̀jẹ ẹ̀dekplí fẹ̀ abródoma, ilobogyonká musu.

¹⁷ Inu ọ̀me ku lotsu ọ̀sósú ọ̀bée, “Ọ̀nı gyí mí Bía ntòdwé mu, mli ansí tẹhíé gyi mu ɪwɪ ní.”

4

Yesu Ísókí

(Marko 1:12-13; Luka 4:1-13)

¹ Inu Ọ̀jẹ Wankíhé amu lékpa Yesu ya dimbísú, ménı Ọ̀bunsám ọ̀bósó mu kí. ² Oletsíá ɪnu klí ònó nke aduana (40), onyé aduana (40). Mú sù akón lehié kítá mu. ³ Inu Ọ̀bunsám lósó mu kí, bláa mu ọ̀bée, “Ní Bulu mu Bi fúgyi á, mómó ha abwi ánfí ıdamli bwe bodobodo.”

⁴ Yesu lélé mú ònó ọ̀bée, “Bọ̀wanlín wá Bulu asón ámutò bèe, ‘Megyi atogyihe wule nyankpusa obégyi tsiá nkpa, táme ọ̀pọ̀ Bulu ason blíhé é tsia nkpa.’ ”

⁵ Ọ̀bunsám lékpa mu ya Yerusalem, wúlu wankíhé ámutò, ọ̀lọ̀pọ̀ mu yélí Bulu ọ̀tswékpa obu ámu ọ̀tántra. ⁶ Inu ọ̀lèbláa Yesu ọ̀bée, “Ní Bulu mu Bi fúgyi lélé á, tu kpayi. Tsúfẹ̀ bọ̀wanlín wá Bulu asón ámutò bèe,
‘Bulu ọ̀bẹ́ha mu abọ̀pọ̀ békpatá fú ıbitò,

méni fú yabi méeda ibwi kúkusú.' ”

⁷ Yesu léle mó ɔ́nó ɔ́bée, “Betrá wanlín bée, ‘Mákapó fú Wíe Bulu kí.’ ”

⁸ Mó ɔ́ma a, Ɖbunsám lópu mu ya ibu fúáhé kusu, olosuná mu ɔ́yító iwíe ogyíkpa fée, pú mó numnyam. ⁹ Mú ɔ́lebláa mu ɔ́bée, “Ní féea akpawunu sùnmí á, nópú ínì fée há fú.”

¹⁰ Yesu lébláa mu ɔ́bée, “Ɖbunsám, natì tɛi mísó! Tsúfɛ bɔ́wanlín wá Bulu asón ámutɔ́ bée, ‘Da akpawunu ha fú Wíe Bulu. Mu nkɔ́le fú sùnmí.’ ”

¹¹ Inu Ɖbunsám lénatí mu wá, Bulu-abɔ́pu beba bekì musu.

Yesu Gyumagyihe Asitsua Galilea Ɖmátɔ́

(Marko 1:14-15; Luka 4:14-15)

¹² Mó ɔ́ma a, Yesu lónu ání bakítá Yohane tswì obu, oleyinkí ba Galilea ɔ́sulósu. ¹³ Olotu tsú Nasaret wúlutɔ́ yó Kapernaum, wúlúá ibu mantáa Galilea ɔ́pu ɔ́nó, Sebulon múa Naftali ɔ́sulósu. ¹⁴ Mu inu yó léha asón ámutú Bulu ɔ́nósó ɔ́tɔ́póYesaia léblí ámu ileba mótɔ́. Ɖbée,

¹⁵ “Sebulon pó Naftali

ɔ́sulóá ida Yordan bɔ́nkpa ɔ́nó, mantáa Galilea ɔ́pu.

Galilea ɔ́mátɔ́ ɔ́má bámbásófɔ́ bɔ́tsie.

¹⁶ Ahá ánfí bɔ́tsie oklúntɔ́ ánfí

bawun wankì kpɔ́nkɔ́nkɔ́ntì kú.

Bɔ́tsie ɔ́sulóá lowu dé iwíe gyí mósó.

Wankì kú lawánkí wólí ámúsú.”

¹⁷ Tsú inu Yesu léfí asì ɔ́de Bulu asón ɔ́kan da, blí ɔ́bée, “Mlídamlì klúntɔ́, Bulu iwíegyí lawíe wóyí tá.”

Akasípó Abaná Le

(Marko 1:16-20; Luka 5:1-11)

¹⁸ Eke ɔ́kúá Yesu ná Galilea ɔ́pu ɔ́nó á, olowun apíó abanyó akú. Simon ání bɔ́tɛtí mu Petro múa mu gyama Andrea, bɔ́de asawu tswí, tsúfɛ aye alepó bugyí.

¹⁹ Mú ɔ́lebláa ámu ɔ́bée, “Mlìba bobuo mlì. Nóbwe mlì anyánkɔ́pósa alepó.”

²⁰ Inu besì ámu asawu aná tswì, kplá buo mu.

²¹ Ɖlenatí yó nkɔ́pá kpalobí, olowun apíó abanyó akú é, Yakobo múa mu gyama Yohane. Ámúá ámu sí Sebedeo bɔ́bɔ́ ɔ́klúntɔ́, bɔ́de ámu asawu bín, Yesu létì ámu. ²² Inu ámu é benatí sí ámu sí múa ɔ́klun ámu bobuo mu.

Yesu Atósuná, Mu Asón Ɖkanda Pó Ilɔ́tsa

(Luka 6:17-19)

²³ Yesu lékì Galilea ɔ́mátɔ́ fée, súná ató Yudafo ofiakpa. Ɖleda Bulu iwíegyí ámu iwí asun wankláán ɔ́kan. Ɖletsá ɔ́hétɔ́ múa awútɔ́ ilo kugyíku. ²⁴ Inì su mu iwí asón lekí yó Siria ɔ́mátɔ́ fée. Bɔ́pu alɔ́pu tsúa ntíné-ntíné ba mu. Ɖletsá ilo kugyíku, ahá ání bɔ́de iwíɔ́sin wúun, ámuá ɔ́he láláhe dé ámu háan, ámuá ilo dídahe bu ámúsú pú abubúpu aná fée. ²⁵ Mó su ɔ́dam kpɔ́nkɔ́nkɔ́ntì bobuo mu. Ahá ání bɔ́tsú Galilea ɔ́mátɔ́ pú Dekapoli* awúlu ámusu, Yerusalem wúlutɔ́, Yudea ɔ́mátɔ́ pú Yordan ntsu ɔ́bin ɔ́sulósu fée.

5

Ibusu Atosunáhé

¹ Bréá Yesu lówun ɔ́dam ámu a, ɔ́lɔ́du yó ibu kusu yétsiá asì, mu akasípó ámu beba mu wá. ² Inu olosuná ámu ató ɔ́bée,

Oyúla Asón

(Luka 6:20-23)

³ “Bulu layúlá ahá ání ámu ansí medín totɔ́su dun mu Bulu, tsúfɛ ámutú mu iwíegyí ámu nì.

* **4:25** Dekapoli asì gyí awúlu dú.

- ⁴ Bulu layúlá awírehó agyípó,
tsúfě obólwií amó klón.
⁵ Bulu layúlá iwiasí abápu,
tsúfě amó obégyi ɔsulóv amu nɪ.
⁶ Bulu layúlá ahá ání mu apébwé akón móa ɔmewóli de amó,
tsúfě ɔbéha amó bómwé.
⁷ Bulu layúlá nwé awúnpu,
tsúfě obówun amó nwé.
⁸ Bulu layúlá ahá ání amó klontó lówankí,
tsúfě amó obówun mu nɪ.
⁹ Bulu layúlá ahá nsiné alapó,
tsúfě ɔbétí amó ɔbéé mu abí.
¹⁰ Bulu layúlá ahá ání budín amósó mu apébwé su,
tsúfě amóbó mu iwíegyi amu nɪ.
¹¹ “Bulu layúlá mli, ní búde mli sia, budín mli su, búde afunu wa dínká mli su.
¹² Ansí igyi mli, iwí ɪsankí mli, tsúfě mli ɪkáká tso ɔsúsú. Alí bəbwé Bulu ɔnósó atóipó agyankpapu amu nɪ.

Nfóli Móa Wankí

(Marko 9:50; Luka 14:34-35)

- ¹³ “Mligyi ɔyító nfóli nɪ. Ní nfóli itá ɔdwe á, nto bélapówá mú ɔdwe? Itráa ma ale há tətəto bwe. Tseí butetséi mú tsítsá, ahá butetsátsa mósú tsun.
¹⁴ “Mligyi ɔyító wankí é ní. Wúluá idín busu tamanjín. ¹⁵ Butamanywé ɔkandíe, pú ɔlɔ bun mósú. ɔfóakpá butəpúbían, ménɪ ɪbówankí há ahá ání butsie wóyí ámutə fěé. ¹⁶ Mú su mliha mli bwehé iwankí alí, ménɪ ahá bówun mli bwehé wankláán ámu, fówun bėkanfó mli Sí ámó ɔbu ɔsúsú ámu.

Mose Mbla Iwí Atosundhé

- ¹⁷ “Mlimákí mliaa, neba Mose Mbla ntée Bulu ɔnósó atóipó amu atosunáhétə ɔkakpá. Mmɛba mótó ɔkakpá, mbouín neba bəbwé mú ifon. ¹⁸ ɔnəkwali ndɛ mli bláa, ɔsú móa así bómə ɔnó, táme itoduáhé ntée asónbi kule kóráa iméedali Mbla ámutə, yófón bréa mótó asón fěé laba mótó. ¹⁹ ɔhagyíha ání omobu mbla ámutə túkúrííbi ku, olosuná mu aba é ɔbéé bumábu mú á, bétí mu kebi túkúrííbi ɔsúsú iwíe ogyíkpá inu. Táme ɔhá ání olegyi mbla ámu fěésú, súná mu aba ání bugyi mósú á, bétí mu ɔha yilé ɔsúsú iwíe ogyíkpá inu. ²⁰ Mú su ndɛ mli bláa mbéé, ní mlimóbwé Bulu apé dun Mose mbla asunápó pú Farisifə ámu a, mlimóowie Bulu iwíegyi ámutə ekekekeke.

ɔbló Iwí Atosundhé

(Luka 12:57-59)

- ²¹ “Mlihanú ání bebláa mli anáin atitífə ámu beé, ‘Mámə ɔha. ɔhagyíha ání ɔmó ɔha a, Bulu obégyi mu asón, há mu ipón.’ ²² Táme mí mú ndɛ mli bláa mbéé, ɔhagyíha ání olenya ɔbló wa mu ba á, Bulu obégyi mu asón. ɔhá ání olesia mu ba ɔbéé, ‘ɔhakpan!’ á, obégyi ipón Yudafo asón agyípó ansító. ɔhagyíha ání ɔlebláa mu ba é ɔbéé, ‘Raka!’* a, obégyi ipón yó ɪsubití ogyá ání itamaduntə. ²³ Inɪ su ní fotsu atə hahé fəyó afədíe ɔbəkpa, fəkaín ání fapú asun laláhe ku gyi fú bá á, ²⁴ si fú atə amó yaí afədíe-asubwisu inu. Yə fúa monyə amlila mli nsiné, asa afuba bəbə afədíe ámu ha Bulu.
²⁵ “Ní ɔku ɔsáma fu á, wa ɔsa ha aboyobwií ipa ha mu asa asón ámu ogyíkə ifon, ménɪ fú onyabá ámu ɔmėeha asón agyípó bumóɔpu fú ha obu adípúsú ɔkípu, ɔwa fú obu. ²⁶ Mbláa fu ɔnəkwali, nkétí faká ɪkə ámu fěé tá asa fėdali inu.

Otsidba ɔmadali Iwí Atosundhé

* 5:22 Raka así gyi “ɔbwi!”

²⁷ “Mlilanú ání bebláa mli bεε, ‘Mákle oku tsiába.’ ²⁸ Táme mí mó nde mli bláa mbée, oyingyioyin ání olowun otɔi, obwε mu klé iwi agywun á, alató mbua dodo mu kluntó. ²⁹ Mó su ní fú gyɔpi nsibi tɛhá fótɔbwé lakpan á, loti mó lε, tswi tsalifwi. Ibo aléá fú iwi otineku má inu, dun ání bótswi fú nyankpɔsa-oyí ámu fée wá ɔsubití ogyá ání itamaduntó. ³⁰ Mó su ní fú gyɔpi ibi tɛhá fótɔbwé lakpan á, ka mó tswi tsalifwi. Ibo aléá fuma ibi kule, dun ání bótswi fú nyankpɔsa-oyí ámu fée wá ɔsubití ogyá ání itamaduntó.

Okákiná Iwi Atosundhé
(Mateo 19:9; Marko 10:11-12; Luka 16:18)

³¹ “Betrá bláa mli bεε, ‘Ohagyíha ání obékiná oká á, ɔwánlin okákiná ɔwoló ha mu asa.’ ³² Táme mí mó nde mli bláa mbée, ní oyin okíná mu ka ání ɔmókúdálí mu ɔma a, muláhá su otɔi ámu obédalí mu ɔma. Oyingyioyin ání otsia otɔi ánfí mu kulu lakíná mu anfi é lató mbua.

Ntamka Iwi Atosundhé

³³ “Mlilétrá nu ání bebláa mli anáin atitifo ámu bεε, ‘Máka ntam kpaali. Mboún bwe dinka ntam amó fɛka há Bulu ámuɔv.’ ³⁴ Táme mí mó nde mli bláa mbée, máka tɔtɔtɔ kóráá. Mápɔ ɔsósó ká ntam, tsúfé Bulu owie obía igyi. ³⁵ Mápɔ ɔsulóv ká ntam. Bulu ayabi oyíkpa igyi. Mápɔ Yerusalem wúlu ká ntam. Awíetɔ Owie wúlu kpɔnkpɔnti ní. ³⁶ Mlímápu mli nwun ká ntam, tsúfé mliméetali bwé imi kule futútú ntée bíbi. ³⁷ Mboún fú ‘Iin!’ ibwée ‘Iin!’ Fú ‘O-o!’ é ibwe ‘O-o!’ Kugyíková fétrá blí tsia mótó itsú Obonsám wá.

Lalahe Ikaka Iwi Atosundhé
(Luka 6:29-30)

³⁸ “Mlilanú ání beblí bεε, ‘Oha obwíε mu ba nsibi a, bubwíε mu é mu kle ka ikɔ. Oha otsíi mu ba iyín é á, butsíi mu kle ka ikɔ.’ ³⁹ Táme mí mó nde mli bláa mbée, mlimáklá oha laláhe. Mboún ní oha ɔdá fú ɔvɔtɔ á, damli nyɔɔsi é ha mu ɔdáa. ⁴⁰ Ní oha dékléá obésamáa fɔ, ho fú atadiε á, pu fú tati é ha mu. ⁴¹ Ohá ání ɔdun fú ohíε fú obée, fɔsóra mu ató máilí kule ha mu a, sɔra mó máilí anyɔ. ⁴² Oha okólí fú ató á, ha mu. Ní oku é obée fɔpáan mu tɔku á, mákiná.

Alupódwe Iwi Atosundhé
(Luka 6:27-28, 32-36)

⁴³ “Mlilonuá beblí bεε, ‘Dwe fú bá, afɔlu fú olupó.’ ⁴⁴⁻⁴⁵ Táme mí mó nde mli bláa mbée, mlidwe mli alupó. Mlibɔ mpái ha ahá ání budin mlisɔ, méní mlóbwe mli Sí amóv ɔbu ɔsósó ámu abí. Tsúfé mutéhá owí telin, ɔtɛhá nyankpɔ é itotswie wolí aha wankláán pú aha laláhe féesú. ⁴⁶ Ní fú adwepó nkule futɔdwé á, ipán mɔmu fénya? Lampóo ahópɔ kóráá butɔbwé alí. ⁴⁷ Ní fú anyawíε nkule futɔwá ɔnó á, ntɔ fakuku bwe dɔbi? Alí kén ɔmátófɔ butɔbwé ní. ⁴⁸ Iní su mlifon fé alíá mli Sí amóv ɔbu ɔsósó ámu lófɔn.

6

Yilébwε Iwi Atosundhé

¹ “Mlikí wankláán ání mlimóobwe mli yilé ahá ansító. Ní mlɔbwé mó alí á, mliméenya ikáká mli Sía ɔbu ɔsósó wá.

² “Mó su ní fɔbwé yilé há ohíáni á, máda mó okan fé alíá apinabwebí abwepó butɔbwé Yudafo ofiakpa pú dunsɔ, méní ahá békantɔ amó. Onokwalí nde mli bláa mbée, Bulu laká amó ikɔ dodo. ³ Táme ní fɔbwé yilé há ohíáni á, máha fú bina ɔbi tɔá gyɔpi labwé. Bwe mó njaintɔ, ⁴ méní fú Sí oklúntɔ ató owúnpu amu obéka fú ikɔ.

Mpáibɔ Iwi Atosundhé
(Luka 11:2-4)

⁵ “Ní mlóbɔ mpái á, mlimábwe fé apinabwebí abwepú. Amó tekle Yudafo ofiakpa pú dɛnsu lú bó mpái, ménɪ ahá bówun amó. Ɔnɔkwali nde mli bláa mbée, Bulu laká amó ɪkɔ dodo. ⁶ Táme ní fóbɔ mpái á, bítíwíé fú obutótɔ, afuɸin obu wa ɪwɪ, bɔ mpái ha fú Sɪ ɲáintɔ. Fú Sɪ ɲáintɔ atɔ owúnpu amɔ ɔbéka fú ɪkɔ.

⁷ “Ní mliɔé mpái bɔ á, mlimátsiá plá mótɔ há mú ɪwa swí fé ɔmátɔfɔ. Butosúsu bee, ní bɔbɔ mú ɪwá swí asa Bulu obónu mú há amó. ⁸ Mlimábwe fé amó, tsúfé mli Sɪ Bulu yín tɔá ɪde mli hián asa mliɔé mu kólí. ⁹ Mú su mlibɔ mpái mliaa, ‘Anɪ Sía fúbu ɔsúsú.

Ahá bubúu fú dá.

¹⁰ Ba begyi iwíe.

Ahá bubwée fú apé ɔsulúsu, fé alíá butɔbwé mú ɔsúsú.

¹¹ Ha anɪ atogyihéá ɪbófɔn anɪ nde.

¹² Si anɪ lakpan kie anɪ,

fé alíá anitesikíé ahá ání butɔpú ɪlá gyi anɪ.

¹³ Mákpa anɪ wá ɪsókɪtɔ, mboún le anɪ tsu Ɔbunsám ɪbitɔ.’*

¹⁴ “Tsúfé ní mlesi ahá lakpan kíé amó á, mli Sɪ á mú ɔbu ɔsúsú ámu é obési mli klé kíé mli. ¹⁵ Táme ní mlimésikíé ahá a, mli Sɪ ámu é oméesikíé mli.

Ɔnɔklí ɪwɪ Atosundhé

¹⁶ “Ní mliɔé ɔnɔ klí á, mlimábwe mli ɪwɪ bómbláán fé alíá akɔ butepina bwé. Alíá ahá bówun ání buɔde ɔnɔ klí sú butɔbwé ɪwɪ alɪ. Ɔnɔkwali nde mli bláa mbée, Bulu laká amó ɪkɔ dodo. ¹⁷ Mboún ní mliɔé ɔnɔ klí á, mlibie ntsu, amlifunya nwun, ¹⁸ ménɪ ahá bómóowun ání mliɔé ɔnɔ klí. Táme mli Sɪ oklúntɔ atɔ owúnpu amɔ mú obówun mli, ká mli ɪkɔ.

Atonyahé Pɔyɔí Ɔsúsú

(Luka 12:33-34)

¹⁹ “Mlimákɔ atɔ yái ɔsulúu anɸisu. Ɔtíné ání atéple butɔwí atɔ, ɪkɔ aná tɔwí nkanɔ yíntá, awikplu é butɔbwíé wíé obuto wí atɔ ání. ²⁰ Mboún mlikɔ atɔ yái ɔsúsú. ɪnu mú á, atéple butamawí atɔ, itamawí nkanɔ, awikplu é butamabwíé wíé obuto wí atɔ. ²¹ Tsúfé ɔtínéá fú siadiɔ bu a, ɪnú fú agywɪn tetsiá.

Nyankpɔsa-oyí Ɔkandíe

(Luka 11:34-36)

²² “Ansíbi igyi ɔkandíe há nyankpɔsa-oyí. Ní fú ansíbi bu alé á, fú nyankpɔsa-oyí ámu fée bówankí. ²³ Táme ní fú ansíbi ma alé a, fú nyankpɔsa-oyí ámu fée ɪbu oklúntɔ. Ní ɔkandíe á mú ɪbu futɔ ámu idun a, múmú fawíé oklún kpɔnkpɔnkpɔntɔ.

Bulu Mɔa Atonyahé ɪwɪ Atosundhé

(Luka 16:13; 12:22-31)

²⁴ “Ɔhaa méetalí súm awie anyɔ. Ɔbódwe ɔkɔle, lú ɔkɔle. Ntée obóbu ɔkɔle, omóobu ɔkɔle. Fúméetalí súm Bulu, súm kóba.

²⁵ “Mú su nde mli bláa mbée, mlimáhan ɪwɪ tɔá mlégyi, tɔá mlónu tsiá nkpa pú tɔá mléɔɔɔdɔ su. Mbée, nkpa medéhián dun atogyihé? Ntée ɔyulúu medéhián dun atɔ ɔɔɔdɔ? ²⁶ Mlikɔ mbubwi, butamadú, butamasíétí wá ɔdantɔ, támé mli Sía ɔbu ɔsúsú tɔhá amó atogyihé. Mlimá labi dun amó? ²⁷ Mlɔtɔ ma ɔbétalí han ɪwɪ pú bré kpalobí tsiá mu nkɔtɔ?

²⁸ “Ntogyi sú mliɔé ɪwɪ háan mli atɔ ɔɔɔdɔ su? Mlikɔ alíá pututɔ-oyí ntswítswɪ tɔdan. Itamayó agyómá ntée ló atati. ²⁹ Táme nde mli bláa mbée, Owíe Salomo, mu inya féeɔtɔ a, ɔmetalí híhiɔ ɪwɪ, wá akíle fé oyí ntswítswɪ anɸitɔ kɔkɔ.

* **6:13** ɪnɪ bu nwuló dada amɔ akɔtɔ: Tsúfé fúbó iwíegyi, túmi pú ɪwɪwankɪ bré féeɔtɔ. Amen.

³⁰ Ní Bulu dé ɪfá ání nde ilí, ɔke ilawú, bawá mú ogyá tati didá á, ntogyi só ɔméetalí didá mlí atati dun mú? Mlí hógyi mɔtsó!

³¹ “Mú sɔ mlímáhan ɪwɪ fité mlíaa, ‘Ntɔ abégýi?’ ntée ‘Ntɔ abónu?’ ntée ‘Ntɔ abédidá?’ ³² Iní aná ɔmátófɔ butesrí gya ní. Mlí Sí á múú ɔbu ɔsúsú ámu yin ání iní fée de mlí hián. ³³ Itóá mlígyánkpa dunka gyí, Bulu iwíegýi pú mu yilébwe, fówun Bulu ɔbópɔ iní fée tsía mótó há mlí. ³⁴ Mlímásusúu ɔke ɪwɪ. Ɔketɔ asón igyi ɔke klé. Ekekegyíeketɔ asun wunhe ɪtsɔ há eke ámu.

7

Iláɛ

(Luka 6:37-38, 41-42)

¹ “Mlímáɛ ahá ilá, méní Bulu ɔméɛɛ mlí ilá. ² Tsúfé alí á múú mlíde ahá ilá le ámu a, alí Bulu ɔbéɛ mlí ilá ní. Itóá fɔpúsúsu ha fú bá á, mú kén Bulu ɔbópɔsúsu ha fú é ní. ³ Ntogyi só fúde ipí túkúríibi wun fú bá nsíbiso, táme fɔmedé ogyakpatín ání ɪdɪn fú klésu mú wun? ⁴ Ntée ntogyi só fúde fú bá bláa fée, ‘Ha mí andinkí ipí fú nsíbiso?’ bréá ogyakpatín dun fú klésu? ⁵ Apinabwɛbí ɔbwɛpú! Gyankpa dɪnkí ogyakpatín ámu fú nsíbiso, méní fówun ató wankláán, tálí dínkí ipí ámu fú bá klésu.

⁶ “Mlímáɔ Bulu atɔ wankíhé há ahá ání bɔgyi fé akíai, Bulu asón tamawá amó ogyá. Bénýa ɔbló dámlí dun mlí. Alí kén mlímáɔ mlí abutó wɪlɪhe há ahá ání bɔgyi fé mprákuo ní. Tsúfé bétsatsáa músú, tsíá mú wá ɔdɪbatɔ.

Atɔkólí Tsú Bulu Wá

(Luka 11:9-13)

⁷ “Mlíkolí Bulu, ɔbéha mlí. Mlídunka, mlówun. Mlída mu klɔnsu, obéfinkí mú há mlí. ⁸ Tsúfé ɔhá ání ɔtɔkólí ató tenyá. Ɔhá ání otodúnká ató towun. Ɔhá ání ɔtedá klɔnsu bútefinkí há. ⁹ Ma búu mlítoá mu bí ɔkólí mu bodobodo a, obótsu ɪbwí wá mu ɪbitɔ? ¹⁰ Ntée ní ɔkólí mu iye a, ɔbékítá ɪwɔ wá mu ɪbitɔ? ¹¹ Mlí lakpan abwɛpú kóráá mlíyin alíá butɔpú atɔ wankláán há mlí abí. Ntogyi só mlí Sí á múú ɔbu ɔsúsú ámu mú mɔɔpɔ atɔ wankláán há ahá ání bɔde mu kólí.

¹² “Bwe ha ahá alíá fɔdeklé fée bɔbwée ha fú. Iní Mose Mbla pú Bulu ɔnósó atɔípó amu atosunáhé deblí ní.

Ɔkpa Kplanhe Múá Téíhé

(Luka 13:24)

¹³⁻¹⁴ “Mlitsun ɔkpa kplanhe amusu, mlóyɔ nkpa ání itamatátó. Ahá kpalobí pé tebí mú. Táme ní mlɔtsun téíhé á múú ɪbu atsónlɛ amusu á, mlóyɔ ɔhíkpa. Ahá tsɔtsɔtsɔ tótsun músú.

Oyí Pú Mú Abi Swiehé

(Luka 6:43-44)

¹⁵ “Mlíkí wankláán ahá ání butɔwá afunu bɛɛ, Bulu ɔnósú atɔípó bɔgyisu. Butepina bwe ɪwɪ fé akúfa ba mlí wá, táme nkpatakuá búbu ɪyin búgyi. ¹⁶ Amó bwehé mlópɔbí amó. Butamakpótí kankaba okplóto oyísú, butamakpótí tsɔkpɔn é tunkpa ɪflasɔ. ¹⁷ Oyí wankláán tosɔwíé abi wankláán. Oyí laláhe é tosɔwíé abi laláhe. ¹⁸ Oyí wankláán méetalí swíé abi laláhe. Alí kén oyí laláhe é méetalí swíé abi wankláán ní. ¹⁹ Oyíá itamasɔwíé abi wankláán á, kún butokun mú dá, wá mú ogyá. ²⁰ Mú alí sɔ á, ɔnósú atɔípó afunupɔ anfi bwehé mlópɔbí amó.

Bulu Iwíegýi Amúto Awiepó

(Luka 13:25-27)

²¹ “Megýí ɔhagyíɔha ání ɔtetí mí ɔbéɛ, ‘Mí Wíé, mí Wíé’ obówie Bulu iwíegýi ámuɔ. Mbóún ɔhá ání ɔtɔbwé mí Sí á múú ɔbu ɔsúsú ámu apé ɔbóyɔ ɪnu. ²² Bulu asón ogyíké amu a, ahá tsɔtsɔtsɔ bífíté mí bɛɛ, ‘Mí Wíé, megýí fú dátó anílɛblí

Bulu ɔ́nó asún, gya ɔ́ɛ laláɛ lé ahátɔ, bwé ofúla é ní?' ²³ Inu nélé bláa amó mbéɛ, 'Mmeyín mli ɔ́kpagyíɔ́kpasɔ. Mlinatɔ tɛi mísó, mli lakpan abwɛpó!'

Butásó pɔ́ Osublúto Obuyi
(Luka 6:47-49)

²⁴ “Mó sɔ ɔ́hagyíɔ́ha ání olonu mí asun blíhé anfi, olegyi músó á, ogyi fé ɔ́tiansipɔ ɔ́kɔ́á oleyi mu obu dínká butásó. ²⁵ Nyankpɔ lótswíɛ, ntsu lóbulá wa mó, atsufú lótsɔn wólí músó, táme imobwie. Tsúfé oleyi mó dínká butásó.

²⁶ “Táme ɔ́hagyíɔ́ha ání olonu mí asun blíhé anfi, omegyi músó á, ogyi fé ɔ́ha mimláɛ ání oleyi mu obu osublúto. ²⁷ Nyankpɔ lótswíɛ, ntsu lóbulá wá mó, atsufú é lótsɔn wólí músó. Obu ámu lobwie, ɔ́ɛda asɔ gbloo!”

Túmid Yesu Bɔ

²⁸ Bréá Yesu léblí asún ání tá á, mu atosunáhé ɔ́ɛha ɔ́nó lobwie ɔ́ɔm amɔ. ²⁹ Tsúfé olosuná amó ató túmisɔ. Omosuná mó fé Mose mbla asunápó amɔ.

8

Ilɔ Pɛpɛ ɔ́lɔpɔ ɔ́kɔ́ Tsá
(Marko 1:40-45; Luka 5:12-16)

¹ Bréá Yesu lékplí tsú ibɔ ámusɔ á, ɔ́ɔm kpɔ́nkpɔ́nkpɔ́ntɔ bobuo mu. ² Inu á, ɔ́lɔ pɛpɛ ɔ́lɔpɔ ɔ́kɔ́ léba bɛda akpawunu mu ayabíto, kókóli mu ɔ́bɛɛ, “Owíé! Ní fótɔsulá á, fétalí há mí iwɔ bɛplí.”

³ Móú Yesu létínkí ibɔ da mu, bláa mu ɔ́bɛɛ, “Natsúlá, fú iwɔ ɔ́plí!” Inu mu iwɔ léplí. ⁴ Móú Yesu léda mu ɔ́lá ɔ́bɛɛ, “Mábla ɔ́haa asún ání. Natɔ laa afɔpɔ fú iwɔ yosuná Bulu igyí ɔ́hapó, afɔha mu iwígyɔ́rátɔ amó Mose mbla losuná tsú ɔ́lɔ pɛpɛtsa iwɔ ámu. Igyi adánsɛ suna ahá ání fú iwɔ laplí.”

Romafɔ Isá Akɔ́pɔ ɔ́handɛ Osúmpɔ ɔ́kɔ́ Ilɔ Tsá
(Luka 7:1-10)

⁵ Yesu lówie Kapernaum wúluto. Romafɔ isá akɔ́pɔ ɔ́handɛ ɔ́kɔ́ léba mu wá, bóbwií ipa há mu ɔ́bɛɛ, ⁶ “Owíé, mí osúmpɔ délɔ. Alasin tsukɔ́ɛ, ɔ́da wóyítɔ ɔ́ɛ iwɔsɔn wúun dɔbɔ.”

⁷ Móú Yesu lébláa mu ɔ́bɛɛ, “Néba bɛtsa mu ɔ́lɔ.”

⁸⁻⁹ Táme ɔ́handɛ amɔ lébláa mu ɔ́bɛɛ, “Owíé, mmɔ́fɔn ání féba mí wóyítɔ. Fú mó bli asɔankɔ, iwɔ bówa mí osúmpɔ amɔ ɔ́nlɔn. Tsúfé mí é mɔ ahandɛ akɔ asɔ, isá akɔpɔ akɔ é bɔbɔ mí asɔ. Nélé ɔ́nó mbéɛ amótɔ ɔ́kɔ́ ɔ́natɔ á, ɔ́ɛnatɔ. Ní mbéɛ ɔ́bá é á, ɔ́ɛba. Tógyítɔá nɛbláa mí osúmpɔ mbéɛ ɔ́bwéé á, ɔ́ɔɔbwé.”

¹⁰ Bréá Yesu lónu asún ání á, ɔ́nó lobwie mu, ɔ́ɛdamlí bláa ahá amó bɔbɔ mu amɔ, ɔ́bɛɛ, “ɔ́nɔkwali ndɛ mli bláa, mmɔ́kúwun ɔ́há ání ɔ́bɔ hógyi kpɔ́nkpɔ́ntɔ ání odu Israelfɔ kóráá kɔ!” ¹¹ Ndɛ mli bláa mbéɛ, “Ahá tsɔtsɔtsɔ bótɔsu owí ɔ́dalíkpa pɔ́ owí ɔ́kplíwíékpá ba, bɛtsiá ató ogyíkpá Bulu iwíegyí ámutɔ, amóa anɔ anáin Abraham, Isak pɔ́ Yakob aná bówa ibɔ gyi ató. ¹² Táme bɛɛ Israelfɔ amóú tɛkɔ bɔgyi Bulu iwíegyí ámutɔ atsiápó amɔ lé inu, tswɔ amó wá oklúntɔ. Inu isú móa kpisíi bɔ nɔ.” ¹³ Móú ɔ́lɛlabláa isá akɔpɔ ɔ́handɛ amɔ ɔ́bɛɛ, “Natɔ, ɔ́bá mótɔ ha fú fú hógyi ɔ́nó.”

Alɔ bré ámutɔ pɛpɛpɛ osúmpɔ amɔ iwɔ lówa mu ɔ́nlɔn.

Alɔpɔ Tsɔtsɔtsɔ Tsá
(Marko 1:29-34; Luka 4:38-41)

¹⁴ Yesu lóyɔ Petro wóyítɔ. ɔ́lɔyɔ á, owísó lakítá Petro mu sia tsíhé, ɔ́da. ¹⁵ Móú ɔ́lɛyékítá ɔ́tsɔ ámu ibɔ. Inu owísó amɔ lókɔsú musɔ, ɔ́lɔbwɛ Yesu afɔ́ɔtɔ.

¹⁶ Mó ntópwesɔ á, bɔpɔ ahá tsɔtsɔtsɔsá ɔ́ɛ laláɛ dé amó háan ba Yesu. ɔ́lɔtɔ́ gya ɔ́ɛ laláɛ amɔ, tsá alɔpɔ amɔ féé. ¹⁷ Inu léha asún amóú Bulu ɔ́nósɔ ɔ́ɔ́pɔ́Yesaia léblí ámu léba mótɔ. ɔ́bɛɛ, “Múlétsa anɔ ɔ́lɔ, tsú ipian kósú anɔsɔ.”

Ahá Aní Bɛɛ Bóbwɛ Yesu Abúopu
(Luka 9:57-62)

¹⁸ Yesu lówun ání ɔdɔm babomlí mu, ɔlebláa mu akasípó amu ɔbée, “Mliha afa Galilea ɔpu yɔ mó ɔbɪn.” ¹⁹ Inu Mose mbla osunápó ɔku lébá mu wá, bebláa mu ɔbée, “Osunápó, nóbuo fu yó ɔtínɛgyíɔtínéá fýɔ.”

²⁰ Yesu lébláa mu ɔbée, “Awíá bubu mbó, mbubwi é bubu asia, támɛ mí, Nyankpɔsa-Mu-Bi ánfɪ mó mma ɔtínéá nópu mí nwun tswɪ.”

²¹ Ahá ámóó bubuo mu amuto ɔku lébláa mu ɔbée, “Owíé, ha mí anyopulá mí sí asa ambobuo fu.”

²² Támɛ Yesu lébláa mu ɔbée, “Bobuo mɪ, afusi awupó abɔpula amó afúli.”

Atsufú Asibá
(Marko 4:35-41; Luka 8:22-25)

²³ Yesu lówie ɔklɔntɔ, mu akasípó amu é bowie buo mu. ²⁴ Bréá bɔyó á, afú kpɔnkpɔɔnkpɔntɪ ku lówa tsóvɪn bɪ. Mó su ntsu dɛda wíé ɔklɔn amuto, ideklé imɛ, támɛ Yesu mó da ɔdɛdɪdɪ. ²⁵ Akasípó amu betsinkí mu, bláa mu bɛɛ, “Anɪ Wíé lɛ anɪ. Anɪdé ntsu wíé!”

²⁶ Móó ɔlefíté amó ɔbée, “Ntogyi só mlidé ifú nya alɪ? Mli hógyi mɔtsó!” Inu ɔlokusó lé ɔnó wa afú móa ntsu ámu, inu fée lɔlvá.

²⁷ Ifú lɛhɪe kítá amó, befité aba bɛɛ, “Nyankpɔsa ɔmɔmu nɪ, afú móa ntsu kóráá tonú mu ɔmɛ alɪ?”

Ŋɛ Laláɛ Gyáa Lɛ Agbedépó Abanyótó
(Marko 5:1-20; Luka 8:26-39)

²⁸ Bréá Yesu lówie Galilea ɔpu ɔbɪn, Gadarafo ɔsulósu á, ayin abanyó akvá ɔɛ laláɛ bu amótó bɛdalɪ tsu afúli opulákpá befia mu. Amó iyɪn su ɔhaa tamatálɪ tsɔn ɔkpa ámusu. ²⁹ Inu bu bɔkplón fité Yesu bɛɛ, “Bulu mu Bi, amansu igyi? Fɛbá bepítɪ anɪ ató asa Bulu ɪsɔbitíbi ifun?”

³⁰ Mprákuo tsɔtsɔɔtsɔ akú bɔdegyí inu fón. ³¹ Mó su ɔɛ laláɛ amu bokokóli Yesu bɛɛ, “Ní fégya anɪ lé ahá ánfɪtɔ á, ha ayowie mprákuo ánfɪtɔ.”

³² Yesu lébláa amó ɔbée, “Mliyɔ.” Inu bu bɛdalɪ ayin ámuɔ yówie mprákuo ámuɔ. Amó fée besrí kplí okúku ku wíé ɔpu amuto, wúwu.

³³ Mprákuo ámu akpapó besrí yó wúluto, yébláa ahá tógyítá ilaba ahá amóó tɛkɪ ɔɛ laláɛ bu amótó ámusu. ³⁴ Mó su wúlu amuto ahá fée bɛdalɪ ba Yesu wá. Bréá bowun mu a, bokokóli mu bɛɛ, ɔdálɪ amó ɔsulósu.

9

Tsukule Osínpu Tsa
(Marko 2:1-12; Luka 5:17-26)

¹ Mó su Yesu léyinkí wíé ɔklɔntɔ, fá ɔpu amu yó wúlu amóó otsie mótó ámusu*.

² Inu á, akú bɔsɔrá tsukule osínpu akpasu ba mu. Bréá Yesu lówun ání bahɔ mu gyi a, ɔlebláa tsukule osínpu amu ɔbée, “Mí bí, klɔn ɪdí fú asɪ. Nasí fú lakpan kíé fú.”

³ Inu Mose mbla asunápó akvá bɔtsie inu, beblí wá nwuntɔ bɛɛ, “Oyin ánfɪ labó mbusuo.”

⁴ Yesu lébɪ amó agywun. Mó su ɔlefíté amó ɔbée, “Ntogyi só mlidé ínɪ odu gywín? ⁵ Mɔmu bówa ablílɛ dɔn? ‘Nasí fú lakpan kíé fú.’ ntée ‘Kusu tsu fú akpa afɔnatɪ?’ ⁶ Támɛ ndekléá mlibú ánɪ mí, Nyankpɔsa-Mu-Bi ánfɪ mbu túmɪ ɔyí ánfɪtɔ sí ahá lakpan kíé amó.” Inu ɔlebláa tsukule osínpu amu ɔbée, “Nde fú bláa mbée, kusu. Tsu fú akpa afɔnatɪ yɔ wóyító!”

⁷ Inu ɔlokusó náti yó wóyító. ⁸ Inɪ lówa amó fée wánwan, bekanfó Bulu ánɪ alapó túmiá igyi alɪ há anyánpɔsa.

* 9:1 Mu wúlu gyí Kapernaum. Kɪ 4:13.

*Mateo Ti**(Marko 2:13-17; Luka 5:27-32)*

⁹ Bréá Yesu lópu ọ́yó á, olowun lampóo ọ́họ́pu ọ́kúá b́tetí mu Mateo tsie lampóo ọ́hókpa. Múú ọ́lebláa mu ọ́bée, “Bobuo mi.”

Inu nu Mateo lókúsó buo mu.

¹⁰ Mateo létí Yesu mva mu akasípó ató ogyíkpa mu wóyító. Lampóo ahópó pú lakpan abwepó tsotsotsó beba ató ámu ogyíkpa. ¹¹ Farisifó ámu benya wun amó alí, befíté mu akasípó amu bée, “Ntogyi só mli osunápo mva ahá ánfí odu b́tawá ibi gyi ató?”

¹² Yesu lónu asún ánfí, ọ́lebláa amó ọ́bée, “Alọ́pu léhián ilọ́ ọ́tsapó, megyí ahá ání iwí bu amó ọ́nlín. ¹³ Mliyo amlíyefíté Bulu asún ánfí b́wanlín tswi anfi asi. Bée, ‘Nwewúun ntekle, megyí igyíha.’ Mmēba aha wankláán ọ́tikpa, lakpan abwepó ọ́tikpa nēba.”

*Ọ́nóklí Iwí Asún Fítéhé**(Marko 2:18-22; Luka 5:33-39)*

¹⁴ Eke ọ́kú Asú Ọ́bopú Yohane akasípó beba Yesu wá befíté mu bée, “Ntogyi só ania Farisifó aniteklí ọ́nó, táme fú akasípó mú b́utamaklí ọ́nó?”

¹⁵ Yesu léle mú ọ́nó ọ́bée, “Ọ́tsi ọ́kpaínpo anyawíeá búbu mu wá b́gyi awírehó? Ekekeke! Táme eke kú b́ba ání b́kpa ọ́ká ọ́tsiápo amu náti sí amó. Alí nke ámutó b́eklí ọ́nó ní.”

¹⁶ “Ọ́haa tamapó tati pópwe tan tati dada. Tsúfē tati pópwe amu b́kpkpí tsií dáda amu kú lé, há ọ́tánkpa inu b́elatéí tsia. ¹⁷ Alí kén b́utamapó nta pópwe wá ọ́wulú-kpákpá kente wuhétó ní. Nta pópwe amu ibófu fá kente amu, tsítsá, ibéyintá kente amu é. Iní sù ọ́wulú-kpákpá kente pópwetó b́tópó nta pópwe wá, méní mú anyó ámu f́éé b́etsiá.”

*Ọ́hande Ọ́kú Mv Bi Mva Ọ́tsi Ọ́kú Ilọ́ Tsa**(Marko 5:21-43; Luka 8:40-56)*

¹⁸ Bréá Yesu d́étóí á, Yudafo ofiakpa ọ́hande ọ́kú léba b́eda akpawunu mu ayabito, kókóli mu ọ́bée, “Mí bí tsihé lawú sésééséí, táme ba afóbopu ibi d́nka musu onya nkpa.”

¹⁹ Mú sù Yesu lókúsó, mva mu akasípó bobuo ọ́hande amu.

²⁰ Ọ́tsi ọ́kúá obugya de mu wólí nfi dúanyó ní lótsun yo Yesu ọ́ma, pú ibi da mu tati osiebí. ²¹ Tsúfē ọ́leblí wá mu nwuntó ọ́bée, “Ní nọ́pó ibi da mu tati kpán á, ilọ́ b́ési mí.”

²² Yesu lédamlí kú mu, bláa mu ọ́bée, “Mí bí, klón idí fú asi. Fó hógyi latsá fú ilọ́.” Inu nu ọ́tsi ámu iwí lówa mu ọ́nlín.

²³ Bréá olowie ọ́hande amu wóyító a, olowun ikpe afolípó, nú awírehó agyípó amu okitikíti. ²⁴ Olegya amó ọ́bée, “Mlídali nfi! Otsibi amu mókówú, dúdí ọ́de.” Ahá ámu b́omási mu. ²⁵ Bréá amó f́éé b́edali ba wunsínésú a, Yesu lébitiwíé obu ámuó otsibi amu da mótó ámutó yékitá mu ibi, ọ́lókúsó. ²⁶ Asún ánfí lékleí wá ọ́má ámutó f́éé.

Ansibi Abwiepó Ilọ́ Tsa

²⁷ Yesu lédali ọ́yó á, ansibi abwiepó abanyó akú bobuo mu, b́ude okitikíti sùrá kpóli mu bée, “Owíe Dawid mu na, wun aní nwé!”

²⁸ Bréá olowie wóyító a, ansibi abwiepó ámu beba mu wá. Yesu léfíté amó ọ́bée, “Mlilahogyi mlíaa, nétalí há mli ansíbi b́óbwií?”

Béle mú ọ́nó bée, “Aní Wíé, Ee!”

²⁹ Múú ọ́lọ́pu ibi dada amó ansíbi, bláa amó ọ́bée, “Ibá mótó ha mli, mli hógyi ọ́nó.” ³⁰ Inu b́owa ató wun bí. Yesu lédá amó ọ́lá ọ́bée, b́omábláa ọ́haa.

³¹ Táme bréá b́edali b́oyó á, b́eda mu ọ́kan ọ́má ámu f́éétó.

Omúmu Ilọ́ Tsa

³² Benya náti ali, bɔpu oyin ɔkúá ɔɛ laláɛ bu mɔtɔ, su alató omúmu ba Yesu.
³³ Olenya gya ɔɛ laláɛ amu lé oyin ámutɔ ali, ɔlɔwa tɔ́ bi. Ahá ámu fée bowun, su ɔnɔ lobwie amú. Mú su beblí bɛɛ, “Animókówun íni odu Israelfɔtɔ kɪ!”

³⁴ Farisifo ámu beblí bɛɛ, “ɔɛ laláɛ owíe túmi ɔɛpɔgya ɔɛ laláɛ lé ahátɔ.”

Ahá Nwewúun

³⁵ Yesu léki awúlu pɔ nkuda fée asɪ, súná atɔ Yudafo ofiakpa. ɔlɛda Bulu iwíegyi ámu iwɪ asun wankláán ɔkan. ɔlɛtsa ɔlɔ kugyíku fée. ³⁶ Bréá olowun ɔɔm amu a, amú asún lɔwa mu nwe. Bugyi fé akúfa áni buma ɔkparú, tsúfé asún de amú háan, buma tɔtɔ bwetɔ. ³⁷ Mú su ɔlebláa mu akasípú ɔbée, “Atɔ kpɔtíhé amu itsɔ, táme mú akpɔtípú bumɔtsɔ. ³⁸ Mú su mlíkòkòli ndɔ mu wie, ɔwa atɔ akpɔtípú tsɔtsɔ abuba bɔkpɔtí atɔ ámu.”

10

Akasípú Amu Adá

(Marko 3:13-19; Luka 6:12-16, 9:1-6)

¹ Yesu létɪ mu akasípú dúanyɔ ámu, ɔleha amú túmi áni bugyi ɔɛ laláɛsu. Bugyáa amú lé ahátɔ, abutsa ɔlɔ mɔ́a iwɪɔsɪn kugyíku. ² Sumbí ayɔpú dúanyɔ ámu adá ní: Ogyankparu gyí Simon áni butɛtí mu Petro muɔ mu pio Andrea. Yakobo muɔ mu pio Yohane áni bugyi Sebedeo abí; ³ Filipino, Bartolomeo, Toma, lampɔ́o ɔhɔpu Mateo, Alfeo mu bi Yakobo, Tadeo, ⁴ Simon áni ogyi iwɪsɔtsiá adunkápú ɔpasuatɔ ɔha pɔ Yuda Iskariot áni ɔlɛɛ Yesu há.

Akasípú Dúanyɔ Amu Sumbíwa

(Marko 6:7-13; Luka 9:1-6)

⁵ ɔlɔwa sumbí ayɔpú dúanyɔ ámu sísí, wá mbla há amú ɔbée, “Mlímáyo ahá áni bumegyí Yudafo ɔsulɔpú pɔ Samariafo awúlu kòkòsu. ⁶ Mboún mliyo Israelfɔ wá. Bugyi fé akúfa áni bafwí. ⁷ Ní mloyá á, mliɔda asún ámu ɔkan mliaa, ‘Bulu iwíegyi amu lawíe wóyí tá.’ ⁸ Mlitsa ɔlɔ, amlitsinki afúli. Mlitsa ɔlɔ pepe alɔpú, amligya ɔɛ laláɛ le ahátɔ. Mlímáhɔ amú tɔtɔ. Mlibwe mú pukie amú, fé aliá napókíe mli. ⁹ Mlímátsu sika kòkòvuku wá mli akentɛtɔ. ¹⁰ Mlímátsu akpankogyo áni mlópu atɔ wá mótɔ há ɔkpa ámu tu. Mlímátsu atadiɛ nyɔɔsi, ntukuta pɔ oyi yiáhé. Tsúfé agyómá ɔyɔpú butɛhá atogyihɛ.

¹¹ “Ní mloyóswú wúlu kugyíkusu á, mliɔdunka ɔha wankláán, amliswu mu wá. Mlitsia unu kpɛfun ekeá mlénatí. ¹²⁻¹³ Ní mlowíe wóyítɔ unu á, mliha amú itsiá mliaa, ‘Bulu ɔhá mli iwílwii.’ Ní wóyí ámutɔfɔ bɔhɔ mli á, mli oyúla amu isín amósú. Táme ní bumɔhɔ mli á, mómó mli oyúla amu isánki ba mliɔ. ¹⁴ Ní bumɔhɔ mli, ntée nú mli asún á, mliɔdalí wóyí ntée wúlu amutɔ, amlíkpa mli ayabitɔ-isɪ wuli unu. ¹⁵ ɔnɔkwali nde mli bláa mbée, Bulu ɔbɛbití amú isɔ dun Sodom mɔ́a Gomorafɔ mu asún ogyíké amu.”

Iwɪɔsɪn Aní Ibéba Sumbi Ayɔpú Amusu

(Marko 13:9-13; Luka 21:12-17)

¹⁶ ɔlɛtrá bláa amú ɔbée, “Mlibi áni nde mli wa fé akúfa áni bɔyɔ nkpatakutɔ. Mlifwifwi ansí fé awɔ, amliha mli iwɪ itɪn fé abróɔma. ¹⁷ Mlíki mli iwɪ wankláán anyánpósasu. Tsúfé békítá mli ya asún ogyíkpa, nwén mli atɔ amú ofiakpa. ¹⁸ Mí su békpa mli ya ɔmáso agyípú pɔ awíe ansítɔ, ménɪ mlégyi mí iwɪ adánsiɛ súná amɔ́a ɔmátɔfɔ. ¹⁹ Ní békítá mli ya a, mli mágywún asún áni mléblí pɔ aliá mléle mú ɔnɔ. Bɔpu asún áni mléblí bré ámutɔ wá mli ɔnɔ. ²⁰ Tsúfé megyí mli ɔbótɔí. Mli Sí ɔɛ ámu ɔbótɔí tsun mliɔ.

²¹ “Apíó béle amú apíó há lowu. Abí así béle amú abí há. Abí é bókòsú líi amú akwípòsɔ, há bómɔ amú. ²² Mí su ahá fée bólu mli, táme ní mlétalí wá klɔn líi kíngíngín yófɔn mú ɔnómɔ á, Bulu ɔbɔhɔ mli nkpa. ²³ Ní buɔɔn mliɔ wúlu kutɔ

pepe alópó iwí deplí. Iṣu atínpu búde asún nu. Afúli búdetsinkí, ahíánfó é búde asún wankláán ámu nu. ⁶ Bulu obóyulá ḡhá ání mí bwehé mǎkúṣó líí mṣu.

⁷ Bréá Yohane akasípó ámu beyinkí bǎyó á, Yesu lówa tǎí tsú Yohane iwí súná ǎḡm amu bɪ. Ǫbéé, “Bréá mlílédalí yǎ dimbísó inu á, ntǎ ǎkíkpa mlílóyǎ? Fítáa ání afú de mó tsúṣn lóó? Ekekeke! ⁸ Ní megyí mó á, ntǎ kóún ǎkíkpa mlílóyǎ? Ǫhá ání ǎḡdí ntsrim? Ekekeke! Awíe wóyí atati ámu odu ǎḡḡápó bṭetsiá. ⁹ Mlibla mí! Bulu ǎnósó ǎḡípó mlílédalí yéki? Ee, Yohane nɪ. Ǫḡn Bulu ǎnósó ǎḡípó. ¹⁰ Mu iwí asún Bulu léblí bǎwanlín mó tswí bée, ‘Kí, nde obí wa gya fu nkpá. Mu ǎbéla ǎkpa há fú ní.’ ¹¹ Ǫnǎkwali nde mli bláa mbée, ǎhagyíḡha ání ǎha tshé laken kwí mófṣn Asú Ǫbǎpó Yohane, táme mu é ǎmṣṣn Bulu iwíegyi ámuṡǎ ǎkúṣu kóráa. ¹² Tsú Yohane brésó bǎṡu nde á, ahá búde Bulu iwíegyi ámu príi ǎwṡnlínsó. Awṡnlínpu búde mó príi. ¹³ Tsúfé Bulu ǎnósó ǎḡípó amu pú Mose Mbla ámu bǎṣn Yohanesu féé bǎṡí tsú Bulu iwíegyi ámu iwí. ¹⁴ Ní mlóḡ asún ámu gyi a, mómu mlébi ání mu gyí Elia. Mu ǎbéba nɪ. ¹⁵ Ǫhá ání ǎḡu asu onúu.

¹⁶ “Sei ánfí á, amendi nǎpu ndemba-abí ánfí kápó? Buggy fé nyebíá butsie dṡṣu búde aba kpolí, ¹⁷ blí bée, ‘Anílapléi ansigyísó, mlimétsa. Mó ṣu anílalá wá awírehǎ ilu, táme mlimósu.’ ¹⁸ Mligyi fé nyebí ánfí, tsúfé Yohane léba á, oletsiá klí ǎnó, omonu ntá, táme mliaa, ‘Ǫḡe laláhe bu muṡǎ!’ ¹⁹ Táme mí, Nyankpṡsa-Mu-Bi ánfí mó naba nde ǎṡó gyí, nde ntá núu. Mó é mliaa, ‘Mlikí opotsuapu pú nta ǎḡupó, lakpan abwepó pú lampóo ahópu onyawíe.’ Táme Bulu ǎha tsiátó telé mu nyánsa ǎwan.”

Ahá Aní Bumedamli Klntǎ Asóngyi (Luka 10:13-15)

²⁰ Yesu lópu ǎbló tǎí tsú awúlu aku iwí. Awúlu amúá ǎḡbwe ofúla akpǎnkpǎntí mótó, táme bumedamli klntǎ ámu. ²¹ Ǫbéé, “Korasinfǎ, mligyṡwi. Betsaidafǎ, mligyṡwi ní. Ní Tiro pú Sidon awúlu laláhe amúṡǎ ǎḡbwe ofúla akpǎnkpǎntí ánfí ǎḡbwe mliṡǎ á, tekí bédamli klntǎ dodoodo. Tekí buḡa akpekpetǎ, bakpá nsúó wá nwuntǎ pǎsúná ání badámli klntǎ. ²² Mlibi ání Bulu ǎbébití mli iṣu mu asún ogyíké dṡn Tiro móa Sidonfǎ. ²³ Mli Kapernaumfǎ, mlíḡklé mliaa mlótsu iwí fúá alu yǎwǎ ǎsúsó? Ekekeke! Bulu ǎbéba mli así yówie afúlitǎ. Tsúfé ní Sodom wúlutǎ ǎḡbwe ofúla akpǎnkpǎntí ánfí odu á, tekí wúlu amu itráa bu inu bǎṡu nde. ²⁴ Mlikain ání Bulu obówun Sodomfǎ nwe asún ogyíké amu dṡn mli.”

Mlibeda Ǫkpónú Mí Wá (Luka 10:21-22)

²⁵ Alí bré ámuṡǎ á, Yesu lóḡ mpái blí ǎbéé, “Mí Sí, ǎsú mu aṡi Owíé! Nedá fú ipán ání falé tǎá fǎpuḡáín anyansapu pú asún abípó ǎwan súná ahá ání bume yín ǎlala, buggy fé nyebí. ²⁶ Ee, Mí Sí! Alí fṡdeklé fée ibá mótó ní.”

²⁷ “Mí Sí lópu tógyító wá mí ibitǎ. Ǫhaa méyín Obí ámu, nkéti Ǫsí ámu nkṡle. Ǫhaa méyín Ǫsí ámu é, nkéti Obí ámu pú ḡhá ání Obí ámu latsúlá ání ǎbéle mu súná mu.”

²⁸ “Mliba mí wá, mli ahá ání ilapíán mli, mli ǎṡṡuráhé de mli dṡṡn. Néha mléda ǎkpónú. ²⁹ Mliba iwíasi ha mí, amlisuan mí, tsúfé neba iwíasi, nolwii, méní mlénýa iwilwii. ³⁰ Tsúfé mí wá tsiá bu atsiálé. Mí ǎṡṡuráhé é móḡḡṡn mli surá.”

12

Ǫkpónú Ǫdaké Mu Wie (Marko 2:23-28; Luka 6:1-5)

¹ Yesu mva mu akasípó bətsun ayó ndə kuto əkponú ɔdaké. Akón de akasípó amu, su bəpəsáa ayó ámu ku wí. ² Farisifo aku bowun amú, bebláa Yesu bée, “Kí, fú akasípó amu bude t́á mbla meha əkpa bwe əkponú ɔdaké!”

³ Yesu léfité amú ɔbée, “Mlímókúkla nu t́á Owíe Dawid lóbwe bréá akón de mva mu abúopu kí? ⁴ Olebitíwíé Bulu osúmka yótsu bodobodoá bapóhá Bulu igyí ba, mva mu abúopu amu begyi. Bulu igyí ahapó nkule beha əkpa, butegyí alí bodobodo amu. ⁵ Mlílakla Mose Mbla, nú ání Bulu igyí ahapó ámu butáyó agyómá Bulu ɔtswékpa inu əkponú ɔdaké, táme butamahá amú ipón. ⁶ Nde mli bláa mbée, ɔhá ání ɔdun Bulu ɔtswékpa amu búu nfi á. ⁷ Bulu asón leblí ɔbée, ‘Nwewúun ntekle, megyí igyíha.’ Ní mliyin mó así á, teki mli mééha ahá ánfí amú asón da əkpa ánfí ipón. ⁸ Tsúfé mí, Nyankpusa-Mu-Bi ánfí gyí əkponú ɔdaké mu wie ní.”

Ilatsa Ɔkpónú Ɔdaké

(Marko 3:1-6; Luka 6:6-11)

⁹ Yesu lenatí inu, ɔɔyɔ Yudafo ofiakpa. ¹⁰ Olowun oyin ɔkúá mu ibi kule lawú inu. Farisifo ámu bude Yesu téé. Mú su befité mu bée, “Mbla leha əkpa ání bətsáa ilo əkponú ɔdaké?”

¹¹ Mú Yesu léfité amú ɔbée, “Ní mli to ɔku bu kufa, alakpádá wíe ibúntó əkponú ɔdaké á, ɔmééle mu? ¹² Yée nyankpusa bu labi dun kufa a? Mú su mbla leha əkpa ání ɔha ɔbóbwe yilé əkponú ɔdaké.” ¹³ Mú ɔlebláa oyin ámuú mu ibi lawú ámu ɔbée, “Tinkí fú ibi amu.”

Olenya t́inkí mó alí pé, ɔɲé lowie mótó fé nyɔɔsi amu. ¹⁴ Táme mó ó á, Farisifo ámu bedali yékitá agywun alá bóbwe bómɔ Yesu.

Osúmbi Aní Bulu Léle

¹⁵ Yesu lébi amú agywun. Mú su ɔlenatí inu. Ɔdom bobuo mu, ɔetsa amútó alɔpu f́éé ilo. ¹⁶ Mú ɔleda amú ɔlá ɔbée, bumáha ahá abubi mu. ¹⁷ Iní léha asón ámuú Bulu ɔnósó ɔtɔ́pó Yesaia léblí yáí ámu léba mótó ní. ¹⁸ Ɔbée, “Kí, mí osúmpóá nalé ní.

Ntɔdwé mu, mí ansí tegyi mu iwí.

Nópu mí Ɔɲe Wankíhé wá muto.

Ɔbebláa ɔmátófo ɔbée, ‘négyi amú asón ɔnɔkwalisu.’

¹⁹ Oméegyí nwéen, ɔmóɔkplón.

Ɔhaa móonu mu ɔnó brɔnusu.

²⁰ Obénýa klɔn há ahá ání amú hógýi ɔnó ma ɔnlɔn,

bábwé fé oyíá ɔlatá bia tá.

Ɔbówa awítɔle há ahá ání buma ɔwɔnlín,

bábwé fé ɔkandíéá nfo latá mótó,

yófɔn bréá bébi ání ntegyi asón ɔnɔkwalisu.

²¹ Ahá ání bumegyí Yudafo b́opu ansí dínká musu.”

Yesu Mva Beelsebul

(Marko 3:20-30; Luka 11:14-23)

²² Inu b́opu oyin ɔku ba Yesu, ɔɲe laláhe bu muto. Mú su leha mu ansíbi lobwie; álató omúmu é. Yesu létsa mu ilo, ɔde ató wúun, ɔdetɔ́i é. ²³ Ɔnó lobwie ahá ámu f́éé, befité bée, “Megyí Dawid mu na ámu ní?”

²⁴ Táme Farisifo ámu bonu asón ánfí á, beblí bée, “Ɔɲe laláhe owíe Beelsebul túmi ɔdepugya ɔɲe laláhe lé ahátó.”

²⁵ Yesu lébi amú agywun. Mú su ɔlebláa amú ɔbée, “Iwíe ogyíkpa ání ɔlaye anyɔ, bude aba kɔ bédida. Alí kén wúlu ntée wóyí oduá mótó atsiápó bude aba kɔ é itobwíé ní. ²⁶ Mú su ní Ɔbunsám dé mu iwí gyáa a, mu iwíegýi bédida.

²⁷ Ní Beelsebul túmi ndepugya ɔɲe laláhe lé ahátó á, mó mó ma túmi mli abí é budepugya ɔɲe laláhe lé ahátó? Mli abí ámu onutó obégyi mli asón. ²⁸ Táme

íniá Bulu Ɔhe ndepugya Ɔhe laláhe su á, mlibi áni Bulu iwíegyi ámu laba mli wá dodo.”

²⁹ Ɔhaa méetalí wíe ɔwɔnlínpo wóyító yókulá mu ató, nkéti alagyangkpá kíkli mu tswi, asa ɔbétali kólá mu ató fée.

³⁰ Ɔhá áni omobuo mi dé mí lu. Ɔhá áni ɔmedé mí tsa akpa ahá ba Bulu é dé amó gyáa teía mi. ³¹ Inu su nde mli bláa mbée, Bulu obési ahá lakpan pó abususu kugyíku kíe amó. Táme ní ɔku ɔbli Ɔhe Wankíhé amu iwi abususu a, Bulu méesikié mu ekekeke. ³² Ní ɔku lébli mí, Nyankpɔsa-Mu-Bi áni é iwi asun laláhe a, Bulu ɔbétali sikié mu. Táme ní ɔku lébli Ɔhe Wankíhé amu iwi asun laláhe mó á, Bulu méesikié ɔhá ámu nde ɔyi kehe, ntée bré amóó ibá ámutó.

Tsidító Itsú Iklvnto (Luka 6:43-45)

³³ Oyí abí butɔpúbí mó. Oyi wankláán toswíe abi wankláán. Oyi laláhe é toswíe abi laláhe. ³⁴ Mli awɔ abí-aná! Nkálí mli aha laláhe mlétali bí asun wankláán? Tsúfɛ tóá idun ɔha klɔn a, mótédáli tsu mu ɔnó. ³⁵ Ɔha wankláán tebli asun wankláán tsú mu klvnto, ɔha laláhe é tebli asun laláhe tsú mu klvnto.

³⁶ Nde mli bláa mbée, ɔhagyíɔha ɔbéle asun laláhe kugyíkúá ɔlebli ɔnó Bulu asún ogyíké amu. ³⁷ Tsúfɛ ɔha asun blíhé Bulu ɔbópɔhá mu asu ntée ipón.

Bodunká Ofúla (Marko 8:11-12; Luka 11:29-32)

³⁸ Móó Farisifo pó Mose mbala asunápo amu aku bebláa Yesu bee, “Osunápo, anidéklé aníaa fɔbwée osúna ku suna aní.”

³⁹ Ɔlebláa amó ɔbéle “Mli ndemba-abí laláhe áni mliladáli Bulu ɔma. Mlidé osúna dunká amliwun, táme mlimóowun kukvuku dun Bulu ɔnósú ɔtópó Yona osúna amu. ⁴⁰ Alí amóó Yona létsiá bonsu iwi nkensá, ɔpa móa onyé ámu a, alí mí, Nyankpɔsa-Mu-Bi áni é nétsiá ɔsolúu ɔtótó nkensá, ɔpa móa onyé ní. ⁴¹ Niniwefo é bókusú Bulu asún ogyíké amu, há mli ndemba-abí áni ipón. Tsúfɛ bréá Yona léda Bulu asún ɔkan súná amó á, bedamli klvnto ba Bulu wá. Mliki, ɔhá áni ɔdun Yona onutó lí nfi á. ⁴² Seba owíe tsihé ɔbókúso lí Bulu asún ogyíké, há mli ndemba-abí áni ipón. Tsúfɛ olotsu ɔsaasi ɔmá ikvto kéin gya ɔkpa ba, bonu Salomo nyansa atosunáhé. Mliki, ɔhá áni ɔdun Salomo lí nfi á.”

Ɔhe Laláhe Yinki Ba Ɔhato (Luka 11:24-26)

⁴³ “Ní Ɔhe laláhe idáli ɔhato á, iteyéki dimbísú dúnká ɔkpónó ɔdakpá, táme itamanyá. ⁴⁴ Inu itebli áni ibeyinki yó mó wóyí dadato. Ní isánkí yó á, itowun áni baféi mótó, lá mótó wankláán, ida kpan. ⁴⁵ Iteyínki yékpa mó aba asienó áni butɔbwé lalahe dun mó, buteba betsiá inu. Inu ɔhá ámu tsiátó teyintá dun alí igyi yái. Alí ibéba ha mli ndemba-abí laláhe anfi ní.”

Yesu Abusuanfo Onutó (Marko 3:31-35; Luka 8:19-21)

⁴⁶ Bréá Yesu trá ɔde ahá ámu asún bláa a, mu yin mua mu apíó beba belí kpankpá, bodedunká áni bebláa mu asún. ⁴⁷ Ahá ámutó ɔku lébláa Yesu ɔbéle, “Kí, fú yín mua fú apíó bulí kpankpá. Bude fú dunká, abubla fu asún.”*

⁴⁸ Móó Yesu léfité mu ɔbéle, “Amendi gyí mí yín mua mí apíó?” ⁴⁹ Inu ɔletínki ibi sísi mu akasípo amu, bí ɔbéle, “Mliki, mí yín mua mí apíó gyí ahá áni á. ⁵⁰ Ɔhagyíɔha áni ɔtɔbwé mí Sí amóó ɔbu ɔsúsú ámu apé á, mugyí mí yín móa mí pío ní.”

* **12:47** Mótó yée **47** uma nwoló dada amu akvto.

13

Ató-abí Owunyápu Iwí Yébi

(Marko 4:1-9; Luka 8:4-8)

¹ Eke ámu kén á, Yesu lédali tsu wóyító yétsiá opu onó. ² Odòm kpònkpònkpònti beba befia bomlí mu. Mú su òlòdu wíé òklòntò, yétsiá opu amusu, ahá ámu é bolí opu onó mu. ³ Inu olosuná amó ató tsòtsòtsò ayébitò òbée, “Òdòtòpu òku lóyo ató-abí owunyákpa. ⁴ Bréá òde mú wunyáa a, òku lówolí òkpatò, mbubwi beba bòtswetswée mú fée. ⁵ Iku é lówolí abutású, òtínéá isí kpalobí dín. Mú su òlòwa òsa kwe, ⁶ táme bréá owí lèlín a, òlòtò mú mó, tsúfè mú nlín mọyo òtótó. ⁷ Abí ámu ku lobun awutò, awu ámu lòbulá kítá mú. Mú su imedan. ⁸ Táme abí ámu ku é lobun òsulùw wankláánsú, òlòkwe, dan, swie abí. Iku lafa (100), òku aduesie (60), òku é advasa (30).”

⁹ Yesu lómò mu asún onó òbée, “Òha ání òbo asu onúu!”

Tóá Sùá Yesu Lótóí Ayébisu

(Marko 4:10-12; Luka 8:9-10)

¹⁰ Mu akasípò amu beba befítè mu bée, “Ntogyi só fude amó asún bláa ayébisu?”

¹¹ Múú òlèlè mú onó òbée, “Mlí mú á, Bulu lahá mlí òkpa òbée, mlíbí mu iwíegyi ámu iwí asún òaínhé, táme òmeha amó mú alí. ¹² Tsúfè òhá ání òdekléa obónu mí atosunáhé amu así á, Bulu òbòpu òku tsíá mótó há mu, méní òbétra bí tsíá mótó. Táme òhá ání òmedékléa obónu mú así á, Bulu òbòswí mu kpalobí ámúú alabí ámu kúráá. ¹³ Tóá sùá nde amó asún bláa ayébisu gyí, bode mú nu, táme bumedé mú así nu. Bode mú wúun, táme bumedé mú bí. ¹⁴ Ahá ánfí só Bulu onósú atóipó Yesaia asún ání òleblí tswíi laba mótó ní. Òbée, ‘Bónu lánú, táme bómóonu mú así.

Béki láki, táme bómóowun mú.

¹⁵ Tsúfè amó agywun lawú.

Batílá asu, bun ansíbi é.

Iní su bómóonu, bómóowun é.

Ní megyí alí á, teki bówun ató,

bónu asún, amó agywun bóbwií,

bédamlí ba mí wá, nésa amó òlò.’

¹⁶ “Táme mlí mú á, Bulu layúlá mlí. Mlétalí pò ansíbi wun ató, pò asu nú asún. ¹⁷ Ònòkwali nde mlí bláa. Bulu onósú atóipó pò yilé abwepò tsòtsòtsò bekleá bòpu amó ansíbi wun ató ánfí, abòpu amó asu nu asún ánfí mlídenú, táme bomenya mú alí.

Ató-abí Owunyápu Yébi Amu Así

(Marko 4:13-20; Luka 8:11-15)

¹⁸ “Mlínu ató-abí owunyápu yébi amu así ngya. ¹⁹ Ahá ání bonú Bulu iwíegyi iwí asún ámu, táme bomonu mú así á, bogyi fè abí ámúú ilobun òkpatò ámu. Òbònsám teba belee asún ámúú bodu wá amó klòntò ámu náti. ²⁰ Abí ámúú òlòwólí abutású amu gyí ahá ámúú bonú asún ámu pé, bahò mú ansigyísú, ²¹ táme ínía buma nlín su á, itamatsiá amótó yó. Mú su ní budín amósú ntée iwíwosín ku itó amó asún ámu su á, inunu botedída. ²² Abí ámúú òlòwólí awutò ámu gyí ahá ámúú bonú asún ámu a, bahò mú, táme oyí ánfítò ató hiánhe iwí gywún pò mótó atonyahé iwí ònsípe tegyi Bulu asún ámusu. Iní su butamaswíé abí. ²³ Abí ámúú òlòwólí òsulùw wankláánsú amu gyí ahá ámúú butonú asún ámu, nú mú así. Iní su itehá butòbwé yilé fè alíá ató-abí ámu loswie, òku lafa (100), òku aduesie (60), òku é advasa (30) ámu.”

Ató-abí Wankláán Pó Ifa Laláhe Iwí Yébi

²⁴ Yesu létrá ha ahá ámu yébi kú òbée, “Bulu iwíegýí ámu igýi fée òdòtòpù òkúá oloyódu ayó wankláán mu ndòtò. ²⁵ Táme onyé, bréá ahá bédí á, mu olupó lóyódu ifa laláhe ání ìlèlián ayó ámu wá mótó, òlènatí. ²⁶ Bréá ayó ámu lédán, ìdèkwí á, ifá ámu é lèlín òwan mótó. ²⁷ Òdòtòpù ámu apafò botsu ndò ámutò ba bẹfité mu bée, ‘Aní wíé, megýí ayó fodu wá fú ndò ámutò? Nkónú ifa laláhe é itsú mótó?’ ²⁸ Múú òlèbláa amú òbée, ‘Mí olupó bwehé ní.’ Inu bẹbláa mu bée, ‘Ní fòtsulá á, ha ayetsitsíi mó lè ayó ámutò.’ ²⁹ Òlèbláa amú òbée, ‘Ò-o! Mlíha mó itsia. Ní mlídé mó tsíí á, mlétsíí mí ayó ámu é kú tsítsá. ³⁰ Mlísi mó fée ìlú yòfun mó tínbí. Ní ifun a, nébláa mó atínpu mbée, bogyánkpa sain ifa laláhe ámu, abúkí mó tswí ha mó ogyá wa, asa abutin ayó ámu yòwa mí odudutò.’ ”

Takyí-akpin Ibi Yébi

(Marko 4:30-32; Luka 13:18-19)

³¹ Yesu létrá ha amú yébi òbée, “Bulu iwíegýí ámu igýi fée takýí-akpin ibí, oyin òkú lódu wá mu ndòtò. ³² Múgyí túkúríbí nyí-abí féeétò ní, támé ní ìdán a, itòbwé ifá fúáhé dùn ifá kugýíkú. Mú abámbi tekpíkpli, mbubwí butogyónká músú.”

Bodobodotu-afá Yébi

(Luka 13:20-21)

³³ Yesu létrá ha amú yébi kú òbée, “Bulu iwíegýí ámu igýi fée bodobodotu-afá ání òtsí òkú lópútsiá bodobodo nfúó kènté kùlè, ìlèha mó lotu.”

Yesu Lótóí Ayébisu

(Marko 4:33-34)

³⁴ Ayébi anfi odu tsòtsòtsò oletsíá pòbláa òdòm ámu asún ní. Òmèbláa amú asún kùkúá imegyí ayébi òlòpútsí. ³⁵ Iní lèha asún ámuó Bulu ònósú òtòipú òkú lèblí yáí ámu lèba mótó. Òbée,
“Nótóí ayébisu

pólé asún ání Bulu lópùḡáín tsú oyí asítsuábí òwan.”

Ifa Laláhe Yébi Ámu Así

³⁶ Yesu lénatí òdòm ámu wá ba wóyító. Múú mu akasípú ámu bọyò mu wá yébláa mu bée, “Lè ndò ámutò ifa laláhe iwí yébi ámu así suna aní.”

³⁷ Múú Yesu lèlè mó ònó òbée, “Mí, Nyankpusa-Mu-Bi ánfí gyí ató-abí wankláán odupó ámu ní. ³⁸ Ndò ámu gyí oyí ánfí. Ató-abí wankláán ámu gyí Bulu iwíegýí ámutò abí. Ifa laláhe ámu gyí Òbunsám abí. ³⁹ Olupó ámuó olodu ifa laláhe abí ámu gyí Òbunsám. Atótínbí ámu gyí oyí ònómàké. Ató atínpu ámu é gyí Bulu-abòpu.

⁴⁰ “Alí ámuó besáín ifa laláhe ámu, wá mó ogyá ámu a, alí kén ìbèba ha aha laláhe oyí ònómàké ámu ní. ⁴¹ Mí, Nyankpusa-Mu-Bi ánfí nówa mí abòpu békpa tógyítóá itehá òha tòbwé lakpan pò lalahé abwepó fée lè mí iwíegýí ámutò. ⁴² Bòtswí ámu fée wá ogyá kpònkpòntitò. Inú isú múa kpisíi bu ní. ⁴³ Táme yilé abwepó mó bówankí fée owí ámu Sí Bulu iwíe ogyíkpá unu. Òhá ání òbu asu onúu.”

Siadié Méntíhé Iwí Yébi

⁴⁴ Yesu létrá ha amú yébi kú é òbée, “Bulu iwíegýí ámu igýi fée siadié kúá bopulá òsulúu kusu. Oyin òkú léyémentí mó, lánjáín mó. Mó iwí ansigyí su á, òlèyéfè mu ató fée pùbòhò òsulúu ámu.”

Abutó Wólíhe Iwí Yébi

⁴⁵ Bulu iwíegýí ámu itráa gyi fée ibiá ogyípú òkúá òna òdè abutó wólíhe dunká òhò. ⁴⁶ Bréá olowun butóbi wólíhe kùlè péá ihíé bu ibiá á, òlèfè mu ató fée pýóhò butóbi ámu.

Asawu Iwí Yébi

⁴⁷ Bulu iwíegyi ámu léla igyi fé asawu ání bɔtswi wa ɔputɔ lé aye ɔtsan-ɔtsan.
⁴⁸ Bréá aye lobulá mú á, aye alepó ámu bebitia mú ba ɔpu ɔnó. Betsiá asi, t́śi gyíhe amu wá blanwétó, tswi múá butamagyi tsítsá. ⁴⁹ Alí íbéba ɔyí ɔnómaké ámu ni. Bulu-abɔpu béba bɔt́śi aha laláhe lé aha wankláántó. ⁵⁰ Fówun batswi aha laláhe amu wá ogyá kpɔnkpɔntitɔ. Inó isú móa kpisíi bu ni.

Atonyahé Pɔpwe Ḿba D́da

⁵¹ Yesu léfité mu akasípó ɔbéé, “Mlilanú mó féé asi?”

Bee, “Ee, anlanú mó asi.”

⁵² Ḿú ɔlebláa amú ɔbéé, “Ḿmú mbla osunápó oduá alakási Bulu iwíegyi ámu iwi asón é bí á, ogyi fé wóyí mu wie oduá ɔtelé atɔ pɔpwe ḿba d́da féé tsú mu ató ɔyaikpá.”

Bum̃hɔ Yesu Mu Wúlutɔ (Marko 6:1-6; Luka 4:16-30)

⁵³ Yesu lénýa mó mu ayébi amu ɔnó alí, ɔlenatí inu. ⁵⁴ Oleyinkí yó mu onutó wúlutɔ Nasaret, oloyósuná ató Yudafo ofiakpa. Mu atosunáhé léha ɔnó lobwie ahá ámu féé. Mú su befité aba bee, “Nkónó olenya nyánsa móa ofúlabwe túmi ánfí é tsú? ⁵⁵ Megyí ató osrépó mu bi ámu ni? Megyí mu yin gyí Maria, mu apio yinhé gyí Yakobo mva Yosef pó Simon mva Yuda? ⁵⁶ Yéé ania mu apio tsihé tsie nfi á? Ḿú nkónu olenya íni féé tsú?” ⁵⁷ Iní su mu asón lókúsú líi amósú.

Yesu lébláa amú ɔbéé, “Ahá butobú Bulu ɔnósú ɔt́pó ɔt́nɛgyíɔt́nɛ, táme mu onutó wúlutɔfo pó mu wóyító ahá mó butamabú mu.” ⁵⁸ Iníá bum̃hɔ mu gyi su á, ofúla kpalobí ku pé ɔlabwe inu.

14

Asú ɔbɔpó Yohane Lowu (Marko 6:14-29; Luka 9:7-9)

¹ Galilea ɔḿsú ogyípó Herode lónu Yesu iwi asón alí bré ámutɔ. ² Ḿú ɔlebláa mu asúmpó ɔbéé, “Asú ɔbɔpó Yohane amu ni. Mólákúsú tsú afúlitɔ. Mú sú ɔde ofúla anfi odu bwe ní.”

³⁻⁴ Bré kutɔ á, Yohane létsiá bláa Owíe Herode ɔbéé, mbla meha ɔkpa ání otsiá mu pio Filipo mu ka Herodia. Iní su Herode léha bekítá Yohane, wá mu íkan, pó mu wá obu. ⁵ ɔlabwe agywun ání ɔbóm̃ Yohane, táme olenya ahá ámu ifú, tsúfé butobú Yohane ání Bulu ɔnósú ɔt́pó ogyi.

⁶ Táme eke ɔkúá Owíe Herode dé mu ɔkwíké gyí a, mu ka Herodia mu bi tsihé lóbowie ɔbuntɔ tsa Herode mva mu ahande ansító. Mu itsáa amu lówa owíe amu ansigyí. ⁷ Mú su ɔleka nta ɔbéé, ɔbéha mu tógyítá odeklé.

⁸ Otsibi amu mu yin léha mu ɔlebláa Herode ɔbéé, “Ndekléa fupó Asú ɔbɔpó Yohane nwun d́nka ilínsú ha ḿ sésééséi.”

⁹ Asón ánfí léhie han Herode, táme mu nta amú ɔleka, pó ahá amú bubu inu ámu su á, ɔleha mu ahá ɔt́npu ɔkpa ɔbéé, ɔbwéé t́á otsibi amu lafité ha mu.

¹⁰ Ahá ɔt́npu amu léyetin Yohane nwun obu ɔdikpá inu. ¹¹ Ḿú ɔlɔpu nwun ámu d́nká ilínsú ba otsibi amu, mu é ɔlɔpuya mu yin Herodia. ¹² Asú ɔbɔpó Yohane akasípó beba botsu mu satin yópulá. Mú ɔma a, b́yɔ yébláa Yesu asón ání ilaba.

Ahá Mpím-nu Atogyihe Ha (Marko 6:30-44; Luka 9:10-17; Yohane 6:1-14)

¹³ Yesu lénýa nú asón ámu alí, olowie ɔkluntɔ, fá ntsu yétsiá ɔt́nekú mu nkule. Táme ɔd̃m ámu bebi ɔt́nɛá ɔyó. Mú su benatí ayabitɔ tsú amú awúlusu gya mu nkpá. ¹⁴ Bréá ɔlekplí dalí ɔklon amutɔ, wun ɔd̃m kpɔnkpɔnkpɔnti á, amú asón lówa mu nwe. Mú su ɔletsa amótó alɔpu.

¹⁵ Owí lɔpɔn a, akasípó amɔ beba mu wá bebláa mu bee, “Dimbísú nfi gyí, owí é deta. Mú sɔ ha amó abɔyɔ awúluá ɔbɔ bomlí nfi así yɔhɔ tɔku gyi.”

¹⁶ Táme Yesu léle mó ɔnó ɔbéé, “Imehián ání bóyɔ. Mlɔdunka tɔku ha amó abɔgyi.”

¹⁷ Mu akasípó amɔ bebláa mu bee, “Tóá anɔbu fée gyí bodobodo apin anu pɔ ntsutso iye bwáhé anyɔ pé.”

¹⁸ Yesu lébláa amó ɔbéé, “Mlɔtsu ba mɔ.” ¹⁹ Mú ɔleha ahá ámu betsiatsía ɔfa bɔbwɛ amɔsu. Inu olotsu bodobodo anu pɔ ntsutso iye bwáhé anyɔ ámu. Inu olotsu ansí fúá kɔ ɔsúsú, ɔleda Bulu ipán. Mú olehiabía bodobodo amɔtɔ há akasípó amɔ, amó é beye mó ha ahá ámu fée. ²⁰ Amó fée begyi mwɛ sian. Akasípó amɔ bɔtɔsí síanhɛ amɔ. Ilɔbulá alakpá dúanyɔ. ²¹ Ayin ání begyi ató ámu nkɔle bugyi fɛ mpím-nu (5,000). Bɔmekla atsi móa nyebí mó.

Ɔpɔsu Natí

(Marko 6:45-52; Yohane 6:15-21)

²² Mú Yesu léha akasípó amɔ ɔbéé, bɔwíe ɔklɔntɔ, abɔgyankpa fa ɔpu amɔ yɔ mó ɔbɔn. Mu mó olesin ɔma sí ahá ámu ɔkpa. ²³ Bréá olesi amó ɔkpa tá á, ɔlɔdu yɔ bɔsu yɔbɔ mpái. Mu nkɔle oletsiá inu yɔfɔn owi tahé. ²⁴ Alɔ bré ámɔtɔ á, ɔklɔn amɔ lawíe ntsu nsiné. Ilefia afú kpɔnkpɔntɔ kɔ, ɔpu amɔ lówa dabi.

²⁵ Bake-bake a, Yesu lénatí ntsu ámɔsu ayabitɔ buo amó. ²⁶ Bréá bowun mu, ɔna ɔpu amɔsu á, benya ifú sɔrá okitikítí, blí bee, “Fúli ogyi.”

²⁷ Táme ɔlɔwa ɔsa bláa amó ɔbéé, “Mlɔwa klɔn. Mí ní. Mlɔmánya ifú.”

²⁸ Petro lébláa Yesu ɔbéé, “Mí Wíé, ní fú ní mó á, ha mí é annatɔ ɔpu amɔsu bɔtu fú.”

²⁹ Yesu lébláa mu ɔbéé, “Natɔ ba.” Petro lédalɔ ɔklɔn amɔtɔ ɔna ɔpu amɔsu ɔyɔ Yesu wá. ³⁰ Táme bréá olowun alíá afú ámu ɔnó bu ɔnlin á, ifú lowie mu ayetɔ. Mú sɔ ɔlɔwa me bi. Mú ɔlɔkplɔn kpólí Yesu ɔbéé, “Mí Wíé, hɔ mɔ!”

³¹ Inu Yesu létinkí ɔbɔ kítá mu, bláa mu ɔbéé, “Fú hógyi mɔtsó. Ntogyi sɔ fúde nwéen gyí?”

³² Benya dú wíé ɔklɔn amɔtɔ alɔ, afú ámu léka itin. ³³ Inu ahá ámó bɔbu ɔklɔn amɔtɔ ámu beɔa akpawunu Yesu ayabitɔ, blí bee, “Lélé, Bulu mu Bi fógyi.”

Genesaretɔ Alɔpu Tsa

(Marko 6:53-56)

³⁴ Yesu muva amónyɔ befa ɔpu amɔ yési Genesaret ɔsubúno. ³⁵ Bréá inufo bebi ání mu ní á, bɔwa abí ya amó awúlu féesú, há amó bɔpu alɔpu fée ba mu.

³⁶ Bokokólí Yesu bee, ɔhá alɔpu amɔ abɔpu ɔbɔ da mu atadie ɔdanó kpán. Amóá bɔpu ɔbɔ da mó fée benya ɔlɔtsá.

15

Atɔfɔ Amándíé

(Marko 7:1-13)

¹ Mó ɔma a, Farisifo pɔ Mose mbla asunápó aku botsu Yerusalem ba Yesu wá, befité mu bee, ² “Ntogyi sɔ fú akasípó amɔ bɔtamagyi anɔ anáin amándíésú. Bɔtamafwí ɔbɔ amándíé ɔkpasu asa bɔtegyi ató?”

³ Yesu léle mó ɔnó ɔbéé, “Ntogyi sɔ mli é mli anáin amándíé sɔ mli mɔdédé Bulu mbla ámɔsu gyí? ⁴ Mose lówanlín wá Bulu mbla ámɔtɔ ɔbéé, ‘Bu fú sí muva fú yín,’ ɔletrá wanlín ɔbéé, ‘Ní ɔku léblí asɔkpan tsú mu sɔ ntée mu yin iwí á, bɔmó mu?’ ⁵⁻⁶ Táme mli mó mliaa, ɔha ɔbétalí bláa mu sɔ ntée mu yin ɔbéé, ‘Tóá tekɔ nɔpɔhá fú á, napɔhá Bulu. Imehián ání nétrá kɔ fu.’ Mli anáin amándíé sɔ mli tráa mli mɔdédé Bulu mblasu gyí. ⁷ Apinabwɛbí abwɛpó! Ɔnɔkwali Bulu ɔnósó ɔtɔpó Yesaia léblí tsú mli iwí tswí ɔbéé,

⁸ ‘Ahá ánfɔ bɔdɛpu amó ɔnó bú mí,

támé amó klón bu ifó mí wá.
⁹ Kpaali búde mí sum,
 tsúfě basí Bulu mbla tswi, yó búde anyánpósa mbla suná.’ ”

Tóá Itàkpóí Jha Bulu Ansító
 (Marko 7:14-23)

¹⁰ Yesu létrá tì ɔ̀dɔm amɔ ba mɔ iwí wá, ɔ̀lebláa amó ɔ̀bée, “Mliyaa asɔ, ménì mlonu ínì asì. ¹¹ Megyí tóá jha tegyi tókpóí mɔ Bulu ansító, mboún móá itedáli tsu mɔ ɔ̀nó tókpóí mɔ.”

¹² Inu mɔ akasípó amɔ beba mɔ wá befité mɔ bée, “Fuyin ání fú asɔn blíhé anfi lawɔ Farisifó ámu?”

¹³ Yesu léle mó ɔ̀nó ɔ̀bée, “Bópulí oyígyíoyí ání megyí mí Sí ámuó ɔ̀bu ɔ̀sósó ámu lóswíe tsitsá. ¹⁴ Mlisi Farisifó ámu asón. Ansibi abwiepó bugyi, búde ansibi abwiepó kpa. Ní nsibi obwiepó dé nsibi obwiepó kpa á, ɔ̀bótó amó abanyó butekpá wíe.”

¹⁵ Móú Petro lébláa mɔ ɔ̀bée, “Lé yébi amɔ asì suna anì.”

¹⁶ Yesu léfité amó ɔ̀bée, “Mó sɔ mli é mliamanú asón asì? ¹⁷ Mli méyín ání tóá iwíe jha ɔ̀nó á, mɔ iputo itowíe, ɔ̀eyéle mó wá ɔ̀kpunto? ¹⁸ Asóngyíasón ání itedáli tsu jha ɔ̀nó á, mɔ klunto itedáli tsu. Mótàkpóí mɔ Bulu ansító ní. ¹⁹ Tsúfě jha klunto ágywun láláhe tédáli tsu. Mótéhá ɔ̀tómó jha, ɔ̀tótó mbua, ɔ̀tówá atsi móa ayin asón, otowí ató, ɔ̀tówá afunu, otetsii jha. ²⁰ Inì aná tókpóí jha, táme ní jha mófwì ibì amándíe ɔ̀kpasu asa olegyi ató á, itamakpóí mɔ Bulu ansító.”

Ɔ̀tsì Ɔ̀kɔ́á Omegyí Yudayin Hógyi
 (Marko 7:24-30)

²¹ Yesu lénatí inu yó Tiro móa Sidon nsáinto. ²² Kanaanyintse ɔ̀kɔ́á otsie inu léba Yesu wá. Ɔ̀de okitikítì sɔ́rá, olokokóli Yesu ɔ̀bée, “Dawid mɔ na, wun mì nwe! Ɔ̀je láláhe bu mí bí tsíhétó. Ide mɔ háan dɔ̀bì.”

²³ Táme Yesu mékpla mɔ. Inu mɔ akasípó amɔ bobwíi ipa há mɔ bée “Ha ɔ̀tsì ámu ɔ̀natì, tsúfě obuò anì ɔ̀de okitikítì sɔ́rá dɔ̀bì.”

²⁴ Yesu lébláa ɔ̀tsì ámu ɔ̀bée, “Israel akúfa fwihé pé wá Bulu lówa mí.”

²⁵ Táme ɔ̀tsì ámu léda akpawunu mɔ ayabito, bláa mɔ ɔ̀bée, “Mí Wíé, gyi mì buale.”

²⁶ Yesu lébláa mɔ ɔ̀bée, “Ima alá fóswwí nyebí atogyihe púhá akíai.”

²⁷ Ɔ̀tsì ámu léle mó ɔ̀nó ɔ̀bée, “Owíé, ibu mótó alì, táme akíai é butegyì atogyihe mpupubi ání itekpákpa bun amó wíe ɔ̀pónóasi.”

²⁸ Móú Yesu lébláa mɔ ɔ̀bée, “Ɔ̀tsì, fú hógyi lomoní. Ibá mótó ha fú alá fudeklé.” Inu inu iwí lówa mɔ bi ámu ɔ̀nlìn.

Ahá Tsotsɔ̀tsɔ̀ Ilɔ́ Tsa

²⁹ Tsú inu á, Yesu lótsɔn Galilea ɔ̀pu ɔ̀nó, dú yétsiá okúku kusɔ. ³⁰ Ahá tsotsɔ̀tsɔ̀ ɔ̀pu abubúpu, ansibi abwiepó, abɔ, amúmu pú ilɔ́ bámbá alɔ́pó bobun Yesu ayabiasì, ɔ̀letsa amó fěé. ³¹ Ahá ámu ɔ̀nó lobwie amó bréá bowun amúmu budetóí, abubúpu iwí lawá amó ɔ̀nlìn, abɔ buna, ansibi abwiepó é búde ató wúun, bekanfó Israel Bulu ámu.

Ahá M̀pim-na Atogyihe Ha
 (Marko 8:1-10)

³² Yesu létì mɔ akasípó, bláa amó ɔ̀bée, “Ahá anfi asón de mí nwe wa. Nde eke sáási ɔ̀pá bobuo mì, butráa buma tótóá bégyi. Ní nehá amó ɔ̀pó akón náti á, ansító béyebi amó ɔ̀kpató.”

³³ Mɔ akasípó amɔ befité mɔ bée, “Nkónú abénaya atogyihe há ɔ̀dɔm anfi dimbí ánfisɔ?”

³⁴ Yesu léfité amó ɔ̀bée, “Bodobodo afinì mlibu?”

Bele mó ɔ̀nó bée, “Asienó pú aye pútúpútú kpalobí ku.”

³⁵ Yesu léha ɔdɔm amɔ betsiá así. ³⁶ Múú olotsu bodobodo asienó pú aye amɔ, dá Bulu ípán, olebiabía mótó há akasípó amɔ, beye ha amú. ³⁷ Amó fée begyi mwε. Bɔtɔsí síanhε amɔ bólá alakpá yílε asienó. ³⁸ Ayin ání begyi ató ámɔ nkɔle bɔgyi mpím-na (4,000). Bɔmekla atsi móa nyebí.

³⁹ Inu Yesu lési ahá ámɔ ɔkpa, olowie ɔklɔntɔ fá ɔpu yó Magadanfɔ ɔsulósu.

16

Farisifɔ Bodunká Ofúla

(Marko 8:11-13; Luka 12:54-56)

¹ Eke ɔku Farisifɔ pú Sadukifɔ aku beba Yesu ɔsókiɔkpa. Mú su bebláa mɔ beε, ɔbwée osúna pɔsuna amó ání lélé otsú Bulu wá. ² Yesu lébláa amó ɔbéε, “Ní owí ipɔn, nsaintɔ ípé á, mliteblí mliaa, ‘Ɔke nsaintɔ bédí.’ ³ Ní nyankpu obílá tuun nyankí a, mliteblí mliaa, ‘Nde nyankpu obótswie tsɔn afú.’ Mlitetálí kí nsaintɔ, bí tóá íbɛba. Ntogyi sù mlimétálí nú tóá mliɔéwúun séi ánfí mú asi.” ⁴ Mli ndemba-abí laláhe ání mliɔadálí Bulu ɔma, mliɔé osúna dunká amliwun, támε mlimóowun kukɔɔku dɔn Bulu ɔnósú ɔtɔípú Yona osúna amɔ odu.”

Iní su ɔlenatí sí amó.

Farisifɔ Pú Sadukifɔ Bodobodotu-afá

(Marko 8:14-21)

⁵ Yesu akasípó amɔ bɔmekáin tsú bodobodo kítá asa befa ɔpu amɔ yó ɔbɔn. ⁶ Yesu léda amó ɔlá ɔbéε, “Mliki wankláán Farisifɔ pú Sadukifɔ Bodobodotu-afású.”

⁷ Akasípó amɔ befité aba beε, “Bodobodo amóú animéɔé ámɔ sù ɔɔε asún ánfí blí lóó?”

⁸ Yesu lónu asún ání bɔɔɔblí. Múú ɔlebláa amó ɔbéε, “Oo, mli hógyi mótó. Ntogyi sù mliɔéblí mliaa bodobodo ámóú mliméɔé ámɔ su? ⁹ Imɔkúwánkí mli kí? Mliɔatan bodobodo apin anu ámóú neha ahá mpím-nu (5,000) begyi amɔsu? Alakpá afíní lésian mliɔótási? ¹⁰ Ntée mliɔatan bodobodo apin asienó ámóú neha ahá mpím-na (4,000) begyi amɔsu? Alakpá afíní lésian mliɔótási?”

¹¹ Ntogyi sù imɔkúwánkí mli ání megyí bodobodo iwí asún ndeblí? Bláa nde mli bláa mbée, “Mliki wankláán Farisifɔ pú Sadukifɔ Bodobodotu-afású.”

¹² Inu asa íɔwánkí amó ání megyí Bodobodotu-afású ɔɔε, mbóún amó atosunáhé.

Ɔhá Aní Yesu Gyí

(Marko 8:27-30; Luka 9:18-21)

¹³ Bréá Yesu lówie Kaesarea Filipi nsaintɔ á, ɔlefítε mɔ akasípó ɔbéε, “Ma ahá beε mí, Nyankpɔsa-Mv-Bi ánfí ngyi?”

¹⁴ Beε mó ɔnó beε, “Aku beε, fúgyí Asú Ɔbɔpú Yohane. Aku beε, Bulu Ɔnósú Ɔtɔípú Elia. Aku é beε, Yerehia ntée Bulu ɔnósú ɔtɔípú bambá ɔku.”

¹⁵ Múú ɔlefítε amó ɔbéε, “Mli é mé? Mliaa mígyí ma?”

¹⁶ Simon Petro léε mó ɔnó ɔbéε, “Fúgyí Kristo, (ɔhá ámóú Bulu ladá mɔ ofúli amɔ) ní. Bulu Ɔkɔankpapu amɔ mɔ Bi.”

¹⁷ Inu Yesu lébláa mɔ ɔbéε, “Bulu layúlá fú Simon, Yona mɔ bi, tsúfε megyí nyankpɔsa ɔkuku léε ɔnɔkwali ánfí ɔwan súná fú. Mí Sí ámóú ɔbɔ ɔsósú ámɔ ní.

¹⁸ Iní su mí é nde fú bláa mbée, fú dá gyí Petro. Mú asi gyí, ‘Bɔtá.’ Bɔtá ánfisu néyi mí ɔpasua dínká ní. Lowu túmí méetalí gyí mósú ekekeke. ¹⁹ Nópɔ Bulu iwíegyi ámɔ asáafi wá fú íbɔtɔ. Asóngyiasón ání fékiná ɔsulóv ánfisu á, Bulu é obékiná mú ɔsósú. Múá fótɔsulá á, Bulu é obótsulá mósú ɔsósú.”

²⁰ Inu ɔleda amó ɔlá kpákpáákpa ɔbéε, bɔmábláa ɔhaa ání mɔgyí Kristo amɔ.

* **16:3** Mótó yée 2 móa 3 ima nwuló dada amɔ akoto.

Yesu Iwiasin Pó Mv Lowu Iwi Asón Blí
(Marko 8:31-9:1; Luka 9:22-27)

²¹ Tsú bré ámuvsu á, Yesu léfi así ɔde asóntó le súná amó ɔbé, “Ilehián ání móyo Yerusalem yówwun iwiasin tsatsɔtsɔ Yudafo ahande, Bulu igyí ahapó dehen pó Mose mbala asunápó ibito. Bómɔ mu, táme Bulu ɔbélakúsóa mu eke sáásí tsú afúlito.”

²² Mú su Petro létí mu ya itsétó, yéka mu itin ɔbé, “Mí Wíé, Bulu ogyáa mú téí ya fú iwi. Iní mába fusu ekekeke.”

²³ Inu ɔledamlí bláa Petro ɔbé, “Satan, natí tɛi mísó! Fude mí ɔkpa tiin. Megyí tóá Bulu dégywín fudegywín, anyánkpsa klé fudegywín.”

²⁴ Mú ɔlebláa mu akasípó amu ɔbé, “Ní ɔku dékléa obóbuo mí á, osíi tóá otekle bwe, otsu mu oyikpalíhe bobuo mí. ²⁵ Tsúfé ní ɔku léprí mu nkpa á, ibóhulí mu. Táme ní ɔku lési mu nkpa há mí su á, ɔbélanyá nkpa ání itamatá.

²⁶ Ní ɔku onyá ɔyító ató fée, táme ɔhúli mu ɔkláa a, labi mɔmu ilowa há mu? Ntéé ntɔ ɔha ɔbétali pútse mu nkpa? ²⁷ Tsúfé mí, Nyankpsa-Mv-Bi ánfí néba mí Sí numnyamto, mía mu abɔpu. Inú néka ɔhagyíɔha ikɔ alíá mu tsiátó gyi ní.

²⁸ Ɔnɔkwali nde mli bláa. Aku bubu mli to nfi ání bómóowu, yófon bréá bawun ání mí, Nyankpsa-Mv-Bi ánfí néba mí iwíe ogyíkpa.”

17

Yesu Iwitsée
(Marko 9:2-13; Luka 9:28-36)

¹ Nkensíe ɔma a, Yesu lékpa Petro mva Yakobo pó mu pio Yohane, bɔdu yó ibu kusu. ² Amó ansító inu á, Yesu iwi letse. Mu ansító lówankí fé owí, mu atadie é ledamlí fútútúútú. ³ Inu mu akasípó abasá ámu bowun ání Mose mva Elia bele iwi ɔwan, amúa Yesu buɔetoí. ⁴ Mú Petro lébláa Yesu ɔbé, “Mí Wíé, ibu aláá abétsiá nfi. Ní fótsulá á, ha ada abú asa. Fú klé kule, Mose klé kule, Elia é klé kule.”

⁵ Bréá ɔde asón ánfí blí á, agyinde wánkíhé ku lobobun amósó. Inu ɔme ku ledali tsu agyinde ámu to ɔbé, “Ɔní gyí mí Bí ɔdwepúá olegyi mí ansí ní. Mlínu mu ɔme.”

⁶ Ifú lehie kítá amó bréá bonu asón ánfí. Mú su bowa ɔsa mli bun ɔsulótɔ.

⁷ Mú Yesu léba bɔpu ibi dada amó, bláa amó ɔbé, “Mlikusu, mlimánya ifú.”

⁸ Inu bowa ansí kɔ a, bometrá wun ɔhaa don Yesu nkule.

⁹ Bréá buɔe ibu ámu kplí á, Yesu léda amó alá ɔbé, bómábláa ɔhaa tóá bayówwun, yófon ekeá Bulu ɔbókúsóa Nyankpsa-Mv-Bi ámu tsú afúlito.

¹⁰ Mu akasípó amu befité mu bee, “Ntogyi só Mose mbala asunápó amu bee, ilehián ání Elia obéyinkí bá asa Kristo amu ɔbéba?”

¹¹ Ɔlele mú ɔnó ɔbé, “Ɔnɔkwali igyi. Elia obégyankpá bá bela tógyító yái wankláán. ¹² Nde mli bláa mbée, Elia layínkí bá dodoodo, táme ɔhaa mébi mu. Bowa mu amumuyo. Alí kén mí, Nyankpsa-Mv-Bi ánfí é nówwun iwiasin amó ibito ní.”

¹³ Inu á, ilowankí akasípó amu ání Asú Ɔbɔpó Yohane iwi asón ɔdeblí.

Ilɔ Dídahe Ɔbɔpó Tsa
(Marko 9:14-29; Luka 9:37-43a)

¹⁴ Bréá beyínkí kplí bowie ɔdom amu wá á, oyin ɔku léba beɔa akpawunu Yesu ayabito, bláa mu ɔbé, ¹⁵ “Mí Wíé, wun mí bí ánfí nwe, tsúfé ilɔ dídahe de mu háan. Otetsiá dida wíé ntsu móa ogyátó. ¹⁶ Nɔpu mu ba fú akasípó amu, táme bometali tsá mu ilɔ.”

¹⁷ Yesu léle mú ɔnó ɔbé, “Ndamba-abíá mlimá hógyi, mli tsiátó ma ale. Alí nétsiá mli wá yó ekekegyíeke ní? Nnyá klɔn ha mli yófon ɔmenke? Mlikpa kebi

10-11 “Mlikl wankláán ání mliméeki nyebí pútúpútú ánfito okoku ansító kótíkótí. Nde mli bláa mbée, bubu Bulu-abopu ání botakósi pó amó asón ya mí Sí asósú. *

12 “Mliyo asón ánfito amliki. Ní oku bu akúfa lafakule (100), amútó okule ofwí á, ntó ohá ámu tóbwé? Megyí si otesí adukwebá-kwebá (99) atráhe amu líi okúku amusu, yódunká okule pé amú alafwí ámu? 13 Onokwali nde mli bláa. Ní owun mu a, mu ansí bégyi mu iwí don adukwebá-kwebá atráhe amú bumofwí ámu. 14 Alí kén mli Sí amú obu asósú ámu médekke obée, nyebí pútúpútú ánfito okoku é ofwí ní.

Ní Fú Bá Opó Ilá Gyi Fv

15 “Ní fú bá ohógyipu opó ilá gyi fú á, yó mu wá, mli abanyó pé amlibli mú. Ní olonu iwiasí á, falányá opió. 16 Táme ní omonu iwiasí á, kpa obakúle ntée abanyó manta iwisu amliyó mu wá, méní bégyi asóngyiasón ání mléblí iwí adánsie fé alhá Bulu asón leblí. 17 Ní omonu amó asón é á, pu asón ámu ya mli opasuafo. Táme ní omonu amó asón é á, múmú bu mu omátóyín ntée lampóo ohópó.

Asónkiná Pó Músú Tsulá

18 “Onokwali nde mli bláa. Asóngyiasón ání mlékiná asúlú anfisú á, Bulu obékiná mú asósú. Múá mlótsulá á, Bulu obótsulá músú asósú.

19 “Ntráa ndeblí mbée, ní mli abanyó mlóbwe agywun kule asúlú anfisú kólí tóku á, mí Sí amú obu asósú ámu obóbwe mú há mli. 20 Tsúfé otínegyíotíné ání ahá abanyó-abasá befia mí dátó á, mbu amó wá.”

Osúmpú Owuntəlnpu Iwí Yébi

21 Mú Petro léba befité Yesu obée, “Mí Wíé, tsefini nsíkie mí bá ní opó ilá gyi mi? Tse sienó lóó?”

22 Yesu lébláa mu obée, “O-o, megyí tse sienó fésikié mu, tsé aduesienó (70) aku asienó. 23 Iní su Bulu iwíegyi ámu igyi fé asón ánfí. Owíe oku lóbwe agywun ání mu mu asúmpú bóbu akúnta. 24 Bréá olefi mú así á, mu asúmpú bekpa amútó okuá ode mu íko mpím-mpímtó ba mu. 25 Táme osúmpú amu má tótóá obópuká íko ámu su á, owíe amu léha obée bufé mu mu ka, mu abí pó mu ató féé pókítá íko ámu. 26 Inu á, osúmpú amu lókusú dá akpawunu owíe amu ayabito, bwíi ipa há mu obée, ‘Mí Wíé, nya klón ha mi. Ibwé néka fú íko ámu féé.’ 27 Mu asón lówa mu wie amu nwe. Mú su olesi íko ámu féé kíé mu, há mu alenatí.

28 “Táme bréá osúmpú amu lédali inu á, olóyótu mu osúmba okuá ode mu íko kpalobí ku. Olekítá mu ba ámu ometo kínkínkín, bláa mu obée, ‘Pu mí kóba ha mi!’ 29 Mu osúmba amu é léda akpawunu bwíi ipa há mu, bláa mu obée, ‘Nya klón ha mi. Ibwé néka fú kó.’ 30 Táme osúmpú anfi mú mótsulá. Olega ání bupóu mu yowa obu yófon ekeá obéka mu íko ámu. 31 Mu asúmba bowun tóá alapógyi mu ba ámu a, ilowie amó iwíto. Mú su boyó yébláa amó wíe asón ámu féé. 32 Mú amó wíe amu léha beti osúmpú amu ba, olebláa mu obée, ‘Osúmpú owuntəlnpu, fú ipabwíi su nesi íko tsotsotso amú fúde mí ámu féé kíé fú. 33 Ima alá fú mó fówun fú bá ámu nwe fé alhá nowun fu nwe?’ 34 Obló lekítá owíe amu. Mú su olega obée, buwáa mu obu, abupiti mu ató yófon ekeá obéka íko ámu féé.

35 “Alí mí Sí amú obu asósú ámu obóbwe mlito okugyiokúá omesi mu ba lakpan kíé mu tsú mu klontó ní.”

19

Okákiná Iwí Atosundhé (Marko 10:1-12)

* 18:10-11 Mótó yée 11 bu nwolú dada amu akoto: Tsúfé mí, Nyankpusa-Mu-Bi ánfí neba ání nòho ahá amú bafwí ámu nkpa.

¹ Bréá Yesu lótoí tá á, òlenatí Galilea òmátó yó Yudea òmátó Yordan ntsu ámu òbun. ² Òdòm kpònkpònkpòntí bobuo mu, òletsá amú òlò mu.

³ Farisifó akú beba mu wá bósó mu kí, fité mu bée, “Aní Mbla léha òkpa aní oyin òbétalí kíná mu ka òkpagyíòkpasu?”

⁴ Yesu lébláa amú òbée, “Mlímókókla Bulu asón ámu kí aní bré amóú Bulu léfi oyí así á, òtsí móa oyin òlòbwe? ⁵ Bulu léblí òbée, ‘Iní sù oyin obótu sí mu sí mva mu yin yémantá mu kasu, amú abanyó bóbwe oyúlúv kùle ní.’ ⁶ Mó sù nde mli bláa mbée, butráa bomegyí abanyó, táme babwé òbakóle. Ahá aní Bulu labwé amú kùle a, òhaa mámaín amú abasu.”

⁷ Farisifó ámu befité mu bée, “Ntogyi sù Mose lówa mbla òbée, oyin òbétalí wánlín òkákíná òwuló púkíná mu ka?”

⁸ Yesu lébláa amú òbée, “Mli kluntò odwin sù Mose léha mli òkpa òbée, mlikína mli aká, tẹkí megyí alí Bulu lóbwe mó bréá olefi oyí ámu así ní. ⁹ Táme nde mli bláa mbée, ní oyin okíná mu ka láyétsiá òtsí bámbá á, alató mbua. Òkpa oduásúá oyin òbétalí kíná mu ka pé gyí aladálí mu òma.”

¹⁰ Múú mu akasípú amú beblí bée, “Ní alí okúlu mva òká abatsiátò asón igyi ní mó á, mómú ima aléá oyin mva òtsí bétsiá aba pó.”

¹¹ Yesu lébláa amú òbée, “Megyí ahá fée òbétalí hò atosunáhé anfi. Nkétí ahá aní Bulu lópwhá amú pé. ¹² Tsúfè ina òkpa tsòtsòtsòsù ayin akú butamatsiá aká. Ayin ámu akú á, alí bókwií amú ní. Akú é anyánpósá láflo amú. Akú é basin kpanku Bulu iwíegyi ámu sù. Òhá aní òbétalí á, òhóó mí atosunáhé anfi.”

Nyebí Yulá

(Marko 10:13-16; Luka 18:15-17)

¹³ Aha akú bekpá nyebí ba Yesu bée, òpúv ibí dínka amósú, òkòlì Bulu oyúla ha amú. Táme akasípú amú bowa iyin wá amú. ¹⁴ Múú Yesu lébláa akasípú amú òbée, “Mliha nyebí ámu òkpa abuba mí wá. Mlímátin amú òkpa, tsúfè ahá anfi odu bó Bulu iwíegyi ámu ní.”

¹⁵ Múú òlòpúv ibí dínká amósú, òlenatí mu á.

Atonyahé Iwí Atosunáhé

(Marko 10:17-31; Luka 18:18-30)

¹⁶ Èke òkú oyin òkú léba Yesu wá befité mu òbée, “Osunápó, yilé màmú nóbwe asa nénýa nkpa aní itamatá?”

¹⁷ Yesu léfité mu òbée, “Ntogyi sù fude mí yilé iwí asón fité? Òbakóle pé gyí òha yilé. Mogyí Bulu. Táme ní fudekléá fonyáa nkpa aní itamatá á, mómú gyi Bulu mbla asón ámu sù.”

¹⁸ Oyín ámu lélafité mu òbée, “Mótó màmú?”

Yesu lébláa mu òbée, “Mámò òha, mátò mbua, máwi ató, máka asón dínká fú básó. ¹⁹ Bu fú sí mva fú yín, afudwe fú bá fè fú iwí.”

²⁰ Oyasubi ámu lébláa Yesu òbée, “Ntegyi mó féesó. Ntò é ntráa bwe?”

²¹ Yesu lébláa mu òbée, “Ní fudekléá fófón mó á, yefe fú iwí sù ató fée, afoye kóba amú ha ahíánfò, méní fénya siadié osúsú. Fóbwe mó tá á, ba afóbobuo mli.”

²² Bréá oyasubi ámu lónu asón anfi á, òlehíe han mu, òlenatí díín, tsúfè òhié òbú ató.

²³ Múú Yesu lébláa mu akasípú òbée, “Ònòkwali nde mli bláa mbée, òbéhíe wá ònlín asa iwí onyapó obówie Bulu iwíegyi ámu tò. ²⁴ Ntráa nde mli bláa mbée, òlòpòv ha kpósó aní òbòtsòv òbun-atò òbótá, dùn aní iwí onyapó obówie Bulu iwíegyi ámu tò.”

²⁵ Akasípú amú bonu asón anfi á, ònó lobwie amú. Iní sù befité bée, “Mómú ma mée Bulu òbóhò nkpa?”

²⁶ Inu Yesu lélí kí amú alí. Múú òlebláa amú òbée, “Anyánpósatò mó á, òhaa méetalí bwé ínì, táme Bulu mó tetálí bwé tógyító.”

²⁷ Múú Petro léfité mu obée, “Iníá anlasí tógyító tswi bobuo fu á, ntó abénnya tsú fú búotó?”

²⁸ Yesu lébláa amú obée, “Onokwali nde mli bláa. Bréá Bulu obwé oyí pəpwe amu, mí, Nyankpɔsa-Mu-Bi ánfí netsiá mí numnyam owíe obíá ámu sɔ á, mli ahá ánfí mlibuo mí ánfí é mlétsiá awíe mbíá dúanyɔ sɔ, gyi Israel abusuan dúanyɔ ámu asón. ²⁹ Ohagyísha ání alanátí sí mu wóyí, mu apíó, mu sɔ mu a mu yin, mu abí ntée ɔsulóu mí sɔ á, Bulu obéla há mu mú tsé dú tsé lafa, trá lahá mu nkpa ání itamatá. ³⁰ Táme agyankpapu aku béba bemli amapu, amapu amu aku é bébemli agyankpapu.”

20

Nɔtɔ Agyómá Ayəpó Iwí Yébi

¹ Yesu létrá bláa amú obée, “Mú sɔ Bulu iwíegyí ámu igyi fé asón ánfí. ɔɔtɔpu ɔku létsiá. Eke ɔku ɔɔkɔsú nyanki-nyanki oyó ipa agyípú odunkákpá, abuyɔyɔ agyómá mu ndɔtɔ. ² Mɔa amónyɔ begyi bíá ání obéka amú alíá bɔtɔhɔ ekewóle, ɔɔpu amú sísí agyómá ámu ɔyɔkpá. ³ Dokwebátó a, ɔledali yɔ dɔnsɔ, oloyówun aku é bulí, bɔmedé tɔtɔ bwe. ⁴ Olotsu amú é obée buyɔyɔ agyómá mu ndɔtɔ ha mu. Ibwe obéka amú tóá ibu alé. Mú sɔ bɔyɔ. ⁵ Dódúanyɔ pú dɔsatɔ é á, ɔletrá pu aku sísí ndɔ ámu tɔ. ⁶ Ntúpwɛ donutɔ, bréá ɔledali a, ɔletrá wun akuá bulí kpaali. Múú ɔlefíté amú obée, ‘Ntogyi sɔ nde féé mlilí nfi, mli méde tɔtɔ bwe?’ ⁷ Bebláa mu bee, ‘Ohaa mókóbó aní ipa.’ Múú ɔlebláa amú obée, ‘Mómú mli é mlibɔtsɔn yɔyɔ agyómá mí ndɔtɔ.’

⁸ “Bréá owí lɔpɔn a, ɔɔtɔpu amu létí mu agyómású ɔkípu bláa mu obée, otí ipa agyípú ámu féé, ɔkáa amú akɔ. ɔkáa amú tsu amapu amɔ sɔ alí bɔtɔ agyankpapu amu. ⁹ Bréá ipa agyípú amu beba a, agyómású ɔkípu amu léka ahá ámu bɔyɔ donutɔ ámu alíá bɔtɔhɔ ekewóle. ¹⁰ Bréá ɔtɔ agyankpapu amu a, buki bee bénya dɔn alí, táme alí kén ɔleka amú é ní. ¹¹ Mú sɔ ɔleka amú akɔ tá á, agyankpapu amu bɔwa tɔtɔ ɔɔtɔpu amɔ sɔ bɔ. ¹² Beblí bee, ‘Amapu anfi mú á, dɔnhwírí kule pé bɔyɔ agyómá. Aní mú anilalí owí kpankpɔli ánfisɔ yó agyómá, táme faká ania amónyɔ féé akɔ kule.’

¹³ “ɔɔtɔpu amu lébláa amútó ɔkule obée, ‘Agya, yée mmókótafá fu o! Megyí itó ámuú mía funyɔ aniléblí ámu napóhá fu á? ¹⁴ Pu fú ató natí. Mídeklé mbée, néha amapu amu alíá naká fú. ¹⁵ Mma ɔkpa ání nɔpu mí kóba bwé tóá ndeklé? Ntee mí awitɔlewa dé fu iwitɔ wie?’

¹⁶ “Alí amapu bóbwe agyankpapu, agyankpapu é bóbwe amapu ní.”

Yesu Lowu Iwí Asón Blí Otse Saasi (Marko 10:32-34; Luka 18:31-34)

¹⁷ Bréá Yesu oyó Yerusalem a, ɔleka akasípú dúanyɔ ámu ya itsétó bláa amú obée, ¹⁸ “Mlinu! Ayó Yerusalem. Inu á, béle mí, Nyankpɔsa-Mu-Bi ánfí há Bulu igyi ahapú dehen pú Mose mbɔla asunápó. Béha mí lowu ipón. ¹⁹ Bɔpu mí wá ahá ání bomegyí Yudafo ibitɔ bóbwe mí ahinlá, bónwen mí mpli, dá mí mántá oyikpalíhesu. Táme Bulu obélakósóa mí eke sáásí tsú afúlitɔ.”

Abi Oyín ɔku Atɔ Kvíhé (Marko 10:35-45)

²⁰ Múú Sebedeo mu ka lékpa mu abi anyɔ beba, ɔleda akpawunu Yesu ayabito, kólí mu obée, obwée tɔku ha mu.

²¹ Yesu léfité mu obée, “Ntɔ fudeklé?”

ɔtsi ámu lébláa mu obée, “Ha mí abi anyɔ ánfíto ɔkule otsia fú gyɔpɔsɔ, ɔkule é otsia fú binasɔ bréá fúde iwíe gyí.”

²² Yesu lébláa amú obée, “Mli méyín tóá mli dékolí.” ɔlefíté Yohane mu a Yakobo obée, “Mlétalí wun iwíɔsɔn ámuú neba bowun amu?”

Bebláa mu bee, “Ee, abétalí.”

²³ Múú òlebláa amú òbée, “Mlówun iwíwun ámu mú, táme mma túmi ání nèle ahá ání bétsiá mí gyɔpɔsɔ ntée mí bɔnasɔ. Otsiákpá ɛnu ɪda gyo ahá ámuó mí Sí Bulu lalá ɛnu yáí há ámu.”

²⁴ Bréá akasípó dú atráhe amú bonu asón ánfí á, Yakobo mva Yohane iwí lówa amú òbló. ²⁵ Múú Yesu létí amú, bláa amú òbée, “Mliyin ání ɔmátófɔsɔ agyípó bɔtɛhíé amú ahá, amú ahande é bɔtenyá túmi amúósó. ²⁶ Táme mliɔ mú á, ɪmába alí. ɔhagyíɔha ání odekléá òbóbwe mliɔ ɔhande a, ɔbwée mu iwí osúmpó ha mu aba atráhe. ²⁷ ɔhá ání odekléá òbóbwe mli nkpa ogyápu ɔbwée mli ɔkpábi. ²⁸ Alí kén mí, Nyankpɔsa-Mu-Bi ánfí é mmeba mbée, bɔsúm mí ní. Ahá osúmkpá neba, ampu mí nkpa hɔ ahá tsɔtsɔtsɔ nkpa.”

*Ansibi Abwiepó Abanyó Ilo Tsa
(Marko 10:46-52; Luka 18:35-43)*

²⁹ Bréá Yesu mva mu akasípó bɔɔɔɔɔlɔ Yeriko wúluto bɔyó á, ɔɔm kpɔnkpɔnkpɔntɔ bobuo amú. ³⁰ Ansibi abwiepó abanyó aku bɔtsie ɔkpa ámuɔ, bonu ání Yesu détsúun. ɛnu bɔkplón blí bee, “Aní Wíe, Dawid mu na, wun aní nwɛ.”

³¹ ɔɔm amú bɔkplón wa amú bee bɔkpá ɔnó bun. Táme belakplón dun alí bee, “Aní Wíe, Dawid mu na, wun aní nwɛ!”

³² Múú Yesu lési líí, tí amú, ɔlefíté amú òbée, “Ntɔ mliɔdéklé mliaa, mbwée ha mli?”

³³ Bebláa mu bee, “Aní Wíe, ha aní awun ató.”

³⁴ ɛnu amú asón lówa Yesu nwɛ, ɔɔpu mu ibi dada amú ansibi. ɛnu bowun ató, bekplá buo mu.

21

*Bɔhɔ Yesu Fɛ Owíe Yerusalem
(Marko 11:1-11; Luka 19:28-40; Yohane 12:12-19)*

¹⁻² Bréá Yesu mva mu akasípó bebéen Yerusalem wúlu, beta Betfage wúlu ání ɪbu Nfɔ-nyíbu* ámu así wie tá á, ɔlɔwa mu akasípó abanyó gyankpá. ɔlebláa amú òbée, “Mliyɔ wúlu anfi ɪda mli ansító ánfisɔ. Ní mlowíé wúlu amú ɔnó á, mlówun afrímú tsíhé ɔkɔá ɔda ɔfétó, mu bi líí mu wá. Mlisanki mu, amlíkpa amú ba mli. ³ Ní ɔkɔ ɔfíté mli asɔvankɔ á, mliɔla mu mliaa, ‘Aní Wíe dé amú hián.’ ɛnu ɔbéha mlópu amú ba mli.”

⁴ ɛni léha Bulu asón ámuó ɔleblí tsɔn mu ɔnósó ɔtɔípósɔ ámu léba mótó. ɔbée,

⁵ “Mliɔla Sionfɔ mliaa,
Mliki, mli Wíe ɔbá mli wá.
Ololwíí, ɔɔn afrímúsó.

ɔɔn afrímú ibi yínhésú ɔbá.”

⁶ Yesu akasípó abanyó ámu bɔyóbwe alí ámuó Yesu lébláa amú ámu. ⁷ Bekpa afrímú mva mu bi ámu ba, beyaí amú atati dínká amúósó, ɔlɔɔ bɔn muɔ. ⁸ ɔɔm kpɔnkpɔnkpɔntɔ beyaí amú atati tswi ɔkpatɔ, aku é bebiabía afítáa bunbun ɔkpa ámuɔ. ⁹ ɔɔm amúó bɔgya Yesu nkpa múa ɔma amú bɔsɔrá okitikiti bee, “Hosiána há Dawid mu na ámu! Bulu oyúla owíe anfi ɔbá mu dátó ánfí! Hosiána bu ɔsúsúsú!”

¹⁰ Bréá Yesu lówie Yerusalem a, wúlu amúɔ fée leda kpokiti, bɔɔfíté bee, “Ma gyí ɔhá ánfí?”

¹¹ ɔɔm amúó bubuo mu amú bele mú ɔnó bee, “ɔni gyí Yesu, Bulu ɔnósó ɔtɔípó amúó otsú Nasaret wúlúá ɪbu Galilea ɔmátó ámu ni.”

* **21:1-2** Nfɔ-nyíbu igyi obubwí kɔá ɪbu mantáa Yerusalem, bɔtɛtí mú Olifbu.

Yesu Bulu Ɔtswékpa Yɔ

(Marko 11:15-19; Luka 19:45-48; Yohane 2:13-22)

¹² Múy Yesu lɔyɔ Bulu ɔtswékpa wunsínésó inu, yégɔyá ató afepó pɔ ató ahópɔ féeɔ dalɔ. Olowuwúta kóba atséɔ mpónú dá, súnsúnki abróɔma afepó é mbíá dá. ¹³ Ɔlebláa amó ɔbée, “Bɔwanlín wá Bulu asún ámɔtɔ bɛɛ, ‘Béti mí ɔtswékpa bɛɛ, mpái ɔbɔkpá.’ Táme mlɔlapó inu mlí awikplu ɔɔaínkpá.”

¹⁴ Ansibi abwiepó pɔ abubúɔpɔ akɔ beba mu wá Bulu ɔtswékpa wunsínésó inu, ɔletsá amó ilɔ. ¹⁵ Bréá Bulu igyí ahapó dehen pɔ Mose mbɔla asunápó amɔ bowun ofúla ání Yesu débwe, pɔ alíá nyebí bɔdekplón Bulu ɔtswékpa wunsínésó inu bɛɛ, “Hosiána há Dawid mu na ámɔ!” a, ɔbló lekítá amó. ¹⁶ Mú sɔ befíté Yesu bɛɛ, “Fɔmedénu asún ání nyebí ánfɔ bɔdeblí?”

Yesu léle mú ɔnó ɔbée, “Ndenu. Mlímókókla asún ání Bulu asún wanlínhé amɔ léblí? Ɔbée, ‘Fasúná nyebí pɔ amóá bɔmɔkótɔn nyópɔ alíá bɔkánfɔ fú.’ ”

¹⁷ Yesu lédalɔ wúlu amɔtɔ sí amó yó Betania. Inú ɔledɔ eke ámɔ nɔ.

Pɔntɔ Oyí Lwí

(Marko 11:12-14, 20-24)

¹⁸ Ɔyi kehe nyankɔ, bréá Yesu léyinkí ɔbá Yerusalem a, akón de mu. ¹⁹ Mú sɔ bréá olowun pɔntɔ kɔá ilí mantáa ɔkpa á, ɔlebaí yó mú asɔ. Ɔlɔyɔ á, omowun abí kuku mótó, afítáa sɔón bu mósó. Inu ɔlebláa pɔntɔ ámɔ ɔbée, “Tsú nde fɔméesetrá swie abí ekekekeke!” Inuɔnɔ oyí ámɔ lówu.

²⁰ Mu akasípó amɔ bowun alíá oyí ámɔ labwé á, ɔnó lobwie amó. Mú sɔ befíté bɛɛ “Ntogyi sɔ oyí ánfɔ lawú ɔtsáwɔle pé alí?”

²¹ Yesu lébláa amó ɔbée, “Ɔnɔkwali nde mli bláa. Ní mloho Bulu gyi, mli mégyi nwéen a, mli talí bwé itó ánfɔ nabwé oyí ánfɔ pɔ múá idɔn mú. Mli talí bláa ibɔ ánfɔ mliáa, ‘Puli yowie ɔpɔtɔ.’ Ibópulí yó. ²² Ní mloho Bulu gyi, mli kólí mu tógýító á, mli ibɔ béda mú.”

Yesu Túmi Iwɔ Asɔn Fítéhé

(Marko 11:27-33; Luka 20:1-8)

²³ Yesu léyinkí bowie Bulu ɔtswékpa wunsínésó inu. Bréá ɔde ató suná á, Bulu igyí ahapó dehen pɔ Yudafo ahande amɔ beba mu wá. Befíté mu bɛɛ, “Ma léha fú ɔkpa, fúde ntobí ánfɔ bwé? Ma léha fú túmí?”

²⁴ Yesu léle mú ɔnó ɔbée, “Mí é nfíte mli asɔn kua kɔle. Ní mliélé mú ɔnó á, nébláa mli túmi oduá ndepɔbwé ntobí ánfɔ. ²⁵ Bulu wá Asú Ɔbɔpó Yohane lénya túmi póbó ahá asú, ntée nyankpɔsa?”

Amó wɔlewɔle bɔyɔ asún ánfɔtɔ bɛɛ, “Ní ablí aníaa itsú Bulu wá á, ɔbéfíté aní ɔbée, mú ntogyi sɔ anímóho mu gyi? ²⁶ Ntée ablí aníaa, anyánpɔsa wá itsú.” Táme bɔde tóá ahá tsɔtsɔtsɔ ámɔ bóbwe amó ifú nya. Tsúfé amó fée bohogyi ání Bulu ɔnósó ɔtɔípó Yohane gyí. ²⁷ Mú sɔ bele mú ɔnó bɛɛ, “Ohwée! Aníméyín ɔtínéá olenya mu túmi tsú.”

Múy Yesu é lébláa amó ɔbée, “Mú mú mí é mmélebláa mli túmi oduá ndepɔbwé ntobí ánfɔ.”

Oyin Ɔkɔ Abi Anyɔ Iwɔ Yébi

²⁸ “Mliyɔ asún ánfɔtɔ amlíki. Oyin ɔkɔ muɔ mu abi anyɔ betsiá. Eke ɔkɔ ɔlɔyɔ yébláa ɔdéhen ɔbée, ‘Mí bí, nde yɔyɔ agyómá mí ndɔtɔ ha mli.’ ²⁹ Ɔlebláa mu sí ɔbée, ‘Mmóyɔ.’ Mú ɔma a, ɔlelatse mu agywun, yó ndɔ ámɔtɔ. ³⁰ Amó sí lénatí yó ɔkɔsɔ amɔ é wá yébláa mu alí kén. Ɔkɔsɔ amɔ lótsulá ɔbée, ‘Mí sí, nɔyɔ.’ Táme ɔmɔyɔ.” ³¹ Inu Yesu léfíté ahá ámɔ ɔbée, “Abi anyɔ ámɔtɔ ɔmɔmu lóbwé dínká mu sí asónsɔ?”

Yudafo igyí ahapó dehen pɔ Yudafo ahande amɔ bebláa mu bɛɛ, “Ɔdéhen amɔ.”

Múu Yesu lébláa amú ɔ́bée, “Ɖnɔkwali nde mli bláa. Lampóo ahópu pú obu-ɔ́nó atsiápu bówie Bulu iwíegyi ámuɔ́ sɪ mli. ³² Tsúfɛ Asú Ɖɔ́ɔpú Yohane lóbosuná mli tsiátó oduá ida ɔ́kpa Bulu ansító, táme mlimóhɔ mu gyi. Lampóo ahópu pú obu-ɔ́nó atsiápu bɔ́hɔ mu gyi. Ɖma mliłówun ání amú kóráá batse a, mlimétse mli agywun hɔ mu gyi.

Apafɔ Laláhe Aku

(Marko 12:1-12; Luka 20:9-19)

³³ “Mlinu yébi iku é. Ɖɔ́ɔɔpu ɔ́ku lóɔ wáin ndɔ. Olegyi iban bómlí mú. Olokwi wáin amu onyimékpá. Ɖɔ́ɔpwe obu fúáhé ku há ndɔ ámu agyópu. Múu ɔ́ɔpu ndɔ ámu wá apafɔ ibitɔ, olotu ɔ́kpa yó ɔ́má ikɔɔ. ³⁴ Bréá wáin-abí amu kpɔ́tɪbí lófɔn a, ɔ́lɔwa mu asúmpú apafɔ ámu wá ɔ́bée, buyóhɔ mu ogyíkpá ba mu. ³⁵ Táme apafɔ ámu bekítá amú, dá ɔ́kule, mó ɔ́kule, dá ɔ́kule é abwi. ³⁶ Nɔ́ mu wie amu létrá wa mu asúmpú bámbá ání bɔ́tsɔ dɔn agyankpapu amu. Apafɔ ámu bɔ́bwe amú é alí kén. ³⁷ Mú tráhe kóráá á, ɔ́leblí ɔ́bée, ‘Oo, bóbu mí bí kwííhé mú.’ Mú su ɔ́lɔwa mu é. ³⁸ Táme bréá apafɔ ámu bowun mu bi ámu sísí á, bebláa aba bee, ‘Ɖni obégyi mu sɪ ató ní. Mliha amɔ́ mu, ménɪ ndɔ ámu ibémlí aní klé.’ ³⁹ Mú su bekítá mu, bítia mu dálɪ ndɔ ámuɔ́ yómɔ́ mu.”

⁴⁰ “Ní ndɔ mu wie ɔ́bá á, ntɔ mliłahogyi mliáa, ɔ́bɔ́bwe apafɔ ání?”

⁴¹ Yudafo igyi ahapú dehen pú Yudafo ahande amu bele mú ɔ́nó bee, “Ɖbéha aha laláhe anfi bówu lowu sínsín, ɔ́bélapú ndɔ ámu wá apafɔ bámbá ibitɔ. Amóá bétsiá pú mu ató-abí ba mu mú kpɔ́tɪbí.”

⁴² Múu Yesu léfité amú ɔ́bée, “Ntée mlimókókla Bulu asun wanlínhé amu kí? Bɔ́wanlín bee,

‘Ibwi ámuú obu ayípu bekiná ámu
lébemlí okonkísóbwi ní.

Bulu lóbwé mú alí.

Ibu wánwan.’

⁴³ “Mú su nde mli bláa mbée, Bulu ɔ́bóhɔ mu iwíegyi ámu lé mli ibitɔ púhá ɔ́má ání bɔ́bwe t́á otekle.

⁴⁴ “Ɖni su ɔ́há ání ɔ́ledida ibwi ámu su obébiabía blúblúblúblú. Ní ibwi ámu isúnkí dá ɔ́kusú é á, ibókwe mu fíkófíkófíkó fɛ nfúó.” ⁴⁵ Bréá Bulu igyi ahapú dehen pú Farisifo ámu bonu Yesu ayébi anfi á, ilowankí amú ání amú ɔ́de. ⁴⁶ Teki bekleá bekítá mu, táme benya ifú, tsúfɛ ɔ́ɔm amu bɔ́tobú Yesu ání Bulu ɔ́nósó ɔ́ɔ́pú ogyi.

22

Ɖtsikpaín Iwi Yébi

(Luka 14:15-24)

¹⁻² Yesu létrá bláa Yudafo igyi ahapú pú Yudafo ahande amu asón yébitɔ ɔ́bée, “Bulu iwíegyi ámu igyi fɛ asón anfi. Owíe ɔ́ku dé ɔ́tsɪ kpaín há mu bi, ³ ɔ́letɪ ahá ɔ́bée, bubá nke ámu asɪ. Bréá owíe ámu lóbwé tá á, ɔ́lɔwa mu asúmpú ɔ́bée, buyéti ahá ámu abuba, táme bekiná bá. ⁴ Mú su ɔ́lelawá mu asúmpú bámbá ɔ́bée, ‘Mli tra yebláa ahá ámu mliáa, nabwé tógyító tá. Bamó mí nnantswie akpɔ́nkpɔ́ntɪ ámu pú amúá bawá nfɔ, níná ató ámu fɛé tá. Mú su bubá ɔ́tsɪ ɔ́kpaínkpá mu.’ ⁵ Táme ahá ámuú beyéti ámu bumekplá amú. Benatí sɪ amú yó amú agyómású. Aku benatí yó amú ndɔɔ. Aku é benatí yó amú ibíá ogyíkpá. ⁶ Amú atráhe bekítá asúmpú amu, dá amú, mó amú. ⁷ Bréá owíe amu lónu asón anfi á, ɔ́bló lehié kítá mu. Mú su ɔ́lɔwa mu isá akɔ́pú, buyóhɔ ahá ámuú bɔ́mɔ́ mu asúmpú amu, wá amú wúlu ogyá. ⁸ Múu ɔ́lebláa mu asúmpú bámbá ɔ́bée, ‘Baníná ɔ́tsikpaín atogyihe amu tá, táme ahá ámuú netɪ ámu bumɔ́fɔn ha mí wóyító ba. ⁹ Mú su mliwie awúlutɔ, amlitɪ ɔ́hagyíɔ́ha ání mliłówun, ɔ́ba ɔ́tsɪ

† 21:44 Mótó yée 44 uma nwóló dada amu akɔ́ɔ.

okpaínkpá inu.' ¹⁰ Inu asúmpó amu bowie awúlutò. Beti òhagýíṣha ání bowun, aha wankláán pú aha láláhe fée. Mú sù ahá bəbulá ɔtsi okpaínkpá inu dédéédé.

¹¹ “Támé bréá owíe amu lébəkí ahá á múbú batí ámu a, olowun oyin okuá ɔmɔwa ɔtsikpaín nketo atadié. ¹² Múbú ɔlefíté mu ɔbéé, ‘Agya, nkáli ɔbɔwe fɔmɔwa ɔtsikpaín nketo atadié asa feba nfi?’ Oyín ámu metálí lé mú ɔnó. ¹³ Múbú owíe amu lélabláa mu asúmpó ɔbéé, ‘Mlíklí mu ayabi pú mu ibi, amlitswí mu wa oklún amutò. Inó isú múbá kpisii bu ní.’ ”

¹⁴ Yesu lómɔ mu asún ɔnó ɔbéé, “Bulu tetí ahá tsɔtsɔɔtsɔ, támé ahá kpalobí pé ɔtelé.”

Lampóoka

(Marko 12:13-17; Luka 20:20-26)

¹⁵ Farisifo ámu bəyɔbɔwe ɔnɔ-ɔkule ání bétetée Yesu ɔnótó asún nú, abunya mu akítálé. ¹⁶ Mú sù bɔwa amú akasípó pú Owíe Herode ahá Yesu wá bɛɛ bəyéfíté mu bɛɛ, “Osunápó, aniyin ání ɔnɔkwalıpu fɔgyi, fɔtosúná Bulu asún ámu é ɔnɔkwalısu. Fɔtamahá ɔhaa ɔtse fú agywun, tsúfé fɔtamakí ɔhaa ansító. ¹⁷ Mú sù anidé fú fité anu. Aní mbla léha okpa ání akáa lampóo ha Roma owíe dehen Kaesare, ntée anímáka?”

¹⁸ Támé Yesu lówun amú agywun láláhe amu. Mú sù ɔlefíté amú ɔbéé, “Apinabwebí abwɛpó, ntogyi sù młidé mí sɔɔ kí? ¹⁹ Młitsu kóba amúbú bɔtəpóká lampóo amu ɔku ba mł anki.”

Bəpɔba mu, ²⁰ ɔlefíté amú ɔbéé, “Ma nwun pú mu dá dín músó?”

²¹ Bɛɛ mú ɔnó bɛɛ, “Kaesare.”

Múbú ɔlebláa amú ɔbéé, “Mómú młıpu tásı igyi Kaesare klé ha Kaesare, amlıpu múbá igyi Bulu klé é ha Bulu.”

²² Yesu mbuai ánfı lóbwie amú ɔnó. Mú sù benatí.

Kusú Tsú Afúlitò Iwı Asun Fitéhé

(Marko 12:18-27; Luka 20:27-40)

²³ Eke ámu kén á, Sadukifo aku bɛba Yesu wá. Bɔgyi ɔpasua kuá bɔteblí bɛɛ, kusú tsú afúlitò má inu. Bɛfité mu bɛɛ, ²⁴ “Osunápó, Mose lówanlín tswı anı ɔbéé, ‘Ní oku mɔa mu ka bɔmɔkwı́ asa olowu sí mu ka ámu a, mu pio ɔtsú mu ka ámu tsia, fékı okwu ha owupó ámu.’ ²⁵ Oyín okule abı abasíénó aku betsiá. Amútó ogyankpapu létsiá oká, támé ɔmɔkwı́ asa olowu. Mu pio lótsu ɔsɔrapuka amu tsia, ²⁶ támé mu é ɔmɔkwı́. ɔsaasi lótsu ɔtsı ámu tsia. Mu é ɔmɔkwı́. Alı yótu osienósı amu. ²⁷ ɔma-ɔma a, ɔsɔrapu mu é lóbowu. ²⁸ Afúli okusúké a, amútó ɔmɔmu ɔbóbɔwe mu kulu? Tsúfé amú abasíénó ámu fée betsiá mu.”

²⁹ Múbú Yesu léle mú ɔnó ɔbéé, “Megyí młı ológyi. Młmėyín Bulu asun wanlínhé amu ntée Bulu túmı. ³⁰ Nı afúli bɔkúsú á, bóbɔwe fé Bulu-abɔpu. Bɔméetsiá aká múbá akúlu. ³¹ Młmókókla asún ání Bulu onutó lébláa młı tsú afúlikusú iwı? ³² Bulu asun wanlínhé léblı ɔbéé, ‘Mıgyı młı anáın Abraham mɔa Isak pú Yakob Bulu ámu ní.’ Inı sù megyı awupó Bulu ógyi, akıankpapu Bulu ógyi.”

³³ Bréá ɔdɔm amu bonu asún ánfı á, mu atosunáhé anfi léha ɔnó lobwie amú.

Bulu Mbla Amutò Múbá Idun

(Marko 12:28-34; Luka 10:25-28)

³⁴ Bréá Farisifo bowun ání Yesu lalé Sadukifo ámu asún ɔnó, asún lawú wá amú ɔnó á, bekpa aba ya Yesu wá. ³⁵ Amútó okuleá ogyi mbla osunápó léfité Yesu asún, ɔpusɔ mu kí. ³⁶ ɔlefíté Yesu ɔbéé, “Osunápó, Bulu mbla ámutò mɔmu dón?”

³⁷ Yesu lébláa mu ɔbéé, “ ‘Pú fú klun, fú oklúa pú fú agywun fée dwe fú Wıe Bulu.’ ³⁸ Inı gyı mbla ámutò gyankpapu ání idun mú fée ní. ³⁹ Nyɔɔsı é igyi fé

mó. ‘Dwe fú bá fée fú iwí.’ ⁴⁰ Mose Mbla pó Bulu ɔ́nósú atóipú amu atosunáhé fée ilí mbla anyɔ́ ánfisú.”

Ma Gyí Kristo Amu?

(Marko 12:35-37; Luka 20:41-44)

⁴¹ Iníá Farisifo ámu bebefia sí bulí su á, Yesu léfité amó ɔ́bée, ⁴² “Nkálí mlídé Kristo, (ɔ́há ámóú Bulu ladá mu ofúli amu) iwí gywín? Ma mu na ní?”

Bebláa mu bée, “Owíe Dawid mu na ní.”

⁴³ Ɔ́lɛlafíté amó ɔ́bée, “Mó ntogyi sú Ɔ́ɛ Wankíhé léha Owíe Dawid létí mu ɔ́bée ‘Mí Wíé?’ Tsúfé Owíe Dawid léblí ɔ́bée,

⁴⁴ ‘Aní Wíe Bulu lébláa mí Wíe ɔ́bée,

Tsia mí gyɔ́písu nfi

yófun bréá néha fésatsáa fú alupósó?’

⁴⁵ Ní Owíe Dawid onutó létí ɔ́há ánfí Bulu ladá ofúli anfi ɔ́bée, mu wie a, nkálí sú ɔ́tráa ogyi mu na?”

⁴⁶ Amótó ɔ́kuku métalí lé mó ɔ́nó. Tsú eke ámu a, ɔ́haa métrá wa klɔ́n fité mu asuansu.

23

Mose Mbla Asunápó Pó Farisifo Tsiátó

(Marko 12:38-39; Luka 11:43, 46; 20:45-46)

¹ Asón ánfí ɔ́ma a, Yesu lébláa ɔ́ɔ́m amu pó mu akasípú amu ɔ́bée, ² “Mose mbla Farisifo pó Mbla asunápó amu buɔ́desuná. ³ Mó su mligyi amó asun blíhé féesó, táme mlimátsiá amó atsiábi. Tsúfé butamagyi amó onutó asun blíhésu.

⁴ Butópó ató dwindwín sórá ahá, táme amó onutó butamapó osrebi ɔ́kule kóráá tsá amó tsu. ⁵ Butɔ́bwé amó tógyító ahá ansísó. Butɔ́wánlín Bulu asón dínká tati téihésu, póklí amó ɔ́sɔ́kpí pó amó bina ibasu. Butóló nfé tintíntín síánsian amó atadié ɔ́nó. ⁶ Butekle otsiákpá yilé tsiá nke ogyíkpá pó Yudafo Ofiakpa.

⁷ Bedáli yɔ́ dɔ́nsu á, butekle bée ahá butí amó bée, ‘Asunápó,’ abubun ha amó itsiá. ⁸ Mlí fée á, apíó mligyi. Mó su mlimáha abutí mlito ɔ́haa osunápó. Ɔ́bakúle pé gyí mli osunápó. ⁹ Alí kén mlimáti ɔ́haa mli sí ɔ́sɔ́lɔ́v anfisú ní. Tsúfé Ɔ́sí ɔ́kule pé mliɔ́v, ɔ́bu ɔ́súsó. ¹⁰ Tráhetráhe a, mlito ɔ́haa máha abutí mu nkpá ogyápu. Tsúfé nkpá ogyápu ɔ́kule pé mliɔ́v. Mɔ́gyí Kristo, (ɔ́há ámóú Bulu ladá mu ofúli amu). ¹¹ Mlito ɔ́hande ɔ́bwée mli osúmpú. ¹² Tsúfé fúá fotsu iwí á, Bulu ɔ́béba fú asi. Fúá feba iwiasí é á, Bulu obótsu fú fúá.

¹³ “Mlí Farisifo pó Mose mbla asunápó, apinabwébi abwepó, mligyɔ́wí ní. Mlilatin Bulu iwíegyi ámu ɔ́kpa wá ahá. Mlí onutó mlimédékléá mlówie mu, mlídé ahá ání buɔ́de mbódí bó bée bówie mu é ɔ́kpa tíin.*

¹⁴ “Mlí Farisifo pó Mose mbla asunápó, apinabwébi abwepó, mligyɔ́wí ní. Tsúfé mlitefá ilin fá ɔ́pu, dú ibu kplí ibu há ɔ́ha tedámlí klɔ́ntó. Táme ní ɔ́dámli klɔ́ntó tá á, mlitelábwé mu otemlí isubítí ogyá ání itamaduntó ɔ́yɔ́pú dun mli onutó.

¹⁵ “Mlí Farisifo pó Mose mbla asunápó, apinabwébi abwepó, mligyɔ́wí ní. Tsúfé mlitefá ilin fá ɔ́pu, dú ibu kplí ibu há ɔ́ha tedámlí klɔ́ntó. Táme ní ɔ́dámli klɔ́ntó tá á, mlitelábwé mu otemlí isubítí ogyá ání itamaduntó ɔ́yɔ́pú dun mli onutó.

¹⁶ “Mlí Farisifo pó Mose mbla asunápó, apinabwébi abwepó, mligyɔ́wí ní. Tsúfé mlitefá ilin fá ɔ́pu, dú ibu kplí ibu há ɔ́ha tedámlí klɔ́ntó. Táme ní ɔ́dámli klɔ́ntó tá á, mlitelábwé mu otemlí isubítí ogyá ání itamaduntó ɔ́yɔ́pú dun mli onutó.

¹⁷ “Ansibi abwiepó ání mlídé ahá kpa, mligyɔ́wí ní. Mliteblí mliáa, ‘Ní ɔ́ku ɔ́ká Bulu ɔ́tswékpa obu ámu ntam a, imehián ání obégyi mósó. Táme ní ɔ́ká sika pepe atóá ibu ɔ́tswékpa obuto mu mó ntam a, ilehián ání obégyi mósó.’ ¹⁸ Ansibi abwiepó! Aha mimláhe! Mótó mɔ́mu bu labi dun? Sika pepe ató ámu lóó, ntée Bulu ɔ́tswékpa obu ámóú ilahá sika ámu lamli Bulu klé amu? ¹⁹ Mlitetráa blí

* **23:13-14** Mótó yée 14 bu nwóló dada amu akotó: Mlí Farisifo pó Mose mbla asunápó, apinabwébi abwiepó, mligyɔ́wí ní. Mlitebí aháto bó mpái tintíntín, táme mliteswíi asurapu amó wóyí pó amó ató fée é. Iní su Bulu ɔ́bébití mli iso dun aha tráhe.

mliaa, ‘Ní òkú òká afòdié-asubwi ntam a, imehián ání obégyi mósó. Táme ní òká afòdié-abòtò ámu ntam mó á, ilehián ání obégyi mósó.’ ¹⁹ Ansibi abwiepó! Mútó mòmú bụ labi dụn? Afòdié-abòtò ámu ntéé afòdié-asubwi ámuò ilahá mó ilamlí Bulu klé amú? ²⁰ Ní fèká afòdié-asubwi amú ntam a, faká ibwi ámu pò atósá idún mósó fée ntam. ²¹ Ní fèká Bulu òtswékpa amú ntam a, faká Bulu mva mụ otsiákpá ntam. ²² Ní fèká òsósó ntam a, faká Bulu mva mụ owíe obíá ntam.

²³ “Mlì Farisifò pú Mose mbla asunápó, apinabwébí abwepó, mligyowí ní. Mlitye mlì òtsòtò pú kpántánkplámá aná féeétò idú, pú idúsí há Bulu. Táme mlimédé Bulu mbla ámuò ihíé dehián, igyi asóngyí ònòkwalisù, aba nwewúun pú ònòkwaliwa ámuò gyi. Múdéhíán nì, támé mlimákiná iyéto dúsi amú é ha. ²⁴ Ansibi abwiepó ání mlídé ahá kpa, mligyowí ní. Mlìtòtsrò mbépi lé oputsútò, támé mlitemé mbéwun.

²⁵ “Mlì Farisifò pú Mose mbla asunápó, apinabwébí abwepó, mligyowí ní. Tsúfè mlìtòfwí mlì nwe pú mlì nlepe òma wankláán, támé atósá mlìlapó owi móa ònsipe swíí ahá sòón bụ mótó. ²⁶ Farisifò ansibi abwiepó, mligyankpa fwí nwe móa nlepe ámuò, mó òma é bétin.

²⁷ “Mlì Farisifò pú Mose mbla asunápó, apinabwébí abwepó, mligyowí ní. Mlìlabwé fè ntsán ání bakpá mó afá futútúútú, mó iwí lawá akíle. Táme mótó mó á, afúli awú pú atò plóhé sòón bó mó. ²⁸ Alì kén mligyí ní. Ahá boteke mlì ání mligyí yilé abwepó. Táme mlì klòntò mó á, apinabwébíbwé móa lalahébwé sòón bó mó.

Bulu Isobití (Luka 11:47-51)

²⁹⁻³⁰ “Mlì Farisifò pú Mose mbla asunápó, apinabwébí abwepó, mligyowí ní. Tsúfè mlìtòpwé Bulu ònósó atóipó pú yilé abwepó ámuò betsiá ámu ntsán, lá mó iwí wankláán, blí mliaa, ‘Ní anilétsiá anì anáin brésú asa bòmò Bulu ònósó atóipó anfi á, teke animówa ibi mótó.’ ³¹ Mlì asun blíhé anfi désuná ání mligyí Bulu ònósó atóipó amópó ámu abí-aná ní. ³² Mlìwuna yò mósó, amlimò mlì anáin bwehé ámu ònó. ³³ Awò, abe abí-aná! Mlétalí srí sí ipón ámuò Bulu òbéha mlì, kpá mlì wá isobití ogyá ámuò itamaduntò ámu? ³⁴ Mó sù nde Bulu ònósó atóipó, anyansapụ pú Mose mbla asunápó wa sísí mlì. Táme mlómò akú, dá amótó akú mántá oyikpalíhesù. Mlónwen amótó akú mplì mlì ofiakpa, dínká akusù tsú awúlusù yó awúlusù. ³⁵ Inì sù yilé abwepó ámuò mliá mlì anáin mlìlamó tsú Habelsù bəfən Sakaria, ogyi Barakia mụ bi ámuò mlìlómò Bulu òtswékpa obu móa afòdié-asubwi amú nsíné ámu fée obugya béba mlìsù. ³⁶ Ònòkwali nde mlì bláa. Inì aná fée sù Bulu isobití béba mlì ndemba-abí ánfisù ní.

Yerusalemfò Iwí Òdwe (Luka 13:34-35)

³⁷ “Òo Yerusalemfò, Yerusalemfò! Mlìtómó Bulu ònósó atóipó, dá abí ání Bulu lawá sísí mlì abwi mó ní. Ntekleá nóbun mlì abísó brégyíbré, fè aliá bate tobun mụ abísó, támé mlìtamahá mí òkpa. ³⁸ Mlìkì, Bulu obési mlì òtswékpa tswí mlì, ibédì kpan. ³⁹ Tsúfè nde mlì bláa mbéé, mliméetrá wun mì ekekekeke, yófən ekeá mléblí mliaa, ‘Bulu oyúla òhá ámuò òbá mụ idátó.’ ámu.”

24

Bulu Òtswékpa Amú Bwie (Marko 13:1-2; Luka 21:5-6)

¹ Bréá Yesu lédalì Bulu òtswékpa inu oyó á, mụ akasípó amú benatí yótò mụ, súná mụ òtswékpa inu mbu ámu. ² Móó òlebláa amó òbéé, “Mlìlawun mbu

akpɔnkpɔɔnkpɔntɪ ɔ́nfi f́éé? Ɔ̀nɔkwali nde mli bláa. Bóbwie mó f́éé bun. Ibwi kùle kóráá méesian dínká mó bású.”

Iwɔsin Mɔa Ikplán

(Marko 13:3-13; Luka 21:7-19)

³ Bréá Yesu tsie Nfɔ-nyíbu ámuɔɔ, ɔde Bulu ɔtswékpa amu kí a, mu akasípó amu nkule befíté mu beɛ, “Bla aní, bré mɔmɔtɔ́ ínɪ f́éé béba? Osúna mɔmu é ɔbéba, ibósuná ánɪ f́ú bábí pú ɔyí ɔ́nɔmɔké lafun?”

⁴ Inu Yesu léle mó ɔ́nɔ ɔbéɛ, “Mlíki wankláán, ménɪ ɔhaa méemlé mli. ⁵ Tsúfé ahá tsɔtsɔɔtsɔ bɔpu mí dá ba beɛ, amúgyí Kristo, (ɔhá ámuú Bulu ladá mu ofúli amu) nɪ. Bémlé ahá tsɔtsɔɔtsɔ bɔfwɪ ɔkpa. ⁶ Ní mlonúá ɪsá ladá mantáa mli ntée ɔtunekɔ á, opúni mátsií mli. Tsúfé lehián ánɪ ínɪ aná f́éé béba, táme imedésuná ánɪ ɔyí ɔ́nɔmɔké ámu lafun. ⁷ Tsúfé ɔmá bókɔ aba. Awíe bókusó líi abasu. Akón béba, ɔsolúbu békpinkí ntíné-ntíné. ⁸ Inɪ f́éé igyi f́é iwɔsin ánɪ ɔtsɪ towun bréá ikwí de mu dwiín.

⁹ “Alí bré ámuɔtɔ́ á, mí su ɔmá-ɔmá bólu mli. Bédínká mliɔɔ, pú mli há bówa mli amumoyɔ, mó mli. ¹⁰ Mlɪtɔ́ ahá tsɔtsɔɔtsɔ bédɪda hógyitɔ́. Bólu aba, lé aba há. ¹¹ Afunu awapú béblí beɛ, Bulu ɔ́nɔsú atɔ́ipú bugyi tsɔtsɔɔtsɔ béba bemlé ahá tsɔtsɔɔtsɔ, há amú bɔfwɪ ɔkpa. ¹² Lalahɛbwe bómóní. Mó su ahá tsɔtsɔɔtsɔ bóméetrá dwe aba. ¹³ Táme ɔhá ánɪ ɔletalí líi kínkíínkín yófɔn ɔyí ɔ́nɔmɔké á, Bulu ɔbóhɔ mu nkpa. ¹⁴ Mó ɔ́ó á, ahá bédá Bulu iwíegyí ámu iwɪ asɔn wankláán ɔ́nfi ɔkan ɔyítɔ́ f́éé, ménɪ ahá f́éé bónu mó, asa ɔyí íbómɔ ɔ́nɔ.

Iwɔsin Wúunbɪ

(Marko 13:14-23; Luka 21:20-24)

¹⁵ “Ní mlowun akísítɔ́á itobwíé ɔmá, ɪda Ɔ̀wankíkpá inu, ɪde Bulu ɔtswékpa inu kpɔ́í, f́é alíá Bulu ɔ́nɔsú ɔtɔ́ipú Daniel léblí tswɪ a, —Aklápu, mlinu mó asi!— ¹⁶ mómú ahá ánɪ bubu Yudea ɔmátɔ́ bɔsrí yɔ abusu. ¹⁷ Ɔhá ánɪ ɔdɪn obusu mákpli ɔbéɛ, moyótsu tɔtɔ obuto. ¹⁸ Ɔhá ánɪ ɔbu ndɔtɔ́ é ɔmáýinkí ba wóyítɔ́ bɔtsu mu tati. ¹⁹ Amenyapú pú abí-ayín ánɪ bupia abi bɔbwe alí bré ámuɔtɔ́, bugyówɪ ní. ²⁰ Mlíkokoli Bulu mliáa, mli ɔsríké amu umábwe nyankpu móa atsálíbí ntée ɔkpónú ɔdaké. ²¹ Tsúfé tsú ɔyí asɪtsuábɪ a, asɔn wunhe ánɪ íbéba alí bré ámuɔtɔ́ odu kuku mókúba kí. Mó odu kuku é méetrá ba ekekekeke. ²² Ní Bulu médínkí nke ámuɔɔ á, tɛkí ɔhaa méesian ɔyítɔ́. Táme ahá ámuú alalé póbwe mu kle amu su aladínkí nke ámuɔɔ.

²³ “Alí bré ámuɔtɔ́ á, ní ɔku lébláa fú ɔbéɛ, ‘Kí, Kristo, (ɔhá ámuú Bulu ladá mu ofúli amu) bu nfi ntée nána’ á, máhogyi. ²⁴ Tsúfé ahá ánɪ beɛ amúgyí Kristo amu pú ahá ánɪ bówa afunu beɛ, Bulu ɔ́nɔsú atɔ́ipú bugyi tsɔtsɔɔtsɔ béba ɔyítɔ́. Bóbwie ofúla pú osúna akpɔnkpɔntɪ púmlé ahá. Ní bétalí kóráá á, bémlé ahá ámuú Bulu lalé ámu é. ²⁵ Mlinu, nde mli ɔlá da yáí asa íba.

²⁶ “Ní ɔku ɔbláa mli ɔbéɛ, ‘Kí, Kristo amu laba ɔbu dimbísú’ a, mlimádalí yéki. Alí kén ní beblí beɛ, ‘Ɔbu obutótɔ́’ é mlimáhogyi nɪ. ²⁷ Tsúfé mí, Nyankpɔsa-Mv-Bi ɔ́nfi ɔbáke íbóbwe f́é alí ámuú nyankpu tɔfwí íbɪ, butowun mó tsú owí ɔdalíkpa yédalí owí ɔkplíwíékpá amu.

²⁸ “Ɔtínéá ɪtɔ wuhé da a, inú alása butefia.

Nyankpɔsa-Mv-Bi Amu Ibábɪ

(Marko 13:24-27; Luka 21:25-28)

²⁹ “Iwɔsin wúun amu ɔma a, owí ɔbéta, ɔtsra é ɔméetrá f́éí. Ntsrakpabi békpa tsú ɔsúsú beda. Nwulótáa móa mótɔ́ atɔ́ f́éé békpinkí. ³⁰ Mó ɔma a, mlowun mí, Nyankpɔsa-Mv-Bi ɔ́nfi íbá iwɪ osúna ɔsúsú. Ɔyítɔ́ ahá f́éé bósu. Ɔhagyíɔha obówun ánɪ mí, Nyankpɔsa-Mv-Bi ɔ́nfi napú túmí móa numnyam kpɔnkpɔntɪ mbu nwulótáatɔ́ tsú ɔsúsú nebá. ³¹ Inu á, ɔkpe ku íbélɪn kúklókúú, Bulu ɔbówa mu abɔpu b́eyekpa mu ahá ámuú alalé ámu tsú ɔyí afonka ana ámu f́éésú.

*Oyí Onómò Iwí Osúna**(Marko 13:28-31; Luka 21:29-33)*

³² “Mlípókí pǎntò oyí. Ní mǔ abámbi depǎí, ɔde atɛ pǎpwɛ lɛ á, mlítɛbí ání awikpan bré lafɔn. ³³ Alí kén, ní mlowun ání ntobí ánfí fée ɔde mótó bá a, mlébi ání mí, Nyankpɔsa-Mv-Bi ánfí íbábi lafɔn ta ní. Nawíé wóyí ámv ɔnó tá. ³⁴ Ɔnǎkwali ndɛ mli bláa mbée, ndɛmba-abí ánfí fée bɔmóowu tá asa íní fée béba mótó. ³⁵ Ɔsú mǔa así fée bótɔn, táme mí asɔn blíhé mótɔn ekekɛkɛ.

*Nyankpɔsa-Mv-Bi Ámv Ɔbáke**(Marko 13:32-37; Luka 17:26-30, 34-36)*

³⁶ “Ɔhaa méyín ɛkɛ ntée bréá ntobí ánfí fée íbéba. Bulu-abɔpu bɔmeyín. Bulu mv Bi ámv é méyín, nkétí aní Sí ámvú ɔbɔ ɔsúsú ámv nkɔlɛ pé yin. ³⁷ Alí ámvú ilegýi Noa brésú ámv a, alí íbégyi mí, Nyankpɔsa-Mv-Bi ánfí é íbábi ní. ³⁸ Tsúfé asa ntsubulábí ámv lafɔn a, ahá betsiá búde ató gyí, búde ntá núu, búde aká tsiá, búde atsi kítá há akúlu alí yófɔn ɛkéá Noa lówíe mv dáka kpǎnkpǎnkpǎntí ámvto. ³⁹ Ɔhaa mébi tǎá ɔde mǔsú yɔ, kpéfɔn bréá ntsu ámv lɔbulá sǔrá ámv fée náti. Alí kén bɔméebi mí, Nyankpɔsa-Mv-Bi ánfí íbábi ní. ⁴⁰ Alí bré ámvto á, ní ayin abanyó bulí ndɔ kɔlɛto búde agyómá yɔ á, Bulu obótsu ɔkɔlɛ sí ɔkɔlɛ. ⁴¹ Ní atsi abanyó búde nfúó kwe á, Bulu obótsu ɔkɔlɛ sí ɔkɔlɛ.

⁴² “Mlídinka ansí iwísv, tsúfé mliméyín ɛkéá mli Wíe ɔbéba. ⁴³ Táme mlinu asón ánfí. Ní wóyí mv wie yin onyé bréá owikplu ɔbéba mv wóyító a, tɛkí ologyo mv wóyí, owikplu móbwíe wíé, wí mv ató. ⁴⁴ Mú sv mli é mligyo, tsúfé mí, Nyankpɔsa-Mv-Bi ánfí néba bréá mli ansí mɛdín mísú.

*Osúmpó Wankláán Pó Ɔlaláhe**(Luka 12:41-48)*

⁴⁵ “Ma mɛɛ gyí osúmpóá ɔlɛtɔn ansí, ɔbɔ ɔnǎkwali? Mv íbitɔ mv wie tǎpú mv aba atráhe wá, ɔbéɛ ɔhá ámv atogyihe dinka brésú. ⁴⁶ Ansí bégyi osúmpó ámv, ní mv wie ámv ɔbá bowun ání lélé ɔde mǔ bwɛ. ⁴⁷ Ɔnǎkwali ndɛ mli bláa. Mv wie ámv ɔbɔpu mv ató fée wá mv íbitɔ. ⁴⁸ Táme ní osúmpó láláhe ogyí, ɔléblí wá nwuntɔ ɔbéɛ, ‘Mí wíe méeba séi.’ ⁴⁹ Íní sv olefí así ɔde mv aba asúmpó da, mva ntá abupú búde ató gyí sí ámv, búde ntá núu bv á, ⁵⁰ mv wie ámv ɔbéba bófwíe mvto ɛkéá ɔmɛdín ansí. ⁵¹ Mv wie ámv ɔbéhie títi mvto, trá bití mva apinabwebífo ámv asv kékéɛ. Ínú isú mǔa kpísíi bv ní.

25*Mbitebí Dú Ákv Iwí Yébi*

¹ “Bulu iwíegýí ámv íbóbwe fé mbitebí dú ákvá botsu ámv nkandíe dálí beyéfiá ɔká pǎpwɛ otsiápu ɔkv. ² Ámótó abanú bemímláa, abanú é betɔn ansí. ³ Aha mímláhe ámv botsu ámv nkandíe, táme bɔmotsu nfɔ kòkv kítá. ⁴ Táme atiansipu ámv botsu nfɔ wá atótó kítá. ⁵ Ɔká otsiápu ámv mókǎsí ba. Mú sv mbitebí ámv fée bɔgyɔsí, tsɔn mótó dídi.

⁶ “Ɔyí-nsíné á, ɔkv lósɔrá okitikítí ɔbéɛ, ‘Aní pí, ɔká otsiápu ámv ɔbá o! Mlídali yefia mv!’ ⁷ Ínu mbitebí ámv fée bókúsú nywé ámv nkandíe. ⁸ Aha mímláhe ámv bebláa atiansipu ámv beɛ, ‘Aní nkandíe dedúun. Mú sv mliha aní nfɔ kpalobí awa aní klétó.’ ⁹ Mú atiansipu ámv bebláa ámv beɛ, ‘O-o, ɔmǎtsó. Ímóɔfɔn ania mlinyɔ. Mliyɔ afepú wá, amliyɔhɔ mli klé.’ ¹⁰ Bréá aha mímláhe ámv bɔpu ɔkpa bɔyó á, ɔká otsiápu ámv léba. Ámv ámvú beɔa iwísv ámv bobuo ɔká otsiápu ámv wíé ɔká otsiákpá ínu, oyin ámv asúmpó befin obu ámv.

¹¹ “Mú ɔma a, mbitebí atráhe ámv é beba belí klɔn ɔma, blí beɛ, ‘Aní sí, finki ha aní awíe.’ ¹² Táme ɔká otsiápu ámv lébláa ámv ɔbéɛ, ‘Ɔnǎkwali ndɛ mli bláa, mmeyín mli ɔkpagyíɔkpasu.’ ”

¹³ Yesu lómó mó ɔnó ɔbée, “Iní sù mlída iwísw, tsúfě mí, Nyankpɔsa-Mv-Bi ánfí nẹ́ba bréá mlí ansí mēdín mísó.

*Asúmpó Abasá Iwí Yébi
(Luka 19:11-27)*

¹⁴ “Nyankpɔsa-Mv-Bi ámu ibábi bóbwε fě ɔkuá ɔde ɔkpa tu, ɔletí mu asúmpó, ye mu ató há amó ɔbée, bukí mósó yaí mu. ¹⁵ Ɔlɔpu sika pepe akente anu há ɔkule, pó akente anyɔ há onyɔɔsi, ɔlɔpu kente kule é há ɔsaasi. Ɔleha okugyíaku mu ɔwɔnlín ɔnó asa ɔlenatí. ¹⁶ Osúmpó amóú olenya akente anu ámu lówa ɔsa pó kóba amu fi ibiágyí asi. Mó sù imɔwa ɔpá kuku, olenya akente anu dínká mósó. ¹⁷ Onyɔɔsi amu é lédamlí ibi mu sika pepe akente anyɔ ámusu alí kén. Mó sù olenya akente anyɔ dínká mósó. ¹⁸ Táme ɔsaasi amóú olenya kente kule amu mó lóyókwi ɔbó, pó mu wie sika pepe amu ɣáín mótó.

¹⁹ “Ɔlɔwa ɔpá asa amó wíε amu lótsu mu ɔkpa ámu ba, ɔletí amó ɔbée, mɔa amónyɔ bóbu akúnta. ²⁰ Osúmpó amóú olenya sika pepe akente anu ámu lótsu móa mósó ɔdínka akente anu ámu ba mu wie, bebláa mu ɔbée, ‘Mí wíε, fεha mí sika pepe akente anu. Mí é nanyá akente anu dínká mósó. Mó ní.’ ²¹ Mu wie amu léda mu ipán, blí ɔbée, ‘Fabwé ató. Osúmpó wankláán fúgyi. Iníá fawá ɔɔkwali ató tókúrííbi ánfíto sù á, nɔpu fú yáí mí ató tsɔtsɔtsɔ ɔnó. Ba afubetsiá mí wá, anya ansigyí.’

²² “Osúmpó onyɔɔsi amóú olenya sika pepe akente anyɔ ámu é lébláa mu wie ɔbée, ‘Mí wíε, sika pepe akente anyɔ fεha mí. Mí é nanyá anyɔ dínká mósó. Mó ní.’ ²³ Mu wie amu léda mu ipán, blí ɔbée, ‘Fabwé ató. Osúmpó ɔɔkwali pu fúgyi. Iníá fawá ɔɔkwali ató tókúrííbi ánfíto sù á, nɔpu fú yáí mí ató tsɔtsɔtsɔ ɔnó. Ba afubetsiá mí wá, anya ansigyí.’

²⁴ “Móú osúmpó amóú olenya sika pepe kente kule amu é lébebláa mu wie ɔbée, ‘Mí wíε, nyin ání fú asón bu ɔnlín. Futekpótí ató ɔtínéá fɔmodu; futekpá ató-abí ɔtínéá fɔmefítá. ²⁵ Mó sù nenyá ifú pó fú sika pepe amu ɣáín ɔbótó. Mó ní, hɔ fú ató.’

²⁶ “Inu mu wie amu lébláa mu ɔbée, ‘Osúmpó laláhe, ɔwɔliyɔpó fúgyi. Fɔyin ání ntɔkpótí ató ɔtínéá mmodu, ntekpá ató-abí ɔtínéá mmeftá ató. ²⁷ Iníá fɔyin mó alí á, tekí fɔpu yótswi sika ɔyaíkpá. Iníá naba a, tekí nóyɔhɔ móa mósó abí.’ ²⁸ Móú oyin ámu lébláa mu asúmpó amu ɔbée, ‘Mlɔswu mu sika pepe kente kule amu ha ɔmɔamóú alanya akente idú ámu. ²⁹ Tsúfě ɔhá ání ɔbu tsɔtsɔ á, be trá pu íku tsía mótó há mu, obénya tsɔtsɔtsɔ. Táme ɔhá ání ɔma á, bósuwí mu kpalobíbiá ɔbu, ³⁰ amlɔswi osúmpó anfi ɔma labi ánfí wa oklúntɔ. Inó isú móa kpisíi bu ní.’

Asóngyí

³¹ “Ní mí, Nyankpɔsa-Mv-Bi ánfí nẹ́ba mí iwíε ogyíkpá, Bulu-abɔpu fée bubuo mɔ á, nétsiá mí ɔsósó numnyam owíε obíásó. ³² Békpa ɔyító ahá fée befia mí ansító. Inu nótɔsí amótó, fě alíá mbwí ɔkpa pótótótó akúfa lé akpalátɔ. ³³ Fówun nahá akúfa amu balíí mí gyɔpɔsu, akpaláa amu é balíí mí binasu. ³⁴ Inu mí ánfí ngyi Owíε anfi nébláa ahá amóú bulíí mí gyɔpɔsu ámu mbée, ‘Mlɔ ahá ánfí mí Sí layúlá ánfí mlíba, amlíbetsiá iwíεgyí amóú ɔlelayái há mlí tsú ɔyí asítsuábi ɔpá ámɔtɔ. ³⁵ Tsúfě akón lekítá mí á, mlíléha mí ató negyi. Ɔmewóli lekítá mí, mlíléha mí ntsu nonu. Nɔbwε ɔfóó, mlíléha mí ɔfóó. ³⁶ Nenatí yayá, mlíléha mí tati nedídá. Nɔlɔ, mlílékí mɔ. Nedí obu, mlílébá bekí mɔ.’

³⁷ “Inu yilé abwεpó ámu bεfité mí beε, ‘Aní Wíε, ɔmenke anilówun ání akón de fú, aniléha fú ató fegyí? Ɔmewóli de fú, aniléha fú ntsu fonu? ³⁸ Fɔbwε ɔfóó, anilóhɔ fú ɔfóó? Ɔmenke fenatí yayá, aniléha fú tati fedídá? ³⁹ Ɔmenke folɔ, ntée fedí obu, aniléba bekí fú?’

⁴⁰ “Inu mí ánfí ngýi Owíe ánfí nébláa amó mbéé, ‘Onòkwali nde mli bláa. Tógyítáá mlilóbwe há mí apíó ánfí ahá butamabú amó wá ahátó ánfító oku á, mí mlilóbwe mó há á.’

⁴¹ “Inu nébláa ahá ámúbú bulí mí binasv ámu é mbéé, ‘Mlikpukpe tɛi nfi. Bulu lalwí mli. Mliyɔ ogyá ámúbú itamadun, Bulu lélayáí há Ọbunsám móa mu abɔpu amuto. ⁴² Tsúfé akón lekítá mí, mliméha mí atogyihɛ. Ọmewólí lekítá mí, mliméha mí ntsu annu. ⁴³ Nɔbwe ɔfɔ́, mlimóhɔ mi ɔfɔ́. Nenatí yayá, mliméha mí tati andida. Nɔlɔ, nedí obu; mliméki mi.’

⁴⁴ “Inu amó é bɛfité mí bɛɛ, ‘Ani Wíé, ọmenke anilówun ání akón de fú, ọmewólí de fú, fugyi ɔfɔ́, funa yayá, fudelo ntéɛ fuda obu; animébeke fu?’ ⁴⁵ Inu mí ánfí ngýi Owíe ánfí nébláa amó mbéé, ‘Onòkwali nde mli bláa. Alí ámúbú mlimóbwe mó há mí apíó ánfí ahá butamabú amó wá ahátó ánfító oku á, mí mlimóbwe há á.’ ⁴⁶ Bulu ọbéha amó bóyɔ iwiasin ání itamatátó, táme yilé abwepó ámu mó benya nkpa ání itamatá.”

26

Bekiklɪ Yesu Nwunsu

(Marko 14:1-2; Luka 22:1-2; Yohane 11:45-53)

¹ Bréá Yesu lósuná ató ánfí fée tá á, ọlebláa mu akasípó amu ọbéé, ² “Mliyin ání ilasí nkenyó bégýi Israelfɔsu Katsun Nke. Nke ámuto á, oku ọbópó mí, Nyankpɔsa-Mu-Bi ánfí wá mí alupó ibító, bédá mí mántá oyikpalihɛsu.”

³⁻⁴ Alí bré ámuto á, Yudafo Bulu igyí ahapó dehen pó amó ahande befia igyí ọhapó dehen Kaiafa wóyító, kítá agywun okpa ání bótsun mósó kítá Yesu njáinto, mó mu. ⁵ Táme beblí bɛɛ bumóóbwe mó nke ámuto, méní kpokiti méeda ọmá ámuto.

Ofobi Fánfánfán Pwólí Yesu

(Marko 14:3-9; Yohane 12:1-8)

⁶ Bréá Yesu bu Betania wúluto, Simon okvá alaló ọlọ pɛpɛ kɪ wóyító ọde ató gyí a, ⁷ ọtsi oku léba mu wá. Ọde prentva wankláán kvá ofobí fánfán ání ibu bíá bɔ mó, ọletséí ofobí ámu wólí Yesu nwunto. ⁸ Yesu akasípó amu benya ọbló bréá bowun iní. Mó su bɛfité bɛɛ, “Ntogyi só ọtsi ánfí layíntá ofobí fánfán ánfí? ⁹ Abétalí fé mó ibiá kpékpélé, pó kóba amu há ahiánfɔ.”

¹⁰ Yesu lébɪ ání ọbló lakítá amó. Mó su ọlebláa amó ọbéé, “Ntogyi só mliɔde mu háan? Itó yilé alabwé há mí. ¹¹ Ahiánfɔ bétsiá mliɔ ekekegyiɛke, táme mí mó mméetsiá mli wá yó. ¹² Alatséí ofobí fánfán ánfí wólí mí, pólá mí ọyolúv yáí há mí opuláké. ¹³ Onòkwali nde mli bláa. Ọyító ọtínegyiɔtínéá bédá Bulu asun wankláán ámu okan a, beblí tó ánfí ọtsi ánfí labwé ánfí pókáín musu.”

Yuda Iskariot Lótsulá Aní Ọbéle Yesu Há

(Marko 14:10; Luka 22:3-6)

¹⁴ Mó ọma a, mu akasípó dúanyɔ ámuto okvá butetí mu Yuda Iskariot lóyɔ Bulu igyí ahapó dehen amu wá. ¹⁵ Ọleyéfité amó ọbéé, “Ní nelé Yesu há mli á, ntó mléha mí?” Mó su bekla sika futútú advasa (30) wá mu ibító. ¹⁶ Tsú bré ámuto ọlwa okpa dunká ání ọbótsun mósó lé Yesu há amó.

Katsun Atogyihɛ Gyi

(Marko 14:12-21; Luka 22:7-14, 21-23; Yohane 13:21-30)

¹⁷ Israelfɔ Bodobodo Mátúhénke ámuto eke gyankpapu a, akasípó amu beba Yesu wá bɛfité mu bɛɛ, “Ani Wíé, obu mɔmuto ayela ha fu, afugyi Israelfɔsu Katsun Nke atogyihɛ amu?”

¹⁸ Yesu lébláa amó ọbéé, “Mliyɔ asímasi wá wúluto, amliyébláa mu mlihaa, ‘Osunápó amu ọbéé, mí bré lafun. Iní su mía mí akasípó abá begyi Israelfɔsu Katsun Nke ámu fú wóyító.’ ”

¹⁹ Mú sɔ akasípó amɔ bɔyɔbwɛ alɪ ámóú Yesu lébláa amó ámɔ pépéépé. Bɛla obu ámutɔ, bwé Katsɔn Nketɔ atogyihɛ amɔ yáí unɔ.

²⁰ Bréá nsaintɔ deklúun a, Yesu mɔa mɔ akasípó bɛba betsiá ɔpónó ámɔ asi.
²¹ Ató ámɔ ogyíkpa a, Yesu lébláa amó ɔbéɛ, “Ɔnɔkwali ndɛ mli bláa, mliɔ ɔkulɛ ɔbéɛ mí há.”

²² Asón ánfɪ lɛhiɛ han akasípó amɔ. Mú sɔ befi asi buɔɔ mɔ fité kulɛkulɛ bɛɛ, “Mí Wíé, mí ní lóó?”

²³ Yesu lébláa amó ɔbéɛ, “Ɔhá ámóú mía mɔnyɔ anidé ibɪ wá ɔlɛpɛ ɔkulɛɔ ámɔ ɔbéɛ mí há. ²⁴ Mí, Nyankpɔsa-Mɔ-Bi ánfɪ nówu fé alíá bɔwanlín tswí, táme ɔhá ámóú ɔbéɛ mí há ámɔ ɔgyówɪ ní. Ní bɔmetepí kwíí mɔ kóráá á, tekɪ ibɔ alé há mɔ.”

²⁵ Yuda Iskariot amóú ɔlɛɛ mɔ há ámɔ é léfité mɔ ɔbéɛ, “Osunápó, mí ní lóó?” Múú Yesu lébláa mɔ ɔbéɛ, “Ee, fablí.”

Yesu Ntɔpwɛ Atogyihɛ Tráhe

(Marko 14:22-26; Luka 22:14-20; 1 Korintofɔ 11:23-25)

²⁶ Bréá buɔɔ ató ámɔ gyí a, Yesu léɛ bodobodo ipín, ɔlɛda Bulu ipán, bíábía mótó póhá mɔ akasípó amɔ, blí ɔbéɛ, “Mliɔ amligyí. Mí ɔyɔlúɔ nɪ.”

²⁷ Inu olotsu ntá-ɛwɛ, ɔlɛda Bulu ipán, póhá amó ɔbéɛ, “Mli féé mliɔ amlinu.
²⁸ Mí obugya nɪ. Mú Bulu dépɔsí mɔ nta^{*} ání alaká há ahásɔ ní. Bétseí mó wólí asi, ménɪ obési ahá tsɔtsɔtsɔ lakpan kíé amó. ²⁹ Ndɛ mli bláa mbéɛ, mméetrá nu wáun-abí ntá ánfɪ alɪ yófɔn ekéá mía mlinyɔ abélanu mó pópwe mí Sí iwíegyi ámutɔ.”

³⁰ Benya wá ibɔ dá Bulu ipán tá alɪ, benatí yó Nfɔ-nyíbu ámɔsɔ.

Petro Ɔbɔswí Ɔbéɛ Mɔmeyín Yesu

(Marko 14:27-31; Luka 22:31-34; Yohane 13:36-38)

³¹ Bréá bowie Nfɔ-nyíbu ámɔsɔ á, Yesu lébláa amó ɔbéɛ “Mli féé mléyinkí mí ɔma onyenɪ. Tsúfé bɔwanlín wá Bulu asón ámutɔ bɛɛ, ‘Néda akúfa ɔkparú ámɔ lédá, mɔ akúfa bédasáín.’ ” ³² Múú ɔlɛtrá blí ɔbéɛ, “Táme ní Bulu ɔkósúa mɪ tsú afúlito á, négya mli nkpa yó Galilea ɔmátó. Inu mlóɔɔtɔ mí ní.”

³³ Petro lébláa mɔ ɔbéɛ, “Ní amó féé beyinkí fú ɔma kóráá á, mí mó mméeyinkí ekekeke.”

³⁴ Yesu lébláa mɔ ɔbéɛ, “Ɔnɔkwali ndɛ fú bláa. Onyenɪ, asa batɛ ɔbéɛ ɔnó á, fɔswí pó ibɪ wá ogyá tse sa féɛ fɔmeyín mí.”

³⁵ Inu Petro lébláa mɔ ɔbéɛ, “Ní lowu ígyi kóráá á, mméekiná fú ekekeke.” Alɪ kén akasípó atráhe amɔ é beblí ní.

Mpáibɔ Getsemane

(Marko 14:32-42; Luka 22:39-46)

³⁶ Yesu mɔa mɔ akasípó bɔyɔ ɔtinekoá butetí unɔ Getsemane. Bréá bowie unɔ á, ɔlebláa amó ɔbéɛ, “Mlitsia nfɪ, nɔyɔ nkpa yóɔ mpái.” ³⁷ Ɔlekpa Sebedeo abi anyɔ, bɔgyi Yakobo mɔa mɔ pio Yohane pó Petro ya. Inu asón lɛhiɛ han mɔ, mɔ ansí lɛpɛ. ³⁸ Múú ɔlebláa amó ɔbéɛ, “Asón ihíé ɔɛ mí háan, ideklé unɔ mí. Mlitsia nfɪ, mía mlinyɔ agyo.”

³⁹ Inu ɔlenatí yó nkpa kpalobí, ɔlɛda akpawunu pó ansító bun ɔsolúɔ, kókóli Bulu ɔbéɛ, “Mí Sí, ní ibówa alé á, ha ntá-ɛwɛ ánfɪ† ɪtsɔn mɪsɔ. Táme megyí tóá ndeklé, mboún móá fudeklé ibá mótó.”

⁴⁰ Múú ɔleyinkí ba akasípó amɔ wá bowun ání buɔɔɔɔɔɔ. Inɪ sɔ ɔléfité Petro ɔbéɛ, “Mú sɔ mlinétalí tsíá, mía mlinyɔ agyo ɔɔnhwírɪ kulɛ kpán?

⁴¹ Mligyo amlíkóli Bulu, ménɪ mlinmóowie isókɪɔ, tsúfé mli ɔhé deklé, táme nyankpɔsa-oyí lɔpɔn.”

* **26:28** Nta pópwe bɔ nwóló dada amó akɔɔ. † **26:39** Ntá-ɛwɛ ánfɪ igyi iwɔɔsin ání Yesu obówun.

⁴² Yesu létrá yókokóli Bulu óbée, “Mí Sí, ní ntá-ewe ánfí móòtsun mĩsũ, ɪbwé alíagyíalíá nónu mó á, mómu tóá fúdeklé ɪbá mótó.” ⁴³ Ólétrá yinkí ba bowun ání akasípó amũ bũtráa bũdɛdɪdɪ, tsúfɛ dɪdɪ dɛ amó bũ.

⁴⁴ Mó sũ ólɛnatí sí amó, trá yókokóli Bulu otse saasi, blí asón amũ kén. ⁴⁵ Oleyinkí ba akasípó amũ wá, bɛfité amó óbée, “Mlɪlatráa si mlɪda mlɪdé ɔkpónó da? Mlɪkɪ, bré amũ lafũn ání bópũ mí, Nyankpɔsa-Mv-Bi ánfí wá lakpan abwepó ɪbɪtɔ. ⁴⁶ Mlɪkũsũ ayo. Mlɪkɪ, ɔhá amóú ɔdɛ mí lɛ há amũ ná á.”

Yesu Kítá

(Marko 14:43-50; Luka 22:47-53; Yohane 18:3-12)

⁴⁷ Yesu ɔnó mesi asa akasípó dúanyɔ amũtɔ ɔkuléá bũtɛtí mũ Yuda lóbowie ɪnũ. Ɔɔɔm kpɔnkpɔnkpɔntíá bũdɛ ndayí pó nkpotí bũbũo mũ. Bulu igyí ahapó dɛhɛn pó Yudafo ahandɛ amũ lówa amó. ⁴⁸ Yuda amóú óbée Yesu há amũ lébláa ɔɔɔm amũ yáí óbée, “Ɔhá amóú nélatá pútá amũ gyí ɔhá amũ nɪ. Mlɪkɪta mũ.”

⁴⁹ ɪnɪ sũ ólɛnatí laa yéha Yesu itsiá óbée, “Osunápó, tsia ní!” Ólɛlatá mũ pútá.

⁵⁰ Móú Yesu lébláa mũ óbée, “Agya, bwɛ tóá ɔbwɛkpá fɛba.”

ɪnũ ahá amũ bɛnatí tó Yesu, kítá mũ kinkíinkín. ⁵¹ ɪnũ Yesu akasípó amũtɔ ɔkulé lótswɪ mũ ɔdayí, kpá Bulu igyí ɔhapó dɛhɛn osúmbi ɔkũ ɪsũ lé. ⁵² Móú Yesu lébláa mũ óbée, “Yinkia fú ɔdayí wa mó ɔflɛtɔ. Tsúfɛ ɔhá ání ɔtɛnatí kítá ɔdayí á, ɔdayí ɔnó otesin. ⁵³ Fũmeyín fɛɛ nétalí kókóli mí Sí ɔbéha mũ abɔpũ tsɔtsɔɔtsɔ akú dúanyɔ béba bɔkɔ hɔ mɪ? ⁵⁴ Táme ní ɪbá alɪ á, nkálɪ ɪbóbwɛ asa Bulu asũn wanlínhé amũ ɪbéba mótó?”

⁵⁵ ɪnũ Yesu léfité amó óbée, “Ogyo otswapó ngyi, sũ mlɪlatsú nkpotí pó ndayí mɛbá mí ɔkutákpá? Ntsie mlɪ wá Bulu ɔtswékpa ɪnũ ekekegyíɛkɛ ndɛ mlɪ ató suná, mlɪmékítá mí ekekeɛkɛ. ⁵⁶ Táme ɪnɪ fée laba mótó, ménɪ Bulu ɔnósú atóipó asón wanlínhé amũ ɪbéba mótó.”

ɪnũ akasípó amũ fée bɛsrí sí mũ.

Yudafo Ahandɛ Ansító Lú

(Marko 14:53-65; Luka 22:54-55, 63-71; Yohane 18:13-14, 19-24)

⁵⁷ Móú Yesu akítápó amũ bɛkpa mũ ya Bulu igyí ɔhapó dɛhɛn Kaiafa. ɪnú mɔa Mose mbla asunápó pó Yudafo ahandɛ amũ bɛfia nɪ. ⁵⁸ Táme Petro lépɛtí obũo amó ɔma tsútsúútsú alɪ bowie igyí ɔhapó dɛhɛn wóyító ɪnũ. Oleyétsiá amó agyópũ wá, ménɪ obówun alíá asón amũ ɪbómɔ ɔnó. ⁵⁹ ɪnũ Bulu igyí ɔhapó dɛhɛn amũ mɔa Yudafo asón agyípó amũ fée bodunká ahá ání béka asón dínká Yesusũ, ménɪ belíí mósú mó mũ. ⁶⁰ Afunupũ tsɔtsɔɔtsɔ bɛdalɪ ba, táme amó fée ɔnó lɔtsũn ɔtsan. Mó ɔma a, ahá abanyó bɛdalɪ belíí ahandɛ amũ ansító, ⁶¹ blí bɛɛ, “Oyin ánfí léblí óbée, ‘Nétalí bwíé Bulu ɔtswékpa amũ, lápó nkɛnsá yi mó.’ ”

⁶² Móú Bulu igyí ɔhapó dɛhɛn amũ lókũsú líí fité Yesu óbée, “Fũma ɔnó lé? Fũma asũansũ blí púlé fú ɪwɪ?” ⁶³ Táme Yesu móbwíí ɔnó. Bulu igyí ɔhapó dɛhɛn amũ lélabláa Yesu óbée, “Neká Bulu Ɔkɪankpapũ amũ, ní fúgyí Kristo, (ɔhá amóú Bulu ladá mũ ofúli), ogyi Bulu mũ Bi amũ a, bláa anɪ.”

⁶⁴ Móú Yesu lébláa mũ óbée, “Mó fablí á. Táme mlɪbɪ ání tsú ndɛ póya a, mlówun mí, Nyankpɔsa-Mv-Bi ánfí ntsie Bulu Otúmípu gyɔpɪsũ ánfí, ndɪn ɔsúsú nɔwúlótáasũ nɛbá.”

⁶⁵ Móú Bulu igyí ɔhapó dɛhɛn amũ lékítá mũ atadiɛ bálí mó kiaan,‡ blí óbée “Alabó mbusuo! Adánsɪɛ mɔmũ anɪtráa anɪgyó? Yéɛ mlɪlanú abususũ ání alablí. ⁶⁶ Nkálɪ gyí mlɪ agywun?”

Bɛbláa mũ bɛɛ, “ɪlehían ání obówu!”

⁶⁷ ɪnũ botutúu atsvónó wólí mũ ansító, wɔwɔ mũ atswɛ. Akũ é bɛdadáa mũ asũtɔ, ⁶⁸ fité mũ bɛɛ, “Bulu ɔnósú ɔtópó Kristo, ma ladá fú? Bla anɪ.”

‡ 26:65 ɪlosuná ání asón amũ lawíé mũ ɪwɪtɔ dũbɪ.

Petro Lóswú Ǫbé Mmeyín Yesu

(Marko 14:66-72; Luka 22:56-62; Yohane 18:15-18, 25-27)

⁶⁹ Petro tsie wunsínésú inu, otsibi ǫku lóbatu mu. Ǫlebláa Petro ǫbé, “Fúa Yesu Galileayin amu nyo ná.”

⁷⁰ Táme Petro lówa ǫnlí ahá ámu fée ansító ǫbé, “Mmeyín asón ánfí fudeblí ánfí iwí kúkuu.” ⁷¹ Mú ǫma wóyí ǫnó inu é á, otsibi ǫku é lébi Petro. Mú su ǫlebláa ahá ání bulí inu ǫbé, “Oyin ánfí muva Yesu Nasaretyin amunyo ténátí.”

⁷² Inu Petro lópu ǫnlí ká ntam, blí ǫbé, “Mmeyín mu.”

⁷³ Mú ǫma a, ahá ámuú bulí inu ámuúto ǫku beba bebláa Petro be, “Lélé mó á, anyin ání fúa Yesunyo ná, tsúfé fú tóito de aní suná alí.”

⁷⁴ Inu Petro lówa ntam kakáa bi ǫbé, “Neká tógyító, mmeyín oyin ámuú mlidé mu iwí asón blí ámu!”

Inu baté lóbon. ⁷⁵ Petro lékaín ání Yesu lébláa mu ǫbé, “Fóswí tse sa fée fmmeyín mí asa baté ǫbéle ǫnó.” Inu ǫledali híe yósu.

27

Yesu Kpa Ya Pilato

(Marko 15:1; Luka 23:1-2; Yohane 18:28-32)

¹ Ǫyi kehe nyanki-nyanki a, Bulu igyí ahapú dehen pú Yudafo ahande amu bekítá agywun be, bómo Yesu. ² Mú su beklí mu, pú mu yówa Pilato ibito. Múgyí Roma ǫhandeá ǫde Yudea ǫmású gyí ní.

Yuda Iskariot Iwí Sián

(Gyumagyihe 1:18-19)

³ Yuda ámuú ǫlele Yesu há ámu lówun ání bahá Yesu pón. Ulehan mu. Mú su oleyinkia sika futútú advasa ámu ya Bulu igyí ǫhapú dehen pú Yudafo ahande amu. ⁴ Ǫlebláa ámu ǫbé, “Nalé ǫhá ání ǫmókúbwé lakpan kuku há. Mú su nabwé lakpan.”

Mú bebláa mu be, “Anímeyín mó iwí kuku. Fú asón igyi.”

⁵ Mú su Yuda lótswi sika futútú ámu sísí ámu Bulu ǫtswékpa wunsínésú inu, náti yésián iwí.

⁶ Bulu igyí ahapú dehen amu bótási kóba amu, blí be, “Aní mbila meha ǫkpa ání apúv kóba anfi odu wa Bulu ǫtswékpa kóbató, tsúfé mó iwí metin. Obugya kóba igyi.” ⁷ Mú su bóbwe agywun, pú kóba ámu yóho ató ǫpwepó ǫku ǫsolúv, pú inu bwé afó ání bubu Yerusalem opulákpá. ⁸ Iní su bótó nde bótetí inu be, “Obugya ǫsolúv.”

⁹⁻¹⁰ Iní léha Bulu asón ámuú ǫleblí tsón mu ǫnósú ǫtóipó Yeremiasu ámu léba mótó. Ǫbé, “Botsu sika futútú advasa ámuú Israelfo begyi mu ibiá, ho mu amu yóho ató ǫpwepó ǫku ǫsolúv fé alí Bulu lébláa mí.”

Yesu Líi Pilato Ansító

(Marko 15:2-5; Luka 23:3-5; Yohane 18:33-38)

¹¹ Yesu líi ǫmású ǫkípu Pilato ansító. Mú Pilato léfité mu ǫbé, “Fúgyí Yudafo owíe amu ní?”

Yesu lébláa mu ǫbé, “Ee, mó fablí á.” ¹² Táme bréa Bulu igyí ahapú dehen pú Yudafo ahande amu beka asón dínká Yesusu á, ǫmele kuku ǫnó.

¹³ Mú Pilato léfité mu ǫbé, “Fumedé asón ánfí bakla dínká fósú ánfí nu?”

¹⁴ Táme Yesu métepí bwíi ǫnó. Mú su ilobwie Roma ǫhande amu ǫnó.

Yesu Lowu Ipón Ha

(Marko 15:6-15; Luka 23:13-25; Yohane 18:39-19:16)

¹⁵ Ofifigyiofi, ní bude Israelfosu Katsun Nke gyí a, Roma ǫhande amu tesí obu ǫdípó ǫkuléá ǫdam amu budeklé há ámu. ¹⁶ Alí bré ámuúto á, obu ǫdípó ǫkúá alahó dá, bótetí mu Baraba da obu. ¹⁷ Mú su bréa Yudafo ámu fée bebefia a, Pilato

léfité amó ɔ́bée, “Ma nsii ha mli? Baraba lóó, ntée Yesu, b́tetí mu Kristo amó?”
¹⁸ Tsúfɛ Pilato yin ání Yesu ɪwɪ olu ś Bulu igyí ahapó dehen ṕ Yudafo ahande amó bakítá mu ba mu.

¹⁹ Bréá Pilato tsie ɔ́de Yesu asón ámu gyí a, mu ka lówa obí mu wá ɔ́bée, “Mábwe oyin ánfí mu asón da ɔ́kpa ánfí t́t́. Tsúfɛ ígye onyé á, nokun okude wun mu, ifú lehié kítá mí.”

²⁰ Táme Bulu igyí ahapó dehen ṕ Yudafo ahande amó beha ɔ́dom amó ɔ́nó bee, bukókoli Pilato osi Baraba, abumó Yesu. ²¹ Ḿ su Roma ɔ́hande amó lélafité ɔ́dom amó ɔ́bée, “Ahá abanyó ánfíto ɔ́móm nsii ha mli?”

Botsu ɔ́nó bee, “Baraba!”

²² Ḿ Pilato létrá fité amó ɔ́bée, “Nt́ mbwée Yesu, b́tetí mu Kristo, (ɔ́há ámó Bulu ladá mu ofúli amó)?”

Amó fée bebláa mu bee, “Ha abuda mu manta oyikpalíhesu!”

²³ Pilato léfité amó ɔ́bée, “Ntogyi su! Tsitsa móm alabwé?”

Inu belakplón kóklókú bee, “Ha abuda mu manta oyikpalíhesu!”

²⁴ Bréá Pilato lówun ání alabwé kásíán, kpokiti mboún deklé ida inu á, olotsu ntsu fwí ibi amó ansító inu, bláa amó ɔ́bée, “Mí ibi anyo ima oyin ánfí lowuto. Mli asón igyi.”

²⁵ Yudafo ámu fée bebláa mu bee, “Mu lowu isubítí ibá ania aní abí-anású!”

²⁶ Inu Pilato lési Baraba há amó, ɔ́leha mu isá akópó bepití Yesu ató, ɔ́lɔpu mu wá amó ibito ɔ́bée, b́yédá mu manta oyikpalíhesu.

Yesu Ahinlá Bwe

(Marko 15:16-20; Yohane 19:2-3)

²⁷ Inu ɔ́másó ogyípó amó isá akópó bekpa Yesu ya mu wóyító. Beɪ amó aba isá akópó atráhe amó fée, beda Yesu ɔ́bun. ²⁸ B́wɔ́i Yesu atadie, ṕ ligá pepe ku wá mu. ²⁹ B́lu obungyo-awu, bwé ḿ owíepa bun mu nwun. B́pu oyí ku wá mu gyɔpi ibito, fé akɔ́nfra. Beda akpawunu mu ansító, b́de mu ahinlá bwe bee, “Yudafo Owie, f́ nkpasu ɔ́nlinsu!” ³⁰ Botu atsonó wólí Yesu, swí mu oyí ámu ṕpítí mu nwuntó. ³¹ B́bwe mu ahinlá tá á, b́wɔ́i amó ligá pepe amó, yínkia mu onutó atadie wá mu, bekpa mu dáli b́yó abuyéda mu manta oyikpalíhesu.

Yesu Da Mántá Oyikpalíhesu

(Marko 15:21-32; Luka 23:26-43; Yohane 19:17-27)

³² Bréá b́yó á, befia Kireneyin ɔ́kúá b́tetí mu Simon. Isá akópó ámu beka mu híe bee, ɔ́hó oyikpalíhe amó súra. ³³ Boyówie ɔ́tnekuá b́tetí inu Golgota. Ḿ así gyí, “Nwun Okokobi Otsiákpá.” ³⁴ B́pu afá kítákítá wá ntátó tin Yesu ɔ́nó bee onúu, táme bréá ɔ́leda ḿ ɔ́nó á, olekiná nu.

³⁵ Beda mu mántá oyikpalíhe amusu tá á, beye mu atadietó. Inu b́tswi abi ṕkí ɔ́hagyíɔ́ha ogyíkpá. ³⁶ Besi b́tsie inu, b́de mu ɪwɪ gyóo. ³⁷ Ḿ b́wanlín t́á śá b́de mu da mántá oyikpalíhesu, dá mántá mu awunso bee, “YESU, YUDAFÓ OWIE AMU NI.” ³⁸ Beda awikplu abanyó é mántá nyikpalíhesu tsia motó. ɔ́kule bu mu gyɔpisu, ɔ́kule é bu mu binasu.

³⁹ Inu atsonpu b́kpukpúu nwuntó, blí Yesu ɪwɪ abususu bee, ⁴⁰ “Yée f́ f́e f́etalí b́wíe Bulu ɔ́tswékpa amó, lápwé ḿ nkensá owító ní? H́ f́ ɪwɪ! Ní lélé Bulu mu Bi f́gyi á, kpli tsu oyí ámusu aki.”

⁴¹ Alí kén Bulu igyí ahapó dehen, Mose mbla asunápó ṕ Yudafo ahande amó é b́bwe mu ahinlá ní. ⁴² Beblí bee, “ɔ́lɔh́ ahá nkpa, táme ɔ́metáli h́ mu ɪwɪ. Ní ḿgyí Israelfó owie amó a, ɔ́kplí tsu oyí ámusu, méní abóh́ mu gyi. ⁴³ Yée ɔ́bée Bulu mu Bi ḿgyi, mu ansí dín Bulusu. Bulu ɔ́lé mu séi, aki ání otekle mu asón.”

⁴⁴ Alí kén awikplu ámó beda mántá nyikpalíhesu mu wá ámu é b́bwe mu ahinlá ní.

*Yesu Lowu**(Marko 15:33-41; Luka 23:44-49; Yohane 19:28-30)*

⁴⁵ Owí leta ɔsɔlɔ́n amɔsɔ fée, tsú dódúanyɔtɔ alu yɔ́fɔn ntɔ́pwe ɔsɔtɔ. Owí metrá lun ɛ. ⁴⁶ Ɖɔsa ámɔtɔ á, Yesu lókplɔn kóklókóó Hebri ɔblítɔ ɔbéɛ, “Eli, Eli, Lama Sabaktani?” Mú así gyí, “Mí Bulu, mí Bulu, ntogyi sù fakpá mí ɔma?”

⁴⁷ Bréá ahá ámóú bulí inu ámɔtɔ aku bonu asón ánfí á, beblí bɛɛ, “Ɖɛ Elia kpolí.” ⁴⁸ Inu amótɔ ɔku lésrí yótsu ɔsapɔ, pódá ntá ɔdátɔ, púyí oyísó, tsú mó fúá, pútín mu ɔnó ɔbéɛ onúu.

⁴⁹ Táme mu aba atráhe amu bebláa mu bɛɛ, “Si, alu kí bɛɛ Elia ɔbéba bɔhɔ mu.”

⁵⁰ Yesu létrá kplón kóklókóó, ɔlele ɔhé.

⁵¹ Inu Bulu lébalí tati ámóú bɔpɔká Bulu Ɖtswékpa obu ámɔtɔ anyɔ, tsú awunso beyi así kɔaan. Bulu léha ɔsɔlɔ́n lekpínkí, ɔleha abutá lemamáin.

⁵² Olefinfinki ntsán, aha wankíhé tsɔtsɔtsɔ bókúú tsú afúlítɔ. ⁵³ Yesu kúú tsú afúlítɔ ɔma a, aha wankíhé ánfí bakúú tsú afúlítɔ ánfí bɔyɔ Yerusalem wúlu wankíhé ámɔtɔ, yéle iwí ɔwan súná ahá tsɔtsɔtsɔ.

⁵⁴ Bréá ísá akɔpó ɔhande pú ísá akɔpó ámóú buɛ Yesu iwí gyóo amu bowun ɔsɔlókplínkí ámu pú tɔ́á ide músú yɔ́ fée á, ifú lehie kítá amó, beblí bɛɛ, “Lélé, Bulu mu Bi óyin ánfí gyí.”

⁵⁵ Atsí tsɔtsɔtsɔ bobuo Yesu, buɛ mu sɔ kú tsu Galilea ɔmátɔ. Amó é besi lí tsútsúútsú, buɛ mu kú sisí. ⁵⁶ Amótɔ aku gyí, Magdalayintse Maria mu Maria ání ɔlɔkwí Yakobo mu Yosef pú Sebedeo mu ka ání ogyi Yakobo mu Yohane aná oyín.

*Yesu Pulá**(Marko 15:42-47; Luka 23:50-56; Yohane 19:38-42)*

⁵⁷⁻⁵⁸ Bréá owí ɔɛpɔn a, Arimateayin iwí onyapú ɔkúá butetí mu Yosef, alamlí Yesu ɔkasípú lóyɔ Pilato wá, yókulí mu ɔbéɛ, osí Yesu fúli amu ha mu. Pilato léha ání búsí fúli amu ha mu. ⁵⁹ Mú sɔ Yosef lópu ɔhráda ání ɔletín wankláán kíklí fúli amu iwí, ⁶⁰ ɔlɔpu mu yówa ɔbɔ pɔpwe ání aladá butátɔ yáí há mu iwí. Mú olemínáa ibwí yíléyílé ku tin ɔbɔ ámu ɔnó, ɔlenatí. ⁶¹ Magdalayintse Maria mu Maria nyɔɔsɔ amu besi bɔtsie inu fún buɛ ntsán ámu kú sisí.

Yesu Ntsán Gyo

⁶² Yudafo iwí ɔɔaké ɔyi kehe, igyi ɔkpónó ɔɔaké á, Bulu igyi ahapú dehen, Farisifo ámu fée pú Pilato befa. ⁶³ Bebláa mu bɛɛ, “Owíe, anlakáin ání bréá ofunupu ánfí tsie nkpa á, ɔleblí ɔbéɛ, ‘Nkensá ɔma a, Bulu ɔbélakúsúa mí tsú afúlítɔ.’” ⁶⁴ Mú sɔ ha abuyogyo mu ntsán ámu ɔnó wankláán, yɔ́fɔn ɛke sáásí. Ní megyí alí á, mu akasípú amu bóyówi mu lé, bemlé ahá bɛɛ alakúsú. Ibá alí á, akasípú amu ahámlé bóɔɔn mu kle.”

⁶⁵ Pilato lébláa amó ɔbéɛ, “Ísá akɔpó ní. Múha amó abuyogyo inu wankláán alí mlétalí.”

⁶⁶ Mú sɔ beyétan ɔbɔ ámu ɔnó wankláán, há agyópu bogyo mó así.

28*Yesu Kúú Tsú Afúlítɔ**(Marko 16:1-10; Luka 24:1-12; Yohane 20:1-10)*

¹ Yudafo ɔkpónó ɔɔaké ɔyi kehe, igyi Kwasieda baka a, Magdalayintse Maria mu Maria nyɔɔsɔ amu bókúú yó Yesu ntsán ámu ɔkíkpa. ² Inu á, ɔsɔlɔ́n lekpínkí kóklókóó, Bulu-ɔbɔpu lekpí tsú ɔsúsú bemináa ibwí yílé ámu lé ɔbɔ ámu ɔnó, tsíá músú. ³ Mu ansítɔ lehie wankí, ide ogyá kpa. Mu atadié é lofulí futútúútú fée opuli-mpútɔ. ⁴ Bréá bowun mu a, ifú lehie kítá inu agyópu amu, bekpínkí kpakpakpa, dída, lwíí fée afúli.

⁵ Bulu-ɔbɔpu amu lébláa atsi ámu ɔbéɛ, “Mlímánýa ifú! Nawun ání Yesu amóó beda mántá oyikpalíhɛsɔ ámu mlídédunká. ⁶ Ɔma nfi. Bulu lakósóa mu fée alá ɔleblí yáí. Mlibeki ɔtíné ámuó bɔpu mu tswi amu. ⁷ Mliwa ɔsa yebláa mu akasípó amu mliáa, Bulu lakósóa mu tsú afúlito. Alagya mli nkpa ɔyó Galilea ɔmátó. Inó mlówun mu ní. Asón ání mbu ha mli ní.”

⁸ Ifú lekítá atsi ámu, táme bɔpu ansigyí tsíí ɔsríi tsú opulákpá inu bɔyó yébláa akasípó amu tóá bawun.

⁹ Imɔwa ɔpá kuku Yesu léfia amó, há amó ité. Inu beda akpawunu kítá mu ayabi, súm mu. ¹⁰ Yesu lébláa amó ɔbéɛ, “Mlímánýa ifú. Mliyebláa mí apió ámu mliáa, bɔyó Galilea ɔmátó. Inó bówun mi ní.”

Ntsán Agyópu Amu Asun Klahɛ

¹¹ Bréá atsi ámu bɔpu bɔyó á, ntsán agyópu amu aku é bɔyɔ wúluto yébláa Bulu igyí ahapó dehen amu tóá ilaba fée. ¹² Inu su Bulu igyí ahapó dehen amu beti Yudafo ahandɛ amu fée fia, kítá agywun. Beha ntsán agyópu amu kóba tsɔtsɔtsɔ. ¹³ Beha amó ɔnó bɛɛ, “Mlibli mliáa, ‘Onyé, bréá anidédidi á, Yesu akasípó amu béba bowi mu náti.’ ¹⁴ Ní Roma ɔhandɛ onú á, ania munyɔ abéblí mó, méní mlimóowie asóntó.”

¹⁵ Mó su ntsán agyópu amu botsulá hɔ kóba amu, begyi dinká Bulu igyí ahapó dehen amu asun blíhé anfisɔ. Ɔnó ánfí beha amó ánfí lobwie wá Yudafo ɔmá ámu féeótó bɔfun ndɛ.

Yesu Iwɔwanɛ Súná Mu Akasípó

(Marko 16:14-18; Luka 24:36-49; Yohane 20:19-23; Gyumagyihe 1:6-8)

¹⁶ Akasípó dúokun ámu benatí yó Galilea ɔmátó, ibu ámuó Yesu lósuná amó ɔbéɛ bɔfia mu mósú ámuɔ. ¹⁷ Bréá bowun mu a, beda akpawunu súm mu, táme imɔwankí amótó aku ání mu ní. ¹⁸ Móó Yesu lókpokpé ba amó wá, blí ɔbéɛ, “Bulu lapó ɔsú móa así túmi fée wá mí ibito. ¹⁹ Mó su mliyɔ ɔyító fée, amlibwe ahá fée mí akasípó. Mlibɔ amó asú Ɔsí, Obí pó Ɔɛ Wankíhé dátó. ²⁰ Mlisuna amó abugyi mbli ámuó nɔwa há mli ámu féesú. Mlibi ání mbu mli wá brégyíbré, yófun ɔyí ɔnómɔ.”

Asun Wankláán Aní Marko Lówanlín

*Asú Ọ̀bọ̀pọ̀ Yohane Bulu Asún Ọ̀kanda
(Mateo 3:1-12; Luka 3:1-18; Yohane 1:19-28)*

¹ Alí Bulu m̀v Bi Yesu Kristo ɪwɪ asun wankláán ámu ilotsuá ası ní. ² Ụlẹba m̀t́t́ f́f́ alı́á Bulu ọ̀ńś ọ̀t́ọ̀ṕ Ọ̀saiia lówanlín wá m̀v ọ̀wulót́ ọ̀b́éé,

“Kí, nde obí wa gya f̀v nkpá.

M̀v ọ̀b́éla ọ̀kpa há f́f́ ní.

³ Ọ̀k̀v d́ékpl̀v̀n dimb́ś ọ̀b́éé,

‘Mlila anı Wíe ọ̀kpa.

Mlitswii ı́kpa ha m̀v!’ ”

⁴ Asú Ọ̀bọ̀pọ̀ Yohane léba ọ̀de ahá asú b́, ọ̀de Bulu asún ọ̀kan da Yudea dimb́ś ọ̀b́éé, “Mlídamlı kl̀nt́, amlısi lakpan bwe. Bulu osikie mli, amb́ mli asú.” ⁵ Ahá botsu Yerusalem wúlut́ ṕ Yudea ọ̀mát́ f́f́ bá m̀v wá. B́lẹ́ amó lakpan blı, ọ̀lób́ amó asú Yordan ntsutso.

⁶ Yohane lówa kpósó-imi atadié, ọ̀lọ̀v ọ̀wuló-kpákpa ọ̀f́ klı́ m̀ś. Atsantsankv ṕ ọ̀kwén otegyi. ⁷ Oletsiá dá asún ọ̀kan, blı ọ̀b́éé, “Ọ̀k̀v́ ọ̀d̀v̀n mı bu ọ̀ma ọ̀b́. Mḿf̀v̀n anı nógyonká sánkí m̀v ntukuta ọ̀f́ kúráá. ⁸ Mı́ mó á, ntsu ndepvb́ mli asú, táme m̀v mó ọ̀b́v Ọ̀jẹ Wankíhé b́ mli asú.”

*Yesu Asúb́ Ṕ M̀v Isókı
(Mateo 3:13-4:11; Luka 3:21-22; 4:1-13)*

⁹ Nkẹ́ ámut́ á, Yesu lótsu Nasaret, wúlúá ı̀v Galilea ọ̀mát́ ba Yohane wá, Yohane lób́ m̀v asú Yordan ntsutso. ¹⁰ Yesu lénı́a d́alı́ ntsu ámut́ alı, olowun nwulót́áa lefinkı́, Ọ̀jẹ Wankíhé d́ékplı́ dalı́ m̀t́t́ f́f́ abróduma, ı̀lobogyonká m̀sv. ¹¹ Inu ọ̀ḿe kv lótsu ọ̀sósó ọ̀b́éé, “Fúgyı́ mı́ bíá ntádwé, mı́ ansı́ t́hı́é gyı́ f́f́ ı̀wı́ ní.”

¹² Inu Ọ̀jẹ Wankíhé amv lékpa Yesu ya dimb́ś. ¹³ Oletsiá inu nkẹ́ advana, Satan létsiá b́ś m̀v kı. M̀va putut́-mbwi létsiá, Bulu-ab́v beba bekı́ m̀sv.

*Yesu Gyumagyihe Asıtsuá
(Mateo 4:12-22; Luka 4:14-15; 5:1-11)*

¹⁴ B́kıt́á Yohane tswı́ obu ọ̀ma a, Yesu lóý Galilea ọ̀mát́, ọ̀de Bulu asun wankláán ámu ọ̀kan da. ¹⁵ Ọ̀b́éé, “Bré ámu laf̀v̀n. Bulu iwı́egyí ámu lawı́é wóyı́ tá. Mlídamlı kl̀nt́ ba Bulu wá, amlıh́ m̀v asun wankláán ám̀sv gyı́.”

¹⁶ Eke ọ̀kv Yesu ná Galilea ọ̀v ọ̀ń, olowun Simon m̀va m̀v gyama Andrea. B́d́e asawu tswı́, tsúf́e aye aléṕ b́gyı́. ¹⁷ Ḿú ọ̀lẹ́bláa amó ọ̀b́éé, “Mlı́ba bobuo mı́. Nóbwe mli anyánkpósa aléṕ.” ¹⁸ Inu ı̀v besi amó asawu aná tswı́, kplá buo m̀v.

¹⁹ Ọ̀lẹ́natı́ ý nkpá kpalobı́ á, olowun Sebedeo abı́, Yakobo m̀va m̀v gyama Yohane é. B́bv ọ̀klnt́, b́d́e amó asawu bın. ²⁰ Inu Yesu létı́ amó é, benatı́ sı́ amó sı́ móa m̀v apaf́ wá ọ̀klv amut́ ba bobuo m̀v.

*Yesu Ọ̀jẹ Laláhe Gyáa
(Luka 4:31-37)*

²¹ Yesu m̀va m̀v akası́ṕ b́y Galileana wúlut́. Ọ̀lọ̀v Yudafo ofiakpa yósuná at́ ọ̀kpúnú ọ̀daké. ²² M̀v atosunáhé lobwie amó ọ̀ń, tsúf́e olosuná amó at́ túmisv. Megyı́ f́f́ Mose mbla asunáṕ amv.

²³ Oyin ɔku léba ofiakpa inu, ɔɛ laláɛ bu musu. ²⁴ Ɖlakplón blí ɔbéɛ, “Yesu Nasaretyin, amansu búu ania funyo nsiné? Aní ɔhikpá fɛbá lóó? Nyin ɔhá oduá fɔgyi. Fúgyí Bulu Ɖha Wankíhé amu ní!”

²⁵ Yesu lókplɔn wa ɔɛ ámu ɔbéɛ, “Kpa ɔnó bun, afɔdalí muto.”

²⁶ Inu ɔɛ laláɛ amu lówɔsɔsɔ oyin ámu ɔwɔnlínsó, sɔrá okitikíti kóklókóó, dáli muto. ²⁷ Ɖnó lobwie amó fée, befíté aba bɛɛ, “Ntɔ ofúla ní? Iní mú á, atosunáhé pɔpwe ní. Oyin ánfí bu túmí, ɔlakplón wa ɔɛ laláɛ, itobú mu.”

²⁸ Iní su Yesu idá lekkléi wá Galilea ɔmá ámuto fée.

Alɔpu Tsɔtsɔtsɔ Tsa

(Mateo 8:14-17; Luka 4:38-41)

²⁹ Yesu mɔa mu akasípú benya dáli Yudafo ofiakpa inu alí, bɔyo Simon mɔa Andrea wóyító. Yakobo mɔa Yohane é bubu amótó. ³⁰ Bɔyo á, owísó lakítá Simon mu sia tsíhé, ɔda. Inu bu bebláa Yesu ɔtsi ámu iwí asún. ³¹ Mú ɔlɔyo yékítá ɔtsi ámu ibí, tsú mu kósó. Inu bu owísó ámu lókɔsɔ musu, ɔlobwe amó afóto.

³² Mú ntópwe fɔɔn a, bɔpu alɔpu pú ahá aní ɔɛ laláɛ de amó háan fée ba Yesu. ³³ Wúlu amu fée beba befia wóyí ámu ɔnó. ³⁴ Yesu létsa ahá tsɔtsɔtsɔá buɔɔ ɔlɔ ɔtsan-ɔtsan lɔ, olegya ɔɛ laláɛ tsɔtsɔtsɔ é lé aháto. Ɖmɛha ɔɛ laláɛ amu abutoi, tsúfé amó fée boyin mu.

Bulu Asún Ɖkanda Galilea Ɖmátó

(Luka 4:42-44)

³⁵ Mú ɔyi kɛɛ bakɛ a, Yesu lédalí wúlu amuto yo itsétó ɔɔɔ mpái bɔ. ³⁶ Táɛ Simon mɔa mu aba bɔbɔ mbódí dúnká mu alí yówun mu. ³⁷ Bréá bowun mu a, bebláa mu bɛɛ, “Ahá fée buɔɔ fú dunká.”

³⁸ Mú Yesu lébláa amó ɔbéɛ “Mliha ayo awúlu bámbásó, anyɛda Bulu asún ámu ɔkan inu é, tsúfé iní su neba ní.”

³⁹ Inu ɔlɔyo yéki Galilea ɔmátó fée, ɔɔɔ asún ámu ɔkan da Yudafo ofiakpa fée, ɔɔɔ ɔɛ laláɛ é gyáa lé aháto.

Ɖlɔ Pepɛ Ɖlɔpú Ɖku Tsa

(Mateo 8:1-4; Luka 5:12-16)

⁴⁰ Ɖlɔ pepɛ ɔlɔpú ɔku léba beɔa akpawunu Yesu ayabito, kókóli mu ɔbéɛ, “Owíé! Ní fótɔsulá á, fétalí há mí iwí bépli.”

⁴¹ Mu asún lówa Yesu nwe. Mú su ɔletínkí ibí da mu, bláa mu ɔbéɛ, “Natsúlá, fú iwí iplí!” ⁴² Inu bu ɔlɔpɛ amu ɔlɔɔ, mu iwí lépli. ⁴³⁻⁴⁴ Mú Yesu léda mu ɔlá ɔbéɛ, “Mábla ɔhaa asún ánfí. Natí laa afɔpu fú iwí yosuná Bulu igyí ɔhapó, afɔha mu iwígyɔráto amó Mose mbla lósuná tsú ɔlɔ pepɛtsa iwí ámu. Igyi adánsiɛ suna ahá aní fú iwí iplí.”

⁴⁵ Táɛ oyin ámu lénɔa dáli inu alí, ɔlɔwa mú ɔkan da bí. Ɖlɔɔa asún ámu ɔkan wúlu amuto fée fiá. Mú su Yesu métra talí lé iwí ɔwan wíé wúlu kukɔto, itsétó oletsíá tsíá. Táɛ mú ó á, ahá betsíá tsú ntíné-ntíné ba mu wá.

2

Tsukɔlɛ Osínpu Tsa

(Mateo 9:1-8; Luka 5:17-26)

¹ Nkɛ kpalóbí ku ɔma a, Yesu léyínkí yó Kapernaum wúluto. Ahá bonu aní alaba wóyí. ² Mú su ahá tsɔtsɔtsɔ beba bɔbulá wóyí ámu. Ɖkpa kóráá ɔtráa ma inuá fótɔɔn wie mótó. Yesu léda Bulu asún ámu ɔkan súná amó. ³ Ahá abaná bɔsɔrá tsukɔlɛ osínpu ɔku akpasu ba mu. ⁴ Ɖɔɔm amu su buɔmenya ɔkpa pú mu wíé Yesu wá. Iní su bɔyóɔɔ obu ámu awunso, dá mú ɔtínɛku tíí, bekplíá akpa amu tsun ɔbó ámuto, pú mu tswí Yesu ansító. ⁵ Bréá Yesu lówwun aní bahɔ mu gyi a, ɔlebláa tsukɔlɛ osínpu amu ɔbéɛ, “Mí bí, nasí fú lakpan kíé fú.”

⁶ Inu Mose mbla asunápo akvá bɔtsie inu, beblí wá nwuntɔ bɛɛ, ⁷ “Ntɔ asón oyin ánfí débí alí? Megyí mbusuo álabó á? Ma é ɔbétalí sí lakpan kíé ahá dun Bulu nkɔlɛ?”

⁸ Yesu lébɪ ání bɔdɛ nwéen gyí amó nwuntɔ. Mú sɔ ɔlefíté amó ɔbée, “Ntogyi sɔ mlídé ínɪ odu gywín? ⁹ Mɔmɔ bɔwa ablílé ání nébláa tsukɔlɛ osínpu anfi? ‘Nasí fú lakpan kíé fú’ ntée ‘Kusɔ tsu fú akpa afɔnatɪ?’ ¹⁰ Táme ndekléá mlibí ání mí, Nyankpɔsa-Mv-Bi ánfí mbu túmɪ ɔyí ánfítɔ sí ahá lakpan kíé amó.” Inu ɔlebláa tsukɔlɛ osínpu amu ɔbée, ¹¹ “Nde fú bláa mbée, kusɔ! Tsu fú akpa afɔnatɪ yɔ wóyítɔ!”

¹² Inuɔnɔnɔ ɔɔkɔsú, tsú mu akpa, náti amó ansítɔ inu. Inɪ lɔwa amó fée wánwan, bekanfú Bulu blí bɛɛ, “Anumókówun ofúla anfi odu kɪ.”

Lewi Tɪ

(Mateo 9:9-13; Luka 5:27-32)

¹³ Yesu létrá yɔ Galilea ɔpu ɔnɔ. Ɔdɔm kpɔnkpɔnkpɔntɪ beba mu wá, olosuná amó atɔ. ¹⁴ Bréá ɔlɔpu ɔyɔ á, olowun Alfeo mu bi Lewi tsie mu lampóo ɔhókpa. Mú ɔlebláa mu ɔbée, “Bobuo mɪ.” Inuɔnɔ ɔɔkɔsú buo mu.

¹⁵ Mú ɔma a, Lewi létɪ Yesu mɔa mu akasípó atɔ ogyíkpa mu wóyítɔ. Lampóo ahópu pú lakpan abwepó tsɔtsɔtsɔ é bobuo mu ba atɔ ámu ogyíkpa. ¹⁶ Bréá Mose mbla asunápo amɔtɔ akvá bɔgyi Farisifɔ bowun ání Yesu mɔa lakpan abwepó pú lampóo ahópu bɔdɛ atɔ gyí a, befité mu akasípó bɛɛ, “Ntogyi sɔ mɔa lakpan abwepó pú lampóo ahópu bɔdɛ ibi wa gyi atɔ?”

¹⁷ Yesu lónu asón ánfí, ɔlebláa amó ɔbée, “Alɔpu léhián ɪlɔ ɔtsapó, megyí ahá ání ɪwɪ bu amó ɔnlɪn. Mmɛba aha wankláán ɔtikpá, mboun lakpan abwepó ɔtikpá neba.”

Ɔnókli Iwɪ Asɔn Fitéhé

(Mateo 9:14-17; Luka 5:33-39)

¹⁸ Asú Ɔbɔpú Yohane akasípó pú Farisifɔ bɔtetsiá klí ɔnɔ. Eke ɔkɔ akɔ beba befité Yesu bɛɛ, “Ntogyi sɔ Yohane akasípó pú Farisifɔ akasípó bɔteklí ɔnɔ, táme fú akasípó mú bɔtamaklí ɔnɔ?”

¹⁹ Yesu léle mú ɔnɔ ɔbée, “Ní ɔtsɪ ɔkpaínpu bu mu anyawíe wá á, béklí ɔnɔ? Ekekeke! Iníá ɔbu amó wá ánfí mú á, buméeklí ɔnɔ. ²⁰ Táme eke kɔ béba ání békpa ɔká ɔtsiápu amu náti sí amó. Alí nke ámɔtɔ béklí ɔnɔ ní.

²¹ “Ɔhaa tamapó tati pɔpwe tan tati dada. Tsúfé tati pɔpwe amu békpikpú tsíí dáda amu ɪkɔ lé, há ɔtánkpa inu bélátéí tsía. ²² Alí kén bɔtamapó nta pɔpwe wá ɔwuló-kpákpá kente wuhétɔ ní. Nta pɔpwe amu ibófu fá kente amu tsítsá, yíntá kente amu é. Inɪ sɔ ɔwuló-kpákpá kente pɔpwetɔ bótɔpú nta pɔpwe wá.”

Ɔkpónú Ɔdaké Mv Wie

(Mateo 12:1-8; Luka 6:1-5)

²³ Yesu mɔa mu akasípó bɔtsun ayó ndɔ kɔtɔ ɔkpónú ɔdaké, mu akasípó bɔpɔsáa ayó ámu kɔ wí. ²⁴ Farisifɔ akɔ bowun amó, befité Yesu bɛɛ, “Kɪ, ntogyi sɔ bɔdɛ tɔá anɪ mbla mɛha ɔkpa bwe ɔkpónú ɔdaké?”

²⁵ Yesu léfité amó ɔbée, “Mlímókúkla nu tɔá Owíe Dawid lóbwɛ bréá akón de mɔa mu abúopu, buma tɔtɔá bégyi kɪ? ²⁶ Olebitíwíé Bulu osúmka yótsu bodobodoá bapúhá Bulu igyí ba, mɔa mu abúopu amu begyi, Bulu igyí ɔhapó dehen Abiata bísó. Bulu igyí ahapó nkɔlɛ bele ɔkpa bótegyi alí bodobodo amu.”

²⁷ Mú ɔletrá bláa amó ɔbée, “Nyankpɔsa sɔ Bulu lóbwɛ ɔkpónú ɔdaké ámu. Megyí ɔkpónú ɔdaké ámu sɔ Bulu lóbwɛ nyankpɔsa. ²⁸ Mú sɔ mí, Nyankpɔsa-Mv-Bi ánfí gyí ɔkpónú ɔdaké mu wie!”

3

Ilotsa Okpónó Odaké

(Mateo 12:9-14; Luka 6:6-11)

¹ Yesu létrá yó Yudafo ofiakpa unu á, oyin oku tsie unu, mu ibi kule lawú. ² Aha ako bude Yesu téé, abuki bée obétsa mu ilo okpónó odaké ámu, ménì benya mu iwí asón blí. ³ Yesu lébláa oyin ámúú mu ibi kule lawú ámu obéé, “Kusu belí amó ansító nfi.” ⁴ Múú òlefíté amó obéé, “Ntò anì mbla léha okpa ání abwée okpónó odaké? Yilé lóó, ntéé lalahé. Ahóó zha nkpa lóó, ntéé amóó mu?”

Támé zhaa méle mó onó. ⁵ Yesu lópu oblí kí amó bómli. Ilóhó mu asín, tsúfé kluntò bu amó odwin. Múú òlebláa oyin ámu obéé, “Tínkí fú ibi amó.” Olenya tínkí mó alí pé, zhe lowie mótó. ⁶ Farisifo ámu bedali yó, amóa Owíe Herode ahá bekítá agywun ununu alíá bóbwe bómó Yesu.

Ahá Tsotsotsò Iló Tsa

⁷⁻⁸ Yesu mva mu akasípó benatí báyó Galilea opu onó. Odóm kpónkpónkpónntì bobuo mu tsú Galilea móa Yudea omátó, Yerusalem, Idumea, Yordan bunnpa obin pú Tiro móa Sidon nsáintò ba mu wá. ⁹ Ahá ámu bódubi. Mú su òlebláa mu akasípó obéé, bódúnka oklun ku yaí ha mu, ménì bumóoputá mu. ¹⁰ Tsúfé alatsá ahá tsotsotsò ilo. Mú su alópu amotò okugyíoku dékléá obópu ibi da mu. ¹¹ Ní ahá ání zhe laláhe bu amósú benyá wun mu alí á, badida mu ayabiasí, sórà okitikítì blí bée, “Fúgyí Bulu mu Bì ámu ní!”

¹² Támé òleda zhe laláhe amó olá kínkíínkín obéé, imáha ahá abubi mu.

Akasípó Amó Adá

(Mateo 10:1-4; Luka 6:12-16)

¹³ Yesu lódu yó busu, òletì ahá ání mu onutó odeklé, báyótu mu. ¹⁴⁻¹⁵ Múú òlele amótó ahá dúanyó, òletì amó mu sumbí ayópó ání mva amónyó bétsiá, otsia wa amó abuyeda mu asón okan, abugya zhe laláhe lé ahátò.

¹⁶ Ahá dúanyó ámu adá gyí, Simon ání òledúnká mu Petro; ¹⁷ Sebedeo abí Yakobo mva mu pio Yohane (òledúnká amó adá obéé, “Boanerges.” Mú asì gyí, “Opráda abí.”); ¹⁸ Atráhe gyí, Andrea, Filipo, Bartolomeo, Mateo, Toma, Alfeo mu bì Yakobo, Tadeo mva mu Simon ání ogyi iwíutsiá adunkápó opasuato zha; ¹⁹ pú Yuda Iskariot ání òlebele mu há.

Yesu Mva Beelsebul

(Mateo 12:22-32; Luka 11:14-23; 12:10)

²⁰ Bréá Yesu lóyo wóyító a, odóm betrá ba unu. Mva mu akasípó bumenyá okpa ání bégýi ató kóráá. ²¹ Bréá mu wóyító ahá bonu mu iwí asón á, báyó beyékpa mu, tsúfé buki bée mu nwun layíntá.

²² Mose mbla asunápó aková botsu Yerusalem ba unu beblí bée, “Zhe laláhe owíe Beelsebul tsíe motò. Mu túmi òdepugya zhe laláhe lé ahátò.”

²³ Mú su Yesu létì amó ba mu iwí wá, òlebláa amó asón ayébito obéé, “Nkálì Zbunsám obétalí gya mu iwí? ²⁴ Iwíe ogyíkpá ání ilaye anyó, búde aba kò ibédida. ²⁵ Wóyí oduá mótó atsiápó búde aba kò é itobwíé. ²⁶ Mú su ní Zbunsám dé mu iwí gyáa a, oméetalí líí. Mu onó omakpá ní.

²⁷ “Zhaa méetalí wíé zwonlínpu wóyító yókulá mu ató, nkétì alagyankpá kíklì mu tswi, asa obétalí kólá mu ató féé.

²⁸ “Znókwali nde mli bláa mbéé, Bulu obétalí sí lakpan pú abususu kugyíku kíé nyankpusa. ²⁹ Támé ní oku oblí abususu Zhe Wankíhé amó iwí á, Bulu méesikíé mu ekekéke, tsúfé alabwé lakpan ání sikíé ma mó iwí.” ³⁰ Aha ako beblí bée, zhe laláhe bú Yesutò. Mú su òde ínì blí ní.

Yesu Abusuanfó Onutó

(Mateo 12:46-50; Luka 8:19-21)

³¹ Yesu mu yin muva mu apio beba belí kpankpá, bowa oku bee, otí mu ha amó. ³² Odám butsie bomlí mu, bebláa mu bee, “Fó yín muva fó apió bulí kpankpá, bude fó dunká.”

³³ Múu Yesu léfité amó obée, “Amendi gyí mí yín muva mí apió?” ³⁴ Múu alakí ahá amóu butsie bomlí mu amu, blí obée, “Mlíki, mí yín muva mí apió gyí ahá anfi á! ³⁵ Ohagýioha aní otobwé Bulu apé a, mugyí mí pío pó mí yín ní.”

4

Ató-abí Owunyápu Iwí Yébi (Mateo 13:1-9; Luka 8:4-8)

¹ Yesu létrá kusú yó ode ató suná Galilea opu onó eke oku. Odám amu bobomlí mu. Mú su olodu wíé oklonto, yétsiá opu amusu, ahá ámu é bulí opu onó inu. ² Inu olosuná amó ató tsotsotsa ayébito obée,

³ “Mlinu! Odotapu oku lóyo ató-abí owunyákpa. ⁴ Bréá ode mú wunyáa a, iku lówulí okpató, mbubwi beba botswetswée mú fée. ⁵ Iku é lówulí abutású, otínéá isi kpalobí dín. Ilowa asa kwe, ⁶ táme bréá owí lelun a, loto mú mó, tsúfé mú nlín moyo otótó. ⁷ Abí ámu ku lobun awuto, awu ámu lóbulá kítá mú, imedan. Mú su imoswie abí. ⁸ Táme abí ámu ku é lówulí osulú wankláánsú, lókwé, dan, swie abí, iku advasa (30). Iku aduesie (60), iku é lafa (100).”

⁹ Inu olomo mú onó obée, “Ohá aní obu asu onúu!”

Tóá Súd Yesu Lótóí Ayébisu (Mateo 13:10-17; Luka 8:9-10)

¹⁰ Bréá ilesi Yesu muva sumbí ayopú dúanyo ámu pó ahá kpalobí akvá bubuo mu a, bobwíi ipa há mu bee, olé yébi anfi asi suna amó. ¹¹ Múu alebláa amó obée, “Mlí mú á, Bulu lahá mlí okpa obée, mlibú mu iwíegýí ámu iwí asun njaínhé. Táme nde aha bambá asón bláa ayébisu,

¹² ‘méní bówun lówun,
táme buméebi mú.
Bónu lánú,
táme bumóonu mú asi.
Ní megyí alí tekí bédamlí klonto,
Bulu obési amó lakpan kíé amó.’ ”

Ató-abí Owunyápu Yébi Amu Asi (Mateo 13:18-23; Luka 8:11-15)

¹³ Múu Yesu léfité amó obée, “Ní mlinónu yébi anfi asi á, mú nkálí mlóbwé asa mlónu tráhe fée asi? ¹⁴ Ató-abí amóu owunyápu amu déwunyáa amu gyí Bulu asón ámu. ¹⁵ Abí amóu lówulí okpasu ámu gyí ahá amóu benyá nú Bulu asón ámu alí Obunsám labele mú lé amó klonto náti ámu. ¹⁶ Abí amóu lówulí abutású amu gyí ahá amóu bonú asón ámu pé, baho mú ansigyísú, ¹⁷ táme iníá buma nlín su á, asón ámu itamatsiá amótó yó. Mú su ní budín amósú ntée iwíosin ku itó amó asón ámu su á, inunu butedida. ¹⁸ Abí amóu lówulí awuto ámu gyí ahá amóu bonú asón ámu a, baho mú, ¹⁹ táme oyí anfito ató hiánhe iwí gywín, pó mótó atonyahé iwí onsípe tegyi asón amusu. Iní su butamaswíé abí. ²⁰ Abí amóu lówulí osulú wankláánsú amu gyí ahá amóu bonú asón ámu a, butegyi mósú. Iní su itehá botobwé yilé fée ahá ató-abí ámu loswie, iku advasa (30), iku aduesie (60), iku é lafa (100) ámu.”

Okandíe Iwí Yébi (Luka 8:16-18)

²¹ Yesu léfité amó obée, “Botonywé okandíe pó oló bun mósú, ntée pówá mpá ayasi? Megyí ofuákpá butópóbian? ²² Tóto ma inuá ibéñaín, iméelin owan. Asun njaínhé kuku é ima inuá buméebi mú. ²³ Ohagýioha aní obu asu onúu!”

²⁴ Múú òlèblí òbée, “Mliyaa asu wankláán mli asón-nutó. Itóá mlópusúsu ha mli aba á, mú kén Bulu òbópusúsu mú wankláán, lápó ìkú tsia mótó há mli ní. ²⁵ Tsúfè òhá ání odekléá obónu mí atosunáhé amu así á, Bulu òbópu ìkú tsia mótó há mu. Táme òhá ání omedékléá obónu mú así á, Bulu òbóswí mu kpalobí ámúú alabí ámu kóráá.”

Oyí-ibíá Idédáan Iwí Asón

²⁶ Yesu létrá blí òbée, “Bulu iwíegyi amu igyi fè alíá òha todú oyí-ibí mu ndòtò. ²⁷ Ní owí itá á, òhá ámu tekledí. Ní oyí ìkè a, òtelákósú, táme omeyín alíá itòbwé asa oyí-ibí ámu itòkwè dan. ²⁸ Òsolúu onutó tchá mú tòkwè. Itegyankpá lé atè, wá ntswítswí, asa itòbòbwè abí onutó. ²⁹ Táme ayó ámu inyá blí pé, òdòpu amu latsú mu òdayí òyétin mú, tsúfè mú tìnbi lafun.”

Takyí-akpin Ibi Yébi

(Mateo 13:31-32, 34; Luka 13:18-19)

³⁰ Inu Yesu léfité òbée, “Ntò Bulu iwíegyi ámu lèlian? Ntée yébi mòmú nòpusúná alíá igyi? ³¹ Ig yi fè takyí-akpin ibí. Múgyí tókúrííbi nyí-abító fée ní. ³² Táme ní ìdan a, itòbwé ifá fúáhé òn ifá kugyíku. Mú abámbi tekpíkpli, mbubwi butogyónká mú así.”

³³ Oletsíá pú ayébi anfi odu tsòtsòtsò súná amú ató, yófún alíá ahá ámu bétalí nú mú así. ³⁴ Òmèbláa amú asón kùkúá imegyí ayébi òlòpútóí. Táme ní isí mu mu akasípó nkòlè a, òtelé tógyító así.

Atsufú Asibá

(Mateo 8:23-27; Luka 8:22-25)

³⁵ Alí èkè ámu ntópwesú á, Yesu lébláa mu akasípó òbée, “Mliha afa Galilea òpu yò mú òbín!” ³⁶ Múú bowie òkluntò, akasípó amu beplá mú, benatí sí òdòm amu. Nklùn bámbá kù é lobuo amú. ³⁷ Afú kpònkpònkpònti kù lówa tsòun bi. Mú su ntsu dèda wíé òklùn amutò, ideklé ìmè. ³⁸ Táme Yesu mú ñélín sumuesu òklùn amu òma òdèdídí. Akasípó amu betsinkí mu. Múú befité mu bèè, “Osunápó, ìniá anidè ntsu wie á, fòmotsu kùkú lé mótó?”

³⁹ Inu Yesu lókusú lé ònó wa afú ámu, òlèbláa òpu amu òbée, “Kpa ònó bun! Dì díín!” Inu afú ámu lési tsòun, inu fée lólóá. ⁴⁰ Múú òlèfité amú òbée, “Ntogyi só mliidè ifú nya alí? Mlímá hógyi?”

⁴¹ Ifú lèhiè kítá amú, befité aba bèè, “Nyankpòsa òmòmú nì, afú móa ntsu kóráá tonú mu òmè alí?”

5

Òñe Laláhe Gyáa Lè Ogbedéputó

(Mateo 8:28-34; Luka 8:26-39)

¹ Bréá Yesu mu mu akasípó amu bowie Galilea òpu amu òbín Geraséfó* òsolósú á, ² olenya kplí dálí òkluntò alí, oyin òkúá òñe laláhe bu mutò lédalí tsu afúli opulákpá befia mu. ³ Oyín anfi lapó afúli opulákpá inu bwé mu otsiákpá. Òhié òbu iyín. Mú su òhaa tamatráa talí bwé mu otsia díín, ntée wá mu íkan. ⁴ Tsúfè tekí betsiá wá mu ayabi pú mu ibi íkan, táme oletsíá tìn mú, bíábíá íkan amu tsálífwí. Òhaa é má òwònlín ání òbétalí pón mu. ⁵ Ekekegyíèkè òpa móa onyé fée á, òbu afúli opulákpá inu móa abòsú, òdè okitikítí, òdèpu abwi tsantsan íwí.

⁶ Olenya wun Yesu sísí alí, òlèsrí yéda akpawunu mu ayabítò. ⁷ Múú òlòsúrá okitikítí kóklókúú òbée, “Òsúsúsú Bulu mu Bì Yesu, amansu igyi? Tanu Bulu ání fòmèepití mí ató!” ⁸ Òlèblí asón anfi, tsúfè Yesu lébláa mu òbée, “Òñe laláhe, dalí oyin ánfítò.”

* **5:1** Gadarafó bu nwóló dada amu akutò.

⁹ Inu Yesu léfité mu obée, “Nkálí bütetí fú?”

Ólèlè mó onó obée, “Mí dá gyí, ‘Odóm’, tsúfé anihíé aní tsó.” ¹⁰ Inu òhè laláhe amu behie kókóli mu bee, omágya amó lé Geraséfó osulóv amusu.

¹¹ Mprákuo tsotsòtsò aku budgeyí okúku kusu inu fón. ¹² Òhè laláhe amu bokokóli mu bee, ohá amó abuyowie mprákuo ámútó. ¹³ Múó òlèha amó okpa. Bedali oyin ámútó yówie mprákuo aní bóbwe fé mpím-anyòtò (2,000). Amó fée besrí kpí okúku ku wíé opu ámútó, wúwu.

¹⁴ Mprákuo ámu akpapó besrí yéblí asón ánfí ilaba anfi awúlusu pó nkudasí fée. Ahá bedali bee bebá bekí tsá ilaba. ¹⁵ Bréá beba bowie Yesu wá á, bowun aní oyin ámútó òhè laláhe betsiá mütó ámu ansító ladí, alawá atadié otsie. Ilówa amó ifú. ¹⁶ Ahá ámútó bowun tsá iléba oyin ámútó tekí òhè laláhe tsie mütó ámu pó mprákuo ámusu ámu bebláa amó tsá ilaba fée.

¹⁷ Inu bokokóli Yesu bee, odáli amó osulósó.

¹⁸ Bréá olowie oklun ámútó á, oyin ámútó tekí òhè laláhe tsie mütó ámu lókokóli mu obée, ohá amubuo mu nati.

¹⁹ Táme Yesu méha mu okpa. Mboún òlebláa mu obée, “Yinki yó fú apíó wá wóyító, afuyébláa amó ito yiléá aní Wíe Bulu labwé há fú, pó alíá alawun fu nwe.”

²⁰ Mó su oyin ámu lénatí tsontson, òde ito yilé ámútó Yesu labwé há mu blí Dekapoli† awúlu amu fée. Onó lobwie ahá ámu fée.

*Ohande Oku Mu Bi Mva Otsi Oku Ilo Tsa
(Mateo 9:18-26; Luka 8:40-56)*

²¹ Yesu léla fá opu amu yó mó obin. Bréá obu opu onó inu á, odóm kpònkpònkpòntí beba bobomlí mu. ²² Inu Yudafó ofiakpa ohande okvá bütetí mu Yairo léba inu. Bréá olowun Yesu a, òlèda akpawunu mu ayabito, ²³ kókóli mu obée, “Mí bí tsihé déwu. Ba, afubòpu ibi dínka musu, mu awútó iwa mu onlin, onya nkpa.”

²⁴ Múó mva Yesu benatí báyó á. Odóm kpònkpònkpòntí bekplá buo mu, kpá pútá mu.

²⁵ Otsi oku é bu ahá ámútó, obugya de mu wulí nfi dúanyò ní. ²⁶ Alahíé wun ipian ilo atsapó tsotsòtsò ibito, hólí mu iwísu ató fée, táme ilo ámu imekálá bwé mu. Iyin idéwa tsía. ²⁷ Bréá otsi ánfí lónu Yesu nka á, òlòtsun yó mu oma, fifitiwie odóm ámútó yópu ibi da Yesu atadié. ²⁸ Tsúfé òleblí wá mu nwuntó obée, “Ní nàpó ibi da mu atadié kpán á, ilo ámu ibési mí.”

²⁹ Olenya pó ibi da mu atadié ámu alí, obugya amu léka itin. Olonu mó nka mu awútó aní ilo ámu lasí mu. ³⁰ Inu Yesu lónu mó nka mu awútó mu é aní òhè ku ladáli mütó. Inunu òledamlí kí odóm amu, òlefíté amó obée, “Ma lápó ibi da mí atadié?”

³¹ Múó mu akasípó amu befité mu bee, “Fú onutó fawun aní odóm bakpá pútá fu. Múó futráa fudefité fée, ‘Ma lápó ibi da mí?’ ”

³² Yesu lówa ansí kí amútó fée, òde ohá aní òlòpu ibi da mu dunká. ³³ Ifú lékítá otsi ámu. Mó su òlòwa kpínkí kpakpakpakpa bí, tsúfé oyin itóá alanyá. Inu òlèba beba akpawunu Yesu ayabito, bláa mu onakwalí amu fée. ³⁴ Yesu lébláa mu obée, “Mí bí, fú hógyi laho fu nkpa. Nati iwilwiito. Fú ilo ámu ita.”

³⁵ Bréá Yesu bu músú òdetóí á, aha aku botsu ofiakpa ohande amu wóyító ba bebláa mu bee, “Ohande, fú bí tsihé ámu òdikpa mówa alé. Mátepí trá wa osunápó tói.”

³⁶ Yesu mékplá asón ámútó bodeblí ámu. Mboún òlebláa mu obée, “Mánya ifú. Fú mó hogyi wule.” ³⁷ Yesu méha ohaa okpa obuo mu don Petro pó Yakobo mva mu pio Yohane nkule. ³⁸ Bréá bowie ohande amu wóyító á, Yesu lówun aní ahá

† 5:20 Dekapoli así gyí awúlu dú.

babúlá ɪnu, buɖesú, buɖe okitikíti. ³⁹ Olowie ɪnu fité amú ɔbéɛ, “Ntogyi sú mlídé ipian wúun, mlídé okitikíti alí? Otsibi amu mókúwú, dídí ɔɖe.”

⁴⁰ Ahá ámu bɔmási mu. Múú olegya amú fée dálí ba wunsíné, ɔlekpa obí ámu akwípú pú mu akasípú amúú bubuo mu amu bebitíwíé obu amúú otsibi amu da mótó ámutɔ. ⁴¹ ɪnu ɔlekítá kebi ámu ɪbí, bláa mu amú ɔblító ɔbéɛ, “Talita Kuum!” (Mú así gyí, “Obitebí, kusu!”)

⁴² ɪnu ɔlɔkúsú ɔna. (Otsibi amu laho nfi dúanyɔ.) Ilobwie ahá ámu fée ɔnó dáfá. ⁴³ Múú ɔleda amú ɔlá kínkínkín ɔbéɛ, bumábláa ɔhaa asún ánfí. ɪnu ɔlebláa amú ɔbéɛ, buháa kebi ámu ató ogyi.

6

Buməho Yesu Mu Wúluta (Mateo 13:53-58; Luka 4:16-30)

¹ Yesu mu ba mu akasípú bɛɗali ɔmá ámutɔ yínkí yó mu wúluta. ² Ɔkpónú ɔɖaké lenya fon alí, ɔlɔyɔ ɔɖe ató suná Yudafo ofiakpa. Mu atosunáhé leha ɔnó lobwie ahá tsɔtsɔtsɔá bonu mú. Mú su bɛfité aba bɛɛ, “Nkónú olenya nyánsa móa ofúlábwe túmí ánfí é tsú? ³ Megyí ató osrépú amu ní. Megyí mu yin gyí Maria, mu apio yinhé gyí Yakobo, Yosef, Yuda pú Simon? Yée ania mu apio tsihé é tsie nfi á?” Benya ɔbló musu.

⁴ Yesu lébláa amú ɔbéɛ, “Ahá butobú Bulu ɔnósú ɔtɔípú ɔtínegyíɔtíné, táme mu wúlutafo, mu abusuanfo pú mu wóyító ahá mó butamabú mu.”

⁵ ɪnía buməho mu gyi su ɔmetálí bwé ofúla kuku, dun ahá kpalobí akusu ɔlɔpu ɪbí dínká, tsá amú ɪɔ. ⁶ ɪlɔwa mu ifú ání buməho mu gyi.

Akasípú Dúanyɔ Amu Sumbiwa (Mateo 10:5-15; Luka 9:1-6)

Yesu léki nkuda ání ɪbu bomlí ɪnu así, ɔɖe ató suná. ⁷ ɪnu ɔletí akasípú dúanyɔ ámu ba mu ɪwí wá. Múú ɔlɔwa amú sumbí abanyó-abanyó. Ɔleha amú túmiá bópu gyi ɔɛ laláhesu. ⁸ Ɔleda amú ɔlá ɔbéɛ, “Mlimátsu tɔtɔ kítá yó ɔkpa ámu, dun mli oyi yíáhé! Mlimátsu atogyihe ntée akpankogyo, ntée kóba kítá! ⁹ Mliwa ntukuta, táme mlimátsu atadiɛ nyɔɔsí kítá! ¹⁰ Wóyígyíwóyíá mɔswíí mótó á, mliɔsia ɪnu yófun bréá mlédali wúlu amutɔ. ¹¹ Ní mɔyó wúlu kusu, buməho mli, ntée bumekleá bónu mli atosunáhé, mlídédali mótó mɔyó á, mlikpakpa mli ayabitɔ-ɪsɪ wuli ɪnu, isuna ání buməbí bwé.”

¹² Mú su bɔyɔ yéda asún ámu ɔkan bɛɛ, ahá buɖámli kluntɔ. ¹³ Begya ɔɛ laláhe tsɔtsɔtsɔ lé ahátɔ, bekpa alɔpu tsɔtsɔtsɔ é ofobí, tsá amú ɪɔ.

Asú Ɔbɔpú Yohane Lowu (Mateo 14:1-12; Luka 9:7-9)

¹⁴ Galilea ɔmási ogyípú Herode lónu Yesu ɪwí asún ánfí, tsúfé mu ɪdayilé ɖe ɔtínegyíɔtíné. Aku buɖeblí bɛɛ, “Asú Ɔbɔpú Yohane lákúsú tsú afúlitɔ. Mú sú, ɔɖe ofúla anfi odu bwe ní.”

¹⁵ Táme aku é bɛɛ, “Bulu ɔnósú ɔtɔípú dada Elia ní.”

Aku é bɛɛ, “Bulu ɔnósú ɔtɔípú dada amutɔ ɔku ní.”

¹⁶ Bréá Herode lónu asún ámu a, ɔleblí ɔbéɛ, “Yohane amúú neha betin amu látsínkí tsú afúlitɔ.” ¹⁷⁻¹⁸ Herode léha bekítá Yohane, wá mu ɪkan, pú mu wá obu. Tsúfé oletsiá bláa Herode ɔbéɛ, mbla meha ɔkpa ání obétsiá mu pio Filipino mu ka Herodia amúú otsia amu.

¹⁹ Mú su Herodia lóho Yohane asún wá ɪwítɔ. Ɔlɔbwe agywun ání ɔbómɔ mu, táme ɔmetálí, tsúfé Herode méhá mú ɔkpa. ²⁰ Herode yin ání Yohane asún da ɔkpa, ogyi ɔha wankíhé. Mú su olenya mu ifú, ɔleki musu wankláán ání tɔtɔ mɔɔbwe mu. ɪbu mótóá Yohane asun blíhé tɛhan Herode, táme otekle mó nu.

²¹ Tóá Herodia dédunká léba ha mu. Eke okwá Herode dé mu okwúké gyí a, olotswi opónó, tí ahande pú isá akópú dehen pú Galileafó ahande ba ató ámu ogyíkpa. ²² Bréá Herodia mu bi tsíhé lóbowie obuntó tsa a, ilowa Herode mu ahande amu fée ansigyí. Herode lébláa mu obée, “Fite mí tógyítóá fudeklé, néha fú.” ²³ Inu oleka ntam há mu obée, “Néha fú tógyítóá féfite mí. Ní igyi mí iwíe ogyíkpa ifon kóráá.”

²⁴ Otsibi amu lédalí yéfite mu yin obée, “Nto nfite?”

Mu yin lébláa mu obée, “Fite Asú Obópú Yohane nwun.”

²⁵ Osasu otsibi amu léba bebláa Herode obée, “Ndekléá fupú Asú Obópú Yohane nwun dinka ilínsú ha mi sésééséi.”

²⁶ Asón ámu léhie han owíe amu, táme mu ntam amúú oleka, pú ahá amúú bubu inu ámu su á, omekleá obótun ntam amu. ²⁷ Inu olowa mu ahá otínpu obée, oyétin Yohane nwun ba mu. Olayo yétin Yohane nwun obu odikpá inu. ²⁸ Múú olapu nwun ámu dínká ilínsú ba otsibi amu, mu é olapoyáa mu yin Herodia. ²⁹ Bréá Yohane akasípú bonu asón ánfí á, beba botsu mu satin yópulá.

Ahá Mpím-nu Atogyihé Ha

(Mateo 14:13-21; Luka 9:10-17; Yohane 6:1-14)

³⁰ Yesu sumbí ayópú ámu beyinkí bá bebláa mu atóá bayóbwe pú móá bayósuná fée. ³¹ Mú oma a, ahá buna amú wá alu, bumenyá okpa gyi ató kóráá. Mú su olebláa amú obée, “Mliha ayo itsétó fléen, ayeda okpónó.” ³² Inu bowie oklonto, pú okpa boyó itsétó otineku.

³³ Táme ahá tsotsotsó bowun amú, bí otinéá boyó. Mú su botsu awúlu ámu féesó, tsíí osrí gyankpá yówie otiné amúú Yesu aná boyó ámu. ³⁴ Bréá Yesu lékplí dálí oklun amoto, wun odam kpankpānkpanṭi ámu a, amú asón lowa mu nwe, tsúfé bugyi fē akúfa ání buma okpapó. Mú su olosuná amú ató tsotsotsó. ³⁵ Owí lapan a, akasípú amu beba mu wá bebláa mu bee, “Itsétó nfi gyí, owí é latá. ³⁶ Ha amú abuyo nkuda móa awúlu ání ibu bomlí nfi asi yodunká taku gyi.”

³⁷ Táme Yesu léle mó onó obée, “Mlidunka ató ha amú abugyi.”

Múú befite mu bee, “Abetalí nyá sika* ho ató há ahá ánfí fée begyi?”

³⁸ Yesu léfite amú obée, “Bodobodo apin afini mlibu? Mliyo amliyekú!”

Beyinkí bebláa mu bee, “Bodobodo apin anu pú ntsutso iye bwáhé anyo bu inu.”

³⁹ Yesu lébláa amú obée, “Mliha amú abutsiatsia ifá babwe amusu.” ⁴⁰ Betsiá asi akúsú-akúsú, aku lafa (100), aku é aduenu (50). ⁴¹ Inu olotsu bodobodo anu pú ntsutso iye bwáhé anyo ámu. Múú olotsu ansí fúá kí osúsú, oleda Bulu ipán. Inu olebiabía bodobodo amu há mu akasípú amu obée, buyée ha amú. Oleye iye bwáhé anyo ámu é há amú, bopuhá ahá ámu. ⁴² Amú fée begyi mwe sian. ⁴³ Akasípú amu botási bodobodo móa iye sianhe amu a, ilabulá alakpá dúanyo.

⁴⁴ Ayin ání begyi ató ámu nkule bugyi mpím-nu (5,000).

Opusu Natí

(Mateo 14:22-33; Yohane 6:15-21)

⁴⁵ Benya gyi ató ámu tá alí, Yesu lébláa akasípú amu obée, bowie oklonto abugyankpa fa opu amu yo Betsaida wúluto. Mu mó olesin oma sí odam amu okpa. ⁴⁶ Bréá olesi amú okpa tá á, olodu yó busu yóbó mpái. ⁴⁷ Bréá owí leta, oklun amu lawíe ntsu nsiné á, ilesi Yesu nkule ibu amusu. ⁴⁸ Inu olowun ání oklun amu plá de onlin wa wá akasípú amu, tsúfé afú kpānkpanṭi detsóvon fia amú. Bake-bake a, Yesu lenatí ntsu ámusu ayabitó buo amú, odeklé otson amúsú. ⁴⁹ Táme bréá bowun mu a, buki bee, fúli ogyi. Mú su basurá okitikiti. ⁵⁰ Opúni letsíí amú fée.

* **6:37** Sika ánfí igyi sika futútú lafa-anyo (200), igyi oha nke lafa-anyo (200) ikaká.

Táme ɔlɔwa ɔsa bláa amó ɔbéɛ, “Mlɔwa klɔn. Mí ní. Mlɔmánya ifú.” ⁵¹ Móó ɔlɔdu wíé ɔklɔn amɔtɔ, afú ámu lɛka itin á. Asón ánfɔ lɔwa amó wánwan.
⁵² Amó klɔntɔ-odwin sɔ bɔmɔkónyá nú bodobodo ɪwɪ asón ámu asɪ.

Genesaretɔ Alɔpu Tsa
(Mateo 14:34-36)

⁵³ Yesu mɔa amónyɔ befa ɔpu amu yési Genesaret ɔsubúnɔ, bɔwa ɔfé kítá ɔklɔn amu. ⁵⁴ Benya kplí dáli ɔklɔn amɔtɔ alí ahá bowun Yesu, bí mu ɔtsáwɔlɛ pɛ. ⁵⁵ Mó sɔ besrí yótsu amó alɔpu sórá akpasu, tsú ntíné-ntíné bɔtu mu ɪnu. ⁵⁶ Ɔtínɛgyíɔtínéá Yesu lóyɔ, igyi wúlutɔ ntée akuda ó á, bɔpu amó alɔpu bɔtswɪ brɔnɔsɔ, kókóli mu beɛ, ɔhá alɔpu amu abɔpu ɪbɪ da mu atadiɛ ɔdanó kpán. Amóá bɔpu ɪbɪ da mó féé benya ɪlɔtsá.

7

Atɪfɔ Amándíé
(Mateo 15:1-9)

¹ Farisifɔ pó Mose mbla asunápó aku bɔtsu Yerusalem ba befia Yesu wá.
² Móó bowun ání mu akasípó amu aku bɔmɔfwɪ ɪbɪ amándíé ɔkpasu asa buɔɔ ató gyí.
³ (Tsúfé Yudaɔ, títriu Farisifɔ bɔmɔkósí amó anáin amándíétó. Mó sɔ ní bɔmɔkófwi ɪbɪ amándíé ɔkpasu á, bɔtamagyi ató. ⁴ Alí kén ní bɔmɔkógyóra ɪwɪ á, bɔtamagyi tóá bɔpɔtsúa bíásó ba nɪ. Amándíé bámbá ku aná é bu ɪnu, bɔtráa buɔɔ mótó tsú nwɛ núu ntsu, nló pó nlanka ɪwɪ.)
⁵ Mó sɔ amóá Mose mbla asunápó befité Yesu beɛ, “Ntogyi sɔ fú akasípó amu bɔtamagyi anɪ anáin amándíésó, bɔmɔfwɪ ɪbɪ amándíé ɔkpasu asa abɔgyi ató?”
⁶ Yesu léle mó ɔnó ɔbéɛ, “Ɔnɔkwali Bulu ɔnósó ɔtɔpó Yesaia léblí tswɪ tsú mli apinabwebí abwɛpó ánfɔ ɪwɪ ɔbéɛ,
‘Ahá ánfɔ buɔɔpu amó ɔnó bú mí,
táme amó klɔn bu ifó mí wá.
⁷ Kpaali buɔɔ mí sum,
tsúfé basí Bulu mbla tswɪ,
yó buɔɔ anyánpósa mbla suná.’
⁸ “Mlɔlasí Bulu mbla ámu tswɪ, mlɔdé mli anáin amándíétó.”
⁹ ɪnu ɔlebláa amó ɔbéɛ, “Mlɔlapina si Bulu mbla ámu tswɪ nyánsatɔ, ménɪ mlégyi mli onutó amándíésó. ¹⁰ Tsúfé Mose lówanlín wá Bulu mbla ámu ɔbéɛ, ‘Bu fú sí mɔa fú yin.’ Ɔletrá wanlín ɔbéɛ, ‘Ní ɔku léblí asokpan tsú mu sɪ ntée mu yin ɪwɪ á, bɔmóó mu.’ ¹¹ Táme mli mó mliáa, ɔha ɔbétalí bláa mu sɪ ntée mu yin ɔbéɛ, ‘Tóá tekɪ nópɔhá fú á, napóbwé Koban.’* ¹² Mlɔlahá ahá bɔmedé tɔtɔ bwe há amó akwípó. ¹³ Mli anáin amándíé sɔ mlɔtráa mlɔmédé Bulu mblasu gyí. Ntóbí tsɔtsɔtɔ é bu ɪnɔvá mlɔtráa mlɔdébwe tsía ɪnɔtɔ.”

Tóá Itɔkpóí Ɔha Bulu Ansító
(Mateo 15:10-20)

¹⁴ Yesu létrá tɪ ɔɔm amu ba mu ɪwɪ wá, ɔlebláa amó ɔbéɛ, “Mli féé mliyaa asu amlinu ɪnɪ asɪ! ¹⁵⁻¹⁶ Megyí tóá ɔha tegyi tókpóí mu Bulu ansító. Mboún móá ɪtɔdálí tsu mu ɔnó.”
¹⁷ Bréá ɔlenatí sí ɔɔm amu yó wóyítɔ a, mu akasípó amu befité mu yébi anfi asɪ. ¹⁸ Ɔlele mó ɔnó ɔbéɛ, “Mli é mlɔtamanú asón asɪ? Mlɔmýín ání tóá itowíé ɔha ɔnó tamakpóí mu Bulu ansító? ¹⁹ Tsúfé megyí mu klɔntɔ itowíé, mboún mu iputɔ itowíé, ɔteyélé mó wá ɔkpɔntɔ.” (Yesu léle mótó púsúná ání atogyihɛ kugyíku ɪwɪ letin.)

* **7:11** Koban asɪ gyí, napókíé Bulu. † **7:15-16** Mótó yée 16 bu nwoló dada amu akɔtɔ: Ɔhagyíɔha ání ɔbu asu, onúu!

²⁰ Inu oḗbláa amú oḗé, “Tóá itedáli tsu oha klonto tókpoí mu Bulu ansító. ²¹ Tsúfé oha klonto ágywun laláhe kugyíku tedáli tsu. Mútehá mu otowá atsi múa ayin asón, otowí ató, otomó oha, otató mbua, ²² otowá onsipe, otobwé lalahé, otamlé ahá, otowá hakpan, otowá olu, otetsii oha, ototsú iwí, otobwé mimlala. ²³ Oha klonto, ato laláhe anfi fée itedáli tsu. Mútokpoí mu ní.”

Otsi Okvá Omegyí Yudayin Hógyi
(Mateo 15:21-28)

²⁴ Yesu lénatí inu yó Tiro nsáinto. Oḗyóswí wóyí kutó. Omedéklé oḗé ahá bubú aní maba inu, táme ometali ḡáin mu iwí. ²⁵ Oḡe laláhe bu oḡi oku mu bi tsíhétó. Olenya nú Yesu nka alí, oḗwa oḡa beda akpawunu mu ayabito. ²⁶ Griikiyintse oḡi anfi gyí. Bókwí mu Siro Foenike osulúsu. Olokokóli Yesu oḗé, ogyáa oḡe laláhe amu le mu bi ámutó. ²⁷ Táme Yesu lébláa mu oḗé, “Ha nyebí ámu abumwe asa, tsúfé ima aleá fóswwí nyebí atogyihe púhá akíai.”

²⁸ Oḡi ámu léle mú onó oḗé, “Owíé, ibu mótó alí, táme akíai aní buda opónó ámu así é butegyí nyebí atogyihe mpupubiá itekpákpa bun amú opónóasi.”

²⁹ Múu Yesu lébláa mu oḗé, “Fabi lé mú onó. Mú su natí, oḡe laláhe amu ladáli fú bi tsíhé ámutó.”

³⁰ Bréá oḡi ámu lóyo wóyító a, olowun aní oḡe laláhe amu ladáli mu bi ámutó, alasí oḡa mpásó.

Yesu Létsa Isutín Okvá Otamatóí Wankláán

³¹ Yesu lénatí Tiro inu yó Sidon yóbonlí kplí ba Dekapoli[‡] awúlu amu nsáinto asa oḗladú yó Galilea opu onó. ³² Bopu isutín oku ba mu, otamatáli tóí wankláán. Bokokóli mu bee, opúu ibi dínka musu. ³³ Múu oḗkpa oyin ámu ya ifóntó, pú mu asrebi wá oyin ámu asotó, olotu atsúnó dínká mu osrebisu, púdá oyin ámu odandusu. ³⁴ Inu olotsu ansí fúá kí osúsú, lón oḡe fú. Múu oḗblí oḗé, “Hefata.” Hebri oḗlító. Mú así gyí, “Finki.”

³⁵ Inunu mu asu lefinkí, mu odandu é lesankí, oḗotóí wankláán. ³⁶ Múu Yesu léda ahá ámu oḗá kpákpáákpá oḗé, bumábláa oḡaa. Táme tsé dúdúúdúá oḗeda amú oḗá á, alí kén beda asón ámu okan ní. ³⁷ Onó lehie bwíé amó, beblí bee, “Alabwé tógyító wankláán. Alahá asutín bude asón nu, amúmu é budetóí.”

8

Ahá Mpím-na Atogyihe Ha
(Mateo 15:32-39)

¹ Nke ámutó á, oḡam kpónkpónkpóntí betrá befia Yesu wá. Amú atogyihe leta. Mú su Yesu létí mu akasípó, bláa amú oḗé, ² “Ahá anfi asón de mí nwe wa. Nde eke sáási opá bubuo mí. Butráa buma tótóá bégyi. ³ Ní nehá amú bopó akón náti báyó wóyí á, ansító béyébi amú okpató, tsúfé amótó aku okpa bu ifó.”

⁴ Múu akasípó amu befité mu bee, “Nkónó abénia atogyihe há ahá anfi fée bégyi mwe dimbí anfísu.”

⁵ Yesu léfité amú oḗé, “Bodobodo afíní mlibu?”
Bele mú onó bee, “Asienó.”

⁶ Yesu léha oḡam amu betsiá osulótó. Múu olotsu bodobodo asienó ámu, dá Bulu ipán, olebiabía mótó há akasípó amu beye mú há amú. ⁷ Bubu ntsutso iye bwáhé kpalobí ku é. Yesu lóyulá mósó, oḗpu mú é há akasípó amu, beye ha amú.

⁸ Amú fée begyi mwe. Akasípó amu botosí isíanhe bólá alakpá yilé asienó. ⁹ Ahá ámu bóbwe fé mpím-na (4,000), Yesu lési amú okpa. ¹⁰ Inunu mba mu akasípó bado wíé oklonto ba Dalmanutafó osulúsu.

Farisifo Bodunká Ofúla
(Mateo 12:38-42; 16:1-4)

[‡] 7:31 Dekapoli así gyí awúlu dú.

¹¹ Farisifo bonu ání Yesu laba ɪnu, beba buɔe mu asón fité. Bebláa mu beɛ, ɔbwéɛ osúna pɔsuna amó ání lélé otsú Bulu wá. ¹² Yesu lólɔn ɔhé fú. Múú ɔlefíté amó ɔbéɛ, “Ntogyi só mli ndemba-abí mlidé osúna dunká amliwun? Mbláa mli ɔɔkwali. Mmóɔbwé osúna kuku súná mli!”

¹³ ɪnu ɔlenati sí amó, yó du wíé ɔklɔntɔ, fá ɔpu ámu yó mú ɔbun.

Farisifo Pó Owíe Herode Bodobodotu-afá
(Mateo 16:5-12)

¹⁴ Yesu akasípó amu bumeɔaín tsú bodobodo kítá. Ipin kɔle pé bu ɔklɔn amɔtɔ. ¹⁵ Bréá buɔin ntsu ámuɔɔ bɔyó á, Yesu léda amó ɔlá ɔbéɛ, “Mlikí wankláán Farisifo pó ɔmású ogyípó Herode bodobodotu-afású.”

¹⁶ Akasípó amu befité aba beɛ, “Bodobodo amúú animédé ámu só ɔɔe asón ání blí lóó?”

¹⁷ Yesu lónu asón ání buɔeblí. Múú ɔlefíté amó ɔbéɛ, “Ntogyi só mlidéblí mliáa, mlimédé bodobodo? Mó su ɔklɔntɔ bu mli odwin mli é? ¹⁸ Mli ansíbi tamawun ató, mli asu é tamanú asón? Mlitamakáín asónsú? ¹⁹ Bréá neye bodobodo apin anu ámu há ahá mpím-nu (5,000) á, isíanhe alakpá afíní mliłótási?”

Bele mú ɔnó beɛ, “Dúanyɔ.”

²⁰ “Bodobodo apin asienó amúú neye ha ahá mpím-na ámu é mé, isíanhe alakpá yíle afíní mliłótási?”

Bele mú ɔnó beɛ, “Asienó.”

²¹ ɪnu Yesu léfité amó ɔbéɛ, “Imókówánkí mli kí?”

Ansibi Obwiepó Ɔku Ansibi Bwií

²² Yesu mva mu akasípó beba Betsaida wúlutɔ. Aha aku bekpa ansibi obwiepó ɔku ba. Bobwií ipa há mu beɛ, ɔpúu ibi da mu, ɔtsa mu ilo. ²³ Yesu lékítá ansibi obwiepó ámu ibi, kpá mu dáli wúlu amɔtɔ. ɪnu olotu atsonó dínká oyin ámu ansíbiso, pó ibi dínká muɔɔ. Múú ɔlefíté mu ɔbéɛ, “Fɔɔe ató wúun?”

²⁴ Ansibi obwiepó ámu lótsu nwun fúá kí, ɔleblí ɔbéɛ, “Nɔe anyánpósa wúun, táme buɔyi fé nyí buna.”

²⁵ ɪnu Yesu létrá pu mu ibi dínká mu ansíbiso. Oyín ámu lóbwíí ansíbi kí a, mu ansíbi lawá alé, ɔɔe tógyító wúun wankláán ngýa. ²⁶ Yesu léyinkía mu sísí wóyító ɔbéɛ, “Natí laa yó wóyí. Mátepi wíé wúlu amɔtɔ kóráá.”

Ɔhá Aní Yesu Gyí

(Mateo 16:13-20; Luka 9:18-21)

²⁷ Yesu mva mu akasípó amu benati ɪnu bɔyó Kaesarea Filipi awúlusu. Bréá buna ɔkpatɔ á, ɔlefíté amó ɔbéɛ, “Ma ahá beɛ ngýi?”

²⁸ Bele mú ɔnó beɛ, “Aku beɛ, fúgyí Asú Ɔbɔpó Yohane. Aku beɛ, Bulu ɔnósú ɔtɔípó Elia. Aku é beɛ, Bulu ɔnósú atɔípó amɔtɔ ɔku.”

²⁹ Múú ɔlefíté amó ɔbéɛ, “Mli é mé? Mliá mígyí ma?”

Petro léle mú ɔnó ɔbéɛ, “Fúgyí Kristo, (ɔhá amúú Bulu ladá mu ofúli amu) ní.”

³⁰ ɪnu ɔleda amó ɔlá ɔbéɛ, “Mlimábláa ɔhaa mí iwí asón ání.”

Yesu Iwɔsin Pó Mu Lowu Iwí Asón Blí

(Mateo 16:21-28; Luka 9:22-27)

³¹ ɪnu Yesu léfi asi ɔɔe asóntó le súná amó ɔbéɛ, “Ilehián ání mí, Nyankpɔsa-Mu-Bi ání néhie wun iwɔsin tsɔtsɔɔtsɔ. Yudafɔ ahande, Bulu igýí ahapó dehen pó Mose mbila asunápó fée bekiná mí beɛ, megyí mígyí Kristo amu. Bómo mí, táme Bulu ɔbelakúsúá mí tsú afúlitɔ nkensá ɔma.” ³² Ɔmɔpu asón ání njáín amó. Mó su Petro létí mu ya itsétó yéka mu itin ɔbéɛ, ɔmátrá blí alí. ³³ ɪnu ɔledamlí kí akasípó amu, ɔɔkplón wa Petro ɔbéɛ, “Satan, natí tei mísú! Megýí tóá Bulu dégywíín fɔdegywíín, anyánpósa klé fɔdegywíín.”

³⁴ ɪnu ɔletí ɔɔɔm amu pó mu akasípó ba mu iwí wá. Múú ɔlebláa amó ɔbéɛ, “Ní ɔku dékléá obóbuo mí á, osíi tóá otekle bwe, otsu mu oyikpalíhe bobuo mí.

³⁵ Tsúfě ní ọ̀kú lẹ̀pẹ̀rẹ̀ mọ̀ nkpa á, ọ̀bóhọ́lú mọ̀. Ní ọ̀kú é lóhọ́lú mọ̀ nkpa mía Bulu asún wankláán ámọ̀sú á, Bulu ọ̀bóhọ́ mọ̀ nkpa. ³⁶ Ní ọ̀kú onyá ọ̀yító ató fẹ́ẹ́, táme ọ̀họ́lú mọ̀ ọ̀kláa a, labi mọ̀mọ̀ ọ̀lọ̀wá há mọ̀? ³⁷ Ntée ntọ́ ọ̀họ́ ọ̀bétalí pótse mọ̀ nkpa? ³⁸ Tsúfě ní ọ̀kú onyá mía mí atosunáhé péli ndemba-abí láláhéá badámli ọ̀ma há Bulu ansító á, mí, Nyankpọ̀sa-Mu-Bi ánfí é nénýa mọ̀ péli bréá mía Bulu-abọ̀pọ̀ wánkíhé amọ̀ aniná mí Sí numnyamto abá.”

9

¹ Yesu lóyọ́ mọ̀ tóisọ́ ọ̀bée, “Ọ̀nọ̀kwali nde mli bláa. Aku bubu mli to nfi bómóowu, yófún bréá bawun ání Bulu iwíegýí amọ̀ ina túmisu ibá.”

Yesu Iwitsée

(Mateo 17:1-13; Luka 9:28-36)

² Nkensíé ọ̀ma a, Yesu lẹ̀kpa Petro, Yakobo mọ̀a Yohane, mọ̀a amúnýọ́ bọ̀dọ́ yó ibu kọ̀sọ́ amọ̀ nkọ̀le. Inu Yesu létse amọ̀ ansító. ³ Mọ̀ atadiẹ̀ lẹ̀damli futútúútú, ẹ̀de ogyá kpa. Tọ̀tọ́ ma ọ̀sọ́lọ́wọ́ anfisọ́wá ibétalí bọ̀wé mọ̀ ibófulí alí. ⁴ Inu Elia mọ̀a Mose bẹ́le iwí ọ̀wan, amọ̀a Yesu bọ̀detáí. ⁵ Mọ̀ Petro lẹ̀bláa Yesu ọ̀bée, “Osunápọ́, ibu aláá abétsiá nfi. Ha ada abú asa. Fú klé kọ̀le, Mose klé kọ̀le, Elia é klé kọ̀le.” ⁶ Ifú lẹ́hiẹ́ kítá Petro mọ̀a mọ̀ aba ámu dọ̀bi. Mó sọ́ omowun asún ání ọ̀blí.

⁷ Inu agyinde kọ̀ lobobun amú́sú, ọ̀me kọ̀ lẹ̀dalí tsu mótó ọ̀bée, “Ọ̀nı́ gýí mí Bı́ ọ̀dwepọ́ ní! Mliyaa asu amlinu mọ̀ asún!” ⁸ Inu belakı́, táme bọ̀metrá wun ọ̀haa dọ̀n Yesu nkọ̀le.

⁹ Bréá bọ̀de ibu ámu kplí á, Yesu lẹ̀da amọ̀ ọ̀lá ọ̀bée, “Mábláa ọ̀haa tóá bayówun, yófún ekeá Bulu ọ̀bókọ̀súá mí, Nyankpọ̀sa-Mu-Bi ánfí tsú afúlitọ́.”

¹⁰ Asún ánfí lesin amọ̀ nwunto, betsiá fité aba bẹẹ, “Kọ̀sọ́ tsú afúlitọ́ ánfí ası́ mé?” ¹¹ Inu bẹ́fité Yesu bẹẹ, “Ntogyi sọ́ Mose mbla asunápọ́ amọ̀ bẹẹ, ilehián ání Elia obéyinkí bá asa Kristo amọ̀ ọ̀bẹ́ba?”

¹² Ọ̀lẹ́le mọ̀ ọ̀nọ́ ọ̀bée, “Ọ̀nọ̀kwali igyi, ání Elia obégyankpá bá bela tógyító yáí wankláán. Mó ntogyi sọ́ Bulu asún wankínhé amọ̀ kén lẹ́blí tsú mí iwí ọ̀bée, mí, Nyankpọ̀sa-Mu-Bi ánfí nẹ́hiẹ́ wun ipian, ahá bọ̀sọ́páa mı? ¹³ Nde mli bláa mbée, Elia layínkí bá dodo. Ahá bọ̀bwe mọ̀ alhá bọ̀deklé, fẹ́ alhá bọ̀wanlín wá Bulu asún ámu to.”

Ilo Dídahe Ọ̀lọ́pọ́ Tsa

(Mateo 17:14-21; Luka 9:37-43a)

¹⁴ Bréá beyinkí bowie akasípọ́ atráhe amọ̀ wá á, bowun ání ọ̀dọ̀m kọ̀nọ̀kọ̀nọ̀kọ̀nọ̀tí bafia bomli amọ̀, Mose mbla asunápọ́ aku bọ̀de akasípọ́ amọ̀ nwéen gyí. ¹⁵ Bréá ọ̀dọ̀m amọ̀ bowun Yesu a, ọ̀lọ̀wá amọ̀ wánwan, bẹ́srí yéfia mọ̀, há mọ̀ ayẹ. ¹⁶ Yesu lẹ́fité mọ̀ akasípọ́ amọ̀ ọ̀bée, “Amansu mliá amúnýọ́ mli débúti?”

¹⁷ Ọ̀dọ̀m amoto ọ̀kú lẹ́le mọ̀ ọ̀nọ́ ọ̀bée, “Osunápọ́, nekpa mí bí yínhé ba fọ́ mbée afutsa mọ̀ ọ̀lọ́. Ọ̀he láláhe lahá ọ̀tamatáí. ¹⁸ Brégyíbréá ọ̀he láláhe amọ̀ ibá mọ̀sọ́ á, itọ̀wọ̀sọ́ mọ̀, fin mọ̀ dá ọ̀sọ́lọ́to. Mọ̀ ọ̀nọ́ tọ̀bwé afu, ọ̀tọ̀wí ayín, ọ̀tesinsin. Nebláa fọ́ akasípọ́ mbée, bọ̀gyáa ọ̀he ámu le mto ha mı, táme bọ̀metalı́.”

¹⁹ Yesu lẹ̀bláa amọ̀ ọ̀bée, “Ndemba-abíá mli má hógýi, alí nétsiá mli wá yó ní? Yófún ọ̀menke nnyá klon ha mli? Mli kpa kebi ámu ba mı!” ²⁰ Bekpa kebi ámu ba Yesu.

Ọ̀he láláhe amọ̀ lénýa wun Yesu alí, ọ̀lọ̀wọ̀sọ́wọ́ kebi ámu fin mọ̀ dá. Odemináa, mọ̀ ọ̀nọ́ é ẹ̀de afu. ²¹ Yesu lẹ́fité obí mọ̀ sı́ amọ̀ ọ̀bée, “Tsú bré mọ̀mto ọ̀lọ́ ánfí lefi ası́?”

Ọ̀lẹ́le mọ̀ ọ̀nọ́ ọ̀bée, “Tsú mọ̀ nyebito ọ̀pá. ²² Itọ̀tswı́ mọ̀ wá ogyá mọ̀a ntsu aná fẹ́étó, itekleá ibómọ́ mọ̀, táme ní fétalı́ bọ̀wé tọ̀kọ́ tsú mọ̀ iwí á, wun anı́ nwe afogýi anı́ bọ̀ale.”

²³ Yesu lẹ́fité mọ̀ ọ̀bée, “Blí fọ̀de fẹ́e, ní nétalí? Tógyító lọ̀pọ̀n ha ohógýipo.”

²⁴ Inu obí mụ sị ámu lókplun blí ọbée, “Nohogyi, táme mí hógýi mọtsó. Gyi mị buale, mí hógýi imoní!”

²⁵ Bréá Yesu lówun ání ọdọm amu butráa busrí beba á, ọlọkplón wa ọhẹ laláhe amu ọbée, “Fú ọdandubiabía mọa isutín ọhẹ, dalí kebi ámutọ. Mátrá wie muto ekekeke!”

²⁶ Ọhẹ laláhe amu lósorá okitikítí kóklókóó, iletá wusúu mu nyányányányáa, iletalí muto. Ọhẹ leta mu. Mú sù ahá ámutọ akw beblí be, “Alawú.” ²⁷ Táme Yesu lékitá mu ibi tsú mu fúá, ọlọkúsú líí.

²⁸ Mú ọma, bréá Yesu mwa mu akasípú amu nkule bubu wóyító a, befité mu be, “Ntogyi só aní mú anímétalí gya ọhẹ laláhe amu dalí kebi ámutọ?”

²⁹ Mú ọlebláa amú ọbée, “Iní odu mó á, nkéti mpáí* pé mlétalí púgya mó.”

Yesu Lowu Iwí Asón Blí Otse Nyọọsì
(Mateo 17:22-23; Luka 9:43b-45)

³⁰ Bréá Yesu mwa mu akasípú amu benatí inu á, bọtsun Galilea ọsólósu, táme Yesu mékléá ọhaa ọbú ọtínéá mubv. ³¹ Tsúfé ọde akasípú amu ató suná ọbée, “Béle mí, Nyankpọsa-Mv-Bi ánfí há adón bómọ mí, táme Bulu ọbélakósọa mị eke sáásí.”

³² Akasípú amu bumonu mó asì, ifú é de amú ání befité mu.

Ma Ọbóbwe Ọhande?
(Mateo 18:1-5; Luka 9:46-48)

³³ Beba Kapernaum wúluto. Bréá bowie wóyító á, Yesu léfité amú ọbée, “Nto nwéen mlídégýí ọkpato?”

³⁴ Bekpa ọnó bun músú, tsúfé ọhande budepríí. ³⁵ Yesu létsiá asì, ọletí akasípú dúanyọ ámu, ọlebláa amú ọbée, “Ní młito ọkw dékléá ọbóbwe młi nkpa ogyápu a, ọbwée mu iwí ọma ogyápu pú młi fée osúmpú.” ³⁶ Inu ọlekpa kebi ọkw belí amú ansító, látá mu pútá, ọlebláa amú ọbée, ³⁷ “Ọhagyíọha ání ọlọhọ kebiá ogyi alí mí dátó lahọ mł. Ọhagyíọha ání ọhọ mł á, megyí mí ọlọhọ, mbouín ọhá ámú ọlọwa mí ámu.”

Aní Obúopv
(Luka 9:49-50)

³⁸ Yohane lébláa Yesu ọbée, “Osunápú, anilówun oyin ọkw dépu fú dá gya ọhẹ laláhe, aniléka mu tin, tsúfé ọma anito.”

³⁹ Táme Yesu lébláa amú ọbée, “Młmáka mu itin! Tsúfé ọhaa má inuá ọbóbwe ofúla mí dátó, lálblí mí iwí asun laláhe. ⁴⁰ Tsúfé ọhá ání ọmọkúsú líí anisv buo aní. ⁴¹ Ọnọkwalı nde mł bláa mbée, ní ọkw ọhá mł ntsu-oweblí mlonu, mí dá ání idin młisv sù á, ọmọhólí mu ipán.

Ọha Kpa Wá Lakpantọ
(Mateo 18:6-9; Luka 17:1-2)

⁴² “Ní ọkw léha ahá ánfí bumọkúdan mısú hógýito ánfito ọkw lóbwe lakpan á, ní beba nfúókwebu síán mu ọmetọ, tswi mu wá ọputọ pọ á, ibv alé dun. ⁴³⁻⁴⁴ Ní fú ibi kule téhá fútóbwe lakpan á, ka mó le! Ibv aléá fọpu ibi kule nyá nkpa ání itamatá, dun ání fọpu ibi anyọ wíe isubítí ogyá ání itamaduntọ.† ⁴⁵⁻⁴⁶ Ní fú yabi kule téhá fútóbwe lakpan á, ka mó tswi tsalıfwí! Ibv aléá fọpu yabi kule nyá nkpa ání itamatá, dun ání fọpu ayabi anyọ wíe isubítí ogyá ání itamaduntọ.‡ ⁴⁷ Ní fú nsíbí téhá fútóbwe lakpan á, loti mó le. Ibv aléá fọpu nsibi kule wíe Bulu iwíegýí ámutọ, dun ání fọpu ansibi anyọ wíe isubítí ogyá ání itamaduntọ. ⁴⁸ Ọtínéá inu anyambi butamawú, inu ogyá é itamadun.

⁴⁹ “Tsúfé bọpu ogyá tin ọhagyíọha iwí, fé alhá butọpú nfólí tin afọdie iwí.

* **9:29** Mpáí mọa ọnókli bu nwóló dada amu akotọ. † **9:43-44** Mótó yée 44 mọa 46 belian 48, táme ima nwóló dada amu akotọ. ‡ **9:45-46** Mótó yée 44 mọa 46 belian 48, táme ima nwóló dada amu akotọ.

50 “Nfólí bu ɔdwɛ, táme ní itá ɔdwɛ á, ntɔ bɛlapúwá mú ɔdwɛ?
“Mliha ɔdwɛ itsia mliɔ fɛ nfólí, iwilwii itsia mliha mli aba nsuné.”

10

Okákiná Iwɪ Atosundhé
(Mateo 19:1-12; Luka 16:18)

¹ Yesu lókusú tsú inu yó Yudea ɔmátó, Yordan ntsu ɔbɪn. Ɔdɔm betrá befia bomlí mu, ɔletrá suná amó ató fɛ alíá ɔtɔbwé yáí.

² Farisifɔ akɔ beba mu wá, buɔdekléá bɔsɔ mu kɪ. Mú su befité mu bɛɛ, “Anɪ Mbla léha ɔkpa ání oyin ɔbétalí kíná mu ka?”

³ Yesu léfité amó ɔbɛɛ, “Nkálí anɪ náin Mose lówa mbla há mli?”

⁴ Bɛɛ mu ɔnó bɛɛ, “Mose léha ɔkpa ání oyin ɔwánlɪn ɔkákiná ɔwuló pukina mu ka.”

⁵ Yesu lébláa amó ɔbɛɛ, “Mli klɔntɔ-odwin sú Mose lówanlɪn mbla ánfɪ há mli.

⁶ Tsú bréá Bulu léɛ ɔyí á, ɔtsɪ móa oyin ɔlɔbwɛ. ⁷ Inɪ su oyin obótu sí mu sɪ móa mu yin yémantá mu kasɔ, ⁸ amó abanyó bɔbwɛ ɔyulúv kɔɛ nɪ. Butráa bɔmegyí abanyó, mbouɪn babwé ɔbakóɛ. ⁹ Inɪ su ahá ání Bulu labwé amó ɪkɔɛ a, ɔhaa mámaɪn amó abasɔ.”

¹⁰ Bréá beyinkí ba wóyítɔ a, Yesu akasípó amɔ betrá fité mu asón tsú asón ánfɪ iwɪ. ¹¹ Yesu lébláa amó ɔbɛɛ, “Ní oyin okíná mu ka láyétsiá ɔtsɪ bámbá á, alató mbɔa. ¹² Alɪ kén ní ɔtsɪ okíná mu kulu láyétsiá oyin bámbá á, alató mbɔa ní.”

Nyebí Yulá

(Mateo 19:13-15; Luka 18:15-17)

¹³ Aha akɔ bekpa nyebí ba Yesu bɛɛ, ɔpúv ɪbɪ dɪnka amúsú, táme mu akasípó amɔ bɔwa ɪyin wá amó. ¹⁴ Bréá Yesu lówwun a, ɔbló lekítá mu. Múv ɔlebláa akasípó amɔ ɔbɛɛ, “Mliha nyebí ámu ɔkpa abɔba mí wá. Mli mátin amó ɔkpa, tsúfɛ ahá ánfɪ odu bú Bulu iwíegyi ámu nɪ. ¹⁵ Ɔnɔkwali ndɛ mli bláa. Ɔhá ání ɔmɔhɔ Bulu iwíegyi amɔ fɛ kebi á, omóowie mótɔ.” ¹⁶ Múv ɔlelatá amó pútá, pɔ ɪbɪ dɪndɪnka amúsú, oloyulá amó á.

Atonyahé Iwɪ Atosundhé

(Mateo 19:16-30; Luka 18:18-30)

¹⁷ Bréá Yesu lópv ɔkpa ɔyó á, oyin ɔkɔ lésrí ba beɔa akpawunu mu ayabito fité mu ɔbɛɛ, “Osunápó yilé, ntɔ nɔbwɛ asa nénya nkpa ání itamatá?”

¹⁸ Yesu léfité mu ɔbɛɛ, “Ntogyi sú fɔɔɛ mí tɪ ɔha yilé? Ɔhaa mégyi ɔha yilé, nkétɪ Bulu nkɔɛ. ¹⁹ Yéɛ fuyin Bulu mbla ámu dodo? Ɔbɛɛ, mámmɔ ɔha, mátɔ mbɔa, máwi ató, máka asón dínká fú bású, másisií ɔha, bu fú sí mu fú yín.”

²⁰ Oyin ámu lébláa mu ɔbɛɛ, “Osunápó, tsú mí nyebito ɔpá ndɛ ínɪ fɛésú gyí.”

²¹ Yesu lékɪ mu díín, mu asón lówa mu ɔdwɛ. Múv ɔlebláa mu ɔbɛɛ, “Ilasí tokukɔléá fɔbwɛ. Yɛfɛ fú iwɪsɔ ató fɛé, afɔye kóba amɔ ha ahiánfɔ, ménɪ fénya siadiɛ ɔsúsú. Fɔbwé mú tá á, ba afɔbobuo mɪ.” ²² Bréá oyin ámu lónu asón ánfɪ á, iwɪ lowu mu. Mú su ɔlenatí díín, tsúfɛ ɔhíé ɔbɔ ató.

²³ Yesu lékɪ bomlí, ɔlebláa mu akasípó amɔ ɔbɛɛ, “Ibéhɪɛ wá ɔnlɪn asa iwɪ onyapú obówie Bulu iwíegyi ámutɔ!”

²⁴ Bréá akasípó amɔ bonu asón ánfɪ á, ɔnó lobwie amó. Táme Yesu lélabláa amó ɔbɛɛ, “Mí abí, Bulu iwíegyi ámutɔ wie ɪbéhɪɛ wá ɔnlɪn! ²⁵ Iɔpɔn ha kpósó ání ɔbótsɔn ɔbɪn-atɔ ɔbótɔ, dón ání iwɪ onyapú obówie Bulu iwíegyi ámutɔ.”

²⁶ Asón ánfɪ léha ɔnó lehɪɛ bwíé amó. Mú su befité aba bɛɛ, “Múmu ma mɛɛ Bulu ɔbóhɔ nkpa?”

²⁷ Yesu lékɪ amó díín, ɔlebláa amó ɔbɛɛ, “Tóá ɪɔn nyankpɔsa bwe mɔɔón Bulu, tsúfɛ Bulu mú tetálí bwé tógyítɔ.”

²⁸ Múú Petro lébláa mu òbée, “Yée aní mó anlasí tógyító tswi bobuo fu o!”

²⁹ Yesu lébláa mu òbée, “Onkwali nde mli bláa. Ohagyíha aní olesi mu wóyí, mu apíó, mu si muva mu yin, mu abí ntée mu osolúu omagyáa, mía mí asun wankláán ámu su á, ³⁰ òbélanya mu wóyí, mu apíó, mu ayín, mu abí pú mu agyapadi ámu odu tsé lafa séi. Bédinká musu é séi, táme obénnya nkpa aní itamatá bré ámuú íbá ámuú. ³¹ Táme agyankpapu tsotsotsò bēba bemli amapu, amapu é bēba bemli agyankpapu.”

Yesu Lowu Iwí Asón Bli Otse Saasi
(Mateo 20:17-19; Luka 18:31-34)

³² Yesu muva mu akasípú amu bopu okpa boyó Yerusalem wúluta, Yesu gyánpá. Ilowa amú wánwan, ifú lekítá ahá ámuú bobuo amú ámu. Múú òlekpa akasípú dúanyo ámu ya itsétó, òletrá bláa amú tóá íbēba musu. ³³ Òbée, “Mlinu! Ní awíé Yerusalem a, bēle mí, Nyankpusa-Mu-Bi anfi há Bulu igyí ahapú dehen pú Mose mbala asunápú. Béha mí lowu ipón, pú mí wá ahá aní bomegyí Yudafo íbító. ³⁴ Bóbwe mí ahinlá, tú atsúnó wólí mí, nwén mí mpli, mó mí, táme eke sáásí a, Bulu òbókúsa mí tsú afúlitó.”

Ohande Osúm Mu Aba
(Mateo 20:20-28)

³⁵ Sebedeo abí Yakobo muva Yohane bəkpəkpé mantáa Yesu bláa mu bēe, “Osunápú, anídekkléa fubwée taku ha aní.”

³⁶ Múú Yesu léfité amú òbée, “Nto mlídekklé mliáa mbwée ha mli?”

³⁷ Bebláa mu bēe, “Ha anito okole otsia fú gyəpiso, okole é otsia fú binasu bréa Bulu owá fú numnyam.”

³⁸ Táme Yesu lébláa amú òbée, “Mlímeyín tóá mlídekklé! Mlétalí wun iwíəsin ámuú neba bowun amu, ntée mlétalí wú lowu ámuú nówu ámu?”*

³⁹ Bele mú onó bēe, “Ee abétalí.”

Múú òlebláa amú òbée, “Mlówun iwíəsin ámuú neba bowun amu, wú lowu ámuú nówu ámu é, ⁴⁰ táme mma túmi aní nēle ohá aní obétsiá mí gyəpi ntée binasu. Alí otsiákpá anfi mú ida gyo ahá ámuú Bulu lalá inu yái há ámu.”

⁴¹ Bréa akasípú idú atráhe amu bonu asón anfi á, Yakobo muva Yohane iwí lówa amú òbló. ⁴² Yesu létí amú fée ba mu iwí wá, òlebláa amú òbée, “Mliyin aní ahá aní butobú amúá bugyi omátófəsu agyípú butehíé amú ahá, amú ahande é butenyá túmi amúsó. ⁴³ Táme mlito mú á, imába alí. Ohá aní odekléa òbóbwe mlito ohande òbwée mli fée okpábi. ⁴⁴ Ní mlito oku é dekléa òbóbwe mli nkpa ogyápu a, òbwée mli fée okpábi. ⁴⁵ Tsúfé mí, Nyankpusa-Mu-Bi anfi é mmeba mbée, busúm mí. Ahá osúmkpá neba, ampu mí nkpa ho ahá tsotsotsò nkpa.”

Ansibi Obwiepú Oku Ilo Tsa
(Mateo 20:29-34; Luka 18:35-43)

⁴⁶ Boyówie Yeriko wúluta. Bréa muva mu akasípú pú odəm kpənkpənkpənti ámuú bobuo mu amu buɖɖɖalí inu á, bowun Timeo mu bi Bartimeo. Mu ansibi labwíé, otsie okpatə ɔde ató kulí. ⁴⁷ Bréa olonu aní Yesu Nasaretyin amu détsúon a, olowa kplón bi òbée, “Aní Wíe Dawid mu na Yesu, wun mí nwe!”

⁴⁸ Amótó ahá tsotsotsò bəkpəlón wa mu bēe, okpá onó bun, táme mu mó òlelakplón dɔn alí òbée, “Aní Wíe Dawid mu na, wun mí nwe!”

⁴⁹ Yesu lési lí, òlebláa amú òbée, “Mliti mu ha mli.”

Bokpolí ansibi obwiepú ámu, bebláa mu bēe, “Fú klɔn idí fú así, afukusu ba. ɔde fú ti!”

⁵⁰ Inu oyin ámu lótswi mu osósó atadié tsálífwí, wáan kusó ba Yesu wá.

⁵¹ Yesu léfité mu òbée, “Nto fudeklé fēe mbwée ha fu?”

* **10:38** Mlétalí wun iwíəsin ... wú lowu ámuú nówu ámu? Ntée Mlétalí nu ntá neba bonu ntée há bóbó mli asú ámuú neba bóbó ámu?

Inu ansibi obwiepó ámu lébláa mu ɔ́bée, “Osunápó, ha mí anwun ató!”

⁵² Inu Yesu lébláa mu ɔ́bée, “Nati, fú hógyi latsá fú ilo.”

Inunu mu ansíbi lobwíí, ɔ́lekplá buo Yesu.

11

Bɔ́ho Yesu Fɛ Owie Yerusalem

(Mateo 21:1-11; Luka 19:28-40; Yohane 12:12-19)

¹ Bréá bowie Betfage múa Betania, awúlu ání ibu Nfɔ́-nyíbu ámu* asi, batá Yerusalem wie tá á, ɔ́lɔ́wa mu akasípó abanyó gyankpá. ² ɔ́bée, “Mliyo wúlu anfi ida mli ansító ánfító. Ní mlowie wúlu amu ɔ́nó á, mlówun afrímú kanáhe ɔ́ku da ɔ́fétó, ɔ́haa mókútsiá muɔ́v kí. Mlisanki mu, amlíkpa mu ba mli. ³ Ní ɔ́ku ɔ́fíté mli ɔ́bée, ‘Ntogyi só mli dé mu sankí?’ á, mlibla mu mlihaa, ‘Ani Wíe dé mu hián. Obéyinkia mu ba séi.’ ”

⁴ Bɔ́yo á, bɔ́yóto afrímú ibí ámu da ɔ́fétó wóyí ámu ɔ́nó ɔ́kpabáí. ⁵ Bréá buɔ́e mu sankí á, aha akwá bulí inu befité amó bee, “Ntogyi só mli dé afrímú ibí ámu sankí.”

⁶ Beɛe mó ɔ́nó alí ámuó Yesu lébláa amó ámu pépéépe. Besi amó; akasípó amu besankí mó. ⁷ Bekpa afrímú ibí ámu ba Yesu. Beyaí amó atati dínká muɔ́v, ɔ́lɔ́du bian muɔ́v. ⁸ Amótó ahá tsɔ́tsɔ́tsɔ́ beyaí amó atati tswi ɔ́kpatɔ́, aku é bebiabía afitáa bunbun ɔ́kpa ámuɔ́v. ⁹ Ahá ámuó bɔ́gya Yesu nkpa múa ɔ́ma amu bɔ́sɔ́rá okitikíti bee, “Hosiána! Bulu oyúla ɔ́há ánfí ɔ́bá aní Wíe dátó ánfí! ¹⁰ Bulu oyúla aní náin Dawid iwíegyi ámuó íbá ámu! Hosiána bu ɔ́súsúúsú!”

¹¹ Bréá Yesu lówie Yerusalem a, ɔ́lɔ́yo Bulu ɔ́tswékpa, ɔ́lɔ́wa ansí kí tógyító wunsínésú inu wankláán. Owí lapɔ́n. Mó sv muɔ́a mu akasípó dúanyɔ́ ámu beyinkí yó Betania wúluto.

Pɔ́ntɔ Oyí Lwí

(Mateo 21:18-19)

¹² ɔ́yi kehe bréá beyinkí tsú Betania bebá á, akón de Yesu. ¹³ Olowun pɔ́ntɔ kwá ilahíe pói sísí, ilí mantáa ɔ́kpa. ɔ́lɔ́yo yéki bee obénnya ku mótó. Táme olowie mó asi á, afitáa sóón bu mósú, tsúfé oyí ámu swiebí mɔ́kófɔ́n. ¹⁴ Inu ɔ́lebláa oyí ámu ɔ́bée, “Tsú nde pɔ́ya a, ɔ́haa méetrá gyi fú abi swiehé.”

Mu akasípó amu é bonu asón ánfí.

Ibia Agyípó Gyáa Le Bulu ɔ́tswékpa Wunsínésú

(Mateo 21:12-17; Luka 19:45-48; Yohane 2:13-22)

¹⁵ Bréá bowie Yerusalem a, Yesu lóyo Bulu ɔ́tswékpa wunsínésú. Inunu ɔ́lɔ́wa ató afepó pó ató ahópɔ́ amu aná fée gyáa dali inu bi. Olowuwúta kóba atsépu mpónó dá, súnsúntí abróduma afepó mbíá dá. ¹⁶ ɔ́meha ató afepó ɔ́kuku ɔ́sɔ́ra mu ató fehé ka tsun ɔ́tswékpa wunsínésú inu kúráá. ¹⁷ Olosuná amó ató ɔ́bée, “Bumɔ́wanlín wá Bulu asun wanlínhé amuto bee, ‘Béti mí ɔ́tswékpa bee, ɔ́má fée mpáí ɔ́bɔ́kpá?’ Táme mli lapó inu mli awikplu ɔ́jaínkpá.”

¹⁸ Bréá Bulu igyi ahapó dehen pó Mose mbla asunápó amu bonu tóá alabwé á, bodunká ɔ́kpa ání bótsun mósú mó mu. Benya ifú, tsúfé mu atosunáhé amu leha ɔ́nó lobwie ɔ́dam amu.

¹⁹ Bréá owí lapɔ́n a, Yesu muɔ́a mu akasípó beɔ́dali wúlu amuto.

Hógyi Iwí Atosunáhé

(Mateo 21:20-22)

²⁰ Bréá buɔ́etsún nyanki a, bowun ání pɔ́ntɔ oyí ámu ilawú tsú mó ɔ́sú beyi asi. ²¹ Inu Petro lékaín asón ání Yesu lébláa pɔ́ntɔ oyí ámu. Móó ɔ́lebláa Yesu ɔ́bée, “Osunápó, kí, pɔ́ntɔ oyí ámuó fɔ́lwí ámu ilawú!”

* **11:1** Nfɔ́-nyíbu igyi obubwí kwá ibu mantáa Yerusalem, bɔ́teti mó Olifbu.

²² Yesu lébláa amó ɔ́bée, “Mliho Bulu gyi. ²³ Ɔ́nɔkwali nde mli bláa, ɔ́hagyíɔ́ha ání ɔ́bébláa ibu ání ɔ́bée, ‘Púli yowie ɔ́puto’, omegyi nwéén mu klɔ́nto, olohogyi ání asón amóú mabli ámu íbéba mótó á, íbópulí yó. ²⁴ Iní su nde mli bláa mbée, tógyítóá mlókóli Bulu á, mlihogyi ání mlilanyá mó dodo. Mli íbì bédá mó. ²⁵⁻²⁶ Ní mlilíí mlidé mpái bɔ́, ɔ́ku asón bu mli klɔ́nto á, mlisi ɔ́há ámu lakpan kie mu, méní mli Sí amóú ɔ́bu ɔ́súsú ámu é obési mli klé kíé mli.†”

Yesu Túmí Iwí Asón Fitéhé
(Mateo 21:23-27; Luka 20:1-8)

²⁷ Yesu mwa mu akasípó amu be trá yinkí ba Yerusalem. Bréá ɔ́na odeki Bulu ɔ́tswékpa wunsínésú inu á, Bulu igyí ahapó dehen, Mose mbíla asunápó pó Yudafo ahande amu beba mu wá. ²⁸ Befité mu be, “Túmi mɔ́mu fódεpubwé ntobí ání? Ma léha fú túmi ámu?”

²⁹ Yesu lélé mó ɔ́nó ɔ́bée, “Nfíte mli asón kua kule. Ní mlelé mó ɔ́nó há mí á, mí é nébláa mli túmi oduá ndεpubwé ntobí ání. ³⁰ Bulu wá Asú Ɔ́bɔ́pó Yohane lénnya túmi póbó ahá asú lóó, ntée nyankpɔ́sa? Mlibla mí!”

³¹ Amó wulewule bɔ́yɔ́ asón ánífɔ́ be, “Ní abli aníaa itsú Bulu wá á, ɔ́béfite aní ɔ́bée, mó ntogyi sù mlímóhɔ́ mu gyi? ³² Ntée abli aníaa itsú anyánpɔ́sa wá?” Táme bude ahá ámu ifú nya, tsúfé amó féé bohogyi ání lélé Bulu ɔ́nósú ɔ́tɔ́ipó onutó Yohane gyí. ³³ Mó su bele mó ɔ́nó be, “Ohwée! Aníméyín ɔ́tínéá olenya mu túmi tsú.”

Móú Yesu é lébláa amó ɔ́bée, “Mómú mí é mméébláa mli túmi oduá ndεpubwé ntobí ání.”

12

Apafɔ́ Laláhe Aku

(Mateo 21:33-46; Luka 20:9-19)

¹ Yesu lówa amó asón bláa ayébitɔ́ bɔ́. Ɔ́bée, “Oyin ɔ́ku lódo wáin ndo. Olegyi íban bómli mó. Olokwi wáin amu onyimékpá, ɔ́ɔ́pwe obu fúáhé ku há ndo ámu agyópu. Móú ɔ́ɔ́pu ndo ámu wá apafɔ́ íbitɔ́, olotu ɔ́kpa. ² Bréá wáin-abí ámu kpɔ́tíbi lɔ́fun a, ɔ́lɔ́wa mu osúmpú apafɔ́ ámu wá ɔ́bée, ɔ́yóhɔ́ mu ogyíkpá ba mu. ³ Táme apafɔ́ ámu bekítá mu, dá mu, gya mu sísí íbikpan. ⁴ Ndo mu wie amu létrá wa mu osúmpú nyɔ́ɔ́si amó wá. Apafɔ́ ámu beba mu é, pílan mu nwuntɔ́, sùpa mu. ⁵ Ɔ́letrá lawá ɔ́bambá. Mu mó á, bɔ́mɔ́ mu. Alí kén bɔ́bwe atráhe é ní. Beba aku, mó aku é. ⁶ Ilesi mu onutó mu bi ɔ́kule péá ɔ́tamatsúlá musu. Ɔ́kí ɔ́bée, bóbu mu mó. Mó su ɔ́lɔ́wa mu é. ⁷ Táme apafɔ́ ámu beblí be, ‘Ɔ́nɔ obégyi mu sí ató ní. Mliha amɔ́ mu, méní ndo ámu íbémlí aní klé.’ ⁸ Mó su bekítá mu, mó mó, tswí mu dálí ndo ámuɔ́.

⁹ “Ékéá ndo mu wie amu ɔ́bá á, ntɔ́ mlilahogyi mliaa ɔ́bɔ́bwe apafɔ́ ání? Ɔ́béha bɔ́mɔ́ amó. Ɔ́bélapó ndo ámu wá apafɔ́ bámbá íbitɔ́. ¹⁰ Ntée mlímókúkla Bulu asón wanlínhé amu kí? Bɔ́wanlín be, ‘Íbwi amóú obu ayípu bekiná ámu lébemli okonkísóbwi ní.

¹¹ Bulu lóbwé mó alí.
Íbu wánwan.’”

¹² Inu Yudafo ámu bekleá bekítá Yesu, tsúfé bebi ání amó su alahá yébi ání, táme bude ɔ́dam amu ifú nya. Mó su benatí sí mu.

Lampóoka

(Mateo 22:15-22; Luka 20:20-26)

¹³ Ɔ́ma a, bɔ́wa Farisifo pó Owíe Herode ahá be, bɔ́yétetéé Yesu ɔ́nótó asón nu, abunya mu akítálé. ¹⁴ Bréá beba mu wá á, bebláa mu be, “Osunápó, aníyín

† 11:25-26 Mótó yée 26 bu nwuló dada amu akoto: Táme ní mlímésikíé ahá a, mli Sí amóú ɔ́bu ɔ́súsú ámu é oméésikíé mli.

ání ɔ̀nɔ̀kwaliɔ̀ ɔ̀gyi. ɔ̀tamaɔ́ há ɔ́haa ɔ́tse ɔ́ ɔ́gywun, tsúfɛ́ ɔ́tamaɔ́ há ɔ́haa ansító. Mboún Bulu asón á múú igyi ɔ̀nɔ̀kwali amu ɔ́ɔ́desuná. Mú su anidé ɔ́ ɔ́fité anu. Aní mbla léha ɔ́kpa ání akáa lampóo ha Roma owíe dehen Kaesare, ntéé animáka?”

¹⁵ Yesu lébi ání buki ansí. Mú su ɔ́lefíté amú ɔ́bée, “Apinabwɛ́bí abwɛ́pó, ntogyi sò mliɔ́dé mí sòó kí? Mlitsú kóba amu ɔ́ku ba mí anki.”

¹⁶ Bɔ́pɔ́ba mu. Múú ɔ́lefíté amú ɔ́bée, “Ma nwun pó mu ɔ́dà dín mósó?”

Bele mú ɔ́nó bée, “Kaesare.”

¹⁷ Múú ɔ́lebláa amú ɔ́bée, “Mómú mliɔ́ ɔ́tá igyi Kaesare klé ha Kaesare, amliɔ́ muá igyi Bulu klé é ha Bulu.”

Mu ɔ́wɔ́ lówa amú ifú.

Kusú Tsú Afúlitɔ́ Iwɔ́ Asun Fitéhé

(Mateo 22:23-33; Luka 20:27-40)

¹⁸ ɔ́pasua kuá bɔ́tɛ́tí mú Sadukifɔ́ aku beba Yesu wá. Bɔ́gyi ɔ́pasua kuá bɔ́tɛ́blí bée, kusú tsú afúlitɔ́ ma inu. Befité mu bée, ¹⁹ “Osunápó, Mose lówanlín tswi aní ɔ́bée, ‘Ní ɔ́ku muu mu ka buɔ́mɔ́kwí asa olowu sí mu ka ámu a, mu pio otsú mu ka ámu tsia, féki ɔ́kwu ha owupó ámu.’” ²⁰ Oyin ɔ́kule abí abasiénó aku betsiá. Amótó ogyankpapu létsiá ɔ́ká, táme ɔ́mɔ́kwí asa olowu. ²¹ Mu gyama lótsu ɔ́surapuka amu tsia, táme mu é ɔ́mɔ́kwí. ɔ́saasi lótsu ɔ́tsi ámu tsia. Mu é ɔ́mɔ́kwí. ²² Alu yótu osienósí amu. Amótó ɔ́kuku mókwií asa olowu. ɔ́ma-ɔ́ma a, ɔ́surapu amu é lóbowu. ²³ Afúli ɔ́kusóké a, amótó ɔ́mamu ɔ́bóbwe mu kulu? Tsúfɛ́ amú abasiénó ámu féé betsiá mu.”

²⁴ Múú Yesu léle mú ɔ́nó ɔ́bée, “Megyí mli ológyi. Mli méyín Bulu asun wanlínhé amu ntéé Bulu túmí. ²⁵ Tsúfɛ́ ní afúli bókósú á, bóbwe fé Bulu-abɔ́pu. Bu méetsiá aká múa akúlu. ²⁶ Táme afúlikusú ɔ́wɔ́ mú á, yéé mli lakla Mose ɔ́wɔ́lɔ́, nú asón á múú Bulu lébláa mu dimbísó bréá olowun oyíbi ku de ogyá tsíí, táme ɔ́medéhóo amu? ɔ́bée, ‘Mígyí mli anáin Abraham muu Isak pó Yakob Bulu ámu nu.’” ²⁷ Inu ɔ́lebláa amú ɔ́bée, “Megyí awupó Bulu ógyi, akiankpapu Bulu ógyi. Mli mú mli afwí féé.”

Bulu Mbla Ámutó Múá Idon

(Mateo 22:34-40; Luka 10:25-28)

²⁸ Mose mbla asunápó amutó ɔ́kule lóbatu amú inu, olonu asón ání buɔ́tɛ́bí. Olowun ání Yesu lalé Sadukifɔ́ ámu asón ɔ́nó wankláán. Mú su ɔ́lefíté Yesu ɔ́bée, “Bulu mbla ámutó mamu dón?”

²⁹ Yesu léle mú ɔ́nó ɔ́bée, “Bulu mbla ámutó múá idon nu. ‘Israelfɔ́, mlinu. Bulu ɔ́kule pé aní Wíe Bulu gyí. ³⁰ Mú su pu ɔ́ klɔ́n, ɔ́ ɔ́kláa, ɔ́ ɔ́gywun pó ɔ́ ɔ́wɔ́nlín féé dwe ɔ́ Wíe Bulu.’” ³¹ Mú nyɔ́ɔ́si é gyí, ‘Dwe ɔ́ bá fé ɔ́ ɔ́wɔ́.’ Mbla kuku ɔ́tráa ma inu á idon inu.”

³² Mbla osunápó amu lébláa Yesu ɔ́bée, “Osunápó, fablí ɔ̀nɔ̀kwali. Aní Wíe Bulu nkule pé bu inu, ɔ́kuku trá ɔ́ma inu. ³³ Apóu aní klɔ́n, aní ɔ́gywun pó aní ɔ́wɔ́nlín féé dwe mu, adwe aní aba fé aní ɔ́wɔ́. Idon mbwɔ́ tóhé pó afɔ́ɔ́ie kugyíku.”

³⁴ Yesu lówun ání alabí lé asón ámu ɔ́nó wankláán, ɔ́lebláa mu ɔ́bée, “Foma ɔ́fɔ́ Bulu iwíegyi ámutó.”

Mú ɔ́ma a, ɔ́haa métrá wa klɔ́n fité mu asvansu.

Ma Gyí Kristo Amu?

(Mateo 22:41-46; Luka 20:41-44)

³⁵ Bréá Yesu dé ató suná Bulu ɔ́tswékpa nwunsínésó inu á, ɔ́lefíté ɔ́bée, “Nkáli sò Mose mbla asunápó amu betalí blí bée, Owíe Dawid mu na gyí Kristo, (ɔ́há á múú Bulu léda mu ofúli amu)?” ³⁶ Tsúfɛ́ ɔ́ɔ́e Wankíhé léha Owíe Dawid onutó léblí ɔ́bée,

‘Aní Wíe Bulu lébláa mí Wíe ɔ́bée,

“Tsia mí gyɔ́pisu nfi

yófun bréá néha fětsatsáa fú alupósó.” ’

³⁷ Owie Dawid onutó létí mu ɔbéé mu wie. Nkálí sù ɔtráa ogyi mu na?”

Asón ánfí lówa ɔdɔm kpɔnkpɔnkpɔntí ámuó befia bomlí mu amu ɔdwe, bɔpu ansigyí nú mu asón.

Mose Mbla Asunápó Tsiátó

(Mateo 23:1-36; Luka 20:45-47)

³⁸ Yesu léblí mu atosunáhé amuto ɔbéé, “Mlíki wankláán Mose mbla asunápósù. Butekle ligá wa nátí kí, butekle beé, ahá bubún ha amú itsiá dɔnsù.

³⁹ Otsiákpá yilé butekle tsiá Yudafo ofiakpa pú nke ogyíkpá. ⁴⁰ Botesisi asurapu, swíí amó amó wóyí. Bɔtepina bɔ mpái tɔntɔntín ahátó póbun amó lalahesù. Bulu ɔbébití amó ɔsù kínkíínkín!”

Ɔsurapu Ɔku Tswitswi

(Luka 21:1-4)

⁴¹ Yesu létsiá mantáa tswitswi dáka Bulu ɔtswékpa inu, ɔde ahá kí bɔdepu amú tswitswi bɔwa mótó. Ahá ání amú ɔbitó bu odwin bɔdepu kóba akpɔnkpɔntí bɔwa. ⁴² Inu ɔsurapu ɔkúá ɔma tɔtɔ é lópu mu kóba-ana bɔwa dáka ámuó. ⁴³ Múó ɔletí mu akasípó amu ba mu wá, ɔlebláa amú ɔbéé, “Ɔnɔkwali nde mli bláa, tswitswiá ɔsurapu anfi ɔma tɔtɔ lawá á, ɔdɔn ɔhagyíɔha klé. ⁴⁴ Tsúfě atráhe amu fěé á, amú kóba tsɔtsɔtsɔ balé kpalobí tsú bɔwa. Táme íniá ɔsurapu anfi mó má tɔtɔ sù tóá ɔbu fěé alapó bɔwa á.”

13

Bulu Ɔtswékpa Amu Bwie

(Mateo 24:1-2; Luka 21:5-6)

¹ Bréá Yesu lédalí Bulu ɔtswékpa wunsínésó inu ɔyó á, mu akasípó amuto ɔkule lébláa mu ɔbéé, “Osunápó, kí mbu wankláán pú abwi akpɔnkpɔntí ánfí bɔpuyi mó ánfí akíle!”

² Múó ɔlebláa mu ɔbéé, “Yéé fawun mbu akpɔnkpɔnkpɔntí ánfí? Bóbwie mó fěé bun. Ibwi kule kúráá méesian dínká mó bású.”

Iwɔsin Mba Ikplán

(Mateo 24:3-14; Luka 21:7-19)

³ Bréá Yesu tsie Nfɔ-nyíbu ámuó, ɔde Bulu ɔtswékpa mbu ámu kí a, Petro, Yakobo, Yohane muá Andrea nkule befíté mu beé, ⁴ “Bla aní, bré mɔmuó íni fěé béba? Osúna mɔmu é ɔbéba, ibósuná ání mó bré lafun?”

⁵ Inu Yesu lébláa amú ɔbéé, “Mlíki wankláán, méní ɔhaa méemlé mli. ⁶ Ahá tsɔtsɔtsɔ bɔpu mí dá ba beé, amúgyí Kristo amu ni. Bémlé ahá tsɔtsɔtsɔ bɔfwí ɔkpa. ⁷ Ní mlonúá ísá ladá mantáa mli ntée ɔtɔneku á, opúni mátsií mli Tsúfě lehián ání íni aná fěé béba, táme imedésuná ání ɔyí ɔnómóké ámu lafun. ⁸ Tsúfě ɔmá bókɔ aba. Awíe bókɔsú lí abasù. Ɔsulúv békpinkí ntíné-ntíné. Akón é béba. Iní fěé igyi fě iwɔsin ání ɔtsí towun bréá ikwí de mu dwiín.

⁹ “Mú sù mli mó mlíki mli iwí wankláán. Tsúfě mí sù bɔpu mli há Yudafo asón agyípó, béda mli amú ofiakpa awúlu-awúlusù. Békpa mli ya ɔmáso agyípó pú awíe ansító, méní mlégyi mí iwí adánsi. ¹⁰ Táme ilehián ání bégýankpá dá asun wankláán ámu ɔkan súná ɔyító ahá fěé. ¹¹ Ní bekítá mli ya a, mlimágywín asón ání mléblí. Mlíbli asóngyíasón ání Bulu ɔbópɔwá mli ɔnó alí bré ámuó. Tsúfě megyí mli onutó ɔbótóí, Ɔhe Wankíhé ɔbótóí tsun mli sù.

¹² “Apíó béle amú apíó há lowu. Abí así béle amú abí há. Abí é bókɔsú lí amú akwípósù, há bómɔ amú. ¹³ Mí sù ahá fěé bólu mli, táme ní mlétalí wá klɔn lí kínkíínkín yófun mó ɔnómɔ á, Bulu ɔbóhɔ mli nkpa.

Iwɔsin Wíunbí

(Mateo 24:15-28; Luka 21:20-24)

¹⁴ “Táme ní mlowun akisítá itobwíé omá, ida otínéá mlimédín ansí ání ibéba a, (aklápú, mlinu mú así.) Mómú ahá ání búbú Yudea omátó busrí yó abusu. ¹⁵ Ohá ání odín obusu mákplí botsu tótó obuto! ¹⁶ Ohá ání obu ndótó é máyinkí botsu mu tati. ¹⁷ Amenyapó pú abí-ayín ání búpia abi bóbwe alí bré ámutó, búgyówí ní! ¹⁸ Mlíkokoli Bulu mliáa, mli osríké amu imábwe nyankpu móa atsalibí. ¹⁹ Tsúfé asun wunhe ání ibéba alí bré ámutó odu makúba tsú bréá Bulu lóbwe oyí opá kí. Mú odu kuku é iméetrá ba ekekéke. ²⁰ Ní Bulu médínkí nke ámusu á, tēkí ohaa méesian oyító. Táme ahá ámóú alalé póbwe mu kle amu su aladínkí nke ámusu.

²¹ “Alí bré ámutó á, ní oku lébláa fu obéé, ‘Kí, Kristo, (ohá ámóú Bulu ladá mu ofúli amu) bu nfi ntée nána’ á, máhógyi. ²² Tsúfé ahá ání bee amógyi Kristo amu pú ahá ání bowa afunu bee, Bulu onósú atópú bugyi tsotsotsó béba oyító. Bóbwe ofúla pú osúna pómle ahá. Ní bétalí kóráá á, bémlé ahá ámóú Bulu lalé ámu é. ²³ Táme mlíkí wankláán! Nabláa mli tógyító asa ibéba.

Nyankpɔsa-Mu-Bi Amu Ibábi

(Mateo 24:29-31; Luka 21:25-28)

²⁴ “Iwɔsin wúun amu oma a, owí obéta, otsra é oméetrá fí. ²⁵ Ntsrakpabi békpa tsú osúsú beda. Nwulótáa móa mótó ató fée békpinkí. ²⁶ Ohagyísha obówun ání mí, Nyankpɔsa-Mu-Bi ánfí napó túmí móa numnyam kpɔnkpɔntí mbu nwulótáató tsú osúsú nebá. ²⁷ Inu Bulu obówa mu abopu békpa mu ahá ámóú alalé ámu tsú oyí afunka ana ámu féesú.

Oyí Onómá Iwí Osúna

(Mateo 24:32-35; Luka 21:29-33)

²⁸ “Mlɔpɔkí pɔntó oyí. Ní mú abámbi depó, ide ate pɔpwe le á, mlietbí ání awikpan bré lafun. ²⁹ Alí kén, ní mlowun ání ntobí ánfí fée ide mótó bá a, mlietbí ání mí, Nyankpɔsa-Mu-Bi ánfí ibábi lafun ta ní. Nawíé wóyí ámu onó tá. ³⁰ Onakwalí nde mli bláa. Ndemba-abí ánfí fée bomóowu tá, asa iní fée béba mótó. ³¹ Osú móa así fée bótson, táme mí asun blíhé móotsun ekekéke.

Nyankpɔsa-Mu-Bi Amu Ibábi

(Mateo 24:36-44)

³² “Táme ohaa méyín eke ntée bréá ntobí ánfí fée ibéba. Bulu-abopu bumeyín. Bulu mu Bi ámu é méyín, nkétí aní Sí ámóú obu osúsú ámu nkole pé yín. ³³ Mlídínka ansí iwísu, tsúfé mliméyín ekeá bré ámu ibófun. ³⁴ Igyí fé okuá ode okpa tu, olesi mu wóyí wá mu asúmpú ibitó. Oleha okugyíoku agyómá obée obwée. Olebláa wóyí ámu ogyópu é obée, oyírí iwí ogyo wóyí ámu wankláán. ³⁵ Mú su mlídínka ansí iwísu, tsúfé mliméyín bréá wóyí mu wie amu obéba. Fíalí ntópwe o, oyí-nsíné o, bake o, ntée nyankí. ³⁶ Mlídínka ansí iwísu, méní obá bofwie mli á, omabotu mli ání mliladídí. ³⁷ Asón ánfí nde mli bláa ánfí kén nde oyító ahá fée bláa. Mbée, ‘Mlídínka ansí iwísu.’ ”

14

Bekiklɔ Yesu Nwunsu

(Mateo 26:1-5; Luka 22:1-2; Yohane 11:45-53)

¹ Ilesi nkenyó Yudafo abugyi Israelfosu Katsun Nke pú Bodobodo MátúhéNke. Alí bré ámutó Bulu igyí ahapó dehen pú Mose mbla asunápó bodunká okpa ání bótson músú kítá Yesu njáintó, mó mu kokooko. ² Táme beblí bee, “Megyí Katsun Nke ánfító abómó mu, méní kpokiti méeda omá ámutó.”

Ofobi Fánfáánfán Pwólí Yesu

(Mateo 26:6-13; Yohane 12:1-8)

³ Bréá Yesu bu Betania wúluto, Simon okuá alaló ilo pepe kí wóyító ode ató gyí a, otsí oku léba inu; ode prentwa wankláán kuá ofobí fánfán ání ibu ibiá bu

mútó. Oletíí mú ɔ́nó, ɔ́letseí ofobí ámu wólí Yesu nwuntó. ⁴ Akú búbu inuá imɔ́wa amú ɔ́dwe. Befíté aba bée, “Ntogyi sù ɔ́de ofobí ánfí yintá? ⁵ Tekí abétalí fée ofobí fánfán ánfí, mú ibiá bódun ɔ́bakúle ofi ɔ́kule ikáká ánfí, púhá ahiánfó.” Behie wá iyin wá ɔ́tsí ámu.

⁶ Táme Yesu léblí ɔ́béé, “Mlisi mu! Ntogyi sù mlidé mu háan? Itó yilé alabwé há mí. ⁷ Ahiánfó bétsiá mlí wá ekekegyíeke. Brégyíbréá mlidéklé a, mlétalí wá awítale há amú, táme mí mú mméetsiá mlító yó. ⁸ Alabwé móá ɔ́bétalí púlá mí ɔ́yulú yáí há mí opuláké. ⁹ Ɔ́nɔ́kwali nde mlí bláa. Ɔ́yító ɔ́tínegyíɔ́tínéá bédá Bulu asun wankláán ámu ɔ́kan a, bēblí tó ánfí ɔ́tsí ánfí labwé ánfí púkáin musu.”

Yuda Iskariot Lótsulá Aní Ɔ́béle Yesu Há
(Mateo 26:14-16; Luka 22:3-6)

¹⁰ Mú ɔ́ma a, mu akasípó dúanyó ámutó ɔ́kuleá bútetí mu Yuda Iskariot lóyówun Bulu igyí ahapó dehen amu, méní ɔ́béle Yesu há amú. ¹¹ Bréá bonu asón ánfí á, ilehie wá amú ɔ́dwe. Behie mu así aní bēka mu ikó. Mú su olodunká ɔ́kpa aní ɔ́bótsun músú lé Yesu há amú.

Katsun Atogyihe Gyí

(Mateo 26:17-25; Luka 22:7-14, 21-23; Yohane 13:21-30)

¹² Bodobodo MátúhéNke ámutó eke gyankpapuá bútomó Israelfɔ́su Katsun Nke akúfa lófɔ́n. Yesu akasípó befíté mu bée, “Osunápó, obu mómuto ayela ha fu, afogyi Katsun Nketó atogyihe amu?”

¹³ Múú ɔ́lɔ́wa amútó abanyó, bláa amú ɔ́béé, “Mlɔ́yó Yerusalem wúluto, mléfia oyin ɔ́kúá ɔ́su ntsu-ɔ́ló, mlibuo mu. ¹⁴ Wóyí oduátó obówie á, mlfite wóyí mu wie amu mlíaa, ‘Nkónú afɔ́ɔ ɔ́swúkpá bu, aní mía mí akasípó abéba begyi Israelfɔ́su Katsun atogyihe amu?’ ¹⁵ Obósuná mlí abansóru yilé kúá balá mútó yáí. Mlibwe ató ámu yaí inu.”

¹⁶ Yesu akasípó amu bɔ́yó wúlu amuto á, bowun tógyító alí ámuú Yesu lébláa amú ámu pépéépé, bɔ́bwe Israelfɔ́su Katsun atogyihe amu yáí inu.

¹⁷ Bréá nsaintó deklúun a, Yesu muá mu akasípó bēba inu. ¹⁸ Ató ámu ogyíkpá a, Yesu lébláa amú ɔ́béé, “Ɔ́nɔ́kwali nde mlí bláa, mlító ɔ́kuleá mía munyó ibí da ɔ́lepeto ɔ́béle mí há.”

¹⁹ Asón ánfí léhie han akasípó amu. Mú su befi así bude mu fité ikule-kule bée, “Mí ní lóó?”

²⁰ Yesu lébláa amú ɔ́béé, “Mlí ahá dúanyó ánfíto ɔ́kuleá mía munyó ibí da ɔ́lepeto ɔ́béle mí há ní. ²¹ Mí, Nyankpɔ́sa-Mu-Bi ánfí nówu fée alíá bɔ́wanlín tswi, táme ɔ́há ámuú ɔ́béle mí há ámu ɔ́gyówi ní. Ní bumetepí kwíí mu kóráá á, tekí ibu alé há mu.”

Yesu Ntúpwé Atogyihe Tráhe

(Mateo 26:26-30; Luka 22:14-20; 1 Korintofó 11:23-25)

²² Bréá bude ató ámu gyí a, Yesu léle bodobodo ipín, ɔ́leda Bulu ipán, bíábía mútó púhá amú, blí ɔ́béé, “Mlíhó, mí ɔ́yulúu ní.”

²³ Inu olotsu ntá-ewe, ɔ́leda Bulu ipán, púhá amú fée bonu. ²⁴ Múú ɔ́lebláa amú ɔ́béé, “Mí obugya ní. Mú Bulu dépusí mu ntam* aní alaká há ahásu ní. Bétseí mó wólí así ahá tsɔ́tsɔ́tsɔ́ lakpan su. ²⁵ Ɔ́nɔ́kwali nde mlí bláa, mmétrá nu wáin-abí ntá ánfí alu yófɔ́n ekeá nónu mú pópwe Bulu iwíegyí ámutó.”

²⁶ Benya wá ilu dá Bulu ipán tá alí, benatí yó Nfó-nyíbu ámusu.

Petro Ɔ́bóswí Ɔ́béle Mɔ́meyín Yesu

(Mateo 26:31-35; Luka 22:31-34; Yohane 13:36-38)

²⁷ Múú Yesu lébláa amú ɔ́béé, “Mlí fée mléyinkí mí ɔ́ma. Tsúfée Bulu ɔ́nósó atáipó amu bɔ́wanlín wá Bulu asón ámutó bée, ‘Néda akúfa ɔ́kpapú ámu lédá,

* **14:24** Ntam pópwe bu nwuló dada amu akuto.

mu akúfa bédasáín.’²⁸ Táme ní Bulu okósóba mi tsú afúlito á, négya mli nkpá yó Galilea omátó.”

²⁹ Petro lébláa mu obée, “Ní amó fée beyinkí fú omá kóráá á, mí mó mméeyinkí ekekekeke.”

³⁰ Yesu lébláa mu obée, “Onokwali nde fú bláa. Onyeni, asa bate obéle onó tse nyo á, fóswwí pú ibi wá ogyá tse sa fée fumeiyín mí.”

³¹ Inu Petro léfin yabi yi obée, “Ní lowu igyi kóráá á, mméekiná fú ekekekeke.” Ali kén atráhe amu é fée beblí ní.

Mpáibò Getsemane

(Mateo 26:36-46; Luka 22:39-46)

³² Boyówie otinekuá botetí inu Getsemane. Mú Yesu lébláa mu akasípó amu obée, “Mlitsia nfi, ngyóbò mpái.” ³³ Olekpa Petro mua Yakobo pú Yohane buo iwi. Inu asón lehié han mu, mu ansí lepe. ³⁴ Mú ólebláa amó obée, “Asón ihíe de mí háan. Ideklé mō mí. Mlitsia nfi, amligyo.”

³⁵ Inu olenatí yó nkpá kpalobi, óleda akpawunu kókóli Bulu obée, “Ní ibówa alé á, ha bré ánfí itsun misu.” ³⁶ Mú óleblí obée, “Abba† Mí Sí, fọtetálí bwé tógyító. Ha ntá-ewe ánfí‡ itsun misu! Táme megýí tóá ndeklé, mboun móá fudeklé íbá mótó!”

³⁷ Oleyinkí bá akasípó amu wá bowun ání budedidi. Inu su ólefíté Petro obée, “Simon, fudedidi? Fumetalí gyo dñhwrí kule kpán? ³⁸ Mligyo amlíkokoli Bulu, méní mlimóowie isókito. Tsúfé ñhé ámu déklé, táme nyankpōsa lópōn.”

³⁹ Oletrá yóbò mpái, bláa Bulu ason kua kule amu kén. ⁴⁰ Oletrá yinkí ba bowun ání akasípó amu bōtráa budedidi, tsúfé didí de amó bu. Bumetalí bláa mu aswansu.

⁴¹ Bréá óleba otse saasi a, ólefíté amó obée, “Mlilatráa si mlida mlidé okpónó da? Itsia alingya! Bré ámu lafun ání bōpu mí, Nyankpōsa-Mu-Bi ánfí wá lakpan abwepó ibito. ⁴² Mlīksu ayo. Mlīkī, ohá ámuó ode mí le há ámu ná á!”

Yesu Kítá

(Mateo 26:47-56; Luka 22:47-53; Yohane 18:3-12)

⁴³ Yesu onó mesi asa akasípó dúanyo ámuoto okuléá botetí mu Yuda lóbowie inu. Odóm ání bude ndayí pú nkpotí bubuo mu. Bulu igyí ahapó dehen, Mose mbla asunápó pú Yudafo ahande amu lówa amó. ⁴⁴ Yuda amóó ólele Yesu há ámu lébláa odóm amu yái obée, “Ohá ámuó nélatá pútá ámu gyí ohá ámu ní. Mlīkita mu kinkíinkín, amlīkpa mu natí.”

⁴⁵ Inu olenatí laa yó Yesu wá, yókpólí mu obée, “Osunápó!” Oletatá mu pútá.

⁴⁶ Inu ahá ámu benatí tó Yesu, kítá mu kinkíinkín. ⁴⁷ Táme inu alípó amuoto okule lótswi mu odayí kpá Bulu igyí ohapó dehen osúmbi oku isu lé. ⁴⁸ Inu Yesu léfité amó obée, “Ogyo otswapó ngyi, só mlilatsú nkpotí pú ndayí mlebá mí okitákpá?

⁴⁹ Ntsie mli wá Bulu otswékpa wunsínésú inu ekekegyíeke, nde mli ató suná, mlimékítá mí ekekekeke. Inu lahá Bulu ason wanlínhé amu ilaba mótó.”

⁵⁰ Inu mu akasípó amu fée besrí sí mu.

⁵¹ Ilesi oyasubi okuá olówa ligá nkule. Bekítá mu, ⁵² táme olókoli, sí mu ligá ámu wá amó ibito, pú yayá srí.

Yudafo Ahande Ansító Lú

(Mateo 26:57-68; Luka 22:54-55, 63-71; Yohane 18:13-14, 19-24)

⁵³ Bekpa Yesu ya Bulu igyí ohapó dehen wóyí. Igyí ahapó dehen, Mose mbla asunápó pú Yudafo ahande amu fée bafia inu. ⁵⁴ Petro lépetí buo amó oma tsútsúútsú, alu yówie wóyító inu. Inu oleyétsiá inu asúmpó wá, ode ogyá núu.

⁵⁵ Inu Bulu igyí ahapó dehen pú Yudafo asón agyípóŠ atráhe fée bodunká ahá

† 14:36 ‘Abba!’ asi gyí, ‘Mí Sí!’ ‡ 14:36 Ntá-ewe ánfí igyi iwiosun ání Yesu obówun. § 14:55 Yudafo asón agyípó anfi botetí Sanhedrin Griiki oblito.

ání béká asón dínká Yesusu, méní béliú amó asón blíhésu mó mu, táme bumenya.
⁵⁶ Tsúfě ahá tsotsotsò bowa afunu dínká musu, táme amó fěé onó latsun otsan.

⁵⁷ Inu aku bokusú ká asón dínká musu bée, ⁵⁸ “Anilónuá òleblí òbée, ‘Nóbwie Bulu òtswékpa anfi bapó ibi yi anfi, táme nkensá oma a, nélayi pópweá megyí nyankpòsa òbòpò ibi yi mó.’ ” ⁵⁹ Táme amó é amó onó mabwé kùle.

⁶⁰ Inu Bulu igyí òhapó dehen amu lókusú líí amó fěé ansító, òlefíté Yesu òbée, “Fuma onó lé? Fuma asvansu blí pólé fú iwí?”

⁶¹ Táme Yesu méle asvansu onó. Múú Bulu igyí òhapó dehen amu létrá fité mu òbée, “Bulu á múú butekánfú ámu mu Bi gyí fú? Fúgyí Kristo, (òhá á múú Bulu léda mu ofúli amu) ní?”

⁶² Yesu léle mó onó òbée, “Ee! Mí ní! Mlówun ání mí, Nyankpòsa-Mu-Bi ánfí ntsie Bulu Otúmípu gyòpísu ánfí ndín nwulótáasu tsú osúsú nebá.”

⁶³ Bulu igyí òhapó dehen amu lékítá mu atadié báli mó kĩaan.* Múú òleblí òbée, “Adánsie mómú anitráa anigyó? ⁶⁴ Mlilanú abususu ání alablí. Nkálí gyí mli agywun?”

Amó fěé botsulá ání olegyi pón, bómó mu.

⁶⁵ Amótó aku bowa atsonó tutúu wolí mu bi. Bòpò ató tin mu ansíbi, bəfulí mu atswé, bláa mu bée, “Bulu onósú òtòipó, suna aní òhá ání òləfulí fú itswé!” Inu agyòpò amu é bedadáa mu asútò.

Petro Lóswú Òbée Mmeyín Yesu

(Mateo 26:69-75; Luka 22:56-62; Yohane 18:15-18, 25-27)

⁶⁶ Petro lési otsie wunsínésú inu, Bulu igyí òhapó dehen amu osúmbi tsíhé òku léba. ⁶⁷ Bréá olowun Petro tsie òde ogyá núu a, òlekí mu díín. Múú òlefíté Petro òbée, “Fúa Yesu Nasaretyin amu nyò ná.”

⁶⁸ Táme Petro lóswú blí òbée, “Mmeyín tótò tsú asón ánfí fùdeblí ánfí iwí!” Òlenatí yélí òkpa onó, inu baté lóbòn.†

⁶⁹ Osúmbi tsíhé ámu létrá yótò mu inu, òlòwa ahá á múú bulí inu ámu bláa bi òbée, “Amótó òkùle gyí oyin ánfí.” ⁷⁰ Táme Petro létrá swí pò ibi wá ogyá.

Ìlòbwe kpalóbí á, ahá á múú bulí inu ámu bebláa Petro bée, “Lélé mó á, amótó òkùle fúgyi, tsúfě Galileayin fú é fúgyi?”

⁷¹ Inu Petro lówa ntam kakáa bi òbée, “Neká tógyító, mmeyín oyin ánfí mli dé mu iwí asón blí ánfí.”

⁷² Inu baté lóbòn otse nyòòsi. Múú Petro lékain asón á múú Yesu lébláa mu òbée, “Fóswí tse sa fée fómeyín mí asa baté òbéle onó tse nyò.” ámusu. Múú òlekpa isú yi, híé sú woo.

15

Yesu Pilato Ansító Lú

(Mateo 27:1-2, 11-14; Luka 23:1-5; Yohane 18:28-38)

¹ Jyí kehe nyanki-nyanki a, Yudafo ahande-ahande amu fěé befiá kítá agywun. Aku bogyi, Bulu igyí ahapó dehen, Mose mbla asunápó pò Yudafo ahande atráhe*. Inu beha beklí Yesu, pò mu yówa Pilato ibító. ² Pilato léfité Yesu òbée, “Fúgyí Yudafo owíe amu ní?”

Yesu léle mó onó òbée, “Ee, mó fablí á!”

³ Inu igyí ahapó dehen amu beka asón tsotsotsò dínká Yesusu. ⁴ Múú Pilato léfité Yesu òbée, “Kí asón tsotsotsòá baká dínká fúsú, fuma mó onó lé?”

⁵ Táme Yesu méle asvansu onó. Mu su òlòwa Pilato wánwan.

Yesu Lowu Ipón Ha

(Mateo 27:15-26; Luka 23:13-25; Yohane 18:39-19:16)

* **14:63** Ilosuná ání asón ámu lawíé mu iwító dóbí. † **14:68** Inu baté lóbòn uma nwuló dada amu akotò.

* **15:1** Ahande atráhe anfi butetí Sanhedrin Griiki òblító.

⁶ Katsun Nke kugyíkuto á, igyi ñmáso ogyípó Pilato amándíé ání obési obu adípótó ñkoleá amó onutó bodeklé há amó. ⁷ Oyin ñkóá butetí mu Baraba mu mu aba buda obu alí bré ámutó. Bákusú líí ñmáso, kpokiti léda, boma ñha mótó. ⁸ Ɔdam amó bɔyɔ Pilato wá yóbwií ipa há mu bee, osii obu ɔdípó ñkole ha amó alí amó otetsiá bwé há amó ámu. ⁹ Múu Pilato léfité amó ɔbéé, “Mlídéklé mlíaa, nsii Yudafo Owíe anfi ha mli lóó?” ¹⁰ Ɔlefité amó alí, tsúfé olowun ání Yesu iwí olu só Bulu igyi ahapó dehen amu bakítá mu ba mu.

¹¹ Igyi ahapó dehen amu beha ɔdam amu ɔnó bee, bukókoli Pilato, osi Baraba mboún ha amó. ¹² Pilato létrá fité amó ɔbéé, “Nto mbwéé ñhá amóu mlídeti mlíaa, Yudafo Owíe amu?”

¹³ Inu amó féé bɔsura okitikiti bee, “Da mu manta oyikpalíhesu!”

¹⁴ Pilato léfité amó ɔbéé, “Tsitsa momu alabwé?”

Táme belasúra okitikiti kóklókúú bee “Da mu manta oyikpalíhesu!”

¹⁵ Pilato dékléá ɔbóbwe ɔdam amu apé há amó. Mú su olesi Baraba há amó, ñleha mu ísá akópó bepítí Yesu mpli, ɔlɔpu mu wá amó ibito ɔbéé, buyéda mu manta oyikpalíhesu.

Yesu Ahinlá Bwe

(Mateo 27:27-31; Yohane 19:2-3)

¹⁶ Ísá akópó ámu bekpa Yesu ya ñmáso ogyípó amu wóyító. Beti amó aba ísá akópó atráhe amu féé, beda Yesu ɔbun. ¹⁷ Bɔpu ligá pepe ku wá mu, bɔlu obungyo-awu, bwé mú owíepa bun mu nwun. ¹⁸ Inu bɔbwe mu ahinlá, beti mu bee, “Yudafo Owíe, fú nkpasu ɔnlinsu!” Bɔtswi opé! ¹⁹ Inu bɔpu oyí sísi mu nwunto, tutúu atsonó wólí mu, dá akpawunu mu ansító. ²⁰ Bɔbwe mu ahinlá tá á, bɔwɔi amó ligá pepe amu, yínkíá mu onutó atadié wá mu, bekpa mu dálí beyéda mu mántá oyikpalíhesu.

Yesu Da Mántá Oyikpalíhesu

(Mateo 27:32-44; Luka 23:26-43; Yohane 19:17-27)

²¹ Bafia Kireneyin ñkóá butetí mu Simon, ogyi Aleksandro mu Rufo ɔsí. Otsú abú así ɔbá, beka mu híé bee, ɔsúra oyikpalíhe amu. ²² Múu bekpa Yesu ya ɔtinekuá butetí inu Golgota. Mú así gyí, “Nwun Okokobi Otsiákpá.” ²³ Bɔpu afá kuá iteba iwíɔsin así wá ntátó tin Yesu ɔnó bee onúu, táme omonu. ²⁴ Beda mu mántá oyikpalíhe amusu tá á, beye mu atadieto. Inu bɔtswi abi púkí ñhagyíña ogyíkpá. ²⁵ Ibóbwe fé nyanki dokwebátó beda mu mántá oyikpalíhesu. ²⁶ Múu bɔwanlín tásá suá bode mu da mántá oyikpalíhe amusu dínká mu awunso bee, “YUDAFO OWÍE.” ²⁷⁻²⁸ Beda awikplu abanyó aku é mántá nyikpalíhesu tsía muto. Ɔkole bu mu gyɔpísu, ɔkole é bu mu binasu.†

²⁹ Inu atsonpu bɔkpukpúu nwunto, blí mu iwí abususu bee, “Yéé fú fee, fétalí bwíé Bulu ɔtswékpa amu, lápwé mu nkensá owító ní? ³⁰ Hɔ fú iwí, afokpli tsu oyí ámusu akí!”

³¹ Bulu igyi ahapó dehen pú Mose mbla asunápó amu é bɔbwe mu ahinlá bee, “Ɔlɔhɔ ahá nkpa, táme ɔmetálí hɔ mu iwí. ³² Ní mugyí Israelfo owíe, Kristo, (ñhá amóu Bulu léda mu ofúli) a, ɔkplíu tsu oyí ámusu awun, ahɔ mu gyí!”

Ahá amóu beda mántá oyísú mu gyɔpísu múa binasu ámu é bɔbwe mu ahinlá.

Yesu Lowu

(Mateo 27:45-56; Luka 23:44-49; Yohane 19:28-30)

³³ Bréá dóduanyo leda á, owí leta ɔsulúu amusu féé alí yófun ntópwe ɔsato. ³⁴ Dosa ámutó a, Yesu lóklɔn kóklókúú, blí ɔbéé, “Eloi, Eloi, Lama Sabaktani?” Mú así gyí, “Mí Bulu, mí Bulu, ntogyi só fakpá mí ɔma?”

† **15:27-28** Mótó yéé 28 bu nwoló dada amu akuto: Iní léha Bulu asón amóu bɔwanlín tswi amu léba mótó. Asón ámu gyí, “Bekla mu wá lakpan abwepótó.”

³⁵ Ahá amóú bulí inu ámutò akú bonu asón ánfí, beblí bée, “Mlínú, òde Elia kpolí.” ³⁶ Inu amótò òkú lésrí tsú òsappò, pódá ntá òdátò, pýyí oyísó, tsú mú fóa pótín mu ònó òbéé, onúu. Múú òleblí òbéé, “Mlínú akí bée, Elia òbéba besíeí mu lé oyí ámusu?”

³⁷ Inu Yesu lókpòn kóklókúú, òlele òhé.

³⁸ Inu Bulu lébalí tatiá bəpuká òtswékpa obu ámutò anyò, tsú awunso beyi asi. ³⁹ Bréá isá akəpú òhandeá òlí Yesu ansító òdekú lówun aliá Yesu léle òhé tráhe a, òleblí òbéé “Lélé, Bulu mu Bi oyin ánfí gyí!”

⁴⁰ Atsì akú é bulí ifóntó bədekú sisí. Amótò akú gyí, Magdalayintse Maria, Salome pú Maria ání òlòkwí Yakobo mva mu gyama Yosef. ⁴¹ Amó é betsiá buo Yesu, tsíá kí musu bréá òbu Galilea. Atsì tsətsətsə akúá bobuo mu ba Yerusalem é bubu inu.

Yesu Pulá

(Mateo 27:57-61; Luka 23:50-56; Yohane 19:38-42)

⁴² Eke ámu igyi ekeá Yudafo bəpólá iwí asa bətegyi amó òkpónó òdaké. Bréá owí depón a, ⁴³ Arimateayin Yosef lówa ikún yó Pilato wá yókulí mu òbéé, osíi Yesu fúli ha mu amupula. Yudafo asón ogyípó ogyi, bətobú mu. Mu é òde Bulu iwíegyi ámu òkpa kí. ⁴⁴ Ilówa Pilato wánwan ání Yesu lawúna wu. Mú su òletí mu isá akəpú òhande, fité mu ní olowu ilawá òpá. ⁴⁵ Bréá isá akəpú òhande amu lótsulá músú á, Pilato lési fúli amu há Yosef. ⁴⁶ Múú Yosef lóhə òhráda, òlòyò yésíeí Yesu lé oyí ámusu, kíklí mu wá òhráda ámutò, tsú mu yópulá òbó kúá bəda bətátó, olemináa ibwi yiléyilé ku tin òbó ámu ònó. ⁴⁷ Magdalayintse Maria mva Yosef mu yin Maria bowun Yesu opulákpá.

16

Yesu Kvsó Tsú Afúlitə

(Mateo 28:1-8; Luka 24:1-12; Yohane 20:1-10)

¹ Yudafo òkpónó òdaké ámu ilətsun a, Magdalayintse Maria mva Yakobo mu yin Maria pú Salome bəhə ofobí fánfán ku bée, bəyékpa Yesu fúli amu. ² Kwasiəda nyankí, bréá owí lopwié a, bəyò Yesu opulákpá inu. ³ Bréá buna òkpatə á, amó wuləwulə bəde aba fité bée, “Ma abénýa obémináa ibwi ámu lé òbó ámu ònó há aní?” ⁴ Botsu ansí kí a, bamína ibwi ámu lé òbó ámu ònó dodo. Ibwi ámu léhiə móní. ⁵ Bréá bebitíwíé òbó ámutò á, bowun ání oyasubí òkú lówa ligá futútúútú, otsie òbó ámu gyəpísu. Ifú ləkítá amó.

⁶ Oyasubí ámu lébláa amó òbéé, “Mlímánýa ifú. Nawun ání Yesu Nasaretyin amóú bəda mántá oyikpalíhesu ámu mlédédunká. Bulu lakósúa mu, əma nfi. Mlíki otíné amóú bopulá mu amu. ⁷ Mliyəbláa mu akasípó amu pú Petro mliəa, alagya mli nképá oyó Galilea əmátó. Inó mlówun mu fé alí amóú òlebláa mli ámu ni.”

⁸ Inu besrí dalí òbó ámutò, tsúfé opúni letsíi amó, ònó é lobwie amó. Mú su bréá bəyò á, buməbláa əhaa, tsúfé ifú de amó, bədekpinkí kpakpakpakpa.

Yesu Iwəwanle Súná Magdalayintse Maria

(Mateo 28:9-10; Yohane 20:11-18)

⁹ [Kwasiəda bəke, bréá Yesu lókvsó tsú afúlitə á, olegyankpá lé iwí əwan súná Magdalayintse Maria amóú olegya əhe laláhe asienó lé mutò ámu. ¹⁰ Mu é əleyébláa Yesu abúopu amóú bəde mu sú, bəde awirehə gyí amu. ¹¹ Táme bréá òlebláa amó òbéé, Yesu lakósú, mawun mu a, bumohogyi.

Yesu Iwəwanle Súná Mu Abúopu Abanyə

(Luka 24:13-35)

¹² Iní ọma a, Yesu lélé ịwị ọwan ọkpa bámbású súná mụ abúọpụ abanyó bréá bụna bọyó akuda, táme bụmọkọsị bí mụ. ¹³ Amó é beyinkí yébláa atráhe amụ, táme amó é bụmohogyi.

Yesu Ịwịwanle Súná Mụ Akasípó

(Mateo 28:16-20; Luka 24:36-49; Yohane 20:19-23; Gyumagyihe 1:6-8)

¹⁴ Iní fée ọma a, Yesu lélé ịwị ọwan súná mụ akasípó dúọkụn ámụ bréá bụde ató gyí. Amó kluntọ-odwin pú amó máhógyi sụ ọlọwa ịyịn wá amó. Tsúfée bụmọhọ ahá ámúbú bowun mụ mụ kúsú tsú afúlitọ ọma amụ gyi. ¹⁵ Móbú ọlebláa amó ọbée, “Mliyo ọyító fée, amliyeda Bulu ason wankláán ámụ ọkan ha ahá fée. ¹⁶ Ọha ání olohogyi, bọbọ mụ asú á, Bulu ọbóhọ mụ nkpa, táme ọhá ání omohogyi obégyi pón. ¹⁷ Osúna aní obóbúo ahá ání bohogyi nị. Bégya ọhe laláhe mí ịdátó, béblí ọblí bámbá, ¹⁸ békítá awọ ịbító, bónu afá ání ịtómó kugyíko, táme ịmóobwe amó tótó. Bópụ ịbị dínká alọpụsụ, ịwị bówa amó ọnlín.”

Yesu Ọsósó Yọ

(Luka 24:50-53; Gyumagyihe 1:9-11)

¹⁹ Bréá aní Wíe Yesu lébláa amó asón tá á, Bulu lótsu mụ ya ọsósó, oleyétsiá mụ gyọpịsụ. ²⁰ Mụ akasípó amụ befi asị bụde asón ámụ ọkan da ọtínegyíotíné. Aní Wíe Yesu lélú amó ọma bọyọ agyómá. Ọlọtsun osúna ání bọbwe sụ, wá asón ámụ ọwunlín.]*

* **16:20** Mótó yée 9-20 ịma nwoló dada amụ akvto.

Asun Wankláán Aní Luka Lówanlín

¹ Onumnyampu Tiofilo:

Ahá tsatsaotsa babó mbódí wanlín tóá lēba anito tswi. ² Bōwanlín tóá ahá ámúú bubu inu tsú mó nfiasí, bugyi mó asúmpó amu bowun, dá mó akan amu bebláa aní pépéépé. ³ Onumnyampu Tiofilo, mí é nabó mbódí kwí mótó wankláán tsú mó nfiasí. Mó su ndekléá nōwanlín mó pépéépé há fú, ⁴ méní fēbíá ató ámúú basúná fú ámu igyi onakwali.

Asú Ɔbapú Yohane Kwí Asón

⁵ Bréá Herode dé iwíe gyí Yudea amátó á, Bulu igyi ahapó oku létsiá, butetí mu Sakaria. Otsú Bulu igyi ahapó pasua kuá butetí mó Abiato. Mu ka gyí Elisabet, otsú Bulu igyi ahapó Aaron abí-anátó. ⁶ Mva mu ka asón da okpa Bulu ansító. Butegyí aní Wíe Bulu mbla pú mu nhíhé fēésú pépéépé. ⁷ Boma obí, tsúfé Elisabet mégyí otsi kwíípó. Mva mu kulu fēé bahíé dan.

⁸ Eke oku lōtu Sakaria aná pasua aní amó obéha Bulu igyi. Sakaria lóyo obu Bulu ansító ode mu agyómá ya. ⁹ Abi butatswi pulé ohá aní obébitíwíe Ɔwankíkpá inu yówa ohíén ogyá, igyi ahapó ámu amándíé onó. Batswi a, ileyi Sakariasu. ¹⁰ Bréá ode ohíén ámu ogyá wa á, odom aní bōyo otswékpa inu fēé bulí kpankpá bude mpái bō.

¹¹ Bulu-ɔbapu oku lébelí afōdie-asubwi ámu gyōpisu, lé iwí ɔwan súná Sakaria. ¹² Bréá olowun Bulu-ɔbapu amu a, ɔlowan, ifú lowie mu ayeto. ¹³ Inu Bulu-ɔbapu amu lébláa mu obéé, “Sakaria, mánya ifú! Bulu lanú fú isú. Fú ká obénýa omé kwí obi yinhé há fú. Dinka mu dá ‘Yohane.’” ¹⁴ Obí anfi kwí bōwa mli ɔdwe, wá mli ansigyí. Ibōwa ahá tsatsaotsa é ansigyí. ¹⁵ Tsúfé kebi ámu obóbwe oha kponkponti Bulu ansító. Nta bohé kuku máda mu onó ekekeke. Ɔhe Wankíhé obóbula muto tsú bréá obu mu yin iwito. ¹⁶ Obéha Israelfo tsatsaotsa bédamlí klonto ba amó Wíe Bulu wá. ¹⁷ Bulu onósó ɔtópóElia túmi pú mu ɔhé bétsiá muto. Obégýa aní Wíe nkpá bá. Obéha abí así bódwe amó abí, obédamlí ahá aní butakósú lí Bulusu agywun, ibwe fé yilé abwepó klé, méní obéla ahá yái wankláán há aní Wíe.”

¹⁸ Sakaria léfité Bulu-ɔbapu amu obéé, “Nto nópúbí aní asón anfi ibéba mótó? Tsúfé mía mí ká anlapon.”

¹⁹ Inu Bulu-ɔbapu amu lébláa mu obéé, “Mí dá gyí Gabriel. Bulu ansító alípyi. Moláwá mí obéé, mbébláa fu asun wankláán anfi. ²⁰ Tsú nde pýa ekeá asón anfi ibéba mótó á, fótó omúmu, tsúfé fumohó mí asun blíhé anfi ibéba mó brétó anfisó gyi.”

²¹ Ibōwe alí á, mōwánkí ahá ámúú bulí bugyo Sakaria amu tóá suá alawá ɔpá otswékpa obutótó inu alí. ²² Bréá ɔledali ba a, alató omúmu. Mó su bowun aní alawun tōku obutótó inu. Iníá ɔmetálí tóí su á, ɔlōpu mu ibi móa mu nwun bláa amó asón.

²³ Sakaria létsiá otswékpa inu yōfun ekeá ɔleha Bulu igyi tá, oleyinkí yó wóyí. ²⁴ Nke ámu ɔma a, Elisabet lénýa omé, tsíá njáin iwí alí tsra anu kéké. ²⁵ Elisabet léblí obéé, “Iní mí Wíe Bulu labwé há mí ní. Alawun mí nwe, dínkí nsópa lé mísó aháto.”

Yesu Kwí Iwí Asón

²⁶ Bréá Elisabet omé lōhó tsra asie á, Bulu lówa mu ɔbapu Gabriel wúlu kuá ibu Galilea amátó, butetí mó Nasaret. ²⁷ Bulu lówa mu obitebí okuá ɔmakúdí oyin wá ki, butetí mu Maria wá. Alí bré ámuto budepu obitebí ámu há oyin

okwá butetí m̀v Yosef, ogyi owíe Dawid m̀v na bɛɛ otsía. ²⁸ Bulu-ɔbɔpɔ amv léba Maria wóyító beha m̀v itsiá, bláa m̀v ɔbéɛ, “Bulu lagiyi fɔ buale, alahíé yúlá fú!”

²⁹ Asón ánfí léha Maria légyigyáa, ɔlefíté m̀v iwí ɔbéɛ, “Ngya ntó itsiá odu ɔhá ánfí lahá mí alí?” ³⁰ Bulu-ɔbɔpɔ amv lébláa m̀v ɔbéɛ, “Maria, mánya ifú. Bulu lahié yúlá fú! ³¹ Kí, fénya ɔmé kwíí obi yinhé. Dinka m̀v dá ‘Yesu.’ ³² Ɔbóbwe ɔha yilé. Bétí m̀v Ɔsúsúsú Bulu m̀v Bi. Aní Wíe Bulu ɔbéyaí m̀v m̀v nain Owíe Dawid obíású. ³³ Obégyi iwíe Yakob* wóyísó bré f́éétó. M̀v iwíegýí ḿɔḿɔ ɔnó ɛkɛkɛkɛkɛ.”

³⁴ Maria léfíté Bulu-ɔbɔpɔ amv ɔbéɛ, “Nkálí ɔbóbwe asa ínɪ ɔbéba mótó, tsúfɛ mmeyín oyin.”

³⁵ Bulu-ɔbɔpɔ amv léle m̀v ɔnó ɔbéɛ, “Ɔɣe Wankíhé ɔbéba fɔsv. Ɔsúsúsú Bulu ámv túmí bóbun fɔsv. Iní sv ahá bétí Obí wankíhé amóú f́ɔkwíí ámv bɛɛ, ‘Bulu m̀v Bi.’ ³⁶ Kí, f́ɔ obusuanyin Elisabet kóráá ɔbá b́ɔkwíí obi yinhé m̀v tsídehen anfító. Ahá bɛɛ, megyí ɔtsí kwíípó ogyi, támɛ m̀v ɔmé lahɔ tsra asie dodo.

³⁷ Tsúfɛ t́ɔt́ɔ ḿɔdón Bulu bwel!”

³⁸ Inu Maria lébláa Bulu-ɔbɔpɔ amv ɔbéɛ, “Bulu osúmɔi ngyi. Ibá mótó ha m̀v f́ɛ alíá fablí.” Inu á, Bulu-ɔbɔpɔ amv lénatí sí m̀v.

Maria Léyesíndá Elisabet

³⁹ Nke ámvɔtɔ á, Maria lókulá ató, wa ɔsa yó Yudea abɔsv wúlu kɔtɔ. ⁴⁰ Ḿóú olowie Sakaria wóyító há Elisabet itsiá. ⁴¹ Elisabet lénɔya nú itsiá ámv alí kebi ámv lékan iwí m̀v iwíɔtɔ, Ɔɣe Wankíhé lɔbulá mvɔtɔ. ⁴² Inu ɔlɔkplón blí ɔbéɛ, “Bulu layúlá f́ɔ atsi f́éétó. Alayúlá f́ɔ iwíɔtɔ obí ámv é. ⁴³ Iyé! Mí Wíe m̀v yin onutó lába mí wá á? Ntogyi śɔ Bulu lawá mí numnyam anfi odu? ⁴⁴ Kí, nenyánú f́ɔ itsiá ámv alí obí amóú ɔbv mí iwíɔtɔ ámv lékan iwí ansigyísú. ⁴⁵ Bulu layúlá f́ɔ, tsúfɛ fahogyi ání t́ɔá alahíé há f́ɔ ɔbéba mótó.”

Maria Bulu Kanfó Iɔv

⁴⁶ Inu Maria lówa ɔv ɔbéɛ,
“Mí ɔkláa dé mí Wíe Bulu kanfó.

⁴⁷ Mí Nkpa Ɔhópɔ Bulu lahá ansí de mí gyí.

⁴⁸ Tsúfɛ alakáín mí m̀v osúmɔi ání ɔma t́ɔt́ɔ bwetósó, wun m̀v nwe.
Tsú séi ṕóya a, abí-aná f́éé béblí bɛɛ, Bulu layúlá mí.

⁴⁹ Bulu Otúmípv amv labwé ató kpɔnkpɔntí há mí.
Ɔlɔwankí.

⁵⁰ Otowun ɔlín kugyíkɔtɔ
ahá ání butenyá m̀v ifú nwe.

⁵¹ Alapó m̀v túmí bwé ató akpɔnkpɔntí,
pódá iwí atsupó nwuntɔ asón sáín.

⁵² Alakplí awíe mbíású,
tsú ahá ání buma t́ɔt́ɔ bwetó f́úá.

⁵³ Alahá ahíánfɔ bamlí iwí anyapó,
há iwí anyapó banátí ɔb́kpan.

⁵⁴⁻⁵⁵ Alakpá m̀v asúmpó Israelfɔ.

Ɔmetan ání ɔleblí ɔbéɛ, ḿɔwun aní anáín Abraham
m̀v m̀v abí-aná nwe bré f́éé,
f́ɛ alíá ɔlebláa amó.”

Alí Maria lómɔ m̀v ɔv ámv ɔnó ní. ⁵⁶ Oletsiá Elisabet wá f́ɛ tsra asa asa oleyinkí yó wóyí.

Asú Ɔbɔpó Yohane Kwí

⁵⁷ Bréá Elisabet lób́ɔkwíí á, ɔlɔkwíí obi yinhé. ⁵⁸ M̀v abusuanfɔ ṕɔ m̀v aba bonu ání aní Wíe Bulu lahié wun m̀v nwe. Ḿó sv ansí légyi amó f́éé.

* **1:33** Israelfɔ gyí Yakob abí-aná.

⁵⁹ Obí ámu lénýa ndawótswí á, mu iwísw ahá beba mu obuto òlèkpá, abutín mu keté, dínka mu dá. Teki bée abuppu mu si dá Sakaria dínka mu, ⁶⁰ táme mu yin lébláa amó òbée, “O-o! Mlídínka mu Yohane.”

⁶¹ Ahá ámu bebláa mu bée, “Animókúnú abutí fò obusuanyin òkòkò alí kí.”
⁶² Inu bóbwe mu si ibi, fíté mu aliá butí kebi ámu.

⁶³ Sakaria lóbwe ibi òbée butsúu tǎku ha mu amúwanlín mú dínka mósó, òlwanlín òbée, “Mu dá gyí ‘Yohane.’ ” Ilofwie amó féeť. ⁶⁴ Inonu mu òdando lesankí, òlòtòí kánfú Bulu. ⁶⁵ Ifú lèkítá apíó aba ámu féeť. Alí asón ánfí lèkléí wá Yudea abusu awúlu amu féeť. ⁶⁶ Ohagyíha aní olonu asón ánfí lèfité mu iwí òbée, “Ntò obí kebi ánfí òbóbwe èkékó?” Tsúfè òlwanlín amó aní Bulu ibi dín mu.

Sakaria Bulu Kanfú Iw

⁶⁷ Inu á, Ohé Wankíhé lóbólá Sakariatò, òlwa asón aní Bulu lapóhá mu blí bí.

⁶⁸ Òbée,
“Mlha akanfó aní Wíe Israel Bulu.
Tsúfè alabéle mu ahá, há anilagyi iwí.

⁶⁹ Alalé Ohópú Owónlínfú òkò
tsú mu osúmpú Owíe Dawid abusuanto há aní.

⁷⁰ (Fé aliá òlèblí tsun mu ònósó atáípú wankíhé amusu tswí dodoodo.)

⁷¹ Òbée, méle aní tsú aní alupó
pó ahá aní butamafia aní ibitò.

⁷²⁻⁷³ Òbée, mówun aní anáin nwe.
Oméetan mu ntam wankíhé amó òlèka há aní náin Abraham amusu.

⁷⁴ Òbée, méle aní tsú aní alupó ibitò,
méní abétalí sùmu mu, aníméenya adón ifú.

⁷⁵ Òbèha abóbwe mu ahá,
bwé yilé mu ansísó aní nkpatò féeť.

⁷⁶ Mí bí, fú mú á, ahá bétí fú bée, ‘Òsúsúsú Bulu ámu ònósó atáípú.’

Tsúfè fégya aní Wíe nkpa,
lá òkpa há mu.

⁷⁷ Fébláa mu ahá féeť, Bulu òbétalí hò amó nkpa
tsun lakpansikíésó.

⁷⁸ Aní Wíe Bulu nwewúun su
Kristo amu òbédalí fé owí tsú òsúsú ba aní wá.

⁷⁹ Òbówankí wólí ahá amó butsie oklúntò pó lowu òkpasu ámu féeť.
Òbékpa aní tsun iwílwíi òkpasu.”

Iní Sakaria lópumó mu asón ònó ní. ⁸⁰ Kebi ámu lédan, nya Ohétò owónlín.
Oletsíá dimbísú alí yófún èkéá òlèle iwí òwan súná Israelfò.

2

Yesu Kristo Kwí (Mateo 1:18-25)

¹ Alí bré ámutò á, Roma owíe dehen Augusto lówa mbla òbée, bukláa ahá aní bubu Romafò así féeť, abúwanlín amó adá. ² Múgyí ahákla gyankpapu ní. Alí bré ámutò á, oyin òkúá butetí mu Kirenio dé Siria òmású gyí. ³ Iní su ohagyíha lóyo dá òwanlínkpá mu onutò wúlutò.

⁴ Yosef é lókúsú tsú Nasaret wúlu aní ibu Galilea òmátó dú yó Yudea òmátó, Owíe Dawid wúlutò Betlehem. Tsúfè Owíe Dawid mu na ógyi. ⁵ Mba Maria amóú bapóhá mu bée otsía, òna odwinsu ámu nyo lóyo dá ámu òwanlínkpá.

⁶ Bréá bubu Betlehem inu á, ikwí lèkan Maria, ⁷ òlòkwí mu bití, ogyi oyin.

Ɔlekiklɪ mɔ wá tatidatɔ, pɔ mɔ tswɪ mbwɪ atogyihɛ dákato, tsúfɛ bɔmenya otsiákpá afɔɔ ɔswɪkpá.

Akúfa Akpapó Pó Bulu-abɔpu

⁸ Alɪ bré ámutɔ á, akúfa akpapó aku bɔbɔ ɪnɔ fɔn dimbítɔ, bɔdɛ amó akúfa ɪwɪ gyo onyé. ⁹ Bulu-abɔpu léle ɪwɪ ɔwan súná amó, Bulu numnyam lówankí wólí amósó. Mó sɔ ifú lehɛ kítá amó. ¹⁰ ɪnɔ á, Bulu-abɔpu amɔ lébláa amó ɔbéɛ, “Mlimánya ifú! Mlɪkɪ, napó asɔn wankláán ánɪ ɪbówa mliá ɔyítɔ ahá fée ansigyí ba mli. ¹¹ Ndɛ bakwí nkpa Ɔhɔpu, anɪ Wíe Kristo, (ɔhá amó Bulu ladá mɔ ofúli amɔ) há mli Owíe Dawid wúlutɔ! ¹² Tɔ́á mlɔpɔbí mɔ gyí, mlówun kebi bɔbwe ɔkɔá bapó tatida kíkɪ mɔ ɪwɪ, ɔda mbwɪ atogyihɛ dákato.”

¹³ Ɔtsáwɔle pé á, Bulu-abɔpu tsɔtsɔtsɔ beba betsiá Bulu-abɔpu amɔ, bɔdɛ Bulu kanfó bɛɛ,

¹⁴ “Mliha apɔ numnyam ha Buluá ɔbɔ ɔsósúsú!

ɪwɪ ilwii ahá ánɪ Bulu ansí tegyi amó ɪwɪ ɔsulósu.”

¹⁵ Bréá Bulu-abɔpu amɔ beyinkí yó ɔsósú á, akúfa akpapó amɔ bebláa aba bɛɛ, “Mliha ayo Betlehem, ayekɪ ítɔ ánfɪ ɪlaba, Bulu lalé súná anɪ ánfɪ.”

¹⁶ ɪnɪ sɔ bɔwa ɔsa yó. Lélé á, bowun Maria mɔa Yosef pɔ kebi bɔbwe amɔ, ɔda mbwɪ atogyihɛ dákato. ¹⁷ Bréá bowun kebi amɔ a, beɛ mɔ ɪwɪ asún amó bonu amɔ blí. ¹⁸ Akúfa akpapó asún ánfɪ lówa ahá ánɪ bonu mó fée wánwan. ¹⁹ Táme Maria mó lékítá asún amɔ fée wá nwuntɔ, tsíá gywín mó ɪwɪ. ²⁰ Bréá akúfa akpapó amɔ beyinkí bɔyó á, bɔna bɔdɛ Bulu adábi da, kánfó mɔ, asún amó bonu pɔ ítɔ amó bayówun fé alɪ amó Bulu-abɔpu amɔ lébláa amó amɔ sɔ.

Yesu Idá Dínká

²¹ Kebi amɔ obuto ɔleké á, betɪn mɔ keté, dínká mɔ dá Yesu. Idá ánfɪ Bulu-abɔpu amɔ léha mɔ asa mɔ yin lénɔ mɔ ɔmé ní.

Yesu Pɔya Bulu Ɔtswékpa

²² Bréá mɔ akwípó bógyɔráa ɪwɪ Mose Mbla ɔnó ɪɔfɔn a, bɔpu mɔ dú yó Yerusalem, pɔ mɔ yópu wá Bulu ɪbitɔ. ²³ (Tsúfɛ bɔwanlín wá Mose Mbla ámutɔ bɛɛ, “ɪlehíán ánɪ Israelfɔ bɔpu amó bití okugyíáku há Bulu.”) ²⁴ Mó sɔ bɔyóbo afɔdɛ amɔ Mbla amɔ ɔnó. Abróduma anyɔ ntée aklobi anyɔ bɔpɔbɔ alɪ afɔdɛ ánfɪ há Bulu.

²⁵ Alɪ bré ámutɔ á, oyin dehen ɔku bɔ Yerusalem, bɔtɛtí mɔ Simeon. Yilé ɔbweɔpó ógyi, otenyá Bulu ifú. Ɔɛ Wankíhé bɔ mɔsɔ, otsie ogyo bréá Bulu ɔbɔpu Ɔlepó ba mɔ ahá Israelfɔ. ²⁶ Ɔɛ Wankíhé amɔ léle súná mɔ ánɪ omóowu, yófɔn bréá alawun Kristo, (ɔhá amó Bulu ladá mɔ ofúli amɔ) asa. ²⁷ Ɔɛ Wankíhé amɔ léha Simeon lóyo Bulu ɔtswékpa wunsínésú. Alɪ bré ámutɔ á, Yesu akwípó baba mɔ amándíé ánfɪ ɔbwekpá fé alɪ Mose Mbla amɔ leblí. ²⁸ ɪnɔ Simeon lóhɔ kebi bɔbwe amɔ, ɔlekanfó Bulu ɔbéɛ,

²⁹ “Mí Wíé! Asún amó feblí tswɪ amɔ ɪlaba mótɔ.

Séi mó á, mí fú osúmbi ánfɪ nétalí wú iwilwiitɔ ngɔa.

³⁰ Tsúfɛ mí onutɔ napó mí ansíbi wun Ɔlepó amɔ.

³¹ Fú onutɔ falá mɔ bwé ahá fée ansítɔ.

³² Wankɪ ogyi, ɔbéle fú súná ahá ánɪ bomegyí Israelfɔ, pɔ numnyam ba fú ahá Israelfɔ.”

³³ Asún ánfɪ Simeon leblí tsú kebi bɔbwe ánfɪ ɪwɪ leha ɔnó lobwie mɔ akwípó.

³⁴ Simeon lóyulá amó, ɔlebláa obí mɔ yin Maria ɔbéɛ, “ɪna kebi ánfɪ sɔ Israelfɔ ɔfan bédɪda, ɔfan é béli. Osúna ogyi tsú Bulusɔ, ahá bókusó líi mɔsɔ. ³⁵ ɪnɪ sɔ Bulu ɔbéha ahá tsɔtsɔtsɔ klɔnsɔ asún bélin ɔwan. Fú é á, awírehɔ béhɛ kítá fú klɔn. ɪbóhɔ fɔ ɔsin fé ɔdayí ɪya anyɔ bakpié yi fɔ.”

³⁶ Ọtsi dehen ọkwa ogyi Bulu ọ́nósú ọ́táíró é bụ inu. Mụ dá gyí Hana. Mụ si gyí Fanuel, ọtsú Asa abusuantọ. Ọtsi dehen anfi mụa mụ kulu betsiá aba nfinsienó, mụ kulu lówu. ³⁷ Olosu isura alu bafun bréá ọ́lọhọ nfi adukwe-na (84). Ọ́lọpọ Bulu ọ́tswékpá wunsínésú inu mli mụ ọ́dikpa, ọ́de Bulu sùm, kílí ọ́nó, bó mpáí ọ́pa móa onyé. ³⁸ Mụ é ọ́ledalı ba bekanfó Bulu, blí kebi bọ́bwe amu iwu asón súná ahá ámúú bọ́de Yerusalemfọ iwigyí ọ́kpa kú amu.

Yesu Yinkia Ya Nasaret Wuluto

³⁹ Bréá Yesu akwíró bọ́bwe amándíé ámu tá Bulu mbla ámu ọ́nó á, beyinkí kplí yó amó wuluto Nasaret, Galilea ọ́sulóso. ⁴⁰ Kebi ámu lédan, nyá ọ́wonlín, nyá nyánsa, Bulu é lóyulá mụ.

Yesu Bv Bulu Ọ́tswékpá

⁴¹ Yesu akwíró bọ́tetsiá yó Yerusalem yégyi Israelfọsu Katson Nke offigyíofi. ⁴² Bréá Yesu lóhọ nfi dúanyọ á, mụa amónyọ bọ́yọ nke ámu ogyíkpá fẹ́ alíá bọ́tọ́yọ yáí. ⁴³ Bréá begyi nke ámu tá beyinkí á, Yesu akwíró bọ́mẹbị aní alasin inu. ⁴⁴ Bọ́kí bẹe mụa mụ abanyọ ná. Mú sụ benatí ekewóle owító asa bọ́wa mụ dunká apió abatọ bí. ⁴⁵ Bréá bodunká mụ kásián á, beyinkí yó Yerusalem, yó́dunká mụ. ⁴⁶ Eke sáásí a, boyówotíi mụsụ Bulu ọ́tswékpá wunsínésú inu. Otsie Mose mbla asunáró wá, ọ́de asu yáa amó asóntó, ọ́de amó asón fité. ⁴⁷ Ọ́nó lobwie ahá aní bọ́bụ inu fẹ́é, tsú alíá ọ́de asón ámu así nu pọ́ alíá ọ́de mó ọ́nó lẹ. ⁴⁸ Ọ́nó lobwie mụ akwíró bréá bowun mụ. Mụ yin léfité mụ ọ́bée, “Mí bí, ntogyi sụ fabwé aní alí? Mía fọ́ sínýọ ansí lapé anidé fọ́ dunká.”

⁴⁹ Inu Yesu léfité amó ọ́bée, “Ntogyi sụ mli dé mí dunká? Ilehian aní mli bọ́ aní mí Sí wóyító nétsiá.” ⁵⁰ Táme mụ akwíró bọ́monu asón aní ọ́de amó bláa así.

⁵¹ Mụa amónyọ beyinkí yó Nasaret, ọ́leba iwiasí há amó. Maria lékítá asón ámu fẹ́é wá kpawunuto, tsíá gywín mó iwu. ⁵² Yesu lédan, wa ọ́wonlín, nyá nyánsa, Bulu móa anyánpósa fẹ́é ansí legyi mụ iwu.

3

Asú Ọ́bọ́pọ Yohane Bulu Asón Ọ́kanda

(Mateo 3:1-12; Marko 1:1-8; Yohane 1:19-28)

¹⁻² Roma owíe dehen Tiberio iwíegyi ofi dúanusító á, Bulu lébláa mụ igyi ọ́hapọ́ Sakaria mụ bi Yohane dimbísú ọ́bée, ọ́dáa mụ asón ọ́kan. (Alí bré ámutọ́ á, Pontio Pilato dé Yudea ọ́máso gyí. Herode dé Galilea ọ́máso gyí. Herode mụ dehen Filipo é dé Iturea pọ́ Trakoniti ọ́máso gyí, Lisania é dé Abilene ọ́máso gyí. Bulu igyi ahapọ́ dehen aní bọ́bụ inu alí bré ámutọ́ é gyí Hana mụa Kaiafa.)

³ Mó sụ Yohane lékí Yordan bọ́nkpa ọ́nó, ọ́de ọ́kan da blí ọ́bée, “Mli damli klontọ́, amlisi lakpan bwe. Bulu osikie mli, ambọ́ mli asú.”

⁴ Bulu ọ́nósú ọ́táíró Yesaia lówanlín Yohane iwu asón wá mụ ọ́wulótó ọ́bée, “Ọ́kọ́ dékplun dimbísú ọ́bée,

‘Mli ańi Wie ọ́kpa.

Mlitwii ọ́kpa ha mụ!

⁵ Mlitin bọ́nkpa kugyíko,

amlíbwiebwie abụ móa nkúku fẹ́é.

Mlitwii ọ́kpa,

amlíla móso wankláán.

⁶ Ahá fẹ́é bọ́wun Bulu nkpahó.’ ”

⁷ Ọ́dam beba Yohane wá bẹe, ọ́bó amó asú. Ọ́léfité amu ọ́bée, “Abẹ́ abí-aná, ntogyá mli, mli srí Bulu isobití ámúú ibá ámu? ⁸ Mó mó mli swie abí oduá ibósuná aní lélé mli ladamlí klontọ́. Mli mákí mli aa, mli náin gyí Abraham. Nde mli bláa mbée, Bulu ọ́bétalí há abwi anfi ibédamlí Abraham abí-aná. ⁹ Séi á, Bulu lapó

εφέ yi nyí-atsitsito. Oyígyíoyí aní imoswie abi wankláán á, bókun mó dá, wá mó fée ogyá.”

¹⁰ Ɔdɔm amɔ befité Yohane beɛ, “Nto mɛɛ abwée?”

¹¹ Yohane lébláa amó ɔbéɛ, “Fúá fubɔ atadiɛ anyɔ á, pɔ kule ha ɔhá aní ɔma kuku. Fúá fubɔ atogyihɛ é bwe mó alɔ.”

¹² Lampóo ahópu aku é beba asú ɔɔkpá. Befité Yohane beɛ, “Osunápó, nto ilehián aní abóbwe?”

¹³ Yohane lébláa amó ɔbéɛ, “Mlɔmátswɔ dunká ahá. Mlɔhɔ tɔá beɛ mlɔhɔɔ.”

¹⁴ Isá akɔpó aku é befité Yohane beɛ, “Anɔ é mé, nto abwée?”

Yohane lébláa amó ɔbéɛ, “Mlɔmápu ɔwɔnlín swíi ɔhaa kóba, ntée wá afunu dínká ɔhaasu. Mlɔ akatua igyí mlɔ ansí.”

¹⁵ Iníá amó ansí dɔn Kristo amɔsu, bɔde mu ɔkpa kí su á, imɔwánkí amó ní Yohane gyí Kristo amɔ. ¹⁶ Mó su Yohane lébláa amó ɔbéɛ, “Ɔkɔá ɔdɔn mɔ bu ɔma ɔbá. Mmɔfun aní nésankí mu ntukɔta ɔfé kóráá. Mí mó á, ntsu ndepɔbó mlɔ asú. Mu ɔbópu Ɔhɛ Wankíhé pó ogyá bó mlɔ asú ní. ¹⁷ Ɔde mu ilín, ɔbópufúní ntéte lé ayó ámɔtɔ. Ɔbékpa ayó ámu wá mu odudutɔ. Táme ɔbéféi ofuníkpa inu wankláán, kpá ntéte amɔ wá ogyá aní itamaduntɔ.” ¹⁸ Yohane léda asɔn wankláán ámu ɔkan, bláa ahá ámu asún tsɔtsɔtsɔ ɔbéɛ, bɔdámli klɔntɔ.

¹⁹ Isɔ ogyípó Herode laswí mu dehen Filipino mu ka Herodia tsía, trá bwe lalahɛ tsɔtsɔtsɔ tsía mótó. Mó su Yohane lékiná há mu. ²⁰ Móá idɔn kóráá gyí, Herode léha bekítá Yohane wá obu.

Yesu Asúbo

(Mateo 3:13-17; Marko 1:9-11)

²¹ Bréá Yohane dé ahá ámu asú bɔ á, Yesu é léba, Yohane lóbo mu asú. Bréá Yesu dé mpái bɔ á, nwɔlótáa lefinkí, ²² Ɔhɛ Wankíhé lédamlí fé abródɔma, kplí bogyonká mɔsu. Ɔme ku lotsu ɔsúsú ɔbéɛ, “Fúgyí mí bíá ntɔdwé, mɔ ansí tɛhíé gyí fú iwɔ ní.”

Yesu Anáin Ilíntɔ

(Mateo 1:1-17)

²³ Bréá Yesu lóhɔ fé nfi adɔasa á, olefi Bulu asún ɔkanda asɔ. Ahá mó boyin aní Yosef mu bi ní. Yosef mu sɔ gyí Eli. ²⁴ Eli mu sɔ gyí Martat. Martat mu sɔ gyí Lewi. Lewi mu sɔ gyí Melki. Melki mu sɔ gyí Yanai. Yanai mu sɔ gyí Yosef. ²⁵ Yosef mu sɔ gyí Martatia. Martatia mu sɔ gyí Amos. Amos mu sɔ gyí Nahum. Nahum mu sɔ gyí Hesli. Hesli mu sɔ gyí Nagai. ²⁶ Nagai mu sɔ gyí Mahat. Mahat mu sɔ gyí Martatia. Martatia mu sɔ gyí Semein. Semein mu sɔ gyí Yosek. Yosek mu sɔ gyí Yoda. ²⁷ Yoda mu sɔ gyí Yohanan. Yohanan mu sɔ gyí Resa. Resa mu sɔ gyí Serubabel. Serubabel mu sɔ gyí Sealtiel. Sealtiel mu sɔ gyí Neri. ²⁸ Neri mu sɔ gyí Melki. Melki mu sɔ gyí Adi. Adi mu sɔ gyí Kosam. Kosam mu sɔ gyí Elmadam. Elmadam mu sɔ gyí Er. ²⁹ Er mu sɔ gyí Yosua. Yosua mu sɔ gyí Elieser. Elieser mu sɔ gyí Yorim. Yorim mu sɔ gyí Martat. Martat mu sɔ gyí Lewi. ³⁰ Lewi mu sɔ gyí Simeon. Simeon mu sɔ gyí Yuda. Yuda mu sɔ gyí Yosef. Yosef mu sɔ gyí Yonam. Yonam mu sɔ gyí Eliakim. ³¹ Eliakim mu sɔ gyí Melea. Melea mu sɔ gyí Mena. Mena mu sɔ gyí Martata. Martata mu sɔ gyí Natan. Natan mu sɔ gyí Owíe Dawid. ³² Owíe Dawid mu sɔ gyí Yisai. Yisai mu sɔ gyí Obed. Obed mu sɔ gyí Boas. Boas mu sɔ gyí Salmon. Salmon mu sɔ gyí Nahson. ³³ Nahson mu sɔ gyí Aminadab. Aminadab mu sɔ gyí Admin. Admin mu sɔ gyí Arni. Arni mu sɔ gyí Hesron. Hesron mu sɔ gyí Peres. Peres mu sɔ gyí Yuda. ³⁴ Yuda mu sɔ gyí Yakob. Yakob mu sɔ gyí Isak. Isak mu sɔ gyí Abraham. Abraham mu sɔ gyí Tera. Tera mu sɔ gyí Nahor. ³⁵ Nahor mu sɔ gyí Serug. Serug mu sɔ gyí Reu. Reu mu sɔ gyí Peleg. Peleg mu sɔ gyí Eber. Eber mu sɔ gyí Sala. ³⁶ Sala mu sɔ gyí Kainan. Kainan mu sɔ gyí Arfaksad. Arfaksad mu sɔ gyí Sem. Sem mu sɔ gyí

Noa, Noa é m̀v sɪ gyí Lamek. ³⁷ Lamek m̀v sɪ gyí Metusela. Metusela m̀v sɪ gyí Enok. Enok m̀v sɪ gyí Yared. Yared m̀v sɪ gyí Mehalaleel. Mehalaleel m̀v sɪ gyí Kenan. ³⁸ Kenan m̀v sɪ gyí Enos. Enos m̀v sɪ gyí Set. Set m̀v sɪ gyí Adam. Adam é m̀v sɪ gyí Bulu.

4

Yesu Isókɪ

(Mateo 4:1-11; Marko 1:12-13)

¹ Bréá Yesu léyinkí tsú Yordan ntsu ɔ́nó á, Ɖɛ Wankíhé lɔ́bulá mutɔ́, ɔ́lekpa m̀v ya dimbísú. ² Bréá ɔ́bu ɪnu á, Ɖɔ́nsám létsiá bɔ́sɔ́ m̀v kɪ nke aduana kéké. Yesu mégyíi tɔ́tɔ́ nke ámutɔ́ fée. Mó su bréá nke ámu ɔ́lɔ́mɔ́ ɔ́nó á, akón híe de m̀v.

³ ɪnu Ɖɔ́nsám lébláa m̀v ɔ́bé, “Ní Bulu m̀v Bi fɔ́gyi á, mómú ha ibwi ánfɪ ɔ́damli bodobodo.”

⁴ Yesu léle mó ɔ́nó ɔ́bé, “Bɔ́wanlín wá Bulu asón ámutɔ́ bɛɛ, ‘Megyí atogyihe wɔ́le nyankpɔ́sa ogyíi tsia nkpa.’ ”

⁵ Ɖɔ́nsám lópu m̀v ya ɪbu fúáhé kusɔ́. Olosuná m̀v ɔ́yítɔ́ iwíe ogyíkpa fée ɔ́tsáwɔ́le pé. ⁶ Múú ɔ́lebláa m̀v ɔ́bé, “Nópu ɔ́má ánfɪ fée túmɪ pó amó numnyam há fú, tsúfɛ mí ɪbɪtɔ́ bapówá. Ɖhá ání ndeklé a, m̀v nópuhá. ⁷ Mó su ní fosúm mí á, nópu mó fée há fú.”

⁸ Yesu lébláa m̀v ɔ́bé, “Bɔ́wanlín wá Bulu asón ámutɔ́ bɛɛ, ‘Da akpawunu ha fú Wíe Bulu. M̀v nkɔ́le fú súm.’ ”

⁹ Ɖɔ́nsám lékpa m̀v ya Yerusalem, ɔ́lɔ́pu m̀v yélí Bulu ɔ́tswékpa obu ámu ɔ́tántra. ɪnu ɔ́lebláa Yesu ɔ́bé, “Ní Bulu m̀v Bi fɔ́gyi léle á, tu kpayi. ¹⁰ Tsúfɛ bɔ́wanlín wá Bulu asón ámutɔ́ bɛɛ, ‘Bulu ɔ́béha m̀v abɔ́pu békɪ fɔ́sɔ́. ¹¹ Békpatá fú ɪbɪtɔ́, ménɪ fú yabi méeda ibwi kukɔ́sɔ́.’ ”

¹² Yesu léle mó ɔ́nó ɔ́bé, “Betrá wanlín bɛɛ, ‘Mákapó fú Wíe Bulu kɪ.’ ”

¹³ Bréá Ɖɔ́nsám lómɔ́ ɪsókɪ ánfɪ fée ɔ́nó á, ɔ́lɔ́kɔ́ náti sí m̀v asa.

Yesu Gyumagyihe Asitsua Galilea Ɖmátɔ́

(Mateo 4:12-17; Marko 1:14-15)

¹⁴ Ɖɛ Wankíhé túmɪ lékpa Yesu, oleyinkí yó Galilea ɔ́mátɔ́. M̀v ɪwɪ asón lekkléi wa ɔ́má ámu féeɔ́. ¹⁵ Oletsíá súná ató Yudafo ofiakpa, ahá ámu fée bekanfú m̀v.

Bumɔ́ho Yesu M̀v Wúluto

(Mateo 13:53-58; Marko 6:1-6)

¹⁶ ɪnu Yesu léyinkí bá Nasaret, ɔ́tínéá oletsíá dan. Fé alíá otetsíá bwé á, ɔ́lɔ́yo Yudafo ofiakpa ɔ́kpúnú ɔ́daké. Bréá ɔ́lɔ́kusú yélí amó ansítɔ́ ɔ́békla Bulu asón á, ¹⁷ botsu Bulu ɔ́nósú ɔ́tɔ́pó Yesaia ɔ́wɔ́lɔ́ há m̀v. Ɖlesankí mó á, olowun ɔ́tɪnekúá bɔ́wanlín wá bɛɛ,

¹⁸ “Aní Wíe Bulu ladá mí ofúli.

ɪnu su m̀v Ɖɛ bu m̀sɔ́.

Alalé mí ɔ́bé, ndáa asɔ́n wankláán ámu ɔ́kan suna ahá ání buma tɔ́tɔ́.

Ɖbé, mbébláa nkpábi mbé, masí amó ɪwɪ há amó.

Mí ambia ansibi abwiepó mbé, mabwíí amó ansibi.

Ɖbé mbébláa ahá ání bɔ́de amó ipiantɔ́ wa é mbé, malé amó ipiantɔ́.

¹⁹ Fówun mí ambli mbé,

aní Wíe ahá nwewúunbɪ lafɔ́n.”

²⁰ ɪnu olokuntá ɔ́wɔ́lɔ́ ámu, yínkíá ha m̀sú ɔ́kípu, ɔ́lɔ́wɔ́ tía asɪ. Ahá amó bɔ́bu ofiakpa ɪnu ámu fée besi bɔ́de m̀v kɪ díín. ²¹ ɪnu Yesu lébláa amó ɔ́bé, “Nde, Bulu asɔ́n wanlínhé ánfɪ laba mótɔ́. Mó mlílanú á.”

²² Ahá ámu fée bonu asɔ́n wankláán amó ɔ́lɔ́dali m̀v ɔ́nó ámu. Ɖnó lobwie amó, befítɛ bɛɛ, “Megyí Yosef m̀v bi ámu nɪ?”

²³ Yesu lébláa amó ɔ́bé, “Nyin ání mléha mí yébi ánfɪ mlíaa, ‘ɔ́lɔ́ ɔ́tsapó, tsa fú ɪwɪ!’ Mlélabláa m̀v mlíaa, ‘Bwe ató amóú anílanú ání fúdebwɛ Kapernaum

amu fú wúlutò nfi é.' ” ²⁴ Inu oleyinkí bláa amú òbée, “Ònàkwali nde mli bláa. Botamahò Bulu ònósú òtáíró òkùkù asún mu wúlutò.

²⁵ “Mlinu, Bulu ònósú òtáíró Elia bísó á, nyankpo mótswíe nfinso móa ifun kéké. Akún lehié ba Israel òmátó fée. Ibo mótó ání asurapu tsòtsòtsò betsiá Israel òmátó alí bré ámutò, ²⁶ táme Bulu méha Elia òyò amótó òkùkù wá. Òsurapu òkùá òbù Sarefat wúlutò, Sidon òmátó nkùle wá òleha mu òlòyò. ²⁷ Ilo pèpè alòpò tsòtsòtsò é betsiá Israel òmátó Bulu ònósú òtáíró Elisa bísó. Táme òmeha òkùkù iwí mèplí, dùn Naaman ání otsú Siria nkùle.”

²⁸ Òbló lehié kítá ahá ámúú búbù ofiakpa inu ámu, bréá bonu Yesu asun blíhé anfi. ²⁹ Bòkùsú gya mu dáli amú wúlutò. Wúlu amu idin búbù. Begya mu alu yówie wúlu amu ònó, bée abuwuta mu wa tsonkolitò. ³⁰ Yesu lénatí tsun amótó yó òtínéá òyó.

Yesu Òje Laláhe Gyáa
(Marko 1:21-28)

³¹ Inu Yesu lékplí yó Kapernaum, Galilea wúlu kutò. Olosuná amú ató amú ofiakpa òkpónú òdaké. ³² Mu atosunáhé lobwie amú ònó, tsúfé olosuná amú ató tùmí. ³³ Oyin òkù bú ofiakpa inu, òje laláhe bú múbù. Òlòkplón blí òbée, ³⁴ “Kí m! Yesu Nasaretyin, amansu bú ania fonyò nsíné? Ntée aní òhìkpá febá lóó? Nyin òhá oduá fúgyi. Fúgyi Bulu Òha Wankíhé amu ní!”

³⁵ Yesu lókpón wa òje ámu òbée, “Kpa ònó bun, afòdalí mótò.” Inu òje laláhe amu léfin oyin ámu dá ahá ámutò inu, dáli mótò. Tòtò móbwe mu.

³⁶ Ònó lobwie amú fée, bẹfité aba bée, “Amansu ní? Oyin ánfí bú túmí, òdekplón wa òje laláhe, ide mu bu, dáli ahátò?” ³⁷ Mu iwí asún lekléí wá òmá amu féeótó.

Alòpò Tsòtsòtsò Tsa
(Mateo 8:14-17; Marko 1:29-34)

³⁸ Yesu lédalí Yudafo ofiakpa inu yó Simon wóyító. Òlòyò á, owísó lakítá Simon mu sia tsíhé, òda kínkíínkín. Bẹbláa Yesu bée, ogyíi mu búale. ³⁹ Yesu lókpukpé tó òtsi ámu, òlòkplón wa owísó ámu òbée, íkùsù múbù. Inu òlòkùsù múbù, òtsi ámu lókusù bwé amú afòótò.

⁴⁰ Bréá owí deta á, ahá bəsürá amú ahá ání búde ilo òtsan-òtsan lo ba, Yesu lópu ibi dínká amúsú tsá amótó okugyíòkù ilo. ⁴¹ Òje laláhe bú amótó akutò. Yesu lókpón wa òje laláhe amu. Bédalí, búde okitikíti bée, “Fúgyi Bulu mu Bi ámu ní.”

Táme Yesu lówa mbala wá òje laláhe amu ání bómátóí, tsúfé buyin ání mogyí Kristo, (òhá ámúú Bulu ladá mu ofúli amu) ní.

Bulu Asún Òkanda Yudafo Ofiakpa
(Marko 1:35-39)

⁴² Mú òyí kehe bake a, Yesu lédalí wúlu amutò yó itsétó òtínèkù. Ahá bodunká mu alu yótu mu, bokokóli mu bée òmánatí sí amú. ⁴³ Táme òlebláa amú òbée, “Ilehíán ání néda Bulu iwíegyí iwí asun wankláán ámu òkan awúlu atráhe amu ésú. Tsúfé mú òbwekpá Bulu lówa mí ní.”

⁴⁴ Iní sù oleki Yudea òmátó fée, dá Bulu asun wankláán amu òkan amú ofiakpa.

5

Yesu Akasípó Gyankpapu Tí
(Mateo 4:18-22; Marko 1:16-20)

¹ Èke òkù Yesu líí Genesaret paati* ònó, ahá tsòtsòtsò beba boputá mu ání bónu Bulu asún. ² Olowun nkùn anyò paati ámu ònó. Aye alèpò ámu bakplí

* **5:1** Genesaret paati: Mú kén gyí Galilea òpò ní.

yó bɔdɛ amó asawutɔ da. ³ Yesu lódu wíé kɔléá igyi Simon klétɔ. Móbú ɔlebláa Simon ɔbéé, osún mú kpalobí dinka ntsusu. Inu oletsiaá mótó suná ahá ámu ató.

⁴ Bréá ɔlɔtɔí tá á, ɔlebláa Simon ɔbéé, “Mlɔpla ɔklɔn amɔ ya okluklúkpá, amliyɔtswi asawu le aye.”

⁵ Móbú Simon lébláa mɔ ɔbéé, “Owíé, anilóbwe kásián ígye onyé fée, animénaya tɔtɔ. Táme íniá fée ayó, su nɔyɔtswi asawu amɔ.” ⁶ Bréá bɔyɔtswi asawu amɔ a, be le aye tsatsɔtsɔ. Mú su asawu amɔ lówa tití bi. ⁷ Inu bɔbwe ibi tí amó agyómá ayɔbá ámuóbú bɔbɔ ɔklɔn nyɔsɔtɔ ámu be bɔbétɔ amó. Beba betɔ amó, be le aye amɔ búlá nklɔn anyɔ ámu dédéédé, ideklé ime. ⁸ Bréá Simon Petro lówun mó alí á, ɔleda akpawunu Yesu ayabitɔ, bláa mɔ ɔbéé, “Mí Wíé, mákpɔkpé mantáa mi! Lakpan ɔbwe pɔ ngi.”

⁹ Tsúfé aye amóbú balé ámu lówa mɔa mɔ aba ámu wánwan. ¹⁰ Alí kén ilówa Sebedeo abí Yakobo mɔa Yohane, bɔgyi Simon agyómá ayɔbá ámu é wánwan ní.

Móbú Yesu lébláa Simon ɔbéé, “Mánya ifú! Tsú nde pɔya a, anyánpɔsa fée.”

¹¹ Simon mɔa mɔ aba ámu benya plá nklɔn amɔ besi osubúnɔ alí, besi tógyítɔ tswi, kplá buo Yesu.

Ilɔ Pɛpɛ ɔlɔpɔ ɔku Tsa

(Mateo 8:1-4; Marko 1:40-45)

¹² Eke ɔku Yesu bu wúlu kusu, ilɔ pɛpɛ ɔlɔpɔ ɔku lówun mɔ. Inu ɔlebede akpawunu, pɔ ɔsɔkpɔ yi ɔsulótɔ, kókólí mɔ ɔbéé, “Owíé, ní fótɔsulá á, fétalí há mí iwi bɛpli.”

¹³ Yesu létinkí ibi da mɔ, bláa mɔ ɔbéé, “Natsúlá, fú iwi iplí.” Inunɔ ilɔ ámu lɛɲa le mɔ iwi. ¹⁴ Inu Yesu léda mɔ ɔlá ɔbéé, “Mábla ɔhaa. Natí laa afɔpu fú iwi yosuná Bulu igyí ɔhapó, afɔha mɔ iwigyɔrátɔ amóbú Mose mbla losuná tsú ilɔ pepɛtsa iwi ámu. Igyi adánsie suna ahá ání fú iwi laplí.”

¹⁵ Táme Yesu iwi asún létrá kleí yó ntíné dínká mósó. ɔdam beba mɔ atosunáhé onukpá, ɔtsa amótɔ alɔpu é ilɔ. ¹⁶ Táme oletsiaá dálí amótɔ bré ku yó dimbísó ɔtineku mɔ nkɔle yóbo mpái.

Tsukule Osínpu Tsa

(Mateo 9:1-8; Marko 2:1-12)

¹⁷ Eke ɔku Yesu dé ató suná. Farisifo, Mose mbla asunápó akɔá botsú Galilea pɔ Yudea ɔmátɔ pɔ Yerusalem beba betɔsiá así inu. Bulu túmi bu Yesutɔ há ilɔtsa.

¹⁸ Inu á, ayin akɔ bɔsɔrá tsukule osínpu akpasu ba. Bekleá bɔpu mɔ wíé wóyítɔ, pɔ mɔ tswi Yesu ansítɔ. ¹⁹ ɔdam amɔ su bumenya ɔkpa. Iní su bɔyódu obu ámu awunso, dá mó ɔtineku tíí, bekplíá akpa amɔ tswi ahá ámutɔ Yesu ansítɔ inu. ²⁰ Bréá Yesu lówun ání bahɔ mɔ gyi a, ɔlebláa tsukule osínpu amɔ ɔbéé, “Opíó, nasí fú lakpan kíé fú.”

²¹ Mose mbla asunápó pɔ Farisifo ámu beblí wá nwuntɔ be, “Ma gyí oyin ánfí ɔde abususu blí ánfí? Ma ɔbétalí sí lakpan kíé ahá dun Bulu nkɔle?”

²² Yesu lébi amó agywun. Mú su ɔlefíté amó ɔbéé, “Ntogyi só mlidé íni odu gywín? ²³ Mɔmɔ lópɔn ha blí? ‘Nasí fú lakpan kíé fú.’ lóó, ntée ‘Kusu tsu fú akpa afɔnatí?’ ²⁴ Táme ndekléá mlíbú ání mí, Nyankpɔsa-Mu-Bi ánfí mɔ túmi ɔyí ánfítɔ sí ahá lakpan kíé amó.” Inu ɔlebláa tsukule osínpu amɔ ɔbéé, “Nde fú bláa mbée, kusu. Tsu fú akpa afɔnatí yɔ wóyí!”

²⁵ Inunɔnɔn tsukule osínpu amɔ lókɔsú líí amó fée ansítɔ, tsú mɔ akpa, ɔlɔpu ɔkpa ɔyó wóyí ɔde Bulu kanfó. ²⁶ ɔnó lobwie ahá ámu fée. Ifú lowie amó féeétɔ, bekanfó Bulu be, “Nde anilawun ofúla!”

Lewi Tí

(Mateo 9:9-13; Marko 2:13-17)

²⁷ Mú ɔma bréá Yesu lédali inu á, olowun lampóo ahópu okuá butetí mu Lewi, tsie mu lampóo ahókpa. Yesu lébláa mu ɔbéé, “Bobuo mi.” ²⁸ Inu Lewi lókusó, sí mu tógyító ɔmagyáa, yóbuo mu.

²⁹ Mú ɔma a, Lewi lótswi ɔpónú mu wóyító há Yesu. Lampóo ahópu tsɔtsɔtsɔ pú aha bambá é beba ató ámu ogyíkpa. ³⁰ Farisifo pú Mose mbla asunápú ání búbu Farisifo ámutó befité Yesu akasípú amu beé, “Ntogyi só mliá lampóo ahópu pú lakpan abwepú mli dé ibi wa gyi ató, mli dé ntá nú?”

³¹ Yesu léle mú ɔnó ɔbéé, “Alɔpu léhián ilo ɔtsapó, megyí ahá ání iwi bu amó ɔnlin. ³² Mmɛba aha wankláán ɔtikpá. Mboun lakpan abwepú ɔtikpá neba, méní bédamlí kluntó.”

*Ɔnókli Iwi Asɔn Fitéhé
(Mateo 9:14-17; Marko 2:18-22)*

³³ Aha aku bebláa Yesu beé, “Asú Ɔbɔpú Yohane akasípú butetsiá klí ɔnó bó mpá. Farisifo akasípú é butɔbwé alí, táme fó akasípú mú budegýí, bu denúu.”

³⁴ Yesu léfité amú ɔbéé, “Ɔtsi ɔkpainpú anyawíe béklí ɔnó bréá ɔbu amú wá? Ekekeke! ³⁵ Táme eke oku béba ání békpa mu náti sí amó. Alí nke ámutó béklí ɔnó ní.”

³⁶ Inu ɔleha amú yébi ɔbéé, “Ɔhaa tamapú tati pɔpwe tan tati dada. Ní ɔbwé mú alí á, alayintá pɔpwe amu, pɔpwe amu pú dada amu ansí é iméekanáa aba.

³⁷ Alí kén butamapú nta pɔpwe wá ɔwuló-kpákpá kente wuhétó ní. Nta pɔpwe amu ibófu fá kente amu tsítsá, yintá kente amu é. ³⁸ Inu su ɔwuló-kpákpá kente pɔpwetó bótópú nta pɔpwe wá. ³⁹ Ɔhaa tamafité nta pɔpwesú bréá alanu dánhe. Tsúfé ɔteblí ɔbéé, ‘Idánhe amu bu alé dun.’ ”

6

*Ɔkpónú Ɔdaké Mu Wie
(Mateo 12:1-8; Marko 2:23-28)*

¹ Yesu muá mu akasípú bɔtsun ayó ndo kuto ɔkpónú ɔdaké. Mu akasípú amu bɔprúun ató-abí ámu ku, bɔpusáa mú wí. ² Farisifo ámu aku befité amú beé, “Ntogyi só mli dé tóá aní mbla meha ɔkpa ání búbwéé ɔkpónú ɔdaké bwe?”

³ Yesu léfité amú ɔbéé, “Mlímókókla nu tóá Owíe Dawid lóbwé bréá akón de muá mu abúopu kí? ⁴ Olebitíwíé Bulu osúmka yótsu bodobodoá bapóhá Bulu igyí ba, muá mu abúopu amu begyi. Bulu igyí ahapó nkole bele ɔkpa bótegyi alí bodobodo amu.”

⁵ Mú Yesu ɔlɔmɔ mu asún ɔnó ɔbéé, “Mí, Nyankpusa-Mu-Bi ánfí gyí ɔkpónú ɔdaké mu wie.”

*Ilɔtsa Ɔkpónú Ɔdaké
(Mateo 12:9-14; Marko 3:1-6)*

⁶ Yesu lóyɔ ató osunákpá Yudafo ofiakpa ɔkpónú ɔdaké bámbá. Oyin okuá mu gyɔpi ibi lawú bu inu. ⁷ Mose mbla asunápú pú Farisifo aku beé Yesu kí beé, ɔbétsa ilo ɔkpónú ɔdaké, méní bénya mu iwi asún, púyénatí musu súná ahande.

⁸ Yesu yin amú nwuntó asún. Mú su ɔlebláa oyin ámúú mu ibi kule lawú ámu ɔbéé, “Kusu belí amú ansító nfi.” Inu oyin ámu lókusó belí amú ansító. ⁹ Mú Yesu lébláa amú ɔbéé, “Nde mli fité, ntó mbla ámu léha ɔkpa ání abwéé ɔkpónú ɔdaké? Yilé lóó, ntée lalahé? Ahóó ɔha nkpa lóó, ntée amóó mu?” ¹⁰ Inu ɔledamlí kí amú fée fiá. Mú ɔlebláa oyin ámu ɔbéé, “Tinkí fó ibi amu.” Olenya tinki ibi amu alí pé, ɔhé lowie mótó.

¹¹ Ɔbló lekítá amú, befité aba beé, “Ntó kóún abéhié bwé Yesu anfi?”

*Akasípú Amu Adá
(Mateo 10:1-4; Marko 3:13-19)*

¹² Eke oku Yesu lódu yó ibusu yóbò mpái há Bulu tsú onyé yéha oyí kehe. ¹³ Mó oyí kehe a, òletí mu akasípó, òlele amótó dúanyò, òletí amó mu sumbí ayópó. ¹⁴ Amógyí, Simon ání òledínká mu Petro mua mu pio Andrea; Yakobo mua Yohane; Filipo, Bartolomeo, ¹⁵ Mateo, Toma, Alfeo mu bi Yakobo, Simon ání ogyí iwisutsiá adunkápó òpasuato òha; ¹⁶ Yakobo oku mu bi Yuda pú Yuda Iskariot ání òlebele Yesu há.

Yesu Atósundá Múa Ilò Tsa
(Mateo 4:23-25)

¹⁷ Yesu mua sumbí ayópó ámu bekplí tsú ibu ámuṣu ba ṣulúv tantasu. Mu abúopu tsòtsòtsò pú òdòm kpònkpònkpòntiá botsú Yudea òmátó, Yerusalem pú opu ònó awúlu Tiro mua Sidonsu beba mu. ¹⁸ Beba beḗ be bá bonu mu asun blíhé, ṣtsa amó ilò. Ahá ání òḡe laláhe de amó háan é beba, olegya òḡe laláhe lé amótó. ¹⁹ Amó fée bekleá bópó ibi da mu, tsúfée òḡe dèdali mutò, òletsa amó fée ilò.

Oyúla Asón
(Mateo 5:1-12)

²⁰ Yesu lótsu ansí kí mu akasípó, òlebláa amó òbéḗ,
“Bulu layúlá mliá mli má tòtò,
tsúfée mli bó mu iwíegyi amu ní.
²¹ Bulu layúlá mliá akón de mli séi,
tsúfée mli éba begyi mwe.
Bulu layúlá mliá mli dèṣú séi,
tsúfée mli éba bòmási.
²² “Bulu layúlá mliá bu de mli lu, bu de mli gyáa le amótó, síá mli, tí mli ida laláhe mí, Nyankpusa-Mu-Bi ánífí su. ²³ Ansí igyi mli eke ámu, amlífuli kpayi ansigyísú, tsúfée mli ikòká tsò ṣṣúsú. Alí amó anáin bóbwe Bulu ònósú atóipó amu ní.
²⁴ Táme mli ání mli lanyá iwí séi, mli gyòwí ní.
Tsúfée mli ansigyí fée mli lanyá á.
²⁵ Mli ání mli lamwé séi, mli gyòwí ní.
Tsúfée akón béba bekítá mli.
Mli ání mli dèṣú séi, mli gyòwí ní.
Tsúfée mli éba begyi awírehò, su.
²⁶ “Mli ání ahá fée bu de mli kanfó, mli gyòwí, tsúfée alí mli anáin bekanfó Bulu ònósú atóipó afunupu amu é ní.

Alupódwe
(Mateo 5:38-48; 7:12a)

²⁷ “Táme nde mli ání mli ónu bláa mbéḗ, Mli dwe mli alupó, amlíbwé yilé ha amó. ²⁸ Mli yula ahá ání bótòlwíí mli, amlíbo mpái ha ahá ání botesiá mli. ²⁹ Ní òha òdà fú ṣṣòtò a, damli nyòṣi é ha mu òda. Ní oku ṣṣwíí fú tati á, wò fú atadié é ha mu. ³⁰ Ní oku okólí fú ató á, ha mu. Ní oku é otsú fú ató á, máyòhò mó. ³¹ Bwe ha ahá aliá fòdeklé fée bóbweḗ ha fu.
³² “Ní fú adwepó nkule fòtòdwé á, ipán mòmú fénya? Lakpan abwepó kóràá bótòdwé amó adwepó. ³³ Ní òhá ání òtòbwé yilé há fú nkule fòtòbwé yilé há á, ntogyi só Bulu òdàa fú ipán? Lakpan abwepó é bótòbwé ali. ³⁴ Ní òhá ání fuyin ání obénya há fú nkule fòtòhá ipán a, ntogyi só Bulu òdàa fú ipán? Lakpan abwepó óó bótòpó ató pan amó aba, yínkí hò mó ali. ³⁵ Mó su mli dwe mli alupó, mli bwé yilé ha amó, mli pan amó ató, mli máti amó akò, méní Bulu òbéka mli ikò tsòtsòtsò. Fówun mli labwé Ṣṣṣṣṣṣ Bulu ámu abí. Tsúfée òbu awítòle há ahá ání ató tamagyi amó ansí pú aha laláhe fée. ³⁶ Mli bwé nwe awúnpu fée aliá mli Sí Bulu gyí nwe owúnpu.

Ilálé
(Mateo 7:1-5)

³⁷ “Mlímále ahá ilá, méní Bulu méele mli ilá. Mlímáha ohaa ipón, méní Bulu é oméeha mli pón. Mlisi mli aba ilá kie amó, Bulu osi mli klé kie mli. ³⁸ Mliha ahá tóá de amó hián, Bulu obélahá mli. Obópu ato susúhe wankláán wá mó, wósóu mó, sílá mó, ibóbólá tsítsá há mli. Tsúfě tóá fopósúsu ha fú bá á, mó kén Bulu obópósúsu ha fú ní.”

³⁹ Yesu létrá ha amó yébi obéé, “Nsibi obwiepú obétalí kpá nsibi obwiepú? Amó fěé buméekpa wíé obótó? ⁴⁰ Okasípú tamadun mu wie, táme okasípú okási bí á, otobwé fě mu wie.

⁴¹ “Ntogyi só fúde ipí tókúríibi wúun fú bá nsibisú, táme fomédé ogyakpatín ání idin fú klésú mó wúun? ⁴² Ntée ntogyi só fúde fú bá bláa fěe, ‘Mí píó, ha mí andinkí ipí fú nsibisú’, táme fomédé ogyakpatín ání idin fú klésú mó wun? Apinabwebí obwepú, gyankpa dinkí ogyakpatín ámu fú nsibisú, méní fówun ató wankláán, tálí dinkí ipí ámu fú bá klésú.

Oyí Pó Mó Abi Swiehé
(Mateo 7:6-20; 12:33-35)

⁴³ “Oyi wankláán méetalí swíé abi laláhe. Alí kén oyi laláhe é méetalí swíé abi wankláán ní. ⁴⁴ Tsúfě oyí-ibí butópóbí mó. Butamakpótí kankaba okplóto oyísú, butamakpótí tsakpon é tunkpa iflasú. ⁴⁵ Oha wankláán telé tsiátó wankláán owan tsú mu klontó, oha laláhe é telé tsiátó laláhe owan tsú mu klontó. Tsúfě tóá idun oha klun a, mótédálí tsu mu onó.

Butásó pó Osublúto Obuyí
(Mateo 7:24-27)

⁴⁶ “Ntogyi só mlidé mí tí mlihaa, ‘Mí Wíé! Mí Wíé!’ táme mlitamagyi mí asun blíhéso? ⁴⁷ Nónuná mli alíá oha ání oeba mí wá bonu mí asún, gyi dinká mósó gyí. ⁴⁸ Ogyi fě oha ání obá beyi obu á, olegyankpá kwí mó ntswiasí obó yótu butá, olowa ntswiasí ámu dinká mósó. Bréá ntsu lóbulá kítá mó á, imetalí kpínkí obu ámu, tsúfě oleyi mó wankláán. ⁴⁹ Táme ohagiyíoha ání olonu mí asun blíhé, omegyi mósó gyí fě oha ání oleyi mu obu osolósú keke, omowa mó ntswiasí. Bréá ntsu lóbulá wa mó á, ilobwie dá gbloo inunu, yíntá fěé!”

7

Romafó Isá Akópú Ohande Osúmpú Oku Ilo Tsa
(Mateo 8:5-13; Yohane 4:43-54)

¹ Bréá Yesu lébláa ahá ámu asún ání fěé tá á, olayo Kapernaum wúluto. ² Romafó isá akópú ohande oku bu inu. Obu osúmpú okuá otehié kle mu asún. Osúmpú amu délo, odeklé owu. ³ Bréá isá akópú ohande amu lónu Yesu nka á, olowa Yudafo ahande aku sísí Yesu obéé, buyókokóli mu obetsa mu osúmpú amu ilo ha mu. ⁴ Ahande amu behie kókóli Yesu bee, “Abwíí ipa, ní oku léhián fú mbua á, mó mó oyin ání ní! ⁵ Tsúfě otodwé aní pi. Moléyi aní ofiakpa kóráá há aní ní.”

⁶ Mó su Yesu mua amónyo bapu okpa. Bréá beta wóyí ámutó wie tá á, isá akópú ohande amu lówa mu anyawíe obéé buyéfia Yesu, abubla mu bee, mbéé, “Owíé! Máhan fú iwí, tsúfě mmofun ání fěba mí wóyító. ⁷ Nawun ání mí é mmofun ání néba fú wá. Fú mó bli asvanku, iwí bowa mí osúmpú amu onlin. ⁸ Tsúfě mí é mbu ahande aku asi. Isá akópú aku é bubu mí asi. Nelé onó mbéé amótó oku onátí á, otenátí. Ní mbéé obá é á, oteba. Tógyítóá nebláa mí osúmpú mbéé obwéé á, otobwéé.”

⁹ Bréá Yesu lónu asón ánfí á, onó lobwie mu, ɔledamlí bláa ɔdɔm amóó bubuo mu amu ɔbéé, “Onɔkwali asón, nde mli bláa, mmakówun ɔhá ání ɔbu hógyi kpɔnkpɔnti ánfí odu Israelfɔto kóráá kɪ!”

¹⁰ Bréá abɔpu amóó ɪsá akɔpó ɔhande amu lówa ámu beyinkí yó wóyító a, bowun ání osúmpó amu ɪwɪ lawá mu ɔnlɪn.

Ɔsurapu Ɔku Mu Bi Tsinki

¹¹ Imɔwa ɔpá kuku Yesu lóyo Nain wúluto. Ɔdɔm bubuo mu akasípó. ¹² Bréá olowie wúlu onó á, ɔlɔtu aku, busun fúli akpasu bebá. Obi yinhé ɔkule pé ogyi há ɔsurapu ɔku. Ɔdɔm kpɔnkpɔnkpɔntiá botsú wúlu amuto é bubuo ɔtsi ámu. ¹³ Bréá anɪ Wie lówun ɔtsi ámu a, mu asón lówa mu nwe, ɔlebláa mu ɔbéé, “Másu!” ¹⁴ Múú ɔlɔyópu ibi da akpa amu, asurápó amu besi lí. Inu ɔlebláa fúli amu ɔbéé, “Ɔyasubi, nde fú bláa mbéé, kusu!” ¹⁵ Inu fúli amu lókusó tsíá, wá toí bi. Yesu lópu mu wá mu yin ibito.

¹⁶ Ifú lekítá ahá ámu fée, bekanfó Bulu bee, “Bulu labɔbɔá mu ahá! Mu ɔnósó ɔtoípó kpɔnkpɔnti ɔku lalin anito!”

¹⁷ Yesu ɪwɪ asón ánfí leklei wá Yudea ɔmá pú awúlu ání ibu nsiné inu féeťó.

Yesu Mva Asú Ɔbɔpó Yohane (Mateo 11:2-19)

¹⁸ Asú Ɔbɔpó Yohane akasípó beyébláa mu asón ánfí fée. Mú su ɔlɔwa amótó abanyó sísí Yesu ɔbéé, ¹⁹ buyéfité mu bee, “Fúgyi ɔhá amóó ɔbéba amu ni, ntée akí ɔha bambá ɔkpa?”

²⁰ Bréá ahá ámu beba bowie Yesu wá á, bebláa mu bee, “Asú Ɔbɔpó Yohane ɔbéé abéfité fú aniaa, ‘Fúgyi ɔhá amóó ɔbéba amu ni, ntée akí ɔha bambá ɔkpa?’”

²¹ Yesu létsa alɔpu pú ahá ání ɪwɪ dé amó ɔsin tsɔtsɔtsɔ alɪ bré amuto. Olegya ɔɛ láláɛ lé ahátó, bwíí ansibi abwiepú tsɔtsɔtsɔ é ansíbi. ²² Inu ɔlele Yohane akasípó asón ámu onó ɔbéé, “Mliyinki yebláa Yohane tóá mlɪlabowun pú móa mlɪlabonu. Mlɪlabowun ání ansibi abwiepú bode ató wúun, abɔ bɔna. Ɔlɔ pepe alɔpú ɪwɪ deplí, ɪsu atínpu bode asón nu. Afúli bɔdetsinkí, ahíánfɔ é bode ason wankláán ámu nu. ²³ Bulu obóyulá ɔhá ání mí bwehé mɔkusó lí muɔu.”

²⁴ Bréá abí amóó Yohane lówa sumbí ámu beyinkí bɔyó á, Yesu lówa toí tsú Yohane ɪwɪ súná ɔdɔm amu bi. Ɔbéé, “Bréá mlɪlédalɪ yo dimbísó inu á, ntɔ ɔkíkpa mlɪlɔyo? Fitáa ání afú de mó tsóon lóó? Ekekeke! ²⁵ Ní megyi mó á, ntɔ kóún ɔkíkpa mlɪlɔyo? Ɔhá ání ɔdídí ntsrim. Ekekeke! Ahá ání bɔtedídá tati ámu odu gyi ɔdwe á, awie wóyí bɔtetsiá. ²⁶ Mlɪbla mɪ! Bulu ɔnósó ɔtoípó mlɪlédalɪ yéki? Ee, Yohane ni. Ɔdɔn Bulu ɔnósó ɔtoípó. ²⁷ Mu ɪwɪ asón Bulu léblí bɔwanlín mó tswɪ bee, ‘Kɪ, nde obí wa gya fu nkpa. Mu ɔbéla ɔkpa há fú ní.’ ” ²⁸ Yesu lóyo mu asónsú ɔbéé, “Nde mli bláa mbéé, ɔhagyíɔha ání ɔha tsihé laken kwí mófɔn mu, táme mu é ɔmɔfɔn Bulu iwíegyi ámu ɔkusú kóráá.”

²⁹ Aha ání bonu Yesu asón ánfí pú lampóo ahópu kóráá bowun ání Bulu asón da ɔkpa. Botsulá há Asú Ɔbɔpó Yohane lóbo amó asú. ³⁰ Táme Farisifɔ pú Mose mbɪla asunápó amu mó bɔmɛha Yohane ɔbo amó asú. Bekiná tóá Bulu léhɪhíe ha amó bwe.

³¹ Yesu lóyo mu asónsú ɔbéé, “Séi ánfí á, amendi nópukápó ndemba-abí ánfí? Ntɔ belian? ³² Bugyi fé nyebíá butsie dɪnsu bode aba kpolí, blí bee, ‘Anɪlapléi ansigyísú, mɪmɛtsa. Mú su anɪlawá awírehɔ ɪb, táme mɪmósú.’ ³³ Mlɪgyi fé nyebí ánfí, tsúfé Yohane léba á, oletsíá klí onó, omonu ntá, táme mɪlaa, ‘Ɔɛ láláɛ bu mɔto!’ ³⁴ Mí, Nyankpɔsa-Mu-Bi ánfí mó naba nde ató gyi, nde ntá núu. Mú é mɪlaa, ‘Mlɪkɪ opotsuapu pú nta ɔbɔpó. Lakpan abwepú pú lampóo ahópu onyawie.’ ³⁵ Táme ɔhá ání ɔbu Bulu nyánsa á, mu tsíátó telé mó ɔwan.”

Ɔtsi Lakpan Ɖwɛpɔ Ɖkɔ

³⁶ Farisiyin ɔku lɛti Yesu atɔ ogyikpɔ mu wɔyitɔ. Brɛa Yesu tsie ɔponɔ amɔ asi á, ³⁷ ɔtsi ɔkɔa ɔbu wulu amɔtɔ, ogyi lakpan ɔwɛpɔ lonu Yesu nka áni batswi ɔponɔ há mu Farisiyin amɔ wɔyitɔ. Inu olotsu mu ofobí fánfán áni ibu bíá prentwa wankláán ɔɔ ba inu. ³⁸ Ɖɛbedá akpawunu Yesu ayabiasí, ɔɛkpa isú yi woo. Ɖɔpɔ mu ntsú fwí Yesu ayabiasí, pɔ mu nwunsu-imi tsitsi mó. Ɖɔkɔlɔ Yesu ayabi pútá, tsɛi ofobí fánfán amɔ wólí mu ayabisu. ³⁹ Brɛa Farisiyin amɔ ɔɛti Yesu amɔ lówun iní á, ɔɛblí wá nwuntɔ ɔbɛɛ, “Ní Bulu ɔnɔsú ɔtɔipɔ oyin ánfí gyí lélé á, tɛkí alawun ɔhá oduá ɔtsi ánfí gyí asa ɔɛpɔ ibi da mu, tsúfɛ lakpan ɔwɛpɔ ogyi.”

⁴⁰ Yesu lébláa oyin amɔ ɔbɛɛ, “Simon, mbu asɔankɔ bláa fu.”

Simon léfitɛ mu ɔbɛɛ, “Osunápɔ, amansu igyi? Bla mɔ.”

⁴¹ Yesu lébláa mu ɔbɛɛ, “Ahá abanyɔ aku bepan sika oyin ɔku wá. Ɖkɔɛ lépan bliba-anu (5,000,000), ɔkɔɛ é lépan mpím lafanu (500,000)*. ⁴² Bumenyá kɔba amɔ ká. Mó su oyin amɔ lésikíé amɔ abanyɔ fɛɛ. Bla mɔ, amótɔ ɔmɔmu ɔbɔdwe oyin amɔ dun?”

⁴³ Simon lébláa mu ɔbɛɛ, “Nahogyiá ɔmɔamúu mu ikɔ tsɔ dun amɔ.”

Yesu lébláa mu ɔbɛɛ, “Ɖnɔkwali igyi.” ⁴⁴ Inu Yesu léyinkí kɔ ɔtsi amɔ, ɔɛbláa Simon ɔbɛɛ, “Fawun ɔtsi ánfí? Nɛba fú wɔyitɔ a, fɔmɛha mí ntsu anfwí ayabiasí. Táme ɔtsi ánfí mó lapɔ mu ntsú fwí mí ayabiasí, pɔ mu nwunsu-imi tsitsi mó. ⁴⁵ Fɔmɛlatá mí pútá, táme tsú brɛa nɛba nfi ɔpá á, ɔtsi ánfí mókósi mí ayabi kulá pútá. ⁴⁶ Fɔmɛtsɛi ofobí wólí mí nwuntɔ, táme mu mó alatsɛi ofobí fánfán wólí mí ayabisu. ⁴⁷ Mó su ndɛ fú bláa mbɛɛ, ɔdwe tsɔtsɔtsɔ ánfí alalé súná mí ánfí idesuná áni Bulu lasí mu lakpan tsɔtsɔtsɔ amɔ fɛɛ kíé mu. Táme ɔhá áni Bulu osíi lakpan kpalobí kíé á, ɔdwe kpalobí ɔtɛlé súná.”

⁴⁸ Inu Yesu lébláa ɔtsi amɔ ɔbɛɛ, “Nasí fú lakpan fɛɛ kíé fú.”

⁴⁹ Ahá amɔú amúa Yesu butsie ɔponɔasi amɔ, beblí wá nwuntɔ bɛɛ, “Ma gyí oyin ánfí ɔbɛɛ mu na muɔɔe ahá lakpan sikíé amɔ.”

⁵⁰ Móú Yesu lébláa ɔtsi amɔ ɔbɛɛ, “Fú hógyi laho fu nkpa. Natí iwilwiitɔ.”

8

Atsiá Bobuo Yesu

¹⁻² Imɔwa ɔpá kuku, Yesu léki awúlu móa nkuda asi, ɔɔɛ Bulu iwíegyi amɔ iwi asɔn wankláán ɔkan da. Mu akasípɔ dúanyɔ amɔ pɔ atsi akɔa olegya ɔɛ láláɛ lé amótɔ, tsá amɔ ilo bobuo mu. Atsi amɔ gyí, Magdalayintse Maria áni Yesu légya ɔɛ láláɛ asienó lé mɔtɔ. ³ Owíe Herode wɔyísú ɔkípu Kusa mu ka Yohana. Ɔtsi ɔkɔa butetí mu Susana pɔ atsi tsɔtsɔtsɔa betsiá pɔ amɔ atɔ kɔ Yesu mu na mu akasípɔsu.

Atɔ-abí Owunyápu Iwi Yébi

(Mateo 13:1-9; Marko 4:1-9)

⁴ Brɛa ɔɔm kpɔnkpɔnkpɔnti botsu awúlu-awúlusu ba befia Yesu wá á, ɔɛha amɔ yébi ɔbɛɛ,

⁵ “Ɖɔtɔpɔ ɔku lýɔ atɔ-abí owunyákpa. Brɛa ɔɔɛ mó wunyáa a, iku lówólí ɔkpatɔ, ahá betsatsáa mósú, mbubwi é batswetswɛɛ mó fɛɛ. ⁶ Iku lówólí abutású, ɔtínɛá isi kpalobí dín. Ilɔwa ɔsa kwe, táme brɛa owí lelín a, ilɔtɔ mó mó, tsúfɛ imenya ntsu. ⁷ Abí amɔ ku lówólí awutɔ, awu amɔ lɔbulá kítá mó, imɛdan. ⁸ Abí amɔ ku lówólí ɔsulɔw wankláánsú, dan. Iloswie abí tsɔtsɔtsɔ fɛ mó amúu olodu amɔ odu tsé lafa.”

Yesu lómɔ mu asún ɔnɔ ɔbɛɛ, “Ɖhá áni ɔbu asu onúu.”

* **7:41** Sika ánfí igyi sika futútú lafanu (500) móa aduenu (50), igyi ɔha nke lafanu (500) móa aduenu (50) ikɔká.

T'á Svá Yesu L'ótóí Ayébisv

(Mateo 13:10-17; Marko 4:10-12)

⁹ Yesu akasípó bēfité mv yébi anfi así. ¹⁰ Ǫlebláa amó ǵbée, “Bulu lahá mli ǵkpa ǵbée, mliúbí mv iwíegyi ámv iwí asón ñáínhé. Táme nde aha bambá asón bláa ayébisv, méní bówun, táme bóméebi. Bónu, táme bómóonu mó así.

Ató-abí Owunyápv Yébi Amv Así

(Mateo 13:18-23; Marko 4:13-20)

¹¹ “Yébi amv así ní. Ató-abí ámv gyí Bulu asón. ¹² Abí ámvú ǵwólí ǵkpato ámv gyí ahá ání butonú asón ámv, táme Ǫbunsám teba bele mó lé amó klvntó, méní bómóǵhó mósó gyi, fówun bénya nkpa ání itamatá. ¹³ Abí ámvú ǵwólí abutásó amv gyí ahá ámvú bonú asón ámv pé, bahó mó ansigyísó, táme boma nlin. Mó sv butamahogyi wa ǵpá. Ní isókí kv inyá tó amó pé, badida. ¹⁴ Abí ámvú ǵwólí awutó ámv gyí ahá ání bonú asón ámv a, bahó mó, táme ǵyí ánfito ató hiánhe iwí gywín, pó mótó atonyahé iwí ansigyí tegyi asón ámvsv. Iní sv butamaswíe abí dan. ¹⁵ Abí ámvú ǵwólí ǵsulúv wankláánsó ámv gyí ahá ámvú bonú asón ámv a, butǵhó mv wá klv wankláán ání itonú asón, gyi mósótó. Iní sv butotomi swíe abí tsatsǵotsǵo.

Ǫkandíe Iwí Yébi

(Marko 4:21-25)

¹⁶ “Ǫhaa tamanywé ǵkandíe pó ató bun mósó, ntée pówá mpá ayasí. Ǫvákpa ǵtǵpúbían, méní ǵbówankí há ahá ání bēba wóyí ámvto.

¹⁷ “Tsúfé tǵto má mvá ǵbénjaín, ǵméelin ǵwan. Asón ñáínhé kǵkv é ma mvá bóméebi mó.

¹⁸ “Mlíki wankláán mli asón-nutó. Tsúfé ǵhá ání odekléá obónu mí ato-sunáhé amv así á, Bulu ǵbópó kv tsía mótó há mv. Táme ǵhá ání omedékléá obónu mó así á, Bulu ǵbóswí mv kpalobí ámvú olosusúu ání alabí ámv kúráá.”

Yesu Abusuanfó Onutó

(Mateo 12:46-50; Marko 3:31-35)

¹⁹ Yesu mv yín mvá mv apíó bēba mv wá, táme ǵǵm amv sv bvmetalí wíe ba mv wá. ²⁰ Ahá ámvto ǵkv lébláa Yesu ǵbée, “Fó yín mvá fó apíó bulí kpankpá, bǵdekléá bówun fv.”

²¹ Yesu lébláa amó ǵbée, “Mí yín mvá mí apíó gyí ahá ání butonú Bulu asón ámv, gyi mósó.”

Atsufú Asibá

(Mateo 8:23-27; Marko 4:35-41)

²² Ǽke ǵkv Yesu lébláa mv akasípó ǵbée, “Mlíha afa Galilea ǵpv yǵ mó ǵbvn.” Mó sv bǵpv ǵkpa bǵyó. ²³ Bréá bǵyó á, Yesu lédidi. Inu afú kǵnkpǵǵnkpǵntí kv lówa tsóvn bí. Ntsu ámv ǵdēda wíe ǵklv amvto, ǵdeklé ǵme. Ǫlǵv amó ansí pǵpǵ.

²⁴ Mó sv betsinkí Yesu, bláa mv bǵǵ, “Aní Wíe! Anídé ntsu wie!”

Yesu lókvsv lé ǵnó wa afú móa ntsu ámv, mv fée lǵlvá. ²⁵ Inu ǵlefité amó ǵbée, “Mlí hǵgyi me?”

Ifú lǵkitá amó, ǵnó lobwie amó, bēfité aba bǵǵ, “Nyankpǵsa ǵmǵmv ní, alalé ǵnó wa afú móa ntsu kúráá, banú mv ǵme ahí?”

Ǫǵe Laláhe Gyáa Le Ogbedéptó

(Mateo 8:28-34; Marko 5:1-20)

²⁶ Yesu mvá mv akasípó bēfa ǵpv tsú Galilea yówie Geraséfó* ǵsulúsv. ²⁷ Bréá Yesu dēdalí ǵklv amvto á, oyín ǵkvá otsú wúlu amvto, ǵǵe laláhe bv mvto lébefia mv. Oyín anfi lǵkpa ató, tú dālí wóyító, yó otsie afúli opulákpá ǵlawá ǵpá. ²⁸ Bréá olowun Yesu a, ǵlǵsvrá okitikíti, dá akpawunu Yesu ayabito, kplón

* 8:26 Gadarafo bv nwóló dada amv akvto.

blí ɔ́bée, “Ɔ́sósóósó Bulu mu Bi Yesu, amansu igyi? Kókoli, mápítí mí ató.” ²⁹ Alí bré ámutó á, Yesu lakplón wa ɔ́ɛ laláɛ amu ɔ́bée, ɪdálí mutó dodo. Mú su oyin ámu léblí alí ní. Ɔ́ɛ laláɛ amu itowíé mutó brégyíbré. Mú su butɔ́wá mu ɪbí pú mu ayabi ɪkan, gyo mu ɪwi. Mú óó á, otebíá ɪkan amu, ɔ́ɛ laláɛ amu ɪtehá mu ɔ́tesrí wíé aputu.

³⁰ Inu Yesu léfité mu ɔ́bée, “Nkálí butetí fú?”

Oyin ámu lélé mú ɔ́nó ɔ́bée, “Mí dá gyí ‘Ɔ́dom.’ ” Tsúfé ɔ́ɛ laláɛ tsɔ́tsɔ́tsɔ́ bu mutó. ³¹ Ɔ́ɛ laláɛ amu bokokóli Yesu ɔ́bée, ɔ́mágya amú yówa ɪlán klúklúúklúá ɪma ɔ́kato.†

³² Mprákuo tsɔ́tsɔ́tsɔ́ aku budegýí okúku kusu inu fún. Mú su ɔ́ɛ laláɛ amu bokokóli Yesu bée, ɔ́há abuyowie mprákuo ámutó. Ɔ́leha amú ɔ́kpa ɔ́bée buyó.

³³ Inunu bedalí oyin ámutó yówie mprákuo ámutó, amú fée besrí kpákplí okúku amu wíé ɔ́puto, wúwu.

³⁴ Bréá mprákuo akpapú ámu bowun t́á ɪlaba a, besrí yéblí asón ánfí wúluto pú ɔ́má ámutó. ³⁵ Inu ahá beba beki t́á ɪlaba. Bowun ání oyin ámutó tekí ɔ́ɛ laláɛ bubu mutó ámu ansító ladí, alawá atadié otsie Yesu wá. ɪlɔ́wa amú ifú.

³⁶ Ahá ámutó bowun ɪt́ó ámutó ɪleba amu bebláa amú alíá oyín ámutó ɔ́ɛ laláɛ bubu mutó ámu lénýa mu ɪlɔ́tsá. ³⁷ Ɔ́má ámutó ahá fée bokokóli Yesu bée, ɔ́dálí amú ɔ́mátó, tsúfé ifú lehie kítá amú. Mú su Yesu lówie ɔ́klon ámutó ɔ́bée amunati.

³⁸ Oyin ámutó tekí ɔ́ɛ laláɛ tsie mutó ámu lókokóli mu ɔ́bée, “Ha mí ambuo fu yɔ́.” Táme Yesu méha mu ɔ́kpa.

³⁹ Mboún ɔ́lebláa mu ɔ́bée, “Yinki yɔ́ wóyí, afuyébláa mlí pí toyiléá Bulu labwé há fú.”

Mú su oyin ámu léki wúlu amu fée fiá, ɔ́de toyilé ámutó Yesu labwé há mu amu blí wúlu ámutó fée.

*Ɔ́hande Ɔ́ku Mu Bi Mva Ɔ́tsi Ɔ́ku ɪlɔ́ Tsa
(Mateo 9:18-26; Marko 5:21-43)*

⁴⁰ Bréá Yesu léyinkí yówie ɔ́pu amu ɔ́bin a, ɔ́dom bɔ́hɔ́ mu atúu, tsúfé buɛ mu ɔ́kpa kí. ⁴¹ Inu oyin ɔ́kúá butetí mu Yairo, ogyi Yudafɔ́ ofiakpa ɔ́hande léba beɔ́a akpawunu mu ayabitó, kókoli mu ɔ́bée, ɔ́bá abuyɔ́ mu wóyító. ⁴² Mu bi tsíhé ɔ́kule péá ɔ́bu, alahɔ́ nfi dúanyɔ́ da odewu.

Bréá Yesu lópu ɔ́yó inu á, ɔ́dom ámutó bubuo mu amu beɔ́kpa buo mu yee. ⁴³ Ɔ́tsi ɔ́kúá obugya ɔ́de mu wolí nfi dúanyɔ́ ní, ɔ́haa mókótálí tsá mu, alayíntá mú ɪwísu ató fée ɪlɔ́ atsapó ɪbitó bu ahá ámutó. ⁴⁴ Ɔ́tsi ánfí lótsun yɔ́ Yesu ɔ́ma, pú ɪbí da mu tati osiebí. Inunu obugya amu leka itin. ⁴⁵ Múú Yesu léfité ɔ́bée “Ma lápú ɪbí da mɪ?”

Bréá ahá ámu fée bée bumɔ́kópú ɪbí da mu a, Petro léfité Yesu ɔ́bée, “Mí Wíé, ɔ́dom ánfí bupu fú ánfí á, mú fúɔ́de asón ánfí fité?”

⁴⁶ Táme Yesu léblí ɔ́bée, “Ɔ́ku lapú ɪbí da mɪ. Nawun ání ɔ́ɛ kɔ́ ladálí mɪtɔ́.”

⁴⁷ Bréá ɔ́tsi ámu lówun ání ɪt́ó ámutó mabwé ámu lalin ɔ́wan á, ɔ́ledalí ba. Ɔ́ɔ́ekpinkí kpakpakpakpa, ɔ́leyéda akpawunu Yesu ayabitó, bláa mu ahá ámu fée ansító t́á súá mɔ́pu ɪbí da mu, pú alíá manyá ɪlɔ́tsá. ⁴⁸ Inu Yesu lébláa mu ɔ́bée, “Mí bí, fú hógyi latsá fú ɪlɔ́. Natí iwílwíitɔ́.”

⁴⁹ Bréá Yesu bu mu t́í anfisú á, ɔ́ku lésrí tsú Yairo wóyító ba bebláa Yairo ɔ́bée, “Fú bí ámu ɔ́dikpa mɔ́wa alé. Mátepí trá wa osunápó t́í.”

⁵⁰ Bréá Yesu lónu asón ánfí á, ɔ́lebláa Yairo ɔ́bée, “Mánya ifú. Fú mú hogyi wule, obénýa nkpa.”

⁵¹ Bréá Yesu lówie wóyító inu á, ɔ́meha ɔ́haa obuo mu yɔ́ obuá kebi ámu da mótó, dun Petro, Yohane, Yakobo pú kebi ámu akwíúpó. ⁵² Alí bré ámutó á, ahá ámu fée buɛsú, buɛ okitikíti. Yesu lébláa amú ɔ́bée, “Mlisi okitikíti surá. Ɔ́mɔ́kúwú, dídí ɔ́ɛ.”

† 8:31 ɪlán klúklúúklúá ɪma ɔ́ka gyí ɔ́ɛ laláɛ ɪsu ɔ́bitíkpa.

⁵³ Ahá ámu fée buyin ání otsibi amu lawú. Mó su bɔmɔsí Yesu. ⁵⁴ Inu Yesu léktá otsibi amu ibi, kpólí mu ɔbée, “Obí, kusu!” ⁵⁵ Ɔhɛ lɛlawíé mu, ɔɔkusu lí ɔtsáwule pé. Mú Yesu lébláa amú ɔbée, “Mlɛdunka tɔku ha mu ogyi.” ⁵⁶ Ɔnó lobwie otsibi amu akwíró, táme Yesu léda amú ɔlá ɔbée, “Mlɛmábláa ɔhaa asón ánfí.”

9

Akasípó Dúanyɔ Amu Sumbiwa (Mateo 10:5-15; Marko 6:7-13)

¹ Yesu létí akasípó dúanyɔ ámu fia, ɔleha amú túmi, há amú ɔkpa ɔbée, bugyáa ɔhe láláhe fée, abutsa ilo. ² Ɔlɔwa amú ɔbée, buyéda Bulu iwíegyi ámu ɔkan, abutsa alɔpu. ³ Ɔlebláa amú ɔbée, “Ní mlɔyó á, mlɛmátsu tɔtɔ. Mlɛmátsu oyi yíáhé, akpankogyo, atogyihe, kóba ntée atadie nyɔɔsi. ⁴ Wóyígyíwóyítá bóhɔ mli á, mlɛtsia inu yófun ekeá mlédali wúlu amuto. ⁵ Ní bɔmɔhɔ mli wúlu kusu, mlédali mlɔyó á, mlɛkpakpa mli ayabitɔ-isi wuli wúlu amuto, isuna ání bɔmɛbi bwé.”

⁶ Benatí kí nsíné inu awúlu féesú, bɔde asun wankláán ámu ɔkan da, tsá ilo.

Herode Légyigyáa (Mateo 14:1-12; Marko 6:14-29)

⁷ Bréá Galilea ɔmáso ogyíró Herode lónu tóá ide mósú yɔ á, olegyigyáa. Tsúfé aku bɔdeblí bɛɛ, “Asú Ɔbɔró Yohane lakúsú tsú afúlitɔ.” ⁸ Aku é bɛɛ, “Bulu ɔnósó ɔtɔíró dada Elia lálé iwí ɔwan.” Aku é bɛɛ, “Bulu ɔnósó atɔíró dada amuto ɔku lakúsú tsú afúlitɔ.” ⁹ Herode léblí ɔbée, “Nahá batɛn Yohane. Ngya oyin ɔmɔmu iwí asón ntráa ndenu alí?” Mó su ɔlɔbɔ mbódí ání mówun Yesu.

Ahá Mpím-nu Atogyihe Ha (Mateo 14:13-21; Marko 6:30-44; Yohane 6:1-14)

¹⁰ Yesu sumbí ayɔró amu beyinkí bá bebláa mu tóá bayóbwɛ. Ɔlekpa amú buo iwí, amú nkule bɔyɔ Betsaida wúluto. ¹¹ Bréá ɔdɔm amu bebi ání ɔbu inu á, begya mu ɔkpa yó inu. Yesu lóhɔ amú atúu, ɔlebláa amú Bulu iwíegyi amu iwí asón, ɔletsá amúá bɔdelɔ.

¹² Bréá owí depóon a, sumbí ayɔró dúanyɔ ámu beba bebláa Yesu bɛɛ, “Ha amú abɔnatí, méní bétalí yó awúlu ání ibu mantáa nfisɔ yódunká atogyihe móa ɔdikpa, tsúfé animéenya tɔtɔ há amú dimbí ánfítɔ.”

¹³ Táme Yesu léle mó ɔnó ɔbée, “Mlɛdunka ató ha amú abugyi.”

Akasípó amu bebláa mu bɛɛ, “Tóá anibu fée gyí bodobodo apin anu pó ntsutso iye bwáhé anyɔ. Nkétí anɛlayóhɔ atogyihe ba ahá ánfí fée.” ¹⁴ (Ayin ání bubu inu bóbwe fé mpím-nu (5,000).)

Yesu lébláa akasípó amu ɔbée, “Mliha amú abotsia okútɔ. Iku kule ibwée fé ahá aduenu (50).”

¹⁵ Akasípó amu bɔbwɛ dínká mósú, ɔhagyíɔha létsiá asi. ¹⁶ Inu olotsu bodobodo anu pó ntsutso iye bwáhé anyɔ ámu. Inu olotsu ansí fúá kí ɔsúsú, ɔléda Bulu ipán. Mú olebiabía mótó póhá akasípó amu ɔbée, buyée mó ha ahá ámu fée abugyi. ¹⁷ Amu fée begyi mwe sian. Bréá akasípó amu bɔtɔsí isianhe amu a, ilɔbulá alakpá dúanyɔ.

Ɔhá Aní Yesu Gyí (Mateo 16:13-19; Marko 8:27-29)

¹⁸ Eke ɔku Yesu nkule dé mpái bɔ, mu akasípó amu bubu inu. Mú ɔlefíté amú ɔbée, “Ma ahá bɛɛ ngyi?”

¹⁹ Bele mó ɔnó bɛɛ, “Aku bɛɛ, fúgyí Asú Ɔbɔró Yohane. Aku bɛɛ, Bulu ɔnósó Ɔtɔíró Elia. Aku é bɛɛ, Bulu ɔnósó atɔíró dada ɔku lakúsú tsú afúlitɔ.”

²⁰ Múú òlefíté amó òbée, “Mlí é mé? Mlíha mígyí ma?” Petro léle mú ònó òbée, “Fúgyí Kristo, (òhá á múú Bulu ladá mu ofúli amu) ní.”

Yesu Iwiasin Pó Mv Lowu Iwí Asón Bli
(Mateo 16:20-28; Marko 8:30-9:1)

²¹ Inu Yesu léda amó òlá kpákpáákpá òbée, bómábláa òhaa mu iwí asón ánfí. ²² Òlètrá bláa amó òbée, “Ìlehíán ání mí, Nyankpasa-Mv-Bi ánfí néhíe wun iwiasin tsòtsòtsò Yudafo ahande, Bulu igyí ahapó dehen pó Mose mbíla asunápó ìbító; amó fée békiná mí, há bómo mí, táme Bulu òbélakúsúa mí tsú afúlitò eke sáásí.”

²³ Inu òlèbláa ahá ámu òbée, “Ní òku dékléá obóbúo mí á, osíi tóá otekle bwe, otsu mu oyikpalíhe ekekegyíeke bobuo mí. ²⁴ Tsúfè ní òku léprí mu nkpa á, òbóhulí mú. Ní òku é lési mu nkpa há mí su é á, Bulu òbóhò mu nkpa. ²⁵ Ní òku onyá oyító ató fée, táme òhulí mu òkláa a, labi mòmú òlòwa há mu? ²⁶ Ní òku onyá mía mí atosunáhé péli a, mí, Nyankpasa-Mv-Bi ánfí é nénýa mu péli bréá nna mía mí Sí pó mu abòpú wánkíhé numnyamtò ne bá. ²⁷ Ònòkwali nde mlí bláa. Àku búbu mlítò nfí bómóowu asa bówun Bulu iwíegýí amu.”

Yesu Iwitsée
(Mateo 17:1-8; Marko 9:2-8)

²⁸ Yesu léblí asón ánfí ndawótswí òma a, òlekpa Petro mva Yohane pó Yakobo búo iwí, bódú yó mpái òbòkpá ìbú kúsu. ²⁹ Bréá òde mpái ámu bò á, mu ansító letse. Mu atadié lofulí húnánáná, ide ogyá kpa. ³⁰⁻³¹ Inu á, ahá abanyó ání batsiá kí, búgyi Mose mva Elia bele iwí òwan òsósú numnyamtò. Amóa Yesu bótóí tsú mu lowuá Bulu léhíe tswí mu ání ìmóowa òpá obówu Yerusalem iwí. ³² Petro mva mu aba ámu bedídi. Bréá bòwan tsinkí á, bowun Yesu numnyam, ahá abanyó ámu é bulí mu wá. ³³ Bréá ahá abanyó ámu búdenatí á, Petro lébláa Yesu òbée, “Mí Wíé, ìbú aléá abétsiá nfí. Ha ada abú asa. Fú klé kúle, Mose klé kúle, Elia é klé kúle.” (Òmèbí tóá òdeblí).

³⁴ Bréá òde asón ánfí blí á, agyinde kú lobobun amó féesú. Inu ifu lekítá amó abasá ámu. ³⁵ Inu á, òme kú ledalí tsu agyinde amutò òbée, “Òní gyí mí Bía nalé ní. Mlíyaa asu amlínu mu òme.”

³⁶ Òme amu lótsutsúa ìbeka tin á, ìlasí Yesu nkúle inu. Akasípó amu bekpa ònó bun asón ánfísu nke ámutò. Búmèbláa òhaa itóá bayóowun.

Ìlò Dídahe Òlópú Tsa
(Mateo 17:14-18; Marko 9:14-27)

³⁷ Mú oyí kèhe a, Yesu mva akasípó abasá ámu bekplí tsú ìbú ámúsu, òdòm amu befia mu. ³⁸ Inu amótó òku lókplòn òbée, “Osunápó, kókoli, damli kí mí bí ha mí. Obi yinhé òkúle pé ogyi mí. ³⁹ Òñe laláhe kú towíé mutò, òtòkplòn. Òtedida gbíla, òdekò tsikitsiki, mu ònó tòbwé afu. Ipíantò asa itesí mu, ide mu yintá.

⁴⁰ Nobobwíí ìpa há fú akasípó amu mbée, búgyáa mú le mutò, táme búmetalí.”

⁴¹ Yesu léle mú ònó òbée, “Ndamba-abíá mlumá hógyi, mlí tsiátó ma ale. Alí nétsiá mlí wá, nyá klòn há mlí ekekegyíeke ní?”

Inu òlèbláa oyín ámu òbée, “Kpa fú bí ámu ba mí.” ⁴² Bréá òlekpa kebi ámu òbá á, òñe laláhe amu léfin mu dá, òdekò tsikitsiki. Táme Yesu lókplòn wa òñe laláhe amu, tsá kebi ámu. Inu oleyinkía mu há mu sí. ⁴³ Bulu túmí kpònkpòntí ámu leha ònó lobwie ahá ámu fée.

Yesu Lowu Iwí Asón Bli Otse Nyòsì
(Mateo 17:22-23; Marko 9:30-32)

Bréá mu bwèhé ide òhagyíòha wánwan wa á, Yesu lébláa mu akasípó òbée, ⁴⁴ “Mlíhe yaa asu amlínu. Béle mí, Nyankpasa-Mv-Bi ánfí há adón bómo mí.”

⁴⁵ Táme akasípó amu bomonu mú asi. Bulu lópu mú asínu njáín amó. Mú su ìmòwankí amó asón ání òdeblí. Ifú é de amó ání bífíté mu.

*Ma Ɔbóbwe Ɔhande?**(Mateo 18:1-5; Marko 9:33-37)*

⁴⁶ Nwéen ku léba akasípó amu nsiné, tsú amótó ɔhá ání ɔbóbwe ɔhande iwi.
⁴⁷ Yesu lébi amó agywun. Mó su ɔlekpa kebi ɔku belí mu iwi wá. ⁴⁸ Mú ɔlebláa amó ɔbée, “Ɔhagyíɔha ání ɔlɔhɔ kebi ánfí mí dátó lahɔ mi. Ɔhagyíɔha ání ɔhɔ mi é lahɔ ɔhá ámuó ɔlɔwa mí ámu. Tsúfé ɔhá ání ogyi ɔtráhe mlito fée gyí ɔdéhen.”

*Ani Obúopu**(Marko 9:38-40)*

⁴⁹ Yohane lébláa Yesu ɔbée, “Mí Wíé, anilówun oyin ɔku dépu fú dá gya ɔhe laláhe, aniléka mu tin, tsúfé ɔma anito.”

⁵⁰ Táme Yesu lébláa amó ɔbée, “Mlímáka mu tin! Tsúfé ɔhá ání ɔmakúsú líi mlisu buo mli.”

Samariafo Bumɔhɔ Yesu

⁵¹ Bréá nkeá Bulu obótsu Yesu ya ɔsúsú dekpokpé ba a, ɔlɔbwe agywun ání ɔbóyɔ Yerusalem kokooko. ⁵² Ɔlɔwa abí gyankpá yó Samaria wúlu kusu ɔbée, buyéla mu ya ha mu. ⁵³ Táme bumɔhɔ mu wúlu amoto, tsúfé Yerusalem ɔyó.
⁵⁴ Bréá mu akasípó Yakobo mua Yohane bowun alí á, befité mu bee, “Ani Wíé, fudeklé fée ahá ogyá itsu ɔsúsú bɔhɔ amó mó?”

⁵⁵ Táme Yesu lédamlí, wá iyin wá amó. ⁵⁶ Mú bɔpu ɔkpa yó wúlu bámbásó a.

*Ahá Aní Bee Bóbwe Yesu Abúopu**(Mateo 8:18-22)*

⁵⁷ Bréá buna ɔkpatɔ bɔyó á, oyin ɔku lébláa Yesu ɔbée, “Nóbuo fu yó ɔtíneyíótínéá fɔyó.”

⁵⁸ Yesu lébláa oyin ámu ɔbée, “Awíá bubu mbó, mbubwi é bubu asia, táme mí, Nyankpɔsa-Mu-Bi ánfí mú á, mma ɔtínéá nópu mí nwun tswi.”

⁵⁹ Yesu lébláa ɔha bambá é ɔbée, “Bobuo mi.”

Táme oyin ámu lébláa mu ɔbée “Owíé, ha mí anyopulá mí sí asa ambobuo fu.”

⁶⁰ Mú Yesu lébláa mu ɔbée, “Si awupó† abopula amó afúli. Táme fú mó yó afuyeda Bulu iwíegyí ámu ɔkan.”

⁶¹ Ɔku é lébláa mu ɔbée, “Mí Wíé, nóbuo fu, táme ha mí anyinki yeklá mí wóyító ahá asa.”

⁶² Yesu lébláa mu ɔbée, “Ɔhá ání ɔtesrí dámlí kɪ ɔma mófun ha Bulu iwíegyí ámu ɔ agyómá yɔ.”

10*Akasípó Aduesienó-nyɔ Sumbi Wa**(Mateo 10:7-16)*

¹ Iní ɔma a, Yesu léle mu akasípó aduesienó-nyɔ (72)* aku é, ɔlɔwa amó abanyó-abanyó ɔbée bogyánkpa yó wúlugyíwúluá mu onutó móyɔ músó.

² Ɔlebláa amó ɔbée, “Atɔ kpatíhé amu itsɔ, táme mú akpatípó bumɔtsó. Mó su mlíkòkoli ndɔ mu wie, ɔwa akpatípó tsɔtsɔ abuba bɔkpatí mu ató ámu.

³ Mlinati, mlibi ání nde mli wa fé akúfabi ɔyó adúndutɔ. ⁴ Mlímátsu sika kente, akpankogyo ntée ntukuta kítá. Ní mliná ɔkpatɔ á, mlímálí tóntun ahá. ⁵ Ní mlowíé wóyígyíwóyítóá a, mligyankpa bla amó mliaa, ‘Bulu ɔhá mli iwilwii.’

⁶ Ní wóyí mu wie amu tekle iwilwii a, mli iwilwii bésin wóyí ámu su. Táme ní ɔtamakle iwilwii a, ibésankí bá mli wá. ⁷ Mlitsia wóyí ámuó bɔhɔ mli mótó

* **9:55** Iní bu nwóló dada amu akoto: Ɔbée, “Mlíméyin ɔhé oduá ide mli kpa. Tsúfé Nyankpɔsa-Mu-Bi ámu méba ahá ɔmakpá, nkpa ɔhókpa ɔleba.” † **9:60** Awupó gyí ahá ání bawú ɔjéto. * **10:1** Aduesienó-nyɔ (72): Aduesienó (70) bu nwóló ámu akoto.

ámuto. Mligyi ató, amlinu tógyítá béha mli, tsúfé agyómá ɔyɔpú buteká ɪkɔ. Mlimátu láyétsiá wóyí bámbátó. ⁸ Ní mlowié wúlu kusu, bɔhɔ mli á, mligyi tóá béha mli. ⁹ Mlitsa alɔpɔ ání bubu wúlu amuto, amlibla wúlu amuto ahá mliaa, ‘Bulu iwíegyi lawíé wóyí tá.’ ¹⁰ Táme ní mlowié wúlu kusu, bumɔhɔ mli á, mlidalí yelí brɔnusu, amlibli mliaa, ¹¹ ‘Anidé mli wúluto otútúu amóú ilawólí aní ayabiasí amu kóráá kpakpáa wólí. Táme mlibi ání Bulu iwíegyi ámu lawíé wóyí tá.’ ¹² Nde mli bláa mbéé, Bulu ɔbébití wúlu amuto ahá ɪsu don Sodomfo mu asón ogyíké amu.

Ahá Aní Bumedamli Klɔntɔ Asóngyi
(Mateo 11:20-24)

¹³ “Korasinfo, mligyɔwɪ. Betsaidafɔ, mligyɔwɪ ní. Ní Tiro pú Sidon awúlu laláhe amuto nɔbwe ofúla akpɔnkpɔnti ání nɔbwe mlito ání á, tekɪ buda akpekpetɔ, bakpá nsúó wá nwunto púsúná ání badámlí klɔntɔ. ¹⁴ Táme mlibi ání Bulu ɔbébití mli ɪsu mu asón ogyíké don Tiro móa Sidonfɔ. ¹⁵ Mli Kapernaumfɔ, mlidéklé mliaa mlótsu ɪwɪ fúá alu yówɔ ɔsúsú? Ekekεεεε! Bulu ɔbéba mli así yówie afúlito.”

¹⁶ Yesu lébláa mu akasípú amu ɔbéé, “Jhá ání jhɔ mli asón lahɔ mli. Jhá ání olekiná mli asón hɔ lakíná mí asón hɔ. Jhá ání olekiná mí asón hɔ é lakíná mí Sí amóú ɔlɔwa mí ámu asón hɔ.”

Akasípú Aduesienó-nyɔ Ámu Yinkí Ba

¹⁷ Akasípú aduesienó-nyɔ ámu beyinkí ba ansigyísú. Bebláa Yesu bεε, “Aní Wíé, ní akplón wa ɔhe laláhe kóráá fú dátó a, butobú aní.”

¹⁸ Yesu lébláa amó ɔbéé, “Nowun ání Satan lékpa tsú ɔsúsú fε alíá nsaintɔ tɔfwí ibi beda ɔsulótɔ pɔ. ¹⁹ Mlinu! Nahá mli túmi ání mlitsatsa awɔ pú nyankpukpíesu tsun, amligyí Jbunsám túmi féesú. Tɔtɔɔtɔ mɔɔbwe mli. ²⁰ Táme ansí mágyi mli ání ɔhe laláhe labú mli. Mboun ansí igyi mli ání Bulu lawánlín mli adá tswɪ ɔsúsú.”

Ansí Legyi Yesu
(Mateo 11:25-27; 13:16-17)

²¹ Alí bré ámutɔ á, Jhe Wankíhé léha ansí lehie gyi Yesu. Múú ɔleblí ɔbéé, “Mí Sí, ɔsú mua así Owíé! Nedá fú ipán ání falé tóá fɔpɔnjáín anyansapɔ pú asón abípú ɔwan súná ahá ání bumeyín ɔlala, bɔgyi fε nyebí. Ee, Mí Sí! Alí fudeklé fεε ibá mótó ní.”

²² Múú ɔlebláa mu akasípú amu ɔbéé, “Mí Sí lapó tógyító wá mí ibitɔ. Jhaa méyín jhá ání Obí ámu gyí, nkéti Jsi ámu nkule. Jhaa méyín Jsi ámu é, nkéti Obí ámu, pú jhá ání Obí ámu latsúlá ání ɔbéle mu súná mu.”

²³ Bréá jhaa má amó wá á, ɔledamli kɪ amó, bláa amó ɔbéé, “Mli mó á, Bulu layúlá mli, mlidé ató ání wúun. ²⁴ Nde mli bláa mbéé, Bulu ɔnósú atóipó pú awíé tsɔtsɔtsɔ bekle ání bówun ató ání, abonu asón ání mlidénu, táme bumenya mó alí.”

Samariayin Awitɔlepɔ Jkɔ

²⁵ Mose mbla osunápú ɔkɔ lókusú líí fíté Yesu asón ání púsɔ mu kɪ. Jlefíté mu ɔbéé, “Osunápú, ntɔ mbwéé asa anya nkpa ání itamatá?”

²⁶ Yesu lébláa mu ɔbéé, “Nkálí Mose Mbla léblí? Nkálí fonu mó así?”

²⁷ Oyin ámu lébláa mu ɔbéé, “Pɔ fú klɔn, fú ɔkláa, fú ɔwɔnlín pú fú agywun fée dwe fú Wíe Bulu, afɔdwe fú bá fε fú ɪwɪ.”

²⁸ Yesu lébláa mu ɔbéé, “Mú fablí á. Bwe mó, fénya nkpa ání itamatá.”

²⁹ Táme oyin ámu lékléá obósuná ání mó asón da ɔkpa. Mó su ɔlefíté Yesu ɔbéé, “Ma gyí mí bá?”

³⁰ Yesu lébláa mu ɔ́bée, “Bré kusu oyin ɔ́ku lékplí tsú Yerusalem ɔ́yó Yeriko. Bréá ɔ́na ɔ́kpatɔ́ á, oleyéfia ogyo atswapó aku. Ahá anfi bekpa mu tati, swíí mu ató fée, dá mu sian mu ma, náti sí mu tswi. ³¹ Bulu igyí ɔ́hapó ɔ́ku ná ɔ́kpa ámu kénsó. Bréá olowun mu sísí á, ɔ́lebaí tsun ifóntó náti sí mu. ³² Alí kén Lewiyin ɔ́ku é lóbatu mu, báí tsun ifóntó náti ní. ³³ Táme Samariayin ɔ́kuá ɔ́ná ɔ́kpa ámusu mú léba bowotií musu. Bréá olowun oyin ámu a, ɔ́lɔ́wa mu nwe. ³⁴ Ɔ́lenatí yótu mu. Ɔ́letséi nta kpekplé wólí mu nlɔ́su, yí ofobí wá mú, klí mú, tsú mu dínká mu afrímúsú, pó mu ya afóó ɔ́swúkpá yéki musu. ³⁵ Mú ɔ́yi kéhe a, Samariayin amu léle sika fututú anyo há afóó ɔ́swúkpá inusu ɔ́kípu ɔ́bée, ‘Kí musu ha mi. Ní feyintá tɔ́ku tsía a, neyínkí néka fú.’ ”

³⁶ Yesu lómó mú ɔ́nó ɔ́bée, “Fú ató kiheto á, ahá abasá ánfito ɔ́mɔ́mu gyí oyin ámuó olefia ogyo atswapó ámu mu ba?”

³⁷ Mose mbala osunápó amu lébláa mu ɔ́bée, “Oyin ámuó olowun mu nwe ámu.” Yesu lébláa mu ɔ́bée, “Mómó yo afuyɔ́bwe mú odu.”

Marta Mba Maria Wá Yo

³⁸ Bréá Yesu mba mu akasípó buna ɔ́kpatɔ́ bɔ́yó Yerusalem a, bowie wúlu kusu. Ɔ́tsi ɔ́kuá butetí mu Marta lóhɔ́ mu ɔ́fóó, ɔ́lekpa mu ya mu wóyító. ³⁹ Mu pio tsihé gyí Maria. Maria anfi lébetsiá Yesu ayabiasí, ɔ́de mu atosunáhé nu. ⁴⁰ Marta nkule dédamli tsun móttó, alíá ɔ́bɔ́bwe ɔ́bɔ́bwe amó afóóto. Uɔ́dun mu. Múó ɔ́lenatí yó Yesu wá, yéfité mu ɔ́bée, “Mí Wíé, fawun ání mí píó lasí agyómá ámu fée tswi mi nkulesu? Bla mu ɔ́betsa mí.”

⁴¹ Yesu lébláa mu ɔ́bée, “Oo Marta, Marta! Fude fú iwi háan ntobí tsɔ́tsɔ́tsɔ́ iwi. ⁴² Toku kole pé déhián, Maria lalé múá ibu alé dun. Ɔ́haa méetalí swíí mu.”

11

Mpáibɔ́ Iwi Atosundhé

(Mateo 6:9-13; 7:7-11)

¹ Eke ɔ́ku Yesu bu ɔ́tineku ɔ́de mpái bɔ́. Bréá ɔ́lɔ́bɔ́ mpái ámu tá á, mu akasípó amuto ɔ́kule lébláa mu ɔ́bée, “Mí Wíé, suna aní mpái bɔ́ fée alíá Asú Ɔ́bɔ́pó Yohane lósuná mu akasípó.”

² Yesu lébláa amó ɔ́bée, “Ní mlóbɔ́ mpái á, mlibɔ́ mú alí.
‘Aní Sí,

ahá bobúu fú dá.
Ba begyi iwíé.

³ Ha aní atogyihéá ɔ́bɔ́fun aní ekekegyíeke.

⁴ Si aní lakpan kie aní,
fée alíá anitesíkié ahá ání butɔ́pó ilá gyi aní.
Mákpa aní wá ísókito.’ ”

⁵ Inu ɔ́lebláa amó ɔ́bée, “Ní mlito ɔ́ku bu onyawíé a, ɔ́bókusu yó mu wá ɔ́yínsiné yébláa mu ɔ́bée, ‘Mí nyáwíé, pan mi bodobodo apin asa. ⁶ Mí nyáwíé ɔ́ku labɔ́swíí mí sésééséi. Mma tɔ́tɔ́á néha mu obégyi.’

⁷ “Mu nyawie amu ɔ́bébláa mu sísí ɔ́bée, ‘Máwa mí tói. Mía mí abí aniladí. Nafin obu, mméetalí kúsú beha fú tɔ́tɔ́.’ ⁸ Nde mli bláa mbée, fialí onyawíé ɔ́kpasu á, ɔ́móókusu há mu. Táme alíá ɔ́de mu kokóli kótóó su á, ɔ́bókusu há mu alíá odeklé.

⁹ “Mú su nde mli bláa mbée, mlikuli Bulu, ɔ́béha mli. Mlidunka, mlówun. Mlida mu klonsu, obéfinkí mú há mli. ¹⁰ Tsúfée ɔ́há ání ɔ́tɔ́kólí ató tenyá. Ɔ́há ání otodúnká ató towun. Ɔ́há ání ɔ́tedá klonsu bótefinkí há. ¹¹ Ɔ́sí ɔ́mɔ́mu bu inu, mu bi ɔ́kólí mu iye a, ɔ́békitá iwɔ́ wá mu ɔ́bitó? ¹² Ntée ní ɔ́kólí mu bɔ́no a, ɔ́békitá nyankpukpie wá mu ɔ́bitó? ¹³ Mli lakpan abwepó kóráá mliyin alíá butɔ́pó ató wankláán há mli abí. Ntogyi só mli Sí ámuó ɔ́bu ɔ́súsú ámu mú móɔ́pu Ɔ́he Wankíhé há ahá ání bude mu kulí?”

*Yesu Mva Beelsebul**(Mateo 12:22-30; Marko 3:20-27)*

¹⁴ Yesu légya ɔɛ laláɛ lé oyin ɔkwa alatɔ omúmuto. Bréá ɔɛ laláɛ amu lédali a, oyin ámu lówa tɔ́ bi. Mú su ɔ́nɔ lobwie ɔdɔm amu. ¹⁵ Táme amótɔ́ ako beblí beɛ, “Ɔɛ laláɛ owíe Beelsebul túmi ɔdeɔgya ɔɛ laláɛ lé ahátɔ.”

¹⁶ Amótɔ́ ako é bekleá bɔsɔ Yesu ki. Mú su bebláa mu beɛ, ɔbwée osúna pɔsuna ání lélé otsú Bulu wá. ¹⁷ Táme Yesu lébi amó agywun. Mú su ɔlebláa amó ɔbéɛ, “Iwíe ogyíkpa ání ɔlaye anyɔ, buɔɔ aba kɔ tɛɔɔ. Wóyí oduá mótɔ́ atsiáɔ́ buɔɔ aba kɔ é tobwíé. ¹⁸ Ní Satan iwíe ogyíkpa labɔ́i anyɔ, buɔɔ aba kɔ á, mu iwíegyi bédɔɔ. Táme mɔ́ɔ́ɔ́ mɔ́aa, Beelsebul dátɔ́ nde ɔɛ laláɛ gyáa le ahátɔ. ¹⁹ Ní Beelsebul túmi ndeɔgya ɔɛ laláɛ lé ahátɔ á, mómú ma túmi mli abí é buɔdeɔgya ɔɛ laláɛ lé ahátɔ? Mli abí ámu onutɔ́ obégyi mli asón. ²⁰ Táme íniá Bulu túmi ndeɔgya ɔɛ laláɛ su á, mli abí ání Bulu iwíegyi ámu laba mli wá dodo.

²¹ “Tsúfé ní ɔwɔnlínɔ́ bu akɔ́tɔ́, ɔɔɔ mu wóyí gyo a, mu tɔ́tɔ́ tamafwí. ²² Táme ní ɔhá ání ɔbu ɔwɔnlín dɔn mu ɔbá begyi musu á, ɔ́tɔ́swí mu mu akɔ́tɔ́ ámuó mu ansi dín mósú ámu, yée mu atɔ́á olenya étɔ́.

²³ “Ɔhá ání omobuo mɔ́ dé mɔ́ lu. Ɔhá ání ɔmedé mɔ́ tsa akpa ahá ba Bulu é dé amó gyáa tɛ́ia mɔ́.

*Ɔɛ Laláɛ Yinkí Ba Ɔhatɔ**(Mateo 12:43-45)*

²⁴ “Ní ɔɛ laláɛ ɔdali ɔhatɔ á, iteyéki dimbísú dúnká otsiákpá, táme ɔ́tamanyá. Inu ɔ́teblí ání ibéyinkí yó mú wóyí dadatɔ́. ²⁵ Ní ɔ́sánkí yó á, ɔ́towun ání baféi mótɔ́, lá mótɔ́ wankláán. ²⁶ Iteyínkí yékpa mú aba asienó ání butɔ́bwé laláɛ dɔn mu, butɛba betsiá inu. Inu ɔhá ámu tsiátɔ́ teyíntá dɔn alíá igyi yáí.”

Oyúla Onutɔ́

²⁷ Bréá Yesu dé asón ánfɔ́ blí á, ɔ́tsɔ́ ɔ́ku bu ɔ́dɔm amutɔ́. Ɔ́tsɔ́ ámu lótsu ɔ́me fúá blí ɔ́béɛ, “Bulu layúlá ɔ́púni amó́ fɛɔ́ mótɔ́ pɔ́ nyóɔ́ amó́ fɔ́nyɔ́pɔ́ ámu.”

²⁸ Táme Yesu lébláa mu ɔ́béɛ, “Ahá ání butonú Bulu asón, gyí mósú mbóún Bulu layúlá!”

*Bodunká Ofúla**(Mateo 12:38-42)*

²⁹ Bréá ɔ́dɔm amu buɔdemoní tsíá a, Yesu léblí ɔ́béɛ, “Nɔ́ɔ́mba-abí laláɛ, mɔ́ɔ́ɔ́ osúna dunká amlɔ́wun, táme mɔ́móowun kɔ́kɔ́kɔ́ dɔn Bulu ɔ́nɔ́sɔ́ ɔ́tɔ́pɔ́ Yona osúna amu. ³⁰ Tsúfé alí ámuó Yona lóbwe osúna há Niniwefɔ́ ámu a, alí mɔ́, Nyankpɔ́sa-Mu-Bi ánfɔ́ é nóbwe osúna há nɔ́ɔ́mba-abí ní. ³¹ Seba owíe tsihé ɔ́bókɔ́sɔ́ líí Bulu asón ogyíké, há mli nɔ́ɔ́mba-abí ánfɔ́ ɔ́pón. Tsúfé olotsu ɔ́saasí ɔ́má kɔ́tɔ́ kéín gya ɔ́kpa ba, bonu Salomo nyánsa atosunáhé. Mliki, ɔhá ání ɔ́dɔn Salomo líí nfi á. ³² Niniwefɔ́ é bókɔ́sɔ́ líí Bulu asón ogyíké ámu, há mli nɔ́ɔ́mba-abí ánfɔ́ ɔ́pón. Tsúfé bréá Yona léda Bulu asón ɔ́kan súná amó á, beɔdamlí klɔ́ntɔ́ ba Bulu wá. Mliki, ɔhá ání ɔ́dɔn Yona onutɔ́ líí nfi á.

*Nyankpɔ́sa-oyí Ɔkandíe**(Mateo 5:15; 6:22-23)*

³³ “Ɔ́haa tamanywé ɔ́kandíe pónáín, ntée pɔ́ ɔ́lɔ́ bun mósú. Ɔ́fuákpá ɔ́tɔ́pɔ́bian, ménɔ́ ibɔ́wankí há ahá ání béba wóyí ámutɔ́. ³⁴ Fú ansíbi igyi ɔ́kandíe há fú nyankpɔ́sa-oyí. Ní fú ansíbi bu alé á, fú nyankpɔ́sa-oyí ámu féé bówankí. Táme ní fú ansíbi ma alé a, fú nyankpɔ́sa-oyí ámu féé ibóklun. ³⁵ Mú su mliki ání wankí onutɔ́ bó mliɔ́, megyi oklún. ³⁶ Ní fú nyankpɔ́sa-oyí ámu lówankí, oklún ma ɔ́tɔ́netine a, fú iwí féé bówankí fé alíá ɔ́kandíe tɔ́wánkí wólí fúsú.”

Mose Mbla Asunápó Pó Farisifó Tsiátó
(Mateo 23:1-36; Marko 12:38-40)

³⁷ Bréá Yesu lótoí tá á, Farisiyin oku létí mu ató ogyíkpa mu wóyító. Mú sù Yesu lóyo yétsiá wópónó ámu así. ³⁸ Iḡwa Farisiyin amu wánwan aní Yesu mófwí ibí púgyóra iwí asa ɔde ató ámu gyí. ³⁹ Iní sù Yesu lébláa mu ɔbéɛ, “Mlí Farisifo mlitəfwí mlí nwe pó mlí ablanwé wankláán, táme ɔnsípe móa owuntəlɪn són lábúlá mlí. ⁴⁰ Mlí aha mimláhe, megyí mótó móa mó ɔma fée Bulu lóbwe? ⁴¹ Mlipo mlí atonyahé ámu ha ahiánfə, tógyító iwí bétɪn ha mlí.

⁴² “Farisifo, mligyɔwí ní! Mlitye mlí ɔtsɔtsú pó kpántánkplámá aná féeťó idú, pó idúsi amu há Bulu. Táme mlimédé Bulu mbla ámuó ihíe dehián, igyi asóngyí ɔnəkwali sù pó Buludwe ámu sù gyí. Módéhián ní, táme mlimákiná iyétó dúsi amu é ha.

⁴³ “Farisifo, mligyɔwí ní! Mlitye otsiákpá yíle tsiá Yudafo ofiakpa. Mlitye mlihaa, ahá bəbún ha mlí itsiá dɪnsu. ⁴⁴ Mligyɔwí ní! Mlilabwé fə ntsán aní bəmehie mó nsu*, ahá bətətsun mósó bəmeyín aní ntsán igyi.”

⁴⁵ Mose mbla asunápó amu ɔkule lébláa Yesu ɔbéɛ, “Osunápó, ní feblí alí á, fasiá aní é o.”

⁴⁶ Yesu léblí ɔbéɛ, “Mose mbla asunápó, mlí é mligyɔwí ní! Tsúfə mlitəpó atə dwindwín sórá ahá, táme mlitamapó osrebi ɔkule kóráá tsá amó sùrá.

⁴⁷ Mligyɔwí ní! Tsúfə mlitəpwé Bulu ɔnósú atəípó amóó mlí anáin bəmə ámu ntsán wankláán. ⁴⁸ Iní dəsuná aní mlilatsúlá dínká mlí anáin bwehé ámu sù ní. Tsúfə mlí anáin bəmə amó, mlí é mlilapwé amó ntsán. ⁴⁹ Mú sù Bulu lópo mu nyansa blí ɔbéɛ, ‘Nówa mí ɔnósú atəípó pó mí sumbí ayəpó amótó. Bəmə aku, dínká aku ésó.’ ⁵⁰ Bulu ɔbéfité mlí ndemba-abí ánfí mu ɔnósú atəípó ámu obugya amóó iḡwólí así tsú bréá ɔyí lelɪn ɔpá ámu. ⁵¹ ɔbéfité tsú Habel obugyasu alí bəfɪn Sakaria kləs. Mu bəmə afədie-asubwi móa Bulu ɔtswékpa amu nsíné ní. Ee! Nde mlí bláa mbée, Bulu ɔbéfité mó tsú mlí ndemba-abí ánfí wá.

⁵² “Mose mbla asunápó, mligyɔwí ní! Tsúfə mlidé asónbí sáafi amu. Mliméfínkí wíé, mliméhá ahá ɔkpa é abuwie.”

⁵³ Bréá Yesu lénatí inu ɔyó á, Mose mbla asunápó pó Farisifo ámu bəpu mu iwí ɔbló, yó bəde mu asón tsətsətsə fité púfíní mu yibi, ⁵⁴ kí bəɛ bénya mu ɔnótó asvanku pókítá mu.

12

Apinabwəbɪbwə Iwí ɔláda
(Mateo 10:26-27)

¹ Ig yi alí, bréá ahá mpím-mpím bəba befia inu, bəde aba ayabiasí tsatsáa a, Yesu légyankpá dá mu akasípó amu ɔlá ɔbéɛ, “Mlíki wankláán Farisifo Bodobodotu-afású,* tsúfə apinabwəbí abwəpó bəgyi. ² Tətə má inuá babun ató mósó aní bəmóobwíi mósó. Tógyító é ma inuá ilenjaín aní iméelɪn ɔwan. ³ Bəda asón aní mliləblí nklobító ɔkan. Kugyíkúá igyi, ipló bəbon.

ɔhá Aní Abénýa Ifú
(Mateo 10:28-31)

⁴ “Apíó aba, nde mlí bláa mbée, mlimánýa nyankpusa ifú. ɔbétalí mó mlí ɔyulú, táme ɔméetalí bwé mlí tətə mó ɔma. ⁵ Nósuná mlí ɔhá aní mlinýa ifú. Múgyí Bulu. Mu ɔmó mlí ɔma a, ɔbu túmí tswí mlí ɔkláa é wá isubítí ogyá aní itamaduntə. Ee! Mu mlinýa ifú ní!

* **11:44** Yudafo amándíe ɔnó á, ní fetsá ntsánsú a, ifin lada fu. Mú sù bətekpá mó afá futútú, póhié mó nsu. * **12:1** Farisifo Bodobodotu-afá gyí amó afunu atosunáhé. Kí Mateo 16:12.

⁶ “Afini bɔtɔkukɔ fɛ akɛnsire anu kéké? Megyí kóba ana? Amó kóráá á, Bulu tamatan ɔkukɔsu, ⁷ ménɪ bɛɛ mliá Bulu yin mli nwunsu imi kóráá klátɔ. Mú su mlimánya ifú. Mlibu ibiá dun akɛnsire tsɔtsɔtsɔ!

Adánsiɛgyi Pó Asónkiná

(Mateo 10:32-33; 12:32; 10:19-20)

⁸ “Nde mli bláa mbée, ní ɔku létali gyi mí iwi adánsiɛ ahátɔ á, mí, Nyankpɔsa-Mu-Bi ánfɪ é négyi mu iwi adánsiɛ Bulu-abɔpu ansító. ⁹ Táme ní ɔku lékiná mí ahátɔ á, mí é nékiná mu Bulu-abɔpu ansító.

¹⁰ “Ɔhagyíha ání ɔleblí mí, Nyankpɔsa-Mu-Bi ánfɪ iwi asɔn laláhe a, Bulu ɔbétali sikíé mu. Táme ní ɔku léblí Ɔhe Wankíhé amu iwi abususu a, Bulu méesikíé nde, oméesikíé mu ɔke.

¹¹ “Ní bekpá mli ya Yudafo ofiakpa, ntée ɔmáso agyípo pó awíe ansító á, mlimágywɪn asɔn ání mleblí póká iwi lé ntée alíá mléle mó ɔnó. ¹² Tsúfé Ɔhe Wankíhé amu obósuná mli alíá mleblí alí bré ámɔtɔ.”

Osikani Mimláhe Ɔku Iwi Yébi

¹³ Ɔdam amɔtɔ ɔku lébláa Yesu ɔbée, “Osunápó, bla mí déhen, ɔha mía munyo aye atóá aní sí lési yáí anɔtɔ.”

¹⁴ Táme Yesu léfité mu ɔbée, “Agya, ma léyaí mí asɔn ogyípo ntée atótó oyépu há mli?” ¹⁵ Mú ɔlebláa ahá ámu fée ɔbée, “Mlikɪ wankláán ɔnsíɛwasu, tsúfé nyankpɔsa nkpa ima atonyahé tsɔtsɔtsɔtɔ.”

¹⁶ Inu ɔleha amó yébi ɔbée, “Osikani ɔku ndɔtɔ ató lehie wá alé ofi ɔku. ¹⁷ Mú ɔlefité mu iwi ɔbée, ‘Nkáli nóbwɛ mí ató-abí? Mma ɔtínéá nópuyáí.’ ¹⁸ Inu ɔleblí ɔbée, ‘Nyin tóá nóbwɛ. Nóbwie mí idan, láwá akpɔnkpɔntɪ. Mútó nɔpu mí atíko pó mí ntobí ámu wá ní. ¹⁹ Fówun nabláa mí ɔkláa mbée, ‘Mí ɔkláa, iklɔn idi fú asɪ. Kɪ, fɔbu ató tsɔtsɔtsɔá ida ha fú nfi-nfi. Gyi, afɔnu, ansí igyi fú.’ ²⁰ Inu Bulu lébláa mu ɔbée, ‘Ɔha mimláhe! Onyenɪ nde fú ɔkláa hɔ le fú ibɪtɔ. Ma obégyi ató ánfɪ fakle yáí ánfɪ fée?’ ”

²¹ Yesu lómɔ mú ɔnó ɔbée, “Alí bóbwe ɔhá ání olekle ató yáí há mu iwi ɔsulɔv anfisɔ, táme ɔma tɔtɔ Bulu wá ní.”

Ansí Pɔdínká Bulusu

(Mateo 6:25-34)

²² Inu Yesu lébláa mu akasípo ɔbée, “Mú su nde mli bláa mbée, mlimáhan iwi tóá mlégyi, tóá mlónu pó tóá mlédidá su. ²³ Nyankpɔsa nkpa dehián dun atogyihe. Mu ɔyulɔv é idun atɔ didáhé. ²⁴ Mlikɪ aklankpa. Bɔtamadú, bɔtamasíétɪ wá idantɔ. Boma idan ntée ifa, táme Bulu tɛhá amó atogyihe. Mlimá labi dun mbubwi? ²⁵ Mlitɔ ma ɔbétali han iwi pó bré kpalobí tsia mu nkɛtɔ? ²⁶ Ní mliméetali bwé itó túkúríibi ánfɪ kóráá á, ntogyi só mlidé iwi háan tráhe amusu? ²⁷ Mlikɪ alíá pututɔ-oyí ntswítswí tɛdan. Itamayó agyómá ntée ló atati. Táme nde mli bláa mbée, Owíe Salomo, mu inya féeétɔ a, ɔmetali híhie iwi wá akíle fɛ oyí ntswítswí anfitɔ kukɔ. ²⁸ Ní Bulu dé ifá ání nde ihí, ɔke ilawú, bawá mú ogyá tati didá á, ɔméetali didá mli atati dun mú? Ntogyi só mli hógyi mɔtsó alí?

²⁹ “Mú su mlimágywɪn tóá mlégyi ntée tóá mlónu iwi, iha mli ansí ipe. ³⁰ Tsúfé ínɪ aná ɔmá-ɔmá bɔtesrí gya nɪ. Mli Sí ámu yin ání ide mli hián. ³¹ Itóá mligyánkpa dunka gyí Bulu iwíegyi, Bulu ɔbɔpu ínɪ tsia mútɔ há mli.

Atonyahé Pɔyáí Ɔsósó

(Mateo 6:19-21)

³² “Ɔpasua túkúríibi, mlimánya ifú. Tsúfé ibu mli Sí ámu ɔdwe ání ɔbɔpu iwíe ogyíkpa amu há mli. ³³ Mlife mli iwisu ató, amlipu kóba amu kie ahá ání boma tɔtɔ. Mlibun akentéá iméeyintá ha mli iwi. Múgyí, mliyaí mli siadie ɔsósó. Inu

mó á, kuku méedali mótó, tsúfě awikplu buma inu, atéple é butamawí ató inu.
³⁴ Tsúfě otíněá fú siadié bu a, inó fú agywun tetsiá.

Asúmpóá Butogyo

³⁵ “Mliwa atadié, amlinywé mli nkandíé. ³⁶ Mlibwé iwí fě asúmpóá bude amó wíe okpa kíi, obótsu oká otsiákpá ba. Fékí ní obá beda klonsu á, bífinkí há mu. ³⁷ Ansí bégýi asúmpó oduá amó wíe obéba bətu amó butsie bugyo mu. Onəkwali nde mli bláa. Amó wíe amu obésabáa tati, há amó bėtsiá opónúasi, mu onutó obókənkí atogyihé amu há amó. ³⁸ Ansí bégýi amó, ní obá bətu amó butsie bugyo mu, oyínsiné ntée bake. ³⁹ Táme mlinu asón ánfí. Ní wóyí mu wie yin bréá owikplu obéba mu wóyító a, tekí omesi wóyí ámu tswí, owikplu móbwie wíe wí mu ató. ⁴⁰ Mli é mligyo, tsúfě mí, Nyankpəsa-Mu-Bi ánfí néba bréá mli ansí medín mísú.”

Osúmpó Wankláán Pó Olaláhe *(Mateo 24:45-51)*

⁴¹ Petro léfité mu obéé, “Ani nkule fude yébi anfi ha lóó, ntée ania ahá ánfí fěé?”
⁴² Yesu léblí obéé, “Ma mēē gyí osúmpóá ɔletin ansí, obu onəkwali? Mu ibito mu wie tɔpú mu aba atráhe wá, obéé ohá amó atogyihé dinka brésú. ⁴³ Ansí bégýi osúmpó amu ní mu wie amu obá bowun ání lélé ɔde mó bwe. ⁴⁴ Onəkwali nde mli bláa. Mu wie amu obópu mu ató fěé wá mu ibito. ⁴⁵ Táme ní osúmpó amu léblí wá nwuntə obéé, ‘Mí wíe íbábí məkófɔn, obówa ɔpá.’ Iní su olefi así ɔde mu aba asúmpó atsi móa ayin da, ɔde ató gyí si amó, ɔde ntá núu bu á, ⁴⁶ mu wie amu obéba bofwie mutə ekeá ɔmedín ansí. Mu wie amu obéhíe títi mutə, trá bití muə ahá ání bəməho mu gyí ísu kékéé.
⁴⁷ “Osúmpó oduá oyin tóá igyi mu wie apé, támē ɔmela iwí bwé yáí á, mu wie obéhíe pítí mu ató wankláán. ⁴⁸ Táme osúmpóá omeyín mu wie apé, ɔlobwé tóá ilehián ha ató pítí á, mu wie obépítí mu kpalóbí. Bulu tefíté tsətsə tsú ohá ání ɔleha mu tsətsə wá, ɔtefíté tsətsətsə é tsú ohá ání ɔleha tsətsətsə wá.

Ipian Yesu Ləpəba, Megyi Iwilwii *(Mateo 10:34-36)*

⁴⁹ “Ogyá ɔdudákpá neba ɔsulúv anfisv. Ní mí nkule su mó á, tekí idetsií dodoodo. ⁵⁰ Asúbə ku ɔda mɔsúv bóbə mí. Mí klɔn méedí mí así yófɔn bréá ilamó onó. ⁵¹ Imábwe mli fě iwilwii nəpəba ɔsulúv anfisv. Megyi iwilwii, ahá nsiné yintá nəpəba. ⁵² Tsúfě tsú séi puya a, wóyí ání ahá abanú bubu mótó á, abasá bókusó líi abanyósó. Abanyó é bókusó líi abasásó. ⁵³ Abi yinhé móa amó así nsiné bəyintá. Abi tsihé móa amó ayín é nsiné bəyintá. Osia tsihé móa mu sia tsihé nsiné é bəyintá.”

Brétó Asón Asinu *(Mateo 16:2-3)*

⁵⁴ Yesu létrá bláa ahá ámu obéé, “Ní nyankpu obílá busu á, mliteblí mlihaa, nde nyankpu obótswie, lélé ototswie. ⁵⁵ Ní nsaintə itsú fúá á, mliteblí mlihaa, nde owí obélin, lélé itelin. ⁵⁶ Apinabwəbí abwəpó! Mliyin alíá butelé ɔsulúsv pú nwulótáasv ató así. Ntogyi só mlimétálí nú itó ánfí ɔdebá séi ánfí mó así?

Anyabá Nsinéla *(Mateo 5:25-26)*

⁵⁷ “Ntogyi só mlitamatalí gyí asón wankláán há mli iwí? ⁵⁸ Ní oku ɔsáma fú á, wa ɔsa ha amlíblí mó wóyító, méní fú onyabá móɔpu fú ya asón ogyíkpá. Fówun asón ogyípú méegyi fú asón, pú fú wá prósiyin ibito, ɔwa fú obu. ⁵⁹ Ní megyi alí á, mméemlé fú, nkéti faká tógyító tá asa fědali inu.”

13

Mludamli Iklvnto, Mēni Mlīmóowu

¹ Ahá ámuú búbu inu alí bré ámuúto aku bebláa Yesu bee, Pilato lamó Galileafó aku bréá buđe afódié bə há Bulu, Yerusalem Bulu ɔtswékpa inu, há obugya lada afódié ámu. ² Yesu léfité amú ɔbéé, “Mlíki mlíaa, Galileafó ánfí bɔgyi lakpan abwepó dun Galileafó atráhe, sù bowun iwíɔsin ánfí odu? ³ Nde mli bláa mbéé, megyí alí ígyi! Ní mli é mlímédamli klvnto á, mli fée mlówu fē amó. ⁴ Ntée ahá dúkwe ámuú abansóru lobwie dá mó Siloam ɔmanti ání ibu Yerusalemto ámu mé, mlíki mlíaa, lakpan abwepó bɔgyi dun aha atráhe ání betsiá Yerusalem alí bré ámuúto fée? ⁵ Nde mli bláa mbéé, megyí alí ígyi. Ní mlímédamli klvnto á, mli é mlówu fē amó.”

Pənto Məswiéhé

⁶ Múú ɔleha amú yébi ɔbéé, “Oyin ɔku lótswie pənto mu ndəto. Eke ɔku ɔloyo yéki bee, abí ku idin mótó. ɔloyo á, kuku medín mótó. ⁷ Iní su ɔlebláa mu ɔpayin ɔbéé, ‘Nfinsa ní, nna oyí ánfí asi. Mmókúwun kúkuvuku mótó. Ntogyi sù ibétrá lí yíntá ɔsulúv? Kun mó da!’ ⁸ Táme ɔpayin amú lébláa mu ɔbéé, ‘Mí wíé, fú mó si mó itra lu ofi ɔkule, ampulipuli mó asi, kpa wúna wa mó asi. ⁹ Ní ofiéba iloswie á, ibu alé, táme ní imoswie á, nakun mó dá.’ ”

ɔtsi ɔku Ilo Tsa ɔkpónú ɔdaké

¹⁰ Yesu lóyo ɔde ató suná Yudafo ofiakpa ɔkpónú ɔdaké iku. ¹¹ ɔtsi ɔkúv ɔhe laláhe lówa mu ilo nfi dúkwe ní, ilahá mu alaklo, ɔmetáli bwíí nátí bu inu. ¹² Bréá Yesu lówun mu á, ɔleti mu bláa mu ɔbéé, “Aní yín, iwí iwá fú ɔnlín!” ¹³ Inu ɔlɔpu ibi da ɔtsi ámu. Inunu olotswií lí kánfó Bulu.

¹⁴ Ofiakpa ɔhande amú lénýa ɔbló ání Yesu latsá ɔha ɔkpónú ɔdaké. Mó su ɔlebláa ahá ámu ɔbéé, “Nkensié bu inu há agyómá yo. Mliba nke ámuúto, abutsa mli ilo. Megyí ɔkpónú ɔdaké!”

¹⁵ Aní Wíé Yesu léle mó ɔnó ɔbéé, “Apinabwebí abwepó! Mlito okugyíku tɔwóí mu nnantswie ntée afrímú lé ibantó, pó amú ya ntsu onúkpa ɔkpónú ɔdaké.

¹⁶ Mó ima aléá mí mó nésankí Abraham mu na ánfí ɔbunsám lakíklí mu nfi dúkwe kéké ánfí ɔkpónú ɔdaké?” ¹⁷ Mu asun blíhé ánfí léha péli lékítá mu alupó ámu, ansí légyi atráhe amú fée, ofúla kpɔnkpɔnti ámuú ɔdebwe ámu su.

Takyí-akpin Ibi Yébi

(Mateo 13:31-32; Marko 4:30-32)

¹⁸ Inu Yesu léfité ɔbéé, “Nto Bulu iwíegyí ámu lelian? Ntée nto nópukápó mu? ¹⁹ Igyi fē takyí-akpin ibí, oyin ɔku lódu wá mu ndəto. Uedan mlí oyí yilé, mbubwi butogyónká mó abámbito.”

Bodobodotu-afá Yébi

(Mateo 13:33)

²⁰ Yesu létrá blí ɔbéé, “Nto mpókapu Bulu iwíegyí ámu? ²¹ Igyi fē Bodobodotu-afá ání ɔtsi ɔku lópɔtsiá bodobodo nfúó kente kule, ileha mó ilotu.”

Obu-ɔnó Kplánhe

(Mateo 7:13-14, 21-23)

²² Bréá Yesu ɔyó Yerusalem a, ɔlɔtsun nkudasí pó awúlusu. ɔna ɔde amú ató suná. ²³ ɔha ɔku léfité mu ɔbéé, “Owíé, ahá kpalobí ku obénýa nkpa?”

Yesu lébláa ahá ámu ɔbéé, ²⁴ “Mlibo mbódí amlitsun obu-ɔnó kplánhe amúto. Tsúfé ahá tsɔtsɔtsɔ bóbó mbódí ání bótsun wie inu, táme buméetalí. ²⁵ Táme ní wóyí mu wie ɔkúsó fin obu ámu, mleba belí klɔn ɔma, dá klɔn amusu mlíaa, ‘Owíé, finki ha aní!’ á, ɔbébláa mli ɔbéé, ‘Mmeyín mli, mmeyín ɔtínéá mlotsú.’ ²⁶ Inó mléblí mlíaa, ‘Ania funyo létsiá gyi ató, nú ntá, fetsiá suná ató aní dɔnsu!’ ²⁷ Táme ɔbéle mó ɔnó ɔbéé, ‘Mmeyín mli. Mmeyín ɔtínéá mlotsú.’

Mlinatɪ tɛɪ mɪsú, mli lalahɛ abwɛpó fɛ́é! 28 Ní mlowun Abraham, Isak, Yakob pó Bulu ɔ́nósú atɔ́ipó amɔ fɛ́é bɔ́bɔ Bulu iwíe ogyíkpa, támɛ bɔ́mɛha mli mó ɔ́kpa amlɪwie inɔ á, inó mlósu kpisií nɪ. 29 Ahá bótsu owí ɔ́dalíkpa pó owí ɔ́kplíwíékpá, bɪnasɔ móa gyɔ́pɪsɔ ba betsiá ató ogyíkpa Bulu iwíegyí ámɔtɔ. 30 Ɔ́nɔ́kwali, amapɔ akɔ bémli agyankpapɔ. Agyankpapɔ akɔ é bémli amapɔ.”

*Yesu Lósú Ha Yerusalem
(Mateo 23:37-39)*

31 Inɔ Farisifo akɔ beba Yesu wá bebláa mɔ bɛɛ, “Dali Galilea ɔ́mátó nfi, tsúfɛ ɔ́mású ogyípó Herode dékléá ɔ́bómɔ fú.”

32 Yesu lébláa amó ɔ́bɛɛ, “Mliyebláa ɔ́kpataku ámɔ mliaa, ‘Négya ɔ́ɛ laláhe lé ahátɔ, tsá ahá ɪlɔ ndɛ, gya le ɔ́kɛ, mó mó ɔ́nó klái.’ 33 Támɛ ilehián aní nýɔ mɪ ɔ́nátɪ amɔsɔ ndɛ, ɔ́kɛ móa klái. Tsúfɛ ɔ́kpa má inɔá bómɔ Bulu ɔ́nósú atɔ́ipó ɔ́kɔkɔ ɔ́tɪnɛtɪnɛ, dɔn Yerusalem!”

34 “Oo Yerusalemfɔ, Yerusalemfɔ! Mlitómó Bulu ɔ́nósú atɔ́ipó, dá abí aní Bulu lawá sísí mli abwi mó ní. Ntekleá nóbun mli abísú brégyíbré, fɛ alíá batɛ tobun mɔ abísú, támɛ mlitamahá mɪ ɔ́kpa. 35 Mliki, Bulu obési mli ɔ́tswékpa tswɪ mli. Ndɛ mli bláa mbɛɛ, mli mɛétrá wun mɪ ekekekeke, yófɔn ekeá mléblí mliaa, ‘Bulu oyúla ɔ́há ámóú ɔ́bá mɔ dátó’ ámɔ.”

14

Ɔ́lɔpɔ Ɔ́kɔ Tsa

1 Farisifo ɔ́handɛ ɔ́kɔ létɪ Yesu ató ogyíkpa mɔ wóyító ɔ́kpónú ɔ́daké. Ahá bɔ́pɔ ansí yi Yesusɔ, bɔ́dɛ mɔ téɛ. 2 Inɔ oyin ɔ́kɔá alapúnýá léba Yesu wá. 3 Yesu léfité Mose mbla asunápó pó Farisifo ámɔ ɔ́bɛɛ, “Anɪ mbla léha ɔ́kpa aní butsáa ɪlɔ ɔ́kpónú ɔ́daké lóó, ntéɛ imɛha ɔ́kpa?”

4 Amótó ɔ́kɔkɔ móbwíí ɔ́nó. Móú Yesu lékitá oyin ámɔ, tsá mɔ ɪlɔ, olesi mɔ ɔ́lenatí. 5 Inɔ ɔ́léfité ahá ámɔ ɔ́bɛɛ, “Mlitɔ ma mɔ bi ntéɛ mɔ ɔ́nanswie ɔ́békpadá wíé ibúntó ɔ́kpónú ɔ́daké, ɔ́móɔkɔsí lé mɔ?”

6 Bɔ́metali lé mó ɔ́nó.

Iwiasibá

7 Inɔ Yesu lówun aní ahá ámóú betɪ ató ogyíkpa inɔ ámɔtɔ akɔ bɔ́dɛ ɔ́tsiákpá yilé dunká bétsiá. Móú ɔ́leha amó yébi ɔ́bɛɛ, 8 “Ní ɔ́kɔ ɔ́tɪ fú ɔ́ká ɔ́tsiákpá a, máyétsiá ɔ́fɔákpá. Fíali ɔ́letɪ ɔ́handɛ ɔ́kɔá ɔ́dɔn fɔ. 9 Inɔ ɔ́há ámóú ɔ́letɪ mli ámɔ ɔ́bebláa fɔ ɔ́bɛɛ, ‘Mí wíé, kusɔ pɔ obíá ha ɔ́há ánfɪ.’ Inɔ péli békítá fú, fɛpétí yódunká ɔ́tɪnɛkɔ tsíá. 10 Mó sɔ ní ɔ́ha ɔ́tɪ fú ató ogyíkpa a, yetsiá obíá kusubisɔ mboún, ɔ́há ámɔ ɔ́bebláa fɔ ɔ́bɛɛ, ‘Mí wíé, betsiá ɔ́fɔákpá nfi.’ Inɪ obótsu fú ansító fúá ahá ámɔ fɛ́é ansító. 11 Tsúfɛ ɔ́hagyíɔha aní ototsú iwɪ á, Bulu tɛba mɔ asɪ. Ɔ́hagyíɔha aní ɔ́tɛba iwiasɪ é á, Bulu totsú mɔ fúá.”

12 Yesu lébláa ɔ́há ámóú ɔ́letɪ mɔ ató ogyíkpa amɔ é ɔ́bɛɛ, “Ní fɔ́tswɪ ɔ́pónú ɔ́pa onyé á, mátɪ fú anyawíé, fú apíó, fú abusuanfɔ ntéɛ iwɪ anyapúá butsie mantáa fú. Ní fɔ́bwé mó alí á, amó é bɛlatí fú amó kle asɪ ká ɪkɔ. 13 Mboún tɪ ahiánfɔ, tsukɛ asínɔ, abubúɔ pó ansibi abwiepó. 14 Bulu obóyulá fú, tsúfɛ boma tɔ́tɔá bópuká fú ɪkɔ. Bulu ɔ́bɛka fú ɪkɔ ekeá ɔ́bókɔsúa aha yilé tsú afúlítɔ.”

*Nkɛ Kpɔ́nkpɔ́ntɪ Kɔ Yébi
(Mateo 22:1-10)*

15 Ahá ámóú amóa Yesu butsie ɔ́pónúbasɪ ámɔtɔ ɔ́kɔlɛ lónu mɔ asɔn blíhé anfi, ɔ́leblí ɔ́bɛɛ, “Ansí bégýi ahá aní bégýi ató Bulu ɔ́pónú ɔ́tswíke mɔ iwíegyí ámɔtɔ!”

16 Támɛ Yesu lébláa mɔ ɔ́bɛɛ, “Oyin ɔ́kɔ lótswɪ ɔ́pónú kpɔ́nkpɔ́nkpɔ́ntɪ kɔ, ɔ́letɪ ahá tsɔ́tsɔ́tsɔ. 17 Bréá beníná atogyiɛ amɔ tá á, ɔ́lɔwa mɔ asúmpó ɔ́bɛɛ bɔ́yɛbláa ahá ámóú ɔ́letɪ ámɔ bɛɛ, ‘Babwé tá!’ 18 Támɛ amó fɛ́é beblí bɛɛ amó ɪbɪ dɛ. Ogyankpapɔ ɔ́bɛɛ, ‘Nahɔ ɔ́sulúu kɔ. Ilehián aní néyékɪ mó. Mó sɔ mliki

mótó ha mí.' ¹⁹ Onyɔɔsi é ɔbéé, 'Nahɔ nnantswie yínhé idú, bɔpulipúli mí ndɔto há mí. Nɛyékápú amú kí. Mú sɔ mlíkita móto ha mí.' ²⁰ Ɔbambá é ɔbéé, 'Nwéén kótóó netsiá ɔká. Mú sɔ mméetalí ba.'

²¹ "Inu osúmpú amu léyinkí bebláa mu wie. Ɔbló lekítá mu wie amu, ɔlebláa mu ɔbéé, 'Wa ɔsa sɔri yeki dɔnsu pɔ brɔnusu, afɔkpa ahíánfɔ, tsukɔle asínpu, ansibi abwiepú pɔ abubúpu ba.' ²² Imɔwa ɔpá osúmpú amu léba bebláa mu ɔbéé, 'Mí wíé, nayó sumbí ámu, táme otsiákpá trá da.' ²³ Mu wie amu lébláa mu ɔbéé, 'Tsɔn mmuátse móba nkpakwí fée. Tí ɔhagyíɔha ání fówun fée ɔbá, méní ahá bɔbulá mí wóyító. ²⁴ Nékáse, ahá ámuú nehie tí ámuɔ ɔkuku méeda mí ató ánfí ɔnó!' "

Yesu Búoto Ipian

(Mateo 10:37-38)

²⁵ Yesu muɔa ɔɔm kpɔnkpɔnkpɔntí ámu ná bɔyó. Mú ɔledamlí bláa amú ɔbéé, ²⁶ "Ɔhagyíɔha ání ɔleba mí wá, táme ɔde mu si, mu yin, mu otsiába, mu abí, mu apíó, mu onutó kúráá iwí dwe dun mí á, ɔméetalí bwé mí ɔkasípú. ²⁷ Ɔhá ání omotsu mu oyikpalíhe bobuo mí mófun ání ɔbóbwe mí ɔkasípú.

²⁸ "Mlito ɔmamu bú inu, ní obéyi obu kpɔnkpɔntí á, oméetsiá así kí tɔá obéyintá, wun ání mu kóba bɔfun? ²⁹ Ní ɔmeki mú alí, asa ɔlɔkɔsú wá obu ámu ntswiasí, pwé mú fun ɔkpatɔ, ɔmetalí mó mú ɔnó á, obu ámu awúnpu fée bómási mu. ³⁰ Bébli beé, 'Oyin ánfí lɔkɔsú ɔde obu yíi, ɔmetalí mó mú ɔnó.'

³¹ "Ntée owíe ɔmamu bu inuá ní owíe ɔku dé akɔpú mpím-aduanyɔ (20,000) ɔbá bɔkɔ mu a, oméetsiá así kí alíá ɔbóbwe ɔbɔpu mu isá akɔpú mpím-dú (10,000) yéfia amú? ³² Ní owun ání ɔméetalí á, ɔbówa abí ɔsasɔ bɔyókokóli mu há ikulebwe, bréá bumakónyá kpókpe ba. ³³ Iní sɔ mlito ɔhá ání omesi mu tógyító ɔmagyáa ɔméetalí bwé mí ɔkasípú.

Nfɔlɔ Ima Labi

(Mateo 5:13; Marko 9:50)

³⁴ "Nfɔli bu alé, táme ní itá ɔdwe á, ntɔ bɛlapúwá mú ɔdwe? ³⁵ Itráa ma alé há tɔtɔɔtɔ bwe. Tsei butetséi mó tsítsá wúnasu. Ɔhá ání ɔbu asu onúu asón ánfí."

15

Kufa Fwihé

(Mateo 18:12-14)

¹ Eke ɔku lampɔo ahópu pɔ lakpan abwepú beba Yesu asun blíhé onukpá. ² Farisífo pɔ Mose mbala asunápú amu bowuntí mu beé, "Oyin ánfí muɔa lakpan abwepú ténátí, butɔwá ibi gyi ató kúráá." ³ Mú sɔ Yesu léha yébi pɔsúná amú ató ɔbéé,

⁴ "Mlito ma bú akúfa lafakule (100), ɔkule ɔfwí á, omesi adukwebá-kwebá (99) tráhe wá dimbító inu, yódunká mu alí kpéfɔn bréá obówun mu? ⁵ Nahogyi mbéé, ní owun mu a, ansí bégýi mu, obótsu mu wá nkɔnkɔ, ⁶ pɔ mu ya wóyító. Ɔbétí mu anyawíe pɔ mu aba, bláa amú ɔbéé, 'Mliha anya ansigyí. Nawun mí kufa amúú ɔɔfwí ámu!' ⁷ Alí kén nde mlí bláa mbéé, ní lakpan ɔbwepú ɔkule pé ɔdamlí klɔntɔ á, ansí béhie gyi ahá ɔsósó inu dun alíá ibégýi amú aha wankláán adukwebá-kwebá (99) ání bumetrá hián klɔntɔdamlí iwí.

Kóba Fwihé

⁸ "Ntée ní ɔtsí ɔku bu sika futútú dú, móto kule lafwí á, omóonywe ɔkandíe kíkí mu wóyító wankláán, kpákpá ntobító kí, fíi wóyí ámuɔ wankláán yófun bréá alawun mó? ⁹ Ní owun mó á, ɔbétí mu apíó aba, bláa amú ɔbéé, 'Mliha anya ansigyí. Nawun mí sika futútú amúú ɔɔfwí ámu. ¹⁰ Nde mlí bláa mbéé, alí ansí béhie gyi Bulu-abɔpu ní lakpan ɔbwepú ɔkule ɔdamlí klɔntɔ ní.' "

Obi Fwihé Oku

¹¹ Yesu létrá ha amó yébi obée, “Oyin oku létsiá, obu abi yinhé anyo. ¹² Okusu amu lébláa mu si obée, ‘Mí sí, ye fú atótó, afopu mí klé ha mi.’ Inu mu si lékitá mu atótó ye há amó. ¹³ Imegyi nke kuku okusu amu lókulá mu ató fée, olotu okpa yó tsútsúútsú omá kuto. Inu oleyétsiá nkpa laláhe yíntá mu ató ámu fée. ¹⁴ Bréá oleyintá ató ámu tá á, akón kpónkpóni ku léba omá ámutó, olowa akón di bi. ¹⁵ Mú su olapu iwi yémantá inuyin okusu, oyin ámu lékpa mu yáa mu ibúasi obée, oyéki mu mprákuosu ha mu. ¹⁶ Teki olekleá obétsiá gyi mprákuo atogyihe amu ku, táme ohaa méha mu mú iwi okpa. ¹⁷ Bréá mu ansí leyinkí ba mu iwisu á, oléfíté mu iwi obée, ‘Apafó amomu kóráá má mí sí wóyító, bumedé ató gyí sian ekekegyíeke? Mú ntsie nfi, akón de mí m? ¹⁸ Nókúsó yínkí yó mí sí wá, yébláa mu mbée, mí sí, napó ilá gyí Bulu, pógyi fú é. ¹⁹ Mmekanáa ání fétrá ti mí fú bí. Pu mí bwée fú apafó ámutó okule.’ ²⁰ Mú su olakúsó pú okpa obá mu si wá.

“Bréá olowotií, mu si lówun mu sísi á, olowa mu nwé, olesrí yéfia mu, látá mu pútá. ²¹ Inu mu bi ámu lébláa mu obée, ‘Mí sí, napó ilá gyí Bulu, pógyi fú é. Mmekanáa ání fétrá ti mí fú bí.’ ²² Táme mu si létí mu asúmpó, bláa amó obée, ‘Mliwa osa yotsu atadié wankláán ámu bowa mu. Mliwa mu opetia, amlíwa mu ntukota. ²³ Mliyele onantswie yinhé kánáhe amú alawá nfo ámu ba, amlibomo mu, apogyi nke ha mu. ²⁴ Tsúfé mí bí ánfí lawú tsínkí. Olófwí, anilawun mu.’ Inu bowa nke gyí bi.

²⁵ “Alí bré ámutó á, obi dehen amu bu ndoto. Bréá olotsu ndo ámutó obá, alata wóyító wie tá á, olonu ání pléi de wóyító inu. ²⁶ Mú su oleti mu si asúmpó amuto okule, fité obée, ‘Amansu lába?’ ²⁷ Osúmpó amu léle mú onó obée, ‘Fú píó laba. Mú su fú sí lahá bamó onantswie kánáhe amu, tsúfé alayínkí botu mu, obu nkpa, obu onlin.’

²⁸ “Obló lekítá odéhen amu. Mú su olesin mmuáa. Mu si lédali ba bokokóli mu obée, obá wóyító. ²⁹ Táme olele mú onó obée, ‘Mí sí, kí nfi dódúódúá napótsiá fú wá súm fú. Mmekóbwé mábúla kuku kí. Táme fomókóhá mí okpalábi fée mí a mí aba apówa iwi ansigyí kí. ³⁰ Táme fú bí ánfí alayíntá fú tógyító, mu akipó bayégyi nkpa ánfí mú laba a, famó onantswie yinhé kánáhe amú alawá nfo ámu há mu!’ ³¹ Inu mu si lébláa mu obée, ‘Mí bí, yée fú mú fóbú mí wá brégyíbré. Fóbú mí ató fée. ³² Fú píó ánfí lawú tsínkí. Olófwí, anilawun mu. Mú su lehían ání abégyi mú nke, nyá ansigyí.’ ”

16

Agyómásó Okípu Ansítinpu Oku

¹ Yesu lébláa mu akasípó obée, “Iwi onyapó oku létsiá, obu agyómásó okípu. Ahá bowi tsá mu wie amusu bee ode mu gyí. ² Inu su oleti oyin ámu, fité mu obée, ‘Nto asón ndenu tsú fú iwi alí? Bobu akúnta ha mi, tsúfé foméetrá kí mí agyómásó.’ ³ Agyómásó okípu amu léfité mu iwi obée, ‘Nkálí nóbwe? Mí wie obá begya mi. Mma owonlín ání nénatí do ha ahá. Ibo mi péli ání nénatí kólí ató é. ⁴ Ibo alé! Nyin tóá nóbwe, méní ní osí mí á, nénya ahá ání bóho mi wá amó wóyító.’

⁵ “Mú su oleti ahá ání bode mu wie iko kulekule. Oléfíté ogyankpapu obée, ‘Iko afíní fúde mí wíe?’ ⁶ Iko okitápú amu léle mú onó obée, ‘Nfo agbongbó lafa-anyo (200).’ Agyómásó okípu amu lébláa mu obée, ‘Tsan fú adánsie owuló ámutó, afowanlín lafakule (100).’ ⁷ Oléfíté oku é obée, ‘Iko afíní fúde?’ Iko okitápú amu lébláa mu obée, ‘Bodobodo nfúó akente opím-okule (1,000).’ Agyómásó okípu amu lébláa mu obée, ‘Tsan fú adánsie owuló ámutó afowanlín lafakwe (800).’

⁸ “Osikani ámu lékanfú agyómású òkípú anfí òma ònòkwali ánfí ání alatálí tún ansí alí.” Yesu lómò mó ònò òbée, “Ndemba-abí ání búbuo oyító ató ansítún ání bọpọ butsie amú abato idun amóá buyin Bulu klé.

⁹ “Nde mli bláa mbée, mliyo oyító ató bwe apió, méní ní itá á, Bulu òbóhò mli wá mu wóyíá ibu inu bré féeftó. ¹⁰ Ohá ání òletalí kítá ató tókúrííbi, olegyi ònòkwali mósú á, mu kén obégyi ònòkwali ató kpònkpòntí ésú ní. Táme ohá ání òmòwa ònòkwali ató tókúrííbìsù òmòwa ònòkwali ató kpònkpòntìsù. ¹¹ Mó sù ní mli má ònòkwali oyító atósú a, ma mée òbóhò mli sù gyi, pú osósú ató onutó wá mli ibitó? ¹² Ntée ní fuma ònòkwali òkú klésú á, ma mée òbọpọ fú klé há fú?

¹³ “Osúmpú òkúku méetalí sù m awie anyo. Òbódwe òkúle, lú òkúle. Ntée obóbu òkúle, omóobu òkúle. Fuméetalí sù m Bulu, sù m Kóba.”

Yesu Asun Blíhé Kú

(Mateo 11:12-13; 5:31-32; Marko 10:11-12)

¹⁴ Farisifó bútdwé kóba. Mó sù bréá bonu Yesu asun blíhé anfí á, bọbwe mu ahinlá. ¹⁵ Inu Yesu lébláa amú òbée, “Mlitelé iwí súná ání aha yilé mligyí ahá ansító, támé Bulu mó yin mli klòntó. Tsúfè tóá nyankpọsa tekíá ibu labi igyi Bulu akisító.

¹⁶ “Mose Mbla ámu pú Bulu ònósú atóipú amu asun wanlínhé lóyo agyómá alí bọfun Asú Òbọpọ Yohane brésú. Tsú mọsù bọde Bulu iwíegyi ámu iwí asun wankláán òkan da, ahá é bọdepríu wie mótó. ¹⁷ Osú móa así bétalí mó ònó, támé itoduáhé ntée asúnbi ikúle kóráá móowu Mose Mbla ámọtá.

¹⁸ “Oyin okíná mu ka láyétsiá ọtsí bámbá á, alató mbua. Oyingyíoyin ání ọtsiá ọtsí ánfí mu kulu lakíná mu é lató mbua.”

Iwí Onyapó Òkú Mva Lasaro

¹⁹ Yesu lébláa amú òbée, “Iwí onyapó òkú létsiá. Atati wọlìhe ọtedídá, otegyi nkpa wankláán ekekegyíeke. ²⁰ Ató òkólípú òkúá mu iwí letsitsíí nló é létsiá. Bútetí mu Lasaro. Betsiá pú ohíání ánfí yéyáí iwí onyapó ámu òkpa ònó. ²¹ Òkíá obénýa atogyihé mpupubiá íbékpa kpáa bun oyin ámu ọpónóasí gyi. Akíai létsiá beyintá mu nló ámu kóráátó.

²² “Bréá ohíání ánfí lówu á, Bulu-abọpọ botsu mu ya, oleyétsiá aní náin Abraham wá osósú. Iwí onyapó ánfí é lóbowu, bopolá mu. ²³ Òlọyo òbù isubití ogyá ání itamaduntó, ọde iwíwọsín wúun. Olotsu ansí fúá, olowun ání Lasaro tsie Abraham wá tsútsúútsú. ²⁴ Inu òlòkplón òbée, ‘Aní sí Abraham-ée! Wun mí nwe, afuha Lasaro oyọpọ mu osrebi da ntsutso pọbẹda mí ọdandọsù, ilwii kpalobí. Nde iwíwọsín wúun ogyá ánfító dọbì!’

²⁵ “Táme Abraham lébláa mu òbée, ‘Obí, kain, fú nkpatisiátó a, fegyi ọdwe, Lasaro é letsiá ọsintó. Séi á, òbù ọdwetó, fú é fóbù ọsintó. ²⁶ Oma a, ilán kpònkpònkpòntí kú da ania funyo nsíné. Mó sù oháa méetalí fá tsú nfi ba fú wá inu, oháa é méetalí fá tsú inu ba aní wá nfi.’ ²⁷ Oyin ámu lébláa Abraham òbée, ‘Mómú nobwíí ipa, aní sí Abraham, wa Lasaro sísí mí sí wóyító. ²⁸ Mbù apio yinhé abanú akú inu, oyẹda amó òlá, méní bowú á, bóméeba bowun iwíwọsín ánfí odu.’

²⁹ “Abraham léle mó ònó òbée, ‘Mose mva Bulu ònósú atóipú amu nwóló bú amú wá, ide amú òlá da. Bónúú mó, abugyi mósú.’ ³⁰ Oyin ámu léle mó ònó òbée, ‘Aní sí Abraham, asún ámu nu keke méeha amú abọdamli klòntó. Mbóún ní òkú òkósú tsú afúlitó yó amú wá á, bẹdamli klòntó.’ ³¹ Táme Abraham lébláa mu òbée, ‘Ní bómegyi Mose mva Bulu ònósú atóipú amu nwólótó asún ámu sù á, òkú òkósú tsú afúlitó yó inu kóráá á, bómóonu ohá ámu asún.’ ”

17

*Lakpanbwe**(Mateo 18:6-7, 21-22; Marko 9:42)*

¹ Yesu lébláa mu akasípó amu obéé, “Tbwébwéébwé á, tóku béha nyankpúsa obóbwe lakpan, táme chá ání ina musu mu ba lóbwe lakpan agyówí ní. ² Ní oku léha ahá ání bómakúdan mísó hógyito ánfito oku lóbwe lakpan á, ní beda nfúókwebu síán mu ómetó, tswi mu wá opu okluklúkpá pó á, ibu alé dun. ³ Mú su mlikí mli iwi wankláán.

“Ní fú bá opu ilá gyi fú á, wa iyin wa mu. Ní óledamlí klonto á, sikie mu. ⁴ Ní ólupu ilá gyi fú tse sienó* ekewóle owító, ólela bobwií ipa há fú á, sikie mu.”

Hógyi

⁵ Yesu sumbí ayopó amu bebláa mu beé, “Ha aní hógyi imoni tsia.”

⁶ Yesu léle mú ónó obéé, “Ní mli hógyi lómoní fě takyí-akpin ibi á, mlétalí bláa keli ání mlaa, ‘Puli yelí oputo.’ Ibóbwe dínká músó.

Osúmpó Gyumagyihe

⁷ “Ní mli to oku bu osúmpó ótáyó agyómá mu ndoto ntée óteki mu akúfasu, otsú agyómátó ba a, bláa mu wie tebláa mu obéé, ‘Wa ósa bwe afugyi ató?’ Ekékekéke!

⁸ Bláa ótebláa mu obéé, ‘Tsu tati saba, afubotswi opónó ha mli. Belí mí angyi ató. Negyi ta á, fayégyi fú klé.’ ⁹ Ótedá osúmpó amu ipán obéé, alabwé tóá mowa mu bwe? Ekékekéke! ¹⁰ Iní su ní mli é mlóbwe tóá bowa mli bwe tá á, mlibli mlaa, ‘Asúmpó kẹke anigyí. Tóá igyi aní bwehé anilabwé á.’ ”

Ilo Pepe Alópó Dú Tsa

¹¹ Yesu ná Samaria pú Galileafó okasu oyó Yerusalem. ¹² Bréá óleta wúlu kusu wie tá á, ilo pepe alópó dú aku buna beba befa mu, besi lí tsútsú. ¹³ Inu bókplón bí beé, “Yesu! Owíé! Wun aní nwe.”

¹⁴ Yesu lótsu ansí kí amó, ólebláa amó obéé, “Mlipo mli iwi yosuná Bulu igyi chápó.†”

Bréá bopu okpa báyó á, amó iwi lépli. ¹⁵ Okule mú lówun ání mu iwi laplí a, oleyinkí ódekplón kanfó Bulu kóklókú. ¹⁶ Olebemli bún Yesu ayabito, óde mu ipán da. Samariayin oyin ání gyi. ¹⁷ Inu Yesu léfité obéé, “Megyí ahá idú natsá? Mú kwebá atráhe mé? ¹⁸ Mú su amútó okoku méba bekanfó Bulu dun Samariayin ofó ání nkule?” ¹⁹ Inu ólebláa oyin amu obéé, “Kusu nati. Fú hógyi latsá fú ilo.”

*Bulu Iwiegyí Amu Ibá**(Mateo 24:23-28, 37-41)*

²⁰ Farisifo aku befité Yesu beé, “Ómenke Bulu iwiegyí amu ibéba?” Yesu lébláa amó obéé, “Megyí tóá cha obópu ansíbi wun Bulu iwiegyí amu igyi. ²¹ Ohaa méetalí bí obéé, ‘Kí, móbu nfi.’ Ntée ‘Móbu nána á.’ Tsúfé mli klonto Bulu iwiegyí amu bu.”

²² Inu Yesu lébláa mu akasípó obéé, “Eke oku ibá, mlódunká ání mlówun mí, Nyankpúsa-Mu-Bi ání ekewóle pé, táme mlimóowun mú. ²³ Ahá bebláa mli beé, ‘Óbu nfi.’ ntée ‘Óbu nána,’ táme mlimásrí buo amó yéki. ²⁴ Tsúfé mí, Nyankpúsa-Mu-Bi ání obáke bóbwe fě alí amúú nyankpu táfwi ibi, butowun mú nsaintó fée ámu. ²⁵ Táme négyankpá wun iwíwsin tsótsótsó, ndemba-abí ání é békiná mí. ²⁶ Alí amúú ilegyi Noa brésó amu a, alí ibégyi mí, Nyankpúsa-Mu-Bi ání é ibábi ní. ²⁷ Ahá betsiá, bude ató gyí, bude ntá núu; bude aká tsiá, bude atsi kítá há akúlu alu yófun ekeá Noa lówie mu dáka kpónkpónti ámutó, ntsu lóbúlá bómó amó fée. ²⁸ Alí kén ileba Lot é brésó ní. Ahá betsiá, bude ató gyí, bude ntá

* 17:4 Idesuná ání tsé dúdúá ólupu ilá gyi fú. † 17:14 Abubi ání mli iwi laplí Mose mbila okpasu.

núu, búde ató h́o, búde ató fẹ; búde ató du, búde ibu yíi, ²⁹ ýfɔn ekeá Lot lédalí Sodom wúlutɔ, ogyá móa atonkodu lotswie tsu ɔ́sósó bẹhí amó f́éé. ³⁰ Alí kén mí, Nyankpɔsa-Mu-Bi ánfí iwíɔwanléké bófwie ahátɔ ní.

³¹ “Eke ámu a, ɔhá ání ɔdín obusu, mu ató ibu obuto ɔmákplí botsu tɔtɔ. Alí kén ɔhá ání ɔbu ndɔtɔ é máyinkí botsu tɔtɔ ní. ³² Mlíkaín Lot mu ka asónsó!‡ ³³ Tsúf́é ní ɔku lódunká ání ɔbéprí mu nkpa á, ɔbóhulíu mó. Táme ní ɔku lóhulíu mu nkpa á, ɔbélanya mó. ³⁴ Nde mli bláa mbée, alí eke ámu onyé á, ní ahá abanyó buda ɔklan kulesu á, Bulu obótsu ɔkule sí ɔkule.

³⁵⁻³⁶ “Ní atsi abanyó búde nfúó kwe á, Bulu obótsu ɔkule sí ɔkule.‡” ³⁷ Yesu akasípó amu b́efíté mu b́ee, “Aní Wie, nkónú ibéba?”

Yesu lébláa amó ɔbée, “Ɔtínéá ito wuhé da a, inú alása butefia ní.”

18

Ɔsurapu Mva Asón Ogyípó Ɔku

¹ Inu Yesu léha yébi ku ṕsúná ání bub́o mpái brégyíbré, umákpɔn amó. ² Ɔlebláa amó ɔbée, “Asón ogyípó ɔku létsiá ẃulu kusu. Ɔtamanyá Bulu ifú, ɔtamanyá ɔhaa é péli. ³ Ɔsurapu ɔku é létsiá ẃulu amutɔ. Oletsiá bokokóli mu ɔbée, ogyíi mu asón ɔnɔkwalisu ha mu, ɔle mu tsu mu olupó ibítɔ! ⁴ Teki olekle okina, táme ɔma-ɔma a, ɔlebláa mu iwí ɔbée, ‘Ibu mótsá ntamanyá Bulu ifú, ntamanyá ɔhaa é péli. ⁵ Táme alí ánfí ɔsurapu anfi ná ɔde mí háan anfi su á, négyi mu asón ɔnɔkwalisu. Ní megyí alí á, oméesi mí t́i wa. Ɔmééha mméenya ɔkpa bwé tɔtɔ.’ ”

⁶ Yesu lóyo ḿsú ɔbée, “Mlíki alá asón ogyípó anfi ɔtamagyi asón ɔnɔkwalisu ánfí lablí. ⁷ Mómó nkáli Bulu mó méegyi mu ahá ámuó alalé, budesú kpolí mu ɔpa-onyé ámu asón ɔnɔkwalisu? Obési amó asón wá obíátó? Ekekeke! ⁸ Nde mli bláa mbée, obégyi mó ɔnɔkwalisu há amó ɔsasú. Táme ndefíté mbée, ní mí, Nyankpɔsa-Mu-Bi ánfí neyínkí bá a, nówun ahógyipu aku ɔsulóu anfisú?”

Lampóo Ɔhópu Mva Farisiyin

⁹ Yesu létrá ha yébi ku ṕsúná amó ató tsú ahá ání buteki amó iwí yilé abwepó dun amó aba. ¹⁰ Ɔleha yébi amu ɔbée, “Ayin abanyó aku b́ɔɔ yó mpái ɔbákpá Bulu ɔtswékpa. Amótó ɔkule gyí Farisiyin, ɔkule é gyí lampóo ɔhópu.

¹¹ “Farisiyin amu lókúsú líi, bó mpái wá nwuntɔ ɔbée, ‘Bulu, nedá fú ipán ání mmegyi f́é aku. Mí mó mma ɔnsípe, ntamasísi ɔha, ntamató mbua, mmegyi f́é Lampóo ɔhópu anfi é. ¹² Ntekli ɔnó tse nyɔ ndawótswí ikuletɔ. Nteye mí ató f́éétó dú, lé idúsí há f́ó.’

¹³ “Táme lampóo ɔhópu amu mó léyelí tsútsú, oloko nwuntɔ wá. Omotsulá tsú ansí kóráá f́óá kí ɔ́sósó. Ɔlɔpu ɔb́imáa dá ibítɔ, kókóli Bulu ɔbée, ‘Oo Bulu, wun ḿi nwe, lakpan ɔbwepó ngyi.’ ” ¹⁴ Yesu lómɔ mó ɔnó ɔbée, “Nde mli bláa mbée, asa beyínkí yó wóyí á, Bulu ansí légyi lampóo ɔhópu amu iwí dun Farisiyin amu. Tsúf́é ɔhá ání ototsú iwí á, Bulu ɔbéba mu asi. Ɔhá ání ɔteba iwiasí é á, Bulu obótsu mu f́óá.”

Nyebi Yulá

(Mateo 19:13-15; Marko 10:13-16)

¹⁵ Aha aku b́ɔpu amó abí ba Yesu b́ee, ɔṕɔɔ ibí d́inka amósó, oyula amó. Mu akasípó bowun amó. Mó su b́owa iyn wá amó. ¹⁶ Táme Yesu létí nyebi ámu ba mu iwí wá, ɔlebláa akasípó amu ɔbée, “Mliha nyebi ámu aboba mí wá. Mlimátin amó ɔkpa, tsúf́é ahá ánfí odu bú Bulu iwíegyi amu ní. ¹⁷ Ɔnɔkwali nde mli bláa. Ɔhá ání ɔmɔho Bulu iwíegyi ámu f́é kebi á, omóowie mótsó.”

‡ **17:32** Bréá omobu Bulu, ɔledamlí kí ɔma a, olemli nf́ólsín. Kí Genesis 19:26. § **17:35-36** Mótsó yée 36 bu nwóló dada amu akɔtɔ: Ní ayin abanyó búde agyómá yo ndo kuletɔ á, Bulu obótsu ɔkule sí ɔkule.

*Atonyahé Iwí Atosundhé**(Mateo 19:16-30; Marko 10:17-31)*

¹⁸ Eke oku Yudafo ohande oku lebefite Yesu obee, "Osunapó yilé, nto nobwe asa nénnya nkpa aní itamatá?"

¹⁹ Yesu lefité mu obee, "Ntogyi só fude mí ti oha yilé? Ohaa mégyí oha yilé, nkéti Bulu nkule. ²⁰ Yéé fuyin Bulu mbla ámu o. Múgyí, máto mbua, mámá oha, máwí ató, máka asón dínká fú básó, bu fú sí mu fú yín."

²¹ Ohande amu lebláa mu obee, "Tsú mí nyebito opá nde mú féesó gyí."

²² Yesu lónu mu ason blíhé anfi á, olebláa mu obee, "Toku kule lasí aní fóbwe. Yefe fú iwíwí ató fée, afuye kóba amu ha ahianfo, méni fénya siadié osúsó. Fóbwe mú tá á, ba afobobuo mi." ²³ Bréá oyin ámu lónu asón anfi á, iloto mu klun, tsúfé ohíé obu ató.

²⁴ Yesu lówun aní ilahan mu. Mú su olebli obee, "Ibu onlin asa iwí onyapó obówie Bulu iwígyí ámutó. ²⁵ Lélé mú á, ilapən ha kpósó aní obótsun obin-ató obótó, dun aní iwí onyapó obówie Bulu iwígyí ámutó."

²⁶ Ahá aní bonu asón anfi befité bee, "Mómó ma mee Bulu obóho nkpa?"

²⁷ Táme Yesu lebláa amú obee, "Tóá nyankpusa méetalí bwé madón Bulu bwe."

²⁸ Inu Petro lebláa Yesu obee, "Mí Wíe, kí, anilási aní wóyí tswí bobuo fu."

²⁹ Yesu lebláa amú obee, "Onokwali nde mli bláa. Ohaa má inu obési mu wóyí, mu ka, mu apíó, mu akwípu ntée mu abí tswí Bulu iwígyí ámu su, ³⁰ Bulu méelawá mú otsiákpá há mu tsé dú tsé lafa séi, láha mu nkpa aní itamatá bré amúú íbá ámutó."

*Yesu Lowu Iwí Asón Blí Otse Saasi**(Mateo 20:17-19; Marko 10:32-34)*

³¹ Yesu létí akasípu dúanyo ámu ya itsétó, olebláa amú obee, "Ayó Yerusalem. Inu asón amúú Bulu onósó atáípu amu bowanlin tsú mí, Nyankpusa-Mu-Bi anfi iwí ámu fée béba mótó ní. ³² Béle mí há ahá aní bumegyí Yudafo. Bóbwe mí ahinlá, síá mí, tú atsonó wólí mí. ³³ Bépití mí ató, mó mí. Mú eke sáási a, nókusó tsú afúlitó."

³⁴ Akasípu amu bmonu inu asi, tsúfé Bulu lópuháin amú. Bumebi tóá odebli é.

*Ansibi Obwiepó Oku Ilo Tsa**(Mateo 20:29-34; Marko 10:46-52)*

³⁵ Yesu léta Yeriko wúluto wie tá á, ansibi obwiepó oku tsie okpa onó, ode ató kulí. ³⁶ Ansibi obwiepó ámu lónu aní odam budetsun. Múú olefité obee, "Amansu igyi?"

³⁷ Ahá bebláa mu bee, "Yesu Nasaretyin amu détsun."

³⁸ Inu ansibi obwiepó ámu lóklun bli obee, "Ani wíe Dawid mu na Yesu, wun mi nwe!"

³⁹ Ahá amúú bugya Yesu nkpa ámu bəklón wa ansibi obwiepó ámu bee, owáa oša kpa onó bun. Oelakplón dun alí obee, "Ani wíe Dawid mu na, wun mi nwe!"

⁴⁰ Yesu lési lí, oheha obee bukpá mu ba mu. Bréá bekpa mu ba a, Yesu lefité mu obee, ⁴¹ "Nto fudeklé fée mbwée ha fu?"

Olele mú onó obee, "Owíe, ha mí anwun ató!"

⁴² Yesu lebláa mu obee, "Fú hógyi latsá fú ilo. Wun ató."

⁴³ Inunu mu ansibi lobwíí, oekplá buo Yesu, ode Bulu kanfó. Odam amu fée bowun inu, amú é bekanfó Bulu.

19*Yesu Mva Sakeo*

¹ Yesu déka tsun Yeriko wúluto. ² Lampóo ahópu ohande okuá obu kóba bu wúlu amoto, butetí mu Sakeo. ³ Oyín anfi dékléá obópu ansibi wun Yesu, táme

ama iswí, ahá é bɔdubi. ⁴ Mú sɔ ɔlesrí yódu pɔntɔ-oyí kuá Yesu ɔbɔtsun mú así, méní obówun mu. ⁵ Bréá Yesu lówie oyí ámu así á, olotsu ansí fɔá, wun Sakeo, ɔlebláa mu ɔbé, “Sakeo, wa ɔsa kplí ba. Nde, fú wóyí nɔswí ní.”

⁶ Sakeo lówa ɔsa kplí, pɔ ansigyí kpá mu ya wóyító. ⁷ Ahá ání bowun mú fée bowuntí bɛɛ, “Oyin ánfí layóswí lakpan ɔbwɛpó wóyító.”

⁸ Sakeo lókɔsú líí wóyító mu, bláa aní Wíe Yesu ɔbé, “Mí Wíé, kí, néye mí atótó anyɔ, pɔ ifon kíé ahíánfɔ. Ní nasisi ɔku é á, nɛlahá mu mú aku ana.”

⁹ Yesu lébláa mu ɔbé, “Nde Bulu lahɔ wóyí ánfí nkpa, tsúfé Abraham mu na ɔní ánfí é gyí. ¹⁰ Ahá ání bafwí odunkákpá mí, Nyankpɔsa-Mu-Bi ánfí nɛba, anɔ amó nkpa.”

Asúmpó Kóba Ha (Mateo 25:14-30)

¹¹ Ahá ámu bɔde asón ámuú Yesu débí ámu nu. Alí bré ámuɔ á, Yesu latá Yerusalem wie tá. Mú sɔ ɔleha amó yébi pɔtswíí amó, tsúfé bɔdesusúu bɛɛ Bulu iwíegyi béfi así mu. ¹² ɔleha yébi amú ɔbé, “Iwí onyapó ɔku lóbwɛ agywun ɔbé, mótu ɔkpa yó amó owíe dehen wá, ɔyaí mu owíe, oyinki begyi iwíe mu ɔmátó. ¹³ Asa ɔbɔyɔ á, ɔletí mu asúmpó idú, oleye pɔɔnu kulekule há amó fée. ɔlebláa amó ɔbé bɔpɔyɔ agyómá yófun ekeá méba. ¹⁴ Táme mu wúluto ahá bolu mu, wá abí buo mu bɛɛ, bɔmedékléá ɔbwée amó owíe.”

¹⁵ “Táme mú óó á, owíe dehen amú léyaí mu iwíe amú, ɔlesankí ba wóyí. Olenya wíe pé ɔleha betí mu asúmpó amú, ɔkí tsá banyá dínká kóba amusu.

¹⁶ Ogyankpapu léba bebláa mu ɔbé, ‘Mí wíé, nanyá pɔɔnu dú tsía fú klé amúɔ.’

¹⁷ Mú ɔlebláa osúmpó amú ɔbé, ‘Fabwé ató. Osúmpó wankláán fógyi. Iníá fawá ɔnɔkwali itó túkúríbí ánfí iwí sɔ á, nɔpu awúlu idú wá fú ibíto, fékí mósú.’

¹⁸ Onyɔɔsi léba bebláa mu ɔbé, ‘Mí wíé, nanyá pɔɔnu anu tsía fú klé amúɔ.’

¹⁹ Owíe amú lébláa mu ɔbé, ‘Fú é fékí awúlu anusu.’

²⁰ “ɔbambá é léba bebláa mu ɔbé, ‘Mí wíé, fú sika ámu ní. Nɛda mú wá dúkubi ɔnó yáí. ²¹ Nyin fu. Nde fú ifú nya, tsúfé fú asón bu ɔnlín. Fútotsú ató ɔtínéá fómɔpu tɔto yáí, fútɔkpótí ató é ɔtínéá fómɔdu tɔto.’ ²² Mu wie amú lébláa mu ɔbé, ‘Osúmpó laláhe. Fú ɔnótó asón nɔpɔgyi fu asón. Yée fɔyin ání mí asón ihíe bu ɔnlín, ntotsú ató ɔtínéá mmɔpu tɔto tswí, kpótí ató ɔtínéá mmodu tɔto a? ²³ Mú ntogyi sɔ fómɔpu mí kóba amú yótswí sika ɔyaíkpá. Fékí ní neyínkí ba a, nóyɔhɔ móa mósú abí?’

²⁴ “Inu owíe amú lébláa ahá ání bɔbu mu ɔbé, ‘Mlɔswí osúmpó anfi kóba amú ha ɔmuamú olenya idú ámu.’ ²⁵ Táme ahá ámu bebláa mu bɛɛ, ‘Nanáin, ɔbu pɔɔnu dú dodo ol!’ ²⁶ Owíe amú lébláa amú ɔbé, ‘Nde mlí bláa mbée, ɔhá ání odekléá obónu mí atosunáhé amú así á, Bulu ɔbópɔ iku tsía mótó há mu. Táme ɔhá ání omedékléá obónu mí atosunáhé amú así á, Bulu ɔbóswí mu kpalobí ámuú alabí ámu kóráá. ²⁷ Séi á, mlíkpa ahá ámuú bókɔsú líí mísú bɛɛ mmágyi iwíe amú ba, amlíbɔmɔmɔ amó mí ansító nfi!’ ”

Bɔhɔ Yesu Fé Owíe Yerusalem (Mateo 21:1-11; Marko 11:1-11; Yohane 12:12-19)

²⁸ Yesu léha amó yébi anfi tá á, ɔlɔtsun gyankpá pɔ ɔyó Yerusalem. ²⁹ ɔleta Betfage móa Betania awúluá idín Nfɔ-nyíbu* ámu sɔ wie tá á, ɔlɔwa mu akasípó abanyó gyankpá, ³⁰ bláa amú ɔbé, “Mlɔyɔ wúlu anfi ida mlí ansító ánfisɔ. Ní mlówíe wúlu ɔnó á, mlówun afrímú kanáhe ɔku da ɔfétó, ɔhaa mókútsiá musu kí. Mlísankí mu ba mí. ³¹ Ní ɔku ɔfíté mlí ɔbé, ‘Ntogyi sɔ mlídé mu sankí?’ á, mlibla mu mlíaa, ‘Aní Wíe dé mu hián.’ ”

³² Akasípó abanyó ámu bɔyówun afrímú kanáhe ámu fé alíá Yesu lébláa amó.

³³ Bréá bɔde mu sankí á, mu awíe befíté amú bɛɛ, “Ntogyi sɔ mlídé mu sankí?”

* 19:29 Nfɔ-nyíbu igyi obubwí kuá ibo mantáa Yerusalem, bɔtétí mú Olifbu.

³⁴ Bele mú ɔnó bɛɛ, “Anɪ Wíe dé mu hián.” ³⁵ Besi bekpa afrímú kánáhe amu ba Yesu, beyaí amú atati dínká mɔsu, tsú Yesu bian mɔsu. ³⁶ Bréá Yesu tsie mɔsu ɔyó á, ahá ámu bekpa amú atati yáí tswi ɔkpatɔ, ɔlenatí mósú tsun.

³⁷ Bréá Yesu lówa Nfɔ-nyíbu ámu kplí ɔyó Yerusalem wúluto bi a, mu abúopu amu fée bɔtswi opé kánfú Bulu kóklókóó, ofúla amó ɔlɔbwe, bowun amu fée su.

³⁸ Bɛɛ, “Bulu ɔyúla owíe anfi ɔbá mu dátó ánfí! Iwilwii bu ɔsúsú. Numnyam ibwée Bulu klé ɔsúsúsú unu.”

³⁹ Farisifo aku bubu ɔɔm amuto. Inu bebláa Yesu bɛɛ, “Osunápó, ka fú abúopu anfi itin!”

⁴⁰ Yesu lébláa amú ɔbée, “Nde mli bláa mbée, ní ahá ánfí behíe kpá ɔnó bun kóráá á, abwi ánfí bókplon kanfó Bulu.”

Yesu Lósú Yerusalem Su

⁴¹ Bréá Yesu léta Yerusalem wie tá, olowun wúlu amu sísí á, olosu ha mó.

⁴² ɔbée, “Yerusalemfɔ, tɛkɪ ilehián ání mlébi tóá itɔpú iwilwii ba nde, táme mlimétálí bí mó. ⁴³ Bré ku ibá, mli alupó békafia mli abuntíi, pwé okpó wá mli, sá mli tin ɔkpagyíɔkpasu. ⁴⁴ Béhi wúlu anfi pú mótó atsiápó. Bumeesi ibwi kule dínká mó bású, tsúfé mlimébi bréá Bulu léba mli nkpa ɔhókpa!”

Ibíá Agyípó Gyáa Le Bulu ɔtswékpa Wunsínésú

(Mateo 21:12-17; Marko 11:15-19; Yohane 2:13-22)

⁴⁵ Bréá Yesu lówie Yerusalem a, ɔlɔyɔ Bulu ɔtswékpa wunsínésú. Olenya wíe unu alí, ɔlɔwa ibíá agyípó gyáa bi. ⁴⁶ ɔlebláa amú ɔbée, “Bɔwanlín wá Bulu asón ámutɔ bɛɛ, ‘Béti mí ɔtswékpa bɛɛ, mpái ɔbɔkpá.’ Táme mliapó unu mli awikplu ɔɔaínkpá.”

⁴⁷ Oletsia súná ató Bulu ɔtswékpa unu ekekegyíeke. Bulu igyí ahapó dehen, Mose mbla asunápó pú Yudafo ahande amu bodunká ɔkpa ání bótson mósó mó mu. ⁴⁸ Táme bumenya, tsúfé ahá ámu fée bubuo mu ason blíhé.

20

Yesu Túmi Iwí Asun Fitéhé

(Mateo 21:23-27; Marko 11:27-33)

¹ Eke ɔku Yesu bu Bulu ɔtswékpa wunsínésú unu ɔde Bulu asón wankláán ámu ɔkan da, ɔde ató suná. Inu Bulu igyí ahapó dehen, Mose mbla asunápó pú Yudafo ahande beba bɔtu mu. ² Befité mu bɛɛ, “Ma léha fú ɔkpa fúde ntobí ánfí bwé? Ma léha fú túmi?”

³ Yesu léle mú ɔnó ɔbée, “Mí é nfíte mli asun kua kule. ⁴ Bulu wá Asú ɔbɔpó Yohane lénya túmi póbó ahá asú lóó, ntée nyankpɔsa? Mlibla mli.”

⁵ Amú wolɛwule bɔyɔ asón ánfito bɛɛ, “Ní ablí aníaa itsú Bulu wá á, ɔbéfité aní ɔbée, mú ntogyi sù anímóhɔ mu gyi? ⁶ Ní ablí aníaa nyankpɔsa wá é á, ɔɔm anfi béda aní abwi mó, tsúfé bohogyi ání Bulu ɔnósú ɔtɔípó Yohane gyí.” ⁷ Mó su bele mú ɔnó bɛɛ, “Ohwée! Aníméyín ɔtínéá olenya mu túmi tsú.”

⁸ Yesu lébláa amú ɔbée, “Mómó mí é mméebláa mli túmi oduá ndepobwé ntobí ánfí.”

Apafɔ Laláhe Aku

(Mateo 21:33-46; Marko 12:1-12)

⁹ Inu Yesu létrá ha amú yébi ɔbée, “ɔɔtɔpu ɔku lóɔ wáun ndɔ, ɔlɔpu ndɔ ámu wá apafɔ ibito, tú ɔkpa yó ɔmá kuto yétsiá unu nfi-nfi. ¹⁰ Bréá wáun-abí ámu kpɔtíbi lofun a, ɔlɔwa mu osúmpó apafɔ ámu wá ɔbée, ɔyóhɔ mu ogyíkpá ba mu. Táme apafɔ ámu beda obí ámu, gya mu sísí ibikpan. ¹¹ ɔɔtɔpu amu lélawá mu osúmpó nyɔɔsi amú wá. Apafɔ ámu beda mu, sùpa mu, gya mu é sísí ibikpan. ¹² ɔletrá lawá ɔba sáásí. Apafɔ ámu bepilán mu, gya mu lé ndɔ ámutɔ. ¹³ Móó ndɔ mu wie amu lébli ɔbée, ‘Nkáli kóráá nóbwe? Nówa mí onutó mí bí ɔdwepó

amó wá. Fíalí bóbú m̀v m̀. 14 Táme bréá apafó ámv bowun m̀v bi ámv sísí á, bebláa aba bée, ‘Ŋni obégyi m̀v sí ató ní. Mliha amó m̀v, ménì ndó ámv ibémlí aní klé.’ 15 Inu bekítá m̀v, bítíá m̀v dālì ndó ámvto yómó m̀v.

“Ntò mlilahogyi mliaa ndó m̀v wie amv obóbwe apafó ánfí? 16 Ǫbéba bómó amó, pó ndó ámv wá apafó bámbá ibító.”

Bréá ahá ámv bonu asón ánfí á, beblí bée, “Iní mó itsúv̀n aníso!”

17 Yesu lékì amó ansító díín, ǫlefíté amó ǫbéé, “Bulu asón ánfí así mé? ‘Ibwi ámv́ obu ayípv bekíná ámv

lébemli okonkísóbwi ní.’

18 Ǫhagyígha aní ǫledida ibwi ámvsv obébiabía blúblúblúblú. Ní ibwi ámv isúnkí dá ǫkusv é á, ibókwe m̀v fikófíkfíkfí f́é nfúó.”

Lampóoka

(Mateo 22:15-22; Marko 12:13-17)

19 Ilówankí Mose mbla asunápó pó Bulu igyí ahapó amv aní amó iwí yébi alahá. Inu bekleá békítá m̀v, támé benya ahá ámv ifú. 20 Mó sv bodunká ǫkpa aní bótsv m̀sú kítá Yesu. Inu bele ahá bée bupína bwe iwí f́é aha wankláán, abute m̀v kí bée bónu asvankv tsú m̀v ǫnó, ménì b́elí m̀sú kítá m̀v ya ǫḿásó ogyípó. Móbúv túmì gyi m̀v asón. 21 Yesu atépv amv befité m̀v bée, “Osunápó, aniyin aní ǫnǫkwálípv fogyi, f́otosúná mó é. Futamakí ǫhaa ansító. Mbóv́n f́otosúná Bulu ǫkpa ámv ǫnǫkwálísv. 22 Afíte f́ó! Aní mbla leha ǫkpa aní akáa lampóo ha Roma owíe dehen Kaesare, nt́ée anímáka?”

23 Táme Yesu lówun amó agywun. Mó sv ǫlebláa amó ǫbéé, 24 “Mlív́v ḱóba amv kv ba mí ankí.” Bópuba m̀v. Múv ǫlefíté amó ǫbéé, “Ma nwun pó m̀v idá dín m̀sú?”

Bele mó ǫnó bée, “Kaesare.”

25 Múv ǫlebláa amó ǫbéé, “Mómó mlív́v t́á igyi Kaesare klé ha Kaesare, amlív́v ḿá igyi Bulu klé é ha Bulu.”

26 Mó sv bumetalí líí Yesu asv́n blíhé anfisv kítá m̀v ahá ámv ansító. Ǫnó é lobwie amó, bumetalí trá bwíí ǫnó.

Kvsó Tsú Afúlitó Iwí Asv́n Fítéhé

(Mateo 22:23-33; Marko 12:18-27)

27 Sadukifo ǫpasua buteblí bée, kvsó tsú afúlitó ma inv. Amótó akv beba Yesu wá, 28 befité m̀v bée, “Osunápó, Mose lówanlín tswí aní ǫbéé, ‘Ní ǫkv m̀va m̀v ka bumǫkwí asa olowu sí m̀v ka ámv a, m̀v pio otsú m̀v ka ámv tsia, f́ékí ǫkwu ha owupó ámv.’ 29 Oyin ǫkvle abí abasiénó akv betsiá. Amótó ogyankpapv létsiá ǫká, támé ǫmǫkwí asa olowu. 30 Mv gyama lótsu ǫsvrapvka amv tsia, támé m̀v é ǫmǫkwí. 31 Ǫsaasi é lótsu ǫtsí ámv tsia. Mv é ǫmǫkwí. Alu yótv osienósí amv. Amótó ǫkv ḿǫkwí asa olowu. 32 Ǫma-ǫma a, ǫsvrapv amv é lóbowu. 33 Afúli ǫkusóké a, amótó ǫmómó obóbwe m̀v kulu? Tsúf́é amó abasiénó ámv f́éé betsiá m̀v.”

34 Múv Yesu léle mó ǫnó ǫbéé, “Ǫyí ánfító ahá tétsiá aká ḿa akúlu. 35 Táme iméeba alí bré ámv́v ibá ámvto. Ahá ámv́v b́fv́n aní b́kvsó tsú afúlitó, tsia nkpa ǫyí ámv́v ibéba amvto ámv mó buméetsiá akúlu, buméetsiá aká. 36 Buméetrá wu, tsúf́é bóbwe f́é Bulu-abǫpv. Bulu ahá bvgyi, tsúf́é bakósó tsú afúlitó. 37 Aní náin Mose kóráá lówanlín ató tsú afúlikvsó iwí. Tsúf́é ǫlówanlín ǫbéé, eke ámv́v olowun oyíbi kv de ogyá tsíí, támé imédéhóó amv a, ǫletí Bulu ǫbéé, ‘Abraham m̀va Isak pó Yakob Bulu.’ 38 Megyí awupó Bulu ógyi, akvankpapv Bulu ógyi, tsúf́é m̀v ansító mó á, amó f́éé bóbv nkpa.”

39 Inu Mose mbla asunápó amv akv beblí bée, “Osunápó, fabí lé mó ǫnó!” 40 Mó sv amótó ǫkvkvkv métrá wa klv́n fité m̀v asvansv.

*Ma Gyí Kristo Amv?**(Mateo 22:41-46; Marko 12:35-37)*

⁴¹ Inu Yesu léfité mbla asunápó amv ɔbéɛ, “Nkáli ɔ́ɔbwɛ asa ahá bɛɛ, Owíe Dawid mv na gyí Kristo amv? ⁴² Tsúfé owíe Dawid onutó lébli Israelfo ɔ́ɔ amvto ɔ́ɔbéɛ,

‘Ani Wíe Bulu lébláa mí Wíe ɔ́ɔbéɛ,

Tsia mí gyɔ́pɔsɔ,

⁴³ yófun bréá nópɔ fú alupó bwé fú ayabi oyíkpa.’

⁴⁴ Owíe Dawid létí Kristo amv ɔ́ɔbéɛ, mv wie. Mó nkáli sv ɔ́tráa ogyi mv na?”

*Mose Mbla Asunápó Tsiátó**(Mateo 23:1-36; Marko 12:38-40)*

⁴⁵ Inu ɔ́ɔlebláa mv akasípó ahá ámu ansító ɔ́ɔbéɛ, ⁴⁶ “Mlíki Mose mbla asunápó anfi wankláán. Butekle ligá wa náti kí. Butekle bɛɛ ahá bɔ́bún ha amó itsiá dɔ́nsɔ. Otsiákpá yilé butekle tsiá Yudafo ofiakpa pó nke ogyíkpa. ⁴⁷ Butɔ́swíi asurapɔ amó wóyí, butepina bɔ́ mpáí tɔ́ntíntín ahátɔ póbun amó lalahɛsɔ. Bulu ɔ́ɔbéɔtí amó ɔ́sɔ kínkínkín!”

21*Ɔsurapɔ Ɔkv Tswitswi**(Marko 12:41-44)*

¹ Bréá Yesu tsie mantáa tswitswi dáka ámu Bulu ɔ́tswékpa inu á, olowun alíá ahá ání amó ɔ́bɔ́tɔ bu odwin bɔ́ɔpɔ kóba akpɔ́nkpɔ́ntɔ bɔ́wa dáka ámuɔ́tɔ.

² Inu ɔ́surapɔ ohíáni ɔ́kv é lópɔ mv kóba ana bɔ́wa mótó. ³ Múú Yesu lébli ɔ́béɛ, “Ɔ́nɔ́kwali ndɛ mli bláa, tswitswiá ɔ́surapɔ anfi, ɔ́ma tɔ́tɔ anfi lawá á, ɔ́dun ɔ́hagyíɔ́ha klé. ⁴ Tsúfé atráhe amv féé á, amó kóba tsɔ́tsɔ́tsɔ́tɔ balé kpalobi tsú bɔ́wa. Táme ɔ́surapɔ anfi mó íniá ɔ́ma tɔ́tɔ sv tóá ɔ́bɔ́ féé alapó bɔ́wa á.”

*Bulu Ɔtswékpa Amv Bwie**(Mateo 24:1-2; Marko 13:1-2)*

⁵ Yesu akasípó aku bɔ́ɔtɔ́í tsú alíá bɔ́pɔ abwi ání ɔ́bu bíá yi Bulu ɔ́tswékpa amv, pó atokiehé wankláán lá mótó. Táme Yesu lébláa amó ɔ́béɛ, ⁶ “Bré kv ɔ́bá, bɔ́bɔ́wie mó féé bun. Ibwi kule kóráá méesian dɔ́nká mó bású.”

*Iwɔ́sɔ́n Múá Ikpán**(Mateo 24:3-14; Marko 13:3-13)*

⁷ Múú mv akasípó amv befité mv bɛɛ, “Osunápó, bré mɔ́mɔ́tɔ ínɔ́ féé béba? Osúna mɔ́mɔ́ abópɔ́bíá bré ámu ɔ́lafɔ́n?”

⁸ Inu Yesu lébláa amó ɔ́béɛ, “Mlíki wankláán, ménɔ́ ɔ́haa méemlé mli. Tsúfé ahá tsɔ́tsɔ́tsɔ́tɔ bópɔ́ mí dá ba bɛɛ, amógyí Kristo amv nɔ́. Mó bré lafɔ́n ta, táme mli mábuo amó. ⁹ Ní mlonúá ɔ́sá móa kpokiti ladá á, opúni mátsíí mli. Tsúfé ilehián ání ínɔ́ aná bégýankpá bá, táme ɔ́yí ɔ́nómáké iméeba inuɔ́nɔ́.”

¹⁰ Inu ɔ́lebláa amó ɔ́béɛ, “Ɔ́má bókɔ́ aba. Awíe bókɔ́sú líí abasɔ́. ¹¹ Ɔ́sɔ́lɔ́u ɔ́békɔ́nkí ntíné-ntíné. Akón móa ɔ́lɔ́ tsánkíhé é béba ntíné-ntíné. Ntóbíá ihíé bu ifú pó osúna akpɔ́nkpɔ́ntɔ béba tsú ɔ́súsú. ¹² Táme asa mó féé béba a, békítá mli, béhié dɔ́nká mliɔ́, pó mli ya Yudafo ofiakpa yégyi mli asún, wá mli obu. Mí sv békpa mli ya awíe pó ɔ́mású agyípó ansító. ¹³ Inu ɔ́béha mli ɔ́kpa mlétalí gyi mí iwí adánsíe súná amó ní. ¹⁴ Táme mli máhan mli iwí susúu alíá mléle iwí ɔ́nó. ¹⁵ Tsúfé néha mli nyánsa móa ɔ́nɔ́wanki, mli anyabá ámuɔ́tɔ ɔ́kɔ́kv méetalí gyi mli nwéen. ¹⁶ Mli akwípó, mli apíó, mli wóyító ahá pó mli anyawíe kóráá béle mli há, bómɔ́ mliɔ́tɔ aku. ¹⁷ Mí sv ahá féé bólu mli. ¹⁸ Táme mli nwunsɔ́-imi kule kóráá móɔ́fwí. ¹⁹ Ní mletalí líí kínkín á, mlenya nkpa ání itamatá.

*Yerusalem Bwie Iwí Asón Blí**(Mateo 24:15-21; Marko 13:14-19)*

²⁰ “Ní mlowun ání ísá akápó bakáfia Yerusalem wúlu a, mlibiá wúlu amu íbá obwiekpá. ²¹ Mómó ahá ání búbu Yudea ɔmátó búsrí yɔ abusu. Ahá ání búbu Yerusalem wúluto búdáli. Amóá buma wúlu amuto é bumáyinkí ba. ²² Tsúfɛ alí nke ámu íbóbwe Israelfɔ ísubití nke fɛ alíá Bulu ɔnósú atóipó amu bɔwanlín tswí. ²³ Amenyapó pú abí ayín ání bupia abi bóbwe alí bré ámuto, bɔgyówí ní. Tsúfɛ asun wunhe amu ɔnó bówa ɔnlín. Ikplán kpɔnkpɔntí bɛba ɔsulósu, ísubití kpɔnkpɔntí é íbɛba mósú atsiápósú. ²⁴ Amótó aku bésin ɔdayí ɔnó. Békítá amó aku é ndoun ya ɔmá-ɔmátó. Yerusalem wúlu bétsiá ɔmá bámbásófo así, alí yófun bréá amó ɔmá ámu asitsiábí lámó ɔnó.

Nyankpɔsa-Mu-Bi Amu Ibábi

(Mateo 24:29-31; Marko 13:24-27)

²⁵ “Bówun osúna owí, ɔtsra pú ntsrakpabisu. Ɔpu bɛda ifúsú. Ɔsulósu atsiápó bɛnya ifú, buméebi tásá búbwéɛ. ²⁶ Nwulótáa móa mótó ató fɛé bɛkpínkí. Mú su ahá bɛnya ifú, tɔn nɛ tásá ídebá su. ²⁷ Alí bré ámuto á, ɔhagyíɔha obówun ání mí, Nyankpɔsa-Mu-Bi ánfí napó túmí móa numnyam kpɔnkpɔntí mbu nwulótáato tsú ɔsósó nɛbá. ²⁸ Ní ntobí ánfí íde mósú yɔ á, mlikusu lí, amlitsu ansí fua kí, tsúfɛ mli nkpahóbi lafun.”

Ɔyí Ɔnómɔ Iwí Osúna

(Mateo 24:32-35; Marko 13:28-31)

²⁹ Yesu léha amó yébi ɔbɛɛ, “Mlipókí pɔntɔ móa nyí atráhe. ³⁰ Ní íde ate pɔpwe le á, mliowun mó, bí ání awikpan bré lafun ta. ³¹ Alí kén, ní mlowun ání ntobí ánfí fɛé íde mótó bá a, mlibi ání Bulu íwiegýí ámu ilawíé wóyí tá.

³² “Ɔnakwalí nde mli bláa. Ndɛmba-abí ánfí fɛé bumóowu tá, asa íni fɛé bɛba mótó. ³³ Ɔsú móa así fɛé bótson, táme mí asun blíhé móɔtsun ekekekeke.

Iwísvda

³⁴ “Mlikí wankláán, méní opotsuawa, ntábu pú ɔyító ató ɔmagyáa méegyi mli agywunsu, méní mí, Nyankpɔsa-Mu-Bi ánfí ɔbáke amu méɛbékítá mli fɛ yibi. ³⁵ Tsúfɛ íbɛba ɔyító ahá fɛésú. ³⁶ Íni su mligyo, amlibɔ mpái, méní mlénýa ɔwɔnlín tálí tsun ofúla amu fɛétó, belí mí, Nyankpɔsa-Mu-Bi ánfí ansító.”

³⁷ Nke ámuto á, Yesu létsiá yósuná ató Bulu ɔtswékpa inu ɔpa. Onyé á, alanátí yó Nfɔ-nyibu ámusu. ³⁸ Ahá tsɔtsɔtsɔ butakósú ba Ɔtswékpa inu bake, bonu mu asun blíhé.

22

Békikí Yesu Nwunsu

(Mateo 26:1-5; Marko 14:1-2; Yohane 11:45-53)

¹ Israelfɔ Bodobodo MátúhéNke, igyi amósú Katsun Nke ámu gyí íbá bɔfun. ² Bulu igyi ahapó dehen pú Mose mbli asunápó amu bodunká ɔkpa ání bótson mósú kítá Yesu njáintɔ, mó mu, tsúfɛ bude ahá ámu ifú nya.

Yuda Iskariot Lótsulá Aní Ɔbéle Yesu Há

(Mateo 26:14-16; Marko 14:10-11)

³ Inu Ɔbunsám lówie Yuda Iskariot, ogyi Yesu akasípó dúanyɔ ámuto ɔkuletɔ. ⁴ Mú su ɔlɔyɔ Bulu igyi ahapó dehen pú Bulu ɔtswékpa agyópu dehen wá, békítá agywun alíá ɔbéle Yesu há amó. ⁵ Ansí légyi amó. Mú su botsulá ání bɛka mu ikɔ. ⁶ Yuda lótsulá. Mú su olodunká ɔkpa ání ɔbótson mósú híɛɛ lé Yesu há amó, bréá ahá tsɔtsɔtsɔ ámu buma inu.

Katsun Atogyihe Gyi

(Mateo 26:17-19; Marko 14:12-21; Yohane 13:21-30)

⁷ Bodobodo MátúhéNke ámutò ekéá butómó Israelfòsù Katsùn Nke akúfa lòfòn. ⁸ Yesu lówa Petro mba Yohane òbée, òyóbwe Israelfòsù Katsùn atogyihe amu yai ha amó.

⁹ Petro mba Yohane befité mu bée, “Ani Wíé, nkónu ayóbwe mú yai?”

¹⁰ Múú òlebláa amó òbée, “Ní mlowíé wúlu ònó á, mléfiá oyin òkúá òsù ntsu-òlò. Mlibuo mu yò wóyító. ¹¹ Mlowíé á, mlfite wóyí mu wie amu mliáa, ‘Osunápó òbée, afíte fú, nkónu afòó òswúkpá bu, ání mía mí akasípó abéba begyi Katsùn atogyihe amu?’ ¹² Obósuná mli abansòru yílé kúá balá mótó yáí. Mlibwe ató amu yai inu.”

¹³ Petro mba Yohane bopu òkpa. Boyówun tógyító alí amúú Yesu lébláa amó amu pépéépé, bóbwe Katsùn atogyihe amu yáí inu.

Yesu Ntópwe Atogyihe Tráhe

(Mateo 26:26-30; Marko 14:22-26; 1 Korintofo 11:23-25)

¹⁴ Ató amu gyíbi lòfòn, Yesu mba mu sumbí ayópó beba betsiá òpónó amu así.

¹⁵ Yesu lébláa amó òbée, “Nhíé ndeklé mbée, mía mlinyò abégyi Katsùn Nketo atogyihe anfi asa mí anwun iwíwìn. ¹⁶ Tsúfè nde mli bláa mbée, mméetrá gyi mú ekekeke yòfòn ekéá itó amúú atogyihe anfi ilí há amu laba mótó Bulu iwíegyi amuto.”

¹⁷ Inu olotsu ntá-ewe, dá Bulu ipán, òlebláa amó òbée, “Mliho amlinu ha aba. ¹⁸ Tsúfè nde mli bláa mbée, mméetrá nu wáin-abí ntá anfi ekekeke yòfòn bréa Bulu iwíegyi amu ibéba.”

¹⁹ Inu òlele bodobodo ipín, òleda Bulu ipán, bíábía mótó pòhá amó, blí òbée, “Mí oyulóá mli sù nasí há ní. Mlitsia bwe iní pòkain mísó.” ²⁰ Alí kén, bréa begyi ató amu tá á, olotsu ntá-ewe amu há amó, blí òbée, “Ntá-ewe anfi gyi Bulu ntam pòpwe ání nètsei mí obugya wólí pòsí mósó há mli ní.

²¹ “Iníá ndeblí á, mía òhá amúú òbéle mí há amu ibi da òlepe òkuleto. ²² Mí, Nyankpusa-Mu-Bi anfi nówu fè alíá Bulu léhie yáí, táme òhá amúú òbéle mí há amu ògyówí.”

²³ Inu befi así bude aba fité bée, “Ngya anito ma òbóbwe iní?”

Ma Òbóbwe Òhande?

²⁴ Nwéengyi léba sumbí ayópó amuto, amótó amúá òbóbwe òhande sù. ²⁵ Yesu lébláa amó òbée, “Òmátófo awíe bubu túmi amó ahásù. Ahá amu butetí amó ahande bée, ‘Buale agyípó.’ ²⁶ Táme mlito mú á, imába alí. Òhá ání odekléá òbóbwe mlito òhande òbwée mu iwí òtráhe. Òhá ání odeklé òbée, móbwe mli nkpa ogyápu é òbwée mu iwí fè osúmpó. ²⁷ Ma dón mu ba? Òhá ání otsie òpónúasi lóó, ntée òhá ání odesúm òpónó amu así? Megyi òhá amúú otsie mú así amu dòn? Táme mbo mlito fè osúmpó.

²⁸ “Mlilówa klòn buo mí mí ísókí fèétó ní. ²⁹ Alí amúú mí Sí layáí mí owíe amu a, alí mí é nde mli yáí ní, ³⁰ méní mlétsiá mí òpónúasi, gyi ató, nú ntá mí iwíe ogyíkpa inu. Mlétsiá awíe mbíasó, gyi Israel abusuan dúanyò amu asón.”

Petro Òbóswí Òbée Mmemyín Yesu

(Mateo 26:31-35; Marko 14:27-31; Yohane 13:36-38)

³¹ Yesu lébláa Simon Petro òbée, “Simon, Simon! Kí, Òbunsám dé òkpa kulí òbée, obófuní mli fè ayó. ³² Táme nakókóli Bulu há fú mbée, fómádida hógyito. Ní feyínkí ba mí wá á, wa fú aba amu é òwunlín.”

³³ Petro lébláa mu òbée, “Mí Wíé natsúlá, ní obu igyi kóráá mía funyò abédi. Ní lowu ígyi é á, mía funyò abówu.”

³⁴ Yesu lébláa mu òbée, “Petro, nde fú bláa mbée, nde, asa bate òbéle ònó á, fòswí pò ibi wá ogyá tse sa fèe fómeyín mí.”

Iwikli Aní Ibéba Ekekú

³⁵ Inu Yesu léfité akasípó amú ɔbéɛ, “Bréá nɔwa mli sumbí, mlimédé sika akente, mlimédé akpankogyo ntée ntukuta nyɔɔsi a, tɔku lehián mli?”

Bele mú ɔnó bɛɛ, “Èkèkèkè! Tɔtɔ mehián aní.”

³⁶ Múú ɔlebláa amú ɔbéɛ, “Támɛ séi mú á, fúá fúbu sika kente, ntée akpankogyo a, tsu kita. Ní mli tɔku má ɔdayí iya anyɔ á, ɔfé mu tati puhɔ ku! ³⁷ Tsúfé ilehián aní mí iwi asún á múú ibu Bulu asun wanlinhétɔ ámu ibéba mótó. Bɔwanlín bɛɛ, ‘Bekla mu wá lakpan abwepótó.’ Tsúfé asún á múú bɔwanlín tsú mí iwi ámu ibá lafon ta.”

³⁸ Akasípó amú bebláa mu bɛɛ, “Aní Wíe, kí, ndayí anyɔ ní.”

Múú Yesu lébláa amú ɔbéɛ, “Itso.”

Mpáibɔ Nfɔ-nyíbusu

(Mateo 26:36-46; Marko 14:32-42)

³⁹ Yesu lédali wúlutɔ yó Nfɔ-nyíbu ámusu, fé alhá otetsiá yó inu yái. Mu akasípó é bobuo mu. ⁴⁰ Bréá bowie inu á, ɔlebláa amú ɔbéɛ, “Mlikokoli Bulu, méní mlimóowíe isókítɔ.”

⁴¹ Múú ɔlédali amótó yó nkpa kpalobí fé nfi múa nfi, yéda akpawunu bó mpái ɔbéɛ, ⁴² “Mí Sí, ní fótisulá á, ha ntá-ɛwe ánfí* itsun misu. Támɛ megýí tásá ndeklé, múa fudeklé ibá mótó.” ⁴³ Inu Bulu-ɔbɔpu lótsu ɔsúsú bá bele iwi ɔwan súná mu, wá mu ɔwonlín. ⁴⁴ Asún ihíe de mu háan. Mú su ɔlɔbɔ mpái kínkíínkín. Ileha mu apípi lemlí fé obugya, idetíun da ɔsulótɔ ta-ta-ta.

⁴⁵ Bréá ɔlɔkusú tsú mpái ámu ɔbɔkpá, yínkí ba akasípó amú wá á, olowun aní bɔdɛdidi. Awíreho de amó. Mú su iwi lawú amó. ⁴⁶ Múú ɔléfité amú ɔbéɛ, “Ntogyi sù mli dɛdidi? Mlikusu amlíkokoli Bulu, méní mlimóowíe isókítɔ.”

Yesu Kitá

(Mateo 26:47-56; Marko 14:43-50; Yohane 18:1-11)

⁴⁷ Yesu ɔnó mesi, ɔɔm bowotíí amósú. Akasípó dúanyɔ ámutɔ ɔkoleá butetí mu Yuda gyá amú nkpa. Inu ɔlenatí tó Yesu ɔbéɛ, amulata mu puta, ⁴⁸ támɛ Yesu léfité mu ɔbéɛ, “Yuda, latá félatá mí, Nyankpɔsa-Mu-Bi ánfí pútá, pólé mí há?”

⁴⁹ Akasípó amúú bubu Yesu wá ámu bowun tásá ibá. Mú su befité Yesu bɛɛ, “Akóó amú? Aníbu ndayí.” ⁵⁰ Inu amótó ɔkole lótswi mu ɔdayí kpá Bulu igýí ɔhapú dehen osúmpó ɔku gyɔpi-isu lé.

⁵¹ Yesu lébláa ɔkasípó amú ɔbéɛ, “Mábwe! Isíi mli ɔka!” Inu ɔlɔpu ibi da osúmpó amú isu ámu, íleyinkí tsá.

⁵² Múú Yesu léfité Bulu igýí ahapú dehen, Bulu ɔtswékpa agyópu ahande pó Yudafo ahande amúú beba mu ɔkitákpá amú ɔbéɛ, “Ogyo otswapú ngýi, sù mli latsú nkpotí pó ndayí mleba mí ɔkitákpá? ⁵³ Ntsie mli wá Bulu ɔtswékpa wunsínésú ekekegyíèkè, mlimópu ibi da mli èkèkèkè. Támɛ mli bré ní, oklún túmi dé iwíe gyí.”

Petro Lóswú ɔbéɛ Mɔmeyín Yesu

(Mateo 26:57-58, 69-75; Marko 14:53-54, 66-72; Yohane 18:12-18, 25-27)

⁵⁴ Inu ahá ámu bekítá Yesu, kpá mu ya Bulu igýí ɔhapú dehen wóyító. Petro lépetí obuo amú ɔma tsútsúútsú. ⁵⁵ Támɛ bréá bosun agyabi wunsínésú inu, butsie mú así á, Petro léyétsiá amú wá. ⁵⁶ Otsibi ɔkuá ogyi osúmpó inu lówun aní Petro tsie ogyá ámu así, ɔlɛkí mu díín, blí ɔbéɛ, “Oyin ánfí é buo Yesu!”

⁵⁷ Támɛ Petro lópu ɔnolí blí ɔbéɛ, “ɔtsi, mmeyín mu ɔtinetine!”

⁵⁸ Ilɔbwe kpalobí á, ɔha ɔku é lówun Petro, ɔlebláa Petro ɔbéɛ, “Fú é fúbu amótó.”

Támɛ Petro lébláa mu ɔbéɛ, “Owíé, megýí mí ní!”

⁵⁹ Fé dɔnhwírí kule ɔma a, ɔha bambá é léba botsulá mósú ɔbéɛ, “Lélé, oyin ánfí é létsiá mu wá, tsúfé Galileayin ogyi.”

* **22:42** Ntá-ɛwe ánfí igýi iwi ɔsin aní Yesu obówun.

⁶⁰ Táme Petro léle mú onó obée, “Agya! Kí, mmeyín asón ánfí ɪwɪ kɔkɔ.”

Petro onó mesi, bate lóbɔn. ⁶¹ Aní Wíe Yesu lédamlí kí Petro. Inu Petro lékaín asón amúbú aní Wíe lébláa mu obée, “Fóswú tse sa fée fómeyín mí asa bate obéle onó onyení.” ámuɔɔ. ⁶² Inu ɔledalí yó kpankpá híé yósu.

Yesu Ahinlá Bwɛ
(Mateo 26:67-68; Marko 14:65)

⁶³ Yesu akípu befi así buɔe mu ahinlá bwɛ, buɔe mu da. ⁶⁴ Bɔpu ató klí mu ansíbi, fité mu bɛɛ, “Bulu onósó ɔtɔ́pó, maláda fú? Bla aní.” ⁶⁵ Bekpa mu asiabí, bláa mu nyányála.

Yudafɔ Asón Agyípó Ansító Lú
(Mateo 26:59-66; Marko 14:55-64; Yohane 18:19-24)

⁶⁶ Yudafɔ ahandɛ, Bulu igyí ahapó dehen pó Mose mbala asunápó amɔ befia ɔyi kehe nyanki-nyanki, bebítia Yesu belí amó ansító. ⁶⁷ Bebláa Yesu bɛɛ, “Ní fúgyí Kristo, (ɔhá amúbú Bulu ladá mu ofúli amɔ) a, bla aní.”

Yesu lébláa amó obée, “Ní nebláa mlí kóráá, mlimóohogyi. ⁶⁸ Ní nefité mlí asɔankɔ é á, mliméle mú onó. ⁶⁹ Táme tsú séi puya a, mí, Nyankpɔsa-Mu-Bi ánfí nétsiá Bulu Otúmípu amɔ gyɔpɔɔ.”

⁷⁰ Amó fée befité Yesu bɛɛ, “Mú sɔ fúgyí Bulu mu Bi ámu ní?”

Yesu lébláa amó obée, “Ee, ɔnɔkwali amɔ mlilabli á.”

⁷¹ Inu befité aba bɛɛ, “Ntogyi só abétrá dunká adansífo bámbá? Mú anílanú tsú mu onutó onó á.”

23

Yesu Kpa Ya Pilato
(Mateo 27:1-2, 11-14; Marko 15:1-5; Yohane 18:28-38)

¹ Inu ahá amúbú befia inu ámu bɔkɔsú kpá Yesu ya ɔmáso ogyípó Pilato. ² Beka asón dínká muɔɔ bɛɛ, “Anɔlawun aní oyin ánfí dé ɔmá ánfito ahá yintá. ɔde amó bláa obée, bu mátra ka lampóo há Roma owíe dehen. ɔdeblí é obée, mugyí Kristo, (ɔhá aní Bulu ladá mu ofúli amɔ), idesuná aní owíe ogyi.”

³ Pilato léfité Yesu obée, “Fúgyí Yudafɔ owíe amɔ ní?”

Yesu léle mú onó obée, “Ee, mú fabli á.”

⁴ Pilato lébláa Bulu igyí ahapó dehen pó ɔɔm amɔ obée, “Mmɔkówwun tsitsa kɔkɔá oyin ánfí labwé.”

⁵ Táme amó mú buɔe mútɔ kótóo bɛɛ, “ɔdepu mu atosunáhé tí utrɛ múa ikó wá Yudea ɔmá ánfito. Olefi mú así tsú Galilea, alapó bowie nfi.”

Yesu Lú Herode Ansító

⁶ Bréá Pilato lónu asón ánfí á, ɔlefíté obée, “Galileayin oyin ánfí gyí?” ⁷ Bréá ɔlebi aní Yesu otsú Galilea, ɔtínéá owíe Herode dé iwíe gyí a, ɔleha bekpa mu ya Herode. Alí bré amɔto á, Herode bu Yerusalem wúluto inu. ⁸ Bréá owíe Herode lówun Yesu a, ansí lehie gyi mu. Tsúfɛ olodunká aní obówun mu dodoodo, mu ɪwɪ asón aní alanú sɔ. Odeklé aní Yesu ɔbwée osúna ku suna mu. ⁹ Mú sɔ ɔlefíté Yesu asón tsɔtsɔtsɔ, táme Yesu méle kɔkɔ onó. ¹⁰ Bulu igyí ahapó dehen amɔ pó Mose mbala asunápó amɔ bulí inu, buɔekplón ka asón dínká muɔɔ. ¹¹ Owíe Herode muɔ mu isá akɔpó amɔ é bɔsɔpáa mu, bwé mu ahinlá. Bɔpu sríkí ligá ku wá mu, beyinkía mu ya Pilato. ¹² Owíe Herode muɔ Pilato bemli anyawíe tsú eke amɔ. Teki amó nsiné ima ale yái.

Yesu Lowu Ipón Ha
(Mateo 27:15-26; Marko 15:6-15; Yohane 18:39-19:16)

¹³ Pilato létí Bulu igyí ahapó dehen, Yudafɔ ahandɛ pó ɔmá amɔ fée befia. ¹⁴ Múbú ɔlebláa amó obée, “Mlilékpá oyin ánfí ba mí mliáa, ɔde ɔmá amɔ agywun yintá. Nafité mu onótɔ asón mlí ansító, nawun aní asón amúbú mliléka dínká

musu ámu ima mótó. ¹⁵ Owíe Herode é lawun mó alí. Mú sù alayínkíá mu sísí aní ní. Oyin ánfí mókúbwé tótóá bómó mu. ¹⁶ Iní sù néha bépítí mu ató, mí ansi mu onatí.”

¹⁷⁻¹⁸ Inu odóm amu fée bókplón blí bée, “Lé mu inu, afusi Baraba ha aní!”* ¹⁹ (Baraba anfi da obu, tsúfé olókúsú líí wúlu amusu, olómó oha é mótó.)

²⁰ Pilato lékléá obési Yesu. Mú sù olétrá tóí kplá odóm amu. ²¹ Táme bókplón kóklókúú bláa mu bée, “Da mu manta oyikpalíhesu! Da mu manta oyikpalíhesu!”

²² Pilato lébláa amó otse saasi obée, “Tsitsa mómú alabwé? Mmókówwun tóá alabwé, sù néha bómó mu. Néha abupítí mu ató, onatí.”

²³ Táme bobu músú budekplón kóklókúú bée, oháa abuda mu manta oyikpalíhesu. Inu bádun mu onalí. ²⁴ Mú sù Pilato lóbwe dínká tó amóú bodedunká ámusu. ²⁵ Olesi oyin amóú olókúsú líí omá ámusu, mó oha mótó sù oda obu ámu, olesi Yesu há mu isá akápó obée bobwée mu alíá ahá ámu bodeklé.

Yesu Da Mántá Oyikpalíhesu

(Mateo 27:32-44; Marko 15:21-32; Yohane 19:17-27)

²⁶ Bréá bekpa Yesu báyó á, befia Kireneyin okvá bütetí mu Simon. Otsú abúasi. Isá akápó ámu beka mu híe bée osúra oyikpalíhe amu buo Yesu.

²⁷ Odóm bobuo Yesu. Atsiá bobu amótó bupu amó anyópu, bwhíe budesú ha Yesu. ²⁸ Yesu lédamlí, olébláa amó obée, “Yerusalemfo atsi, mlímásu mí. Mlisu mí iwí pó mí abí. ²⁹ Tsúfé nke ku íbá mléblí mlíaa, ‘Bulu layúlá atsiá bómókókwí kí, obí mókúdí amó opúnitó kí, obí mókónyópó amó é kí.’ ³⁰ Alí bré ámutó á, ahá bébláa abu bée, ‘Mlibwie bun anisu. Nkúku, mlípula aní.’ ³¹ Tsúfé ní búde oyi bóbwe ogyá wa alí á, nkálí bóbwe oyi wulíhe?”†

³² Isá akápó ámu bekpa lalahe abwepó abanyó é mántá Yesusu, báyómo amó. ³³ Bréá bowie otínokvá bütetí inu “Nwun Okokobi” a, beda Yesu mántá oyikpalíhesu. Beda amó abanyó ámu é mántá nyikpalíhesu. Okule bu Yesu gyapísu, okule é bu mu binasu. ³⁴ Inu Yesu léblí obée, “Mí Sí, sikie amó, tsúfé bomeyín tóá budebwe.”‡

Isá akápó ámu batswí abi ye Yesu atadieto. ³⁵ Ahá tsotsóotsó amóú bobuo amó yó inu ámu besi bulí inu búde mu kí. Yudafo ahande amu bóbwe mu ahinlá bée, “Olóhó ahá nkpa. Ní lélé mugyí Kristo, (ohá amóú Bulu ladá mu ofúli), mu Bulu lalé ní á, ohóo mu iwí nkpa!”

³⁶⁻³⁷ Isá akápó ámu é bapu ntá odáí tin mu onó, bwé mu ahinlá bée, “Ní fúgyí Yudafo owíe amu ní á, le fú iwí!”

³⁸ Bówanlín ató mántá oyikpalíhe amu awunso bée, “YUDAFÓ OWÍE AMU NÍ.”

³⁹ Lalahe abwepó amóú beda mántá oyikpalíhesu ámutó okule léblí Yesu iwí abusus obée, “Megyí fúgyí Kristo amu ní? Le fú iwí, afule aní mee!”

⁴⁰ Táme onyóosi amu lówa iyin wá mu obée, “Fumédé Bulu ifú nya! Fúa munyó fée dé isubítí kule hóo. ⁴¹ Aní mó á, aní isubítí ida okpa, aní lakpan ání anilóbwe su. Táme oyin ánfí mó mókúbwé laláhe koku.” ⁴² Múú olébláa Yesu obée, “Yesu, ní febá fú iwíe ogyíkpá a, kain mísó!”

⁴³ Yesu lébláa mu obée, “Onokwalí nde fú bláa. Nde, mía funyó abétsiá Paradiso.”

Yesu Lowu

(Mateo 27:45-56; Marko 15:33-41; Yohane 19:28-30)

⁴⁴⁻⁴⁵ Alí bré ánfí íbóbwe fě opa dóduanyó. Owí leta osúlóu amusu fée alí yófun ntópwe dosato. Owí metrá lín é. Inu á, tati amóú bapuká Bulu Otswékpa obu

* **23:17-18** Mótó yée 17 bu nwoló dada amu akoto: Katsun Nke kugyíkoto á, lehián aní Pilato obési obu odupó okule aní Yudafo ámu bodeklé há amó. † **23:31** Ní mí ánfí mí asón da okpa ánfí kóráá budebwe alí á, nkálí Bulu obóbwe ahá aní bégýi pón mu ansító? ‡ **23:34** Mótó yée 34 ima nwoló dada amu akoto.

ámùtò ìlẹbálí anyò. ⁴⁶ Yesu lókplòn kóklókúú blí òbée, “Mí Sí, napó mí òṣé wá fú ìbítò.” Olenya blí alí tá pé, òlẹlẹ òṣé.

⁴⁷ Bréá isá akòpò òhande amò lówun tóá ìlaba a, òlẹkanfó Bulu òbée, “Lélé, òha yilé oyin ánfí gyí.”

⁴⁸ Ahá á múbò bulí ìnu ámu fée bowun tóá ìlaba, bọpọ awíreho náti bọyó wóyí.

⁴⁹ Táme amúbá bọyin Yesu pọ atsi á múbò bobuo mu tsú Galilea òmátó ámu besi bulí tsútsúútsú búde itóá ìde mósó yò kí.

Yesu Pulá

(Mateo 27:57-61; Marko 15:42-47; Yohane 19:38-42)

⁵⁰⁻⁵¹ Oyín òkú létsiá, bọtẹtí mu Yosef. Otsú Yuda wúlu kuá bọtẹtí mó Arimateatò. Òha yilé ogyi, obú é bu mósó. Ibo mótóá òbu òmá ámu asón agyípótò, támẹ omotsulá dínká amú agywun pọ amú bwehé ánfisú. Otsie ogyo Bulu iwíegyi ámu. ⁵² Oyín ánfí lóyò Pilato wá, yókulí mu òkpa òbée, osíi Yesu fúli amu ha mu. Pilato léha mu òkpa. ⁵³ Ìnu Yosef léyẹsiei Yesu fúli, òlọpọ òhráda kíklí mu iwí, pọ mu yówa òbó kuá mu onutó òlẹha bèda bọtátó há mu iwí, bọmókópúlá òhaa mótó kí. ⁵⁴ Eke ámu igyi Fieda. Eke ámu igyi ogyá òdudáké. Owí inyá tá pé, òkpónó òdaké ámu lafi asi.

⁵⁵ Atsi á múbò bobuo mu tsú Galilea amu bobuo Yosef yéki Yesu opulákpá pọ alíá òlọpọ fúli amu tswí òbó ámu. ⁵⁶ Beyinkí yó wóyí yókwẹ ohuam, òhíén pọ ofobí fánfán ání bọpọ yékpá Yesu. Botsutsúa abubwẹ ta á, owí latá, bèda òkpónó òkpónó òdaké ámu fẹ alíá Mose Mbla lẹblí.

24

Yesu Kúsú Tsú Afúlitò

(Mateo 28:1-10; Marko 16:1-8; Yohane 20:1-10)

¹ Kwasiada, igyi ndawótswító eke gyankpapọ bake a, atsi ámu bókúsú tsú afá á múbò bókwe yáí ámu yó Yesu ntsán ámu asi. ² Bowun ání bamína ibwí á múbò bọpọtin òbó ámu ònó ámu lé ìnu. ³ Mó sù bebitíwíé òbó ámu, támẹ bọmowun Yesu fúli amu. ⁴ Besi bulí, búde nwuntò bu. Bẹkí a, ayin abanyó akú líi amó wá ìnu á. Amó atadiẹ de ogyá kpa. ⁵ Ifú lẹkítá atsi ámu, bèda akpawunu pọ ansító bun òsúlótó. Támẹ ayin ámu bẹfité amó bẹe, “Ntogyi sù mliḁé òkiankpapọ dunká afúlitò? ⁶ Òma nfi, alakósó! Mlikain asón á múbò òlẹbláa mli bréá mli múnýò mli bọ Galilea òmátó ámu. ⁷ Òbée, ‘Ilehián ání bẹlẹ mí, Nyankpọsa-Mu-Bi ánfí há lakpan abwẹpó. Bèda mí mántá oyikpalíhesu. Mó eke sáásí a, nókúsú tsú afúlitò.’ ” ⁸ Ìnu atsi ámu bẹkain Yesu asón ánfisú. ⁹ Beyinkí tsú ntsán ámu asi bebláa sumbí ayọpọ dúòkún ámu pọ aha atráhe amó bọbọ ìnu ámu fée tóá bayówun.

¹⁰ Atsiá bọyó ntsán ámu asi gyí, Magdalayintse Maria, Yohana pọ Yakobo mu yin Maria. Amúa atsi akúá bọbọ amótó lẹkla asón ánfí suná sumbí ayọpọ ámu. ¹¹ Asón ámu lẹbwe sumbí ayọpọ ámu fẹ mimlála. Mó sù bọmọhọ mósó gyí. ¹² Támẹ Petro mó lókúsú, tsíi òsrí yó ntsán ámu asi. Olobun kpelẹkí òbó ámu. Tati á múbò bọpúpúlá Yesu nkule olowun ání ìda ifóntó. Oleyinkí yó wóyító, òde nwuntò bu tsú asón ánfí ìlaba ánfí iwí.*

Emaus Wúlutò Yò

(Marko 16:12-13)

¹³ Eke ámu kén á, abúopọ amu abanyó benatí bọyó wúlu kuá bọtẹtí mó Emaustò. Tsú Yerusalem ya ìnu bóbwe fẹ máilí asienó. ¹⁴ Amó nkule bọna búde nkambọ gyí tsu asón á múbò ìlaba amu iwí. ¹⁵ Bréá búde mótó yò á, Yesu onutó é

* **24:12** Mótó yée 12 ìma nwóló dada amu akótó.

lóbɔtu amó, mva amónyɔ bɔna. ¹⁶ Bulu létin amó ansí. Mú sɔ bɔmɛbi mu. ¹⁷ Yesu léfité amó ɔbéɛ, “Amansu iwɪ nkɔmbɔ mliná mliɔɔgyí alí?”

Besi lí tikpa, awɪɛhɔ lekítá amó. ¹⁸ Amótɔ ɔkɔléá bɔtɛtí mu Kleopa léfité ɔbéɛ, “Fó nkɔle gyí ɔfɔɔ Yerusalem wúluta, fómeyín asón ání ilaba inu nke ánfítɔ?”

¹⁹ Yesu léfité mu ɔbéɛ, “Amansu igyi?”

Bebláa mu bɛɛ, “Yesu, Nasaretyin amó iwɪ asón igyi. Bulu ɔnósú ɔtɔ́pó ogyi. ɔlɔbwe ofúla akpɔnkpɔntɪ, blí Bulu asón túmisu, Bulu mva anyánkɔpɔsa fée ansítɔ. ²⁰ Aní Bulu igyi ahapó dehen pɔ wúlu ahande bapó mu há ahá, bahá mu lowu ipón, dá mu mántá oyikpalíhesu. ²¹ Teki mɔgyí ɔhá ání aniléki ɔkpa aniaa, ɔbéha aní Israelfɔ abégyi iwɪ ní. Nde eke sáásí ɔpá asón ánfí lébá. ²²⁻²³ Mɔ́á idun kóráá á, anitɔ atsi aku bayó mu ntsán ámu asi bakienɪ, táme bɔmowun mu fúli amó. Bɛɛ, bayówun Bulu-abɔpu aku babláa amó bɛɛ, ɔbu nkpa. Tɔ́á beyinkí bebláa aní lawá aní wánwan. ²⁴ Iní sɔ anitɔ aku é basrí yó ntsán ámu asi, bayówun mú fɛ alíá atsi ámu beba beblí. Amó é bɔmowun fúli amó.”

²⁵ Yesu lébláa amó ɔbéɛ, “Mlilémimlá o! Mli agywun tamayó agyómá ɔsasɔ. Nkálí igyi sɔ mlimóhɔ asón ámuú Bulu ɔnósú ɔtɔ́pó amó beblí tswi amó féesó gyi? ²⁶ Mliméyín mliáa, ilehián ání Kristo, (ɔhá ání Bulu ladá mu ofúli amó) obówun iwɪɔsin, asa obénýa mu numnyam?” ²⁷ Inu Yesu léle mu iwɪ asón ání bɔwanlín wá Bulu ason wanlínhé amɔtɔ, tsú Mosesu bɔtu Bulu ɔnósú ɔtɔ́pó amó féesó asi súná amó.

²⁸ Bréá bowie wúlu amɔtɔ bɔyó á, Yesu lɔbwe fɛ ɔdetsúun ɔyó ɔtine bambá. ²⁹ Táme abúopu amó bebláa mu bɛɛ, “Aní sí, owí lapɔn, di aní wá nde.” Mú sɔ Yesu lébaí yó amó wá. ³⁰ Bréá bɔde ató gyí a, Yesu léle bodobodo ipín, dá Bulu ipán. Mú olebiabía mótɔ púhá amó. ³¹ Inunu amó ansísú letití amó, bebi mu, táme ɔlɔfwɪ sí amó. ³² Inu befité aba bɛɛ, “Ansí mehiɛ gyí aní bré ámuú ania mɔnyɔ aniná, ɔde aní asón bláa, ɔde Bulu ason wanlínhé amó asi le súná aní amó?”

³³ Bɔkɔsú inunu yínkí ba Yerusalem. Beba a, sumbí ayɔpó dúɔkun ámu pú aha tráhe bafia, ³⁴ bódéblí bɛɛ, “Lélé, aní Wíe lakósú. Alalé iwɪ ɔwan súná Simon!”

³⁵ Mú sɔ ahá abanyó ámu é beblí tɔ́á bayówun ɔkpatɔ. Tɔ́á bɔpɔbí mu gyí bodobodo ámuú oleye ha amó ámu.

Yesu Iwɔwanle Súná Mu Akasípó

(Mateo 28:16-20; Marko 16:14-18; Yohane 20:19-23; Gyumagyihe 1:6-8)

³⁶ Ahá abanyó ámu bɔbu mósú bɔdɛtɔ́ alí á, Yesu onutó léba belí amó nsiné. ɔleblí ɔbéɛ, “Iwɪ ilwíi mli.”†

³⁷ Opúni letsíí amó, bɔwan. Ilɔbwe amó fɛ fúli bɔdewúun. ³⁸ Inu Yesu léfité amó ɔbéɛ, “Ntogyi sɔ mliɔɔ ifú nya, mliɔɔ nwéen gyí mli klɔntɔ alí? ³⁹ Mlíki mí ibi, amlíki mí ayabiasɪ. Megyí mí onutó ní? Mlíkita mí amlíki. Fúli má ɔyólúu mɔ́a awú fɛ alíá mbu.”

⁴⁰ Bréá ɔleblí asón ánfí tá á, ɔlɔpu mu ibi pú mu ayabi súná amó. ⁴¹ Ansí lehiɛ gyi amó, asón ámu é lówa amó wánwan. Mú sɔ bɔmohogyi ání lélé mu nɪ. Inu ɔléfité amó ɔbéɛ, “Mliɔ atogyihe ku nfi?” ⁴² Beha mu iye tɔ́hé itin ku, ⁴³ ɔlɔhɔ mó, wí mó amó ansítɔ inu.

⁴⁴ Inu ɔlebláa amó ɔbéɛ, “Iní gyí asón ání nebláa mli bréá mbu mli wá ní. Nebláa mli mbée, ilehián ání mí iwɪ asón kugyíkuá bɔwanlín wá Mose Mbla, Bulu ɔnósú ɔtɔ́pó nwólú pú Israelfɔ ilu ɔwólótɔ fée béba mótɔ.”

⁴⁵ Inu olobwíí amó agywun, ménɪ bónu Bulu ason wanlínhé amó asi. ⁴⁶ ɔlebláa amó ɔbéɛ, “Bɔwanlín tswi bɛɛ, Kristo, (ɔhá ámuú Bulu ladá mu ofúli amó) amó obówun iwɪɔsin, wú. Bulu ɔbókɔsúa mu mú eke sáásí tsú afúlita. ⁴⁷ Mú ɔma a, ahá béda Bulu ason wankláán ámu ɔkan mí idátɔ há ɔmá fée

† **24:36** ɔleblí ɔbéɛ, “Iwɪ ilwíi mli.” uma nwólú dada amó akɔtɔ.

bεε budámli klontə, fέkɪ Bulu obési amó lakpan kíé amó. Béfi mó asɪ tsú Yerusalem. ⁴⁸ Mlɪgyí mí adansɪfə há asón ánfɪ ní. ⁴⁹ Nópυ Ɔɣε Wankíhé amóó mí Sɪ léhɛ yáí há mɪ ámυ sísɪ mɪ. Mó sυ mlɪtsia wúlu anfitə alɪ yófɔn ekéá Ɔɣε Wankíhé amυ obótsu ɔsúsú bá bεha mɪ túmɪ.”

Yesu Ɔsúsú Yə

(Marko 16:19-20; Gyumagyihe 1:9-11)

⁵⁰ Bréá Yesu léblí asón ánfɪ tá á, ɔlekpa amó dáli, bəyɔ Betania wúlutə. Inυ olotsu ɪbɪ fóá, yúlá amó. ⁵¹ Bréá ɔdε amó yulá á, mɪa amónyɔ nsíné lówa ɪfó wa bɪ, Bulu lótsu mυ ya ɔsúsú. ⁵² Inυ bεda akpawunu súm mυ, bəpυ ansigyí kpɔnkpɔntɪ yínkɪ yétsiá Yerusalem. ⁵³ Betsiá yó Bulu ɔtswékpa inυ brégyíbré, yékanfó Bulu.

Asun Wanklaán Aní Yohane Lówanlín

¹ Asa ọ́yí lẹ̀belin a, Asón ámu bu inu. Asón ámu mwa Bulu bu inu. Asón ámu gyí Bulu.

Asón Aní Itehá Nkpa

² Asón ámu mwa Bulu bu inu asa ọ́yí lẹ̀belin. ³ Músú Bulu lótsun bwe tógyító. Tótóto má inuá Bulu lóbwe tsun mu oma. ⁴ Mútò nkpa itsú. Nkpa ámu tópo wanki ba ahá fée ní. ⁵ Wanki anfi tówáńkí oklúntò, táme oklún mókógyi músú kí.

⁶ Bulu lówa oyin okuá bọteti mu Yohane* sísí. ⁷ Ọlẹba bebláa ahá wanki amu iwi asón, ménì ahá fée bóhò asón ámu bu gyí. ⁸ Megyí Yohane onutó gyí wanki amu. Mu mú wanki amu iwi asón ọlẹba bebláa ahá. ⁹ Ọhá ámuó ogyi wanki onutó, ọtówáńkí há ọhagyíha amu ọbá ọyító.

¹⁰ Ọbu ọ́yí ánfító. Músú Bulu lótsun bwe ọ́yí, táme ọ́yí ánfító atsiápó bọmẹbì mu. ¹¹ Ọlẹba mu onutó ọmátó, táme mu pì bọmọhò mu. ¹² Táme ọlẹha ahá aní bóhò mu, hò mu gyí fée ọkpa aní bọbweé Bulu abí. ¹³ Amó Bulu abí bwe motsú ilíntò, ntée nyankpọsa apébwetò, ntée oyin ọwólì ọkpasu. Mboún Bulu onutó lóbwe amó mu abí.

¹⁴ Asón ámu lébemi nyankpọsa, oletsiá anitò. Awítale pọ ọnàkwali sósón létsiá mutò. Anilówun mu numnyam. Mu Si lówa mu numnyam amu, tsúfẹ Obí ọkukónú ọkule pé ogyi há mu.

¹⁵ Yohane léle mu súná, tói tsú mu iwi ọbée, “Ọnì iwi asón nẹblì mbée, ‘Ọhá ámuó obuò mì ọbá ámu dún mì, tsúfẹ ọbu inu asa bọkwí mí’ ” ní.

¹⁶ Mu awítale itso. Inì sọ ọde awítale tsọtsoetsò anfi wa há anì fée ní. ¹⁷ Mosesu Bulu mbla ámu ná ọlẹba, táme ọnàkwali mwa awítale mú ina anì Wíe Yesu Kristosu ọlẹba. ¹⁸ Ọhaa mókówun Bulu kí. Obí ọkukónú ọkule pé, mu onutó ogyi Bulu, otsie Ọsì ámu gyọpìsu, Ọsì ámu tẹhíé kle mu asón ámu, nkule labláa anì alíá Bulu gyí.

Asú Ọbọpọ Yohane Bulu Asón Ọkanda

(Mateo 3:1-12; Marko 1:1-8; Luka 3:1-18)

¹⁹⁻²⁰ Yudafo ahande aní bọbu Yerusalem bọwa Bulu igyí ahapọ pọ Lewifo Yohane wá bẹe bọyéfíté mu bẹe, ma ogyi? Yohane mési asuansu ọ́áín amó. Ọlẹle bláa amó ọbée, “Megyí mígyí Kristo, (ọhá ámuó Bulu ladá mu ofúli amu).”

²¹ Bẹfíté mu bẹe, “Mómó fúgyí ma? Fúgyí Elia?”

Ọlẹle mú ọnó ọbée, “Megyí mígyí Elia.”

Betrá fíté mu bẹe, “Fúgyí Bulu ọnósú ọtáípó amó ọbẹba amu?”

Ọlẹle mú ọnó ọbée, “Ọ-ọ.”

²² Múú bẹfíté mu bẹe, “Ma fohíé fúgyi? Bla anì, ménì abéyẹbláa ahá ámuó bọwa anì ámu. Nkálì fúdeblì tsú fú onutó iwi?”

²³ Yohane lópo asón aní Bulu ọnósú ọtáípó Yesaia léblì tswì lé mú ọnó ọbée, “Mígyí ọhá ámuó ọdekplón dimbísú ọbée,

‘Mlitswii anì Wíe ikpa ámu ha mu’ amu nì.”

²⁴⁻²⁵ Inu Farisifo akúá bọwa Yohane wá é bẹfíté mu bẹe, “Ní megyí fúgyí Kristo amu, megyí fúgyí Elia ntée Bulu Ọnósú Ọtáípó amó ọbẹba amu é á, ntogyi sọ fúde ahá asú bọ?” ²⁶ Yohane léle mú ọnó ọbée, “Ntsu ndepóbó ahá asú, táme ọha ọku bu mlitò nfi, mlíméyín mu. ²⁷ Múgyí ọhá aní obuò mì ọbá ní. Mmọfun aní nésankí mu ntukota ọfẹ kpán.”

* **1:6** Asú Ọbọpọ Yohane

²⁸ Asón ánfí fée léba Yordan ntsu ɔ́bɪn Betania wúlutɔ́. Inó Yohane létsiá b́ ah́ asú ní.

Bulu Okúfabi

²⁹ Ɔ́yí kehe a, Yohane lówun ání Yesu ná ɔ́bá m̀ wá. Múú ɔ́lebláa ah́ ámu ɔ́bée, “Ml̀kɪ, Bulu Okúfabi am̀ ɔ́bá á. M̀sú Bulu tɔ́tsun sí ɔ́yítɔ́ ah́ lakpan kíe am̀ ní! ³⁰ M̀ ɪwɪ asón neblí mbée, ‘Ɔ́kɔ́ buo m̀ ɔ́bá. Ɔ́ɔ́n m̀, tsúfée ɔ́bɪ ɪnu asa b́kwí m̀ ní. ³¹ M̀ onutó mmeyín m̀, táme neba nde ah́ asú b́, ménɪ Israelfɔ́ b́bɪ ɔ́há ání ogyí.”

³² Yohane léblí ɔ́bée, “Nowun Ɔ́he Wankíhé am̀, ɔ́lekplí tsú ɔ́súsú f́e abróɔ́ma bogyonká m̀sɔ́. ³³ M̀ onutó mmeyín m̀, táme Bulu lówa m̀ ɔ́bée mbá b́pɔ́ ntsu b́ ah́ asú. M̀lébláa m̀ ɔ́bée, ‘Ɔ́há ámuú f́owun Ɔ́he Wankíhé am̀ ɔ́békplí tsú ɔ́súsú bogyonká m̀sɔ́ ámu ɔ́b́pɔ́ Ɔ́he Wankíhé am̀ b́ ah́ asú ní.’ ³⁴ Nawun ání ilaba mótó. M̀ sɔ́ nde m̀ ɪwɪ adánsɪe gyí mbée, m̀gyí Bulu m̀ Bi ámu nɪ.”

Yesu Akasípó Agyankpapɔ́

³⁵ M̀ ɔ́yí kehe a, Yohane m̀ba m̀ akasípó abanyó besankí ba ɪnu. ³⁶ Bréá Yohane lówun Yesu détsúɔ́n a, ɔ́leblí ɔ́bée, “Ml̀kɪ, Bulu Okúfabi am̀ ná ɪnu á.”

³⁷ Akasípó abanyó ámu bonu asón ánfí. M̀ sɔ́ bekplá buo Yesu. ³⁸ Yesu lédamli kɪ wun ání bubuo m̀. Múú ɔ́lefíté am̀ ɔ́bée, “Ntɔ́ ml̀dédunká?”

Béfíté m̀ b́e, “Osunápó, nkónu futsie?”

³⁹ Yesu léle m̀ ɔ́nó ɔ́bée, “Ml̀ba bekɪ.” M̀ sɔ́ ayin abanyó ámu bobuo Yesu yéki m̀ otsiákpá. Ibóbwe f́e ntópwe ɔ́nato. Betsiá m̀ wá tá owí.

⁴⁰ Ayin ámuú bonu asón ání Yohane léblí tsú Yesu ɪwɪ, bekplá buo Yesu am̀tɔ́ ɔ́kɔ́le gyí Simon Petro m̀ pio Andrea. ⁴¹ M̀ ɔ́ma a, ɪtɔ́ gyankpapɔ́ Andrea lóbwe gyí, oloyóɔ́nká m̀ pio Simon, bláa m̀ ɔ́bée, “Anɪlawun Mesia.” (M̀ asɪ gyí, “Kristo”, ɔ́há ámuú Bulu ladá m̀ ofúli am̀.)† ⁴² ɪnu ɔ́lekpa Simon ba Yesu wá.

Yesu lékɪ m̀ díín, ɔ́leblí ɔ́bée, “F́ogyí Yohane m̀ bi Simon nɪ. Tsú nde ṕoya a, b́etɪ f́ó Kefa.” (Griiki ɔ́blítɔ́ “Petro.” M̀ asɪ gyí, “Botá.”)

Filipo M̀ba Nataniel Tɪ

⁴³ Ɔ́yí kehe a, Yesu lóbwe ɔ́bée ḿyɔ́ Galilea ɔ́mátɔ́, olowun Filipo. Múú ɔ́lebláa Filipo ɔ́bée, “Buo m̀.” ⁴⁴ Filipo otsú Betsaida, Andrea m̀ba Petro wúlutɔ́.

⁴⁵ Filipo lówun Nataniel, ɔ́lebláa m̀ ɔ́bée, “Anɪlawun oyin ámuú Mose lówanlín m̀ ɪwɪ asón wá Bulu m̀bla ámuɔ́, Bulu ɔ́nósú atáípó am̀ é b́owanlín m̀ ɪwɪ asón ámu. M̀ dá gyí Yesu. M̀ sɪ gyí Yosef, otsú Nasaret wúlutɔ́.”

⁴⁶ Nataniel léfíté m̀ ɔ́bée, “ɪtɔ́ yílé kɔ́ b́etali dah́ tsu Nasaret wúlutɔ́?”

Filipo lébláa m̀ ɔ́bée, “Ba afúbekɪ.”

⁴⁷ Bréá Yesu lówun Nataniel ɔ́bá m̀ wá á, ɔ́leblí ɔ́bée, “Israelyin onutónutó ní. Afunu kókɔ́ ma m̀tɔ́.”

⁴⁸ Nataniel léfíté Yesu ɔ́bée, “Nkálɪ lóbwe f́ebɪ m̀í?”

Yesu léle m̀ ɔ́nó ɔ́bée, “Nowun f́u bréá f́ubu ṕontɔ́-oyí ámu asɪ ɪnu, asa Filipo lébɛtɪ f́ú.”

⁴⁹ Nataniel lébláa m̀ ɔ́bée, “Osunápó, f́ogyí Bulu m̀ Bi Israel Owíe am̀ nɪ.”

⁵⁰ Yesu lébláa m̀ ɔ́bée, “Alɪ ámuú nabláa f́u mbée, nowun f́u ṕontɔ́-oyí ámu asɪ ámu sɔ́ fahogyí? F́owun ofúla ání ɪɔ́n ɪnɪ.” ⁵¹ Yesu létrá bláa m̀ ɔ́bée, “Ɔ́nɔ́kwali nde m̀li bláa, mlówun ání ɔ́súsú lafínkí, Bulu-ab́pɔ́ b́ude ɔ́súsú yɔ́ yínkí bá Nyankpɔ́sa-M̀-Bi ámuɔ́sɔ́.”

2

Ɔ́kátsiá Kana Wúlutɔ́

† 1:41 Kristo igyi Griiki ɔ́blí, Mesia é igyi Hebri ɔ́blí.

¹ Eke saási a, betsiá oká Kana wúlu ání ibu Galilea omátó. Yesu mu yin bu inu. ² Beti Yesu mua mu akasípó é mó asi. ³ Bréá amó ntá leta á, Yesu mu yin lébláa mu obée, “Botráa buma ntá.”

⁴ Yesu lébláa mu obée, “Amó yín, yée megyí mí asón igyi o! Mí bré məkónyá fun.”

⁵ Mu yin lébláa wóyí ámutó asúmpó obée, “Mlibwe dinka asóngyíasón ání obébláa mliu.”

⁶ Yudafo butafwí iwí amó amándié okpasu. Mó su bəpu awondu akponkpəonkpənti asie yái wóyí ámutó. ⁷ Yesu lébláa inu asúmpó amu obée, “Mliu ntsu bula awondu ámu fée.” Lélé besa. ⁸ Inu obébláa amó obée, “Mliu iku ya nkesu okípu amu.” Besa ya mu. ⁹ Oleda mó onó á, iladámli bwé ntá. Omeyín otínéá benya ntá ámu tsú. (Táme asúmpó amu mó buyin.) Inu oleti oká otsiápu amu ya itsétó, ¹⁰ obébláa mu obée, “Nta wankláán ohagýícha tegyankpá yái. Ní bonu mó tá asa butəpó móá ima ale ba. Táme fú mó fapó wankláán ámu yái bəfun séi.”

¹¹ Inu gyí osúna gyankpapu ání Yesu lóbwe ní. Obəwe mó Kana ání ibu Galilea omátó, pólé mu numnyam owan. Ileha mu akasípó bəhə mu gyi.

¹² Inu oma a, Yesu mua mu yin, mu apió pú mu akasípó bəyo Kapernaum wúluto, yétsiá inu nke kplobí.

Yesu Bulu Otswékpa Yə

(Mateo 21:12-13; Marko 11:15-17; Luka 19:45-46)

¹³ Bréá nkeá Yudafo bəpugyi Israelfosu Katsun Nke lowie wóyí tá á, Yesu lódu yó Yerusalem. ¹⁴ Oloyo Bulu otswékpa amu wunsínésú yówun ání ahá bəde nnantwie, akúfa pú abróduma fe. Olowun aku é butsie mpónúasí bəde kóba tsée. ¹⁵ Inu obəwe mpli, wíé amótó, gyáa amóba mbwí ámu fée dálí. Olowutá kóba atsəpu amu mpónú dá, dá amó kóba sáin. ¹⁶ Móu obébláa abróduma afəpó ámu obée, “Mliu amó nfi! Mlimápu mí Sí wóyító bwé mli ibiá ogyíkpa.” ¹⁷ Iniá ileba alí su á, mu akasípó amu bəkaín Bulu asun wanlínhé anfísu. “Fú osúmkpá amu asón ihíé igyi mí asunbogya.”

¹⁸ Yudafo ahande amu beba Yesu wá bəfité mu be, “Osúna məmu fóbwe pósúná aní ání Bulu túmitó fóde ini bwe?”

¹⁹ Yesu lébláa amó obée, “Mlibwie Bulu otswékpa anfi, nópu nkensá yí mó.”

²⁰ Yudafo ahande amu bebláa mu be, “Nfi advana-sie kéké bəpu yi obu anfi. Mó fú mó fée, fəpu nkensá yí mó?”

²¹ Táme mu nyankpəsa-oyí iwí asón obéblí, megyí Bulu otswékpa amu.

²² Bréá Bulu lókúsú mu tsú afúlitó oma a, mu akasípó amu bəkaín ání obéblí asón anfi. Mó su bəhə Bulu asón pú Yesu asun blíhé amusu gyi.

Yesu Yin Nyankpəsa Kləntə

²³ Yesu lóbwe osúna tsətsətsə Israelfosu Katsun Nke ámutó bréá obu Yerusalem, ahá tsətsətsə bowun. Mó su bəhə mu gyi. ²⁴ Táme Yesu mópú ansí dínká amósú, tsúfé oyin alíá amó fée bəgyi. ²⁵ Mehián ání ohaa obébláa mu oha iwí asón, tsúfé mu onutó oyin asón ání ibu nyankpəsa kləntə.

3

Yesu Mva Nikodemo

¹ Yudafo ohande oku létsiá, buteti mu Nikodemo. Farisiyin ogyi. ² Oleba Yesu wá eke oku onyé bebláa mu obée, “Osunápó, aniyin ání Bulu lówa fú sísí fə ató osunápó. Tsúfé ohaa méetalí bwé osúna anfi fódebwe anfi, ní Bulu móbúo mu.”

³ Yesu léle mó onó obée, “Onəkwali nde fú bláa, ohaa méetalí nyá Bulu ogyi iwíe musu, nkéti balákwíí mu.”

⁴ Nikodemo léfité m̀v ɔ̀bée, “Nkálí b́elakwíí ɔ̀há ání aladan? Ɔ̀bétalí sánkí wíé m̀v yin iputo, ɔ̀b́elakwíí m̀v?”

⁵ Yesu léle mó ɔ̀nó ɔ̀bée, “Ɖ̀nɔ̀kwali nde fú bláa. Ní b́umelakwíí ɔ̀ko tson ntsu móa Ɖ̀he Wankíhétó á, ɔ̀ḿéetalí wíé Bulu iwíegyi ámutó. ⁶ Ɖ̀yulúv nkpa itsú nyankpɔ̀sató, ɔ̀hétó klé é itsú Bulu Ɖ̀hétó. ⁷ Mó su máha mó iwa fú wánwan ání nabláa fú mbée, ilehián ání b́elakwíí m̀li. ⁸ Afú tɔ̀tsun yó ɔ̀tínéá ideklé. Futonú mó nka, táme f́umeyín ɔ̀tínéá itsú pú ɔ̀tínéá iyó. Alí kén igyi há ɔ̀hagyíɔ̀ha ání bakwíí m̀v tsú Ɖ̀hé ámutó ní.”*

⁹ Nikodemo léfité m̀v ɔ̀bée, “Ngya ntó asón ní?”

¹⁰ Yesu léle mó ɔ̀nó ɔ̀bée, “Israelfó osunápú yilé f́ógyi, mó f́ee f́umɔ̀kónú asón ánfí así? ¹¹ Ɖ̀nɔ̀kwali nde fú bláa. Tóá aniyin iwi anidétóí tsú, tóá anilawun é iwi anidé adánsie gyí, táme m̀litamahó aní asón ámu. ¹² Ní nebláa m̀li tóá ide m̀sú yó ɔ̀yí ánfíto, m̀límóhogyi a, nkálí ibóbwé nebláa m̀li tóá ide m̀sú yó ɔ̀súsó m̀boun m̀lómogyi? ¹³ Ɖ̀haa m̀ókódú yó ɔ̀súsó inu kí, nkétí Nyankpɔ̀sa-Mv-Bi ámuó olotsu inu ba amu.

¹⁴ “Alí ámuó Mose lópu kóɔ̀brí iwo síán oyísó, tsú mó líí dimbísó inu ámu a, alí kén ilehián ání b́eda Nyankpɔ̀sa-Mv-Bi ámu mántá oyísó, tsú mó líí,† ¹⁵ méní ɔ̀hagyíɔ̀ha ání ɔ̀lɔ̀hó m̀v gyi obénnya nkpa ání itamatá ní. ¹⁶ Tsúf́é dwé Bulu léhie dwé anyánpósa. Mó su ɔ̀lɔ̀pu m̀v Bi ɔ̀kukónú ɔ̀kole pé ámu há, méní ɔ̀hagyíɔ̀ha ání ɔ̀lɔ̀hó m̀v gyi omóowu, m̀boun obénnya nkpa ání itamatá. ¹⁷ Bulu m̀ópu m̀v Bi ámu sísí ɔ̀yí ánfíto ɔ̀bée, ɔ̀b́a begyi ahá asón, ɔ̀ha ahá ipón, m̀boun ɔ̀bée, ɔ̀b́a b́ɔ̀hó ahá nkpa.

¹⁸ “Ɖ̀há ání ɔ̀lɔ̀hó m̀v Bi ámu gyi lagyi asu. Ɖ̀há ání ɔ̀m̀hó m̀v Bi ámu gyi a, Bulu lahá m̀v ipón dodo, tsúf́é ɔ̀m̀hó m̀v Bi ɔ̀kole pé ámu gyi. ¹⁹ Alíá ɔ̀b́e ha ipón ámu gyí, wankí amu laba ɔ̀yító, táme ahá b́ɔ̀dwé oklún don wankí amu, tsúf́é lalahé abwepó bugyi. ²⁰ Ɖ̀hagyíɔ̀ha ání ɔ̀tɔ̀bwé lalahé tolú wankí amu. Ɖ̀tamakpókpe mantáa mó, tsúf́é ɔ̀de ifú nya ání m̀v b́wehé b́élin ɔ̀wan. ²¹ Táme ɔ̀há ání ɔ̀tɔ̀bwé yilé t́ehá wankí amu t́owánkí wólí musu, méní ahá b́ówun ání Bulu apé ɔ̀debwe.”

Yesu Mva Asú Ɖ̀bɔ̀pó Yohane

²² Iní ɔ̀ma a, Yesu m̀va m̀v akasípó b́edalí Yerusalem yó Yudea ɔ̀mátó. Betsiá inu kpalobí, oletsíá b́ɔ̀ ahá asú. ²³ Alí bré ámutó á, Yohane é dé ahá asú b́ɔ̀ Aenon nsántó, mantáa Salim ẃulu. Tsúf́é ntsu dada nsíné inu. Ahá betsiá yó m̀v wá, oletsíá b́ɔ̀ amó asú. ²⁴ (B́umɔ̀kónyá kítá Yohane tswí obu alí bré ámutó.)

²⁵ Iwígyuráa iwi nwéengyi kú leba Yohane akasípó pú Yudayin ɔ̀ko nsíné. ²⁶ Inu Yohane akasípó b́ɔ̀yó m̀v wá yébláa m̀v b́ee, “Osunápó, ýee fakáín oyin ámuó f́ɔ̀a m̀onyó m̀lilétsiá Yordan b́unkpa ɔ̀b́in, f́egyí m̀v iwi adánsie wankláán ámuó? Ɖ̀de ahá asú b́ɔ̀, ahá f́ée b́ude m̀v wá yó.”

²⁷ Yohane léle mó ɔ̀nó ɔ̀bée, “Ɖ̀haa ḿéetalí b́wé t́ɔ̀tɔ̀, nkétí Bulu lahá m̀v ɔ̀kpa. ²⁸ M̀li onutó m̀létalí gyi m̀i adánsie ání nebláa m̀li mbée, ‘Megyi mígyi Kristo amu, táme Bulu lówa mí gya m̀v nkpa.’ ” ²⁹ Inu ɔ̀leha amó yébi ɔ̀bée, “Ɖ̀ká otsiápu b́ó m̀v ka. Ɖ̀ká otsiápu amu m̀v nyawie é tetsiá ɔ̀ká otsiákpá inu, méní ansí b́egyí m̀v ní onú m̀v nyawie amu ɔ̀me. Alí kén ansí de mí gyí séi ní. ³⁰ Mí atómabi b́éta wíé m̀v kletó.”

Ɖ̀há Aní Olotsu Ɖ̀súsó Ba

³¹ Ɖ̀há ámuó otsú ɔ̀súsó ámu don ɔ̀hagyíɔ̀ha. Ɖ̀há ání otsú ɔ̀sulósu é gyí ɔ̀sulósu ɔ̀ha. Ɖ̀sulósu asón ɔ̀teblí, táme ɔ̀há ání otsú ɔ̀súsó don ɔ̀hagyíɔ̀ha. ³² Otegyi tóá alawun pú tóá alanú iwi adánsie, ɔ̀haa tamahó m̀v asón blíhé. ³³ Táme ɔ̀hagyíɔ̀ha ání ɔ̀lɔ̀hó m̀v asón blíhésu gyi dé m̀sú sí ání Bulu asón igyi ɔ̀nɔ̀kwali.

* **3:8** Ɖ̀hé móa afú lehan aba Griiki ɔ̀blító. † **3:14** M̀v oyikpalíhesu síán iwi asón ɔ̀deblí.

³⁴ Ǫhá ámuó Bulu lówa ámu telé Bulu asón blí, tsúfé Bulu tǵpú Ǫhé ámu bólá mǵtǵ. ³⁵ Ǫsí ámu tǵdwé mu Bi ámu, alapó túmi fée wá mu ibǵtǵ. ³⁶ Ǫhagyíǵha ání ǵlǵhǵ mu Bi ámu gyi bu nkpa ání itamatá. Ǫhagyíǵha ání ǵmǵhǵ mu gyi má nkpa ání itamatá. Bulu ısubıtí é ıdın muıı.

4

Yesu Mva Samariayintse Ǫku

¹ Farisifo bonu ání Yesu dé abúopu nya, bó amó asú dun Yohane. ² (Táme megyí Yesu onutó dé amó bǵ. Mu akasípó dé amó bǵ.) ³ Bréá Yesu lébı ání Farisifo ámu banú asón ánfı á, ǵledalı Yudea ǵmátó yínkı yó Galilea ǵmátó.

⁴ Táme lehián ání ǵbótııun Samariafo ǵsulóıı.

⁵ Yesu lóyówie Sikar ání igyi Samaria wúlu kǵtǵ. Wúlu anfi bu mantáa ǵsulóıı kuá Yakob lópuhá mu bi Yosef bímbı ámu. ⁶ Inó Yakob ibún bu nı. Ǫkpa ámu bu ıfǵ. Mó ıı Yesu lótsutsúa obowie inu á, ilapıán mu. Mó ıı oletıá ibún ámu ası. Alı bré ámuıǵ á, ilabwé fé ǵpawısó.

⁷ Inu á, Samariayintse ǵku léba ntsu ǵsakpá. Yesu lókolı mu ǵbéé, “Nobwıı ıpa, ha mı ntsu annu.” ⁸ Alı bré ámuıǵ á, Yesu akasípó bǵyó wúluto yǵhǵ atogyihǵ.

⁹ Yudafo bıtamapó ibı da Samariafo nwe núu ntsu. Mó ıı ǵtsı ámu léfité Yesu ǵbéé, “Yudayin fugyi, mı é Samariayintse ngyi. Nkálı igyi só fǵde mı ntsu kolı?”

¹⁰ Yesu léle mó ǵnó ǵbéé, “Nı fuyin Bulu atokiehé pǵ ǵhá ání ǵde fı ntsu kolı á, tekı fıkolı mu, ǵbéha fı ntsu ání itehá nkpa.”

¹¹ Ǫtsı ámu lébláa mu ǵbéé, “Anı sı, fǵmedé ǵfé, ibún ánfıto é bu oklú. Nkónu fénya ntsu ání itehá nkpa? ¹² Fǵdun anı náın Yakob ání olokwi ibún ánfı há anı, mva mu abı pǵ amó mbwı bonu ntsu mótó?”

¹³ Yesu léle mó ǵnó ǵbéé, “Ǫmewólı bélakitá ǵhagyíǵha ání otonu ibún ánfıto ntsu. ¹⁴ Táme ǵhagyíǵha ání obónu ntsuá néha mu a, ǵmewólı méetrá kıtá mu ekekeke. Ntsu ámuó néha mu amu ibédamlı ntsu ǵwıkpá mǵtǵ ání ibélin ha nkpa ání itamatá.”

¹⁵ Ǫtsı ámu lébláa mu ǵbéé, “Anı sı, ha mı ntsu ánfı ku, méni ǵmewólı méetrá kıtá mı, mméetrá ba nfi é besa ntsu.”

¹⁶ Yesu lébláa mu ǵbéé, “Yetı fı kúlu amlıba.”

¹⁷ Ǫtsı ámu léle mó ǵnó ǵbéé, “Mma okúlu.”

Yesu lébláa mu ǵbéé, “Ǫnǵkwalı igyi fablı ání fıma okúlu. ¹⁸ Tsúfé fatsıa akúlu tse nu kı. Mégyı fı kúlu gyı oyin ámuó fıa mǵnyǵ mliná sıi ámu é. Fawá ǵnǵkwalı.”

¹⁹ Móú ǵtsı ámu lébláa mu ǵbéé, “Anı sı, nawun ání Bulu ǵnósú ǵtǵıpú fugyi.

²⁰ Anı anáın Samariafo bosúm Bulu ibı ánfııı, táme mlı Yudafo mó mliha Yerusalem kóun lehián ání ǵhagyíǵha obósum Bulu.”

²¹ Yesu lébláa mu ǵbéé, “Ǫtsı, hǵ mı asón ánfııı gyi. Bré ku béba ání ahá bǵméetrá sım Ǫsí ámu ibı ánfııı ntée Yerusalem. ²² Mlı Samariafo mlıméyın ǵhá ání mlıdésum. Anı Yudafo mó anıyın ǵhá ání anıdésum, tsúfé Yudafoıı ina nkpahóıı leba ǵyıtó. ²³ Bré ıbá, ilafun ta ání Bulu asúmpǵ anǵkwalııı bósum Ǫsí ámu ǵhétó pǵ ǵnǵkwalııı. Tsúfé ahá ánfı odu Ǫsí ámu dédunká ǵbéé bǵsım mu nı. ²⁴ Ǫhé Bulu gyı. Mó ıı ilehián ání ahá ání butosım mu bósum mu ǵhétó pǵ ǵnǵkwalııı.”

²⁵ Ǫtsı ámu lébláa mu ǵbéé, “Nyin ání Mesia*, (ǵhá ámuó Bulu ladá mu ofúli amu) ǵbéba. Nı ǵbá á, ǵbéle asúngyiasón ası súná anı.”

²⁶ Móú Yesu lébláa mu ǵbéé, “Mı ánfı nde fı asón bláa anfi gyı Kristo amu nı.”

²⁷ Inu akasípó amu besankı tsú wúluto ba bǵtu amó. Ilówa amó wánwan ání bawun Yesu mva ǵtsı bulı budétǵı. Táme amótó ǵkoku métalı fıte ǵbéé, “Ntǵ fǵdedunká tsú mu wá, ntée ntogyı só fıa ǵtsı ámu mlıdétǵı?”

* 4:25 Griikifo tétı Mesia bée Kristo.

28 Ọtsi ámu lési mu oló yáí inu, yínkí yó wúluto yébláa ahá ọbée, 29 “Mlíba amlibeki oyin ọkúá alabláa mi tóá nabwé kí fée. Mlilahogyi mlíaa, megýí Kristo amu ni?” 30 Mú su ahá bédalí tsu wúlu amuto beki Yesu.

31 Alí bré ámutó á, mu akasípó ámu bode mu kokóli bée, ogyíi ató.

32 Táme ọlebláa amó ọbée, “Mbú tóá négyi, mlíméyín mú iwí kọkọkọ.”

33 Mú su akasípó amu befité aba bée, “Ntée ọkú labeha mu tọkú alagyi?”

34 Yesu lébláa amó ọbée, “Mí atogyihe gyí aní nóbwe tóá ọhá ámúú ọlọwa mí sísí ámu ọbée mbwée, ammọ mú ọnó. 35 Yée mliteblí mlíaa, ‘Tsra ana pé lasí ayó t́nbi bófun?’ Táme nde mli bláa mbée, mlitsu ansí kí adọbúu amuto, ayó ámu ilabli fun t́n. 36 Bode mu at́npu ako ka dodo. Bode mú t́n yaí há nkpa aní itamatá. Mú su ansí bégyi adupó móa at́npu amu fée ekewóle. 37 Mú su ọnọkwali igyi buteblí bée, ‘Ọkú todú, ọkú é tetin.’ 38 Nọwa mli mbée mliyétin ayóá mlímóyọ mú odukpá. Aha bambá lóyọ mú iwí agyómá, ilawá labi há mli.”

39 Samariafọ́a búbu wúlu amuto tsatsọ́tsọ́ bọ́họ́ Yesu gyi, adánsiẹ ámúú ọtsi ámu légyi suná amó ọbée, “Alabláa mi tógyítóá nabwé mí nkpatọ́ fée” ámu su. 40 Iní su bréá beba Yesu wá á, bokokóli mu bée, ọtsía amó wá. Yesu létsiá inu nkenyó.

41 Yesu asun blíhé su Samariafọ́ ámu tsatsọ́tsọ́ é belahọ́ mu gyi. 42 Bebláa ọtsi ámu bée, “Megýí fọ́ asún ámu sọ́ anilétrá họ́ mu gyi ngya o. Aní onutó anılanú, anilawun aní lélẹ́ oyin ánfi gyí ọyító Nkpa Ọhọ́pú amu ni.”

Ọhande Ọkú Mú Bì Ilọ́ Tsa

43 Nkenyó ámu ọma a, Yesu lénatí yó Galilea ọmátó. 44 (Tsúfẹ́ mu onutó olowun blí ọbée, “Butamabú Bulu ọnósú ọ́tọ́pó mu onutó ọmátó.”) 45 Bréá olowie Galilea a, inufó bọ́họ́ mu atúu, tsúfẹ́ amó onutó bọ́yọ́ Yerusalemu Yudafọ́su Katsun Nke ámu ogyíkpa. Mú su bowun tóá ọlọbwe inu fée.

46 Yesu létrá yínkí yó Galilea ọmátó, Kana wúluto, ọ́t́íné ámúú ọledamlí ntsu bwé ntá ámu. Ọmá ọhande ọkú tsie Kapernaum wúluto. Ọ́bú obi yínhé ọkúá ọda ọdelọ. 47 Bréá ọhande amu lónu aní Yesu latsú Yudea ba Galilea a, olegya mu ọkpa yókokóli mu ọbée, mu bí yínhé lawú tá, ọkplí ba Kapernaum, ọbetsa mu ilọ́ ha mu. 48 Yesu lébláa mu ọbée, “Mú su ní mlímókúwun osúna a, mlímóhọ́ mi gyi ekekeke?”

49 Ọmá ọhande amu lébláa mu ọbée, “Owíé! Ní aní ayabi mọ́wa ọsa á, kebi ámu obówu.”

50 Yesu lébláa mu ọbée, “Yọ! Fọ́ bí ámu obénýa nkpa!”

Oyin ámu lóhọ́ asún ámúú Yesu lébláa mu amusu gyi, oleyinkí ọ́yọ́ wóyí.

51 Bréá ọ́yọ́ á, mu asúmpó beba befia mu, bláa mu bée, “Fọ́ bí ámu lanyá nkpa.”

52 Inu ọlefíté amó bréá iwí lówa mu bí ámu ọnlín. Bebláa mu bée, “Owísó ámu lési mu ígye ọpa ọ́dọ́-kuleto.” 53 Inu á, ọlekaín aní alí bré ámutó kén Yesu lébláa mu ọbée, mu bí ámu obénýa nkpa ní. Iní su mva mu wóyítófọ́ fée bọ́họ́ Yesu gyi.

54 Iní gyí osúna nyọ́sía Yesu lóbwe bréá olotsu Yudea ba Galilea ni.

5

Tsukọ́le Ọst́npu Ọkú Ilọ́ Tsa

1 Asún ánfi ọma a, Yesu lódu yó Yerusalemu Yudafọ́ Bulusúm nke kú ogyíkpa. 2 Bọ́pwe buntíi wá wúlu amu. Bokwi ibún kú mantáa buntíi amu ọkpa ọ́nọ́ kúá butetí mú Akúfa Ọ́tsónkpa. Butetí ibún ámu Betesda Hebri ọ́blító. Beyi mbu anu bómlí mú. 3-4 Alọ́pu tsatsọ́tsọ́ búbun ibún ámu así mbu ánfitọ́. Amútó́ akú búgyi

ansibi abwiepú, abo pó tsukule asínpu.* ⁵ Oyin okvá alasin tsukule nfi advasa-kwe (38) kéké da inu. ⁶ Bréá Yesu lówun mu a, olowun ání alaló, dí inu wá opá. Mú su olefté mu obéé, “Fudeklé fée iwí iwá fú onlin?”

⁷ Tsukule osínpu amu léle mó onó obéé, “Owíé, ní bowúli ntsu ámutó á, mma ohá ání obótsu mí wá mótó. Nótutsúa ambabwé á, oku lagyankpá wíé mótó dodo.”

⁸ Yesu lébláa mu obéé, “Kusu! Tsu fú oklan, afonati!” ⁹ Inununu oyin ámu iwí lówa mu onlin, okusú tsú mu oklan, wá natí bi.

Alí éke ámu igyi Yudafo okpónú Odaké. ¹⁰ Mú su Yudafo ahande beka oyin ámóu Yesu latsá mu ilo ámu ansító, blí bée, “Nde igyi Okpónú Odaké. Aní mbla meha okpa ání fósorá fú oklan.”

¹¹ Oebláa amó obéé, “Ohá ámóu oletsá mí ilo ámu lébláa mí obéé, ‘Tsu fú oklan, afonati.’”

¹² Mú su befité mu bée, “Ma lébláa fu obéé, fotsúu fú oklan afonati?”

¹³ Oyin ámu mébi ohá ání oletsá mu ilo, tsúfé ahá buhié butso inu, Yesu lófwí wá amótó.

¹⁴ Oma a, Yesu lóyówun mu Bulu otswékpa inu. Mú oelbláa mu obéé, “Yée fawun ání iwí lawá fú onlin. Mátrá bwe lakpan, méní móá idun ínì méeba fusu.”

¹⁵ Oyin ámu léyéláa Yudafo ahande amu obéé, Yesu létsa mu ilo. ¹⁶ Iníá Yesu dé ntobí ánfí odu bwe okpónú Odaké su á, Yudafo ahande amu bowa mu kpekpée bi. ¹⁷ Táme Yesu lébláa amó obéé, “Mí Sí mókúsí agyómá ya. Mú su mí é mmókúsí.”

¹⁸ Mu asun blíhé anfi su á, Yudafo ahande amu bekle ání bómo mu okpagyíokpasu. Tsúfé megyí okpónú Odaké mbla ámu nkule tóon su, mboun oelblí obéé, mu si gyí Bulu, ilosuná ání mba Bulunya bugyi kékée.

Bulu Téhá Mu Bi Amu Túmi

¹⁹ Yesu léle mó onó obéé, “Onokwalí nde mlí bláa. Mí Bulu mu Bi ánfí onutó mméetalí bwé tótó mí iwísu. Tóá nowun ání mí Sí débwe á, mó ntóbwe. ²⁰ Tsúfé mí Sí tódwé mí, otosúná mí itáá mu onutó odebwe fée. Inn! Ibówa mlí wánwan ání obósuná mí móá idun alí. ²¹ Alí ámóu mí Sí tókúsu áhá tsú afúlitó, há amó nkpa ámu a, alí mí é ntehá ahá ání ndeklé nkpa ní. ²² Mí Sí tamagyi asón há ipón, táme alapó asóngyí fée wá mí ibitó, ²³ méní ohagyiha obóbu mí fée alíá otobú mí Sí ámu. Ohá ání otamabú mí tamabú mí Sí ámóu olapu mí sísí ámu é.

²⁴ “Onokwalí nde mlí bláa mbée, ohagyiha ání otonú mí asón, otóhó ohá ámóu olowa mí sísí ámu gyi, bu nkpa ání itamatá. Bulu méegyi mu asón, há mu pón, tsúfé aladálí lowuto ba nkpató dodo. ²⁵ Onokwalí nde mlí bláa. Bré ku íbá. Bré ámu ilawúna fun ání ahá ání bugyi fée aha wuhé† bónu Bulu mu Bi ámu ome. Amóá bonu mó bénya nkpa. ²⁶ Tsúfé mí Sí bón túmi, otehá nkpa. Alí kén alahá mí ánfí ngyi mu Bi ánfí túmi, obéé nháa ahá nkpa ní. ²⁷ Alahá mí túmi obéé, ngyi ahá asón, tsúfé mígyí Nyankpusa-Mu-Bi ámu ní. ²⁸ Asón ánfí imáwa mlí wánwan. Bré ku íbá, afúli fée bónu mí ome, ²⁹ kósú. Amóá bóbwe yilé bélakósú, nyá nkpa ání itamatá. Amóá bóbwe laláhe a, négyi amó asón, há amó ipón.”

³⁰ “Mméetalí bwé tótótó mí iwísu. Asón ání nonú tsú mí Sí wá á, mó ntópogyí asón. Mó sú ntegyi asón onokwalísu ní. Tsúfé ntamabwé tóá mí onutó ndeklé, mboun tóá ohá ámóu olowa mí sísí ámu tekle.”

Yesu Iwí Adánsie Wankláán Agyipó

³¹ Yesu lóyo mósú blí obéé, “Ní mí onutó negyi mí iwí adánsie á, mlimóhó mó ání onokwalí igyi.‡ ³² Bulu é tegyi mí iwí adánsie. Nyin ání mí iwí adánsie ámóu odegyí amu igyi onokwalí. ³³ Mlilawá abí sísí Yohane. Alabláa mlí onokwalí

* **5:3-4** Mótó yée 4 bu nwoló dada amu akotó: Ibo nu bu inu á, Bulu-obopo tobowulii ntsu ámutó. Iní su botsie inu bugyo mu. Tsúfé ní obá bowulii mó á, fóa fegyankpá wíé mótó á, futenyá iletá. † **5:25** Ahá ání bawú njétó. ‡ **5:31** Mose mbla lósuná ání ahá abanyó ogýí adánsie.

amv. ³⁴ Mí mó á, mmehián anyánpósa adánsi. Mboún nde mli asón ánfí bláa, méni Bulu óbóhó mli nkpa. ³⁵ Yohane ason blíhé lóbwe fẹ ọkandíe ání idewankí. Mó su mlólótsulá gyi mó ọdwe kpalobí. ³⁶ Mbu tóá itegyí mí iwí adánsi, idun Yohane klé amv. Agyómá amóú mí Sí lawá ọbée mbwée mọ mó ọnó, nde mó bwe amv dé adánsi gyí ání mólówa mí sísí. ³⁷ Mí Sí amóú ọlọwa mí amv onutó lagyi mí iwí adánsi. Mlímókónu mv ọme, mlímókówun mv é kí. ³⁸ Mlímóhó mv asón wá mli klontó, tsúfẹ mlímóhó mí amóú ọlọwa sísí amv gyi. ³⁹ Mlíkiá mlénýa nkpa ání itamatá tsú Bulu ason wanlínhé amv. Mó sọ mli ansí lapé, mlídé mó kasí ní. Mí iwí adánsi Bulu ason wanlínhé amv idegyí. ⁴⁰ Táme mlilakíná mí wá bá, méni mlénýa nkpa amv.

⁴¹ “Mmedédunká mbée, ahá bókánfú mí, ⁴² tsúfẹ nyin mli dodo. Nyin ání mli tamadwé Bulu tsú mli klontó. ⁴³ Naba mí Sí dátó, mlímóhó mli. Táme ní ọha bambá ọbá mv onutó iwísu á, mlóhó mv. ⁴⁴ Mlitekleá mlékanfú aba, táme mli tamabó mbódí ání Bulu ọkule pé amv ọkánfú mli. Nkálí ibóbwe mlóhó mli gyi? ⁴⁵ Mlímákí mlíaa, néle mli ilá mí Sí ansító. Mose amóú mli ansí idun mv su mlíaa ọbóhó mli nkpa amv mboún ọbée mli ilá Bulu ansító ní. ⁴⁶ Ní lélé mlilóhó Mose asónsú gyi a, teki mlóhó mí asónsú gyi, tsúfẹ mí iwí asón ọlọwanlín tswi. ⁴⁷ Táme iniá mlímóhó tóá ọlọwanlín tswísu gyi a, nkálí ibóbwe mlóhó mí ason blíhésu gyi?”

6

Ahá Mpím-nu Atogyihe Ha

(Mateo 14:13-21; Marko 6:30-44; Luka 9:10-17)

¹ Ini ọma a, Yesu mva mv akasípó befá Galilea ọpáá bótétí mó Tiberia amv yó mó ọbín. ² Ọdám betsiá buo mv, tsúfẹ ọde alọpọ tsa wánwansu. ³ Mva mv akasípó bọdú yó okúku kọsọ, yétsiá así inu. ⁴ (Alí bré ámutó á, Yudafo nkeá bọpọgyi Israelfọsọ Katsun Nke amv ilafon ta.) ⁵ Inu Yesu lótsu ansí fúá wun ání ọdám kponkpọnkpon tì bebá mv wá. Móú ọlefíté Filipo ọbée, “Nkúnú abénýa atogyihe hó ha ahá ánfí bégýi?” ⁶ (Yesu léblí asón ánfí pọsọ Filipo kí, tsúfẹ oyin tóá ọbóbwe dodo.)

⁷ Filipo lélé mó ọnó ọbée, “Ní apọ tsra kwe ikaká hó atogyihe kóráá á, imófọn ání okugyíakú obénýa kpalobí gyí!”

⁸ Simon Petro mv pio Andrea, ogyi akasípó amv ọkule lébláa Yesu ọbée, ⁹ “Oyimbi ọkú dé bodobodo apín pútúpútú anu pọ ntsutso iye bwáhé anyo. Táme ntó ini bóbwe ahá tsọtsọtsọ ánfí?”

¹⁰ Yesu lébláa mv akasípó amv ọbée, “Mlíha amó abutsiatsia así.” Ahá amv fée betsiá ifású. Ayin ání bọbọ amótó bóbwe fẹ mpím-nu (5,000). ¹¹ Móú Yesu lóhó bodobodo amv, dá Bulu ipán, ọleha beye mó há ahá amóú bọtsie inu amv. Alí kén ọlóbwe ntsabi bọáhé amv é ní. Amótó okugyíakú lénýa alíá odeklé. ¹² Begyi mwe sian. Yesu lébláa akasípó amv ọbée, “Mlíkola síanhé amv, méni imóóbwe atọ yintáhé.” ¹³ Lélé, bọtsí síanhé amóú benýa tsú bodobodo anu ámutó amv. Ilọbúlá alakpá dúanyo kéké.

¹⁴ Ahá amv bowun osúna ánfí Yesu labwé ánfí. Mó su beblí bee, “Lélé, oyin ánfí gyí Bulu ọnósú ọtáípó amóú bọwanlín mv iwí asón wá Bulu asóntó bee, ọbẹba ọyító amv ní.” ¹⁵ Yesu lówun ání ahá amv babwé agywun bee, bẹba bekítá mv ọwunlín tó yáí mv iwíe. Mó su mv nkule ọlẹladú yó nkpa sí amó.

Ọpọsọ Natí

(Mateo 14:22-33; Marko 6:45-52)

¹⁶ Bréá owí lọpọn a, Yesu akasípó bekplí ba Galilea ọpọ ọnó. ¹⁷ Owí latá, táme Yesu mókúyínkí bọtu amó. Mó su bọdú wíe ọklontó, bọdẹfa bọyọ Kapernaum.

¹⁸ Afú kponkpontí kú léba idetsọn, ọpọ amv lówa dabi. ¹⁹ Alí bré ámutó á,

akasípó amụ baplá ọklun amụ yó fẹ máílí asa ntéé ana. Inu bowun ání Yesu ná ọpụ amọsụ ọbá amó wá. Mú sù ifú lekítá amú. ²⁰ Táme Yesu lébláa amó ọbée, “Mí ní, mímánýa ifú!” ²¹ Inu botsu mụ wá ọklun amụto ansigyísú. Ilotsutsúa ịwankí amú á, ọklun amụ lawíé otsubúń, ọtíné amúó bọyó ámu.

Yesu Dunká

²² Ọyí kẹhẹ a, ọdám amúó besi bubu ọpụ amụ ọbín inu ámu bowun ání ọklun kuku ịtráa melí inu. Múá tekí ịlú inu to akasípó amụ bowie náti ní. Bowun ání Yesu mówie mótó asa benatí. ²³ Mú ọma a, nklun akụ lótsu Tiberia wúluto belí mantáa ọtíné ámuó begyi bodobodo amúó Yesu léda Bulu ịpán póhá amó ámu. ²⁴ Ọdám amụ bowun ání Yesu lanatí inu, mụ akasípó amụ é buma inu. Mú sù bọdụ wíé nklun amụto yó Kapernaum, bọde Yesu dunká.

Bodobodoá Itehá Nkpa

²⁵ Bréá ọdám amụ boyówun Yesu ntsu ọbín inu á, befité mụ bée, “Osunápó, bré mọmụ fobowie nfi?”

²⁶ Yesu lébláa amó ọbée, “Ọnọkwalı nde mli bláa. Megyí osúna amúó ndebwe mli déwúun amụ sù mligyá mí ọkpa. Mboún bodobodo amúó neha mli, mli légyí mwe ámu sù. ²⁷ Mlímáwun ipian atogyihe ání iteyíntá sù. Mboún mliwun ipian múá ibétsiá yó, ịbéha nkpa ání itamatá, ání mí, Nyankpọsa-Mu-Bi ánfí neha mli sù. Tsúfẹ mí mí Sí Bulu lahíe nsu ání mbo ọkpa há mọ.”

²⁸ Befité Yesu bée, “Gyoma mọmụ abwée isuna ání anídé tóá Bulu tekle bwe?”

²⁹ Yesu léle mọ ọnó ọbée, “Tóá Bulu déklé ọbée mli bwée gyí, mli họ mí ánfí ọlwa sísí ánfí gyí.”

³⁰ Inu befité Yesu bée, “Osúna mọmụ fóbwe abówun, méní abóhọ fú gyí? Nto fóbwe? ³¹ Aní anáín begyi mana dimbí ámu sù. Bọwanlín mọ wá Bulu asón ámu to bée, ‘Mose léha amú atóá ilotsu ọsósú bá begyi.’ ”

³² Múó Yesu lébláa amó ọbée, “Ọnọkwalı nde mli bláa. Megyí Mose léha mli atogyihe amụ tsú ọsósú. Mí Sí léha mli bodobodo onutónutó ámu tsú ọsósú. ³³ Tsúfẹ bodobodo ání Bulu tehá gyí mí ánfí natsú ọsósú bá, neba beha ọyító ahá nkpa ánfí.”

³⁴ Ahá ámu bebláa mụ bée, “Owíé, tsia ha aní bodobodo anfi brégyíbré, tsú séi pọya.”

³⁵ Yesu lébláa amó ọbée, “Mígyí bodobodo amúó itehá nkpa ámu ní. Akón méekitá ọhá ání ọleba mí wá ekekeke. Ọmewóli méekitá ọhá ání ọlọhọ mli gyí é ekekeke. ³⁶ Fé alíá nebláa mli á, mli lawun mli, táme mli mókóhọ mli gyí bọfón séi. ³⁷ Ọhagyíha ání Ọsí ámu léha mí ọbéba mí wá. Mméeegya ọhagyíha ání ọleba mí wá. ³⁸ Tsúfẹ mmotsu ọsósú ba mbée, neba bọbwe tóá ndeklé. Mboún tóá ọhá amúó ọlwa mí sísí ámu déklé ọbwekpá neba. ³⁹ Tóá ọhá amúó ọlwa mí sísí ámu déklé gyí, ahá amúó ọlọpohá mí ámu to ọkuku mádalí mí ịbí. Mboún nkọsua amú fée tsu afúlitọ eke tráhe amụ. ⁴⁰ Tóá mí Sí ámu tekle gyí, ọhagyíha ání olowun mí, mụ Bi ánfí, họ mli gyí obénýa nkpa ání itamatá. Nókusúa mụ tsú afúlitọ eke tráhe amụ.”

⁴¹⁻⁴² Iníá Yesu léblí ọbée, “Mígyí bodobodo amúó notsu ọsósú ba amụ ní” sù á, Yudafo ámu bọwa mụ wuntí bí. Bée, “Megyí Yosef mụ bí Yesu amụ ní? Aníméyín mụ sị mva mụ yin? Ọkpa mọmụ sù ọdebí ọbée, ‘Ọsósú notsu neba?’ ”

⁴³ Yesu lébláa amó ọbée, “Mlisi wuntí mli wulewule. ⁴⁴ Ọhaa méetalí ba mí wá, nkéti mí Sí amúó ọlwa mí sísí ámu lakpá mụ ba mli. Mí é nókusúa mụ tsú afúlitọ eke tráhe amụ. ⁴⁵ Bulu ọnósú atópú amụto ọkọ lówanlín tswi ọbée, ‘Bulu obósuná ahá fée ató.’ Ọhagyíha ání alanú mí Sí asón, kásí mọ tsú mụ wá teba mí wá.

⁴⁶ Ọhaa mókówun Ọsí ámu kí. Mí ánfí notsu Bulu wá bá anfi nkule láwun mụ kí. ⁴⁷ Ọnọkwalı nde mli bláa. Ọhagyíha ání ọlọhọ mli gyí bọ nkpa ání itamatá.

⁴⁸ Mígyí bodobodoá itehá nkpa ní. ⁴⁹ Iníá mli anáín begyi mana dimbísú óó á,

amó fée bowu. ⁵⁰ Táme bodobodo anfi gyí móa ɔ́sú ɔ́sú bá, ménì ɔ́hagyíɔ́ha ání obégyi mó móowu ní. ⁵¹ Mígyi bodobodo amóú ntehá nkpa, natsú ɔ́sú ba amu ní. ɔ́hagyíɔ́ha ání ogyi bodobodo anfi obétsiá nkpa, omóowu ekekeke. Mí ɔ́yúlú gyí bodobodo amu. Mó nési há, ménì ɔ́yító bénya nkpa ní.”

⁵² Inu Yudafo ámu benya asón anfi Yesu lablí anfi ɪwɪ ɔ́bló. Amó wulewule begyi aba nwéen bee, “Nkálì oyin anfi ɔ́bétalí pú mu ɔ́yúlú há anì ɔ́bée agyí?”

⁵³ Yesu lébláa amó ɔ́bée, “Ɔ́nɔ́kwali nde mli bláa. Ní mlimégyi mí, Nyankpusa-Mu-Bi anfi ɔ́yúlú, nu mí obugya a, mlimá nkpa ání itamatá kókukuk mliɔ́.

⁵⁴ Ɔ́há ání olegyi mí ɔ́yúlú, nu mí obugya bu nkpa ání itamatá. Nókúsú mu tsú afúlitá eke tráhe amu. ⁵⁵ Tsúfé mí ɔ́yúlú igyi atogyihe onutó, mí obugya é igyi atonuhe onutó. ⁵⁶ Ɔ́há ání ogyi mí ɔ́yúlú, nu mí obugya tsie mliɔ́, mí é ntsie mliɔ́.

⁵⁷ Mí Sí Ɔ́kiankpapu amu lówa mí sísí. Mu só mbu nkpa. Mó su fúá fegyi mli a, mí su fú é fubu nkpa. ⁵⁸ Mígyi bodobodo onutóá notsu ɔ́sú ba ní. Mli anáin begyi mána, táme bowu. Ɔ́há ání ogyi bodobodo anfi mó obétsiá nkpa ání itamatá.”

⁵⁹ Yesu léblí asón anfi bréá ɔ́de ató suná Kapernaum, Yudafo ofiakpa.

Nkpa Aní Itamatá Asón

⁶⁰ Yesu abúopu tsotsɔ́tsɔ́ ámutá aku bonu asón anfi á, beblí bee, “Atosunáhé anfi mó bu ɔ́nlin o! Ma ɔ́bétalí hɔ́ mó?”

⁶¹ Yesu lówun ání mu abúopu ámutá aku buɔ́de wunti ání alabli alì su á, ɔ́lefité amó ɔ́bée, “Asón anfi ɔ́lahan mli? ⁶² Mómu ní mlowun Nyankpusa-Mu-Bi ámu ɔ́yó ɔ́tínéá olotsu ba me, nkálì mlóbwé? ⁶³ Bulu Ɔ́hé ámu téhá nkpa. Nyankpusa ɔ́wunlin mó á, kpaali igyi. Asón anfi nde mli bláa anfi itsú Ɔ́hé ámuú ɔ́tehá nkpa ámu wá, ⁶⁴ táme mliɔ́ aku bumɔ́hɔ́ mósú gyi.” Yesu lówun amóá bumɔ́hɔ́ mósú gyi pú ɔ́há ání ɔ́béle mu há yáí dodoodo. ⁶⁵ Ɔ́letrá bláa amó ɔ́bée, “Inì sú nebláa mli mbée, ɔ́haa méetalí ba mí wá, nkéti mí Sí lakpá mu ba mí” ní.

⁶⁶ Tsú eke ámu a, Yesu abúopu amu tsotsɔ́tsɔ́ beyinkí mu ɔ́ma, bumetrá buo mu. ⁶⁷ Mó su Yesu léfité mu akasípú dúanyɔ́ ámu ɔ́bée, “Mli é mliɔ́dekléá mléyinkí mí ɔ́ma lóó?”

⁶⁸ Simon Petro lébláa mu ɔ́bée, “Owíé, ma wá abóyɔ́? Fú wá asón ání itehá nkpa ání itamatá bu. ⁶⁹ Anilahogyi, anilabí ání fúgyi Ɔ́ha Wankíhé amóú fotsú Bulu wá ámu ní.”

⁷⁰ Inu Yesu lébláa amó ɔ́bée, “Mli ahá dúanyɔ́ nele, táme mliɔ́ ɔ́ku gyi ɔ́bunsám!” ⁷¹ (Simon Iskariot mu bi Yuda ɔ́de á. Tsúfé ogyi akasípú dúanyɔ́ ámutá ɔ́kule. Mu ɔ́béle mu há ní.)

7

Yesu Mva Mu Apio Yinhé

¹ Mó ɔ́ma a, Yesu létsiá kí Galilea ɔ́mátó. Omekleá ɔ́bóyɔ́ Yudea ɔ́mátó, tsúfé Yudafo ahande amu buɔ́de mu téé abumɔ́ mu. ² Táme Yudafo Kantankpatátsiá Nkegyí lafun. ³ Mó su mu apio yinhé bebláa mu bee, “Natì yɔ́ Yudea nke ámu ogyíkpá, ménì fú abúopu amóú bubu inu ámu é bówun ofúla ání fudebwé. ⁴ Ɔ́há ání odekléá ahá bubú mu gyumagyihe tamanáin ɪwɪ. Iníá fúde ntobíá igyi alì bwe á, wuna le mó suna, ɔ́yí fée abowun.” ⁵ (Mu apíó ámu kóráá bumɔ́hɔ́ mu gyi. Mó su bebláa mu alì ní.)

⁶ Inì su Yesu lébláa amó ɔ́bée, “Bréá nóyɔ́ inu mɔ́kónyá fun. Mli mó mlétalí yó inu brégyíbré. ⁷ Ɔ́yító buméetalí lú mli, táme mí mó buɔ́de mí lu, tsúfé nde amó ɔ́lá le. ⁸ Mliyɔ́ nke ámutá. Mí mó mmɔ́kónyá yó, tsúfé mí bré mɔ́kófun.” ⁹ Yesu léblí asón anfi tá á, olesi tsiá Galilea ɔ́mátó.

Yesu Kantankpatátsiá Nke Amu Ogyíkpá Yɔ́

¹⁰ Tàme bréá Yesu apíó ámu benatí yó nke ámu ogyíkpa a, mu é olenáin iwí yó unu. ¹¹ Yudafo ahande amu bodunká mu nke ámu ogyíkpa, bode ahá fité bée, “Oyin ámu me?”

¹² Odám amu beblí asón tsotsotsò nklobító tsú Yesu iwí. Aku bée, “Oha wankláán ogyi.” Aku é bée, “Ekekeke, ode ahá mlé.” ¹³ Tàme amútó ohaa metálí blí mu iwí asón kókló ahá abunu, tsúfé bode Yudafo ahande amu ifú nya.

¹⁴ Bréá bowie nke ámu nsiné á, Yesu lódu wíé Bulu oswékpá wunsínésó unu yéfi ató suná así. ¹⁵ Mu atosunáhé lobwie Yudafo ahande amu onó. Mú su befité aba bée, “Oyin anfi mókókásí owuló yó nkpá. Nkálí ilobwe asa odebí owuló alí?”

¹⁶ Yesu léle mú onó obée, “Megyí mí wá atosunáhé anfi itsú. Itsú Bulu wá. Múlówa mí sísí. ¹⁷ Ní oku dékléá obóbwe Bulu apé á, obówun ní atosunáhé anfi itsú mí wá ntée Bulu wá. ¹⁸ Ohá aní ode mu onutó asón blí dé mu numnyam dunká. Tàme ní oku todúnká numnyam há ohá aní olówa mu sísí á, onokwalipó ohá ámu gyí. Otamawá afunu. ¹⁹ Yéé Mose lópu mbla ámu ba mli a? Tàme mli to okuku médé mósú gyi. Ntogyi su mli dékléá mlómó mí?”

²⁰ Inu odám amu bebláa mu bée, “Oye laláhe bu futó! Ma dékléá obómó fú?”

²¹ Yesu lébláa amú obée, “Ofúla kule pé nobwe okpónó odaké, mli fée onó lobwie mli. ²² Mose lówa mbla há mli obée, mli tìn keté. (Ibu mótó aní megýí Mose lótsò keté tìn, mli anáin léfi mú así.) Yéé mú sò mli tìn ahá keté okpónó odaké ní a? ²³ Ní mli dé keté tìn okpónó odaké, méní mli mósókúsó líí Mose mbla ámu á, ntogyi sò mli lanya óbló mísó mli aa, natsá nyankpósa kéin okpónó odaké? ²⁴ Mli yó asóntó wankláán, asa amlíha ipón. Mli pò onokwalí gyi asón.”

Yesu Iwí Nwéngyí

²⁵ Yerusalemfo aku befité amú iwí bée, “Megýí oyin anfi Yudafo ahande bodedunká abumó ní? ²⁶ Megýí mu líí aháto odetóí, amútó okuku mékpla mu a? Ntée ilawánkí amú aní mu gyí Kristo, (ohá amú Bulu ladá mu ofúli amu) ní? ²⁷ Oyin anfi mú a, aní fée aniyin otínéá otsú, táme ní Kristo ámu obá á, ohaa méebi otínéá otsú.”

²⁸ Bréá Yesu bu mósú ode ató ámu suná Bulu oswékpá wunsínésó unu á, olotsu onó fóbá blí obée, “Mliyin mí, mliyin otínéá notsú, táme megýí mí onutó túmiso neba. Onokwalipó ohá amú olówa mí sísí ámu gyí. Mli méyín mu. ²⁹ Tàme mí mú nyin mu, tsúfé mulówa mí sísí. Mu wá notsu ba.”

³⁰ Inu bekle abókita mu, táme bumapu ibi da mu, tsúfé mu bré məkófún. ³¹ Tàme amútó ahá tsotsotsò bəhə mu gyi. Mú su befité bée “Ní Kristo amu obá á, obétalí bwé osúna dun mú anfi oyin anfi débwe?”

Bəwa Bée Bv́kita Yesu

³² Bréá Farisifo ámu bonu aní odám amu bode Yesu iwí asón blí nklobító á, amú Bulu igýí ahapó dehen amu bəwa Bulu oswékpá agyópú bée bv́kita Yesu. ³³ Iní su Yesu lébláa amú obée, “Ílasí nke kpalobí pé nétsiá mli wá. Mú oma a, néyinkí yó ohá amú olówa mí sísí ámu wá. ³⁴ Mlódunká mí, táme mli móowun mí. Mli méetalí ba otínéá mbu é ekekeke.”

³⁵ Yudafo ahande amu befité aba bée, “Nkónú oyin anfi obótu okpa yó, su abódunká mu anímóowun mu? Ntée odekléá obóyo Griikifo awúlu amú aní pí badásáin yó mósú ámu á, ntée obóyósuná Griikifo ámu ató? ³⁶ Asón anfi odebli é así mé? Obée, ‘Mlódunká mí, táme mli móowun mí. Mli méetalí ba otínéá mbu é.’”

Nkpa Ntsu

³⁷ Nke ámu eke tráheá ígyi eke títriu á, Yesu lókúsó líí kplun blí obée, “Ní omewóli de oku á, obá mí wá obonu ntsu. ³⁸ Ohagyíoha aní olóhə mí gyi a, ‘Nkpa ntsu bówi dalí muto.’ Alí bəwanlín wá Bulu asón ámutó ní.” ³⁹ (Oye Wankihé

amúú Bulu òbéha ahá ání bóhò m̀v gyi am̀v ɪwɪ asón ɔdeblí. Alí bré ámutò á, Ɔ́hè Wankíhè am̀v m̀ókónyá ba, tsúfè Bulu m̀ókónyá wá Yesu numnyam.)

Ahá Ámutò Leye

⁴⁰ Bréá ɔ̀dò m̀v am̀v bonu Yesu asón blíhè anfi á, amútó ak̀v beblí b̀e, “Lélé, Bulu ɔ̀nósó ɔ̀tɔ́pú amúú anídé m̀v ɔ̀kpa kí am̀v nɪ.”

⁴¹ Ak̀v é b̀e, “Kristo am̀v nɪ!” Táme amútó ak̀v é beblí b̀e, “Yé megý Galilea ɔ̀mátó Kristo am̀v obótsu o. ⁴² B̀òwanlín wá Bulu asón ámutò b̀e, Owíe Dawid abusuantò Kristo am̀v ɔ̀bédalí tsu. B́kwí m̀v Betlehem, Dawid wúlutò.” ⁴³ Ina Yesu ɪwɪ asón anfi s̀v ɪk̀le b̀wè metsiá amútó. ⁴⁴ Amútó ak̀v bekle abókita Yesu, táme ɔ̀haa m̀p̀v ɪbɪ da m̀v.

Yesu Máhogyi

⁴⁵ Ɔ̀ma-ɔ̀ma a, Bulu ɔ̀tswékpa agyóp̀v amúú b̀òwa sumbí á m̀v b̀esankí ba Bulu igýí ahapú dehen p̀v Farisifò á m̀v wá. B̀efíté agyóp̀v am̀v b̀e, “Ntogyi s̀v m̀límékítá m̀v ba?”

⁴⁶ B̀e b̀e m̀v ɔ̀nó b̀e, “Ɔ̀haa m̀ókótóí f̀é oyin anfi kí!”

⁴⁷ Farisifò á m̀v b̀efíté amú b̀e, “M̀v s̀v oyin á m̀v lamlé m̀lɪ é. ⁴⁸ M̀lɪlawun ɔ̀hande nté Farisiyin ɔ̀k̀v lahò m̀v gyi kí? ⁴⁹ Èkèkèkè! Ɔ̀dò m̀v anfi b̀umeyín Mose mbla á m̀v ɪwɪ t̀tò. M̀v s̀v Bulu ɔ̀lwí amú.”

⁵⁰ Inu Farisifò ámutò ɔ̀k̀le, ogyi Nikodemo amúú ɔ̀lɔ́yò Yesu wá onyé á m̀v l̀efíté amú ɔ̀bé, ⁵¹ “Ani mbla leha ɔ̀kpa ání abéha ɔ̀k̀v ɪp̀n asa abéfíté m̀v ɔ̀nótó asón nú?”

⁵² B̀efíté m̀v b̀e, “Galileayin f̀ó é f̀ógyi? Kí Bulu asón ámutò wankláán. F̀ówun ání Bulu ɔ̀nósó ɔ̀tɔ́pú ɔ̀k̀k̀v m̀óotsu Galilea ɔ̀mátó.” ⁵³ [Inu amú f̀é b̀enatí yó wóyító.

8

Ɔ̀tsɪ Ɔ̀k̀v Mbvatò P̀v M̀v Kítá

¹ Bréá ahá am̀v b̀edasáin á, Yesu lódv yó Nfò-nyíbv am̀v*¹. ² M̀v ɔ̀yɪ k̀e b̀e ba k̀e a, oleyinkí ba Bulu ɔ̀tswékpa wunsínésú inu. Ahá á m̀v f̀é b̀e ba m̀v wá. M̀v s̀v oletsiá asɪ, olefɪ asɪ ɔ̀de amú ató suná. ³ Bréá ɔ̀detóí á, Farisifò p̀v Mose mbla asunápú am̀v b̀ekpa ɔ̀tsɪ ɔ̀k̀v bakítá m̀v, ɔ̀de mbvatò ba belí amú ansító. ⁴ M̀v bebláa Yesu b̀e, “Osunápú, bakítá ɔ̀tsɪ anfi mbva ɔ̀t̀kpá. ⁵ Mose Mbla á m̀v l̀eblí ɔ̀bé, adáa atsi anfi odu abwi m̀. Nkálí f̀vdeblí tsú asón anfi ɪwɪ?” ⁶ Asónklé s̀v b̀efíté m̀v asón anfi, abuyòtò m̀v ha ahande. Inu Yesu lóbun, p̀v osrebi ɔ̀de ató wanlín ɔ̀súlótò.

⁷ Bréá b̀vtráa b̀vde asón á m̀v fité plá á, olobwíí tsíá, bláa amú ɔ̀bé, “M̀lɪtò ɔ̀há ání ɔ̀m̀k̀b̀wé lakpan kí ogyánkpa da ɔ̀tsɪ anfi ɪbwi.” ⁸ Ɔ̀leblí m̀v alí á, oleyinkí bun ɔ̀de m̀v ató wanlín ɔ̀súlótò. ⁹ Bréá ahá á m̀v bonu m̀v asón anfi á, b̀òwa natí ɪk̀le-k̀le bɪ, tsú ahande s̀v b̀òtò nyebísó. Ilebesi Yesu m̀va ɔ̀tsɪ á m̀v nk̀le ɔ̀bun nsíné inu. ¹⁰ Yesu lóbwií tsíá, ɔ̀lefíté ɔ̀tsɪ á m̀v ɔ̀bé, “Ɔ̀tsɪ, nkí ahá á m̀v m̀e? Ɔ̀k̀k̀v m̀ésían ání ɔ̀béha f̀v ɪp̀n?”

¹¹ Ɔ̀tsɪ á m̀v lélé m̀v ɔ̀nó ɔ̀bé, “Owíé! Ɔ̀k̀k̀v méha mí p̀n o!” M̀v Yesu l̀ebláa m̀v ɔ̀bé, “Ibɪ alé! Mí é m̀méha f̀v ɪp̀n! Natí, mátrá b̀wè lakpan.”†

Ɔ̀yító Wankí

¹² Inu ɔ̀ma a, Yesu l̀eyinkí bláa Farisifò á m̀v ɔ̀bé, “Mígyí ɔ̀yító wankí nɪ. Ɔ̀hagyíha ání obuo m̀v obénnya wankí ání ɪbéha m̀v nkpa, oméésin oklúntò èkèkèkè.”

¹³ Inu á, Farisifò á m̀v bebláa m̀v b̀e, “Nfólí tamakánfò m̀v ɪwɪ. F̀v m̀k̀b̀lɪ t̀tò.”

* **8:1** Nfò-nyíbv igyi obubwí kvá ɪbɪ mantáa Yerusalem, b̀vtefí m̀v Olifbv. † **8:11** Ima Griikifò nwóló dada am̀v ak̀tò.

¹⁴ Yesu lébláa amó ɔ́bée, “Ní mí onutó nde mí ɪwɪ adánsiɛ gyí ó á, ɔ́nɔkwali igyi. Tsúfɛ mí mú nyin ɔ́tínéá nɔ́sú pɔ́ ɔ́tínéá nɔ́yó. Táme mɪmɛ́yín ɔ́tínéá nɔ́sú pɔ́ ɔ́tínéá nɔ́yó. ¹⁵ Anyánkpósa asóngyí ɔ́kpaso mlitegyi asón tson, táme mí mú ntamagyi ɔ́haa asón. ¹⁶ Ní negyi asón ó á, ɔ́nɔkwali ɔ́kpaso negyi mó tson. Tsúfɛ megyí mí nkule tegyi mó. Mía mí Sí á móú ɔ́lɔ́wa mí sísí ámu nyo tegyi mó. ¹⁷ Bɔ́wanlín wá mɪ onutó Mbla á móto bɛɛ, ‘Ní adansífo abanyó beblí asón kua kule a, amó asón ɪbu móto.’ ¹⁸ Mí onutó ntegyi mí ɪwɪ adánsiɛ. Mí Sí lɔ́wa mí sísí. Mú é otegyi mí ɪwɪ adánsiɛ.”

¹⁹ Bɛfité mu bɛɛ, “Nkónó fú sí bu?”

Yesu léle mó ɔ́nó ɔ́bée, “Mɪmɛ́yín mí wankláán, mɪmɛ́yín mí Sí ámu é. Ní mɪyín mɪ wankláán á, tɛkɪ mlébi mí Sí ámu é.”

²⁰ Yesu léblí asón ánfí bréá ɔ́de ató suná Bulu ɔ́tswékpa tswitswɪ adáka ɔ́tsiákpá. Táme ɔ́haa mékítá mu, tsúfɛ mu bré mɔ́kónyá fun.

Yesu ɔ́súsóyɔ

²¹ Yesu létrá bláa amó ɔ́bée, “Mí mú nɔ́yó. Mlódunká mí. Mlówu wá mɪ lakpantɔ́. Mɪmɛ́ɛtalí ba ɔ́tínéá nɔ́yó.”

²² Yudafo ahande amu bɛfité bɛɛ, “Mó ɔ́bómɔ mu ɪwɪ, sú ɔ́deblí ɔ́bée, mɪmɛ́ɛtalí ba ɔ́tínéá nɔ́yó?”

²³ Yesu léle mó ɔ́nó ɔ́bée, “Mɪ mú mlotsú ɔ́yí ánfíto, táme mí mú nɔ́sú ɔ́súsó. ɔ́yí ánfítofo mɪgyí. Mmegyí ɔ́yí ánfítoyin mí mú ngyi. ²⁴ Mó sú nde mɪ bláa mbée, mlówu wá mɪ lakpantɔ́ ní. Mlówu wá mɪ lakpantɔ́, ní mɪmóhógyi ání ‘Mígyí ɔ́há á móú mbée ngyi ámu.’ ”

²⁵ Bɛfité mu bɛɛ, “Fúgyí ma?”

Yesu lébláa amó ɔ́bée, “ɔ́há á móú ntebláa mɪ yáí mbée, ngyi ámu kén ntráa nde mɪ bláa a. ²⁶ Mbu asón tsɔ́tsɔ́tsɔ́a néblí tsú mɪ ɪwɪ púhá mɪ pón. Táme ɔ́nɔkwali ɔ́há á móú ɔ́lɔ́wa mí sísí ámu gyí. Asón ání nonu tsú mu wá nde mɪ ɔ́yítɔ́fo bláa.”

²⁷ Imɔ́wankí amó ání mu Sí á móú ɔ́bu ɔ́súsó ámu ɪwɪ asón ɔ́de amó bláa. ²⁸ Mó su Yesu lébláa amó ɔ́bée, “Ní mɛdá Nyankpósa-Mu-Bi ámu mántá oyikpalíhesu, tsú mó líí á, mlówun ání ‘Mígyí ɔ́há á móú mbée ngyi’ ámu. Mlébi ání ntamabwé tɔ́tɔ́to mí onutó túmitɔ́. Móá mí Sí lɔ́pɔ́wá mɪ ɔ́nó á, mó nteblí. ²⁹ ɔ́há á móú ɔ́lɔ́wa mí sísí ámu buo mɪ. ɔ́mɔ́kóyínkí mí ɔ́ma, tsúfɛ tɔ́á itegyi mu ansí ntɔ́bwé brégyíbré.”

³⁰ Inu ahá á móú bonu mu asón ánfíto tsɔ́tsɔ́tsɔ́a bɔ́ho mu gyí.

Abraham Abí-aná

³¹ Yesu lébláa Yudafo á móú bɔ́ho mu gyi amu ɔ́bée, “Ní mlobuo mí atosunáhé a, mɪgyí mí akasípú lélé. ³² Mlébi ɔ́nɔkwali amu. ɔ́nɔkwali amu ɪbéha mlégyi ɪwɪ.”

³³ Beblí bɛɛ, “Abraham abí-aná anígyí. Animókúbwé ɔ́haa nkpábi kɪ. Mó ntogyi só fúde anɪ bláa fɛɛ, ‘Mlégyi ɪwɪ?’ ”

³⁴ Yesu léle mó ɔ́nó ɔ́bée, “ɔ́nɔkwali nde mɪ bláa. ɔ́hagyíha ání ɔ́tɔ́bwé lakpan á, ogyi lakpan ɔ́kpábi. ³⁵ ɔ́kpábi tamatsiá mu wie wóyí yó, obí tetsiá mu sí wóyí yó. ³⁶ Mó su ní Bulu mu Bi ámu ɔ́há mlegyi ɪwɪ á, mó mó mɪlagyi ɪwɪ fɛ́é. ³⁷ Nyin ání Abraham abí-aná mɪgyí, táme mɪdékkléá mlómɔ mí, tsúfɛ mɪmóho mí atosunáhé. ³⁸ Tɔ́á nowun tsu mí Sí wá ndeblí. Mɪ é asón ání mɪlónu tsú mɪ sí wású mɪdégýí.”

³⁹ Bebláa mu bɛɛ, “Anɪ sí gyí Abraham.”

Yesu lébláa amó ɔ́bée, “Ní Abraham abí mɪgyí á, tɛkɪ mɪ bwehé lɛlian Abraham. ⁴⁰ Mɪdékkléá mlómɔ mí, tsúfɛ nde mɪ ɔ́nɔkwaliá nonu tsú Bulu wá bláa. Abraham móbwe alí! ⁴¹ Mɪ sí bwehé mɪdébwe.”

Bebláa Yesu bɛɛ, “Megyí mbua bɔtɔ kwíi anɪ. Bulu onutó gyí anɪ Sí. Anɪmá ɔsí ɔkuku tsía mutɔ.”

⁴² Yesu lébláa amó ɔbéɛ, “Ní mli Sí gyí Bulu á, tekɪ mliɔdwé mí, tsúfé mu wá notsu ba. Mólówa mí sísí. Megyí mí onutó túmitɔ nɛba. ⁴³ Ntogyi só mlimédé mí asɔn blíhé asɪ nu? Mlimédé mú asɪ nu, tsúfé mí asón de mli asutɔ wɔɔ. ⁴⁴ Ɔbunsám gyí mli sí. Mú su mli tekleá mlóbwe tɔá mli sí tekle. Ahá ɔmɔpó ogyi tsú nfiásí. Ɔtamabuo ɔnɔkwali. Mú su ɔnɔkwali kuku ima mutɔ. Ní ɔwá afunu a, mu tsiátɔ ɔwan ɔdele, tsúfé ofunupu ogyi. Múgyí afunupu fɛɛ ɔsí ní. ⁴⁵ Táme nteblí ɔnɔkwali. Mú su mli tamahɔ mí asónsú gyí nɪ. ⁴⁶ Mliɔ ma ɔbétalí súná ání lakpan ɔbwɛpó ngyi? Ní nde ɔnɔkwali blí á, mú ntogyi mlimóɔhɔ mɪ gyi? ⁴⁷ Ɔhá ání ɔtsú Bulu wá teyáá asu nú mu asón. Mli mú mlimótsú mu wá. Mú su mli tamayáá asu nú mu asón ní.”

Yesu Mva Nandín Abraham

⁴⁸ Yudafo ámu bebláa mu bɛɛ, “Ní ablí anɪaa Samariayin fɔgyi, ɔɲɛ laláhe bu fɔtɔ á, anɪlawá afunu?”

⁴⁹ Yesu lébláa amó ɔbéɛ, “Ɔɲɛ laláhe ma mítɔ. Ntobú mí Sí, táme mli mú mli tamabú mí. ⁵⁰ Mmedé mí iwi numnyam wa. Ɔha ɔku bu inuá ɔde mú dunká há mí. Múgyí asón ogyípó wankláán ámu nɪ. ⁵¹ Ɔnɔkwali nde mli bláa. Ɔhagyíɔha ání otegyi mí atosunáhésu omóowu ekekekeke.”

⁵² Inu Yudafo ámu bebláa mu bɛɛ, “Séi ánfɪ mú á, anɪlawun ání lélɛ ɔɲɛ laláhe bu fɔtɔ! Abraham mva Bulu ɔnósú atɔípó amu bawú. Táme fú mú fɔdeblí fɛɛ, ɔhagyíɔha ání otegyi fú atosunáhésu omóowu ekekekeke. ⁵³ Anɪ náin Abraham lówu. Fuki fɛɛ fɔdɔn mu? Bulu ɔnósú atɔípó amu é bowu. Nkálɪ fɔde fú iwi kí?”

⁵⁴ Yesu léle mú ɔnó ɔbéɛ, “Ní nɔwá mí iwi numnyam a, kpaali ígyi. Mí Sí gyí ɔhá ání ɔtɔwá mí numnyam. Mu mli déblí mli aa ogyi mli Bulu ní. ⁵⁵ Ibo mútɔ ání mli méyín mu, táme mí mú nyin mu. Ní nɛblí mbée mmeyín mu a, nabwé ofunupu fɛ mli. Mí mú nyin mu, ntegyi mu asónsú. ⁵⁶ Mli náin Abraham lénɪa ansigyí ání mówun mí bábi. Olowun mú é, ansí legyi mu.”

⁵⁷ Yudafo ámu bebláa mu bɛɛ, “Fumɔkúhɔ nfi aduenu (50) kóráá, mú fɛɛ fɔtu Abraham?”

⁵⁸ Yesu lébláa amó ɔbéɛ, “Ɔnɔkwali nde mli bláa. Mbu inu asa bɔkwíi Abraham.”

⁵⁹ Yesu lénɪa blí alɪ pé, ahá ámu bɔkulá abwi bɛɛ abɔtswi da mu mɔ. Táme Yesu lóbwe híéé, dálɪ Bulu ɔtswékpa wunsínésú inu.

9

Ansibi Obwiepó Ɔku Tsa

¹ Eke ɔku Yesu mva mu akasípó buna ɔkpatɔ, bowun oyin ɔkuá bɔkwíi mu ansibi obwiepó. ² Yesu akasípó amu befité mu bɛɛ, “Osunápó, ma lakpan só bɔkwíi oyin ánfɪ ansibi obwiepó? Mu onutó lakpan su lóó, ntée mu akwíípó?”

³ Yesu léle mú ɔnó ɔbéɛ, “Megyí mu ntée mu akwíípó lakpan su bɔkwíi mu ansibi obwiepó. Mboún alíá Bulu ɔbéle mu túmi súná tsɔn mu ilo ámutɔ su. ⁴ Ilasí kpalobí owí ɔbéta. Ɔhaa méetalí trá yɔ agyómá. Mú su ilehián ání abóyo agyómá ámutɔ ɔhá ámutɔ ɔlɔwa mí sísí ámu lówa mí ɔbéɛ nyóɔ amu. ⁵ Iníá nɛnya mbu ɔyí ánfɪtɔ á, mígyí ɔyí ánfɪtɔ wankɪ.”

⁶ Bréá Yesu lébláa amó asón ánfɪ tá á, olotu atsonó tswɪ ɔsulúto, ɔlɔpu osrebi tsía isi, títi mú tan ansibi obwiepó ámu ansíbisu. ⁷ Mú ɔlebláa ansibi obwiepó ámu ɔbéɛ, “Natɪ yɔfwɪ ansítɔ Siloam paatitɔ.” (Siloam asɪ gyí, “Bɔwa mu sísí.”) Oyin ámu lóyɔfwɪ ansítɔ yínkí ɔbá wóyí á, ɔde atɔ wúun.

⁸ Mu aba pó ahá ání butowun mu ɔde atɔ kulí befité bɛɛ, “Megyí oyin ánfɪ tetsiá kólɪ atɔ bré ámu nɪ?”

⁹ Amótɔ aku bɛɛ, “Mu nɪ!” Aku é bɛɛ, “O-o, lían ɔlehan mu.”

Ἰνὸν οὖν οἱ ἀμὲν οὐκ ἐβλήθησαν, “Μὴ νί.”

¹⁰ Βεῖτε μὲν βεε, “Νκάλι ὑλὼν ἀσά φῶδε ἀτὸς ὠῦν ἡγία?”

¹¹ Ὁλὲ μὲν ὁνὸς ὁβέε, “Οὖν ἀμὲν ὑπὲρ τοῦ Ἰησοῦ ἀμὲν ὑλὼν ὁδὸν τὰν μὴ ἀνσίβισιν. Μὲν ὑλὼν ἀσά μὴ ὁβέε, ἡνὰ τὴν γῶφω ἀνσίτῳ Σιλοὰν πατὶς. Νῶγῳφω, μὲν ἡδε ἀτὸς ὠῦν ἡ.”

¹² Βεῖτε μὲν βεε, “Νκόνῳ ὁβ?” Μὲν ὁλὲ μὲν ὁνὸς ὁβέε, “Ὀῳέε.”

Farisifō Ansibi Obwiepō Amu Asón Fité

¹³ Ἰνὸν ἡκπα οὖν ἀμὲν τὴν οὖν ἀνσίβιν ὁβwiepō ἀμὲν γὰρ Farisifō ῥά. ¹⁴ Ἐκε ἀμὲν Ἰησοῦ ὑλὼν ὁδὸν ὑλὼν μὲν ἀνσίβιν ἀμὲν ἡγία ὁκρὸν ὁδῶκε. ¹⁵ Μὲν ὁ Farisifō ἀμὲν ἡλῶν οὖν ἀμὲν ἀλὰ ὑλὼν ἀσά ὁδε ἀτὸς ὠῦν. Ὁλὼν ἀμὲν ὁβέε, “Ὀδὸν ὁκρὸν μὴ ἀνσίβισιν, ἡγῳφῶ ἀνσίτῳ. Μὲν ἡδε ἀτὸς ὠῦν ἡγία ἡ.”

¹⁶ Farisifō ἀμὲν ἀκὸν ἡβλήθη βεε, “Μεγία Βουλὸν ὁδὸν οὖν ὁβwiepō μὲν ἀνσίβιν ἀμὲν γί, τῶν ὁκρὸν ὁδῶκε μὲν ἡβλήθη ἀμὲν ὁβ.”

Τάμῃ ἀκὸν ἡ βεῖτε βεε, “Νκάλι λακπαν ὁβwiepō ὁβῆταλιν ὁβῆ ὁσῶν ἀνφὶ ὁδῶ? Ἀσὸν ἀνφὶ ὁ βυμετρά ὁβ κῶλε.”

¹⁷ Μὲν ὁ βυμετρά οὖν ἀμὲν βεε, “Φεε μὲν ὁβwiepō φῶ ἀνσίβιν. Ἀμὲν ὁβ βλὶ τῶ μὲν ὁβ?”

Οὖν ἀμὲν ἡλὲ μὲν ὁνὸς ὁβέε, “Βουλὸν ὁνὸς ὁβwiepō οὖν ὁβ.”

¹⁸ Ὑδαφὸν ἀνδὲ ἀμὲν ὁβwiepō ἀνὶ ἡλὲ, ὁβwiepō μὲν ἀνσίβιν ὁβwiepō ἀσά σέιν ὁδε ἀτὸς ὠῦν, ὁκρὸν ὁβῆταλιν μὲν ἀκῶν ὁβ. ¹⁹ Βεῖτε ἀμὲν βεε, “Μὴ βί ἀμὲν ὁβ, μὲν ἀνσίβιν ὁβwiepō ἀσά μὲν ὁβwiepō μὲν ἀμὲν ὁβ? Νκάλι ὑλὼν ἀσά ὁδε ἀτὸς ὠῦν ἡγία?”

²⁰ Μὲν ἀκῶν ἀμὲν ἡλὲ μὲν ὁνὸς βεε, “Ἀνφὶν ἀνὶ ἀνὶ βί νί. Ἀνφὶν ἀνὶ ἀνὶ ὁβwiepō μὲν ἀνσίβιν ὁβwiepō. ²¹ Τάμῃ ἀλὰ ὑλὼν ἀσά ὁδε ἀτὸς ὠῦν ὁβ ὁβ ἀνὶ ὁβwiepō μὲν ἀνσίβιν μὲν ἡ, ἀνφὶν. Κὸκῶν μὲν, μὲν οὖν. Μεγία κῶν ὁβ, ἀλῶν. Ὀβῆταλιν ἡ μὲν ὁν.” ²² Μὲν ἀκῶν ἀμὲν ὁβ Ὑδαφὸν ἀνδὲ ἀμὲν ἡφῶ ἡγία. Μὲν ὁ βυμετρά ἀνὶ νί. Τῶν ἀνδὲ ἀμὲν ὁβ τῶν βεε, ὁβwiepō ἀνὶ ὁβῆταλιν ὁβέε, Ἰησοῦ γί Κρίστον, (ὁβ ἀμὲν Βουλὸν ὁδὸν μὲν ὁβ ἀμὲν) ἡ, ὁβ Ὑδαφὸν ὁβwiepō ὁβ. ²³ Μὲν ὁβ ἀκῶν ἀμὲν βεε, “Μεγία κῶν ὁβ, ἀλῶν, μὲν οὖν!”

²⁴ Βεῖτε οὖν ἀμὲν ὁβwiepō μὲν ἀνσίβιν ὁβwiepō ἀμὲν ὁβ ὁβ, ὁβ ἀμὲν βεε, “Κὰ ντὰν Βουλὸν ἀνὶ ὁβῆταλιν ὁβwiepō. Ἀνφὶν ἀνὶ λακπαν ὁβwiepō οὖν ἀμὲν ὁβwiepō φῶ ἀνσίβιν ἀμὲν γί.”

²⁵ Μὲν οὖν ἀμὲν ἡλὲ μὲν ὁνὸς ὁβέε, “Νί λακπαν ὁβwiepō οὖν ὁβ, ὁβ ὁβwiepō οὖν ὁβ, μὲν μὲν. Τὸν κῶν ὁβ ὁβ. Μὲν, τὴν ὁβ ἀμὲν ὁβwiepō ἀτὸς, τάμῃ σέιν μὲν ὁβwiepō.”

²⁶ Μὲν βεῖτε μὲν βεε, “Νκάλι ὑλὼν φῶ? Νκάλι ὁβwiepō φῶ ἀνσίβιν ἀμὲν?”

²⁷ Μὲν ὁλὲ μὲν ὁνὸς ὁβέε, “Ναβλὰ μὲν ὁβwiepō, τάμῃ μὲν ὁβwiepō. Ντὸν ὁβ ντὰν ὁβ μὲν? Μὲν ἡ μὲν ὁβwiepō μὲν ἀκῶν ὁβ?”

²⁸ Βεῖτε μὲν, ὁβ ἀμὲν βεε, “Φῶν μὲν ἀκῶν. Ἀνὶ ὁβ Μὸς ἀκῶν ἀνὶ μὲν ἀνφί. ²⁹ Ἀνφὶν ἀνὶ Βουλὸν ὁβ ὁβ Μὸς ἀσὸν, τάμῃ ἀνφὶν ὁβwiepō οὖν ἀνφὶ μὲν ὁβ.”

³⁰ Οὖν ἀμὲν ὁβwiepō ἀμὲν ὁβέε, “ἡγία ντὸ ἀσὸν νί? Μὲν ὁβwiepō ὁβwiepō ὁβwiepō, τάμῃ μὲν ὁβwiepō μὲν ἀνσίβιν ὁβ. ³¹ Ἀνὶ ὁβ ἀνφὶν ἀνὶ Βουλὸν ὁβwiepō ἀνφὶν ὁβwiepō ὁβ. Ὀβ ἀνὶ ὁβwiepō μὲν, ὁβwiepō μὲν ὁβwiepō ὁβwiepō. ³² Τῶν ὁβwiepō Βουλὸν ὁβwiepō ὁβwiepō ὁβwiepō ἀνὶ κῶν. ³³ Νί μεγία Βουλὸν ὁβwiepō ἀνφὶ γί ὁβ, τὴν ὁβwiepō ὁβwiepō ὁβwiepō.”

³⁴ Ἀνδὲ ἀμὲν ἡλὲ μὲν ὁνὸς βεε, “Φῶ ἀνφὶ ὁβwiepō λακπαν ὁβwiepō τῶν ὁβwiepō ὁβwiepō μὲν ὁβwiepō ὁβwiepō ἀνὶ ἀσὸν?” Ἰνὸν βεγία μὲν ὁβwiepō ὁβwiepō ὁβwiepō.

Ἰησοῦ Ansibi Bwie

³⁵ Ἰησοῦ ὁβwiepō ἀνὶ ὁβwiepō οὖν ὁβwiepō ὁβwiepō ὁβwiepō. Μὲν ὁβwiepō ὁβwiepō μὲν ὁβwiepō, “Φῶν Ντὰν ὁβwiepō-Μὸ-Βί ἀμὲν γί?”

³⁶ Oyin ámu lébláa mu ɔ́bée, “Owíé, suna mí ɔ́há ání ogyi, mí anho mu gyi!”

³⁷ Yesu lébláa mu ɔ́bée, “Fawun mu dodo. Múgyi ɔ́há ání ɔ́de fú asón bláa séi ání á.”

³⁸ Múú oyin ámu lébláa mu ɔ́bée, “Mí Wíé, nah ɔ́ gyi.” Inu olosúm Yesu.

³⁹ Yesu lébli ɔ́bée, “Asón ogyíkpa neba ɔ́yí ánífɔ́, méní ahá ání bumedé ató wúun bówun ató. Ahá ání bɔ́dewúun é ansíbi ibwie.”

⁴⁰ Farisifo akvá bɔ́bɔ Yesu wá inu bonu asón ání. Múú befité mu bee, “Mú sɔ́ fɔ́debli fée aní é anígyi ansibi abwiepó?”

⁴¹ Yesu léle mú ɔ́nó ɔ́bée, “Ní ansibi abwiepó mligyí á, tekí Bulu mééha mli ipón. Táme íniá mlihaa mliɔ́de ató wúun sɔ́ á, mli lakpan lasin mli sɔ́.”

10

Akúfa ɔ́kpapó Mva Mu Akúfa

¹ Yesu lébli ɔ́bée, “Ɔ́nɔ́kwali nde mli bláa. Ɔ́há ání ɔ́dó tsun akúfa ibansu wíé mótó, ɔ́mɔ́tsun ɔ́kpa ɔ́nó á, owikplu pó ogyo otswapó ogyi. ² Tsúfée iban ɔ́nó akúfa ɔ́kpapó tɔ́tsun wie mótó. ³ Iban ámusu ɔ́kípu tefinkí mú há akúfa ɔ́kpapó ámu tebítiwíé. Ɔ́tɔ́pó akúfa ámu dá tí amó, bɔ́tonú mu ɔ́me, ɔ́tekpá amó dáli. ⁴ Ní ɔ́kpá akúfa ámu fée dáli a, otegya amó nkpa, bɔ́tobuo mu, tsúfée buyin mu ɔ́me. ⁵ Bɔ́tamabuo ɔ́fɔ́. Srí bɔ́tesrí sí mu, tsúfée bɔ́meyín mu ɔ́me.”

⁶ Yesu léha amó yébi anfi, táme bɔ́monu mú asi.

Akúfa ɔ́kpapó Wankláán Amu

⁷ Yesu létrá bláa amó ɔ́bée, “Ɔ́nɔ́kwali nde mli bláa. Mígyi akúfa iban ámu ɔ́nó ní. ⁸ Awikplu pó ogyo atswapó ahá ání begyankpá ba fée bɔ́gyi. Akúfa ámu bɔ́mebi amó ɔ́me. ⁹ Mígyi akúfa iban ámu ɔ́nó ní. Ní ɔ́ku ɔ́tsun mɔ́tɔ́ wíé dáli a, tɔ́tɔ́ mɔ́ɔ́bwe mú. Obéyénýa ató gyi mwe. ¹⁰ Owikplu agywun gyi, ɔ́bá bowi, ɔ́mɔ́, oyinta ató. Mí mú neba, méní ahá bénya nkpa ání ilɔ́fun.

¹¹ “Mígyi akúfa ɔ́kpapó wankláán ámu ní. Akúfa ɔ́kpapó wankláán tɔ́tsúlá hólí mu nkpa há mu akúfa. ¹² Táme akúfa ɔ́kpapó ání ɔ́de ipa gyi, megyi mu onutó bó akúfa ámu tesrí ní owun ɔ́kpataku ɔ́bá bekítá amó. Ɔ́kpataku ámu tekítá akúfa ámu ɔ́ku, atráhe bɔ́tedásáin. ¹³ Oyin ámu tesrí, tsúfée ipa keke odegyi. Akúfa ámu nkpa tamahían mu. ¹⁴ Mígyi akúfa ɔ́kpapó wankláán ámu ní. Nyin mí akúfa, mí akúfa é buyin mli, ¹⁵ fée alhá mí Sí ámu yin mli á, alí mí é nyin mu ní. Ntɔ́hólí mí nkpa há mí akúfa. ¹⁶ Mbu akúfa bámbá aku é. Boma akúfa iban ánífɔ́. Ilehián ání nékpa amó é ba. Amó é bónu mí ɔ́me. Amó fée bɔ́bwe akúfa iku kule pó ɔ́kpapó ɔ́kule.

¹⁷ “Iní sɔ́ mí Sí tekle mli asón ní. Tsúfée natsúlá ání nɔ́hólí mí nkpa há ahá, méní nélanyá mú. ¹⁸ Ɔ́haa méetalí swíí mí. Mí onutó latsúlá ání nɔ́hólí mú. Mbu ɔ́kpa hólí mí nkpa, mbu ɔ́kpa lánýá mú é. Iní mí Sí lébláa mli ɔ́bée mbwée ní.”

¹⁹ Mu ason blíhé anfi sɔ́ Yudafo ahande ámu bɔ́metrá bwe kule. ²⁰ Amótó aku bebli bee, “Ɔ́he laláhe bu mótó. Mu nwun ideyintá. Ɔ́haa mátrá nu mu ason blíhé.”

²¹ Aku é bee, “Ɔ́há ání ɔ́he laláhe bu mótó méetalí blí asón ánífɔ́ odu. Ɔ́he laláhe ɔ́bétalí bwíí ansibi obwiepó ansíbi?”

Yesu Kind

²² Ekeá bɔ́tɔ́pókáin Bulu ɔ́tswékpa gyurásu Yerusalem lɔ́fun. Alí bré ámu igyi lilitó. ²³ Yesu lóyɔ́ odeki Bulu ɔ́tswékpatɔ́ ɔ́tinekvá bɔ́tetí inu “Salomo Abrándáásó.” ²⁴ Yudafo ahande ámu aku befia bomlí mu. Befité mu bee, “Ɔ́menke kéin asa féebláa aní ɔ́nɔ́kwali ámu? Ní fúgyi Kristo, (ɔ́há amó Bulu ladá mu ofúli ámu) a, wuna le mú tii aní.”

²⁵ Yesu lébláa amó ɔ́bée, “Nébláa mli bɔ́tsun, táme mli médehogyi. Ofúla amó ndebwe mí Sí dátó ámu dé mí iwí adánsi gyi. ²⁶ Táme mli médehogyi,

tsúfẹ́ m̀límá mí akúfátò. ²⁷ Mí akúfa bútonú mí ɔ́mẹ. Nyin amó, bútoḃuo m̀. ²⁸ Ntẹ́há amó nkpa ání itamatá. Búmóowu ekekeke. Ọ́haa méetalí swíí mí amó. ²⁹ Mí Sí amóú ọ́lọpọ amó há mí ámu dún tógyító. Ọ́haa méetalí swíí amó lé mí Sí ịbítò. ³⁰ Mía mí Sí anígyí kọ́lẹ́.”

³¹ Inu á, Yudafo ahande amu betrá kulá abwi bẹe abutswi da Yesu m̀. ³² Táme Yesu léfité amó ọ́bẹ́e, “Nabwé ofúla tsotsotsóá itsú mí Sí wá súná m̀lì. Mótó m̀m̀m̀ sù m̀lìdékłéá m̀lèda mí abwi?”

³³ Bebláa mu bẹe, “Megyí ofúla ání fabwé kọ́kọ́kọ́ sù aniaa abéda fú abwi. Alí amóú fablì abususu pókósú líí Bulusu ámu sù. Nyankpọ́sa fúgyi, táme fẹe Bulu fúgyi.”

³⁴ Yesu léfité amó ọ́bẹ́e, “Búm̀wanlín wá m̀lì Mbla ọ́wuló ámutò bẹe, Bulu ọ́bẹ́e, ‘M̀lìgyí fẹ́ Bulu?’” ³⁵ Aniyin ání ọ́nàkwálì Bulu asún igyi. Mó sù ní Bulu létì ahá amóú ọ́lọpọ mu asún há ámu ọ́bẹ́e, bgyi fẹ́ mu a, ntogyi sù m̀lìdékłé ọ́bló nya? ³⁶ Mí mó á, mí Sí léle mí yáí, ngyi mu kłẹ, ọ́lọwa mí sísí ọ́yí ánfítò. Ntogyi sù m̀lìdékłé m̀lìhaa nablì mbéé, ‘Bulu mu Bì ngyi’ sù nablì abususu pókósú líí musu? ³⁷ Ní megyí mí Sí agyómá ndebwe mó á, m̀límáha m̀lì gyi. ³⁸ Táme ní mí Sí agyómá ndebwe, asa m̀límóha m̀lì gyi kóráá á, mómú m̀lìha ofúla amóú ndebwe ámu mó gyi, amlìbì ání Mí Sí ámu bú m̀tò, mí é m̀bu m̀tò.”

³⁹ Betrá bwe ání békítá mu, táme ọ́lédalì amó ịbì, nátí sí amó.

⁴⁰ Yesu léyinkí fá Yordan ọ́bún ba ọ́tíné amóú Yohane létsiá bó ahá asú ámu, olesì tsiá inu. ⁴¹ Ahá tsotsotsó beba mu wá, bude aba bláa bẹe, “Yohane móbwe osúna kọ́kọ́kọ́, táme asún ání Yohane léblì tsú oyin ánfì iwí fée laba mótó pépéé.” ⁴² Ahá tsotsotsó bọ́ha mu gyi inu.

11

Lasaro Lowu

¹ Oyin ọ́kúá bútetì mu Lasaro muva mu apio tsihé Maria pò Marta betsiá Betania wúlutò. Oyin ámu lólò. ² Maria anfi létsei mu ofobí fánfáánfán wólí aní Wíe Yesu ayabisu, pò mu imi tsítsi mó nì. Mu pio yínhé gyí Lasaro anfi ọ́da ọ́délò á.* ³ Mó sù mu apio tsihé ánfì bọ́wa abí sísí Yesu bẹe, “Owíé, fú ọ́dwepó dólò.”

⁴ Yesu lónu asún ámu a, ọ́lẹblì ọ́bẹ́e, “Megyí ịlò ánfì ọ́bóm̀ mu, mboún ịbélé Bulu numnyam ọ́wan. Ibówa mí Bulu mu Bì ánfì é numnyam.”

⁵ Yesu tekle Marta muva Maria pò Lasaro fée asún. ⁶ Táme bréá olonu ání Lasaro dólò á, ọ́lẹtrá si tsiá ọ́tínéá ọ́bò nkenyó kéké. ⁷ Mó ọ́ma a, ọ́lẹbláa mu akasípó ọ́bẹ́e, “M̀lìha ayinkì yò Yudea.”

⁸ Mu akasípó amu befité mu bẹe, “Osunápó, nwén nfi Yudafo ahande bakle abuda fú abwi m̀. Mó fẹe fẹ́trá yinkí yó inu?”

⁹ Yesu lópu yébi lé mó ọ́nó ọ́bẹ́e, “Megyí dónhwírì dúanyò bu ekewólétò? Ní ọ́ha ná ọ́yí kẹhetò á, ọ́tamasúti, tsúfẹ́ nsaintò lówankí, sù odewúun. ¹⁰ Táme ní ọ́ko ná oklúntò á, otosúti, tsúfẹ́ ọ́medé ató wúun.” ¹¹ Asún ánfì ọ́ma a, ọ́lẹtrá blì ọ́bẹ́e, “Aní nyáwíe Lasaro ladídì, táme nọ́yó anyetsinkí mu.”

¹² Akasípó amu bebláa mu bẹe, “Aní Wíe, ní ọ́dédídì mó á, iwí bówa mu ọ́nlín!”

¹³ Lasaro lowu iwí asún Yesu déblì, táme akasípó amu mó búkì bẹe mu didí kẹkẹ iwí asún ọ́dẹblì. ¹⁴ Inu Yesu lówunáa kpa mó opulu ọ́bẹ́e, “Lasaro lawú. ¹⁵ M̀lì sù ilawá mí ansigyí ání m̀ma inu asa olowu, ménì m̀límó m̀lì gyi. M̀lìha ayekì mu.”

¹⁶ Inu Toma ání ogyi Tabí† lébláa mu aba ámu ọ́bẹ́e, “M̀lìha ania m̀nyo fée ayò, ménì ní lowu ígyi kóráá á, ania m̀nyo awu!”

Ọ́há Aní Ọ́tókósúá Ahá Tsú Afúlítò, Há Amó Nkpa

* **11:2** Iní kén bu 12:1-8tò. † **11:16** Didimus móa Toma así gyí Tabí Griiki móa Hebri ọ́blítò.

¹⁷ Yesu lówie Betania wúluto á, bebláa mu bee bopulá Lasaro idagyi nkená. ¹⁸ Tsú Betania ya Yerusalem mafun máli anyo. ¹⁹ Mó su Yudafo tsotsotso beba Maria mu Marta gyowi chakpá, amó pió lowu su.

²⁰ Benya bláa Marta ání Yesu obá alí, olókusú yéfia mu okpa. Maria mó lésin wóyító. ²¹ Múu Marta lébláa Yesu obée, “Mí Wíe, tekí ní fubu nfi á, tekí mí pió mówu sí mí. ²² Táme séi kóráá nyin ání tógyítóá fókoli Bulu á, obéha fú.”

²³ Yesu lébláa mu obée, “Fú pió ámu obélakósú.”

²⁴ Marta lébláa mu obée, “Nyin ání obókusú eke tráhe amó afúli bókusú ámu.”

²⁵ Yesu lébláa mu obée, “Mígyí ohá ání ntakósúa ahá tsú afúlitó, há amó nkpa. Ohá ání olóhó mí gyi owú kóráá á, obétrá tsiá nkpa. ²⁶ Ohá ání otsie nkpa, olóhó mí gyi é móowu ekekeke. Fahó mósú gyi?”

²⁷ Marta lótsulá mósú obée, “Ee! Mí Wíe, nahogyi ání fúgyí Kristo, (ohá amó Bulu ladá mu ofúli), Bulu mu Bi amó bee obéba oyító ámu ní.”

Yesu Lósú

²⁸ Bréa Marta lébli alí tá á, oleyinkí ba wóyító betí Maria ya itsétó, bláa mu obée, “Osunápó laba, ode fú tí.” ²⁹ Maria lénia nú mó alí, olókusú yó Yesu wá. ³⁰ (Alí bré ámuto á, Yesu mókónyá wíe wúluto. Olí otíné amó Marta lóyító mu amu.) ³¹ Bréa ahá amó butsie Maria wá wóyító, bude mu klun yíá ámu bowun ání alakósú otsáwule pé oyó á, bókusú buo mu. Buki bee oyó opulákpá inu yósu.

³² Bréa Maria lówie Yesu wá á, oléda akpawunu, bláa Yesu obée, “Mí Wíe, ní fubu nfi á, tekí mí pió mówu sí mí!”

³³ Bréa Yesu lówin ání Maria mu ahá amó bobuo mu amu fée budesú a, ilehe han mu. Mó su mu ansí lepe. ³⁴ Oléfite amó obée, “Nkónó mlilópulá mu.”

Inu bebláa mu bee, “Aní Wíe, beki.”

³⁵ Inu Yesu lósú. ³⁶ Mó su Yudafo ámu bebli bee, “Kí alíá otehié dwé Lasaro!”

³⁷ Táme amótó aku bebli bee, “Megyí oyin ánfí lóbwií ansibi obwiepó ámu ansibi ní. Ntogyi sú ometali kítá Lasaro yáí, alawú?”

Lasaro Kúsá

³⁸ Yesu ansí létrá pé, olenatí yó opulákpá inu. Ibwi alató bopulá mu, bemináa ibwi tin mó onó. ³⁹ Inu olébláa amó obée, “Mlúmina ibwi ámu le obó ámu onó.”

Táme owupó ámu mu pio tsíhé Marta lébláa mu obée, “Mí Wíe, nde aná mó á, alayintá. Nde eke náásí opá bopulá mu.”

⁴⁰ Yesu lébláa mu obée, “Mmebláa fu mbée ní fohogyi a, fówun alíá Bulu iwi bu ifú?” ⁴¹ Inu bemináa ibwi ámu le obó ámu onó. Yesu lótsu ansí fóá kí osósú, blí obée, “Mí Sí, nedá fú ipán ání fanú mí ome. ⁴² Nyin ání fotonú mí mpái ekekegyíeke. Táme ahá ánfí bulí nfi ánfí sú nabli alí, méní bóhogyi ání fólówa mí.” ⁴³ Bréa olóhó mpái ánfí tá á, olókplón blí obée, “Lasaro, dali ba!” ⁴⁴ Lasaro lédali a, tati klí mu ibí pó mu ayabi. Dúku é klí mu ansító. Yesu lébláa amó obée, “Mlísanki mu onati.”

Bekiklí Yesu Nwunsu

⁴⁵ Yudafo amó bobuo Maria ba inu ámu bowun tóá Yesu labwé. Mó su amó tsotsotsó bóhó mu gyi. ⁴⁶ Táme amótó aku bọyọ yébláa Farisifo ámu tóá Yesu labwé. ⁴⁷ Inu Bulu igyí ahapó dehen pó Farisifo ámu betí aba asón agyípó fia. Múu befité aba bee, “Nkálí abóbwe? Lélé mó á, oyin ánfí dé osúna tsotsotsó bwe.

⁴⁸ Ní anuméka mu itin á, chagyíha obóhó mu gyi. Ibéha Romafó béba bobwie aní Bulu otswékpá amu, yintá aní omá!”

⁴⁹ Táme amótó okuléá butetí mu Kaiafa, ogyi Bulu igyí ahapó dehen ofi ámuto lébláa amó obée, “Mlú mó mlíméyín olala! ⁵⁰ Mlímókúbí ání ibi aléá obakóle obówu ahá fée nwunsu, don ání omá ámuto ahá fée béhi?” ⁵¹ Megyí Kaiafa onutó agywun olapubli asón ánfí. Táme iníá ofi ámuto megyí Bulu igyí ahapó dehen su á, igyí asón ání olébli tswi ání ilehián ání Yesu obówu há Yudafo omá.

⁵² Megyí bɛɛ ɔmá ámu nkule pé su obówu, mboún alíá ɔbékpa Bulu ahá ání badásáín fée bɔwa abato, bóbwe ikule su.

⁵³ Tsú eke ámu bɔwa agywun bwe ání bómɔ Yesu bi. ⁵⁴ Iní su Yesu métrá tsiá lé iwí ɔwan Yudafo. Mboún ɔlenatí yó wúlu kuá butetí mó Efraim, ání ibu dimbísú. Mba mu akasípó amu betsiá inu.

⁵⁵ Bré ámutɔ á, Yudafo nkeá bɔpɔgyi Israelfɔsu Katsun Nke ámu lawíé wóyí tá. Ahá tsɔtsɔtsɔ botsu awúlusu dú yó Yerusalem ání bɔyógyɔráa iwí asa nke ámu ifun. ⁵⁶ Bréá bɔyɔ Bulu ɔtswékpa wunsínésú inu á, bodunká ání bówun Yesu. Mó su befité aba bɛɛ, “Nkálí mlidékú? Mlilahogyi mlíaa, ɔbéba nke ánfito lóó?” ⁵⁷ Táme bré ámutɔ á, Bulu igyí ahapó dehen pó Farisifo ámu babláa ahá bɛɛ, ní ɔku owun ɔtínéá Yesu bu a, ɔhá amú ibi, méní beyékítá mu.

12

Ofobi Fánfáánfán Pɔwólí Yesu

(Mateo 26:6-13; Marko 14:3-9)

¹ Ilesi nkenié abɔgyi Israelfɔsu Katsun Nke a, Yesu lóyɔ Lasaro amóó ɔlɔkusúa tsu afúlitɔ ámu wúlutɔ Betania. ² Mó ntópwesɔ bɔtswi ɔpónú há mu. Marta léye atogyihe ɔpónú ámu asi. Lasaro mba ahá amóó beti ámu bɔwa ibu gyi ató Yesu wá. ³ Inu Maria lópu ofobí fánfáánfán ání ibu ibíá prentwa yílé ɔbɔ betsei wólí Yesu ayabisu, ɔlɔpu mu nwunsu-imi tsítisi mó. Ofobí ámu ɔfan lɔhɔ wóyí ámutɔ fée.* ⁴ Táme Yuda Iskariot, ogyi Yesu akasípó amutɔ ɔkule, ɔbéle Yesu há ámu mó lébli ɔbéɛ, ⁵ “Ofobí ánfí bu bíá. Ntogyi sù bɔmefe mó, pó kóba amu há ahiánfɔ? Mó bíá bóbwe ɔbakúle ofi ɔkule akatua.” ⁶ Megyí ahiánfɔ nwewuun su Yuda dé asón ánfí blí. Owikplu ógyi su. Mu wá sika okentebi bu, otetsiá wí ku lé mótó.

⁷ Yesu lébli ɔbéɛ, “Mlisi mu ɔpu ofobí ánfí wuli mí ha mí opuláké. ⁸ Ahiánfɔ mó betsiá mli wá ekekegyíeke, táme mí mó mméetsiá mli wá yó.”

Bekiklí Lasaro Nwunsu

⁹ Yudafo tsɔtsɔtsɔ bonu ání Yesu laba Betania. Mó su begya ɔkpa yó mu ɔkíkpa. Megyí mu nkule su bɔyɔ inu. Beyéki Lasaro amóó Yesu lókusúa tsu afúlitɔ ámu é. ¹⁰ Mó su Bulu igyí ahapó dehen amu bóbwe agywun bɛɛ bómɔ Lasaro é. ¹¹ Tsúfɛ mu kusúa tsu afúlitɔ su Yudafo tsɔtsɔtsɔ bɔde ɔma yinkí bɔhɔ Yesu gyi.

Bɔhɔ Yesu Fé Owíe Yerusalem

(Mateo 21:1-11; Marko 11:1-11; Luka 19:28-40)

¹² Ɔyi kehe a, ɔɔm amóó baba nke ogyíkpa amu bonu ání Yesu ɔbá Yerusalem. ¹³ Mó su beka mbláa, bɔpu ɔkpa beyéfia mu. Bɔde okitikíti bɛɛ, “Hosiána! Bulu oyúla ɔhá anfi ɔna aní Wíe Bulu dátó ɔbá ánfí! Bulu oyúla Israel Owíe amu!”

¹⁴ Yesu lénýa afrímú ɔku, ɔlɔdu bian musu, fé alíá bɔwanlín wá Bulu asóntó bɛɛ,

¹⁵ “Sionfɔ, mluńanya ifú!

Mli Wíe dín afrímú ibísú ɔbá á!”

¹⁶ Yesu akasípó amu bɔmɔkɔsí nú asón ánfí asi. Táme bréá Bulu lókusúa Yesu tsú afúlitɔ, wá mu numnyam ɔma a, bekaín ání bɔwanlín asón ánfí tsú mu iwí. Mó bóbwe há mu a.

¹⁷ Aha ání bobuo Yesu bréá ɔletí Lasaro fúli-ɔbótó, kúsúa mu tsú afúlitɔ bɔyɔ mósú dá asón ánfí ɔkan. ¹⁸ Iní su ɔɔm amu beyéfia mu ni. Bonu ání alabwé osúna anfi. ¹⁹ Farisifo amu bebláa aba bɛɛ, “Mlilawun ání anilabwé kásián. Mlíki, ahá fɛɛ bayó bobuo mu o!”

Griikifɔ Aku Bodunká Yesu

* **12:3** Oyí kuá butetí Naadi nlín butɔpúbwé ofobí ámu.

²⁰ Griikifɔ aku bobu ahá á múú beba Bulu osúm kpa Yerusalem Israelfɔsu Katsun Nke ámuta. ²¹ Bɔyɔ Filipino ání otsu Betsaida ání ibu Galilea ɔmátɔ wá yébláa mu beɛ, “Owíé, anidékléá abówun Yesu.”

²² Filipino lébláa Andrea, muva munyɔ beyébláa Yesu. ²³ Yesu lébláa amú ɔbéɛ, “Bré lafun ání bowa Nyankpɔsa-Mu-Bi ámu numnyam. ²⁴ Ɔnɔkwali nde mli bláa. Ní kpolibí makúwíé ɔbótɔ, ikwe, pló á, kpoli ibi-kule amu kén igyi. Táme ní ikwe, pló á, itabwé abí tsɔtsɔtsɔ. ²⁵ Ní ɔku tɔdwé mu nkpa ɔyí ánfɔ á, ɔbóhulí mú. Ní ɔku é tamadwé mu nkpa á, obénya nkpa ání itamatá. ²⁶ Ní mli ɔku ɔbéɛ mósum mí á, ilehián ání obóbuo mi, méní obétsiá ɔtínéá mbu. Ní ɔku dé mí sum á, mí Sí ɔbówa mu numnyam.”

Yesu Lowu Iwí Asón Blí

²⁷ Yesu lóyɔ músú ɔbéɛ, “Séi á, asón dé mí klɔn háan! Amansu nébli? Blí ntebli mbéɛ, Mí Sí, le mí tsu ason wunhe anfitɔ lóó? O-o, mó su neba ni. ²⁸ Mí Sí, wa fú iwí numnyam!”

Inu á, ɔme ɔku lótsu ɔsúsú ba ɔbéɛ, “Nawá mí iwí numnyam dodo. Nétrá wa mú.”

²⁹ Bréá ɔɔm amú bulí inu ámu bonu ɔme amu a, bebli beɛ “Ɔpráda lapótí.” Aku é beɛ, “Bulu-ɔbɔpu lábláa mu asón!”

³⁰ Inu Yesu lébláa amú ɔbéɛ, “Mli su ɔme anfi lalin, megyí mí. ³¹ Bréá Bulu obégyi ɔyítɔfɔ asón ní. Bréá Bulu ɔbékplí Ɔbunsám, ɔyísú ogyípú amu obíású ní. ³² Táme mí mó á, ní bedá mí mántá oyikpalihesu, tsú mó líi á, nékpa ahá féé ba mí iwí wá.” ³³ (Yesu lébli asón anfi púsúná lowu oduá mówu.)

³⁴ Inu ɔɔm amu befité mu beɛ, “Aní mó anilónu tsú aní Mbla ɔwoló ámuta ání Kristo, (ɔhá amú Bulu ladá mu ofúli amu) obétsiá bré féé. Mó ntogyi su fúdebli féɛ, ilehián ání bedá Nyankpɔsa-Mu-Bi ámu mántá ɔyísú, tsú mó líi? Ma gyi Nyankpɔsa-Mu-Bi ámu?”

³⁵ Yesu lébláa amú ɔbéɛ, “Bré kpalobí ku pé ilasí ání Wanki amu ɔbétrá tsia mli wá. Iníá Wanki amu trá ɔbu mli wá á, mlinati wanki amu, méní owí méeta wá mli. Tsúfé ɔhá ání ɔna oklúnta tamabí ɔtínéá ɔyó. ³⁶ Bré anfi wanki† amu trá ɔbu mli wá á, mliha mu gyi, méní mlóbwɛ wanki amu abí.”

Yudafɔ Yesu Máhogyi

Bréá Yesu lébláa amú ason anfi tá á, ɔlenatí yénaín. ³⁷ Iníá ɔlbwɛ osúna tsɔtsɔtsɔ amú ansítɔ ó á, bumɔha mu gyi. ³⁸ Iní léha Bulu ɔnósú ɔtáipú Yesaia asón amú ɔlebli tswi dodo amu léba mótɔ. Ɔbéɛ, “Aní Wíé, ma láha asón amú anilébli ámusu gyi?

Ma aní Wíé lalé mu túmi súná?”

³⁹ Mó su bumetálí ha Yesu gyi, tsúfé Yesaia létrá bli ɔbéɛ,

⁴⁰ “Aní Wíé Bulu laha bumedéwúun,

bómedé asón nu,

Mó su bumóowun ató,

búmóonu asón, méní bédamlí ba mí wá,

nétsa amú ilo.”

⁴¹ Yesaia lówun Yesu numnyam. Mó su ɔlebli asón anfi tsú mu iwí ní.

⁴² Mó ó á, Yudafɔ ahande amu tsɔtsɔtsɔ bohɔ mu gyi, táme bumele amú hógyi ɔwan. Tsúfé benya ifú ání Farisifɔ ámu bébi amú, gya amú lé amú ofiakpa.

⁴³ Tsúfé butekle beɛ ahá bukánfu amú dun ání Bulu ɔbékanfó amú.

Yesu Asón Bulu Ɔbɔpɔgyi Ahá Asón

⁴⁴ Yesu lókplɔn bli ɔbéɛ, “Megyí mí nkule ɔhagyíha ání ɔlɔha mi gyi déhógyi. Ɔhá amú ɔlɔwa mí sísi ámu é. ⁴⁵ Ɔhagyíha ání ɔde mí wúun dé ɔhá amú ɔlɔwa mí sísi ámu é wúun. ⁴⁶ Naba ɔyí ánfɔ fé wanki, féki ɔsulúv anfisv iwanki,

† 12:36 Yesu gyi Wanki amu.

ménì òhagýíòhà àní òlòhò m̀ gyí méésin oklúntò. ⁴⁷ Ní òkù onú mí asón, táme omegyi m̀sù á, megyí mí òbéha m̀ ipón. Tsúfè mmèba asón ogyíkpa. Ahá nkpa òhókpa n̄ba. ⁴⁸ Òhà àní okíná mí, òmòhò mí asón é b̀ asón àní b̀p̀uhá m̀ ipón. M̀ as̀n blíhé am̀ ibéha m̀ ipón èkè tráhè am̀. ⁴⁹ Tsúfè megyí mí onutó túmì n̄p̀t̀t̀í. M̀ Ś l̀wà mí sísí. M̀lèhà mí asón àní m̀blí, p̀ alíá m̀blí m̀. ⁵⁰ Nyin àní m̀ asón am̀ itehá nkpa àní itamatá. M̀ s̀ asón àní òt̀wá mí blí kóún ntèblí.”

13

Akasípò Am̀ Ayabiasí Fwí

¹ Asa b́fi Israelf̀s̀ Kats̀n Nkè am̀ gyí así á, Yesu lèb̀ àní m̀ bré laf̀n àní m̀dalí òyí ànf̀t̀t̀ yó m̀ Ś wá. Òlòdwè ahá am̀b̀ b̀gyi m̀ klè òsol̀s̀ nfi am̀ alí yóf̀n m̀ owuké.

² M̀ba m̀ akasípò am̀ befia ntópwe ató ogyíkpa. Alí bré am̀t̀ á, òb̀nsám lawúna wie Simon Iskariot m̀ bi Yuda kl̀ntò àní òyéle Yesu há. ³ Yesu yin àní m̀ Ś l̀p̀ t̀gyító wá m̀ ib̀t̀. Oyin àní Bulu wá motsu ba, m̀ wá méyinkí yó ní. ⁴ M̀ s̀ òlèlè ib̀ òlèpè am̀t̀, òlòk̀s̀ ẃí m̀ atadiè tswí, tsú òsan sába. ⁵ Òlètseí ntsu wá onuwétó, òlèfi así òdè m̀ akasípò am̀ ayabiasí fwí. Òfwí òmáýín a, alapó m̀ osiétó òsan am̀ tsítsi m̀ ayabiasí. ⁶ Bréá òlòtò Simon Petro a, òlèfité Yesu òbéè, “M̀ Wíé, f̀ òb̀fwí mí ayabiasí?”

⁷ Yesu lèlè m̀ ònó òbéè, “F̀m̀óonu tó ànfi ndèbwe ànfi así séi. Òma asa f̀bonu m̀ así.”

⁸ M̀b̀ Petro lèbláa m̀ òbéè, “Ò-o! M̀méesi, af̀fwí mí ayabiasí èkèkèkè.”

Yesu lèbláa m̀ òbéè, “Ní mm̀fwí f̀ ayabiasí á, f̀m̀énya ogyíkpa mí wá.”

⁹ Simon Petro lèbláa m̀ òbéè, “M̀ Wíé, megyí mí ayabi nk̀lè. Wuna fwí mí ib̀ p̀ mí nwuntò é.”

¹⁰ Yesu lèbláa m̀ òbéè, “Òhà àní alabie ntsu métrá hián ntsubíè. M̀b̀n m̀ ayabiasí fwí pé, tsúfè alalín dodo. M̀l̀ iwí lalín, táme megyí m̀l̀ f́éé.” ¹¹ (Yesu lèbláa m̀ alí, tsúfè oyin òhà àní òbéè m̀ há. M̀ s̀ òlèblí òbéè, “Megyí m̀l̀ f́éé lálín” ǹ.)

¹² Bréá òlòfwí am̀ ayabiasí tá á, òlèlatsú m̀ atadiè wá, yínkí yétsiá òp̀nò am̀ así. M̀b̀ òlèfité am̀ òbéè, “M̀l̀lanú itó ànfi nabwé há m̀l̀ ànfi así? ¹³ M̀l̀tèti mí ‘Osunápò,’ m̀l̀tèti mí ‘Owíé.’ M̀ òkpa ní, tsúfè m̀ ngýi ní. ¹⁴ Ní mí àní ngýi m̀l̀ osunápò p̀ m̀l̀ Wíé, nafwí m̀l̀ ayabiasí á, m̀m̀ òlèhián àní m̀l̀ é m̀l̀fwí m̀l̀ aba ayabiasí. ¹⁵ Nabwé súná m̀l̀, ménì m̀l̀b̀we m̀ alí am̀b̀ nabwé m̀ há m̀l̀ am̀. ¹⁶ Ònòkwálí ndè m̀l̀ bláa. Osúmpò òkòkò m̀d̀n m̀ wie. Alí kén sumb́ òyòpò m̀d̀n òhà àní òlòwa m̀ ǹ. ¹⁷ Iníá m̀l̀l̀abí ònòkwálí anfi á, Bulu obóyulá m̀l̀ ní m̀legyi m̀s̀.

¹⁸ “Megyí m̀l̀ f́éé iwí asón ndèblí. Tsúfè nyin ahá àní nalé. Táme lehián àní Bulu asón ànfi ibéba m̀t̀t̀. Asón am̀ òbéè, ‘Òhà am̀b̀ m̀ía m̀nyò anidé ib̀ wa òlèpètò am̀ lak̀s̀ líi m̀s̀.’ ¹⁹ Ndè m̀l̀ bláa séi asa íba, ménì ní íbà á, m̀l̀hò m̀ gyí àní m̀gyí òhà am̀b̀ m̀béè ngýi am̀ ǹ. ²⁰ Ònòkwálí ndè m̀l̀ bláa. Òhagýíòhà àní òlòhò òhà àní nòwa sumb́ lahò m̀. Alí kén òhagýíòhà àní òlòhò m̀ lahò mí Ś am̀ òlòwa mí sísí am̀ é ní.”

Yesu Lè Há

(Mateo 26:20-25; Marko 14:17-21; Luka 22:21-23)

²¹ Bréá Yesu lèblí asón ànfi tá á, asón ihíè dè m̀ háan m̀ kl̀ntò. M̀ s̀ olowunáa kpa m̀ tati òbéè, “Ònòkwálí ndè m̀l̀ bláa, m̀l̀tò òk̀lè òbéè mí há.”

²² Akasípò am̀ bèkpelé k̀l̀ aba ansító, tsúfè b̀meyín am̀t̀t̀ òm̀b̀ òdè.

²³ Akasípò am̀t̀t̀ òk̀lèá otsie mantáa Yesu, gyí òm̀b̀ Yesu tèhíè dwé ní. ²⁴ M̀ s̀ Simon Petro lóbun m̀ ansíbi òbéè, òfíte m̀ òhà àní òbéè m̀ há.

²⁵ Múú akasípó amu léyinkí kpísá Yesusu, fité mu obée, “Mí Wíé, ma obéle fú há?”

²⁶ Yesu lébláa mu obée, “Ohá ámúú nébia bodobodo, púdá oputsútó há ámu gyí mu ní.” Inu olebia bodobodo púdá oputsútó há Yuda, ogyi Simon Iskariot mu bi. ²⁷ Olenya ho mú alí, Obunsám lówie muto. Mú su Yesu lébláa mu obée, “Bwe tóá fudekléá fóbwe sasa!” ²⁸ Ahá ámúú butsie opónó ámu así ámuto okoku mébi tóá suá Yesu lébláa mu asún ánfí. ²⁹ Amótó aku buki bee, Yuda gyí amó sikasu okípu. Fialí Yesu dé mu bláa obée, oyóho atóá bópugyi nke ámu, ntée opúu toku ya ahíánfó.

³⁰ Yuda lénya ho bodobodo amu alí, oledali. Owí latá alí bré ámu.

Mbla Pəpwe

³¹ Yuda lénya dálí obuto inu alí Yesu léblí obée, “Bréá Mí, Nyankpusa-Mu-Bi ánfí numnyam bélin owan ní. Bulu obótsun misu lé mu numnyam owan. ³² Ní otson misu lé mu numnyam owan á, alí kén obótsun mu iwisu lé mí numnyam owan ní. Obówa mí numnyam inonu. ³³ Mí abí, mméetrá tsiá mli wá, wá opá. Mlódunká mí. Alí ámúú nebláa Yudafo ahande amu mbée, ‘Mliméetalí ba otínéá nɔyó ámu’ a, alí kén nde mli bláa mli é ní. ³⁴ Mbla pəpwe ndewa há mli mbée, mlidwe aba. Alí ámúú nɔdwe mli ámu a, alí kén mli pú oɔdwe ámu dwe mli aba ní. ³⁵ Ní mlidé aba dwe á, ibósuná ahá fée ání mí akasípó mligyí.”

Petro Obóswí Obée Momeyin Yesu

(Mateo 26:31-35; Marko 14:27-31; Luka 22:31-34)

³⁶ Simon Petro léfité Yesu obée, “Mí Wíé, nkónu foyó?”

Yesu léle mú onó obée, “Otíné ámúú nɔyó ámu a, fóméetalí buo mi yó inu séi. Táme oma a, fóbobuo mi.”

³⁷ Petro léfité mu obée, “Mí Wíé, ntogyi só mméetalí buo fu séi. Nówu fú su!”

³⁸ Yesu léfité mu obée, “Fówu mí su? Onəkwali nde fú bláa. Fóswí pú ibi wá ogyá tse sa fee fomeyin mí asa bate obéle onó.”

14

Osí Amu Wá Okpa

¹ Yesu lébláa mu akasípó amu obée, “Opúni mátsií mli. Mliho Bulu gyi, amlího mi gyi. ² Otsiákpá tsətsətsə bu mí Sí wóyító. Ní otsiákpá ma inu á, tekí mmebláa mli mbée neyéla inu yái mli. ³ Ní nɔyó yéla otsiákpá amu yái mli tá á, néyinkí bá bekpa mli yáa mí iwí wá, méní mlétsiá otínéá mbu. ⁴ Mliyin okpa ání ida yo otíné ámúú nɔyó.”

⁵ Inu Toma léfité mu obée, “Mí Wíé, anímeyín otínéá foyó, nkáli abóbwe abébi okpa ámu?”

⁶ Yesu léle mú onó obée, “Mígyí okpa ámu, onəkwali amu pú nkpa ámu. Ohaa méetalí yó mí Sí ámu wá, nkéti alatsun misu. ⁷ Ní mliyin mi léle á, tekí mlilabí mí Sí ámu é. Táme séi mú mlilawun mu, mlilabí mu é.”

⁸ Filipo lébláa mu obée, “Aní Wíé, suna aní fú Sí ámu. Mú kpán tso aní.”

⁹ Yesu léfité mu obée, “Filipo! Mbu mli wá dodoodo. Mú su fóməkúbí mí? Ohagýíha ání alawun mi kí lawun mí Sí ámu. Ntogyi só fúdeblí fee, nsúna mli Osí ámu? ¹⁰ Fómohogyi ání mbu mí Sí ámuto, mu é obu muto? Asún ánfí nde mli bláa anfi motsú mí onutó wá. Mboun mí Sí ámúú obu muto ámu dé mu agyómá yo. ¹¹ Ní nde mli bláa mbée, mbu mí Sí ámuto, mu é obu muto á, mliho mi gyi. Ní mlimóho asún ámusu gyi óó á, ofúla amúú ndebwe ámu su mliho mi gyi. ¹² Onəkwali nde mli bláa. Ohagýíha ání oloho mi gyi a, obóbwe itóá ndebwe. Obóbwe mú dun mí klé, tsúfé mí mú nɔyó mí Sí ámu wá. ¹³ Nóbwe tógyítóá mləkóli mí idátó há mli, méní nówa mí Sí ámu numnyam. ¹⁴ Ní mləkóli tógyító mí idátó á, nóbwe mú.

Ɔɛ Wankihé Amv Ibá

¹⁵ “Ní mlitədwé mí á, mlégyi mí mblasu. ¹⁶ Nókulí mí Sí, ɔbópu Ɔma Ɔlípó bambá sísí mli, ɔbéba betsiá mli wá bré fée. ¹⁷ Mvgyí Ɔɛ Wankihé. Mutósúná ɔnəkwali ání ibu Bulutə. Ɔyító ahá buméetalí hə mv, tsúfé bumédé mv dunká. Buméebi mv é, táme mli mó mliyin mv, tsúfé ɔbu mli wá, obétsiá mli.

¹⁸ “Mméesi mli tswi fé awumbi. Nényinkí bá mli wá. ¹⁹ Ilasí kpalobí ɔyító ahá bumétrá wun mli, táme mli mó mlówun mli. Iníá mbu nkpa su á, mli é mlétsiá nkpa. ²⁰ Ní ɛke ámv ifun a, mlébi ání mbu mí Sí ámutə. Mli é mliɔ mli wá fé alí ámuú mí é mbu mli ámu.

²¹ “Ahá ání buɛ mí mblasu gyí a, amúgyí mí adwepó ní. Ɔhagyíha ání ɔtədwé mí á, mí Sí ɔbədwé mv. Mí é nódwé mv, lé mí iwi ɔwan súná mv.”

²² Múu Yuda (megyí Yuda Iskariot) léfité mv ɔbé, “Mí Wíe, ntogyi sú aní nkule pé féle iwi ɔwan súná, megyí ɔyító ahá fée?”

²³ Yesu léle mó ɔnó ɔbé, “Ní ɔku dé mí dwe á, ɔbóbwe dínká mí atosunáhésv. Mí Sí ɔbədwé mv. Mía mí Sí ámv nyə abéba betsiá mv wá. ²⁴ Ɔhá ání ɔtamadwé mí ɔmáɔbwe dínká mí atosunáhésv. Asón ání ndeblí mli dénu ání motsú mí onutó wá. Mí Sí lówa mí, mv wá itsú.

²⁵ “Nde mli asón ání bláa, séi ání mbu mli wá. ²⁶ Táme Ɔma Ɔlípó, ogyi Ɔɛ Wankihé ámuú mí Sí ɔbópusí mí idátó ámv obósuná mli tógyító. Ɔbékaín mli asóngyiasón ání nebláa mli.

²⁷ “Iwilwii nde mli ha! Napó mí iwilwii há mli. Megyí mó ámuú ɔyító botehá ámv odu. Mli máha opúni itsii mli. Ifú é mákítá mli. ²⁸ Nabláa mli bətsun mbé, ndenati, táme néyinkí bá mli wá. Ní mlitədwé mí á, tekí mlénýa ansigyí ání nɔyó mí Sí wá, tsúfé ɔdun mli. ²⁹ Nde mli ín fée bláa yai, méní ní íbá mótó á, mlóhogyi. ³⁰ Mméétrá tó yó nkpa, tsúfé ɔyísó ogyípó ámv ɔbá. Ɔma túmí mísó. ³¹ Ntonú mí Sí ɔme, méní ɔyító bébi ání ntədwé mv.

“Mlikusv anati.”

15

Wáin Oyí Onutó

¹ Yesu léblí ɔbé, “Mígyí wáin ifla onutó. Mí Sí gyí mó ɔdópu. ² Bámbigyibámbiá ibu mí iwi, itamaswíé á, ɔtekpálí mó tsítsá. Táme kugyíkúá itoswíé á, ɔtelá mó wankláán, méní íbóswie tsətsətsə dun. ³ Mí atosunáhé ání mli lánú ání su mli iwi latin dodo. ⁴ Mlitsia mító, mí é antsia mli. Bámbi kúkukú méetalí swíé abí, nkéti itsa mó oyísó brégyíbré. Alí kén mli é mli méetalí swíé abí, nkéti mli ɔ mli wá ní.

⁵ “Mígyí wáin ifla ámv. Mli gyí mó abámbi. Ɔhá ání ɔbu mli, mí é mbu mli obóswie abí tsətsətsə, tsúfé mli méetalí bwé tətətsə tsun mí ɔma. ⁶ Ɔhagyíha ání ometsie mli gyí fé bámbiá bakpálí mó bun, íbówli, békpa mó wá ogyá. ⁷ Ní mlitsie mli, mí asón é ibu mli á, mléfité mí Sí tógyító mli déklé, ɔbéha mli. ⁸ Ní mloswíé abí tsətsətsə á, íbówa mí Sí numnyam. Mó obósuná ání mí akasípó mli gyí ní. ⁹ Alí ámuú mí Sí tədwé mí ámv a, alí kén mí é ntədwé mli ní. Mlitsia mító, méní nódwé mli yó. ¹⁰ Ní mlegyi mí mblasu á, nódwé mli yó, fé alí ámuú mí é ntegyi mí Sí mblasu, ɔtədwé mí yó ámv.

¹¹ “Nabláa mli asón ání fée, méní ansigyí ámuú ibu mli ámv bətsiá mli. Fówun ansí bəgyi mli wankláán. ¹² Mbla ání ndepohá mli gyí; mli dwe aba fé alí ntədwé mli. ¹³ Ɔdwe kuku mədún ání ɔku obówu mv nyawie nwunsu. ¹⁴ Ní mlegyi mí mblasu á, mí anyawie mli gyí. ¹⁵ Mméétrá tí mli mí asúmpó. Tsúfé ɔsúmpó méyín tóá mv wie débwé. Nde mli mí anyawie, tsúfé nabláa mli tógyító nonu tsú mí Sí wá. ¹⁶ Megyí mli léle mí. Míléle mli yai mbé, mli yó amli yoswie abí íbətsiá bré fée, méní mí Sí ɔbéha mli tógyító mli kúli mv mí idátó. ¹⁷ Mbla ání ndewa há mli gyí, ‘Mli dwe aba.’

Ahá Bólu Mli

¹⁸ “Ní ɔyító ahá bɔdɛ mli lu á, mlikain ání mí begyankpá lú. ¹⁹ Ní ɔyító ahá mligyí a, tekí ɔyító ahá bódwɛ mli fɛ amó abí. Táme nalé mli tsú ɔyítófɔtɔ, su mlimá amótó. Iní su ɔyítófɔ butolú mli ní. ²⁰ Mlikain asún amóú nebláa mli mbée, ‘Osúmpó ɔkoku módun mu wie’ amusu. Ní ahá bɔdin mísó a, mli é bédunká mli su. Ní begyi mí asónsú á, mli é bégyi mli asónsú. ²¹ Táme mibó mli, su bópu iní fée gyi mli, tsúfɛ bumeyín ɔhá amóú ɔlɔwa mí ámu. ²² Ní mməkúbláa amó asvansu á, tekí buma ipón kuku gyí. Táme séi ánfí mú buma ɔnó lé. ²³ ɔhagyíɔha ání otolú mí tolú mí Sí é. ²⁴ Nabɔbwɛ agyómá ání ɔhaa mókúbwé mú odu kí amótó. Ní buməpu amó ansibi wun mú á, tekí Bulu méɛha amó ipón. Bowun tóá nɔbwɛ asa bɔdɛ mía mí Sí lu. ²⁵ Ilehián ání ibéba alí, méní asún amóú bəwanlín wá amó Mblatɔ bɛɛ, ‘Bolu mí kpaali’ ámu ibéba mótó.

²⁶ “Nówa ɔma ɔlípú obótsu mí Sí wá bá. Mɔgyí ɔɲɛ Wankíhé amu. Mutósúná ɔnəkwali ání ibu Bulutɔ. Obégyi mí iwí adánsiɛ. ²⁷ Mli é mlégyi mí iwí adánsiɛ, tsúfɛ mliłatsiá mí wá tsú bréá nefi ató suná así.

16

¹ “Nabláa mli asún anfi fée, méní mliméɛɔɔda hógyito. ² Yudafo ahandɛ bégya mli lé amó ofiakpa. Bré ku kóráá ibéba ání ahá bómɔ mli, súsú bɛɛ Bulu agyómá bɔdɛyɔ. ³ Bópu iní gyi mli, tsúfɛ buməkúbí mí ntée mí Sí ámu. ⁴ Táme nabláa mli asún anfi, méní ní ibá á, mlékaín ání nebláa mli yái.

ɔɲɛ Wankíhé Gyumagyihe

“Mməkəsí bláa mli asún anfi, tsúfɛ mbu mli wá. ⁵ Táme séi ndɛ mli bláa, tsúfɛ nɔyɔ ɔhá amóú ɔlɔwa mí sísí ámu wá. Táme mliłɔ ɔkoku méfité mí ɔbée, ‘Nkónó fɔyɔ.’ ⁶ Iníá nabláa mli asún anfi su á, awirehɔ lahíé kítá mli. ⁷ Táme ndɛ mli ɔnəkwali bláa. ɔkláa lawá mli ogyá ání nɔyɔ. Tsúfɛ ní mməyɔ á, ɔma ɔlípú amu ɔméɛba mli wá. Táme ní nɔyɔ á, nɔpu mu sísí mli. ⁸ Ní ɔbá á, ɔbéle suná ɔyító ahá ání lakpanbwɛ su bafwí, ɔbéle tóá igyi Bulu yiləbwɛ pó mu asóngyí é suná amó. ⁹ Bébi ání mísú mähógyi igyi lakpan. ¹⁰ Bébi tóá igyi Bulu yiləbwɛ, tsúfɛ nɔyɔ mí Sí wá, mliméɛtrá wun mí ekekeke. ¹¹ Bébi tóá igyi Bulu asóngyí, tsúfɛ Bulu lahá ɔbunsám, ogyi ɔyísú ogyípú amu ipón dodo.

¹² “Mbu asún tsɔtsɔtsɔ ání nébláa mli, táme mliméɛtalí nú mú fée así séi. ¹³ ɔɲɛ Wankíhé amu tósúná ɔnəkwali ání ibu Bulutɔ. Ní ɔbá á, ɔbéle asún ání igyi ɔnəkwali fée suná mli. Tsúfɛ megyí mu onutɔ túmitɔ ɔbótɔí, mboún ɔbéblí asún kugyíkɔá olonu. ɔbébláa mli múá ibéba é. ¹⁴ ɔɲɛ ámu ɔbɔwa mí numnyam, tsúfɛ ɔbébláa mli asún ání nteblí. ¹⁵ Tógyítá mí Sí búu a, mí bú. Mú su nabláa mli mbée, ɔɲɛ ámu ɔbébláa mli asún ání nteblí ní.

Akasípó Amu Awirehɔ Pó Ansigyí

¹⁶ “Ilasí kpalobí mliméɛtrá wun mí, táme imóɔwa ɔpá kuku mlélawun mí.”

¹⁷ Akasípó amutɔ aku befité aba bɛɛ, “Ngya ntɔ asún ní? ɔbée, Ilasí kpalobí, animéɛtrá wun mu, táme imóɔwa ɔpá kuku, abélawun mu. ɔdeblí é ɔbée, ‘Nɔyɔ mí Sí wá?’ ¹⁸ ‘Ilasí kpalobí’ ánfí así mé? Animéɛde asún ánfí ɔdeblí ánfí así nu.”

¹⁹ Yesu lébi ání akasípó amu bɔdeklé abufite mu asún amutɔ. Mú su ɔlebláa amó ɔbée, “Blí ndeblí mbée, Ilasí kpalobí mliméɛtrá wun mí. Táme imóɔwa ɔpa kuku mlélawun mí. Iní mliɔde aba fité ní? ²⁰ ɔnəkwali ndɛ mli bláa. Mlósu kpisií, táme ɔyító ahá mú bénya ansigyí. Mlégyi awirehɔ, táme mli awirehəgyí amu ibéba bemli ansigyí. ²¹ Ní ikwí de ɔtsí dwiín á, ahumiti tekítá mu, tsúfɛ mu iwɔsun wúunbi lafun. Táme onyákwií tá pé ɔtetan mu iwɔsun ámu su, tsúfɛ ansí de mu gyí ání makwíí obí wá ɔyító. ²² Alí kén igyi há mli ní. Ahumiti de mli séi, táme nélawun mli. Mú su mléhiɛ nyá ansigyí ání ɔhaa méɛtalí ká mli itin.

²³ “Alí eke ámu a, mliméetrá kulí mí tótótó. Onəkwalí nde mli bláa. Tógyítáá mlókulí mí Sí mí idátó a, obéha mli. ²⁴ Bətu nde mlimókófité tótótó mí idátó. Mlifite, obéha mli, méní íbéhíe wá mli ansigyí.

Yesu Ȯyísó Gyl

²⁵ “Nde mli asón ánfí bláa ayébisu, táme bré ku béba, mméetrá tóí ayébisu. Nówuná kpa mí Sí asón tati súná mli. ²⁶ Tsú bré ámuṣu póya a, mlókulí mí Sí ámu ató mí idátó. Mmedéblí mbée, mí obókulí mu ató há mli. ²⁷ Tsúfé mí Sí ámu onutó tɔdwé mli. Ȯtɔdwé mli, tsúfé mli tɔdwé mí, mlilahogyi ání notsú mu wá. ²⁸ Mí Sí wá notsu ba Ȯyító. Séi á, ndeyinkí tsú Ȯyító nȮyó mí Sí ámu wá.”

²⁹ Inu akasípó amu bebláa mu bée, “Ehéen! Séi mó á, fotráa fomédétóí ayébisu. ³⁰ Séi mó anilabí ání foyin tógyító. Mó su mehián ání ohaa obétrá fité fú asvansu. Iní lahá anilahogyi ání lélé fotsú Bulu wá.”

³¹ Yesu léfité amó obée, “Séi mó mlilahogyi? ³² Bré ku íbá. Ifayon ta, mlédasáín. Mli tɔ okugyíaku obóyo mu otsukpá sí mí. Táme iméesi mí nkule, tsúfé mí Sí ámu bu mí wá. ³³ Nabláa mli asón ánfí fée, méní mlótson mli nyá iwilwii. Mlówun iwiosin Ȯyí ánfíto, táme mliwa klun, tsúfé nagyi Ȯyísó dodo!”

17

Yesu Lóbo Mpáí Mu Akasípó Nwunsu

¹ Yesu léblí asón ánfí tá, olotsu ansí fúá kɪ Ȯsúsó bó mpáí obée, “Oo mí Sí, bré lafon. Wa mí numnyam, méní mí é nówá fú numnyam. ² Tsúfé feha mí túmí ahá féesó, ání nháa ahá ání feha mí fée nkpa ání itamatá. ³ Nkpa ání itamatá ámu gyí, bubí fú Bulu Onəkwalipu Ȯkukónó Ȯkule pé ánfí, abubí mí Yesu Kristo ánfí fəpusísí Ȯyító ánfí. ⁴ Nawá fú numnyam Ȯsulóv ánfí, tsúfé namó agyómá ámuó fəpuhá mí ámu fée onó. ⁵ Mí Sí! Wa mí numnyam fú ansító nya, fé alí ámuó mbu mó fú wá yáí asa fəbwé Ȯyí ámu.

⁶ “Nalé fú súná ahá ámuó fele Ȯyító há mí ámu. Fóbó amó, fəpu amó há mí, bagyi fú asónsú. ⁷ Séi babí ání tógyítáá mbu itsú fú wá. ⁸ Tsúfé nabláa amó asón ání fəpuhá mí fée, banú. Babí ání lélé fú wá notsú, bahogyi ání fúlówa mí.

⁹ “Nde fú kokóli ha amó. Megyí Ȯyító ahá fée nde mpáí bə há. Mboún ahá ámuó fəpuhá mí ámu, tsúfé fóbó amó. ¹⁰ Mí klé igyi fú klé, fú klé é igyi mí klé. Fatsun amósú lé mí numnyam Ȯwan. ¹¹ Nebá fú wá séi. Mméetrá tsiá Ȯyító, táme amó mó bubu Ȯyító. Mí Sí Wankíhé, pu fú idá ámuó fəpuhá mí ámu túmí kɪ amósú, méní bóbwe kule fé alí ámuó mía fonyo anigyí kule amu. ¹² Bréá mbu amó wá á, nekítá amó wankláán, idá ámuó fəpuhá mí ámu túmíto. Nele ansí kítá amó wankláán. Mmeha amótó Ȯkuku mófwi, dun Ȯmuamóv idá yaí ání obéhi ámu, fékɪ Bulu ason wanlínhé amu íbéba mótó. ¹³ Nebá fú wá séi. Táme bré ánfí ntráa mbu Ȯyító nfí nde asón ánfí blí, méní bénya ansigyí fé alí ámuó mí é mbu ansigyító amu. ¹⁴ Nabláa amó asón ámuó febláa mli ámu. Mó su Ȯyító ahá bode amó lu, tsúfé butráa bumegyí Ȯyítófo, fé alí ámuó mí é mmegyí Ȯyítóyín amu. ¹⁵ Mmedéblí mbée, fulée amó le Ȯyító. Mboún mbée fókɪ amósú wankláán, méní bumóowie lalahe obwepó* ámu íbitó. ¹⁶ Alí ámuó mmegyí Ȯyítóyín ngyi ámu a, alí amó é bumegyí Ȯyítófo ní. ¹⁷ Fú asón ámu gyí onəkwalí. Tsun mósú afupu amó bwe fú klé. ¹⁸ Alí ámuó fəwa mí sísí Ȯyító ámu a, alí mí é nawá amó sísí ní. ¹⁹ Amó su nɔpu iwí há fú, méní amó é bótson onəkwalí amuṣu mlí fú klé.

²⁰ “Megyí mí akasípó amu nkule nde mpáí bə há. Mboún ahá ání bótson amó atosunáhésu hə mli gyí fée ndebə há. ²¹ Nde mpáí bə mbée, amó fée bubwée kule. Mí Sí, alí ámuó fubu mli, mí é mbu foto ámu a, ha amó é abutsia anito alí kén, fówun Ȯyító ahá bóhogyi ání fúlówa mí sísí Ȯyító. ²² Nawá ahá ánfí numnyam

* 17:15 Ȯbunsám gyí lalahe obwepó.

amóú fowa mí ámu, ménì bóbwe kule fè aliá ntsu tamatsun miá fonyo nsiné. ²³ Mbu amótó fè aliá fubu mito, ménì bóbwe kule, ntsu mótsun amó nsiné. Ní ibá alí á, oyító ahá bébi ání fólówa mí, fútədwé amó fè alí amóú fútədwé mí ámu.

²⁴ “Mí Sí! Ndeklé mbée ahá amóú fəpuhá mí ámu bétsiá mí wá otíné amóú mbu amu. Fówun bówun numnyam amóú fowa mí ámu. Tsúfé fútədwé mí asa fəbwe oyí. ²⁵ Mí Sí Yilé əbwepó! Oyítófə bumebi fú, táme mí mu nyin fu. Ahá ánfí é buyin ání fólówa mí sísí oyító. ²⁶ Nele fú súná amó. Nétrá le fú súná amó. Fówun ədwe amóú fútədwé mí ámu itsia amótó, ménì mí é nétsiá amótó.”

18

Yesu Kíta

(Mateo 26:47-56; Marko 14:43-50; Luka 22:47-53)

¹ Yesu lóbə mpái ánfí tá á, mva mu akasípó amu benatí yótsun Kidron tsonkolito wíé ndobii koto. ² Yuda amóú əlele Yesu há ámu é yin ndobii amoto, tsúfé Yesu mva mu akasípó butetsiá yéfia inu. ³ Mó su Yuda lékpa Romafə isá akəpó pú Bulu ətswékpa agyópu akúá Bulu igyí ahapó dehen pú Farisifə bəwa, bəyo inu. Bude mbia, nkandíe pú akətó. ⁴ Iníá Yesu yin tóá ibá musu su á, əledali fia amó, fité amó əbée, “Ma mlidédunká?”

⁵ Bele mó onó bée, “Yesu Nasaretyin amu.”

Yesu lébláa amó əbée, “Mí ní.”

(Yuda amóú əde mu le há ámu é líí amó wá inu.) ⁶ Bréá Yesu lébláa amó əbée, “Mí ní!” á, besankí yéduda lalá kpla. ⁷ Yesu lélafité amó əbée, “Mbée, ma mlidédunká?”

Bebláa mu bée, “Yesu Nasaretyin amu.”

⁸ Yesu lébláa amó əbée, “Nakó bláa mli mbée, mí ní. Mó su ní mí mlidédunká mó á, mliha ahá ánfí abunati.” ⁹ (Əlebláa amó alí, ménì asún amóú əleblí ámu ibéba mótó. Əbée, “Ahá amóú fəpuhá mí ámuə əkuku mófwí.”)

¹⁰ Inu á, Simon Petro dé ədayí ɣya anyə, əlebití mó lé, kpá Bulu igyí əhapó dehen osúmpó gyəpi isu. Osúmpó amu idá gyí Malkus. ¹¹ Yesu lébláa Petro əbée, “Sankia fú ədayí wa mó əfletə! Imehián ání nówun iwəsin ání mí Sí lahá mí əbée nwúun lóó?”

Yesu Kpa Ya Hana

(Mateo 26:57-58; Marko 14:53-54; Luka 22:54)

¹² Inu isá akəpó ámu, amó əhande pú Bulu ətswékpa agyópu amu bekítá Yesu, klí mu ibi. ¹³ Begyankpá kpá mu ya Kaiafa mu sia Hana. Kaiafa gyí Bulu igyí əhapó dehen ofi ámuə ní. ¹⁴ Múlébláa Yudafo əhande amu əbée, ibu aléá əbakóle obówu ahá fée nwunsu ní.

Petro Lékiná Yesu

(Mateo 26:69-70; Marko 14:66-68; Luka 22:55-57)

¹⁵ Simon Petro mva əkasípó bambá bobuo Yesu. Bulu igyí əhapó dehen amu yin əkasípó bámbá ánfí wankláán. Mó su olobuo Yesu bitíwíé Bulu igyí əhapó dehen amu wóyító. ¹⁶ Táme Petro mó lési əlí wóyí ámu onó. Əkasípó bámbá ánfí óyin Bulu igyí əhapó dehen anfi lédalí yébláa otsibi əkúá əde wóyí ámu onó gyo, əlekpa Petro ba wóyí ámuə. ¹⁷ Otsibi amu léfité Petro əbée, “Megyí oyin ámu akasípó amuə əku fúgyi?”

Petro léle mó onó əbée, “Əkekəke. Mma amótó.”

¹⁸ Atsalí bu inu. Mó su asúmpó pú agyópu amu bəduďá ogyá, bulí mó asi. Petro é léyelí amó wá, əde ogyá ámu núu.

Bulu Igyí Əhapó Dehen Léfité Yesu Asún

(Mateo 26:59-66; Marko 14:55-64; Luka 22:66-71)

19 Bulu igyí ɔhapó dehen amu léfité Yesu asón, tsú mu akasípó pó mó atosunáhé iwí. 20 Yesu léle mó ɔnó ɔbée, “Ahá ansító nelí blí mí asón fée. Netsiá súná ató Yudafo ofiakpa pó Bulu ɔtswékpa, ɔtínéá ahá fée butefia. Mmēblí asvansu njaintó. 21 Ntogyi só fúde mí asón ánfí fité. Fite ahá ání bonu asón ání nēblí. Amó yín asón ání nēblí.”

22 Bréá Yesu léblí asón ánfí á, inu agyópu amuto ɔkuleá ɔlí mantáa mu léda mu isuto, fité mu ɔbée, “Alí fēle Bulu igyí ɔhapó dehen asón ɔnó ní?”

23 Yesu lébláa mu ɔbée, “Ní nablí asokpan á, le mó blí ɔhagyíɔha onu. Táme ní ɔnɔkwali nablí á, ntogyi só fúde mí da?”

24 Yesu trá ɔda ɔfétó ɔhande Hana lópu mu sísí Bulu igyí ɔhapó dehen Kaiafa.

Petro Létrá Kind Yesu

(Mateo 26:71-75; Marko 14:69-72; Luka 22:58-62)

25 Simon Petro trá ɔlí ogyá ámu asi, ɔku léfité mu ɔbée, “Megyí oyin ánfí akasípó amuto ɔkule fugyi?”

Petro lóswí ɔbée, “Ekekeke. Mma amótó!”

26 Bulu igyí ɔhapó dehen amu osúmpó ɔku, ogyi ɔhá ámuó Petro lékpa mu isu kule amu mu pio léfité Petro ɔbée, “Megyí fúa munya nowun ndobii amuto ní?”

27 Petro létrá swí pú ibi wá ogyá. Inunu bate lóbón.

Yesu Kpa Ya Pilato

(Mateo 27:1-2, 11-14; Marko 15:1-5; Luka 23:1-5)

28 Ɔyi kehe bake-bake a, bekpa Yesu tsú Kaiafa wóyító ya Roma ɔhande ání ɔde Yudea ɔmású gyí wóyító. Yudafo ahande amu bumedékléá bópu ifin da iwí. Mó su bomebitíwíé wóyító inu. Tsúfē budekléá bēkí ání amó iwí letin, méní bétalí gyi Israelfosu Katsun Nke ámu.* 29 Mó alí su Pilato lédalí ba kpankpá befité amó ɔbée, “Amansu mlibu blí tsú oyin ánfí iwí?”

30 Bebláa mu bee, “Ní ɔhá ánfí mókóbwé lakpan á, tekí animékpa mu ba fu.”

31 Pilato lébláa amó ɔbée, “Mómó mlikpa mu ya, amliyegyi mu asón mli mbla ɔnó.”

Yudafo ahande amu bele mó ɔnó bee, “Animá ɔkpa mó ɔha.” 32 (Asón ánfí léba mótó, méní asón ámuó Yesu léblí tsú mu lowu ání obówu iwí ámu ibéba mótó.)

33 Inu Pilato léyinkí wíé wóyító. Móó ɔleti Yesu, fité mu ɔbée, “Fúgyi Yudafo owíé amu ní?”

34 Yesu léle mó ɔnó ɔbée, “Fó onutó asun fitéhé igyi, ntée aku lábláa fu mí iwí asón?”

35 Pilato léle mó ɔnó ɔbée, “Yudayin ngiyi? Fó onutó ahá pó Bulu igyí ahapó dehen lékpa fú ba m. Nto fabwé?”

36 Yesu lébláa mu ɔbée, “Megyí ɔyí ánfito nde iwíé gyí. Ní ɔyí ánfito á, tekí mí abúopu bókó ho m. Buméɛha bumóɔpu mí wá Yudafo ahande ibito, táme megyí ɔyí ánfito nde iwíé gyí!”

37 Pilato léfité mu ɔbée, “Mómó yée owíé fugyi á?”

Yesu léle mó ɔnó ɔbée, “Ɔnɔkwali fablí fēe Owíé ngiyi. Mí á, bəkwí mí neba ɔyí ánfito ání mbá ambegyi ɔnɔkwali amu iwí adánsie. Ɔhagyíɔha ání ogyi Ɔnɔkwali amu klé tɛyaa asu nú mí ɔme.”

38 Pilato léfité mu ɔbée, “Nto gyí ɔnɔkwali amu?”

Pilato Léha Ɔkpa Ɔbée Bumóo Yesu

(Mateo 27:15-31; Marko 15:6-20; Luka 23:13-25)

Pilato léblí asón ánfí tá á, ɔletrá dalí ya Yudafo ámu wá wóyí ɔnó inu. Ɔlebláa amó ɔbée, “Mmókówun lalahé kukukúá nópohá oyin ánfí ipón. 39 Táme mli amándíé ɔnó á, ntesí obu ɔdipó ɔkule há mli Katsun Nke kugyíkuto. Mlídéklé mlíaa, nsii Yudafo Owíé anfi ha mli?”

* 18:28 Ní fowíé ɔhá ání omegyí Yudayin wóyító a, ifin lada fu.

⁴⁰ Bɔ̀kplón lɛ mó ɔ̀nɔ̀ bɛɛ, “Ɛkɛkɛkɛ! Megyí mv. Si Baraba ha anɪ.” (Ogyo otswapó Baraba ɛ gyí).

19

¹ Inu Pilato léha bekpa Yesu ya, yéputí mv ató wankláán. ² Isá akɔ̀pó ámv bɔ̀lo obungyo-awu, bwé mó owíepa bun mv nwun, bɔ̀wa mv ligá pɛpɛ kv. ³ Inu benatí bwé mv ahinlá bɛɛ, “Yudafɔ Owíe, fú nkpasu ɔ̀nlinsu!” Fówun badá mv ɪsɔ̀to kpa.

⁴ Pilato létrá dalɪ yɔ̀ wóyí ɔ̀nɔ̀ inu yébláa amó ɔ̀béɛ, “Nakpá mv neba mli, amlɪwun ání mmɔ̀kɔ̀wun lalahɛ kɔ̀ku mv ɪwɪ.” ⁵ Bréá Yesu lédalɪ ba a, obungyo-awu ipa ámv bun mv nwun, ɔ̀bɔ̀wa ligá pɛpɛ amv. Pilato lébláa amó ɔ̀béɛ, “Mv nɪ!”

⁶ Bulu igyí ahapó dɛhɛn pɔ̀ Bulu ɔ̀tswékpa agyópɔ̀ amv benya wun mv pé, bɔ̀sɔ̀rá okitikítí blí bɛɛ, “Da mv manta oyikpalíhɛsu! Da mv manta oyikpalíhɛsu!”

Pilato lébláa amó ɔ̀béɛ, “Mli onutó mlikpa mv ya, amlɪyɛda mv manta oyikpalíhɛsu. Mí mó mmɔ̀kɔ̀wun lalahɛ kɔ̀ku mv ɪwɪá nɔ̀pɔ̀há mv ɪpɔ̀n.”

⁷ Yudafɔ ámv bebláa mv bɛɛ, “Anɪ mbla ɔ̀nɔ̀ á, ilehián ání obówu. Tsúfé ɔ̀leblí ɔ̀béɛ, Bulu mv Bi mvgyi.”

⁸ Bréá Pilato lónu asón ánfɪ á, ifú létrá kitá mv tsía mótó. ⁹ Oleyinkí yó mv wóyító yéfité Yesu ɔ̀béɛ, “Nkónó fotsú?”

Támɛ Yesu mékpla mv. ¹⁰ Mó su Pilato léfité mv ɔ̀béɛ, “Fɔ̀mɛɛkplá mí? Fɔ̀meyín ání mbu túmiá nɛtalí sí fú ntéɛ nɛtalí há beda fú mántá oyikpalíhɛsu mó fú?”

¹¹ Yesu léle mó ɔ̀nɔ̀ ɔ̀béɛ, “Ní megyí Bulu léha fú ɔ̀kpa á, tekɪ fɔ̀ma túmi kɔ̀ku mísó. Inɪ su ɔ̀há ámvú ɔ̀lɔ̀pɔ̀ mí wá fú ɪbɪto ámv lakpan dɔ̀n fú klé.”

¹² Pilato lónu asón ánfɪ á, olekle osi Yesu. Támɛ Yudafɔ ámv bɔ̀sɔ̀rá okitikítí kóklókóú blí bɛɛ, “Ní fesi ɔ̀há ánfɪ á, mómó megyí Roma owíe dɛhɛn* mv nyawie fɔ̀gyi. Tsúfé ɔ̀hagyíɔ̀ha ání ɔ̀blí ɔ̀béɛ owíe mvgyi á, alakósó líí Roma owíe dɛhɛnsu!”

¹³ Bréá Pilato lónu asón ánfɪ á, ɔ̀lekpa Yesu dalɪ ba kpankpá, tsíá mv asóngyí obiá ání itsie ɔ̀tɪnekɔ̀á bɔ̀pɔ̀ abwi bwé inu, bɔ̀tɛtí inu “Abwɪto” su. (Bɔ̀tɛtí inu “Gabata” Hebri ɔ̀blító.) ¹⁴ Ɛkɛ ámv igyi ogyá ɔ̀dɔ̀dáké há Israelfɔ̀su Katsɔ̀n Nkɛ. Ɔ̀bɔ̀bwɛ fé ɔ̀pa dóduányɔ̀to á, Pilato lébláa Yudafɔ ámv ɔ̀béɛ, “Mli Owíe amv nɪ!”

¹⁵ Bɔ̀sɔ̀rá okitikítí bɛɛ, “Kpa mv ya, kpa mv ya, afɔ̀yɛda mv manta oyikpalíhɛsu.”

Pilato léfité amó ɔ̀béɛ, “Ndáa mli owíe manta oyikpalíhɛsu?”

Bulu igyí ahapó dɛhɛn amv bebláa mv bɛɛ, “Anɪmá owíe ɔ̀kɔ̀ku dɔ̀n Roma owíe dɛhɛn!”

¹⁶ Inu Pilato lési Yesu há amó ɔ̀béɛ bɔ̀yɛda mv manta oyikpalíhɛsu.

Yesu Da Mántá Oyikpalíhɛsu

(Mateo 27:32-44; Marko 15:21-32; Luka 23:26-43)

Isá akɔ̀pó ámv bekpa Yesu náti. ¹⁷ Mv onutó olotsu mv oyikpalíhɛ dínká mv nkanta alɪ yéwíe ɔ̀tɪnekɔ̀á bɔ̀tɛtí inu “Nwun Okokobi Otsiákpá.” (Bɔ̀tɛtí inu “Golgota” Hebri ɔ̀blító.) ¹⁸ Beda Yesu mántá oyikpalíhɛsu inu, beda ayin abanyó aku ɛ mántá nyikpalíhɛsu mv wá inu. Ɔ̀kɔ̀le bu Yesu bɪnasu, ɔ̀kɔ̀le ɛ bu mv gyɔ̀pɪsu, Yesu bu amó nsíné. ¹⁹ Pilato lówanlín asón mántá oyikpalíhɛ amv awunso. Asón ámv gyí, “YESU NASARETYIN, YUDAFɔ OWÍE.” ²⁰ Yudafɔ tsɔ̀tsɔ̀tsɔ̀ bekla asɔ̀n wanlínhé anfi. Tsúfé ɔ̀tíné ámvú beda Yesu mántá oyikpalíhɛsu ámv ɪbu mantáa Yerusalem. Ɔ̀leha bɔ̀wanlín asón ámv Hebri ɔ̀blí, Roma ɔ̀blí pɔ̀

* **19:12** Roma Owíe dɛhɛn gyí Kaesare.

Griiki ɔblító. ²¹ Bulu igyí ahapó dehen amu bebláa Pilato bee, “Máwanlín fee, ‘Yudafɔ Owíe.’ Mboún wanlín fee, ‘Oyin ánfí ɔbéé, mígyí Yudafɔ Owíe.’ ”

²² Pilato lébláa amú ɔbéé, “Múá nawánlín á, nawánlín mú dodo.”

²³ Isá akópó ámu beda Yesu mántá oyikpalíhe amusu tá á, botsu mu atadié, beye mótó aku ana. Okugyíaku klé kule. Botsu mu ligá ání bɔlu mú tsú ɔsúsó beyi asi. ²⁴ Inu bebláa aba bee, “Mlímáha abali atadié ánfí mótó. Mliha atswi abi ki bee, ma obénýa mú.” Asón ánfí léba, méní Bulu asón ámuú bɔwanlín tswi bee,

“Beye mí atadieto,

bɔtswi abi mí ligásó” amu ibéba mótó.

Isá akópó ámu bɔbwe dínká mósó.

²⁵ Yesu mu yin, mu yin mu pio tsíhé Maria, ogyi Klopa mu ka pú Magdalayintse Maria bulí oyikpalíhe amu asi. ²⁶ Bréá Yesu lówun mu yin pú mu ɔkasípó ámuú ɔtehíé dwé ámu, bulí mantáa inu á, ɔlebláa mu yin ɔbéé, “Amó yín, fɔ bí ní.”

²⁷ Múú ɔlebláa ɔkasípó amu é ɔbéé, “Fó yín ní.” Tsú eke ámu a, ɔkasípó amu lékpa mu ya mu wóyító.

Yesu Lowu

(Mateo 27:45-56; Marko 15:33-41; Luka 23:44-49)

²⁸ Iní ɔma a, Yesu lówun ání mu agyómá lámó ɔnó. Múú ɔleblí ɔbéé, “Ɔmewóli de mí.” Iní leha Bulu asón ámuú bɔwanlín tswi amu leba mótó.

²⁹ Onuwé ku tsie inu, ntá ɔdái ibo mú. Isá akópó ámu bɔpu ɔsapa dá ntá ámuɔ púsíán oyísó, tsú mú fúá yétin mu ɔnó. ³⁰ Yesu lékpikpí mú mé. Inu ɔleblí ɔbéé, “Ilatá!”

Múú oloko nwunto wá, ɔlele ɔhé á.

Yesu Abinto Ató Wɔ

³¹ Eke ámu igyí Fieda. Mú ɔyi kehe igyi ɔkpónú ɔdaké kpɔnkpɔntí há Yudafɔ. Mú su bumekle ání ahá ámu busíán nyikpalíhe amusu yɔfun owi tahé.† Mú su bɔkulí Pilato ɔkpa bee ɔháa mu isá akópó abuyebiabía amú ayabi, méní bókási wú, fówun béle amú tsu nyikpalíhe amusu asa owí ɔta. ³² Mú su bɔyɔ yébiabía ayin abanyó ámu ayabi. ³³ Táme bréá bowie Yesu wá á, bowun ání alawú dodo. Mú su bumebia mu ayabi. ³⁴ Táme isá akópó ámuɔ ɔkule lópu mu pía wɔ Yesu abinto, ntsu múa obugya lefen dali. ³⁵ (Ɔhá ámuú olowun mú ámu légyi mú iwí adánsie, fówun mli é mlóhogyi. Megyí afunu igyi. Oyin ání ɔnɔkwali asón muɔleblí.) ³⁶ Iní fée léba mótó, méní Bulu asón ámuú bɔwanlín tswi bee, “Buméebia mu iwú kukukuku” ámu ibéba mótó. ³⁷ Bulu ason wanlínhé amu kén leblí ɔbéé, “Béki ɔhá ámuú bɔwɔ mu abinto pía ámu.”

Yesu Pulá

(Mateo 27:57-61; Marko 15:42-47; Luka 23:50-56)

³⁸ Iní fée ɔma a, Arimateayin Yosef léba bokokóli Pilato ɔbéé, ɔpúv Yesu fúli amu ha mu. (Yosef anfi buo Yesu njáinto, tsúfé ɔde Yudafɔ ahande amu ifú nya.) Pilato leha mu ɔkpa. Mú su Yosef léyele Yesu fúli amu oyópulá. ³⁹ Nikodemo ámuú ɔleba Yesu wá eke ɔku onyé ámu é léba. Ɔbɔpu afá fánfáánfán aku anyɔ‡ ání bɔkwe mú wá abato tsɔtsɔtsɔ ba. Mú odwin bɔbwe kilo aduasa (30). ⁴⁰ Ayin ánfí bɔpó ɔhráda kíklí afá ámu mántá fúli amu iwí fɛ alhá Yudafɔ butɔbwé amú afúli asa butópulá amú. ⁴¹ Ndobíi ku ibu mantáa ɔtíné ámuú beda Yesu mántá oyikpalíhesu ámu. Bolotí butátó bwé mú fúli-ɔbó inu. Bumákpúlá ɔhaa mótó ki. ⁴² Iníá eke ámu igyi ogyá ɔdɔdáké, fúli ɔbó ámu é ibu mantáa inu su á, bopulá Yesu mótó.

† 19:31 Yudafɔ ɔkpónú ɔdaké tefi asi tsú owi tahé. ‡ 19:39 Afá aku anyo ámu adá gyí mire múa aloe.

20

Yesu Kvsó Tsú Afúlitó

(Mateo 28:1-8; Marko 16:1-8; Luka 24:1-12)

¹ Ndawótswító εκε gyankpapu, igyi Kwasieda bake-bake, bréá nsainto mókótítí a, Magdalayintse Maria lóyo Yesu opulákpá inu. Olenya wíe inu alí olowun ání bamína ibwi ámu lé obó ámu onó. ² Mú su oleyinkí srí ba akasípó amúú Yesu tēhié dwé mu amu mua Simon Petro wá, bebláa amú obéé, “Balé Yesu obó ámutó. Anímeyín otínéá bapó mu yówa!”

³ Múú Petro mua munya bapu okpa bayó opulákpá inu. ⁴ Amú abanyó ámu fée betsií asrí, táme asrí sí Petro gyankpá yówie opulákpá inu. ⁵ Bréá olobun kí ntsán ámutó á, olowun ání ohráda ámu kpán dá, táme omebitíwíé mótó. ⁶ Simon Petro lóbato mu, alotsun bitíwíé ntsán ámutó, olowun ohráda amu da. ⁷ Olowun ohráda amúú bapótó mu nwun ámu é, ilokuntá ida ifóntó. ⁸ Okasípó amúú olegyankpá wíe inu ámu é lébitíwíé mótó, wun ohráda ámu pú mú amúú bapótó mu nwun ámu alí olohogyi. ⁹ Bré ámutó á, Bulu asun wanlínhé amúú ileblí obéé, ilehián ání Yesu obókvsó tsú afúlitó ámu məkónyá wánkí amú. ¹⁰ Beyinkí yó wóyí.

Yesu Iwəwanle Súná Magdalayintse Maria

(Mateo 28:9-10; Marko 16:9-11)

¹¹ Táme Maria lési alí opulákpá inu odesú. Bréá odesú a, olobun kí obó ámutó. ¹² Inu olowun Bulu-abapu abanyó ání bowa atadié futúúútú, butsie otíné amúú bapu Yesu fúli tswi amu. Okule tsie mu adianwun, okule tsie ayabiasí.

¹³ Befité mu bee, “Amú yín, nkálí igyi só fudesú?”

Okule mú onó obéé, “Balé mí Wíe nátí. Mmeyín otínéá bapó mu yótswi!”

¹⁴ Okleblí tá á, okedamli kí oma. Okí a, Yesu líi mu oma, táme omébiá Yesu ní.

¹⁵ Yesu léfíté mu obéé, “Amú yín, nkálí igyi só fudesú? Ma fudedunká?”

Mu mú okí ání ndobii ámutó agyómá oyapó ní. Mú su oklebláa Yesu obéé, “Aní sí, ní fólatsú mu yótswi otineku á, suna mí, anyetsu mu natí.”

¹⁶ Yesu lókpólí mu obéé, “Maria.”

Okedamli kí, kpólí Yesu Hebri oklító obéé, “Rabuni!” (Mú asi gyí, “Osunápó.”)

¹⁷ Yesu lébláa mu obéé, “Mápu ibi da mí, tsúfé mməkónyá yó asósó mí Sí wá. Mboún natí yebláa mí apíó ámu fée, nɔyó mí Sí ání ogyi mí Sí wá. Nɔyó mí Bulu ání ogyi mí Bulu wá.”

¹⁸ Magdalayintse Maria léyebláa akasípó amu obéé, “Nawun aní Wíe!” Oklebláa amú asún ání Yesu lébláa mu.

Yesu Iwəwanle Súná Mv Akasípó

(Mateo 28:16-20; Marko 16:14-18; Luka 24:36-49)

¹⁹ Kwasieda ámu ntúpwesú á, akasípó amu befia. Befin obu wá iwi, tsúfé bode Yudafo ahande amu ifú nya. Inu á, Yesu lébelí amú nsiné, oklebláa amú obéé, “Iwi ilwíi mí.” ²⁰ Oklebláa amú alí tá á, okpu mu ibito pú mu abinto súná amú. Ansí légyi amú, tsúfé bawun amú Wíe. ²¹ Yesu létrá bláa amú obéé, “Iwi ilwíi mí. Alí amúú mí Sí lawá mí ámu a, alí nde mí wa ní.” ²² Inu okloun oné fú wólí amúú, bláa amú obéé, “Mlího Oné Wankíhé amu. ²³ Ní mlesí ahá lakpan kíé amú á, Bulu lasíkíé amú. Táme ní mlímésikíé amú á, Bulu méesikíé amú.”

Yesu Iwəwanle Súná Toma

²⁴ Bréá Yesu léba a, amútó okuleá butetí mu Toma, butelátí mu Tabí má inu. ²⁵ Mú su akasípó atráhe amu bebláa mu bee, “Anlawun aní Wíe!”

Táme Toma lébláa amú obéé, “Ní mməkówwun mu ibito ndatobi nlo ámu, kpíé osrebi wá mótó, kpíé ibi wá mu abinto oko ámutó á, mmóohogyi ekekekeke.”

²⁶ Nkekwe oma a, akasipó amu betrá fia obu ámutò. Alí eke ámu mó á, Toma bú amótò. Befin obu ámu, táme Yesu lébelí amó nsiné, bláa amó obéé, “Iwí ilwíi mli.” ²⁷ Múú òlèbláa Toma obéé, “Kí mí ibitò, kpíe osrebi wa nfi. Kpíe fú ibi wa mí abuntò. Si nwéén gyí, afuhogyi!”

²⁸ Toma léle mó onó obéé, “Mí Wíé pò mí Bulu!”

²⁹ Yesu lébláa mu obéé, “Alí ámuó fawun mí ámu su fahogyi lóó? Ansí bégyi ahá ámuó bumòpu amó ansíbi wun, asa bohogyi amu!”

Tòá Svá Bòwanlín Òwolò Anfi

³⁰ Yesu létrá bwe osúna tsòtsòtsò mu akasipó amu ansító ání bumòwanlín wá òwolò ánfító. ³¹ Táme bawánlín íní, méní mlóhogyi ání Yesu gyí Bulu mu Bi Kristo amu. Asún ánfísu hógýi obéha mlénýa nkpa ání itamatá mu idátò ní.

21

Yesu Iwòwanlè Súná Akasipó Abasiénó

¹ Iní oma a, Yesu létrá le iwí òwan súná mu akasipó Tiberia opu* onó tsun òkpa ánfísu. ² Simon Petro mu Toma ání butelátí mu Tabí, Nataniel, otsú Kana wúluá ibu Galilea omátò, Sebedeo abí ámu pò akasipó abanyó é befia. ³ Simon Petro lékla amó obéé, “Noyó opusu yéle aye.”

Bebláa mu beé, “Aní é abóbúo fú yó.” Iní su boyówie òkluntò nátí. Táme betsiá ntsusu onyé ámu fée, buménýa tótò. ⁴ Bréá oyí ibá beke a, bowun òku líí opu amu onó. Bumébi ání Yesu ní. ⁵ Múú Yesu léfité amó obéé, “Mí anyawíe, mlinénýa tótò?”

Bele mó onó beé, “Ee!”

⁶ Yesu lébláa amó obéé, “Mlitswí asawu amu wa gyòpísu fón, mléle aye.” Mó su bòtswí wa inu. Aye lóbúlá asawu amu, bumetalí bítí mó lé.

⁷ Múú òkasipó amó Yesu telié dwé ámu lébláa Petro obéé, “Aní Wíe Yesu ní!” Bréá Petro lónu ání aní Wíe Yesu ní á, olotsu mu atadié mla iwí. (Tsúfé òlòwóí mu atadié tswí), olotu wíe ntsu ámutò gyuaa, òdepítí oyó Yesu wá. ⁸ Táme akasipó atráhe amó búbu òkluntò ámu bebitíá asawu amó aklemetí búbu mó ámu ba otsubúnò, tsúfé búma ífó opu onó inu. Mó ífótó bóbwe fé ayabi lafasa (300). ⁹ Bréá bowie opu onó á, bowun ání bawá agyawunu ogyá, búde iye tò músú, bodobodo é da mó así. ¹⁰ Múú Yesu lébláa amó obéé, “Mlile aklemetí amó mliálé ámu ku ba.”

¹¹ Mó su Simon Petro léyinkí dú wíe òklon amutò, òleyébitíá asawu amó aklemetí akpònkpòntí búbu mó ámu bòtswí opu onó. Aklemetí ámu bugyi lafakule aduenu-sa (153). Iníá butò ó á, asawu amu metítí. ¹² Yesu létí amó obéé, “Mlibegyí ató.” Amótò òkòku métalí wá klon fité mu obéé, “Ma fúgyí?” Tsúfé bebi ání amó Wíe ní. ¹³ Yesu lótsu bodobodo amu há amó, olotsu aye amu é há amó.

¹⁴ Bulu lókúsúá Yesu tsú afúlító oma a, íní gyí otse saasí ání òlele iwí òwan súná mu akasipó amu ní.

Yesu Mva Petro

¹⁵ Bréá begyi nyankí atogyihe amu tá á, Yesu léfité Simon Petro obéé, “Yohane mu bi Simon, fútòdwé mí òn fú aba ánfí lóó?”

Petro léle mó onó obéé, “Ee, mí Wíé, fuyin ání ntòdwé fú.”

Yesu lébláa mu obéé, “Kí mí akúfabi amusu.” ¹⁶ Òlètrá fité Petro otse nyòsì obéé, “Yohane mu bi Simon, fútòdwé mí?”

Petro léle mó onó obéé, “Ee, mí Wíé, fuyin ání ntòdwé fú.”

Yesu lébláa mu obéé, “Kpa mí akúfa amu.” ¹⁷ Yesu léfité mu otse saasí obéé, “Yohane mu bi Simon, fútòdwé mí lélé?”

* **21:1** Botetráa tí mó Galilea opu.

Ulehan Petro, tsúfée otse saasi Yesu lafité mu obée, “Futədwé mí?” á. Mú su ələlə mú ɔnó obée, “Mí Wíé, fú onutó fuyin tógyító. Yéə fuyin ání ntehié dwé fú!”

Yesu lébláa mu obée, “Kí mí akúfa amusu. ¹⁸ Ɔnəkwali nde mli bláa. Bréá fúgyi ɔyasubi á, fú onutó futetáli tsú fú atadiə híhiə ɪwi, kúsó yó ɔtínegyiɔtíneá fudeklé. Táme ní fəbwé oyin dehen a, fétinkí ɪbi, há ɔku əbédidá fú ató, kpá fú ya ɔtíneá fumedékle.” ¹⁹ (Yesu lébli asón ánfí, púsúná ɔkpa ání Petro əbótsən músú wú pówá Bulu numnyam.) Inu ələbláa Petro obée, “Buo mí!”

Yesu Mva Ɔkasípó Ɔtehié Dwé

²⁰ Petro lédamlí kí a, Yesu ɔkasípó amúú ɔtehié dwé ámu buo amó. (Mugyí əhá amúú oleyinkí kpísá Yesusu ntúpwə ató ogyíkpa, fité mu obée, “Owíé, ma əbélé fú há?” ámu ni.) ²¹ Bréá Petro lówun mu a, ələfité Yesu obée, “Mí Wíé, ntə əbəba oyin ánfí ésú?”

²² Yesu léle mú ɔnó obée, “Ní ndeklé mbée otsía nkpa yófən bréá néyinkí ba a, fú asón igyi? Fú mú buo mí wule!”

²³ Asón ánfí ɪlekleí wá Yesu abúopu amutə, ání alí ɔkasípó amu mú móowu. Táme Yesu mébli obée, omóowu. Bli ələbli obée, “Ní ndeklé mbée, otsía nkpa yófən bréá néyinkí ba a, fú asón igyi?”

²⁴ Mugyí ɔkasípó olowun íni fée, əlowanlín mó tswi ni. Aniyin ání mu asən blíhé anfi igyi ɔnəkwali.

Ɔnəmo

²⁵ Ató tsətsətsə ɪtráa bu inuá Yesu ləbwə tsía ínito. Ní bəwanlín mú fée wá nwulútó ikule-kule a, təkí buméenya nwuló ámu ɔyaíkpa əsulóv anfisv. Natóí tá.

Sumbí Ayɔpú Amu Gyumagyihe

¹ Mí wíé Tiofilo,

Mí Luka dé ɔwuló ánfí wanlín sísí fɔ́. Mí ɔwuló gyankpapu amuto á, nɔwanlín Yesu ato bwehé pú mu atosunáhé fée; tsú bréá olefi mu agyómá así, ² bɔfun ekeá Bulu lótsu mu ya ɔsúsú. Asa Bulu lótsu mu náti á, ɔlɔtsun Ɔhe Wankíhé túmito bláa ahá ámúú ɔlele ɔbéé, bubwée mu sumbí ayɔpú amu tóá bubwée. ³ Mu iwíɔsun wúun pú mu lowu ɔma a, oletsia lé iwi ɔwan ɔkpa ɔtsan-ɔtsansu súná amú, púsúná ání lélé ɔtsie nkpa nke advana ání ɔlɔlatsia ɔsulúsu fée; ɔde Bulu iwíegyi iwi asún blí. ⁴ Bré kuá muva amúnyɔ befia a, ɔleda amú ɔlá ɔbéé, “Mlímánatí Yerusalem. Mlitsia inu gyo mí Sí atokiehé ámúú ɔlehie yáí ɔbéé méha mli, nebláa mli mú iwi asún amu. ⁵ Asú Ɔbɔpú Yohane lópu ntsu bó ahá asú, táme nke kútúklú ku ɔma a, Bulu ɔbɔpu Ɔhe Wankíhé amu bó mli asú.”

Yesu Ɔsúsú Yɔ

⁶ Mú su bréá muva amúnyɔ belafia a, befité mu bee, “Aní Wíé, bré ánfíto féyinkia iwíegyi amu há Israelfɔ ní?”

⁷ Yesu lébláa amú ɔbéé, “Imehián ání mlébi nke ntée bréá mí Sí nkule lahié mu onutó túmito. ⁸ Mboún ní Ɔhe Wankíhé amu owíé mlito á, mlénnya túmí talí gyi mí iwi adánsie tsú Yerusalem wúluto, Yudea pú Samaria ɔmátó fée yófun ɔyi ɔka.” ⁹ Bréá ɔleblí asún ánfí tá á, amú ansító inu Bulu lótsu mu ya ɔsúsú, ɔlɔfwi wíé nwulótáato.

¹⁰ Besi bɔde nwulótáa kí alí. Belákí a, ayin abanyɔ akvá bɔwa atadie futútú líí amú wá á. ¹¹ Ayin amu befité amú bee, “Óo Galileafɔ ayin, ntɔ mlidékí nwulótáasu alí? Alí ánfí mlílawn Bulu latsú Yesu ɔya ɔsúsú ánfí á, alí kén obéyinkia mu ba ní.”

*Matias Yuda Otsiakpá Tsia
(Mateo 27:3-10)*

¹² Inu beyinkí kplí tsú Nfɔ-nyíbu ámusu* ba Yerusalem. Ɔkpa amu ibóbwe máli fun. ¹³ Bowie wúluto á, bɔdu yó abansórvto, ɔtíné ámúú bɔtsie yaí amu. Sumbí ayɔpúá bɔyo inu gyí: Petro, Yohane, Yakobo muva Andrea, Filipo muva Toma, Bartolomeo muva Mateo, Alfeo mu bi Yakobo, Simon ání ogyi iwíɔtsia adunkápú ɔpasuato ɔha pú oyin ɔkvá bɔtétí mu Yakobo mu bi Yuda. ¹⁴ Ahá ání bɔtrá du yó inu gyí, atsi aku, Yesu mu yin Maria pú Yesu apíó. Ahá ánfí fée létsia bwe ikule bó mpái.

¹⁵ Nke ámutɔ á, ahógyipu bóbwe fé lafakule-advanyɔ (120) befia. Inu Petro lókusú líí amú nsiné bláa amú ɔbéé, ¹⁶ “Mí apíó ahógyipu, Ɔhe Wankíhé asún ámúú ɔleblí tsun Owíé Dawidsu, ibu Bulu asun wanlínhé ámutɔ, tsú Yuda Iskariot ámúú ɔlekpa ahá beyékítá Yesu iwi ámu ilaba mótó. ¹⁷ Yuda Iskariot ánfí létsia anito. Ania munyɔ lóyo osum agyómá ánfí.”

¹⁸ Yuda lópu mu lalahe ání ɔlbwe ikáá beka mu yóho ɔsulúu ku. Ɔlekpa tsú ɔsúsú beda ɔsulúu amusu pɔ, mu ipu lefa po, mu mpúni é lefen dalí wurɔdo. ¹⁹ Ɔhagyíha ání ɔbu Yerusalem lónu asún ánfí. Bedunká ɔsulúu amu dá amú ɔblíto bee, “Hakeldama.” Mú así gyí, “Ɔsulúuá obugya lawólí mósú.”

²⁰ Petro lóyo mu asúnsú ɔbéé, “Tsúfé bɔwanlín wá Israelfɔ ibu ɔwuló ámutɔ bee, ‘Mu wóyí idí kpan.

Ɔhaa mátsia mótó.’

* **1:12** Nfɔ-nyíbu igyi obubwí kuá ibu mantáa Yerusalem, bɔtétí mú Olifbu.

Betrá wanlín tswi bee,
'Oha bambá otsia mu otsiakpá.'

²¹⁻²² “Mú su ilehián ání òkú òbétisa aní Yesu afúlitàkòsú ánfí ɪwí adánsiè gyí. Ilehián ání òhá ámu obótsu ayin ámuú betsiá aníto bré ámuú anilóbúo aní Wíe Yesu, náti kí ntíné-ntíné amúto. Òhá ání olobuo aní tsú bréá Asú Òbopú Yohane léblié asúbò asón alí bəfən ɛkɛ ámuú Bulu lótsu Yesu ya ɔsósó sí aní ámu.”

²³ Iní su bele ahá abanyó, bɔgyi Yosef ání bɔtɛtí mu Barsaba, bɔtɛtráa tɪ mu Yustus muva Matia. ²⁴ Múú bəbò mpái bee, “Aní Wíe, fuyin òhagyíòha klòntò asón. Suna aní ahá ánfíto ɔmuá falé, ²⁵ otsia Yuda amúú alakíná agyómá ánfí, nyá mu isubítí ámu otsiakpá, ɔyò fú osum agyómá ámu.” ²⁶ Múú bɛkapú ató amú abanyó nwunsu. Ileyi Matiasu. Mú su bəpɔ mu wá sumbí ayəpú dúòkɔn ámuto, belabwé dúanyò.

2

Ŋe Wankihé Ibátò

¹ Pentekoste ɛkɛ, igyi Israelfò atò pəpwe ɔnó ɔdaké ámu ləfən a, ahógyipɔ amú fɛé beba befia amú ofiakpa. ² Ɔtsáwɔle pé á, olú kúá igyi fɛ afú kpənkpəntɪ ilotsu ɔsósó bəbɔlá wóyí ámuú bɔbɔ mótó ámu. ³ Inu bowun təkúá igyi fɛ ogya plənplən, ɪlehan ɔdandɔ. Ʋedasáin dínká amútó okugyíàkɔsu. ⁴ Ŋe Wankihé ləbɔlá okugyíàkɔtə, ɪleha okugyíàkɔ léfi así ɔde ɔblí bámhá blí.

⁵ Bré ámuto á, Yudafá bɔtenyá Bulu ifú, bɔbɔ ndító fɛé baba bɔtsie Yerusalem. ⁶ Bréá ɔdɔm anfi bonu okitikítí amú a, bɛsrí befia inu. Amútó okugyíàkɔ lónu mu wúlutə ɔblí. Mú su ɔnó lobwie amú. ⁷ Ʋəwa amú ifú, wá amú wánwan. Mú su bɛfité bee, “Ahá ánfí bɔdɛtəí á, megyí Galileafò són bɔgyi? ⁸ Mú nkálí ɪləbwe asa anídenuá bɔde aníto okugyíàkɔ wúlutə ɔblí blí? ⁹ Aníto akú atsu Partia, Media, Elam, Mesopotamia, Yudea, Kapadokia, Ponto, Asia, ¹⁰ Frigia, Pamfilia, Egyipte ɔmátó pú Libia awúlu aní ɪbɔ mantáa Kirene wúlutə. Akú é bɔtsú Roma wúlutə, ¹¹ bɔgyi Yudafə pú amúá bɔmegyí Yudafə bawíé Yudafə Bulusúmtó aná fɛé bɔbɔ aníto. Kretafə pú Arabifə é bɔbɔ aníto. Táme anídenuá bɔde Bulu atə kpənkpəntɪ aní alabwé blí aníto okugyíàkɔ ɔblítə.” ¹² Alí ámuú asón ámu ilobwie amú ɔnó ámu su bəbwe yɔɔ, sí bɔde amú aba fité bee, “Ngya amansu é ní?”

¹³ Táme amútó akú bəbwe ahógyipɔ amú ahinlá bee, “Ntá banu bɔ.”

Petro Asóntòlé Súná Ahá Amu

¹⁴ Inu Petro muva mu aba dúòkɔn ámu bəkòsú líí. Múú Petro lótsu ɔme fúá bláa ɔdɔm amú ɔbé, “Apíó aba Yudafə pú mlí fɛéá mlíbɔ Yerusalem, mlíhe yaa asu, anle asóntó suna mlí. ¹⁵ Mlímákí mlíaa ahá ánfí babú, tsúfé ɔyí məkúke. Bréá dokwebá ladá ní. ¹⁶ Mboún asón ánfí ɪlaba ndɛ ánfí Bulu ɔnósó ɔtəípú Yoel léblié yáí ní. Ɔbé,

¹⁷ ‘Bulu ɔbé, “Nke tráhe amúto á,
nópu mí Ŋé wá anyánpòsa fɛétó.

Mlí abí yinhé pú mlí abí tsíhé béblí asón ání nópuwá amú ɔnó.

Mlí nyasubi bówun ató.

Mlí ayin dehen bókun nkude.

¹⁸ Nke ámuto á, nópu mí Ŋé wá mí asúmpó
atsí múa ayin fɛétó.

Mú su béblí asón ání nópuwá amú ɔnó.

¹⁹ Nóbwe ofúla nwúlótáasu,
bwé osúna ɔsolúsu.

Ogyá, obugya pú ogyási tuun béba ɔyító.

²⁰ Owí ɔbéta ɔpá.

Otsra é obépe kəə fē obugya,
asa aní Wíe numnyam eke kpənkpənti ámu ibófūn.

21 Ibéba aní ohagyiha aní okpólí aní Wíe a, obéha mu obénnya nkpa.” ’ ’ ”

22 Petro lóyo mósú obéé, “Mí apió Israelfo, mliya asu amlinu asón anfi. Bulu lóbwe ofúla múa ató kpənkpənti pú osúna tsətsətsə tsun Yesu Nasaretyin amusu, púsúná aní mólówa mu. Mli fée mliólówun mú, tsúfē mli ansísú iní fée lēba. 23 Igyi tóá Bulu yin yai dodo, igyi mu apé aní bēle Yesu há mli. Mliéha ahá aní butamagyi mbasu bēda mu mántá oyikpalíhesu, mó mu. 24 Táme Bulu léle mu lowu sínsínsintó, kósóba mu tsú afúlitó. Tsúfē lowu méetalí gyi musu, osin afúlitó. 25 Iní sù Owíe Dawid lébli mu iwí asón obéé, ‘Brégyíbré á, ntowun aní Wíe mí ansísú.

Tsúfē ohí mí gyəpísu, su tətə móəwa mí ifú.

26 Mú su ansí tegyi mí,
ntətóí ansigyísó.

Nyankpəsa ngyi. Lowu da gyo mí,
táme nde Bulu okpa kí.

27 Tsúfē fóméesi mí okláa wá afúlitó.
Fóméha mí fú osúmpó wankíhé mmóəpló.

28 Fólósuná mí okpa aní ntsúun mósú, mí anya nkpa aní itamatá.
Ní fóbú mí wá á, ansí béggi mí ekekegyíeke.’ ”

29 Petro létrá bláa amú obéé, “Mí apió Israelfo, mbúa hie bla mli amlinu. Aní náin Owíe Dawid lówu, bopolá mu. Bótu nde mu ntsán da aní wá nfi. 30 Bulu onósú otáipó ogyi, oyin aní ntam aní Bulu léka há mu bēba mótó. Bulu léka ntam há mu obéé, méha mu natina oku obétsiá mu obíású eke kó. 31 Iní aní náin Owíe Dawid lówun mó yái su á, otətóí tsú Kristo, (ohá amú Bulu ladá mu ofúli amu) kusó tsú afúlitó iwí obéé, ‘Bulu méesi mu wá afúlitó. Mú su mu əyulúu móəpló.’ ”

32 Petro lóyo mósú obéé, “Yesu gyí ohá aní Bulu lókusú tsu afúlitó, aní fée anigyí mó adansífo. 33 Bulu lótsu Yesu ya əsósú, há mu otsiákpá yilé mu gyəpísu. Aní Sí Bulu lópu ŋhe Wankíhé aní əlehie yái obéé, mópəhá mu ahógyipə há mu. ŋhé ámu Yesu lapóhá aní á. Mó gyumagyihe mli déwúun, mli dénu á. 34 Megyi Owíe Dawid Bulu lótsu ya əsósú, támé mli lébli yái obéé, ‘Aní Wíe Bulu lébláa mí Wíe obéé, Tsia mí gyəpísu,

35 yófūn bréá nópú fú alupó bwé fú ayabi oyíkpa.’ ”

36 “Mú su mli Israelfo fée mlinu. Ibu mótóá mli léda Yesu mántá oyikpalíhesu. Táme mli hie bi aní Bulu ladá mu ofúli, bwé mu Kristo pú aní Wíe.”

37 Bréá Israelfo ámu bonu asón anfi á, ilehie han amú. Mó su befité Petro mba mu aba sumbí ayəpó atráhe amu beé, “Apíó, ntə abwéé?”

38 Mú Petro léle mó onó obéé, “Mli to okugyi oku ədámli kləntə, abə mli asú Yesu Kristo dátó, méní Bulu obési mli lakpan kíe mli, há mli ŋhe Wankíhé amu. 39 Tsúfē mli mli abí-aná pú ahá aní bubu tsútsúútsú aní Bulu obéti fée əlehie ŋhe Wankíhé anfi há.”

40 Petro lébli asón tsətsətsə, pótóí kplá amú obéé, “Mli le mli iwí tsu ndemba-abí laláhe anfi to.” 41 Amótó ahá tsətsətsə bəhə Petro asón ámu. Mó su bəbə amú asú. Eke ámu a, ahá bəbwé fē mpím-sa (3,000) bətsiá ahógyipə amuto. 42 Ahógyipə amu beé ansí kítá sumbí ayəpó ámu atosunáhé, amú ikulébwé tógyítótó, əpasua amuto atogyiheto yéé pú mpáibótó.

Ahógyipə Amu Tsiátó

43 Sumbí ayəpó ámu bəbwé ofúla pú osúna tsətsətsə, onó lobwie ohagyiha. 44 Ahógyipə amu fée bəbwé tógyító kule. Betsiá ye amú ató há aba. 45 Betsiá

fé amó ató, ye kóba ání benyato há amótó okugyíakvá oma. ⁴⁶ Amó fée betsiá fia Bulu otswékpa wunsínésú ekekegyíeke. Bapu amó klonto-odwe tsíá gyi ató opasuato amó aba wóyító. ⁴⁷ Betsiá kánfó Bulu, ahá fée bekle amó asón, aní Wíe Bulu létsiá pú ahá ání odee betsiá amótó ekekegyíeke.

3

Petro Mba Yohane Ibo Oku Tsa

¹ Eke oku ntópwe dasato mpáibo bré á, Petro mba Yohane bəyo Bulu otswékpa amu wunsínésú. ² Oyin okuá bəkwí mu ibo tetsiá Bulu otswékpa amu okpa onó kuá butetí mú “Okpa onó Wankláán.” Ahá butotsú mu ba beyaí inu ekekegyíeke, otokúli ahá ání bówie Otswékpa inu kóba. ³ Bréá ibo amu lówun ání Petro mba Yohane bodebitíwíe Otswékpa inu á, olakúli amó kóba. ⁴ Petro mba Yohane besi líi bude mu kí díín. Mú Petro lébláa mu obée, “Fú mú kí aní wole.” ⁵ Ibo amu kí obée, béha mu taku. Mú su olotsu ansí fúá ode amó kí. ⁶ Táme Petro lébláa mu obée, “Mma sika futútú ntée pépe, táme néha fú tóá mbu. Kusu lu, afunati Yesu Kristo Nasaretyin amu dátó!” ⁷ Inu Petro lékitá mu gyəpi bi, tsú mu líi, inunu owonlín lowie mu ayabi pú mu ntsakpátó. ⁸ Olofulí kpáyi otsáwole pé, wá natí bi. Mú su olekplá buo Petro aná wíe Bulu otswékpa wunsínésú inu; ona odefulí kpáyi; ode Bulu kanfó. ⁹ Ahá ání bubu inu fée bowun mu ání ona ode Bulu kanfó. ¹⁰ Mú su bréá ilowankí amó ání ibo amó otetsiá Okpa Onó Wankláán inu kóli ató amu ni á, ilowa amó wánwan, bwíe amó onó.

Petro Tó Bulu Otswékpa Wunsínésú

¹¹ Oyin ámu pú Petro mba Yohane kinkíinkín Bulu otswékpa wunsínésú, otinekuá butetí inu Salomo Abrándasú. Mu ilotsa lowa amó wánwan. Mú su besrí ba amó wá inu. ¹² Bréá Petro lówun amó á, olefité amó obée, “Mí apíó Israelfo, ntogyi sú asón ání lawá mli wánwan alí? Ntogyi sú mlilaba mlidé aní kí alí? Mlíki mliáa, aní onutó túmi ntée aní Bulusúm wankláán láhá su oyin ání lakósú ona? ¹³ Bulu ámú aní anáin Abraham, Isak pú Yakob bosúm ámu lówa mu osúmpú Yesu numnyam. Táme mlilópu mu há mliáa bumóo mu. Mlílékiná oha ání teki Pilato lóbwé agywun ání mési mu onati ání. ¹⁴ Mlílékiná Oha Wankíhé pú Yilé Obwepó áníá bəwanlín mu iwí asón wá Bulu asón owolótó anfi, bláa Pilato mliáa, osíi ahá oməpú ámu mboun ha mli. ¹⁵ Mlíléha bəmə nkpa ohapú ání, táme Bulu lókusú mu tsú afúlitó. Anígyi mú iwí adansífo ní. ¹⁶ Yesu túmi láhá ibo anfi mliyin yaí, mlidéki anfi iwí lawá mu onlín. Aní Yesu hógyi látsá mu, mli fée mlidéwúun a.

¹⁷ “Iní su mí apíó, nyin ání mábí léha mli mli ahande mlilópu iní fée gyi Yesu. ¹⁸ Táme a, Bulu lébli tson mu onósú atóipó amu féesú yáí obée, ‘Kristo, (ohá ámú neda mu ofúli amu) obówun iwíasín.’ Mú su oheha ileba alí ní. ¹⁹ Mú su mlidamli klonto, amliyiniki ba Bulu wá, méní obési mli lakpan fée kíe mli, wá mli owonlín pəpwe, ²⁰ lapú Yesu sísi mli. Mu Bulu léda ofúli yáí há mli ní. ²¹ Ilehían ání Yesu obétsiá osósú inu yófun bréá Bulu obéla tógyító bwé, fé alí oheha mu onósú atóipó wankíhé amu bebli tswi. ²² Aní náin Mose lébli obée, ‘Mli Wíe Bulu obéha mu onósú atóipó okuá ogyi fé mí obédaí tsú mlito há mli. Mli gyi mu asón blíhé féesú. ²³ Ohagyíoha ání omobu onósú atóipó anfi á, Bulu obéle mu lé mu aháto, mó mu.’

²⁴ “Tsú Samuelsu á, Bulu onósú atóipóá beba fée bətoi tsú asón ání idebá nke ánfito iwí. ²⁵ Mli gyi Bulu onósú atóipó amu abí-aná. Mlibú itó ámú Bulu léhie yáí há aní anáin amu. Tsúfé Bulu lébláa Abraham obée, ‘Nótsun fú abí-anású yúlá oytó ahá fée.’ ²⁶ Iní sú bréá Bulu léle mu osúmpú Yesu a, olegyankpá pú mu sísi mli Israelfo, obée obóyulá mli, amlisi lakpan bwe ní.”

4

Petro Mva Yohane Onóle Yudafo Asón Ogyikpá

¹ Bréá Petro mva Yohane bobu mósú bodeṭoí kplá ahá ámu a, Bulu igyí ahapó múa Bulu ṭswékpa agyópu ṭhande pú Sadukifo aku beba bṭu amó. ² Ṭbló lekítá ahande anfi. Tsúfě sumbí ayópu ámu bode ahá ámu ató suná be, Yesu lawú kósó tsú afúlitó. Mú su wukósú bu inu há ṭhagyíṭha. ³ Ahande amu bekítá Petro mva Yohane. Owí deta su bṭpu amó yówa obu yéha ṭyi kehe. ⁴ Táme ahá ámóú bonu amó atosunáhé amṭo ahá tsotsṭoṭso bohogyi, betsiá ahógyipu amṭo. Mú su ahógyipu amṭo ayin bṭbwe fě mpím-nu (5,000).

⁵ Ṭyi kehe nyanki a, Yudafo awíe, amó ahande pú Mose mbla asunápó beba befia Yerusalem. ⁶ Ahá ánfí pú ahande ání befia asón ámu asi gyí; Bulu igyí ṭhapó dehen Hana, mu wóyító ahande Kaiafa, Yohane, Aleksandro pú wóyí amṭo ahá fěé. ⁷ Beha bṭpu Petro mva Yohane belí amó ansító, befité amó be, “Ma túmitó ntée ma dátó mlilétsa oyin ánfí?”

⁸ Inu á, Ṭhe Wankíhé lṭbolá Petroṭo. Mú su ileha mu túmi ṭlebláa Yudafo awíe pú amó ahande amu ṭbéé, ⁹ “Nde mú mlidé aní fité tóá suá anilawá awitole há ibo anfi, tsá mu ilo? ¹⁰ Mómó tsú nde mliha Israelfo fěé mlibi ání Yesu Kristo, Nasaretyin amu túmi pú mu dátó oyin ánfí olí mli ansító ánfí lanyá ṭltsá. Múgyí ṭhá ámóú mliléda mántá oyikpalíhesu mó mu asa Bulu lókṭsá mu tsú afúlitó ámu ni. ¹¹ Yesu anfi iwí asón bṭwanlín wá Bulu asón amṭo be, ‘Ibwi ámóú mli obu ayípu mlilékiná ámu

lábṭbwe okonkísṭbwi ní.’

¹² Yesu anfi nkule pé gyí ṭhá ání Bulu lópohá aní ṭyí ánfito ṭbéé, atsṭun muso nya nkpa. Ṭhaa trá ṭma inuá ṭṭun mu.”

¹³ Iníá Yudafo ahande amu buyin ání Petro mva Yohane bṭmókókási ṭwuló ki, táme ifú medé amó su á, onó lobwie amó. Ilowanki amó ání babuo Yesu ki. ¹⁴ Ahande amu bṭmenya asvansu blí. Tsúfě bowun ání ibo amóú alanyá ṭltsá ámu líi Petro mva Yohane wá. ¹⁵ Mú su bebláa Petro aná be, budáli asón ogyikpá inu kpalobí, abókita agywun. Múú ahande amu befité aba be, ¹⁶ “Nkáli abṭbwe ahá ánfí? Ṭhagyíṭha labí Yerusalem wúluto ání amó labwé osúna kpṭnkpṭnti ánfí. Aníméetalí gyi mú nwéen. ¹⁷ Táme alá ibṭbwe asón ánfí méetrá klei á, mliha ada amó ṭlá kinkíinkín aníaa bṭmátra bláa ṭhaa asvansu Yesu dátó ɛ.”

¹⁸ Inu belatí Petro mva Yohane ba obuto inu, beda amó ṭlá be, bṭmátra bláa ṭhaa asóngyiasón ntée súná ató Yesu dátó ekekeke. ¹⁹ Múú Petro mva Yohane bebláa amó be, “Mli onutó mliki. Mṭmu bu alé Bulu ansító, ání abónu mli asón lóó, ntée Bulu klé? ²⁰ Tsúfě aní mú aníméetalí sí tóá anilawun pú asón ání anílanú blí.” ²¹ Bṭmetali bití amó isu, tsúfě ahá ámu fěé bode Bulu kanfó ofúla kpṭnkpṭnti ámóú alabwé ámu su. Mú su ahande amu betrá da amó ṭlá kinkíinkín, besi amó benatí. ²² Oyin ámu ṭltsá lówa ifú, tsúfě alahṭ ṭun nfi advana (40) alí bré amṭo.

Ahógyipu Amu Ató Kolíhé

²³ Yudafo ahande amu benya sí amó alí, Petro mva Yohane beyinkí ba amó aba ahógyipu amu wá. Bebláa amó asón ání Bulu igyí ahapó dehen pú Yudafo ahande amu beblí fěé. ²⁴ Bréá ahógyipu amu bonu asón ámu a, amó fěé bṭpu ṭme kule kólí Bulu be, “Aní Wíe Bulu Otúmípu, fólṭbwe ṭsú fṭbwe asi, ṭpu múa ntsu pú mótó ató fěé. ²⁵ Fṭṭun Ṭhe Wankíhésu há aní náin Dawid, ogyi fú osúmpó léblí ṭbéé,

‘Ntogyi só ṭmá-ṭmá banyá ṭbló?

Ntogyi só ahá fěé babwé agywun kuku kpaali?

²⁶ Ṭsulṭu awíe badídá ató.

Wúlu ahande batí aba fia,

kítá agywun laláhe aní Wie Bulu mva Kristo, (ghá á múú òlèda mu ofúli) amusu.’ ”

²⁷ Petro lóyo mu asónsú òbée, “Lélé á, asón ánfí laba mótó. Owíe Herode mva Pontio Pilatoá bomegyí Yudafo pú Israelfo babwé kule wúlu anfito, kósú líí Yesusu. Mogyí fú osúmpó wankíhéá féda mu ofúli ní. ²⁸ Táme bomebi ání tóá fèhíhíe yaí fée ìbèba mótó fú apé pú fú túmito dodo babwé á. ²⁹ Aní Wie Bulu, kí alíá baká anísu, afukpa fú asúmpó, méní abétalí blí fú asón ámu, anuméenya ifú. ³⁰ Tsa ahá ìlò fú túmito, afuha abwe ofúla pú osúna fú osúmpó wankíhé Yesu dátó.”

³¹ Bréá bóbó mpáí ánfí tá á, amú ofiakpa inu fée ìòkpínkí. Òhe Wankíhé lóbúlá amótó. Mú su bowa klón dá Bulu asón ámu òkan.

Ahógyipu Amu Atótó Yée

³² Ahógyipu amu fée bopu klón kule mva agywun kule tsíá. Òkoku méblí òbée tóá mubu igyi mu nkule klé. Mboun okugyíoku ató lóbwe amú fée klé. ³³ Sumbí ayópó ámu bopu túmí kpònkpònkpòntí gyi aní Wie Yesu íwí adánsíe bée, Bulu lakósúá mu tsú afúlitó. Bulu léhie wá awítale há ahógyipu amu fée. ³⁴ Amótó òkoku mégyi ohian, tsúfé amúá bubu òsulúu pú wóyí betsiá fé mú, pú mú ònó kóba ba ³⁵ sumbí ayópó ámu, betsiá ye mú há òhagyíoha alíá ilehián mu.

³⁶⁻³⁷ Mú su alí kén Lewiyin òkúá butetí mu Yosef léfé òsulúu, òlòpu kóba amu ba sumbí ayópó ámu ní. Yosef anfi otsú Kipro òmátó, sumbí ayópó beha mu idá Barnaba, (mú así gyí, “Ahá atetò-ònlín òwapó.”)

5

Anania Mva Safira

¹ Inu oyin òkúá butetí mu Anania mva mu ka Safira é befe amú siadié ku. ² Táme Anania léle kóba amu ku njáín, mu ka é yin mó íwí. Òlòpu kóba amu tráhe ba sumbí ayópó ámu. ³ Móbó Petro léfité mu òbée, “Anania, ntogyi só fahá Òbunsám lagyi fusu, fapó kóba amúó fènya ámu ku njáín, bowa afunu suná Òhe Wankíhé? ⁴ Fóbó fú òsulúu asa fefe mú. Iníá fefe mú é á, fóbó fú kóba. Ntò láhan fu só fabwé itóá igyi alí? Bulu fawá afunu suná o, megyí anyánpósa.” ⁵ Anania lénnya nú asón ánfí alí á, òlétin da wú. Mú su ifú lehie kítá ahá ání bonu asón ánfí fée. ⁶ Inu niasubi ako bókusú tsú tati kíkí mu íwí, tsú mu yópulá.

⁷ Ilegyi fé òanhwírí asa òma asa mu ka Safira é lóbowie inu. Alí bré ámutó á, omeyín tóá ìlaba mu kulusu. ⁸ Petro léfité mu òbée, “Safira, bla mí. Kóba anfi gyí tóá fúa fú kulu mlílenya bréá mlíléfé òsulúu amu ní?”

Safira léle mó ònó òbée, “Ee, alí anílenya ní.”

⁹ Mú su Petro léfité mu òbée, “Ntogyi su fúa fú kulu mlílabwé ònò-òkule mlíaa mlósó Aní Wie Òhé kí? Kí, niasubi ání bayópulá fú kulu yínkí lawíé obu-ònó inu á. Bósorá fú é ya.” ¹⁰ Inunu òtsí ámu é létin da Petro ayabito inu wú. Bréá niasubi ámu bobowie inu á, bowun ání Safira é lawú, su botsu mu yópulá mu mantáa mu kulu. ¹¹ Ifú lehie wíé òpasua ámu pú ahá ání bonu asón ánfí fée.

Sumbí Ayópó Amu Ofúla Pó Osúna Bwe

¹² Bulu lótsun sumbí ayópó ámu bwé ofúla pú osúna tsòtsòtsò wúlu amoto. Ahógyipu amu fée bóbwe kule tsíá fia òtínèkúá butetí inu Salomo Abrándáású.

¹³ Ahá ání bomegyí ahógyipu kóráá betí ahógyipu amu idayilé. Táme òkoku móbwe agywun òbée, mébetsiá ahógyipu amoto. ¹⁴ Igyi alí óó á, atsi mva ayin tsòtsòtsò bòhò aní Wie Yesu gyi. Bulu létsiá pú amú tsíá ahógyipu amoto.

¹⁵ Sumbí ayópó ámu ofúlábwe su wúlu amoto ahá betsiá tsú amú alòpu ba brònosu, beyaí nklan tswí pú amú tswí mósó. Fówun ní Petro òbá bòtsun inu á, mu yiyí bówolí amósó. ¹⁶ Òdòm ání bòtsú awúluá ìbu bomlí Yerusalemtó é

bəpu amó aləpu pú ahá ání ɔŋe laláhe dé amó háan ba, sumbí ayəpú ámu bətsa amó ilo.

Sumbi Ayəpú Ámu Lu

¹⁷ Sumbí ayəpú ámu iwí lówa Bulu igyí ɔhapú dehen amu mva mu aba ání bəbu Saduki ɔpasuato olu. ¹⁸ Iní su bekítá sumbí ayəpú ámu wá obu. ¹⁹ Táme onyé, Bulu-ɔbəpu ɔku léba befinkí obu ámu, kpá sumbí ayəpú ámu dálí. ²⁰ Bulu-ɔbəpu amu lébláa amó ɔbé, “Mliyo amliyelí Bulu ɔtswékpa wunsínésú inu, amlíbla ahá nkpa pəpwe amu iwí asón fée.” ²¹ Sumbí ayəpú ámu begyi Bulu-ɔbəpu amu asónsú. Mó su benatí yó wunsínésú inu bəke, bude ahá ató suná.

ɔma-ɔma a, Bulu igyí ɔhapú dehen amu létí Yudafo asón agyípú amu fée fia. Múu bəwa abí bəe buyéle sumbí ayəpú ámu ba. ²² Táme bəyo á, sumbí ayəpú ámu buma inu. Iní su beyinkí bebláa ahande amu bəe, ²³ “Anilóyo inu á, anilówun ání aklon amu fin wankláán. Obu adípúsú akípu amu bulí bude aklon amu ɔnó gyo. Táme bréá aniléfinkí aklon amu a, animówun ɔhaa obu ámutə.” ²⁴ Bulu ɔtswékpa agyópú ɔhande mva Bulu igyí ahapú dehen amu bonu asón ánfí a, bəbwe yə, sí bude asón ání ibéba mú ɔma gywín. ²⁵ Inu ɔha ɔku lébebláa amó ɔbé, “Mlíki, ahá ámúú mlilówa obu ámu bulí Bulu ɔtswékpa wunsínésú inu, bude ahá ató suná.” ²⁶ Mó su Bulu ɔtswékpa agyópú ɔhande amu mva mu aba bəyo yékpa sumbí ayəpú ámu ba. Bəkpa amó díín pú amó ba, tsúfé benya ifú ání ní bəpu ibí da amó á, ahá bəda amó abwí.

²⁷ Bəpu amó ba belí Yudafo asón agyípú amu ansító. Múu Bulu igyí ɔhapú dehen amu léfité amó ɔbé, ²⁸ “Animéda mli ɔlá aniaa, mlimátrá tí oyin ánfí dá súná ató? Táme mlíkí tśá mlilabwé. Mlilahá mli atosunáhé labóla Yerusalem wúluto fée. Mlídékléá mlópú mu lowu súra aní.”

²⁹ Petro mva sumbí ayəpú atráhe amu beke mú ɔnó bəe, “Bulu asónsú lehián ání abégyi, megyí anyánpósa. ³⁰ Mlíléda Yesu mántá oyikpalíhesu mó mu. Táme aní anáin Bulu lókusóa mu tsú afúlitə. ³¹ Olotsu mu ya ɔsúsú, pú mu yéyaí mu gyəpísu, bwé mu ahá ɔkparú pú Nkpa ɔhópú. Fówun ɔkpa idi ha Israelfə abudamli klontə, Bulu osi amó lakpan kie amó. ³² Anígyí alí asón ánfí iwí adansífo ní. ɔŋe Wankíhé amóú Bulu lópukíé ahá ání butegyí mu asónsú amu é dé mú iwí adánsie gyí.”

³³ Bréá Yudafo ahande amu bonu asón ánfí á, iləwa amó ɔbló. Mó su bəbwe agywun bəe, bómə sumbí ayəpú ámu. ³⁴ Táme Yudafo ahande ámutə ɔkuá ogyi Farisiyin, mu dá gyí Gamaliel, ogyi Mose mbala osunápú ání ahá fée butobú mu lókusú líí, blí ɔbé bəkpá sumbí ayəpú ámu dalí kpalobí. ³⁵ Inu ɔlebláa Yudafo ahande amu ɔbé, “Israelfə ayin, mlíkí wankláán itó ánfí mliha mlópugyi ahá ánfí iwí. ³⁶ Mlíkaín ání bré kotə á, oyin ɔkuá butetí mu Teuda létsiá. ɔləbwe mu iwí fé ɔha kpənkpəntí ɔku. Mó su ahá bəbwe fé lafana (400) són bobuo mu. Táme bómə mu, mu abúopu fée bədasáín, mu bwehé é fée lowie ntsu. ³⁷ Mu ɔma a, Yuda ání ogyi Galileayin é léba aháklábi. Mu é ɔlekpa ɔdəm buo iwí. Táme bómə mu, mu abúopu amu fée bədasáín. ³⁸ Mó su nde mli bláa mbée, mli si ahá ánfí. Mlimápu ibí da amó. Tsúfé ní itsú anyánpósa wá á, mú fée ibéba bətsun. ³⁹ Táme ní itsú Bulu wá á, mliméetalí ká amó itin. Mó su mlimábwe amó totə, méní iməɔbwe fé mliha Bulunyo mlídéko.”

Yudafo ahande amu botsulá dínká Gamaliel asón ánfísu. ⁴⁰ Inu beha betí sumbí ayəpú ámu ba obuto inu. Beha bənwən amó ató, bəda amó ɔlá bəe, bəmatra tí Yesu dá súná ató ekekekeke, besi amó benatí. ⁴¹ Bréá sumbí ayəpú ámu bədalí Yudafo asón ogyíkpa inu bəyo á, ansí de amó gyí. Tsúfé Bulu lahá amó é bawun iwíəsin Yesu su. ⁴² Sumbí ayəpú ámu bətsiá súná ató ekekegyíkeke, dá Bulu asón wankláán ámu ɔkan Bulu ɔtswékpa inu pú wóyígyíwóyító bəe, Yesu gyí Kristo, (ɔhá ámúú Bulu ladá mu ofúli amu).

6

Onó Alípó Abasiénó Le

¹ Bréá akasípó amu beba budeklei á, itré lēda Yudafo Griiki ablípó amóu butēblí Hebri oblí amu nsiné. Griiki ablípó amu bee, ekekegyíeke, ní bude ató yée a, butamahá Griikifo asurapu amu. ² Mú su sumbí ayópó dúanyo ámu beti ahógyipu amu fée fia, bláa amó bee, “Ima alá abési Bulu asón okanda betsiá ye ató. ³ Iní su apíó, mlíkí mlító amlíle ahá abasiénó aní obú bu amósó, Ŋhe Wankíhé móa nyánsa itsó amótó. Fówun apu amó lu atótó yée onó, ⁴ méní aní é abéle ansí kí mpáibo pó Bulu asón ámu okanda.”

⁵ Ansí legyi ahógyipu amu fée asón ánfí iwí. Mú su bele oyin okuá mu hógyi onó bu onlin, Ŋhe Wankíhé é itsó mótó, butetí mu Stefano mva Filipo, Prokoro, Nikanor, Timon, Parmena pó Nikolao, ogyi Griikiyin okuá otsú Antiokia asa alawíe Yudafo osúmtó. ⁶ Bopu ahá ánfí bosuná sumbí ayópó ámu, sumbí ayópó ámu é bopu ibí dínká amósó, bó mpái há amó.

⁷ Iní su Bulu asón ámu leklei, akasípó amu bomoní Yerusalem. Bulu igyi ahapó ámu óó tsotsotso bōhō Yesu asón ámu.

Stefano Kítá

⁸ Bulu lōwa awítale há Stefano túmi kpōnkpōnkpōnti. Mú su obōwē ofúla pó osúna akpōnkpōnti omá amótó. ⁹ Táme aku bōkusú líi musu. Ahá ánfí botsú ofiakpa kuá butetí mú “Nkpábiá Bahō Iwíutsiá.” Amó aku bugyi Yudafoá botsú Kirene pó Aleksandria awulusu. Aku é botsú Kilikia pó Asia omátó. ¹⁰ Táme Ŋhe Wankíhé léha Stefano nyánsa obōputóí. Mú su bōmetali gyí mu nwéen. ¹¹ Iní su beha aku onó bee bōblí bee, bonu aní Stefano détoí wō Mose mva Bulu. ¹² Iní léha ahá aní bōbu inu pó Yudafo ahande pó Mose mbla asunápó amu benya obló Stefanosu. Inu benatí yótó mu, kítá mu, kpá mu ya Yudafo Asón Agyípó amu ansító. ¹³ Belahá aku bōwa afunu dínká musu bee, “Oyin ánfí totóí wō Bulu otswékpa wankíhé pó Mose mbla ámu ekekegyíeke. ¹⁴ Anilónu aní obēblí obée, ‘Yesu Nasaretyin amu obóbwie Bulu otswékpa amu, tse amándiē aní Mose lósuná aní fée.’ ” ¹⁵ Yudafo Asón Agyípó amu fée besi bude Stefano kí díín. Inu beki a, mu ansító de ogyá kpa fē Bulu-obōpu ansító.

7

Stefano Iwí Onóle

¹ Bulu igyi ahapó dehen amu léfité Stefano obée, “Asón ánfí bablí tsú fú iwí ánfí fée bu mótó?”

² Stefano léle mú onó obée, “Mí apíó pó mí así, mliyaa asu amlinu! Bulu Onumnyampu amu léle iwí owan súná aní náin Abraham bréá otsie Mesopotamia omátó, Kaldeafoto asa olotu yétsiá Haran wúluto. ³⁻⁴ Inu Bulu lébláa mu obée, ‘Tu dalí fú omátó si fú abusuan, afuyō osulōv kuá nōsuná fūsó.’ Mú su Abraham lōtu tsú Kaldeafō osulōv yétsiá Haran wúluto. Mu si lowu oma a, Bulu léha mu olotu ba otíné ánfí mlitsie nde ánfí. ⁵ Bré amótó á, Bulu mókónyá há Abraham osulōv anfi yabi oyíkpa kole kóráá. Táme Bulu léhie mu así yaí obée, mva mu abí-aná obégyi osulōv anfi ekekú. Alí bré amótó á, Abraham mókókwíí obí. ⁶ Asón aní Bulu lébláa mu gyí, ‘Fú abí-aná bōbwē afō osulōv kusu. Bōpu amó bwé nkpábi, wá amó amomuyō nfi lafana (400). ⁷ Táme négyi omá amób fú abí-aná bēyetsiá amó así ámu asón, bítí amó isu. Mú oma a, néle amó lé amó ibito, fówun béba bosúm mí nfi.’ ⁸ Bulu léka ntam há Abraham. Ntam amu onó á, Abraham obétin mu abí-aná keté. Mú su mu bi Isak lōhō nkekwe á, Abraham létin mu keté. Isak é létin mu bi Yakob keté. Yakob é létin mu abí, bugyi aní anáin dúanyo ámu keté amó nyebito.

⁹ “Ani anáin anfi befe amó gyama Yosef, mu iwí olu su. Mú su olɔyɔ yébwɛ ɔkpábi Egypte ɔmátó. Táme Bulu léli mu ɔma, ¹⁰ lé mu lé mu ason wunhe féétó. Bulu léha mu nyansa, há Egypte owíe lénýa mu iwí ansigyí. Mú su ɔlɔbwɛ Yosef mu ɔmá pú mu wóyí féésó ɔkípú. ¹¹ Akón ku lébá Egypte pú Kanaan ɔsulúsu féé. Ilɔpu ikplán ba ɔmá ámutó. Ani anáin amu bumenyá ató gyi. ¹² Mú su bréá Yakob lónu ání atogyihe bu Egypte a, ɔlɔwa aní anáin anfi sísí. Bɔyɔ inu eke gyankpapu yénýa atogyihe ba. ¹³ Beyinkí yó otse nyɔɔsi a, Yosef léle iwí ɔwan súná amó ɔbéé, mugyí amó gyama Yosef ní. Iní su Egypte owíe é lébi Yosef abusuan. ¹⁴ Mú ɔma a, Yosef lówa mu apíó sísí ɔbéé, buyékpá mu si Yakob pú mu abusuanfó, bóbwe fé ahá aduesienó-nu (75) ba, abubetsiá Egypte ɔmátó. ¹⁵ Inu Yakob lóyɔ Egypte. Inó mva aní anáin amu bowu ní. ¹⁶ Nfi tsotsɔtsɔ ɔma a, bɔpu amótó aku afúli ya Sekem. Wúlu anfitó Abraham légyankpá tsíá ní. Bopolá amó ilán kuá Abraham lópu kóba hɔ tsu oyin ɔkuá butetí mu Hamor abí wátó.

¹⁷ “Nke ámóú Bulu léhie Abraham amu lotsutsúa ibɔfun a, aní anáin amu bakléi wá Egypte ɔmátó. ¹⁸ ɔma a, Egypte owíe ɔkuá ɔmɛbi Yosef lébetsiá obiá ámusu. ¹⁹ Owíe anfi lówa owuntɔlin aní anáin ámusu. ɔleka amó híe ɔbéé, butswí amó abi bɔbwɛ tsalífwí abuwu. ²⁰ Alí bré ámutó bɔkwí Mose ní. Ogyi obi ání ɔhíe ɔbu akíle, Bulu ansí legyi mu iwí. Mu yin léyaí mu tsra asa mu si wóyító. ²¹ Bréá bele mu mu wóyító a, Farao mu bi tsíhé lótsu mu, pú mu bwé mu bi alí, ɔledan. ²² Egyptefó bosuná Mose amó amándié kugyíku. ɔlɔbwɛ ɔha kpɔnkpɔnti mu itó pú mu bwehétó.

²³ “Bréá Mose lóhɔ nfi aduana (40) á, ɔlɔbwɛ agywun ɔbéé, mɔyɔ yéki alíá Egyptefó bɔpu buɔde mu apíó Israelfó kpa. ²⁴ Inu á, olowun ání Egypteyin dé mu apíó Israelfó ámutó ɔku da. Mú su ɔlɔyɔ ɔyóhɔ mu pio ámóú ide mu dúɔn amu, ilemlí mva Egypteyin amu nyɔ. Inu ɔleda Egypteyin ámu mó. ²⁵ Mose mó kí ɔbéé, ibówankí mu apíó Israelfó ání Bulu dépu mu hɔ amó nkpa, táme imɔwankí amó. ²⁶ Mú ɔyi kehe a, olowun Israelfó abanyó buɔdekɔ. ɔlɔyɔ ɔyékpátá amó, ɔlebláa amó ɔbéé, ‘Mlíki, apíó mlígyí. Ntogyi sú mli wulewule mlidé aba amumuyɔ wa?’ ²⁷ Táme ɔmɔamóú ɔde mu ba da ámu lówutá Mose sísí, fíté mu ɔbéé, ‘Ma lówa fú ɔbéé fubégyi anísu, afugyi aní nsíné asón?’ ²⁸ Fudekléá fómɔ mí, fé alí ámóú ígye fómɔ Egypteyin amu lóó?’ ²⁹ Mose lénýa nú asón anfi alí, ɔlesrí dalí Egypte ɔmátó yó Midiafó ɔsulúsu. Oletsíá inu kwí abi anyɔ.

³⁰ “Nfi aduana ɔma a, Bulu-ɔbɔpu léle iwí ɔwan súná Mose dimbísó oyíbi kuá ibu awu, ogyá detsíi mótótó, mantáa Sinaibu. ³¹ Mose lówun mó á, ɔlɔwa mu ifú. Bréá ɔlɔkpokpé ɔyó yéki mó wankláán á, Bulu lébláa mu ɔbéé, ³² ‘Mígyí fú anáin Abraham, Isak pú Yakob Bulu.’ Mose lénýa ifú, ɔɔekpinkí kpakpakpakpa. Mú su ɔmetalí kí mó. ³³ Ani Wíe Bulu lébláa mu ɔbéé, ‘Wɔi fú ntukɔta tswí, tsúfé ɔtíné anfi fulí anfi igyi ɔtine wankíhé. ³⁴ Nawun ání mí ahá buɔde iwíɔsin wúun Egypte ɔsulúsu. Nanú amó isú. Mú su nakplí nebá bɔhɔ amó. Ba, anwa fú Egypte.’

³⁵ “Mose anfi Israelfó bekiná Egypte ɔmátó, fíté mu beé, ‘Ma lówa fú ɔbéé fubégyi anísu, afugyi aní nsíné asón?’ ní. Mose anfi kén Bulu léha ɔbéé, ɔbwéé aní anáin amósó ogyípú pú amó ɔlepú ní. Bulu lówa mu sumbí anfi tsun Bulu-ɔbɔpu amóú ɔlele iwí súná mu ogya plenplento ámusu. ³⁶ Mu kén gyí ɔhá ání ɔlekpa amó dalí Egypte, bwé ofúla pú osúna tsotsɔtsɔ Egypte ɔsulúsu, ɔpu Pepe amu ɔnó pú dimbí ámusu nfi aduana (40) kéké ní. ³⁷ Mu kén lébláa Israelfó ámu ɔbéé, ‘Bulu ɔbéle mu ɔnósó ɔtáipú ɔkuá ogyi fé mí tsú mliɔ há mli’ ní. ³⁸ Bréá mva Israelfó ámu befia dimbí ámusu á, Mose anfisú Bulu-ɔbɔpu amu lótsi tsun Sinaibu ámusu há aní anáin amu ní. Mu kénsó Bulu lópu mu nkpa asón ámu tsun, ide aní é tɔ ní.

³⁹ “Táme aní anáin bumbobu mu. Bekiná mu asón nu. Amó nkule su mú á, tekí butráa bobu Egypte omátó. ⁴⁰ Iní su bebláa Aaron bee, oyáí ikpí aní békpa amó ha amó. Tsúfé bomeyín tásá ilabwé Mose amóú òlekpa amó tsú Egypte amu. ⁴¹ Alí bré ámutó á, beblí sika pepe onantswiebí póbwé òkpí, tsíá há mó igyí. Amó ansí legyi amó ibí onó ito bwehé ánfí iwí. ⁴² Bulu lési amó asón, boyo bude owí móa otsra pú ntsrakpabi tswéé. Fé alíá bōwanlín wá Bulu onósú atóipó amu owulótó bee,

‘Israelfó! Megyí mí mlílómō mbwí bō afōdié há
nfi adwana (40) amóú mlílétsiá dimbí ámusu.

⁴³ Mboún òkpí Molok tati-obu
pú Refan ntsrakpabi òkpí
mlílóbwe súra, nátí tswé.

Iní su négya mlí yówa Babilonfó osulúv oma otineku.’

⁴⁴ “Tati-obu amóú itosúná amó aní Bulu bu amó wá ámu é letsiá aní anáin amu wá dimbí ámusu. Mose lóbwe mó alíá Bulu lósuná mu òbéé, òbwéé mó pépéépé. ⁴⁵ Aní anáin amu bowu sí Bulu tati-obu ámu há aní así, Yosua légya amó nkpá bōpoba osulúv anfisv. Amó onutó ansító Bulu légya omá-omá lé osulúv anfisv póhá amó. Bulu tati-obu ámu letsiá amó wá alí bōtu Owíe Dawid brésú. ⁴⁶ Bulu ansí legyi Owíe Dawid iwí. Mó su Dawid lókulí mu òbéé, muyíi obu ha mu, méní aní Yakob abí-aná féé abósum mu inu. ⁴⁷ Táme Owíe Salomo mboún lébeyi obu ámu.

⁴⁸ “Táme Osúsúsú Bulu tamatsiá nyankpusa obu yiheto. Fé alíá Bulu onósú otóipó òku léblí òbéé,

⁴⁹ ‘Aní Wíe Bulu òbéé, “Osúsú gyí mí owíe obíá,
osulúv é igyi mí ayabi oyíkpa.

Nto obu mlíaa mléyi ha mí?

Nkónu gyí mí òkpónó òdakpá?

⁵⁰ Megyí mí lóbwe ntobí ánfí féé?” ’ ’ ”

⁵¹ Stefano lómō mu asón onó òbéé, “Asuto-onlín awíé, kluntō bu mlí odwin. Mlílakíná Bulu asón ámu nu. Mlí é mlítakósú líí Ōhe Wankíhé amu asónsú brégyibré, fé alíá mlí anáin amu betsiá bwé. ⁵² Bulu onósú otóipó omomusú mlí anáin bumedinká? Bōmō Bulu onósú atóipó amóú beblí yáí bee, Yilé Ōbwepú ámu òbéba amu é. Mlílélé Yilé Ōbwepú ámu há, bōmō mu. ⁵³ Mlílóhō Mose mbíla ámu tsú Bulu-abōpu ámu wá ní, támé mlimégyi mósó.”

Stefano Abwi Da Mó

⁵⁴ Bréá Yudafo ahande amu bonu Stefano asun blíhé anfi á, òbló lehíe kítá amó, beda ansító kpun. ⁵⁵ Táme Ōhe Wankíhé lóbólá Stefanotō, olotsu ansí fúá, òde osúsú kí. Olowun Bulu numnyam, Yesu líí Bulu gyōpísv. ⁵⁶ Móú òlebláa amó òbéé, “Mlíki, nawun aní osúsú lafinkí, Nyankpusa-Mb-Bi ámu líí Bulu gyōpísv.”

⁵⁷ Bréá bonu íní á, bōpu ibí tin asv. Inu amó féé bōsurá okitikítí tú bun musu, ⁵⁸ bebitíá mu dalí wúlu amutō beyéda mu abwi mó. Adansífo ámu bōwóí amó awunso atadié tswí oyasubi òkuá butetí mu Saulo wá. ⁵⁹ Bude mu abwi da alí, olokpólí aní Wíe òbéé, “Mí Wíe Yesu, hō mí ōhé.” ⁶⁰ Inu á, òleda akpawunu, kplón kúklókúú òbéé, “Mí Wíe, si lakpan ánfí kie amó.” Olenya blí alí pé, olomu onó.

8

¹ Saulo é lótsulá dínká Stefano mōsv.

Saulo Ōpasua Amusv Dínká

Tsú éke ámusu á, bedinká ŋpasua amóú ibi Yerusalem amusv, wá amó mō bi. Mó su ŋpasua ámu féé bedasáín wá Yudea pú Samaria omátó, sí sumbí ayōpó ámu nkule pé wá inu. ² Táme Bulu asúmpó ako bosu Stefano, bin mu.

³ Saulo mú léfi ɔpasua ámu bwie así. Oletsíá kí ahá wóyító, bítía ahógyipɔ atsi móa ayin fée yówa obu.

Filipo Bulu Asón Okanda Samaria Wúluto

⁴ Ahógyipɔ amu beda Bulu asón wankláán ámu ɔkan ɔtínegyíɔtíné ání bedasáin yó. ⁵ Mú su Filipo lóyo Samaria wúlu yilé kɔtɔ yébláa amó Kristo, (ɔhá amóú Bulu ladá mu ofúli amu) iwí asón wankláán ámu. ⁶ Afiapɔ amu fée bonu mu asón blíhé, bowun osúna ání ɔlɔbwé é. Mú su bɔhɔ mu asón ámu. ⁷ Ɔhe laláhe lósɔrá okitikiti dáli ahá tsɔtsɔtsɔtɔ. Ahá ání amó ifón lawú pó tsukole asínpu tsɔtsɔtsɔ é benya ɔlɔtsá. ⁸ Mú su ansí lehié gyi Samariafɔ ámu.

⁹ Alí bré ámutɔ á, ɔfápó kpɔnkpɔnti ɔkɔá butetí mu Simon bu wúlu ámutɔ. Bréá Filipo mókóba inu á, ɔlɔbwé túmíla súná mu pɔ amu, itɔwá amó ifú. Ɔtɔpɔ ibi sí kántó blí ɔbéé, otúmípu kpɔnkpɔnti mugyi. ¹⁰ Nyebí ahande fée butobú mu, blí bée, “Oyin ánfí dé Bulu túmí kpɔnkpɔnti ámu.” ¹¹ Iníá ɔdepu mu asuma bwé ofúla suná amó, ilawá ɔpá su á, amó fée bɔhɔ mu gyi. ¹² Táme bréá Filipo léba beda Bulu iwíegyi pó Yesu Kristo iwí asón wankláán ámu ɔkan a, atsi móa ayin bɔhɔ mu asón ámu su gyi, ɔlɔbɔ amó asú. ¹³ Simon onutó é lóhogyi, ɔleha Filipo lóba mu asú. Mu asúba ɔma a, ɔlɔpu iwí mantáa Filipo. Bréá olowun alíá Filipo dé ofúla móa osúna bwe á, ɔnó lobwie mu.

¹⁴ Sumbí ayɔpó amóú bubu Yerusalem amu bonu ání Samariafɔ bahɔ Bulu asón ámu. Mú su bɔwa Petro mɔa Yohane amó wá. ¹⁵ Bréá boyówie inu á, bɔbɔ mpái há Samariafɔ ahógyipɔ amu bée, bunyáa Ɔhe Wankíhé. ¹⁶ Tsúfé asú keke babó amó aní Wíe Yesu dátó, táme amútó ɔkɔkɔ mókónyá Ɔhe Wankíhé amu. ¹⁷ Inu Petro mɔa Yohane bɔpu ibi dínká amó nwunsu, Bulu léha amó Ɔhe Wankíhé amu.

¹⁸ Simon lówun ání ibi keke sumbí ayɔpó amu bapó dínká ahógyipɔ amu nwunsu, Bulu lahá amó Ɔhe Wankíhé. Mú su ɔlele kóba há Petro mɔa Yohane, ¹⁹ ɔlebláa amó ɔbéé, “Mliha mí túmí ánfí kɔ, méní ní mí é nɔpó ibi dínká ɔku nwunsu á, Bulu ɔbéha mu Ɔhe Wankíhé.”

²⁰ Táme Petro lébláa mu ɔbéé, “Fúá fú kóba ámu nyɔ fée mlihi. Tsúfé fukí fée, fétalí pó kóba hɔ Bulu itokiehé ánfí. ²¹ Fuma ogyíkpá ntée ɔlúkpá aní gyumagyihe anfitɔ, tsúfé fú klɔntɔ metin Bulu ansító. ²² Damli klɔntɔ tsu fú lakpan ánfí, afukɔli aní Wíe Bulu. Fíalí obési agywun laláhe ánfí fabwé ánfí kíé fú. ²³ Tsúfé nawun ání fuhíé fúbu ɔnsipe, lakpan lagyi fusu.”

²⁴ Simon lébláa Petro mɔa Yohane ɔbéé, “Nobwíí ipa, mlikokoli mli Wíe Bulu ha mi, méní ɔmééha asón ánfí fablí ánfí kɔkɔ mééba mɔsu.”

²⁵ Bréá Petro mɔa Yohane begyi adánsie, dá Yesu iwí asón ámu ɔkan tá á, beyinkí yó Yerusalem. Bréá buna bɔyó á, beda asón wankláán ámu ɔkan Samaria nkuda tsɔtsɔtsɔ así.

Etiopia Owie Sikasu Okipu Klɔntɔdamli

²⁶ Alí bré ámutɔ á, Bulu-ɔbɔpu lébláa Filipo ɔbéé, “Kusu pu ɔsaasí dimbísú ɔkpa amóú ida tsu Yerusalem iyó Gasa amu.” ²⁷ Múú Filipo lókɔsú pó ɔkpa. Bréá ɔyó á, ɔlɔtu Etiopia ɔmá ɔhande ɔkɔá baflo mu. Ɔhande amu gyí Etiopia owie tsihé Kandake sikasu ɔkípu. Oyin ánfí layó Yerusalem yósum Bulu, ²⁸ yínkí ɔyó wóyí, otsie mu kekétó, mpɔnkɔ bɔde mu bití. Ɔde Bulu ɔnósú ɔtɔípó Yesaia ɔwuló ámu kláa. ²⁹ Múú Ɔhe Wankíhé lébláa Filipo ɔbéé, “Kpɔkpe manta keké ánfí.” ³⁰ Filipo lésrí tó keké ámu wun ání Bulu ɔnósú ɔtɔípó Yesaia ɔwuló ámu oyin ámu dé kláa. Mú su ɔlefíté mu ɔbéé, “Ɔhande, fude asón amóú fudekláa amu así nu?”

³¹ Ɔhande amu léle mú ɔnó ɔbéé, “Nkáli ɔbɔbwé nónu mú así ní ɔku méle mú así súná mí?” Mú su ɔlebláa Filipo ɔbéé, “Du tsia mí wá ayo.” ³² Bulu asón ání ɔdekláa ɔwuló ámutɔ gyí:

“Olobwe díín fě kufa ání bapó beya amakpá. Omobwíí mu nnonyo.

Olobwe díín fě alá kufa tóbwe
ní bode mu iwí imi dínkí.

³³ Bakpói mu, bumegyi mu asón onakwaliso.

Ohaa méetalí súná mu abí-aná,
tsúfě beka mu nkpa tin osolóv anfisv.”

³⁴ Múú omá ohande amu léfité Filipo obée, “Ma iwí asón Bulu onósú otáipó anfi déblí, mu onutó ntée oha bambá?” ³⁵ Inu Filipo lélií Yesaia asun wanlínhé anfisv bláa mu Yesu iwí asun wankláán ámu. ³⁶⁻³⁷ Bopu boyó á, botu ntsu kv. Múú omá ohande amu léfité Filipo obée, “Ntsu dá a, ntó létin mí asúbó okpa?”*

³⁸ Mú sv omá ohande amu léha mu keké ámu obitípó lélií. Mva Filipo bekplí wíé ntsu ámutó, Filipo lóbó mu asú. ³⁹ Bréá bedali ntsu ámutó á, aní Wíe Ojé lotsu Filipo náti. Omá ohande amu métrá wun mu, táme olopu ansigyí natí oyó wóyí.

⁴⁰ Filipo é léyedahí Asoto wúluta. Olenatí kí inu awúlusu dá asun wankláán ámu okan alu, oloyówie Kaesarea wúluta.

9

Saulo Klvntadamli

(Gyumagyihe 22:6-16; 26:12-18)

¹⁻² Alí bré ánfító fée á, Saulo mókúsí Yesu akasípó amu bláa obée, mómó amó. Mú sv oloyó Bulu igyí ahapó dehen wá yókulí mu obée, owánlín owuló pole mu suna Damasko Yudafó ofiakpa ahande, méní ní mu ibi da oyin ntée otsi oku, ona aní Wíe okpa ámusv a, mékitá mu, kpá mu ba Yerusalem.

³ Saulo lópu okpa oyó Damasko. Oleta wie tá á, nsaintó lekpa ogyá wa mu. ⁴ Oledida osulótó kpla. Inu olonu ome kv. Ome amu léfité mu obée, “Saulo, Saulo, ntogyi só fúdin mísó alí?”

⁵ Saulo léfité obée, “Fó ma ní, mí Wíé?” Múú ome amu lébláa mu obée, “Mí Yesu ní. Mísó fúdin ní. ⁶ Kusu, afuyó wúluta inu. Oku obósuná fú tóá lehián ání fóbwe.”

⁷ Saulo aba ání mva amónyo bona besi líí díín. Bonu ome amu, táme bumowun ohaa. ⁸ Saulo lókúsó líí. Olobwíí ansíbi, táme omedé ató wúun. Mú sv bekítá mu ibi, kpá mu ya Damasko wúluta. ⁹ Oletsiá nkensá owító omowun ató. Omegyi ató, omonu tótó é alí bré ámutó.

¹⁰ Alí bré ámutó á, Yesu okasípó oku bu Damasko, butetí mu Anania. Olowun ató. Mútó á, aní Wíe Yesu lókpólí mu obée, “Anania!”

Olotsulá obée, “Mí Wíé, mí ní.”

¹¹ Múú aní Wíe lébláa mu obée, “Kusu, yo brənu ámuú butetí mú ‘Okpa Tswííhé’ amusu. Wie Yuda wóyító, afufite oyin ámuú otsú Tarso, butetí mu Saulo amusu. Alaba, obu inu ode mpái bə. ¹² Alawun ání oyin okuá butetí mu Anania laba bəpu ibi dínká musv, mu ansíbi labwíí.”

¹³ Múú Anania lébláa aní Wíe obée, “Mí Wíé, nanú oyin ánfí iwí asón. Alá odepv lalahé gyi fú ahá ání bubv Yerusalem. ¹⁴ Igyí ahapó dehen amu é bahá mu túmi bée, obá Damasko bekítá ahá ání butóbó mpái fú dátó fée.”

¹⁵ Aní Wíe lébláa mu obée, “Yo, mílalé mu mbée, obwée mí osúmpó, oha omá bambátófo, amú awíe pó Israelfó fée abubi mí. ¹⁶ Mí onutó nósuná mu alá obókoku wun ipian mí sv.”

¹⁷ Mú sv Anania lóyo Yuda wóyító, yópu ibi dínká Saulosu, bláa mu obée “Opíó Saulo, aní Wíe Yesu amúú olee iwí owan súná fú bré ámuú febá nfi ámu láwá mí fú wá. Obée, mbeha fú afolawun ató, Ojé Wankíhé obula fútó.” ¹⁸ Tokuá igyi fě

* **8:36-37** Mótó yée 37 bu nwuló dada amu akoto: Filipo lebláa mu obée “Ní faho Kristo gyi tsú fú iklon féeťó a, nétalí bó fú asú.” Olebláa Filipo obée, “Ee, nahogyi mbee Yesu Kristo gyi Bulu mu Bi.”

10

Konelio Abi Wa Petro Wá

¹ Oyin oku létsiá Kaesarea inu, butetí mu Konelio. Ogyi Romafɔ isá akɔpɔ ɔpasua kuá butetí mó Italia ɔhande. ² Ōbu nsi Bulusúm iwɪ. Mba mu wóyítɔfɔ fée butosúm Bulu. Konelio tekíe Yudafɔ ahiánfɔ ató. Ōtɔbɔ mpái há Bulu brégyíbré. ³ Eke oku Konelio lówun ató ntópwe dɔsatɔ. Mu atowunhe amuto á, olowun Bulu-ɔbɔpu ansí káín, Bulu-ɔbɔpu amu lókpólí mu ɔbée, “Konelio!”

⁴ Ifú lekítá mu. Mú su olesi ɔde Bulu-ɔbɔpu amu kí. Mú ɔlefíté Bulu-ɔbɔpu amu ɔbée, “Mí Wíé, nkálí igyi?”

Bulu-ɔbɔpu amu lébláa mu ɔbée, “Bulu laho fɔ mpái. Fú ahá ató kie é lagyi mu ansí. ⁵ Wa abí abuyɔ Yopa yeti Simon Petro ba. ⁶ Ōɔyɔswí ɔwulú-kpákpá iwɪ agyómá ɔyɔpú Simon wóyítɔ, mantáa ɔpu ɔnɔ.” ⁷ Bréá Bulu-ɔbɔpu amu lénatí á, Konelio létí mu asúmpú abanyó ání bubu mu wóyítɔ pɔ mu ɔbisufe ání ogyi isá ɔkɔpɔ, otenyá Bulu ifú. ⁸ Ōlebláa amú asún ání ilaba fée, ɔlɔwa amú sísi Yopa.

⁹ Mú ɔyi kehe bɔkɔsú bɔyɔ Yopa. Beta inu wie tá á, ɪbɔbwe fée ɔpa dódúanyɔtɔ. Petro é dédu ɔyɔ obu awunso mpái ɔbɔkpá. ¹⁰ Akón ihíe de mu. Mú su olekle ání obénýa tɔku wá ɔnɔ. Bréá buɔde ató ámu níná há mu a, Petro lówun ató. ¹¹ Atowunhe amuto á, olowun ání ɔsúsú lafinkí, tɔkuá igyi fée ɔhráda téihé, buɔde mu nsiebí ana, ɪdekplí ɪbá ɔsulɔsu. ¹² ɔyítɔ mbwɪ ɔtsan-ɔtsan, mbwíá bubu ayín, táme buteká abɔnɔ pú ɔyítɔ mbubwi fée bubu ɔhráda ámutɔ. ¹³ Mú ɔlonu ɔme ku lédaɪ ɔbée, “Petro, kusu mɔ mbwɪ ánfɪ afɔwɪ.”

¹⁴ Táme Petro léle mó ɔnɔ ɔbée, “Ō-o! Mí Wíé, bɔkwí mí ɔpá á, mmɔkógyi tɔá Yudafɔ amándíe lekisi ntée mó iwɪ metin ki.”

¹⁵ ɔme amu léla bláa mu ɔbée, “Máti tɔá Bulu latɪn mó iwɪ atokisíhé.”

¹⁶ Atowunhe amu pú ɔme amu léba tse sa. Mu ansítɔ inu á, botsu ɔhráda ámu ya ɔsúsú ɔtsáwɔle pé.

¹⁷ Bréá Petro dé nwuntɔ bu tsú atowunhe anfi iwɪ á, Konelio abí ámu é bafíté wun Simon wóyítɔ, ba bulí ɔkpa ɔnɔ. ¹⁸ Konelio abí ámu bokpolí fíté beɛ, “Ōfɔ oku tsie nfi, butetí mu Simon Petro?”

¹⁹ Petro trá ɔde nwuntɔ bu tsú atowunhe amu iwɪ, Ōhe Wankíhé lébláa mu ɔbée, “Simon, ahá abasá aku baba buɔde fɔ dunká. ²⁰ Kusu bwe, afɔkplí yefia amú amlinátɪ. Mágyi nwéɛn, tsúfée mílawá amú fú wá.” ²¹ Inu Petro lékplí yótɔ amú, bláa amú ɔbée, “Mígyí ɔhá ámuú mlídedunká ámu ní. Ntogyi sɔ mlíná?”

²² Ahá ámu bele mó ɔnɔ beɛ, “Anímédé tsitsa. Isá akɔpɔ ɔhande Konelio ání otenyá Bulu ifú, Yudafɔ fée butetí mu ɪdayilé lɔwa anɪ fú wá. Bulu-ɔbɔpu oku labébláa mu ɔbée, ɔbá betɪ fú afɔba mu wóyítɔ, ménɪ obónu asún ání fúbu blí.”

²³ Mú Petro lékpa amú wá wóyítɔ, ɔleha amú ɔdikpa.

ɔyi kehe a, Petro mba amónýɔ bɔkɔsú pú ɔkpa bɔyɔ Kaesarea. Bréá bɔyɔ á, ahógyipu akvá bubu Yopa inu é bobuo amú yó. ²⁴ Mú ɔyi kehe a, boyówie Kaesarea wúlutɔ. Botsutsúa abɔwie inu á, Konelio latɪ mu wóyítɔ ahá pú mu anyawíe kláklá befia, ɔde amú ɔkpa kí. ²⁵ Bréá Petro lówie wóyí ámu ɔnɔ á, Konelio lókɔsú yéfia mu, dá akpawunu mu ayabitɔ súm mu. ²⁶ Táme Petro léha mu ɔlɔkɔsú. Ōlebláa Konelio ɔbée, “Kusu, máda akpawunu há mí. Nyankpɔsa mí é ngyi.” ²⁷ Petro mba monýɔ bɔna buɔdeɔ alɪ olowie wóyítɔ. Inu olowun ání ahá tsɔtsɔtsɔ bafia. ²⁸ Mú ɔlebláa amú ɔbée, “Mlɪ onutɔ mliyin ání Yudafɔ mbɪla meha ɔkpa ání Yudayin mba ɔmá bámbátóyin bubwée anyawíe ntée ɔbóyɔ mu wá kpán. Táme Bulu lahá mí nabí ání mmákɪ mbée oku iwɪ metin ntée ɔmɔfɔn amándíe ɔkpasu. ²⁹ Mú sɔ bréá fɔwa abí fée bubétɪ mí á, mmɔkpukpɔw nwuntɔ ní. Amansu igyi? Bla mɪ.”

³⁰ Mú Konelio lébláa mu ɔbée, “Nde eke náásí, ntópwe dɔsatɔ mbu wóyítɔ nde mpái bɔ. Ōtsáwɔle pé á, nowun oyin oku líí mí ansítɔ. Oyin ámu lɔwa atadiɛ

fututú. ³¹ Oyin ámu lébláa mi obée, ‘Konelio, Bulu lanú fú mpái. Fú ahá ató kie é lagyi mu ansí. ³² Mó su wa abí abuyó Yopa wúluto yeti Simon Petro ba. Ɔwuló-kpákpá iwi agyómá ɔyɔpó Simon wóyí ɔlɔswí. Otsie mantáa ɔpu ɔnó.’ ³³ Mó su inu nɔwa abí sísí fú. Ibo aléá faba. Séi á, aní fée anɔlafia Bulu dátó. Anigyó aní Wíe asún aní alapóhá fú obée, fubláa aní.”

Petro Asun Blihé

³⁴ Mó Petro lótsu ɔnó blí obée, “Nawun aní lélé Bulu tamakɔ ɔhaa ansító. ³⁵ Mboún ɔhá aní otenyá mu ifú, ɔɔbwé yilé asún otekle ɔmágyíɔmátó. ³⁶ Mliyin asun wankláán aní Bulu lópohá Israelfɔ. Asún ámu gyí, Bulu lapó iwilwii ba tson Yesu Kristo, ahá fée Owíe amusu. ³⁷ Mliyin asún kpɔnkpɔnti aní ileba Yudea ɔmátó fée. Ilotsu así tsú Galilea ɔmátó, bréá Asú Ɔɔpó Yohane léda asúbɔ ɔkan ɔma. ³⁸ Mliyin aní Wíe Yesu Nasaretyin amu. Mliyin aní Bulu lópu mu Ɔhe Wankíhé pú túmi wá mɔtɔ, oleki ɔtíneyíɔtíne bwé yilé, tsá ahá aní bubu ɔbunsám túmi así ilo, tsúfée Bulu buo mu. ³⁹ Anigyí ahá aní anilówun mu bwéhé aní ɔɔbwé Yudea pú Yerusaleem ɔmátó fée ní. Bɛda mu mántá oyikpalíhesu mó mu. ⁴⁰ Táme mó eke sáásí a, Bulu lókusúá mu, lé mu ɔwan, ahá bowun mu. ⁴¹ Megyí ɔyító ahá fée lówun mu, táme aní ahá ámuó Bulu lélé yáí obée, abwée mu adansífo ámu mó anilówun mu. Mu kúsú tsú afúlitɔ ɔma a, ania munyɔ légyi, anilówi ní. ⁴² Ɔlehie aní obée, adáa mu asun wankláán ámu ɔkan suna ahá, agyi mu iwi adánsie aní mogyí ɔhá aní Bulu laléá obégyi akɔankpapu pú awupó fée asún ní. ⁴³ Bulu ɔnósó atɔípu amu fée beblí beé lélé, ɔhagyíɔha aní ɔlɔhɔ Kristo gyi a, Bulu obési mu lakpan fée kíe mu Kristo dátó.”

Ɔmá Bámbásófo Ɔhe Wankíhé Nya

⁴⁴ Bréá Petro dé asún anfi blí á, Ɔhe Wankíhé lébá ahá ámuó buɛ mu asún ámu nu ámu féesú. ⁴⁵ Ɔnó lobwie Yudafo ahógyipu amúó bobuo Petro ba inu ámu aní Bulu lapó mu Ɔhe Wankíhé amu kíe ahá aní bumegyí Yudafo. ⁴⁶ Tsúfée bowun aní ahá ámu buɛ ɔblí bámbá blí, buhié buɛ Bulu kanfó. Mó su Petro lébláa amú obée, ⁴⁷ “Bulu lahá ahá anfi é Ɔhe Wankíhé fɛ aní. Ɔku ɔbétalí tin amú ɔkpa ɔbée bumábɔ amú asú?” ⁴⁸ Mó su ɔleblí obée, bubó amú asú Yesu Kristo dátó. Mó ɔma a, bokokóli Petro beé, otsia amú wá kpalobí.

11

Petro Iwi Asún Ɔnóle Yerusaleem

¹ Yesu sumbí ayɔpó ámu pú ahógyipu amúó bubu Yudea ɔmátó ámu bonu aní ɔmá bámbátófo é bahɔ Bulu asún ámu. ² Mó su bréá Petro lóyɔ Yerusaleem wúluto á, muɔ ahógyipu akwá butekleá ahá butín keté asa abuwie ɔpasua ámuɔ bebití asún. Bɛfité mu beé, ³ “Ntogyi su fayó ahá aní bumetin keté wóyí, fúa amónyɔ mlɔlawá ibi gyi ató?” ⁴ Mó su Petro lélé asún aní ilebatɔ súná amú ikule-kule obée,

⁵ “Mbu Yopa wúluto nde mpái bɔ nowun ató. Mótó á, nowun aní tɔkwá igyi fée ɔhráda téihé, buɛ mó nsiebí ana lékplí tsú ɔsúsú bá mí wá. ⁶ Nowun pututɔmbwɔ pú wúluto mbwɔ, mbwíá bubu ayín, táme buteká abɔnɔ pú ɔyító mbubwi fée ɔhráda ámuɔ. ⁷ Inu nonu ɔme ku ledali bláa mi obée, ‘Petro, kusɔ mɔ mbwɔ anfi afuwɔ.’

⁸ “Mó neblí mbée, ‘Mí Wíe, ekekekeke. Bɔkwí mí ɔpá á, mmɔkógyi tóá Yudafo amándíe lekisi ntée mó iwi metin ki.’

⁹ “Mó ɔme amu lótsu ɔsúsú lábláa mi obée, ‘Máti tóá Bulu latin mó iwi atokisíhé.’ ¹⁰ Tsesa són nowun atowunhe anfi. Mó ɔma a, ilayínkí yó ɔsúsú.

¹¹ “Alí bré ámuɔ kén á, ayin abasá akwá bɔwa mí wá tsú Kaesarea baba bulí wóyí ámuó ntsie mótó ámu ɔnó. ¹² Ɔhe Wankíhé lébláa mi obée, mbúo amú yɔ, mmágyi nwéen. Apíó abasié anfi botsú Yopa anfi é bobuo mi yó Kaesarea, aní

fée anilóyo Konelio wóyító. ¹³ Konelio lébláa aní òbée, mowun Bulu-òbòpò òkò m̀wóyító, òlèbláa m̀òbée, ‘Wa abí aboyò Yopa yeti oyin òkúá b̀t̀et̀i m̀v̀ Simon Petro ba. ¹⁴ Òbèbláa f̀v̀ asún aní f̀v̀a f̀v̀ wóyító ahá fée mlótsun m̀sú nyá nkpa.’

¹⁵ “Nenya tsú ònó ndetóí alí, Òye Wankíhé léba amósó fée alíá òlèba anisv̀ eke gyankpapv̀ amv̀. ¹⁶ Inu nekaín aní Wíe asun blíhésv̀. Òbée, ‘Yohane lópv̀ ntsu b́ ahá asú. Táme m̀lì m̀ó á, Bulu òbòpò Òye Wankíhé b́ m̀lì asú.’ ¹⁷ M̀ó sv̀ ní Bulu lapó m̀v̀ atokiehé ámv̀ kíe amó, fée alíá òlòpókíe aní ahá ámv̀ò anilóhò aní Wíe Yesu Kristo gyi amv̀ a, mígyí ma aní nétin Bulu òkpa?”

¹⁸ Bréá sumbí ayòpó ámv̀ bonu asún ánfí á, besí Petro t́i wa, b́ekanfó Bulu b́ee, “Mómó Bulu lahá ahá aní b́omegyí Yudafo òkpa òbée, amó é b̀v̀dámli kl̀ntò, abunya nkpa.”

Kristo Ɔpasua Aní Ibv̀ Antiokia

¹⁹ Stefano lowu òma a, b́edinká ahógyipv̀ amv̀sv̀. M̀ó sv̀ b́edasáín yó Foinike m̀v̀a Kipro òsólòsv̀ p̀v̀ Antiokia wúlutò. Yudafo nkule b́ebláa Bulu asun wankláán ámv̀. ²⁰ Táme amótó akv̀ m̀v̀ b́otsu Kipro p̀v̀ Kirene òmátó ba Antiokia b́ebláa Griikifò ámv̀ aní Wíe iwí asun wankláán ámv̀. ²¹ Aní Wíe Bulu lélí amó òma. M̀ó sv̀ amótó ahá tsòtsòtsò bohogyi, dámli kl̀ntò ba aní Wíe Yesu wá.

²² Yerusalem ɔpasua ámv̀ bonu asún ánfí. M̀ó sv̀ b́owa Barnaba sísí Antiokia. ²³⁻²⁴ Barnaba gyí òha wankláán, Òye Wankíhé p̀v̀ h́ogyi é itsò m̀v̀tò. Bréá olowie Antiokia, olowun alíá Bulu lagyi amó b́uale a, ansí legyi m̀v̀. M̀v̀v̀ òlòtòí kplá amó òbée, b́v̀p̀v̀v̀ amó kl̀v̀n fée dínka aní Wíe Yesusv̀, abogyi m̀v̀ mblasv̀. Iní sv̀ ahá tsòtsòtsò b́otsun m̀v̀ asún ámv̀sv̀ h́ò aní Wíe gyi. ²⁵ M̀ó òma a, Barnaba lóyo Tarso wúlutò yódunká Saulo. ²⁶ Bréá olowun m̀v̀ a, òlekpa m̀v̀ ba Antiokia. Betsiá inu ofi òkule, tsíá fía ɔpasua ámv̀, súná amó ató. Antiokia begyankpá tí akasípó amv̀ b́ee “Akristofò” ní.

²⁷ Bulu ònósó atóipó akv̀ b́otsu Yerusalem ba Antiokia alí bré ámv̀tò kén. ²⁸ Amótó òkule dá gyí Agabo. Òlòkúsó líí, blí Òye Wankíhé túmitò tswí òbée, “Akón kp̀v̀nk̀v̀ntí kv̀ b́eba Roma òmátó fée.” Òlèba m̀v̀tò bréá Roma Owíe Klaudio tsie obíasó. ²⁹ Akasípó amv̀ b́òbwe agywíun b́ee, amótó okugyíòkv̀ obódunká t́á obénnya, abv̀pv̀ yekie apíó ahógyipv̀ aní b́v̀v̀ Yudea òmátó. ³⁰ Begyi dínká m̀sú, b́v̀p̀h́a Barnaba m̀v̀a Saulo b́v̀p̀v̀v̀a ɔpasua ámv̀ ahande.

12

Petro Obudi

¹ Alí bré ámv̀tò á, Owíe Herode lédinká ɔpasua ámv̀tò akv̀sv̀, wá amó amv̀m̀v̀v̀yò. ² Òlèha b́etin Yohane m̀v̀ pio Yakobo ɔdayító. ³ Herode lówun aní ibv̀ Yudafo ámv̀ ɔdwe. M̀ó sv̀ omesi, òleyékítá Petro é. Alí bré ámv̀tò b́v̀de Israelfò Bodobodo MátúhéNke gyí. ⁴ M̀ó sv̀ bréá òlekítá Petro a, òlòpv̀ m̀v̀ tswí obu, òlèlé isá akòpó dúasie òbée, b́v̀tsíá gyo m̀v̀ iwí abaná-abaná. Òlòbwe agywíun òbée, begyi Nke ámv̀ tá á, mégyi Petro asún d́nsu. ⁵ B́owa Petro obu, táme ɔpasua ámv̀ b́òbò mpái kínkíinkín há m̀v̀.

Petro Obule

⁶ Onyé asa ɔyí òb́eke Owíe Herode òb́ele Petro ba d́nsu begyi m̀v̀ asún á, b́owa Petro ikan anyò kéké, ɔda ɔdédídí isá akòpó abanyó nsíné. Isá akòpó akv̀ é bulí b́v̀de obu ámv̀ ònó gyo. ⁷ Ɔtsáwule pé á, Bulu-òbòpò òkò lèbelí amó wá obuto inu, inu fée lówankí. Bulu-òbòpò amv̀ lópv̀ ibí da Petro abíntò, oletsinkí. Òlèbláa Petro òbée, “Wa ɔsa kv̀sv̀.” Inu ikan amv̀ lówóí lé m̀v̀ ibí. ⁸ M̀v̀v̀ Bulu-òbòpò amv̀ lèbláa m̀v̀ òbée, “Kv̀sv̀ p̀v̀ ɔf́e klí osiétó, af̀v̀tsu f̀v̀ ntukota wa.” Petro lóbwe. M̀v̀v̀ òlètrá bláa Petro òbée, “Tsu f̀v̀ ligá wa af̀v̀ba ayo.” ⁹ Petro lóbwo Bulu-òbòpò amv̀ d́alí obu ámv̀tò. Im̀wankí Petro ní akíankpatò nt́ee atowunhetò Bulu-òbòpò

amu dé mu asón bláa. ¹⁰ Mva Bulu-əbəpu amu bətsun obu-ənó gyankpapu pú nyəəsi agyópusu. Bəba bətu dátə iklon ání fəpúdálí wie wúlutə. Iklon amu onutó lefinkí há amú bətsun. Bəpətsun brənu kusə bəyó á, Bulu-əbəpu amu lófwí sí Petro.

¹¹ Bréá Petro ansító letití mu a, ələblí əbée, “Séi mó nawun ání lélé Bulu lawá mu əbəpu, alabəle mí Owíe Herode ibi pú tóá Yudafo bude əkpa kító.”

¹² Iníá Petro lówwun mó alí su á, əlenatí yó Yohane ání butetráa tí mu Marko mu yin Maria wóyí. Alí bré ámutə á, ahá tsətsətsə bafia inu bude mpái bə.

¹³ Petro léda amú iklonsu, osúmbi tsihé əkuá butetí mu Rode ləbəkí əhá ání ogyi.

¹⁴ Bréá Rode ləbi ání Petro əme ní á, ansí lehiə gyi mu. Mó su əletan obu ámu finkí. Mboún oleyinkí srí yébláa amú əbée, “Petro laba əlí obu-ənó.” ¹⁵ Ahá ámu bəbláa mu bəe, “Fú nwun layintá.” Táme əloyə mósú, ələblí əbée, “Lélé a.” Mó su bəbláa mu bəe, “Mómú fialí Bulu-əbəpuá ətekí Petrosu ní.”

¹⁶ Alí bré ámutə fée á, Petro trá əde iklon amusu da. Bréá bəyó yéfinkí mó, bowun Petro a, ənó lobwie amú. ¹⁷ Petro lóbwe ibi súná amú əbée bukásu, ələbláa amú alíá aní Wie lalé mu obu. Ələbláa amú əbée, “Mlibla Yakobo mva apíó ahógyipu atráhe amu asón ánfí.” Múú əlenatí amú wá yó ətine bambá á.

¹⁸ Bréá əyí leke a, isá akəpú ámu fée begyigyáa, fité aba bəe, “Nkí Petro me?”

¹⁹ Owíe Herode léha bodunká Petro ətinegyiətiné, táme bumowun mu. Mó su əletí obu adípósú akípú amu, fité amú asón, əleha bəmə amú.

Mú əma a, əlenatí Yudea əmátó yétsiá Kaesarea wúlutə nkensá ku.

Owíe Herode Lowu

²⁰ Bré kutə á, əbló lehiə kítá Owíe Herode Tiro móa Sidonfo su. Mó su awúlu anyə ánfí bəle abí bəe buyókokolí mu, iwilwii itsia amú nsiné. Tsúfə Owíe Herode əmátó butenyá atogyihe tsú. Ahá ámu begyankpá yéle asóntó súná Owíe Herode wóyísú əkipú əkuá butetí mu Blasto, olotsulá gya amú nkpa bəyó Owíe Herode wá yókokolí mu.

²¹ Owíe Herode léhiə amú eke. Eke ámu lófun a, əlehihiə iwí dálí betsiá mu obiású, bláa amú asón. ²² Ahá ámu bəklón blí bəe, “Megyí nyankpəsa détoi, mboún əkpí détoi o!” ²³ Inunu Bulu-əbəpu léda Herode, anyambi bəwí mu, olowu. Tsúfə əməpu numnyam há Bulu.

²⁴ Bulu asón loyó mósú, kléi yó tsútsúútsú.

²⁵ Barnaba mva Saulo bəyó amú agyómá tá Yerusalem, bəkpa Yohane ání butetráa tí mu Marko buo iwí yínkí yó Antiokia.

13

Barnaba Mva Saulo Sumbí Wa

¹ Bulu ənósú atəípú pú ató asunápú akú betsiá Antiokia əpasua ámutə. Amógyi: Barnaba, Simeon ání butetí mu Obibi, Lukio ání otsú Kirene əmátó, Manaen ání bəyaí mva Galilea əmású ogyípú Herodenyə tsukole pú Saulo.

² Bréá bəklí ənó, bude aní Wie süm á, Əhe Wankíhé ləbláa amú əbée, “Mlile Barnaba mva Saulo ha mi, abəyó agyómá ámuú netí amú mbée bubóyó ámu.”

³ Mó su bréá bəklí ənó ámu bə mpái tá á, bəpu ibi dínká amú nwunsu, sí amú əkpa.

Barnaba Mva Saulo Kipro Əsulósu Yə

⁴ Əhe Wankíhé lówa Barnaba mva Saulo sumbí. Bəyó Seleukia wúlutə yótsu ntsusu-yibi fá yó əsulósú kuá ibi ntsu nsiné, butetí mú Kiprosu. ⁵ Bréá bowie wúlu kuá ibi inu, butetí mú Salamisə á, bəyó Yudafo ofiakpa yéda Bulu asón ámu əkan. Yohane ámuú butetráa tí mu Marko amu é lóbuo amú yétsa amú agyómá yə.

⁶ Bedali Salami wúluto, benatí alu bowie ɔsulúv kuá butetí mú Pafosu. Inu befia ɔfápú kpɔnkpɔnti ɔkuá butetí mu Bar-Yesu. Ogyi Yudayin, ɔtɔwá afunu ɔbée Bulu ɔnósó ɔtɔ́pú mɔgyi. ⁷ Mu nyawie gyí nu ɔmású ogyípú Sergio Paulo. ɔmású ogyípú anfi létin ansí. ɔlɔwa beyéti Barnaba mu Saulo ba mu wóyító. Tsúfě odekléá mónu Bulu asón. ⁸ Táme ɔfápú Bar-Yesu anfi mu dá así gyí, Elima Griiki ɔblító anfi méha amó ɔkpa abubla ɔmású ogyípú amu Bulu asón ámu. ɔlɔbɔ mbódí ání ɔmású ogyípú amu mánu Yesu iwi asón ámu, fówun ɔmáɔhɔ mósú gyi. ⁹ Inu ɔɲe Wankíhé lóbulá Saulo amóú buɔe mu ti Paulo amoto, olesí ɔlú ɔɔe ɔfápú amu ansító kí. ¹⁰ Múú ɔlebláa ɔfápú amu ɔbée, “ɔbunsám mu bi, futekísí ito wankláán kugyíku. Fapó ahámlé pú lalahégyí bwé fú agyómá. Mú sú fóméesi Bulu ɔnɔkwali amu afunuto wa? ¹¹ Kí, Bulu ɔbébití fú isu. Fú ansíbi bóbwie. Fómétrá wun ɔyi kehetó owí alu yófɔn bré ku.”

Inunu Elima ansító loklun mu. Mú sú ɔlɔwa tatápu bi, ɔɔe ɔku dunká ɔkita mu oyító. ¹² Bréá ɔmású ogyípú amu lówun tóá ilaba a, ɔlɔhɔ aní Wíe gyi. Aní Wíe iwi asón amóú buɔe mu suná ámu leha ɔnó lobwie mu.

Barnaba Mva Paulo Antiokia Aní Ibo Pisidia ɔmátó Yɔ

¹³ Paulo mu mu aba ámu botsu ntsusu-yibi tsú Pafo wúluto yó Perge aní ibo Pamfilia ɔsulúsu. Táme Yohane Marko mú léyinkí amó ɔma tsú nu yó Yerusalem. ¹⁴ Bókúsó tsú Perge yó Antiokia aní ibo Pisidia ɔsulúsu. ɔkpónó ɔɔaké á, bɔyɔ nu Yudafɔ ofiakpa yétsiá así. ¹⁵ Bekla ató tsú Mose Mbla pú Bulu ɔnósó atɔ́pú nwulótó ta á, ofiakpa amu ahande bɔwa abí beyébláa Paulo aná bee, “Apíó, ní mlídé asvankuá mléblí pówá ahá anfi ɔwonlín á, ɔkpa da.” ¹⁶ Múú Paulo lókúsó líí, ɔlɔbwe amó ibi ɔbée bukásu. Múú ɔlebláa amó ɔbée,

“Apíó Israelfɔ pú ɔmá bámbásúfɔá mlitenyá Bulu ifú, mliya asu amlinu. ¹⁷ Israel Bulu léle aní anáin bwé mu ahá. ɔleha bekléi bréá bɔgyi afɔó Egypte ɔsulúsu. ɔlɔpu mu túmi kpɔnkpɔnkpɔnti kpá amó dali ɔmá ámu. ¹⁸ Olenya klɔn kpá amó nfi aduana (40) kéké dimbí ámu. ¹⁹ Oleyintá ɔmá asienó kéké Kanaan ɔsulúsu, oleye amó ɔsulúv amu púbwé siadié há aní anáin. ²⁰ Nfi lafana aduenu (450), ɔlɔpubwé iní fée há amó.

“Mú ɔma a, ɔleha asón agyípú bekpa amó alu bɔtu Bulu ɔnósó ɔtɔ́pú Samuel. ²¹ Bréá bebláa Bulu bee ɔyáí awíe ha amó á, Bulu léyaí Kis mu bi Saulo owíe há amó. Saulo otsú Benyamin abusuantɔ. Olegyi iwíe nfi aduana (40). ²² Bréá Bulu lékplí mu a, ɔleha beyaí Dawid obíasó há amó. Asón anfi Bulu léblí tsú mu iwi ní. ɔbée, ‘Yisai mu bi Dawid gyí ɔhá aní mí klɔn dín mu, tsúfě ɔbóbwe tógýítá nébláa mu mbée ɔbwée.’

²³ “Dawid anfi abí-anátó Bulu labele Yesu tsú há Israelfɔ ɔbée, ɔbwée amó ɔlɔpú fě alíá ɔlehie yáí. ²⁴ Asa Yesu lébá a, Asú ɔbɔpú Yohane légyankpá dá ɔkan súná Israelfɔ fée ɔbée, buɔámli klɔntɔ, abuha mu ɔbɔ amó asú. ²⁵ Bréá Yohane ɔbá bɔmɔ mu agyómá ɔnó á, ɔlefíté ahá ámu ɔbée, ‘Ma mlídésusúu mliya ngýi? Megýi mígyí ɔhá amóú mlídé ɔkpa kí amu. Mu mú ɔbéba mí ɔma. Mmɔfɔn aní nówɔi mu ntukota.’

²⁶ “Mí apíó, Abraham abí-aná pú ɔmá bámbásúfɔá mlitenyá Bulu ifú, mliya asu amlinu. Anígyí ahá aní Bulu lópu nkpahó asón ámu sísí. ²⁷ Yerusalem atsiápú pú amó ahande bɔmɛbi aní Yesu gyí ɔlɔpú. Bomonu Bulu ɔnósó atɔ́pú amu asón aní bɔwanlín tswi así. Butekla mú ɔkpónó ɔɔaké kugyíku. Táme begyi Yesu asón, há mu ipón, mó mu; leha Bulu ɔnósó atɔ́pú amu asón anfi leba mótó. ²⁸ Bumenya Yesu iwi asón kukuá béliú mósú mó mu, táme bebláa Pilato bee ɔhá abɔmɔ mu. ²⁹ Mú sú bréá bɔbwe tóá bɔwanlín tsú mu iwi fée tá á, bele mu tsú oyikpalíhe amusu yópulá mu. ³⁰ Táme Bulu lókúsúá Yesu tsú afúlito. ³¹ Mú ɔma a, oletsia le iwi súná ahá amóú mu amónyɔ benatí tsú Galilea yó Yerusalem amu bré tsɔtsɔtsɔtɔ. Ahá anfi gyí ahá aní buɔe mu iwi adánsie gyí suná Israelfɔ ní.

32-33 “Ani mó anidé mli ason wankláán ámu bláa. Múgyí, Bulu labwé tó ámóó òlehie ani anáin ámu há amó abí-aná. Amúgyí ani á. Tsúfé alakósúa Yesu tsú afúlito há ani, fé alíá bəwanlín wá Israelfo ɔb nyəəsito bée, ‘Mí Bí gyí fú.

Nde nabwé fú Sí.’

34 Bulu létrá tóí tsú Yesu kosó tsú afúlito pú mu oyulúv amóó imóopló wá ɔbótó ekekeke ámu iwí ɔbéé,

‘Nópu mí oyúla wankíhé amóó nehie mbée, ɔbwé alíágyíalíá nópohá Dawid ámu há mli.’

35 Owíe Dawid é létrá lawánlín wá Israelfo ɔb bámbátó ɔbéé, ‘Fumécha fú osúmpú wankíhé móopló wá fúli ɔbótó.’

36 Owíe Dawid lósum Bulu mu nkpató, bwé Bulu apé tá á, olowu, bopulá mu mu anáinto, ɔlóló. 37 Táme Yesu anfi Bulu lókúsúa tsu afúlito anfi mó móló. 38-39 Mú su apíó, mlinu asón anfi anidé mli bláa anfi así. Yesu anfi nkulesu mlótsun nya lakpansikíé. Mose mbala métalí há amlígyi asu Bulu ansító. Táme ɔhagyíɔha aní alahó Yesu anfi gyi obégyi asu Bulu ansító. 40 Mú su mlíkí wankláán, méní asón amóó Bulu ɔnósó atóipú beblí tswí ámu méeba mli su.

41 Asón ámu gyí,

‘Asón ámu iwá mli

ahá aní mliɔwá Bulu asón nyányáa ifú, amlíwu.

Tsúfé ní nde ɔkɔ ɔblí gyuma aní ndegyí mliɔ kóráá á, mli mómohogyi.’ ”

42 Bréa Paulo mva Barnaba bɔdɛdalí Yudafo ofiakpa inu á, ahá ámu bəkolí amó bée bubá ɔkpónó ɔdaké amóó ɔbá ámu, abɔtra bətəí tsu asón ámu iwí suna amó. 43 Bréa ahá ámu bɛdalí Yudafo ofiakpa inu á, Yudafo tsətsətsə pú ɔmá bámbátó abí aní bawíe Yudafo osúmtó beklá buo Paulo mva Barnaba. Mú su sumbí ayəpú anfi bətəí kplá amó bée, bəpúv ansí dinka Bulu awíɔlesu.

44 ɔkpónó ɔdaké amóó bebláa amó bée bubá ámu lófɔn a, ilesi kpalobí tekí ahá beta wúlu ámuɔ. Amó féé beba Bulu asón onukpá Yudafo ofiakpa inu. 45 Bréa Yudafo bowun ɔdəm ámu a, Paulo aná iwí lówa amó olu. Iní su begyi Paulo ason blíhé ámu nwéen, síá mu. 46 Táme Paulo mva Barnaba bəwa klɔn bláa ahá ámu bée, “Tekí mli lehián aní abégyankpá bláa Bulu asón anfi. Táme iníá mli lékiná mó nu, mli dé mli iwí kú mliáa, mli méhián nkpa aní itamatá ámu su á, anílayínkí ayó ɔmá bámbásófo wá. 47 Tsúfé alí Bulu lówa aní ní. ɔbéé, ‘Napó fú bwé ɔkandíe há ɔmá bámbásófo.

ɔyító ahá féé bətsun fusu nyá nkpa aní itamatá.’ ”

48 Bréa ɔmá bámbásófo ámu bonu asón anfi á, ansí legyi amó, bəkanfó aní Wíe asón ámu. Inu ahá aní Bulu lalé ɔbéé, bonyáa nkpa aní itamatá bəhə asón ámu su gyi.

49 Aní Wíe asón ámu ɔlekléí wíe ɔmá ámuɔ ɔtínegyíɔtíné. 50 Táme Yudafo ámu pú atsiá bubu Yudafo osúmtó, obú bu amósú pú wúlu ahande bəkosú líí Paulo mva Barnabas, gya amó lé ɔmá ámuɔ. 51 Sumbí ayəpú ámu bekpakpáa amó ayabitə-isi wólí amó nwunsu, bənati yó Ikonion wúluto. 52 Táme ɔɲe Wankíhé pú ansigyí ləbulá Antiokia akasípú ámuɔ.

14

Paulo Mva Barnaba Bulu Asón Blí Ikonion Wúluto

1 Ikonion wúluto é á, alí kén Paulo mva Barnaba bəyo Yudafo ofiakpa ní. Beblí Bulu asón inu wankláán. Mú su Yudafo pú Griikífo tsətsətsə bəhə Yesu gyi. 2 Táme Yudafo amóó bəmohogyi ámu bətəí wá ɔmátófo ámu ámuɔ, há amó bəkosú líí ahógyipu ámu su. 3 Ifú məkítá Paulo mva Barnaba. Betsiá inu wá ɔpá blí aní Wíe Yesu asón ámu wankláán. Yesu é lélí amó ɔma, su bəbwé ofúla

pó osúna pósúná ání mu awítale asún ámúbú búdeblí ámu igyi ɔ̀nɔ̀kwali. ⁴ Mó sɔ̀ wúlu amútɔ̀ ɔ̀lɔ̀bɔ́i anyɔ̀. Aku bobuo Yudafo ámu, aku é bobuo sumbí ayɔ̀pó ámu.

⁵ Mó ɔ̀ma a, Yudafo, ɔ̀mátɔ̀fo pó amó ahande bɔ̀bwe agywun bee, bɔ̀wa sumbí ayɔ̀pó ámu iwɔ̀sɔ̀ntɔ̀, dá amó abwi mó. ⁶ Sumbí ayɔ̀pó ámu bonu asún ánfɔ̀. Mó sɔ̀ besrí yó Likaonia awúlu yilé Listra móa Derbe pó awúluá ɔ̀bu mantáa inusu. ⁷ Beda asun wankláán ámu ɔ̀kan inu é.

Paulo Mva Barnaba Gyumagyihe Listra Móa Derbe

⁸ Oyin ɔ̀ku létsiá Listra wúluto, bɔ̀kwí mu ɔ̀bɔ̀. ɔ̀mɔ̀kókúsó lí mu ayabisu kɔ̀. ⁹ ɔ̀bɔ̀ anfi tsie ɔ̀de Paulo asun blíhé nu. Paulo lési lí kɔ̀ mu alɔ̀, olowun ání alahogyiá Bulu ɔ̀bétalí tsá mu. ¹⁰ Mó sɔ̀ ɔ̀lɔ̀kplón kɔ̀klókúú blí ɔ̀béé, “Kusu lu fú ayabi anyɔ̀sɔ̀.” Inu oyin ámu lókúsó ɔ̀tsáwule pé, wá natí bɔ̀. ¹¹ Bréá ɔ̀dɔ̀m amu bowun tɔ́a Paulo labwé á, bɔ̀kplón blí Likaonia ɔ̀blítɔ̀ bee, “Ʋkpɔ̀ ámu badámlí anyánpósa kplí ba anɔ̀ wá.” ¹² Mó sɔ̀ bɔ̀pɔ̀ amó ɔ̀kpɔ̀ kpɔ̀nkpɔ̀ntɔ̀ dá tí Barnaba bee, “Seus.” Bɔ̀pɔ̀ mu ɔ̀tsiámɔ̀ dá tí Paulo bee, “Hermes,” tsúfɛ Paulo lí amó ɔ̀nɔ̀, ɔ̀detɔ́i ní. ¹³ Ʋkpɔ̀ Seus ɔ̀tswékpa bu wúlu ɔ̀nɔ̀. Seus igyi ɔ̀hapó lóyɔ̀pɔ̀ nnantswie pó oyí ntswítswí ba wúlu ɔ̀nɔ̀ inu. Tsúfɛ mva ɔ̀dɔ̀m amu búdekléá bɔ̀tswe sumbí ayɔ̀pó ámu.

¹⁴ Bréá Barnaba mva Paulo bonu tɔ́a bebá bɔ̀bwe á, bekítá amó atadié bálí. Ilosuná ání bumotsulá dínká ɔ̀tɔ̀ ámúbú bebá bɔ̀bwe ámusu. Besrí wíé ɔ̀dɔ̀m amútɔ̀ blí bee, ¹⁵ “Ntogyi mɔ̀idé inɔ̀ bwe? Anɔ̀ é anyánpósa anigyí fɛ mɔ̀. Bulu asun wankláán abá bebláa mɔ̀, amlisi atɔ̀kpan ánfɔ̀ ɔ̀magyáa bobuo anɔ̀ Wíe Bulu Ʋkiankpapɔ̀. Mɔ̀lɔ̀bwe ɔ̀sɔ̀ móa asi, ɔ̀pɔ̀ pó mótɔ̀ atɔ̀ fɛé. ¹⁶ Bímbí ámu a, olesi ɔ̀kpa há ɔ̀mágyíomá ání bɔ̀bweé tɔ́a búdeklé. ¹⁷ Táme mó ó á, Bulu mókúsi atɔ̀ wankláán tsɔ̀tsɔ̀tsɔ̀ bwe, pósúná ání muɔ̀ inu. Mútéhá nyankpɔ̀ totswie, mɔ̀ ndɔ̀tɔ̀ atɔ̀ tɔ̀wá alé. Mútéhá mɔ̀ atogyihe, ɔ̀téhá ansí tegyi mɔ̀.” ¹⁸ Paulo aná asun blíhé anfi fɛé ɔ̀ma a, ɔ̀lɔ̀wa ɔ̀nlɔ̀n asa betalí ká ɔ̀dɔ̀m amu tin bee, bumátɔ̀n mbwɔ̀ wólí amó ayabiasɔ̀ tswé amó.

¹⁹ Mó ɔ̀ma a, Yudafo aku botsu Antiokia ání ɔ̀bu Pisidia ɔ̀mátɔ̀ pó Ikonion wúluto ba beblí asún pútse ɔ̀dɔ̀m amu agywun, bɔ̀kúsó lí Paulosu. Beda Paulo abwi, bítia mu dálɔ̀ wúlu amútɔ̀. Bukɔ̀ bee alawú, sɔ̀ besi mu tswɔ̀. ²⁰ Táme bréá akasípó amu beba bobomlí Paulo a, ɔ̀lɔ̀kúsó yínkí yó wúlu amútɔ̀. Mó ɔ̀yi kehe a, mva Barnaba benatí yó Derbe wúluto.

Antiokia Aní ɔ̀bu Siria ɔ̀mátɔ̀ Yínkí Bá

²¹ Paulo mva Barnaba beda asun wankláán ámu ɔ̀kan Derbe. Ahá tsɔ̀tsɔ̀tsɔ̀ bedamlí klɔ̀ntɔ̀ mɔ̀lɔ̀ Yesu akasípó. Múú belayínkí yó Listra, tsun yɔ̀ Ikonion alɔ̀ bebedalɔ̀ Antiokia ání ɔ̀bu Pisidia ɔ̀mátɔ̀. ²² Inu Paulo mva Barnaba bɔ̀wa akasípó amu atetɔ̀-ɔ̀nlɔ̀n bee, bukíta hógyi amútɔ̀. Bebláa amó bee, “Ilehián ání abótson ipian tsɔ̀tsɔ̀tsɔ̀tsɔ̀ asa abówie Bulu iwíegyí amútɔ̀.” ²³ Bɔ̀tɔ̀ ɔ̀pasua kugyíku á, bɔ̀tekli ɔ̀nɔ̀ bó mpái, yáí ahande há amó, pó amó wá anɔ̀ Wíe amó amó ansí dɔ̀n musu ámu ɔ̀bɔ̀.

²⁴ Beki Pisidia ɔ̀mátɔ̀ ɔ̀pasua ámusu tá á, beba Pamfilia ɔ̀mátɔ̀. ²⁵ Beda Bulu asun wankláán ámu ɔ̀kan Perge wúluto. Bɔ̀kúsó tsú inu yó Atalia wúluto. ²⁶ Paulo mva Barnaba belatsiá ntsusu-yibitɔ̀ tsú inu bowie Antiokia. Inu gyí ɔ̀tínéá ahógyipɔ̀ amu begyankpá klí ɔ̀nɔ̀ bó mpái, ání Bulu ɔ̀wáa awítale ha amó, ménɔ̀ bóyɔ̀ agyómá ánfɔ̀ bamó mó ɔ̀nɔ̀ ánfɔ̀ ní.

²⁷ Bréá bowie Antiokia a, betɔ̀ ɔ̀pasua ámu fɛé fia. Bebláa amó aliá Bulu lapó amó gyi gyoma, pó aliá Bulu lahá ahá ání bumegyí Yudafo é bahɔ̀ mu gyi.

²⁸ Betsiá akasípó amu wá nke tsɔ̀tsɔ̀tsɔ̀.

¹ Bréá Paulo mva Barnaba bobu Antiokia a, ayin aku botsu Yudea omátó ba inu. Bosuná ahógyipu amúú bumegyí Yudafo amú ató bee, ní bumakótín keté Mose mbla onó á, Bulu mósóhó amú nkpa. ² Paulo mva Barnaba bakusó líí asón ánfisv. Mú sv amóá ató asunápó amú begyi mó nwéen kinkíinkín. Iní sv beblí bee, bowa Paulo mva Barnaba pú Antiokia ahógyipu amú aku Yerusalem, aboyowun Yesu sumbí ayópó pú inu opasua ahande amú tsú asón ánfí iwí.

³ Opasua amú besi ahá amú okpa benatí. Bréá boyó á, buna Foenike pú Samaria omátó. Bebláa inufo amú bee, ahá aní bumegyí Yudafo é badámlí klontó ba Bulu wá. Asón ánfí lehie wá ahógyipu amú fée ansigyí. ⁴ Bréá bowie Yerusalem a, opasua amú, amú ahande pú sumbí ayópó amú bohó amú atúu. Paulo aná bebláa amú tóá Bulu labwé tsun amósó fée. ⁵ Táme ahógyipu amú akvá botsú Farisifo bakusó líí blí bee, “Ilehián aní omá bámbásófo amú bétun keté, gyi Mose mbla ésú.”

⁶ Sumbí ayópó amú pú opasua ahande amú befia yó asón ánfíto. ⁷ Bebití asón ánfí wá opá. Mú oma a, Petro lókusó líí, bláa amú obée, “Mí apíó, mliyin aní tsú bré kutó á, Bulu léle mí tsú mlíto obée, mbláa ahá aní bumegyí Yudafo mu ason wankláán amú, méní amú é bónu, hó mósó gyí. ⁸ Bulu yín nyankpusa klontó. Olópu Oye Wankíhé amú há amú, fé alíá olópuhá aní púsúná aní alahó amú. ⁹ Olosuná aní bumegyí otsan há aní, tsúfé oleha amú klontó letín bréá amú é bohogyí. ¹⁰ Ntogyi sv mlídé Bulu sóo kí? Ntogyi só mlídépu Mose mbla ánfí ania aní anáin anímétalí gyi mósó ánfí han akasípó anfi? ¹¹ Ekekeke! Anilahogyi aní Bulu obótsun aní Wíe Yesu awítolesv hó aní nkpa fé amú.”

¹² Bréá Petro lótoí tá á, afiapu amú fée babwe díín. Múó Paulo mva Barnaba bebláa amú alíá Bulu lótsun amósó bwé ofúla pú osúna tsotsotsó ahá amúú bumegyí Yudafo ámuto. ¹³ Bréá Paulo mva Barnaba bótóí tá á, Yakobo lóyo mósó obée, “Apíó, mliyaa asv amlínu. ¹⁴ Simon Petro labláa aní obée, Bulu légyankpá lé súná aní otekle ahá amúú bumegyí Yudafo amú asón. Mú sv olele amútó aku bwé mu ahá. ¹⁵ Asón ánfí pú Bulu onósó atóipó amú ason blíhé labwé kule. Tsúfé bowanlín wá Bulu asón ámuto bee,

¹⁶ ‘Bulu obée. Iní oma a, nélatsú Dawid iwíegyí

amúú iladida amú kósú.

Nélayi mó abuntíí fée,

há mó béli wankláán,

¹⁷ méní aha tráhe amú pú amóá bumegyí Yudafo,

mí dá dín amósó fée bódunká míá ngyi amú Wíe, wun mí.

¹⁸ Alí mí, mli Wíe Buluá

nele iní súná tsú bimbí ndeblí ní.’

¹⁹ “Iní sv tóá mí Yakobo ndeblí gyí, mli máha apu asvansv kíklí ahá ánfí bumegyí Yudafo, badámlí klontó ba Bulu wá ánfí. ²⁰ Mboún mliha awanlín owuló bláa amú aniaa, bumágyi atogyiheá bapóhá ikpi, tsúfé mó iwí metín. Bomáwa atsi móa ayin asón. Bumágyi obwíá bopúsáa mu mó pú obugya.

²¹ Tsúfé bimbí opá á, butedá Mose mbla amú okan wúlugyíwúluto, butekla mó Yudafo ofiakpa kugyíku okpónú odaké é.”

Ɔwuló Pvsísí Ahógyipvá Bumegyí Yudafo

²² Mó sv sumbí ayópó amú, opasua ahande amú pú opasua amú babwe agywun bee, bele ayin aku tsú amútó abubuo Paulo mva Barnaba yó Antiokia. Bele Yuda aní butetí mu Barsaba mva Silas. Amú fée bugyi akpapó há ahógyipu amú. ²³ Ɔwuló aní bopuhá amú bopuyátó asón gyí:

“Ahógyipvá mli mégyí Yudafo, mli bu Antiokia, Siria pú Kilikia omátó. Mli apíó sumbí ayópó pú opasua ahande dé owuló ánfí wanlín sísí mli.

“Anidé mli itsiá ha.

²⁴ “Anilónu ání aní apíó aku botsu anító ba mli wá inu, bəpu asvanku kíkli mli, poyíntá mli agywun. Anumókúwá amó. ²⁵ Iní su anilafia, tsúlá ání abéle aha aku abukpa aní apíó adwepú Barnaba mva Paulo ba mli wá. ²⁶ Ahá ánfí lási amó nkpa há aní Wíe Yesu Kristo agyómá ámu su ní. ²⁷ Mó su anidé Yuda mva Silas wa aníaa, bupúu onó bebláa mli asón amóú anilawánlín wá ɔwuló amuto ámu kén. ²⁸ Ŋhe Wankíhé lalé súná aní, aní é anilahó mó ání uma aléá abópu atə dwindwín kuku sórá mli, dun mbala ánfí mó iwí dehián anfi. ²⁹ Mbala ámu gyí, ‘Mlímágyi atogyiheá bapóhá ikpi. Mlímágyi ɔbwíá bəpusáa mu mó pú obugya. Mlímáwa atsi móa ayin asón.’

“Ní mlidé mbala ánfísu gyi a, ibówa alé há mli. Anilafun nfi.”

³⁰ Bəwanlín ɔwuló ánfí há amó tá á, besi amóa sumbí ayəpú ámu ɔkpa bəpuya Antiokia. Boyówie inu tí ahógyipu amu fée fia, pú ɔwuló ámu wá amó ibito. ³¹ Bekla ɔwuló ámu a, ansí lehie gyi amó, tsúfé mótó asón leha klun lédí amó asi. ³² Yuda mva Silas, bogyi Bulu onósó atəpú amu bətəí kplá amó wankláán pówá amó ɔwunlín, wá amó atətə-onlín. ³³⁻³⁴ Betsiá amó wá nke kpalobí, ɔpasua ámu lési amó ɔkpa iwilwiito, beyinkí yó ahá amóú bəwa amó sumbí ámu wá.*

³⁵ Paulo mva Barnaba é betsiá Antiokia inu yófun bré ku. Amóa inu ahógyipu amu aku betsiá súná atə, tsíá dá aní Wíe ason wankláán ámu ɔkan.

Paulo Mva Barnaba Abasəmaín

³⁶ Bré ku ɔma a, Paulo lébláa Barnaba ɔbéé, “Ha ayinki yə awúluá anladá aní Wíe ason wankláán ámu ɔkan féesú, ayekí alíá bətsie.” ³⁷ Barnaba lékléá békpa Yohane ání bətəí mu Marko buo iwí. ³⁸ Táme Paulo léblí ɔbéé, uma aléá Marko obóbuo amó, tsúfé ɔmetrá buo amó abuyə Bulu agyómá ámu. Oleyinkí amó ɔma tsú Pamfilia wúluto ɔpá. ³⁹ Paulo mva Barnaba bepríu asón ánfí kinkíinkín, leha bəmaín abasu. Barnaba lékpa Marko buo iwí, botsu ntsusuyibi yó Kipro ɔmátó. ⁴⁰ Paulo é lékpa Silas buo iwí, Antiokia ahógyipu amu bəpu amó wá Bulu ibito, bəpu ɔkpa. ⁴¹ Paulo lóyɔtsun Siria móa Kilikia ɔmátó; ɔlwa ɔpasua amóú ibubu inu ámu ɔwunlín.

16

Timoteo Léýetsiá Paulo Mva Silastə

¹ Paulo mva Silas bənati yó Derbe pú Listra. Ohógyipu ɔkuá bətəí mu Timoteo bu Listra wúluto inu. Mu yin gyí Yudayin ání ɔlɔhə Yesu gyi, táme mu si gyí Griikiyin. ² Apíó ání bubu Listra pú Ikonion bəti Timoteo idayilé. ³ Paulo lékléá békpa Timoteo nati. Mó su ɔleha bətin Timoteo keté, tsúfé Yudafə amóú bubu inu ámu fée buyin ání Griikiyin Timoteo mu si gyí. ⁴ Bréá bəyá á, bowíé wúlugyiwulusu bətosúná inu ahógyipu mbala oduá Yesu sumbí ayəpú ámu pú ɔpasua ahande amóú bubu Yerusalem amu bawá bəe bogyi mósó. ⁵ Iní su ɔpasua ámu benya ɔwunlín hógyito, kléi ekekegyíke.

Paulo Makedonia ɔmátó Yə

⁶ Paulo mva mu aba ámu bətsun Frigia pú Galatia ɔmásó. Tsúfé Ŋhe Wankíhé méha amó ɔkpa ɔbéé, budáa Bulu asón ámu ɔkan Asia ɔmátó. ⁷ Bréá bowie Misia ɔsulúu ɔka á, bəbwe agywun bəe bəyinkí tsun yə Bitinia ɔmátó, táme Yesu Ŋhe méha amó ɔkpa. ⁸ Mó su bətsun Misia ɔsulúu kplí yó Troa wúluto. ⁹ Mó onyé á, Paulo lówun atə. Olowun ání Makedoniayin ɔku líi mu ansító, ɔde mu kokóli ɔbéé, “Fa ɔpu amu ba Makedonia, afubegyí aní bəale.” ¹⁰ Paulo lénya wun atə ámu alí, ɔlɔwankí mu ání Bulu dé aní wa ɔbéé, ayó yeda ason wankláán ámu ɔkan inu. Mó su anilópu ɔkpa yó Makedonia.

* **15:33-34** 15:34 Mótó yée 34 bu nwuló dada amu akuto: Táme Silas mó ləbwe agywun ání obésin Antiokia inu.

Lidia Klontadamli Filipi Wuluto

¹¹ Anilówie ntsusu-yibito tsú Troa, fá ɔpu yó Samotrake ɔsulósu. Mú ɔyi kehe a, anilétsiá yó Neapoli wuluto. ¹² Anilópu ayabito tsú Neapoli yó Filipi wuluto. Filipi gyí Makedonia wulu yilé ní. Romafo búu wulu anfito. Anilétsiá inu nke kpalobí. ¹³ Ɔkpónú ɔdaké á, anilédalí wuluto yó ɔpu ɔnó ɔtinekúá anikí aniaa, abówun ɔtínéá Yudafo butefia bɔ mpái. Anilétsiá inu bláa atsi akvá bebefia inu Bulu asún. ¹⁴ Atsiá bonu asún ámutɔ ɔkule gyí Lidia. Tiatirayin ogyi, ɔtɛfé tatiá mú ntsu lepe, ibu bíá. Bulu osúmpú ogyi. Aní Wíe léha mu olonu Paulo asun blíhé ámutɔ. ¹⁵ Mú su bréá anilóbɔ mva mu wóyító ahá asú á, olobwíí ipa há aní, blí ɔbéé, “Ní mlilahogyi aní nahɔ Yesu gyi a, mlibetsiá mí wóyító.” Ɔtsi ánfí bu anisu alu anilóbuo mu yó mu wóyító.

Paulo Mva Silas Obudí Filipi

¹⁶ Eke ɔku ayó Yudafo mpái ɔbɔkpá inu á, anilótu otsibi ɔkuá ogyi ɔkpábi inu. Atóla ɔhé bu musu, ɔtelá ató, blí asún aní ibéba. Ɔtabwé kóba tsɔtsɔtsɔ há mu awíe tsú mótó. ¹⁷ Otsibi anfi lékplá buo ania Paulonyɔ. Ɔna ɔdekplón blí ɔbéé, “Ahá ánfí gyí Ɔsósúúsú Bulu ámu asúmpú ní. Amódé mli nkpahó ɔkpa suná ní.” ¹⁸ Ɔlobwe mú nke tsɔtsɔtsɔ. Iní lehan Paulo. Mú su ɔledamli bláa otsibi ámu ɔbéé, “Atóla ɔhé, nde mbla wa há fú Yesu Kristo dátó, dali mutɔ!” Inunu ɔhé ámu lédalí mutɔ.

¹⁹ Ɔkpábi ámu awíe bowun aní amó kóba ɔkpa latin. Mú su bekítá Paulo mva Silas, bítia amó ya wulu ahande ansító. ²⁰ Bɔpu amó ya Romafo asún agyípó bée, “Yudafo ahá ánfí bɔgyi, bɔde asún klée wa aní wulu anfito. ²¹ Bɔde amándié laláhe aní aní mbla meha mó iwí ɔkpa suná. Romafo aní mó anígyí. Animéetalí hɔ amó amándié ámu gyi mósú.” ²² Inu ɔɔm ámu botu bun Paulo mva Silasu.

Asún agyípó ámu beha bée bɔwóí amó atadié, abunwen amó mpli. ²³ Bepití Paulo mva Silas ató wankláán tá á, beha bɔpu amó tswi obu. Bebláa obu adípúsú ɔkípu bée, ogyóo amó wankláán. ²⁴ Asún amó bebláa obu adípúsú ɔkípu ámu su ɔlɔpu amó yétswi obutótó, wá amó ayabi kplakitsi.

Obu Adípúsú Ɔkípu Yesu Hógyi

²⁵ Mú ɔyí-nsiné á, Paulo mva Silas bɔde mpái bɔ, bɔde ilu wa kánfú Bulu. Obu adípó atráhe ámu é bɔda bɔdenu. ²⁶ Ɔtsáwule pé á, ɔsulóu lékpinkí ɔwonlinsó, ilekpinkí obu ámu ntswiasí. Mú aklon fée lefinkí. Obu adípó ámu ikan pú amó kplakitsi ámu fée lɔwóí. ²⁷ Obu adípúsú ɔkípu ámu létsinkí, wun aní aklon ámu fée lafinkí. Inu ɔlele ɔdayí iya anyɔ ɔbéé ámuwɔ iwí, tsúfé ɔkí ɔbéé obu adípó ámu fée badáli srí. ²⁸ Táme Paulo lókplun kúklúkúú bláa mu ɔbéé, “Mábwe iwí tɔtɔ. Aní fée anibu inu.”

²⁹ Obu adípúsú ɔkípu ámu léha bɔtsu ɔkandíe ba mu, ɔlɔwa ɔsa wíe obu ámutɔ. Ifú de mu, su ɔdekpinkí kpakpakpakpa. Ɔleyéda akpawunu Paulo mva Silas ayabito. ³⁰ Inu ɔlekpa amó dali yéfité amó ɔbéé, “Mí awíé, ntɔ mbwée asa Bulu ɔhɔ mli nkpa?”

³¹ Mú Paulo mva Silas bebláa mu bée, “Hɔ Yesu gyi, méní Bulu ɔbóhɔ fúa fú wóyító ahá fée nkpa.” ³² Mú bebláa mva mu wóyító ahá fée aní Wíe Yesu asun wankláán ámu. ³³ Onyé-onyé ámu a, oyin ámu léyiá amó iwí nɔ amó benya bré amó bepítí amó ató ámu. Ɔleha amó bɔbɔ mva mu wóyító ahá ámu asú inunu. ³⁴ Obu adípúsú ɔkípu anfi lópu amó ya mu wóyító, ɔleyéha beniná ató há amó begyi. Iníá mva mu wóyító ahá fée bahɔ Bulu gyi su á, ansí lehie gyi amó.

³⁵ Mú ɔyi kehe a, asún agyípó ámu bɔwa ahá akítápú aku bée buyébláa obu adípúsú ɔkípu ámu bée, osíi ahá ámu abunatí.

³⁶ Mú su oyin ámu lébláa Paulo ɔbéé, “Asún agyípó ámu bapú ɔme sísí mí bée, nsíi fúa Silas amlinatí. Mú su mlinatí iwilwiito.”

³⁷ Táme Paulo lébláa ahá akítápó amu aku obée, “Bumegyi aní asón, támé banwén aní ató obontó. Romafó anígyí, támé bawá aní obu. Ntogyi su bodekléá bési aní njaintó? Ekekeke! Asón agyípó amu onutó bubá bele aní.”

³⁸ Ahá akítápó amu beyinkí yó yébláa asón agyípó amu. Bréá bonu ání Romafó Paulo mva Silas bugyi á, ifú lehíé kítá amó. ³⁹ Mú su boyóbwíi ípa há Paulo aná, bekpa amó dalí yókokóli amó bée budálí wúlu amó. ⁴⁰ Inu Paulo mva Silas benatí yó Lidia wóyító. Befia apíó ahógyipó amu inu, tói kplá amó, wá amó owonlín asa benatí.

17

Paulo Tesalonika Yó

¹ Bréá Paulo mva Silas benatí tsú inu bəyó á, buna Amfipoli pú Apolonia awulusu beba Tesalonika. Yudafó ofiakpa ku bu inu. ² Fé alhá Paulo təbwé brégyíbré á, ɔləyɔ ofiakpa inu ɔkpónú ɔdaké, mva amónyɔ bəyɔ Bulu ason wanlínhé amó. ɔləbwé mú alí tse sa són. ³ ɔləle Bulu asón ámó súná amó, dínká ibwí mósó obée, “Ilehián ání Kristo, (ahá ámó Bulu ladá mu ofúli amó), obówun iwɔsɪn wú, lákósú tsú afúlító.” ɔləyɔ mu asón ámósu obée, “Yesu anfi nde mu iwɪ asón blí anfi gyí Kristo amó nɪ.” ⁴ Paulo asón anfi ləwankí Yudafó ámó aku. Mú su bobuo mva Silas. Alí kén Griikifó Bulu asúmpó pú atsiá obú bu amósú tsətsətsə é bobuo amó ní.

⁵ Iní léha Paulo mva Silas iwí lówa Yudafó ámu olu. Mú su bekpa aha láláhe aku buo iwí tsú brónusu, bəpɔ ahá tsətsətsə yéhan agywɪn wúlu amó. Betsíí yó oyin ɔkuá butetí mu Yason wóyító, búde Paulo mva Silas dunká abubítia amó ba ɔdəm amó ansító. ⁶ Táme bumowun Paulo mva Silas. Mú su bebitía Yason mva ahógyipó amu aku ya wúlu ahande ansító, búde okitikíti bée, “Ahá anfi ná búde agywɪn háan ɔyító féé ní. Bawíé nfi, ⁷ Yason lahó amó yái mu wóyító. Amó féé búdekusú líí Roma Owíe Dehen mblasu. Tsúfé búde ahá bláa bée, owíe bambá ɔku bu inu, mu dá gyí Yesu.” ⁸ Bréá wúlu ahande pú ɔdəm amó bonu asón anfi á, ilehié han amó. ⁹ Táme bebití Yason mva mu aba ámu isɔ, beka íkɔ, ká ntam bée buméétrá han agywɪn, besi amó benatí.

Paulo Mva Silas Beroia Yó

¹⁰ Besi owí leta, ahógyipó amu beha Paulo mva Silas benatí yó Beroia wúlutó. Benya wíé inu alí, bəyɔ Yudafó ofiakpa. ¹¹ Yudafóá bubu wúlu anfitó botsulá hɔ asón ámu dun amóá bubu Tesalonika. Bəpɔ ansigyí hɔ Bulu asón ámu, tsíá yó Bulu ason wanlínhé amó ekekegyíéke kɪ bée, ɔnəkwali Paulo dé amó bláa. ¹² Yudafó tsətsətsə pú Griikifó atsi móa ayin ání obú bu amósú é bəhɔ asón ámósu gyi. ¹³ Yudafó ámó bubu Tesalonika amó bonu ání Paulo layó ɔde Bulu asón ámu ɔkan da Beroia. Iní su begya ɔkpa yó inu búde inufó ámu agywɪn yintá. ¹⁴ ɔsasɔ, ahógyipó amu bele Paulo lé wúlu amó ya ɔpɔ ɔnó, támé Silas mva Timoteo mú besi bubu inu. ¹⁵ Ahá ámó beyési Paulo ɔkpa ámu bekpa mu alí yówie Atene wúlutó. Bréá búdeyinkí á, Paulo lópu ɔme sísí Silas mva Timoteo obée, bəwáa ɔsa bətu mu.

Paulo Atene Yó

¹⁶ Bréá Paulo lési otsie ogyo Silas mva Timoteo Atene wúlutó á, inu tsiá lehíé han mu. Tsúfé olowun ání íkpɪ són bu wúlu amó. ¹⁷ Mú su ní ɔyó Yudafó ofiakpa inu á, mva Yudafó pú Griikifó ámó búde Bulu súm ámu butetsiá lé asóntó há aba. Alí kén mva dɪnsɔ atsiápó é betsiá tói tsú mó iwí ní. ¹⁸ Mva atiansipɔ akúá botsu Epikuro pú Stoak ɔpasuató* ba inu é betsiá bítí asón anfi. Amótó aku befité bée, “Ntɔ ɔkan ɔnótó ɔkapó anfi déda?”

* **17:18** Epikuro ɔpasuatófó bugyi aha akúá buteblí bée, ilehián ání ansi bégyi aní. Fowú á, ílatá. Stoak ɔpasuatófó é bée, mehián ání ansi bégyi aní dubidubi, awírehɔ é mákítá aní dubi.

Aha aku bele mó onó bee, “Idebwε fε ikpi aku iwι oδetoί tsú.” Tsúfε Paulo dε Yesu mva afúlikusú iwι asón okan da. ¹⁹ Móbó bekítá Paulo, kpá mu ya Areopago, igyi amó wúlu ahandε ofiakpa. Ahandε amu bebláa Paulo bee, “Anidéklé aniaa, futóí tsu fú atosunáhé pwpwe amu iwι suna anι. ²⁰ Animókónú asón ánfι kι. Mó su anidéklé aniaa, fuléε mótó suna anι.” ²¹ Tsúfε Atenefo pó afóóá bubu inu fée butamabwé tótó don asón aní ilaba nu pó mó blí.

²² Inu Paulo lókusú líí afiapu amu ansító obée, “Atenefo, nawun aní mlitehié tswε ikpi. ²³ Tsúfε iníá ndeki wúlu anfito fée á, nawun ntobí oduá mlitotswε. Nawun afódiε-asubwi kuá bowanlín dínká mósú bee, ‘BULUÁ ANIMÉYÍN Mu.’ Mó su Bulu ámóbú mlidésu, mlíméyín mu dá ámu iwι okan ndéda súná mli á. ²⁴ Bulu lóbwe oyí pó mótó ató fée. Mogyí osú móa así Owíε. Otamatsiá otswékpá aní anyánpósa ibi léyi mótó. ²⁵ Otamadúnká tótó tsú ohaa wá, ménι ibwε fε tóku tehían mu. Tsúfε mutéhá ahá fée nkpa, oné pó tógyítóá itehían amó. ²⁶ Móléha su ahá fée belin tsu obakóle pétó, oéha bekleí wá oyító fée. Móléha omá kugyíku otínéá butsie pó bréá bétsiá yófún. ²⁷ Olóbwe mó alí, ménι nyankpósa obódunká mu wun mu. Táme tekí oma ifó anito okuku wá. ²⁸ Tsúfε oku lébli obée, ‘Bulu su anitsie nkpa. Mu só anitekán iwι, anigyí alíá anigyí.’ Fε alíá mli ilu awapó aku beblí bee, ‘Bulu ahá aní é anigyí.’

²⁹ “Iníá Bulu ahá anigyí su á, animákí aniaa, Bulu gyí fε tunkuá nyankpósa lapó sika pepe, sika futútú ntée ibwi pwé mó alíá odeklé. ³⁰ Bímbí ámu a, ahá bomebi alíá Bulu gyí. Bulu lóbun ansíbi mósú, táme séi mó á, alabláa anyánpósa fée obée, budámli klontó. ³¹ Bulu lalé eke yáí aní obótsun ohá ámóbú alalé yáí ámu su gyi oyító ohagyíoha asón onakwalisu. Odeklé obée ahá bubú aní onakwali igyi. Mó só olókusúá ohá ámu tsú afúlitó ní.”

³² Iníá Paulo lótoí tsú afúlikusú iwι su á, aku bómási mu. Táme amótó aku beblí bee, “Anidéklé aniaa, fotráa ba afubebláa aní asón ánfι ku é.” ³³ Inu Paulo lókusú dálí ofiakpa inu. ³⁴ Táme ahá kpalobí ku bōhō Paulo asón ámu su gyi, bobuo mu. Amótó okule dá gyí Dionisio, oletsíá wúlu ahandε amoto. Mva otí okuá butetí mu Damari pó aha aku é.

18

Paulo Korinto Yó

¹ Iní oma a, Paulo lókusú tsú Atene yó Korinto wúluto. ² Olóyóto Yudayin okuá butetí mu Akwila, bōkwí mu Italia omanti kuá butetí mó Pontoto. Akwila mva mu ka Priskila beba Korinto inu mākówá opá. Tsúfε alí bré ámu to á, Roma Owíε Klaudio lagya Yudafo fée lé Roma wúluto. Paulo lóyo amó wá. ³ Tati-obubí abwepó amó é bugyi. Mó su Paulo létsiá amó wá, mva mōnyo betsiá bwé tati-obubí ámu fε. ⁴ Okpónó odaké kugyíku á, Paulo tōyó Yudafo ofiakpa yéle Bulu asón ámu to wankláán súná Yudafo pó Griikifo ámu, ménι bōhō Yesu gyi.

⁵ Bréá Silas mva Timoteo botsu Makedonia bōto Paulo a, olesi agyómá ámu yo, pó Bulu asón ámu okanda kóún bwé mu gyumagyihe. Oletsíá gyi adánsie súná Yudafo ámu obée, Yesu gyí Kristo, (ohá ámóbú Bulu ladá mu ofúli amu) ní. ⁶ Táme bōmōhō mu asón ámu. Bókusú líí musu, síá mu. Mó su Paulo lófwi ibi lé amó asóntó, bláa amó obée, “Tsú nde poya a, nalé ibi mli asóntó. Ní lowu mlidéklé a, íbá mli su. Néyébláa ahá aní bomegyí Yudafo mboún Bulu asón.” ⁷ Iní su Paulo lédalí Yudafo ofiakpa inu yétsiá oyin okuá butetí mu Tito Yustus wóyító. Megyí Yudayin oyin ámu gyí, táme ogyi Bulu osúmpó. Mu wóyí ibu mantáa Yudafo ofiakpa inu. ⁸ Táme Krispu aní ogyi Yudafo ofiakpa inu ohandε mva mu wóyítófó fée mó bōhō aní Wíε Yesu gyi. Korintofó ámu tsotsotsó é bohogyi, bōbō amó asú.

⁹ Eke oku onyé á, Paulo lówun ató. Mótó á, aní Wie lébláa mu obée, “Mánya ifú. Yó mósó afuda asón ámu okan wole. Mákpa onó bun. ¹⁰ Tsúfé mía funyó ná. Jhaa méetalí bwé fú tótó. Mí ahá botsó wúlu anfitó.” ¹¹ Mú sù Paulo létsiá Korinto inu súná ahá ámu Bulu asón ofi okule móa ifun.

¹² Bréá Galio létsiá Roma owíe otsiákpá, ode Griikifó oasasi omanti kuá butetí mú Akaiasu kí a, Yudafo ámu bóbwe onó-okule, kítá Paulo, pú mu ya mu ansító. ¹³ Bée, “Oyin ánfí dé ahá asukpan suná obée busúm Bulu tsun okpa aní ilokuso líí aní mblasusu.”

¹⁴ Paulo lénýa bwíí onó obée amotó alí Galio lébláa Yudafo ámu obée, “Ní tsitsa ntée lakpan ku oyin ánfí labwé á, tekí ibu aléá néyaa asu nú mli asón.

¹⁵ Táme iníá adá pú mli onutó mbla iwí asón iwí nwéen mlidégyí sù á, mliyo amlíyebli mó. Mméegyí asón ánfí odu.” ¹⁶ Múú oleha begya amú lé asón ogyíkpá inu á. ¹⁷ Ahá ámu fée bowunáa kítá Sostene aní ogyí Yudafo ofiakpa inu ohande, dá mu inu. Táme Galio mótsu koku lé mótó.

Paulo Yínkí Yó Antiokia

¹⁸ Paulo létsiá ahógyipu amu wá Korinto yófun bré ku. Múú oleklá amó, muá Priskila pú Akwila benatí yó Kenkrea wúlutó. Paulo lékpa mu nwun Kenkrea inu, púsúná aní alamó ntam kuá oleka onó. Múú botsu ntsusu-yibi pú báyó Siria omátó á. ¹⁹ Bréá bowie Efeso wúlutó á, Paulo lénatí sí Priskila muá Akwila, yó Yudafo ofiakpa, muá Yudafo ámu bude asóntó le há aba. ²⁰ Bokokóli mu bée, otráa tsia amú wá kpalobí, omotsulá. ²¹ Táme bréá odedali oyó á, olebláa amó obée, “Ní Bulu lótsulá á, néyinkí ba mli wá.” Inu olowie ntsusu-yibitó tsú Efeso inu natí.

²² Bréá olekplí Kaesarea a, obodu yó Yerusalemlé yéha opasua ámu tsiá. Múú oleyinkí kplí yó Antiokia a. ²³ Oletsíá Antiokia inu kpalobí. Mú oma a, olenatí inu beki Galatia pú Frigia osulósu, ode akasípó amu Bulu asón bláa, pówá amó owonlín.

Apolo Bulu Asón Okanda Efeso Múa Korinto

²⁴ Alí bré ámotó á, Yudayin okuá butetí mu Apolo laba obu Efeso wúlutó. Bókwií mu Aleksandria, wúlu aní ibu Egipte omátó. Oyin tóí, oyin Bulu asun wanlínhé amu é wankláán. ²⁵ Bosuná mu aní Wie okpa ámu. Mú sù Yesu iwí onokwali amu blí tēhíé wá mu ansigyí. Táme Asú Obópó Yohane asúbó ámu pé oyin. ²⁶ Apolo ménya ifú. Olówa klón súná ató Yudafo ofiakpa inu wankláán. Bréá Priskila muá Akwila bonu mu asun blíhé a, bekpa mu yáa wóyító yósuná mu Bulu okpa ámu wankláán dun alíá oyin yaí. ²⁷ Bréá Apolo lóbwe agywun obée, obóyo Akaiá osulósu á, ahógyipu amu bowa mu ateto-onlín. Bowanlín owuló sísí inu ahógyipu bée, buhóó mu wankláán. Bréá oloyówie inu á, olehié bóa ahá aní ina Bulu awitalesu bahó Yesu gyí. ²⁸ Apolo muá Yudafo ámu begyi Bulu asun wanlínhé amu iwí nwéen, olotóí lé asóntó túmisu pógyi amósó. Olópu Bulu asun wanlínhé amu súná amó aní Yesu gyí Kristo, (ohá amóó Bulu ladá mu ofúli amu).

19

Paulo Bulu Asón Okanda Efeso

¹ Bréá Apolo bu Korinto a, Paulo lódu yótsun osósó awúlusu bedali tíí Efeso. Olótu akasípó aku inu. ² Múú olefité amó obée, “Mlilénýa Jhe Wankíhé bréá mlilóhogyi?”

Bele mú onó bée, “Animókónú kí aní Jhe Wankíhé ku bu inu.”

³ Paulo létrá fité amó obée, “Asú māmú bóbó mli?”

Bele mú onó bée, “Yohane asú ámu bóbó aní.”

⁴ Paulo lébláa amó obée, “Yohane lóbó ahá aní badámlí klontó asú. Olebláa amó obée buhóó ohá amóó obuo mu obá ámuvsu gyí. Mugyí Yesu.”

⁵ Bréá ahá ámu bonu asón ánfí á, beha bóbó amó asú aní Wíe Yesu dátó. ⁶ Mó oma a, Paulo lópu ibi dínká amó nwunso, Ɔhe Wankíhé leba amósú. Beblí oblí bámbá, blí Bulu onó asón é. ⁷ Amó fée bóbwe ayin dúanyo.

⁸ Paulo lélatsiá yó Yudafó ofiakpa inu. Ɔlɔwa klɔn tóí lé asóntó súná amó tsra asa kéké. Omenya ifú, méní bóho asón amóó ɔdeblí tsú Bulu iwíegyi íwí ámu su gyi. ⁹ Táme amó aku bowa klɔnto odwin, buməho mu asónsú gyi. Bətoí wə aní Wíe Ɔkpa amóó Paulo dé amó súná ámu ahátó inu. Mó su Paulo lékpa akasípó amó náti, oletsíá súná amó ató oyin ɔkúá butetí mu Tirano ató ɔkasíkpá. ¹⁰ Paulo lósuná amó ató nfínyo kéké. Mó su Yudafó pú Griikifó aní bubu Asia ɔmátó fée bonu aní Wíe asón ámu.

Skewa Abi Asón

¹¹ Bulu lótsun Paulosu bwé ofúla akpɔnkpɔntí ku. ¹² Ahá bəkulá mu adúkubi pú mu íwiso ató yédínká aləpuso, benya ɔlɔtsá, ɔhe laláhe é lədalí ahátó. ¹³ Yudafó aku é bubu nsiné inu buna bodeki gya ɔhe laláhe lé ahátó. Bowa klɔn beɛ, bópu aní Wíe Yesu dá gya ɔhe laláhe lé ahátó. Mó su bəklón wa ɔhe laláhe beɛ, “Dalí Yesu amóó Paulo dé mu íwí asón ɔkan da ámu dátó.” ¹⁴ Igyí ahapó ɔhande ɔkúá butetí mu Skewa abi yinhé abasíénó létsiá bwé iní.

¹⁵ Eke ɔku ɔhe laláhe léfité amó ɔbéɛ, “Nyin Yesu, nabí Paulo, mli é mé, amendi mligyi?” ¹⁶ Ɔhá amóó ɔhe laláhe bu mutó ámu lótu wíé amótó, dá amó, títi amó atadié fée. Inu amó fée bəpu amó yayá pú amó íwí nlə srí dalí wóyí ámutó. ¹⁷ Yudafó pú Griikifóá bubu Efeso inu fée bonu asón ánfí. Ifú lekítá amó. Mó su bəpu obú há aní Wíe Yesu. ¹⁸ Ahá amóó bohogyi amuto tsətsətsə bele amó lakpan blí. ¹⁹ Amótó aku bugyi okó aləpó. Botsu okó ámu nwuló ba bowa mó fée ogyá ahá ansító inu. Bobu amó nwuló ámu ibiá á, ɔbɔwe sika futútú mpím-aduenu (50,000)*. ²⁰ Ina aní Wíe Yesu túmisu mu asón ámu lenya ɔkpa kléi wankláán.

Demetrio Mva Mu Aba Ikó Le Wá Efeso

²¹ Asón ánfí fée oma a, Bulu Ɔhé ámu léha Paulo lóbwe agywun aní ɔbóyo Makedonia pú Akaia ɔsulóso, fówun ɔyo Yerusalem. Múó Paulo léblí ɔbéɛ, “Ní nowié inu á, ilehián aní néyékí Roma wúluto é.” ²² Mó su ɔlɔwa mu abúápu abanyó, bugyi Timoteo mva Erasto sísí Makedonia. Mu onutó olesi tsiá Asia ɔmátó kpaloí.

²³ Alí bré ámutó á, aní Wíe Ɔkpa amóó bode ahá suná ámu su asón kpɔnkpɔntí ku ləda Efeso inu. ²⁴ Oyin ɔkúá ɔtəbwé sika futútú ató, butetí mu Demetrio bu inu. Oyin ánfí təpó sika futútú bwé ɔkpi yilé Artemi† ɔtswékpa akusubi aní ɔlehan mu ɔtswékpa yilé ámu fé. Mva mu aba agyómá ánfí ayəpó butenyá kóba tsətsətsə tsú mótó. ²⁵ Ɔletí mu aba ámu pú ahá aní butəbwé agyómá ámu odu fia. Múó ɔlebláa amó ɔbéɛ, “Mí apíó, mliyin aní agyómá ánfí só aní fée anɔlawá alé ní. ²⁶ Yéɛ mltsie mliɔénu, mliɔéwúun tóá Paulo débwe? Alatá ahá bláa ta Efeso wúluto pú Asia ɔmátó fée fia ɔbéɛ, ɔkpi aní ahá bəpó ibi pwé bumegyí tətə. Alatá ahá onó mlé tá, bode mu asónsú hógyi. ²⁷ Megyi aní agyómá wule ibéyintá. Ɔhaa méetrá bu ɔkpi tsíhé Artemi ɔtswékpa yilé ámu. Ɔkpi ámu dá é bəfwí lé ɔyító. Táme tekí mgyí ɔkpiá ahá fée butətswe Asia ɔmátó pú ɔyító fée ní.”

²⁸ Bréá ɔdɔm amu bonu asón ánfí á, benya ɔbló, sórá okitikíti beɛ, “Ɔkpi kpɔnkpɔntí aní Efesofó ɔkpi Artemi gyí!” ²⁹ Kpokití ləda wúlu amuto fée. Ahá ámu bekítá Paulo abúopu Gaio mva Aristarko aní botsú Makedonia srí pú amó ya wúlu ofiakpa. ³⁰ Paulo onutó lékléá ɔbóyo ofiakpa inu, ɔyətóí kpala ɔdɔm amu, táme akasípó amu buməha mu ɔkpa. ³¹ Ɔmá ámutó ahande

* **19:19** Sika futútú mpím-aduenu (50,000) bóbwe ɔbakóle nfi lafakóle-aduasa (130) ɔkáká. † **19:24** Artemi gyí ɔkpi kpɔnkpɔntí ɔku dá.

akpɔ̀nkpɔ̀ntɪ akwá bɔgyi Paulo anyawíe é bɔwa obí lóyóbwií ɪpa há mɔ bɛɛ, ɔ́máyo ofiakpa ɪnɔ. ³² Kpokiti léda ofiakpa ɪnɔ. Anɪ bɛɛ alɪ, anɪ é bɛɛ alɪ. Amótó ahá tsɔtsɔtsɔ bɔmɛbɪ tóá swá befia ɪnɔ. ³³ Yudafɔ ámu akɔ bɔyo ofiakpa ɪnɔ. Bowutá Aleksandro sísí ɔbɔntɔ, bɔdɛ mɔ asón ání ɔyébli bláa. ɪnɪ sɔ Aleksandro lótsu ɪbɪ fúá, ɔbɛɛ amɔlɛ mɔ ɔnó. ³⁴ Táme bréá bowun ání Yudayin ogyi á, belasúra okitikíti, blí asɔn kua kɔlɛ dɔnhwírɪ anyɔ kéké bɛɛ “Ɔkpɪ kpɔ̀nkpɔ̀ntɪ anɪ Efesofɔ ɔkpɪ Artemi gyí!”

³⁵ ɪnɪ fɛ́ɛ ɔma a, wúlu ató ɔwanlínpó léha ɔdɔm amɔ bekpa ɔnó bun. Múó ɔlebláa amó ɔbɛɛ, “Efesofɔ ayin, ma méyín ání Efeso nfi gyí anɪ ɔkpɪ kpɔ̀nkpɔ̀ntɪ Artemi pó mɔ ibwi ámuó ɔlekpa tsú ɔsúsú ámu nwun? ³⁶ Ɔhaa má ɪnɔá ɔbétalí gyí asón ání ɪwɪ nwéɛn? Mlɪnya klɔn, ménɪ mlɪmóoko mli. ³⁷ Ahá ání mlɪlakpá ba nfi ánfɪtɔ ɔkɔkɔ mókúwí tɔtɔ tsú ɔtswékpa ɪnɔ. Bɔmákúbli asɔansɔ kúsú líi anɪ ɔkpɪ tsíhé Artemisɔ. ³⁸ Táme ní Demetrio mɔa mɔ aba agyómá ayɔpó amɔ bɛɛ bubu ɔkɔ ɪwɪ asón á, asón agyípo bubu ɪnɔ, asón ogyíkpá é bu ɪnɔ. Bétalí pó asón ámu ya ɪnɔ kpébli mú. ³⁹ Ní mlɪbɔ asɔn bambá kɔ tsía ɪnɪtɔ mó á, bétalí yébli mó ɔtíné ámuó anɪ fɛ́ɛ anɪtefia gyi asón ámu. ⁴⁰ Tsúfɛ ní anɪmékɪ wankláán á, abénɪya asón ání anɪlahan wúlu amɔ agywɪn ndɛ. Ní befité anɪ é á, anɪméenɪya asɔansɔ pólé mó ɔnó.” ⁴¹ Olenɪya blí asón ání tá alɪ, ɔleha amó fɛ́ɛ beɔasáín.

20

Paulo Yinkí Yó Makedonia Mɔa Griikifɔ

¹ Kpokiti amɔ ɔma a, Paulo léba beti akasípo amɔ fɛ́ɛ fia, tóí kplá amó, wá amó atɛtɔ-ɔnlɪn. Ɔlekplá amó asa ɔlɔpɔ ɔkpa yó Makedonia ɔsulósu. ² Oleki nsiné ɪnɔ ɔpasua ámuɔsɔ tóí kplá amó asa olobowie Griikifɔ ɔsulósu. ³ Oletsia ɪnɔ tsra asa. Bréá ɔlɔbwe agywɪn ɔbɛɛ, méfa ɔpɔ yó Siria ɔsulósu á, olowun ání Yudafɔ bɔdɛ mɔ téɛ abukita mɔ. Mú sɔ ɔlɔbwe agywɪn ɔbɛɛ mélayótsɔn Makedonia ɔsulósu. ⁴ Ahá ání bekpa mɔ ya ɪnɔ gyí Beroiayin Sopater, ogyi Piro mɔ bi; Tesalonikafɔ Aristarko mɔa Sekundo pó Derbeyin Gaio; amóa Timoteo pó Asiafɔ Tihiko mɔa Trofimo. ⁵ Alɪ ahá ání begyankpá yógyo anɪ Troa wúluto. ⁶ Israelfɔ begyi amó Bodobodo MátúhéNke ɔma a, anɪlétsia ntsusɔ-yibitɔ tsú Filipi wúluto. Anɪlénatɪ nkená owító. Ɛke núúsí a, anɪlóbɔtɔ nkpa agyápo amɔ Troa wúluto. Anɪ fɛ́ɛ anɪlétsia ɪnɔ nkensiénó.

Eutiko Tsinkí Tsú Lowuto

⁷ Kwasieda, igyi ndawótswí ámutɔ ɛke gyankpapɔ ntópwesɔ á, anɪléfia abégyi ató abatɔ fé alá anɪ Wíe lósuná anɪ. ɪnɪá Paulo dékléá ɔbénatɪ ɔyi kehe sɔ á, ɔlɔtɔí kplá amó alɪ yéha ɔyínsíné. ⁸ Nkandíɛ tsɔtsɔtsɔ bu ɔsúsú obu ámuó anɪléfia mótó ámutɔ. ⁹ Oyimbi ɔkwá butetɪ mɔ Eutiko lódu bian nfánsrí ɔnó, ɔdɛ asón ámu nu. ɪnɪá Paulo lótsɔí wá ɔpá sɔ á, didí lowie mɔ, fúru mɔ. Ɔlekpa tsú ɔsúsú abansóru saasɪ nfánsrítɔ ɪnɔ beɔa ɔsulótɔ. Bréá boyótsu mɔ a, alawú fɛ́ɛ. ¹⁰ Múó Paulo lékplí yó ɪnɔ, yémlí bun mɔsɔ, látá mɔ pútá, blí ɔbɛɛ, “Opúni mátsií mli, ɔhé bu mótɔ.” ¹¹ Paulo léyinkí dú yó ɔsúsú ɪnɔ, mɔa mɔ aba ámu nyo bebiabía bodobodo gyi. Ɔlɔyo mɔ tóí amɔsɔ alɪ yófɔn ɔyi kehe, ɔlénatɪ. ¹² Múó ahá ámu békpa kebi ámu ya wóyí á. Ansí lehiɛ gyi amó ání ɔbu nkpa.

Paulo Troa Tsu Yó Mileto Wúluto

¹³ Anɪlégyankpá yówie ntsusɔ-yibi ámutɔ ayó Aso wúluto yótsu Paulo ɪnɔ. Tsúfɛ Paulo léha anɪ ɪbɪ ɔbɛɛ, ɔbótsɔn ayabitɔ ɔkpa ká tíi ɪnɔ. ¹⁴ Bréá anɪa mɔnyɔ anɪléyɛfia aba Aso wúluto ɪnɔ á, olowie ntsusɔ-yibi ámutɔ, anɪléfa yó Mitilene wúluto. ¹⁵ Anɪlénatɪ ɪnɔ ɔyi kehe, anɪlókusú ɪnɔ yówie Kio. Ɛke nyɔɔsɪ a, anɪlókusú ɪnɔ yówie Samo wúluto. Mú ɛke sáásí é á, anɪlétrá kusú ɪnɔ yówie Mileto wúluto.

¹⁶ Paulo mékléá obéyintá bré Asia ɔmátó. Mú su ɔmekplí Efeso wúlutó, tsúfé ɔdekɔsí ání ní ɔbétalí á, obóyówie Yerusalem asa abɔgyi Pentekoste nke ámu.

Paulo Efeso ɔpasua Ahande Klá

¹⁷ Bréá anilóyowie Mileto wúlutó á, Paulo lówa abí sísí Efeso ɔpasua ahande ɔbéé, bubá bɔtu mu. ¹⁸ Bréá ahande amu bebefia mu a, ɔlebláa amó ɔbéé, “Mliyin alíá mía mliyno anilóputsiá tsú eke gyankpapu ání neba Asia ɔmátó. ¹⁹ Mliyin alíá neba iwiasí yó agyómá há mí Wíe, pú alíá Yudafo bókusú líí mísó, nowun ipian, su kóráá. ²⁰ Mliyin ání mmɔpu asón ání ibékpa mli nájín mli bréá neda Bulu asón ámu ɔkan dinsu pú mli wóyító. ²¹ Alíá nɔtói kplá Yudafo pú Griikifo fée mbée, busíi lakpan bwe abudamli ba Bulu wá, abubɔho aní Wíe Yesu gyi.

²² “Séi ánfí á, nɔyó Yerusalem, fé alíá ɔhe Wankíhé labláa mi. Mmeyín tóá ibéba misu inu. ²³ Táme múbá ɔhe Wankíhé tebláa mí wúlugyíwulusu, nyin gyí, asun wunhe pú obudí da gyo mí. ²⁴ Táme mmotsu mó asunbogya. Mboún alíá nómá agyómá ámuó aní Wíe Yesu léha mí ámu ɔnó. Agyómá ámu gyí, nébláa ahá Bulu awítale asun wankláán ámu.

²⁵ “Séi ánfí a, nyin ání mli ahá ánfí nebedá Bulu iwíegyí iwí asón ɔkan mli to ánfíto ɔkuku méetrá wun mi ekekekeke. ²⁶ Mú su nde mli bláa mbée, ní mli to ɔku ménya nkpa ání itamatá á, megyí mí su omenya. ²⁷ Tsúfé nabláa mli tógyítóá Bulu déklé ɔbéé mlibí.

²⁸ “Mú su mliki mli iwí pú ahá ámuó ɔhe Wankíhé lópɔwá mli ibito ámusu wankláán. Mlikpa Bulu ɔpasua ámuó ɔleyaí tsun mu onutó mu bi lowusu ámu wankláán. ²⁹ Nyin ání nenátí á, akvá bɔgyi fé nkpataku, bubu iyn béba bowie mli to, dá ɔpasua ámu sáín. ³⁰ Mli to aku óó bókusú, dámlí ɔnɔkwali amu póbítia mli to aku buo iwí. ³¹ Mú su mlida iwísu. Mlikain ání netsiá mli wá nfinsa sósón, pú ansí ntsú yíri iwí súná mli ató ɔpa onyé.

³² “Mú su séi á, ndepu mli wá Bulu mu awítale asón ámu to. Mu awítale asón ámu iwá mli ɔwɔnlín, iha amlídan, talí lu kínkín, amlinya ató ámuó ɔlehié yáí há mu ahá ámuó bamli mu kle amu. ³³ Bréá mbu mli wá á, mmepé ansí ɔhaa sika pepé, mu sika futútú ntée mu atósó. ³⁴ Mli onutó mliyin ání mí ibi anfi nɔpɔyó agyómá nyá tóá ide mía mí aba ámu hián fée. ³⁵ Natsun ɔkpagyíɔkpasu súná mli alíá mlópu ibi yó agyómá, púgyi ahá ání iwí ma amó ɔnlin buale. Mlikain aní Wíe Yesu onutó asun blíhésu. ɔbéé, ‘Bulu toyúlá ɔhá ání otekíé ató dun ɔhá ání bɔtekíé mu.’ ”

³⁶ Bréá Paulo lébli asón ánfí tá á, muá amónyo fée beda akpawunu bó mpái. ³⁷ Amó fée bosu bréá belatá aba pútá, klá aba. ³⁸ Tóá ilówa amó ahumiti gyí mó ámuó ɔleblí ɔbéé, mumeétrá wun amó ekekekeke ámu. Besi mu ɔkpa yówie ɔpu ɔnó, olowie ntsusu-yibito.

21

Paulo Yerusalem Yó

¹ Bréá anilégyí nkla tá á, anilówie ntsusu-yibito, náti laa yó Ko wúlutó. Eke nyɔɔsi a, anilóyo Rodo. Tsú inu á, aniléba Patara otsubúno. ² Anilénya ntsusu-yibi kuá iyó Foinike otsubúno, anilówie mótó. ³ Bréá ayó á, anilówun ɔsulúu kuá bɔtetí mó Kipro sísí. Anilési mó tswi binasu ifón, tsun yo Siria ɔmátó. Aniléyekplí Tiro otsubúno, tsúfé inó béle ntsusu-yibi ámu to ató ní. ⁴ Anilótu akasípó aku inu, anilétsiá amó wá nken síénó. ɔhe Wankíhé léle súná amó ɔbéé, Paulo máyo Yerusalem wúlutó. ⁵ Aní nke lɔfon, anilótúá aní ɔkpasu. Bréá anidénatí á, akasípó amu, amó aká pú amó abí fée beyési aní ɔkpa alí yówie ɔpu ɔnó. Inu á, aní fée aniléda akpawunu bó mpái. ⁶ Anilégyí nkla, anilówie ntsusu-yibi ámu to pú ayó, amó é beyínkí yó wóyí.

⁷ Anilédinká ɔpusu tsú Tiro alu bowie Ptolemai osubúno. Bréá anilówie inu á, aniléyeha ahógyipu ání bobu inu itsiá, anilétsiá amó wá ekewóle. ⁸ Ɔyi kehe a, anilókusú tsú inu ba Kaesarea osubúno. Anilóyɔswú Bulu asón ɔkan ɔdapó Filipo wóyí. Oyin ánfí gyí ahá abasiénó ámúú beɛ Yerusalem beɛ, butsáa ahande agyómá yɔ ámutɔ ɔkule. ⁹ Filipo bu abi tsihé abaná, bumakóyó ayin wá kɪ. Bulu ɔnósú atɔ́pú mu abi tsihé ánfí bugyi. ¹⁰ Anilégyí nke kpalobí inu. Eke ɔku Bulu ɔnósú atɔ́pú Agabo lótsu Yudea ɔmátó ba inu. ¹¹ Olenya bowie laa alí olotsu Paulo osiétó ɔfé klí mu onutó ibi pú mu ayabi. Múú ɔleblí ɔbéɛ, “Ɔhe Wankíhé ɔbéɛ, ‘Alí Yudafoá bobu Yerusalem béklí ɔhá ámúú ɔbu ɔfé ánfí, pú mu wá ahá ání bumegyí Yudafo ibito ní.’ ”

¹² Bréá anilónu asón ánfí á, ania ahá ámúú bobu inu ámu fée anilókokóli Paulo aniaa ɔmáɔ Yerusalem. ¹³ Inu Paulo léfité aní ɔbéɛ, “Ntogyi sú mlidésú, mlilahá iwí lawú mí alí? Mí mó á, megýí klí ámúú békíklí mɪ Yerusalem amu pé nalá iwí yáí há. Mboún nalá iwí yáí ání nówu aní Wíe Yesu su é.”

¹⁴ Paulo ɔnó lɔɔn aní. Mú su anilési mu tóí wa. Múú aniléblí aniaa, “Ibá mótó alíá aní Wíe déklé.”

¹⁵ Iní ɔma a, anilókulá aní ató du yó Yerusalem. ¹⁶ Ania Kaesareafo akasípó aku lóyɔ inu. Bekpa aní ya oyin ɔkuá butetí mu Mnason wóyító beɛ, aswí mu wá. Akasípó agyankpapu amutɔ ɔkule ogyi, otsú Kipro ɔmátó.

Paulo Yerusalem Wíe

¹⁷ Bréá anilówie Yerusalem inu á, ahógyipu amu bɔhɔ aní atúu. ¹⁸ Ɔyi kehe ania Paulonyɔ aniléyeki Yakobo. Ɔpasua ahande amu fée beba inu. ¹⁹ Paulo lówa amó ɔnó, ɔlebláa amó tógyítóá Bulu latsun musu bwé ahá ání bumegyí Yudafo. ²⁰ Bréá bonu Paulo asón ánfí á, amó fée bekanfó Bulu. Múú bebláa mu beɛ, “Opíó nu, Yudafo mpím-mpím ání badámlí klɔntɔ fée buɔde Mose mbala ámutɔ kinkíinkín. ²¹ Táme aku babláa amó beɛ, fasúná Yudafo ání bobu ɔmá bámbású fée fée, bumágyi Mose mbala ámusu. Ɔma é á, fée bumátin amó abí keté, bumágyi aní amándíé ésú. ²² Ibweɔbwéɔbwé á, ahá bónu ání faba nfi. Nkálí abóbwɛ tsú mú iwí? ²³ Abébláa fu tóá fubwée. Ayin abaná akuá bobu anitɔ baká ntam há Bulu. Ilehían ání bógyoráa iwí. ²⁴ Kpa amó ya, amlyɔgyoráa iwí. Ka amó atɔ yintáhé fée ikɔ, méní békpa amó nwun. Iní ɔbéha ahá fée bébɪ ání futegyi Mose mbala ámusu. Iní su fú iwí asón ámúú bonu ámu uma mótó. ²⁵ Anilawánlín ɔwuló sísí ahógyipúá bumegyí Yudafo dodo. Anilówanlín aniaa, anilablí ání bumágyi atogyiheá bapóhá ikpi. Bumágyi obugya pú ɔbwíá bapósa mɔ. Bumáwa atsi múa ayin asón é.”

²⁶ Mó su bréá ɔyí leke a, Paulo lékpa ayin abaná ámu ya, mua amúnɔ bɔyógyoráa iwí. Ɔlɔyɔ Bulu ɔtswékpa inu yéblí ekeá amó iwígyoráa amu ibómɔ ɔnó, ɔbéba bɔbɔ afɔɔɔ há amótó okugyíaku.

Paulo Kitá Bulu Ɔtswékpa

²⁷ Bréá nkeniénó ámu ibá bɔfon a, Yudafo akuá botsú Asia ɔmátó bowun Paulo Bulu ɔtswékpa inu. Ɔɔm amúú bobu wunsínésú inu ámu fée benya ɔbló Paulosu, bekítá mu. ²⁸ Bɔsurá okitikíti beɛ, “Israelfɔ ayin, mlídalí ba oo! Oyin ámúú ɔna ɔɔde ahá ató suná, yintá amó agywun ámu ní. Mudékusú líí ɔmá ánfí, Mose Mbala pú Bulu ɔtswékpa ámusu ní. Alakpá Griikifɔ kóráá ba Bulu ɔtswékpa wunsínésú nfi. Mú su alapó ifin da ɔwankíkpá amu.” ²⁹ Beblí mú alí, tsúfé bowun Efesoyin ɔkuá butetí mu Trofimo mua Paulo wúlu amutɔ dodo. Iní su bukí beɛ Paulo lópu oyin ámu yáa Bulu ɔtswékpa inu.

³⁰ Wúlu amutɔ fée leda kpokiti. Ahá bedalí tsu amó wóyító srí ba bekítá Paulo, bebitia mu dáli ɔtswékpa wunsínésú inu, fin iban ámu. ³¹ Bréá buɔde mu da, buɔdekléá bómɔ mu a, ɔku léyebláa Romafo isá akɔpó ɔhande ɔbéɛ, “Kpokiti ladá Yerusalem wúlutɔ.” ³² Inonu ɔhande amu lékpa isá akɔpó ámu aku pú amó

ahande aku besrí yó inu. Odám amu benya wun amó alí besi Paulo dá. ³³ Ohande amu lénatí yótu Paulo, òleha mu isá akópú ámu bekítá mu, wá mu íkan anyò. Múú òlefíté ahá ámu òbée, “Ma gyí oyin ánfí? Ntò alabwé?” ³⁴ Odám amu búde okitikítí, búde tótó. Aku bée alí, aku é bée alí. Okitikítí amu ònó lówa ònlín. Mú sù ohande amu mébí ònòkwálá íbù asón ámu tó. Iní sù òleha òbée, búkpá Paulo ya isá akópú ámu otsiákpá. ³⁵ Bréá bowie obu-ònó òdùkpá á, òdám amu búde iyin wa. Mú sù isá akópú ámu botsu Paulo wá nkònkò. ³⁶ Ahá ámu fée búbuo Paulo, búde okitikítí bée, “Mlíha awuna mò mu! Mlíha awuna mò mu!”

Paulo Iwí Ònóle

³⁷ Bréá bowie obu ámu ònó, bódu wíé amó otsiákpá inu á, Paulo lébláa ohande amu òbée, “Nobwíí ípa, mbláa fù asvanku.”

Ohande amu léfíté mu òbée, “Futonú Griiki òblí? ³⁸ Mú sù megýí fúgyí Egypteyin amúú òleha kpokiti lèda bré kutò, òlekpa ahá amópú mpím-na (4,000) buo iwí ya dimbísú ámu ní?”

³⁹ Inu Paulo léle mú ònó òbée, “Yudayin ngýi mí mú. Tarso ání íbù Kilikia òmátó bəkwíí mí. Megýí wúlubitò notsú. Nobwíí ípa, ha mí ambla ahá ánfí asón.”

⁴⁰ Isá akópú ohande amu léha mu òkpa. Mú sù Paulo léyelí obu-ònó òdùkpá inu, bwé ahá ámu íbì békasù. Inu lóto diin. Múú Paulo lébláa amó asón Hebri òblíto òbée,

22

¹ “Mí así, apíó aba, mliyaa asù mí anlè mí ònó amlínu.” ² Bréá bonu ání Hebri òblíto Paulo dètóí á, inu lóto diin. Múú Paulo lóyo mu asónsú òbée,

³ “Yudayin ngýi. Tarso wúluto bəkwíí mí Kilikia òsólósu, táme Yerusaleminfi bəyaí mí. Gamaliel lósuná mí aní anáin mbla ámu wankláán. Nəwa nsi Bulusúm iwí fé alíá mli é mlidé mu sùnm nde. ⁴ Ahá ání búna aní Wíe òkpa ánfísu á, nedínká amósú. Nəmə aku kóráá. Nəkitá amótó atsi móa ayin aku, kíklí amó yótswí obu. ⁵ Bulu igýí ohapú dehen pú Yudafo asón agyípú amu fée bétalí gyi asón ánfí iwí adánsie. Amó wá nòhò òwulò tsú pú nəya apíó ání búbu Damasko wúluto, mí anyekítá alí ahá ámu wa amó íkan, pú amó ba Yerusalemin, abubiti amó isù.

Paulo Klòntòdamli Iwí Asón Blí (Gyumagyihe 9:1-19; 26:12-18)

⁶ “Èkéá nəpu òkpa nəyó, nəta Damasko wúluto wie tá, íbóbwe fé òpa dódúanyəto á, òtsáwule pé, wanki kúá mú ònó ihíé bu ònlín, itsú òsúsú ləwankí wólí mísú. ⁷ Múá nówun a, nda òsólóto. Inu nonu òme ku. Òme amu léfíté mí òbée, ‘Saulo, Saulo, ntogýi sù fúdin mísú alí?’ ⁸ Inu nəfíté mbée, ‘Fú ma ní, Owíé?’ Múú òme amu lébláa mí òbée, ‘Mí Yesu, Nasaretyin amúú fúdin mísú amu ní.’

⁹ Mí aba amúú mía amónyò aníná ámu bowun wanki amu, táme búmonu asón ání òme amu dé mí bláa. ¹⁰ Nəfíté mbée, ‘Owíé, ntò mbwéé?’ Aní Wíe lébláa mí òbée, ‘Kusu, afuyò Damasko wúluto. Bébláa fù tógyítóá Bulu lahá fú òbée fubwéé.’

¹¹ Wanki amu ònó bu ònlín. Mú sù mmetrá wun tótó. Iní sù mí aba ámu lékítá mí íbì, kpá mí ya Damasko wúluto.

¹² “Oyin òkúá bútetí mu Anania, otenyá Bulu ifú bu wúlu amúto. Otegyi Mose mbla ámu sù wankláán. Mú sù Yudafo ání búbu wúlu amúto fée bútetí mu idayilé.

¹³ Oyin ánfí léba belí mí ansító, bláa mí òbée, ‘Opíó Saulo, bwii ansíbi afúkí ató.’ Inu sù mí ansíbi lobwíí, nowun mu. ¹⁴ Òlebláa mí òbée, ‘Aní anáin Bulu ámu léle fú yáí òbée, fubébi mu apé, afubí mu Bì Yilé Òbwepú ámu, afonu mu òme. ¹⁵ Tsúfé féba begýi mu iwí adánsie, bláa ahá fée asón ání fonu pú múá fowun. ¹⁶ Ntò fútráa fúgyo? Kusu kokoli aní Wíe, afuha abubò fú asú, òfwí fú lakpan fée lé.’

Paulo Bulu Asón Òkanda Òmátófo

17 “Bréá neyinkí yó Yerusalem wúluto nde mpái bə Bulu ɔtswékpa inu á, nowun ató. 18 Mótó á, nowun aní Wíe Yesu, ɔlebláa mí ɔbéé, ‘Wa ɔsa bwé, afɔdalí Yerusalem nfi. Tsúfɛ bɔmɔɔhɔ fú adánsiɛ ání fégyi tsu mí iwí.’ 19 Inu nebláa mu mbéé, ‘Mí Wíe, amó onutó buyin ání netsiá yó Yudafo ofiakpa yékítá ahá ání bɔhɔ fú gyi, dá amó, wá amó obu. 20 Buyin ání bréá bɔmɔ fú ɔdansiyin Stefano a, mbu inu. Nelií amó ɔma mbéé bɔmɔ mu, nɔhɔ ámu atadiɛ kóráá kítá.’ 21 Táme aní Wíe lébláa mí ɔbéé, ‘Nati, nówa fú fɔyɔ tsútsúútsú, ahá ání bomegyí Yudafo wá.’ ”

22 Ahá tsɔtsɔtsɔ amu beya asu nú Paulo asun blíhé alu bɔtu bréá ɔleblí ɔbéé, Bulu lówa mu ahá ání bomegyí Yudafo wá. Inu bɔsurá okitikíti kóklókúú, blí bɛɛ, “Mlile mu inu! Ima alá ɔbétsiá ɔsulúu anfi!” 23 Inu bɔsurá okitikíti, nyá ɔbló wóí amó atadiɛ tswi tsalífwi, kpá isi tswi wá afútó. 24 Múú isá akɔpú ɔhande amu lébláa mu ahá ɔbéé, “Mlikpa Paulo, amlipu mu ya mli otsiákpá. Mlipiti mu ató ɔbli ɔnɔkwali, abí tóá súá ahá ámu bɔde okitikíti surá mu nwunsu alí.” 25 Bréá beklí Paulo tá, bɛɛ abuda mu a, ɔlefíté isá ɔkɔpú ɔhande ɔkúá ɔlí mu wá ɔbéé, “Mbla leha ɔkpa ání mlipti Romayin oduá bɔmɔkógyi mu asón, há mu ipón ató?”

26 Bréá isá akɔpú ɔhande amu lónu asón anfi á, ɔleyébláa mu ɔhande amu ɔbéé, “Fakle afɔse wulu manta iwí. Sáa Romayin oyin ámu gyí oo!”

27 Múú ɔhande amu léba Paulo wá, befité mu ɔbéé, “Bla mí, lélé Romayin fɔgyi?”

Paulo lébláa mu ɔbéé, “Romayin ngyi.”

28 Múú ɔhande amu lébláa mu ɔbéé, “Mí mú á, ɔkɔ kpɔnkpɔnti neka asa nemlí Romayin.”

Táme Paulo lébláa mu ɔbéé, “Mí mú á, Romayin onutónutó ngyi.”

29 Inunu ahá ámuú bɛɛ abufite Paulo asón ámu féé badásáín. Ifú lekítá ɔhande amu onutó ó, bréá ɔleblí ání Romayin Paulo gyí asa alahá bawá mu ikan.

Paulo Yudafo Asón Agyípú Ansító Lú

30 Ɔyi kehe a, ɔhande amu lékléá ɔbébi tóá Paulo lóbwé, sú Yudafo bɔde asón kláa dínká musu. Mú su ɔleha bɔwá Paulo lé ikan amuto, ɔleha beti Bulu igyí ahapú dehen pú Yudafo asón agyípú amu befia. Múú ɔleha bekpa Paulo belí amó ansító.

23

1 Paulo lótsu ansí kɔ Yudafo asón agyípú amu díín. Múú ɔlebláa amó ɔbéé, “Mí apíó Israelfɔ, nyin mí klɔntɔ ání mmɔkótsiá nkpa laláhe Bulu ansító bɔtu nde.” 2 Múú igyí ɔhapú dehen Anania lébláa ahá ámuú bulí mantáa mu amu ɔbéé, budáa mu ɔnósó. 3 Inu Paulo lébláa mu ɔbéé, “Fú Bulu ɔbéda. Fabwé iwí fé buntíiá bakpá mó afá futútú, fabetsiá así féé fɔpu Mose Mbla gyi mí asón. Fude ahá bláa féé budá mí ansító. Fú mó megyí mbla ámu fatón a?”

4 Aha akúá bulí mantáa Paulo befité mu bɛɛ, “Bulu igyí ɔhapú dehen fudesia alí á?”

5 Paulo lébláa amó ɔbéé, “Mí apíó, mmeyín mbéé, mɔgyí Bulu igyí ɔhapú dehen. Tsúfɛ bɔwanlín wá Bulu asón ámuú bɛɛ, ‘Máblí ɔhá ání ɔde fú ɔmáso gyí iwí asun laláhe.’ ”

6 Bréá Paulo lówwun ání Yudafo asón agyípú amuto aku bɔgyi Sadukifo, aku é bɔgyi Farisifo á, ɔbɔsurá okitikíti asón ogyíkpá inu ɔbéé, “Mí apíó, mí anfi nlí á, Farisiyin ngyi. Mí anáin é á, Farisifo bɔgyi. Mí é nohogyi ání awupú bɛlakósó. Mó ndeblí su bakpá mí ba asón ogyíkpá nfi ní.”

7 Olenya blí alí pé, ahá tsɔtsɔtsɔ amuto leye anyɔ. Farisifo ámu pú Sadukifo ámu bɔwa aba nwéengyí bi. 8 Tsúfɛ Sadukifo bɔteblí bɛɛ, kusú tsú afúlito koku má inu. Bulu-abɔpu pú ɔhe laláhe kuku é ma inu. Táme Farisifo mó bohogyi ání

íní fée bu ɪnu. ⁹ Iní léha nwéén amu ɔnó lehié wá ɔnlɪn. Mbla asunápóá bugyi Farisifo bókúso líí blí bée, “Animókówun tsitsa kuku oyin ánfí ɪwí. Fíalí ɔhé ku ntée Bulu-ɔbɔpu ɔku lébláa mu.”

¹⁰ Nwéén amu ɔnó lehié wa ɔnlɪn, ideklé imli ikó. Inu isá akɔpú ɔhande amu lénya ifú ání bóbwe títi Paulo. Mú su ɔlebláa isá akɔpú ámu ɔbée, “Mliwa ɔsa kpa Paulo ya mli otsiákpá ɪnu.”

¹¹ Mú onyé á, aní Wíe lébelí Paulo wá, bláa mu ɔbée, “Wa klɔn! Alí ánfí fagyi mí ɪwí adánsíe Yerusalem nfi á, alí kén fuyégyi mú Roma wúluto é ní.”

Paulo Mɔ ɪwí Agywun Kítá

¹² Mú ɔyi kéhe a, Yudafo ámu aku befia, kítá Paulo ɪwí agywun. Beka ntam bée ní bómókómó Paulo bóméegyí ató, bómóonu ntsu. ¹³ Ahá ámuó beka ntam amu budɔn adɔana (40). ¹⁴ Bɔyɔ Bulu igyi ahapó dehen pú Yudafo ahande wá, yébláa amó bée, “Anilahíe ká ntam aníaa, ní animókómó Paulo animéeda tɔtɔ ɔnó. ¹⁵ Mú su tásá anidéklé aníaa fɔa Yudafo asún agyípú amu mliwbée ha aní gyí, mlikí ansí wa abí sísí isá akɔpú ɔhande amu mliaa, ɔpú Paulo ba, amlɪlanu mu asóntó. Aniladá ɪwisu aníaa, obótsutsúa obowie nfi anilamó mu.”

¹⁶ Paulo mu bitepu ɔku lónu asún ánfí fée. Mú su ɔlesrí yó isá akɔpú otsiákpá ɪnu yówi tsá Paulosu. ¹⁷ Inu Paulo létí isá akɔpú ɔhande ɔku, bláa mu ɔbée, “Kpa ɔyasubi ánfí ya mli ɔhande wá. ɔde asɔanku, ɔbébláa mu.” ¹⁸ Isá akɔpú ɔhande amu lékpa ɔyasubi ámu ya amó ɔhande wá, yébláa mu ɔbée, “Obu ɔdípú Paulo ɔbée, nkpa ɔyasubi ánfí ba fu. ɔde asɔanku, ɔbébláa fu.”

¹⁹ ɔhande amu lékítá ɔyasubi ámu ɪbí, kpá mu yáa itsétó yéfíté mu ɔbée, “Amansu fubu ání fébláa mí?”

²⁰ ɔyasubi ámu lébláa mu ɔbée, “Yudafo ahande babwé agywun bée bépina wa abí fú wá bée, fukpá Paulo ba obowun amó ɔke, abɔlanu mu asún ámuɔtɔ wankláán. ²¹ Táme máhɔ mósú gyi, tsúfé amó ayin ání budɔn adɔana (40) bée bɛnain ɔkpatɔ gyo Paulo, mó mu. Amó fée baká ntam bée, tɔtɔ méeda amó ɔnó, kpéfun bréá bamó mu. Fú nkɔle bugyo séi ání fótisulá kpá mu ba.”

²² Mú ɔhande amu léda ɔyasubi ámu ɔlá ɔbée, “Máyébláa ɔhaa fée fawí asún ánfí tsá mísú.” Olesi mu ɔkpa.

Paulo Le Ya Kaesarea

²³ Inu ɔhande amu létí isá akɔpú ahande abanyó, ɔlebláa amó ɔbée, “Mlié isá akɔpú lafanyɔ (200), mpɔnkɔsu adinkápú aduesienó (70) pú píá atswípú lafanyɔ (200) abukusu onyení dokwebátó yɔ Kaesarea. ²⁴ Mliha Paulo mpɔnkɔ, odinká amósú yɔ. Mlikpa mu, amlíha mu oyowie ɔmású ogyípú Felike wá pisii.”

²⁵ ɔhande amu lówanlín ɔwuló mántá musu ɔbée,

²⁶ “Mí Klaudio Lisia dé ɔwuló ánfí wanlín sísí fú, ɔmású ogyípú onumnyampu Felike. Nde fú itsiá ha. ²⁷ Nde fú ɪbí ha ání Yudafo lékítá oyin ánfí, bɔdekléá bómɔ mu, táme mía isá akɔpú tsɔtsɔtsɔ anilýóhɔ mu lé amó ɪbí. Tsúfé nonu ání Rodayin ogyi. ²⁸ Ndeklé mbée, nébí tásá ɔlɔbwe. Mú su nɔpu mu ya amó Yudafo asún agyípú ansító. ²⁹ Inu nowun ání amó mbla ɪwí nwéén bɔdegyí. Mú su ɔmókúbwé lakpan kukuá bómɔ mu, ntée bówá mu obu. ³⁰ Táme ɔku laba bowi tsá mísú ɔbée, Yudafo ámu aku babwé agywun bée bómɔ mu. Inú nɔbwe agywun mbée, nɔpu mu sísí fú. Nabláa mu anyabá ámu é mbée bupú amó asún ba fu. Nafon nfi. Nehá fú itsiá gyágyágyá.”

³¹ Isá akɔpú ámu bɔbwe dínká amó ɔhande asun blíhésu. Onyé-onyé ámu bekpa Paulo kɔnkɔnkɔn alí yówie Antipatri wúluto. ³² Bréá ɔyí leke a, beha mpɔnkɔsu adinkápú amu bekpa mu yáa Kaesarea, ayabitɔ anatípú amu beyinkí yó amó otsukpá. ³³ Bréá mpɔnkɔsu adinkápú amu boyówie ɪnu a, bɔpu Paulo pú ɔwuló ámu wá ɔmású ogyípú amu ɪbitɔ. ³⁴ ɔmású ogyípú amu lékla ɔwuló ámu, ɔlefíté Paulo ɔbée, “Nkónu yin fuyi?” Bréá ɔlebi ání Kilikia ɔmátó Paulo otsú á,

³⁵ ǎlebláa Paulo ǎbéé, “Ní fú anyabá ámu beba á, nónu fú ǎnó asón.” Inu ǎlebláa amó ǎbéé, búpú Paulo yəwa Owíe Herode wóyító, abugyo mu iwí.

24

Paulo ǎnótin

¹ Nkenú ǎma a, igyí ǎhapó dēhen Anania mba Yudafó ahande aku pú Mose mbala ǎbúpó ǎkúá bütetí mu Tertulo beba Kaesarea. Beba bekla asón áni búbu tsu Paulo iwí súná ǎmáso ogyípó Felike. ² Beti Paulo belí. Mú Tetulo lékla mu asón ǎbéé,

“Onumnyampu Felike, fahá iwilwii laba ǎmá ánfító. Fú nyánsa lalá ató tsotsotsó bwé aní ǎmá ánfító. ³ Fú bwehé legyi aní ansí ǎtínegyíótíné. Fúdé ató bwe. ⁴ Mmedéklé mbéé néyintá fú bré tsotsó. Mú su nokókóli fú, nya klun ha aní, afunu aní asón tinbí ánfí. ⁵ Anilawun áni ató oyintápó oyin ánfí gyí. ǎtéhá kpokiti tedá Yudafó ǎyító ǎtínegyíótínéá ǎtəyó. ǎtráa ogyí Nasaret ǎpasua ámu Bulu igyí ǎhapó. ⁶⁻⁷ Alakle ǎpu ifin da Bulu ǎtswékpa inu, asa ǎkláa ogyá anilékitá mu. * ⁸ Ní fú onutó fəfité mu a, fówun áni asón ánfí anidéblí tsú mu iwí ánfí fée bu mótó ntée ima mótó.” ⁹ Inu ámu fée botsulá mósó beé, asón amó ablabí ámu bu mótó.

Paulo ǎnóle Felike Ansító

¹⁰ ǎmáso ogyípó Felike lóbwe Paulo ibi ǎbéé, ǎlé mu ǎnó. Inu Paulo léblí ǎbéé, “Nyin áni fude asón gyí ǎmá ánfító ilawá ǎpá. Iní su ibu mí ǎdwe áni néle mí ǎnó fú ansító. ¹¹ Nobwí ípa, fétalí fité nú áni ibu mótóá nəyó Yerusalem yósum Bulu, iməkúdu nke dúanyó. ¹² Mí anyabá ánfí bumowun mía ǎhaa agyi nwéen Bulu ǎtswékpa inu. Bumowun mí anha kpokiti ida Yudafó ofiakpa kuku ntée ǎtinetine wúlu amotó. ¹³ Buma asuansuá bópugyi adánsie áni amó asón ánfí bu mótó. ¹⁴ Táme natsulá áni ntosúm aní anáin Bulu tsun aní Wíe ǎkpa ámuú bude mó ti ǎpasua laláhe amusu. Nəhə Mose Mbala ámu pú móá Bulu ǎnósó atóipó amu bəwanlín tswi é féesó gyi. ¹⁵ Nde ǎkpa kú fə alíá amó é bude ǎkpa kú áni Bulu ǎbókusóa aha yilé pú aha laláhe fée tsú afúlitó eke kó. ¹⁶ Iní su ntəbó mbódí áni mí klun méetsiá há mí pón Bulu mba anyánkpusa fée ansító brégyibré.

¹⁷ “Iníá nedali Yerusalem ilawá ǎpá á, nayínkí ba inu, napó atokiehé neba mí ahá abupəha ahiánfó, mí anha Bulu igyí. ¹⁸ Mú ǎbwekpá mbu Bulu ǎtswékpa inu. Bréá nəgyuráa iwí tá amándíé ámu ǎnó á, beba bətu mí inu. Megyí mía ǎdəm kuku lýo inu. Kpokiti kuku é meda inu. ¹⁹ Yudafó aku botsu Asia ǎmátó ba búbu inu. Ní nəbwe itó laláhe ku á, teki amó kúráá ǎbéba bebláa fú, mía amúnəyó abéblí mú. ²⁰ Ní ibówa alé kúráá á, ha ahá ánfí onutó abubli tsitsa oduá Yudafó asón agyípó amu bowun mí iwí, bréá bəpu mí ya amó ansító. ²¹ Asun kua kole péá nəkplón blí bréá nlí Yudafó asón agyípó amu ansító gyí, ‘Mlídé mí asón gyí nde, tsúfə nohogyi áni awupó bəlakósó tsú afúlitó.’ ”

²² Iníá onumnyampu Felike yin aní Wíe ǎkpa ámu wankláán su á, olotu asón ámu híé. ǎleblí ǎbéé, “Ní isá akəpó ǎhande Lisia ǎbá nfi á, nówun alíá nómə asón ámu ǎnó.” ²³ ǎlebláa isá akəpó ǎhande ámu ǎbéé, ogyóo Paulo iwí wankláán, ǎha mu otsia iwilwiito. ǎhá mu aba ǎkpa abuki musu.

Paulo Felike Mba Mu Ka Drusila Ansító Lú

²⁴ Nke kpalobí ku ǎma a, Felike mba mu ka Drusila áni ogyi Yudayintse beba. Felike léha bəyékpá Paulo ba, ǎləbətó tsú mu hógyi áni ǎbu Kristo Yesuto iwí súná amó. ²⁵ Táme bréá ǎdetó tsú yilébwe, iwisugyí pú Bulu asón ogyíké amóú ibá ámu iwí á, ifú lekítá Felike. Mú su ǎlebláa Paulo ǎbéé, “Ku yinkí asa.

* **24:6-7** Iní bu nwóló dada amu akotó: Anilóbwe agywun áni abópu aní onutó mbala gyi mu asón. Táme isá akəpó ǎhande Lisia ləpu mu túmi bəhə mu lé aní ibito. Mú ǎma a, ǎlebláa aní ǎbéé, apó mu asón ba fú.

Nenyá bré wankláán kú á, nélatí fú.” ²⁶ Bré ámutò fée Felike lékí òkpa ání Paulo obódunká tǎkú beha mu ònó. Mú sù ɪbù nù bù ɪnù á, alapina wa abí bayéti Paulo, mva monyò batóí.

²⁷ Nfínyò òma a, Felike lénatí. Porkio Festo lébetsiá mu obiásó. ɪniá Felike déklé òbée, mu asún ɪwá Yudafo ámu òdwe sù á, olesi Paulo wá obu nátí.

25

Paulo Roma Owie Okpa Wá Yò

¹ ɔmá sú ogyípó Porkio Festo lébetsiá obiásó Kaesarea. Mú eke sáásí a, òlòdò yó Yerusalem. ² ɪnù Bulu igyí ahapó dehen pò Yudafo ahande akú bòpù Paulo ɪwí asún yótswí mu ansító. ³ Bòbwe agywun ání bógywa obúun òkpatò, mú Paulo. Mú sù bógykúli Festo bée, òpù Paulo ba Yerusalem. ⁴ Táme Festo lébláa amó òbée, “Paulo da obu Kaesarea wúlutò dodo. ɪmòowa òpá mí é néyinkí yó ɪnù. ⁵ Mliha mli ahande amu akú abubuo mɪ yò ɪnù, abuyebli tsitsa oduá alabwé.”

⁶ Festo létrá tsiá Yerusalem nkekwe ntée nke dú asa oleyinkí yó Kaesarea. Olowie ɪnù á, òlòwa bógypù Paulo ba, oletsiá asún ámusu òyi kehe. ⁷ Paulo lénya wíe ɪnù alí, ahande amó botsu Yerusalem ba amu bekafia mu, kla asún tsòtsòtsò dínká musu. Táme bumetalí nyá tǎtò púsúná ání asún ámu ɪbù mótó. ⁸ Mú Paulo léle mu ònó òbée, “Mmókútín Yudafo mbla kùkù, ntée bwé tǎkù pò ifin da Bulu òtswékpa amu ntée pò lalahé kùkù é gyi Roma owie dehen.”

⁹ Festo déklé òbée mu asún ɪwá Yudafo ámu òdwe. Mú sù òlefíté Paulo òbée, “Fúdeklé fée fýyò Yerusalem, mí anyegyí fú asún ɪnù?”

¹⁰ Paulo léle mú ònó òbée, “Roma Owie Dehen asún ogyíkpá nli. Nfi ilehián ání bégyi mí asún. Fú onutó fuyin ání mmókúbwé Yudafo tǎtò. ¹¹ Ní natón mbla, ilehián lowu á, mmókútín òkpa mbée bumámò mí. Táme ní asún ánfí Yudafo babli dínká mísú anfi ma mótó á, òhaa má òkpa ání òbòpù mí wá amó ɪbitò. Mú sù mú bupù mí asún ya Roma Owie Dehen onutó ogyi mú.”

¹² ɪnù Festo mva mu ahande bógy abriwa wá. Mú òlebebláa Paulo òbée, “Fú onutó fée, Roma Owie Dehen ogyí fú asún. Mú sù abòpù fú ya mu wá.”

Festo Agripa Paulo ɪwí Asún Bláa

¹³ Nke kú òma a, Owie Agripa mva Berenike beba Kaesarea. Beba beha Festo nwunkpa. ¹⁴ Betsiá ɪnù wá òpá. Mú sù Festo lébláa amó Paulo ɪwí asún. Òbée, “Felike lówa oyin òkú obu nfi, olesi mu wá nátí. ¹⁵ Bréá ngyò Yerusalem a, Bulu igyí ahapó dehen pò Yudafo ahande beba bebli asún tsòtsòtsò dínká musu, bláa mɪ bée nháa mu ipón, abumò mu. ¹⁶ Táme nebláa amó mbée, ‘ɪma aní Romafò amándiétò ání béha òkú ipón, nkétí mva mu anyabá bafia gyi asún.’ ¹⁷ Mú sù ekeá mía Yudafo ámu anilóbowie Kaesarea nfi á, mmesi wá obiátó. ɔyi kehe kótóò neha bógypù oyin ámu ba, netsiá asún ámusu. ¹⁸ Nkí mbée mu anyabá ámu bénya tsitsa kú tsú mu ɪwí, táme bumenya. ¹⁹ Mboún amó Bulusúm pò Yesu òkúá alawú tsun, táme Paulo òbée, òtráa otsie nkpa ɪwí asún budebítí. ²⁰ Mú sù mmowun alá ngyò asún ámutò. Nefité Paulo mbée, obótsulá abgyò Yerusalem, yégyi asún ámu ɪnù. ²¹ Táme òleblí òbée, mudekléa mu asún ɪyó Roma Owie Dehen ansító. Mú sù neha bowa mu obu yófun bréá nòpù mu sísí Roma Owie Dehen.”

²² Mú Agripa lébláa Festo òbée, “Mí é ndeklé mbée nónu asún ánfí tsú mu onutó ònótó.” Festo lébláa mu òbée, “ɔke néha bòpù mu ba, òbele asún ámutò suna fú.”

Paulo Agripa Ansító Lú

²³ ɔyi kehe a, Agripa mva Berenike behíhie ɪwí, ɪsá akòpò pò wúlu ahande bobuo amó ba. Festo léha bekpa Paulo ba ɪnù. ²⁴ Mú òleblí òbée, “Owie Agripa

mu aha áni bafia nfi fée, mlilawun oyin áni olú? Yudafo áni bubu nfi pó Yerusalem fée bapu mu asón ba mi. Bee, mehián áni obétrá tsiá nkpa. ²⁵ Bréá nayo asón ámuta á, mmowun tás alabwé su boma mu. Táme mu onutó obée, mpóu mu asón ya Roma Owie Dehen. Mó su nabwé agywun mbée, néha bapu mu ya. ²⁶ Táme mmowun tsitsa kuku mu iwi áni nówanlín mántá musu bapu mu ya. Mó sú nakpá mu ba mli ansító ní, títriu fú Owie Agripa. Ndekléá atéte asón ámuta, otinéá ileyéyi a, mí anya aswanku wanlín sísí mu. ²⁷ Tsúfē nawun áni ima alá bapu obu adipó sísí, bumowanlín tás alabwé mántá musu.”

26

Paulo Iwi Onóle Agripa Ansító

¹ Móú Owie Agripa lébláa Paulo obée, “Nahá fú okpa, kusu le fú onó.” Paulo lótsu ibi fúá, lé mu onó obée,

² “Owie Agripa, nawun áni oklāa lawá mí ogyá nlí fú ansító, nde mí onó le tsú asón áni Yudafo bakla dínká mísú anfi iwi. ³ Múá ibu ansigyí kórāá gyí, foyin Yudafo amándié pó tás butegyí mó iwi nwéen fée. Iní su kókoli, nya klón afonu mí onó.

⁴ “Yudafo fée buyin mí tsiátó. Buyin alíá napsiá mí omátó tsú mí nyebito pó alíá napsiá Yerusalem wúluta. ⁵ Amó fée buyin mi dododo. Ní bodeklé a, amó onutó betalí blāa fú áni Farisiyin ngi wanklāán. Farisifo é butegyí Yudafo Bulusum mbla ámusu wanklāán dun opasua kugyíku. ⁶ Tás swá nde nlí nfi, fode mí asón gyí gyí, nde okpa kí áni Bulu obóbwe dínká mu asón ámutó aleka mó iwi ntam há aní anáin amosu. ⁷ Aní abusuan dúanyo ámu fée bapu ansí dínká ntam anfisú áni ibéba mótó há amó. Mó sú bode Bulu sum ekekegyíeke ní. Nanáin, ntam anfi sú Yudafo bode asón klāa dínká mísú n. ⁸ Ntogyi sú mli Yudafo áni mó mlimétalí hógyi áni Bulu obétalí kósóa ahá tsú afúlito?

⁹ “Teki mí óo nohogyiá nóbwe tógyitá nétalí pótin Yesu Nasaretyin amu gymagyihe okpa. ¹⁰ Iní gyí tás nóbwe Yerusalem n. Bulu igyí ahapó dehen amu beha mí túmi bee, nkíta Bulu ahá ámu tswi obu. Ní boma amó é á, mí é ntotsulá mbée bumóo amó. ¹¹ Netsiá yó Yudafo ofiakpa kugyíkuta, ntehá butekítá amó, bítí amó isu, híe amó butebli Yesu iwi abususu. Amó iwi obló su ntedínká amósú yó omá bámbású yékítá amó, bítí amó isu.

Paulo Iklvntadamli Iwi Asón (Gyumagyihe 9:1-19; 22:6-16)

¹² “Mó okpa eke oku Bulu igyí ahapó dehen amu beha mí nayo Damasko wúluta yóbwe ní. ¹³ Bréá nna okpató nayo á, Nanáin, iwe fē opa dóduanyoto, wanki ku lówanki tsú osósú wólí mísú. Ułowanki dun owi. Ułowanki wólí mía mí aba ámutó aniná ámusu. ¹⁴ Inu aní fée anilédida. Nonu ome ku Hebri oblito obée, ‘Saulo, Saulo, ntogyi sú fudin mísú alí? Iwi tó fudewa.’ ¹⁵ Móú nefité mbée, ‘Owie, fú ma n?’ Móú aní Wie léblāa mi obée, ‘Mí Yesu n. Mísú fudin ní. ¹⁶ Nabele iwi owan súná fú, méní fóbwe mí osumpó. Kusu, afuyebllāa ahá tás fawun tsu mí iwi nde, pó múá néle súná fú. ¹⁷ Nókó hō fú tsú ahá ámutó nde fú wa sísí, bogyi fú onutó ahá Yudafo pó amúá bumegyí Yudafo ibito. ¹⁸ Fóbwií amó ansí, bédali tsu oklúnto ba wankito. Féle amó tsú Satan túmi así ba Bulu wá, méní obési amó lakpan kíe amó, fówun bénya otsiákpá ahá ámutó Bulu latsun amó hógyisu bwé amó mu ahá amuto.’

Paulo Gyumagyihe Iwi Asón

¹⁹ “Nanáin Agripa, iní su nóbwe dínká ató ámutó nowun itsú osósú ámusu. ²⁰ Gyankpapo a, nayo Damasko wúluta. Mó oma a, nayo Yerusalem pó Yudea omátó fée. Nayo ahá ámutó bumegyí Yudafo ámu é wá. Neyéblāa amó mbée, busii lakpan bwe, abudamli ba Bulu wá, abotsia tsiátó áni ilosuná áni badamlí

kluntɔ. ²¹ Inɪ sɔ Yudafo ʔmɔ bekɪtá mí bréá mbɔ Bulu ʔtswékpa ɪnɔ bɛɛ bómbɔ mí ní. ²² Táme Bulu dé mí kpa alu bɔfɔn ndɛ. Mó sɔ nɪí nfi ndɛ, ndɛ mɪ nyebí-ahandɛ fée tʔá nawun bláa nɪ. Asón ʔní Mose mɔa Bulu ʔnósú ʔtɔ́pú amɔ beblí bɛɛ ɪbéba mótó kén ndɛblí. ²³ Bɛɛ, 'Ilehián ʔní Kristo, (ɔhá ʔmóú Bulu ladá mɔ ofúli amɔ) obówun ɪwɪsɪn wú, ménɪ ʔbóbwe ɔha gyankpapɔ ʔní ʔbókusú tsú afúlitɔ. ʔbópɔ wankɪ ba Yudafo pú ahá ʔní bɔmegyí Yudafo é.' "

²⁴ Bréá Paulo léblí ɪnɪ á, ʔmású ogyípú Festo lókplɔn wa Paulo ʔbéɛ, "Paulo, fú nwun layíntá! Fú ʔwɔlúbɪ dubɪdubɪ amɔ lahá fɔdɛ gbedé lɔ."

²⁵ Móú Paulo lébláa mɔ ʔbéɛ, "Onumnyampɔ Festo, mmedé gbedé lɔ. ʔnɔkwali onutónutó ndɛ mɪ bláa. ²⁶ Nanáin Agripa yin asón ʔnfi fée ɪwɪ. Nétalí bláa mɔ faan. Nahogyi ʔní megyí asɔn ɲáinhé igyi há mɔ, tsúfé bɔmɔbwe mó ɲáin. ²⁷ Nanáin Agripa, fɔhɔ Bulu ʔnósú ʔtɔ́pú asɔn wanlínhé amɔsɔ gyi? Nyin ʔní fɔhɔ mósú gyí."

²⁸ Inɔ Owíe Agripa lébláa Paulo ʔbéɛ, "Fahogyi fɛɛ fétalí dámlí mí bwé Okristoyin bré tinbí ʔnfitɔ?"

²⁹ Paulo lébláa mɔ ʔbéɛ, "Bré tinbí o, bré tsɔtsɔtsɔ o, mí mpái ʔní ndɛbɔ há Bulu gyí, fúa ahá ʔnfi mlídé mí asɔn blíhé nu ndɛ ʔnfi fée mléba bɔbwe fɛ mí. Táme bɔmáwa mɪ ɪkan ʔnfi mó."

³⁰ Inɔ á, Owíe Agripa mɔa ʔmású ogyípú Festo pú Berenike mɔa ahá ʔmóú bɔtsie ɪnɔ ʔmɔ fée bókusú dálɪ. ³¹ Beyélí ɪtsétɔ, ʔmó wɔlɛwɔlɛ bɔdɛblí bɛɛ, "Oyin ʔnfi mókóbwe tɔtɔá ilehián ha mɔ lowu ntée mɔ obuwa." ³² Móú Owíe Agripa lébláa Festo ʔbéɛ, "Tɛkɪ ní oyin ʔnfi méblí ʔbéɛ, Roma owíe dɛhɛn kóún ogyí mɔ asón á, tɛkɪ fétalí sí mɔ."

27

Paulo Pɔya Roma Wúlutɔ

¹ Bréá beblí alɪ tá á, bekɪtá agywun bɛɛ, abótson ʔpɔsɔ yó Italia ʔmátɔ. Bɔpɔ Paulo mɔa obu ʔdípú akɔ é wá Romafo ɪsá akɔpú ɔhandɛ ʔkɔá bɔtɛtɪ mɔ Yulio ɪbɪtɔ. ʔhandɛ ʔnfi bɔ Roma Owíe Dɛhɛn Augusto ɪsá akɔpú ʔpasuatɔ. ² Anilówie ntsusɔ-yibi kɔá ɪtsú Adramitio fón, ɪyó ʔpɔ ʔnɔ awúluá ɪbɔ Asia ʔmátɔ. Makedoniayin Aristarko, ʔtsú Tesalonika amɔ é bɔ ʔnɪtɔ. ³ ʔyi kɛhɛ a, anilélí Sidon ʔpɔ ʔnɔ. ɪsá akɔpú ɔhandɛ Yulio lówun Paulo nwe, ɔlɛha mɔ ɔlɔyɔ mɔ aba wá, ménɪ béha mɔ ʔtɔ́á ɪbéhián mɔ. ⁴ Anilókusú tsú ɪnɔ, afú lefia ʔnɪ ʔpɔ amɔsɔ. Móú anilóyɔtsɔn Kipro ʔsɔlúbɔ awunso fón, tsúfé afú ʔmɔ mɛdɛtsɔbɔn ɪnɔ mó. ⁵ Anilótson ʔpɔsɔ yótson Kilikia pú Pamfilia fónsú yówie Likia ʔsɔlúbɔ, Mira wúlutɔ. ⁶ ɪsá akɔpú ɔhandɛ amɔ lówun ntsusɔ-yibi kɔá ɪtsú Aleksandria wúlutɔ ɪyó Italia ʔmátɔ, ɔlɛlɛ ʔnɪ wá mótɔ.

⁷ Anɪdín ʔpɔ amɔsɔ pɔtɔɔ. Mó sɔ anilégyí nke tsɔtsɔtsɔ ʔkpatɔ. ɪlepian ʔnɪ asa anilówie Knido. Afú ʔmɔ méha ʔnɪ ʔkpa. Mó sɔ anilópɔ yótson mantáa Kreta ʔmá. Inɔ á, anilópukplí tsɔn Salmone wúlu ʔsaasí fón. Tsúfé afú mɛdɛtsɔbɔn ɪnɔ mó. ⁸ ɪnɪá anilótson ʔpɔ ʔnɔ-ʔnɔ kóráá ó á, ilepian ʔnɪ asa anilóbowie ʔtɪnɛkɔá bɔtɛtɪ ɪnɔ "Otsubúnɔ Wankláán," ɪbɔ mantáa Lasea wúlutɔ.

⁹ Nke tsɔtsɔtsɔ lóbɔtsɔn, nkeá bɔtɔpókli ʔnɔ kólí lakpansikíé é ɪlɔtsɔn. Nke ʔmɔtɔ é á, ʔpɔ amɔ ɪdɛda. Mó sɔ mósú tsɔn lɔwa ifú. Inɪ sɔ Paulo lótɔí kplá ʔmó ʔbéɛ, ¹⁰ "Mí awíé, nawun ʔní ní ʔniméki wankláán ʔnɪ ʔkpa ʔnfi natítɔ a, abóhulí ʔtɔ́ tsɔtsɔtsɔ. Megyí ʔtɔ́ pú ntsusɔ-yibi ʔmɔ wɔlɛ, ʔnɪ onutónutó é abésin mótɔ." ¹¹ Táme ɪsá akɔpú ɔhandɛ amɔ lóhɔ ntsusɔ-yibi ʔmɔtɔ ɔhandɛ pú mɔ wie asón sí Paulo. ¹² ɪnɪá otsubúnɔ ɪnɔ ɪma aléá abétsiá ɪnɔ nyankpɔtswíɛbɪ sɔ á, ʔmótɔ ahá tsɔtsɔtsɔ beblí bɛɛ abénatí ɪnɔ. ʔmó ʔnsí dɪn ʔní abóyówie Foinike, igyi Kreta otsubúnɔ, ɪbɔ owí ʔkplíwíékpá fón, tsíá ɪnɔ nyankpɔtswíɛbɪ amɔ.

Atsufú Kpə̀nkpə̀nti Ɔpɔsɔ Tsóvɔn

¹³ Inu afú kuá itsú gyɔpɔsɔ lówa tsóvɔn brɛvɔ bi. Inɔ sɔ ahá ámutɔ akɔ bosusúu ání amó agywun ámu békanáa. Mu sɔ belatsú símpíá itehá ntsusɔ-yibi telí tsukule wá ntsusɔ-yibi ámutɔ, bəpɔtsɔn Kreta ɔpɔ ɔnó-ɔnó. ¹⁴ Táme imɔwa ɔpá kuku afú kpə̀nkpə̀nti kɔ lókɔsú tsú Kreta ifónsɔ. Afú ámu dá gyí “Binas-owí-ɔdalíkpa-afú.” ¹⁵ Afú ámu lébefia anɔ. Iníá animétalí sánkíá ntsusɔ-yibi ámu sɔ á, anlési iwɔ há afú ámu, ɔpɔ ntsusɔ-yibi ámu náti. ¹⁶ Ɔpɔ mɔ sɔ yótson mantáa ɔpɔ nsíné ɔsɔlɔv kuá butetí mɔ Kauda asɔ. Ɔlɔwa ɔnlɔn asa betalí tsú ɔklɔnbi ámutɔ butɔpúlé ahá ání buɔe ntsu wie, isian ntsusɔ-yibi ámu ɔma amɔ wá yibi ámutɔ. ¹⁷ Inu ntsusɔ-yibi ámutɔ agyómá ayɔpɔ bebitía ɔklɔnbi ámu wá ntsusɔ-yibi ámutɔ. Bəpɔ ɔfé klí ntsusɔ-yibi ámu kínkínkín, ménɔ imémain. Benya ifú bɛɛ afú ámu ibótɔvan ntsusɔ-yibi ámu yówie Libia ɔsubúnɔ ɔsublútɔ. Mɔ sɔ beɛ tati ání isian ntsusɔ-yibi ámutɔ, ménɔ ntsusɔ-yibi ámu bənati pɔtɔ. Mɔ ɔó á, afú ámu lótsɔvan ntsusɔ-yibi ámu náti ɔwɔnlínsɔ. ¹⁸ Mɔ ɔyi kɛkɛ a, afú ámu ɔnɔ lɛhié wá ɔnlɔn. Mɔ sɔ bəwa amó atɔ suráhé lɛ wá ɔpɔtɔ bi. ¹⁹ Ɔkɛ sáásí a, beɛ ntsusɔ-yibi ámu iwɔ ntobí kugyíkúá amó ibi léda wá ɔpɔ amutɔ. ²⁰ Anitráa animédé owí mɔa ntsrakpabi wúun nke tsɔtsɔtsɔ, afú ámu ɔnɔ é itráa bu ɔnlɔn. Mɔ sɔ anɔ ansí metrá dínká tɔtɔsɔ dɔn lowu.

²¹ Nke tsɔtsɔtsɔ lɔtsɔn, ahá ámu butráa bumedé atɔ gyí. Inu Paulo lókɔsú líí amó féé ansítɔ, bláa amó ɔbée, “Mí awié, tɛkɔ ní mlɔlónu mí ɔmɛ, animénati Kreta ɔsubúnɔ a, tɛkɔ animókó befia ipian, hólɔ anɔ atɔ alɔ. ²² Táme séi á, mbláa mlɔ amlɔnu. Mlɔwa klɔn, tsúfé anɔtɔ ɔkuku móowu, ntsusɔ-yibi ánti wɔle obéyintá. ²³ Igye onyé á, mí Buluá ntosúm lówa mu ɔbəpɔ mí wá. ²⁴ Ɔlebláa mɔ ɔbée, ‘Paulo, mánya ifú. Ibwebwéébwé á, féli Roma Owíe Dɛhen ansítɔ. Bulu lawá awítale há fú. Mɔ sɔ alahɔ ahá ánti fɔa amónyɔ mlɔná ánti féé nkpa.’ ²⁵ Mɔ sɔ mí awié, mlɔnya klɔn, tsúfé mí ansí dɔn ání Bulu ɔbéha ibéba mótɔ fé alíá mu ɔbəpɔ labébláa mɔ. ²⁶ Táme ibwebwéébwé á, afú ámu ibéda anɔ ya ɔpɔ nsíné ɔsɔlɔv kɔsɔ.”

²⁷ Ɔkɛ dúanasɔ onyé á, afú ámu bu mósó ide anɔda yáa nsíné inu ɔpɔá bótetí mɔ Adriasɔ. Mɔ ɔyínsíné á, ntsusɔ-yibi ámutɔ agyómá ayɔpɔ bosusúu ání anɔlatá ɔsɔlɔv tɔ tá. ²⁸ Mɔ sɔ bəpɔ ɔfé kápɔ ɔpɔ amɔ oklú kɔ. Benya ayabi lafakule adɔanyɔ (120). Bré kpalobí ɔma bətrá kapɔ mɔ kɔ a, benya ayabi adukwebá (90). ²⁹ Ifú lekítá ntsusɔ-yibitɔ agyómá ayɔpɔ ámu ání abódɔ abutásɔ. Mɔ sɔ bɛda asímpi ánti butɔpókítá ntsusɔ-yibi líí ana kéké síán mɔ ɔma, sí mɔ wá ɔpɔ amutɔ. Bokokóli Bulu bɛɛ ɔyi ikée amó. ³⁰ Agyómá ayɔpɔ amɔ akɔ bekleá bésrí dalɔ ntsusɔ-yibi ámutɔ. Mɔ sɔ bekɔ ansí lé ɔklɔn kusubi ámu dínká ɔpɔ amɔsɔ híéé, fé símpi ámu buɔepɔsíán ɔklɔn ámu ɔnósɔ. ³¹ Táme Paulo lébláa isá akəpɔ ámu pú amó ɔhande ɔbée, “Ní ntsusɔ-yibi ámutɔ agyómá ayɔpɔ bumetsiá mótɔ á, mliméenya nkpa.” ³² Mɔ sɔ isá akəpɔ amɔ beka ɔklɔn kusubi ámu ɔfé tɔn, há afú lɔtsɔvan mɔ náti.

³³ Ɔyi ibá beke a, Paulo lóbwií ipa há amó féé ɔbée, bɔgyíi atɔ. Ɔleblí ɔbée, “Kwasieda anyɔ sóón ní, atogyihe mɛdínká mlɔ ɔwólɔ. Mlɔmókógyi tɔtɔtɔ. ³⁴ Nobwíí ipa há mlɔ, mlɔgyi atɔ ngɔa, ménɔ mlimóowu. Mlɔtɔ ɔkuku nwunsu-imi kule kóráá móɔfwɔ.” ³⁵ Paulo lótoí tá á, ɔlele bodobodo ipín, dá Bulu ipán amó féé ansítɔ, ɔlemain kɔ wá gyí bi. ³⁶ Inu anɔtɔ okugyíkú lówa klɔn gyi atɔ. ³⁷ Anɔ ahá lafanyɔ aduesienó-sie (276) bu ntsusɔ-yibi ámutɔ. ³⁸ Bréá amó féé begyi atɔ alíá betalí á, beɛ ayó ámutɔ ibɔ ntsusɔ-yibi ámutɔ ámu féé wá ɔpɔtɔ, há ntsusɔ-yibi ámu leta odwin.

Ntsusɔ-yibi Amɔ Bwiebwie

³⁹ Bréá òyí deké a, agyómá ayòpú ámu bowun ání òpú amu bámbi lowie òsulúu kúu, táme bómébi osubúnò oduá igyi. Inu bóbwe agywun bée békán ntsusu-yibi ámu ya inu. ⁴⁰ Mú su bekakáa símpi ámu tintin wa òputò. Besankí ntsusu-yibi ámu mpai é. Múu botsu tati yílé ámuú isian ntsusu-yibi ámu ansító ámu fúá, fia afú ámu, bòpú báyó òpú ònó. ⁴¹ Táme ntsusu-yibi ámu láyódu ñesíu, sin inu, òpú amu lèda wólí òklun amu òma máín-máín mú.

⁴² Isá akòpú ámu bóbwe agywun bée bómò obu adípú ámu fée, ménì òkoku méeputí dali, srí. ⁴³ Táme amú òhande léklé ání òbóhò Paulo nkpa. Mú su òmeha amú òkpa ání bómò obu adípú ámu. Táme òlebláa amú òbée, òhagyíoha ání òbétalí á, otúu wie òpú amutò, òputí dali. ⁴⁴ Òma a, òleha atráhe amu é bòdu dínká ntsusu-yibi ámu afónsu yówie ogbémgbesu. Amú fée begyi mbala ámuusu, báyó ogbémgbesu inu.

28

Malta Wúlutò Asón

¹ Aní fée anilédínká ogbémgbesu amusu. Òma asa anilébi ání òpú nsíné òsulúu kuá butetí mú Malta ní. ² Nyankpú détswíe, su atsalí bu inu. Táme inu atsiápú amu begyi aní buale dúdá ogyá òpú ònó inu há aní, aní fée anilétsiá mú asi. ³ Paulo lékpa ngayayibí òbée amupúwa ogyá ámutò. Sáa íbe bu mótó. Ogyá ámu okunkúu su íbe ámu lótswí yi Paulo òbiweto. ⁴ Bréá inu atsiápú amu bowun ání iwò ámu yí mu a, bebláa aba bée, “Ahá òmòpú oyin ánfí gyí. Ibo mótó ání aladálí òpú amutò, táme aní òkpí ámuú òtebití ísu ámu médékle òbée otsiá nkpa.” ⁵ Inu Paulo lówunáa íbì, iwò ámu lékpa wíe ogyá, táme tótò móbwe Paulo. ⁶ Amú fée besi bulí budekí. Bókí bée Paulo obópunya, ntée òbétin wu. Táme bréá belí wá òpá tótò méba a, beladámí amú agywun blí bée, “Òkpí òku òhá ánfí gyí.”

⁷ Òhande òku bu òsulúu ku òpú nsíné inu. Mu dá gyí Publio. Òlòhò aní atúu, kpá aní ya mu wóyító, anilétsiá mu wá nkensá kéké. ⁸ Alí bré ámutò á, owísó lakítá òhande amu mu sí, mu iwò latú; òda. Paulo léyekí mu, òlòpú íbì dínká muusu bó mpái há mu, iwí lówa mu ònlín. ⁹ Mú òma a, bòpú alòpúá bubu òsulúu amusu fée ba, Paulo létsa amú íbì. ¹⁰ Anilétsiá inu tsra asa, inufò ámu bowa aní numnyam, kíe aní ató tsòtsòtsò. Bréá anidénatí á, bòpú atóá íbèhián aní òkpatò fée sí aní òkpa.

Roma Wúlutò Yò

¹¹ Anilóyò òpú ònó yótsu ntsusu-yibi kuá ilatsiá inu nyankputswíebi amu fée. Itsú Aleksandria wúlutò. Besré atabí akúá bogyi òkpí yi ntsusu-yibi ámu ansító. ¹² Aniléyelí òpú nsíné òsulúu ku osubúnò, butetí mú Sirakus, anilétsiá inu nkensá. ¹³ Tsú inu á, anilóbomlí tsón bowie wúlu yílé kuá butetí mú Regiosu. Mú òyí kèhe a, afú ku lówa tsúun bí tsu ayasí fún. Nkenyó òma a, anilóyowie osubúnò kuá butetí mú Puteoli. ¹⁴ Aniléfiá ahógyipú aku inu. Bokokóli aní bée, atsiá amú wá nkensiénó. Anilókusú tsú inu á, anilóyò Roma wúlutò. ¹⁵ Apíó ání bubu Roma wúlutò bonu ání abá. Mú su amótó aku beba íbíá ogyíkpá, butetí inu Apia. Aku é beba òtínékuá butetí inu Afóò Òswíkpá Asa, íbu òkpatò befia aní. Bréá Paulo lówun amú á, mu ansí legyi, òlèda Bulu ípán.

Bulu Asón Òkanda Roma Wúlutò

¹⁶ Bréá anilóyowie Roma wúlutò á, Roma aban léha Paulo òkpa ání òbétalí yétsiá òtínéá odeklé, táme ísá òkòpú òku obógyo mu iwí brégyíbré.

¹⁷ Èke sáásí a, Paulo létí Yudafo ahandeá bubu inu fée fia. Múu òlebláa amú òbée, “Mí apíó, íbu mótóá mmòpú lalahé kùkùkù gyi mí òmátófò, mmeyintá aní anáin amándíe kùkù é. Táme aní ahande ání bubu Yerusalem bekítá mí ya Romafò. ¹⁸ Bóyò mí asúntó á, tèkí bekleá bési mí, tsúfé bomowun tsitsa kùkù mí iwí asa bée bómò mí. ¹⁹ Táme Yudafo ámu bómotsulá ání busíi mí. Amú bwehé

su nɔkɔlɪ ɔkpa mbée, Roma Owíe Dehen onutó ogyíi mí asón. Megyí bée mbu mí ɔmá iwɪ asvansu. ²⁰ Mú su natí mli fia ni. Tsúfɛ ɔhá ámbú Israelfɔ buɔe mu ɔkpa kí amu sù nda ikan anfitɔ.”

²¹ Amó é bebláa Paulo bée, “Animókóhɔ ɔwulɔ kuku tsú Yudea ɔmátó tsú fú iwɪ. Anɪ apíó Yudaɔ ámutɔ ɔkuku é mókútsú inu bebláa anɪ asun laláhe kuku tsú fú iwɪ. ²² Táme ha anɪ abɪ fú agywun. Tsúfɛ anɪyin ání ahá buɔeblí asun laláhe tsú Bulusúm ɔpasua ánfɪ fóbɔ mótó ánfɪ iwɪ ɔtínegyíɔtíné.”

²³ Mú su muɔa Yudaɔ ámu beɪie ekeá béfia. Eke ámu lófɔn a, Yudaɔ tsɔtsɔtsɔ beba befia Paulo wóyí inu. Paulo lɔtɔí kplá amó. Ɔlɔpɔ Mose Mbla pó Bulu ɔnósú atɔípú amu asun wanlínhé lé Bulu iwíegyi ámu iwɪ asóntó súná amó tsú nyankɪ pɔn owí. Ɔlɔbɔ mbódí ání ɔbédamlí amó abɔhɔ Yesu Kristo iwɪ asón ámusu gyi. ²⁴ Amótó aku bohogyi, táme aku bumohogyi. ²⁵ Amó wɔlɛwɔlɛ amu ɔnó mɔbwe kule, bɔwa asón ámu príu bɪ. Táme Paulo létrá bláa amó asun kua kule asa beɔdasáin. Ɔlebláa amó ɔbée, “Ɔhe Wankíhé lébláa mli anáin ɔnɔkwali amu tsun Bulu ɔnósú ɔtɔípú Yesaiasu. Ɔbée,

²⁶ ‘Yɔ ahá ánfɪ wá afɔyebláa amó fɛɛ,
Bónu lánú, táme bumóonu mú asi.

Béki láki, táme buméebi mú.

²⁷ Tsúfɛ klɔntɔ bu amó odwin.

Batílá asu, bun ansíbi é.

Ní megýí alɪ á, tekɪ bówwun ató

bónu asón,

amó agywun bóbwíi.

Bédamlí ba mí wá,

nétsa amó ɔlɔ.”

²⁸⁻²⁹ Paulo lómɔ mu asón ɔnó ɔbée, “Mú su ndekléá mlibú ání Bulu nkpahóɔ asón ámu lawíé ahá ání bumegyí Yudaɔ é wá dodo. Amó mú bóhɔ asón ámu.”*

³⁰ Paulo létsiá inu nfɪnyɔ kéké. Oletsíá mu onutó obu háihɛtɔ. Oletsíá hɔ afɔɔ ání beba besínáa mu fée. ³¹ Ɔlɔwa klɔn dá Bulu iwíegyi ámu iwɪ asón ɔkan, olosuná anɪ Wíe Yesu Kristo iwɪ asón é ahá fée ansító. Ɔhaa métin mu ɔkpa.

* **28:28-29** Mótó yée 29 bu nwulɔ dada amu akoto: Bréa Paulo léblí asón ánfɪ tá á, Yudaɔ ámu bɔkosú natí, amó wɔlɛwɔlɛ buna buɔe asón ámu nwéen gyí.

Ɔwulóá Paulo Lówanlín Sísí Romafo

¹ Mí Yesu Kristo osúmbi Paulo dé ɔwuló ánfí wanlín sísí mli Romafo. Bulu létí mí ɔbée, mbóbwe mu sumbí ɔyɔpó. Ɔléle mí yáí ání nédá mu asun wankláán ámu ɔkan.

² Bulu léhie asun wankláán ánfí yáí tsun mu ɔnósú atáipósu dodoodo, bɔwanlín mó wá mu asun wanlínhé amuto. ³ Asun wankláán ámu ɔlɔtɔí tsú mu Bi, ogyi aní Wíe Yesu Kristo iwi. Anyánkposá ɔkpasu á, ɔlɛlin Owíe Dawid abusuantɔ. ⁴ Bulu léle súná ání lélé mu Bi ní. Ɔlɔtsun Ɔhe Wankíhé túmitɔ kósóba mu tsú afúlitɔ. Mvgyí aní Wíe Yesu Kristo. ⁵ Ina musu Bulu lawá awitɔle lé mí mu sumbí ɔyɔpó, méní nékpa ɔmá bámbásúfɔ bóho mu gyi, nú mu ɔme. ⁶ Mli Romafo ánfí Bulu latí ɔbée, mlibóbwe Yesu Kristo klé é mlibu mótó.

⁷ Iní su mí Paulo nde ɔwuló ánfí wanlín sísí mliá mlibu Roma fée. Bulu lahié dwé mli, tí mli, pú mli bwé mu ahá. Nde aní Sí Bulu muá aní Wíe Yesu Kristo kokóli mbée, bvgyi mli buale, abuha mli iwilwii.

Paulo Bulu Ipánda

⁸ Gyankpapu a, nna Yesu Kristosu nde mí Bulu ipán da mliɔ okugyíɔku nwnusu. Tsúfé mli Kristo hógyi su mli dá de ɔyító fée. ⁹ Napó mí klun fée nde Bulu sún tsun mu Bi Yesu iwi asun wankláán ɔkan ámuó ndeda ámusu. Obégyi mí adánsie ání ntekáin mliɔ brégyíbréá nde mpái bɔ. ¹⁰ Ntetsiá kokóli mu ekekegyíeke mbée, ɔsúla finki ɔkpa ha mli, antali besináa mli nke ánfítɔ. ¹¹ Tsúfé idin mí ɔwólá mía mlinyɔ abéfia, méní nébeha mlénia Ɔhe Wankíhé atokiehé ání ɔbówa mli ɔwonlín. ¹² Móá ndeblí gyí, ní neba mli wá á, mí hógyi bówa mli ɔwonlín, mli klé é ɔbówa mí ɔwonlín.

¹³ Mí apíó, ndekléá neha mli bi ání nabwébwéébwé agywun ání nébesináa mli, táme tɔku de mí ɔkpa tíin bɔfun nde. Ndekléá néba inu bɔtɔí kplá ahá, méní bóho Yesu gyi, fé alíá nahá ahá bahɔ mu gyi ɔmá bámbátó. ¹⁴ Iní gyí tɔá ilehián ání nóbwe ahá féeɔtɔ ní. Ilehián ání nóbwe mó Griikifɔ pú ɔblí bámbá ablípó, atiansipɔ pú aha mimláhe féeɔtɔ. ¹⁵ Iní su mí ansí lapé ání nébláa mli ahá ání mlibu Roma wúluto é asun wankláán ámu.

Bulu Asun Wankláán Ámu Túmi

¹⁶ Bulu asun wankláán ámu ima mí péli. Tsúfé mógyí Bulu túmi ání ɔdepuho ɔhagyíɔha ání ɔlɔho Kristo gyi nkpa ní. Yudafɔ gyánkpa, asa ahá ání bomegyí Yudafɔ bubuo. ¹⁷ Tsúfé asun wankláán ámuɔ Bulu léle alíá ɔtɔbwé ɔha yilé ɔbwepó súná. Mó ɔsú-así fée ilí hógyisu. Iní Bulu asun wanlínhé amu leblí ní. “Ɔhá ání mu hógyi su Bulu latsú mu ání mu asún da ɔkpa obénia nkpa.”

Lakpan Ɔbwepó Ɔhagyíɔha Gyí Bulu Ansító

¹⁸ Bulu léle mu ɔbló súná tsú ɔsúsú. Olenya ɔbló ahá ání butamanyá mu ifú, bude lalahé bwe, bapó amó owuntɔlin bude Bulu asún ání igyi ɔnɔkwali ɔkpa tíin. ¹⁹ Bulu ɔbébití amó isu. Tsúfé tɔá ilehián ání bébi tsú Bulu iwi ida amó ansító dodo. Bulu onutó léle mó ɔwan súná ámu. ²⁰ Ibu mótó ání ɔhaa tamawun Bulu túmiá itamatá pú alíá ogyi. Táme tsú bréá Bulu lóbwe ɔyí ɔpá á, Bulu tsiátó menáin. Tsúfé mu atɔ bwehé lele mó súná wankláán ání ahá bétalí wun mó, póbí mu. Iní su ɔhaa má ɔnó kuku lé. ²¹ Boyin Bulu, táme bómɔwa mu numnyam ání iletsiá mu, bómɔpu ipán kuku é há mu. Mbuún tɔá ima así bótɔgywún tsu Bulu iwi. Butamatráa nu mu asún ámu así. Basin oklúntɔ. ²² Buteki amó iwi bée betin ansí, táme bemimláa. ²³ Basí Bulu ɔkiankpapɔ amu tswi, yó bude ikpi ání buma nkpa sún. Bɔpwe amó, ntée sré amó fé nyankpɔsa ání otowú, ntée mbubwi, ntée mbwi pú awɔ aku.

²⁴ Iní sù Bulu ladámlí ɔma há amó, basí bɔde atɔ laláheá bɔdeklé tsu amó klɔntɔ bwe, amóa amó aba bɔde iwí sɔpáa. ²⁵ Bɔtamatráa hɔ Bulu ɔnɔkwali amɔsɔ gyi. Asón ání uma mótɔ mboún bɔdehógyi. Iní sù bayó bɔde Bulu atɔ bwehé mboún sùm, sí atɔ fée ɔbwepó ámu onutó. Kanfó letsia mú bré fée! Amen.

²⁶ Amó bwehé ánfí sù Bulu lédamli ɔma há amó, bɔna bɔde hakpanla bwe. Amó atsi kóráá besi ayin wá dɪ, fɛ alíá ɪda yaí, amó wɔlɛwɔlɛ bɔda aba wá. ²⁷ Alí kén ayin é besi atsi wá dɪ fɛ alíá bɔtɔbwé mó yáí, bɔda aba wá ní. Hakpanla anfi bwe sù Bulu lébití amó ɪsɔ ání lɛkanáa ha amó, bɔde mó wúun ní.

²⁸ Iníá bakíná Bulu bɪ sù á, Bulu ladámlí ɔma há amó, bɔde asɔkpan susúu, bɔde tɔá uma aléá ɔha ɔbóbwe bwe. ²⁹ Lalahɛ són bɔ amótɔ. Iko gyí; lakpanbwe, opotsuawa, olu, ɔnsípe, ahámɔ, mblikpée, ahámlé, agywun lalahɛ bwe pú ahátsíi. ³⁰ Ahá ɔnótɪn, Bulu asónkiná, atómábú, ɪwɪtsú, ɪwɪ adábi da. Lakpan ɔkpagyáa, akwípósɔ kɔsólíi. ³¹ Bɔtamagywún, bɔtamagyi amó asɔn blíhésɔ. Bɔtamadwé ahá, bɔtamawun ahá nwɛ. ³² Iníá buyin ání Bulu mbla ámu losuná ání ɔhá ání otsiá atsiábi anfi odu obówu óó á, megyí ínɪ ánfí nkɔlɛ bɔdebwe. Bɔtráa bɔde lalahɛ abwepó é atɛtɔ-ɔnlɪn wa dínká mósó.

2

Bulu Tamakɪ ɔha Ansító

¹ Iní sù fúá fútsie fɔde fú aba ɪlá lɛ, fuma ɔnó kɔkɔ lé Bulu ansító. Tsúfɛ fɔde akɔ ɪlá lɛ, táme fɔde mó odu kén bwe. Mó sù ní fɔde amó ɪlá lɛ á, iwí pón fúdeha. ² Anɪyin ání Bulu ɔbéha ahá ání bɔde ínɪ odu bwe ɪpón. Anɪyin é ání mu asón da ɔkpa. ³ Mó sù ní fúde ahá ɪlá lɛ lakpan ání fú onutó fúdebwe sù á, bɪ ání Bulu é ɔbéha fú ɪpón. Fúmɛetalí kɔlɪ dalɪ mu ɪbɪ. Ntée fɔmeyín alí? ⁴ Bulu lalé mu yilé pú mu awɪtɔlɛ ɔwan súná fú, alanyá klɔn há fú, táme fɔmobu mu. Ntée fɔmeyín ání alíá fɛdamli klɔntɔ yínkí ba mu wá sù alalé mu awɪtɔlɛ súná fú? ⁵ Táme klɔntɔ bɔ fɔ odwin, asɔtɔ bɔ fɔ ɔnlɪn. Mó sù ɪsɔtɔbití ání ɪda gyo fú ekeá Bulu ɔnɔkwali pɔ obégyi asón ɪtráa démoní tsia. ⁶ Bulu ɔbéka ɔhagyíɔha iko mu bwehé ɔnó. ⁷ Akɔ bapó ansí dínká ání bénya numnyam, ɪdayilé pú nkpa ání ɪtamátá. Mó sù banyá klɔn bɔde yilé bwe ekekegyíeke. Amó Bulu ɔbéha nkpa ání ɪtamátá ní. ⁸ Táme akɔá bɔbɔ ɔnsípe, bakíná ɔnɔkwali amɔ pú yilébwɛ, bɔbuo lalahɛ mó á, Bulu ɔbópɔ ɔbló gyi amó asón, bití amó ɪsɔ wankláán. ⁹ Asɔn wunhe móa ɪwɪɔsɪn béba lalahɛ abwepó féesú. Ibégyankpá tó Yudafo, asa ɪbótɔ ahá ání bɔmegyí Yudafo. ¹⁰ Táme Bulu ɔbówa yilé abwepó numnyam, há amó ɪwilwii, trá ha amó ayɛ. Obégyankpá há Yudafo, asa ɪbótɔ ahá ání bɔmegyí Yudafo. ¹¹ Tsúfɛ Bulu tegyi asón ɔnɔkwali sɔ, ɔtamakɪ ɔhaa ansító.

¹² Ahá ámuó bɔmeyín Mose Mbla ámu, bɔde lakpan bwe ámu óó bófwɪ. Táme Bulu móɔpɔ mbla ámu gyi amó asón. Ahá ámuó buyin mbla ámu asa bɔde lakpan bwe ámu mó á, Bulu ɔbéli mbla ámu sɔ há amó ɪpón. ¹³ Tsúfɛ megyí ahá ání buyin Mose Mbla ámu asón da ɔkpa Bulu ansító. Mboún ahá ání bɔtegyi mósó. ¹⁴ Ibo mótɔá ahá ámuó bɔmegyí Yudafo bɔmeyín Mose Mbla ámu. Táme ní amó onutó bɔde mbla ámu sɔ gyí a, bɔdesuná ání buyin yilé móa lalahɛ amó klɔntɔ. ¹⁵ Amó bwehé ánfí desuná ání Bulu lówanlín mbla ámu dínká amó klɔnsɔ. Amó klɔn dɛ adánsɛ gyí ání lélé buyin mó. Tsúfɛ bré kɔtɔ á, amó agywun tɛhá amó ɪpón, bré kɔtɔ é á, ɪtɛhá amó asɔ. ¹⁶ Alí kén ɪbéba eke ámuó Bulu ɔbótɔsɔn Yesu Kristosɔ gyi tɔá ahá babwé njáintɔ iwí asón ní. Alí Kristo iwí asɔn wankláán ámuó ndɛ mó ɔkan da ámu ɪdesuná ní.

Yudafo Pó Mose Mbla

¹⁷ Fú fɛɛ Yudayin fɔgyi, fú ansí dɪn Mose Mbla ámu sɔ, fúde pɔ ɪbɪ sí kántó fɛɛ Bulu mu bɪ fúgyi. ¹⁸ Fuyin Bulu apé, tsúfɛ fakási Mose Mbla ámu. Mó sù foyin

tóá ịbụ alé. ¹⁹ Futekị fú ịwị ansibi abwiepó ọkpapó, fúgyi fẹ ọkandíe há ahá aní bomeyín Bulu, basin oklúntó. ²⁰ Fú fẹe fúgyi aha mimláhe ansí ọtínpu. Fétalí súná ahá aní bomeyín ọlala tóá ịbụ alé. Tsúfẹ fatsúlá fẹe Mose Mbla ámu su fabí tógyító, fabí ọnọkwali kugyíkú é. ²¹ Táme ịnịá fúde ahá yilé suná á, ntogyi su fómóosuná fú ịwị mó? Fúde ọkan da bláa ahá fẹe bómáwí ató, táme fú onutó fúde wí? ²² Fẹe bómátó mbua, táme fúde mbua tó? Fẹe bómásum ịkpí, táme fútowí ọkpási ató. ²³ Fútotsú ịwị Mose Mbla ámu su, táme fútepan mósó. Iní su fúde Bulu kpóí. ²⁴ Bulu asun wanlínhé amu lébblí ọbée, “Mlí Yudafo bwehé su ahá aní bomegyí Yudafo bude Bulu ịwị asun laláhe blí.”

²⁵ Ní mlídé Bulu mbla ámu su gyí á, mli ketétín bu labi. Táme ní mlitamagyi mósó á, mligyí fẹ ahá aní bometin keté. ²⁶ Ní ọkú mētín keté, ọde Mose Mbla ámu su gyí a, ogyi fẹ keté ọtínpu Bulu ansító. ²⁷ Mlí Yudafo mliyin mbla ámu, tsúfẹ bōwanlín mó tswi mli, betin mli keté é, táme mlitepan Mose Mbla ámu su. Mó su ọhá aní ọmetin keté kóráá, táme ọde mbla ámu su gyí ọbée mli ịlá. ²⁸ Tsúfẹ megyí keté ọtínpu gyí Yudayin onutó. Ketétín onutónutó bu ịnu. Megyí ọyulúsu ketétín keke. ²⁹ Ní ọkú gyí Yudayin onutónutó á, mu klúntó tósúná. Ketétín onutó itsú klúntó. Bulu Ọhẹ ámu tóbwé mó, megyí mbla ámu ọbō bōwanlín tswi amu su gyí. Ọhá aní Bulu Ọhẹ ámu iletin mu keté á, Bulu onutó tékánfó mu, megyí nyankpusa.

3

¹ Mómó labi mōmu Yudafo bubu dūn ahá aní bomegyí Yudafo? Ntée labi mōmu ketétín bu? ² Ịbụ mótóá labi ámu ihíe itsó! Gyankpapu gyí, Bulu lópu mu klunsu asón wá Yudafo ịbító. ³ Ịbụ mótó aní amótó aku bómọhọ Bulu asón ámu su gyí. Táme amó tsiátó anfi odu ịbétalí há Bulu ọbési tóá ọlẹhié aní ọbóbwe lóó? ⁴ Ekekeke! Megyí alí ịgyi! Ní afunupu ahá fée bogyi óó á, Bulu mó á, ọnọkwali pu ogyi. Igyi fẹ ahá Owíe Dawid lébláa Bulu ọbée, “Ní fátóí á, ahá bublí bẹe fú asón igyi ọnọkwali.

Ní begyi fú asón é á, bublí bẹe fú asón da ọkpa.”

⁵ Ní aní tsiátó laláhe lalé Bulu tsiátó wankláán súná á, mómó ní ọde aní ịsu bití aní tsiátó laláhe su á, nkálí abéblí? Abéblí aníaa, Bulu má ọkpa bití aní ịsu? (Nyankpusa asun blíhé ndéblí á.) ⁶ Ekekeke! Ima mótó alí. Ní Bulu asón meda ọkpa á, nkálí obégyi ọyító ahá fée asón?

⁷ Ọkú ọbéfíté ọbée, ní mí ọnọkwali máwá lalé súná aní Bulu bu ọnọkwali, ịlatsú mu dá fúá á, mómó ntó sú Bulu ọbétrá ha mí pón ọbée lalahe ọbwepó ngyi? ⁸ Ní igyi alí á, mómó ntó sú aníméebli aníaa, “Mlíha abwe lakpan, fówun Bulu tsiátó wankláán ịlín ọwan?” Fé alí ámu ọbó aku bude mí ọnó tūn bẹe, nna ndéblí ámu. Bulu ọbéha amó ịpón alíá ịlẹkanáa.

Ọhaa Mégyi Yilé Ọbwepó

⁹ Nkálí mēe abéblí pómó mó ọnó? Mó su aní Yudafo anidun ahá ámu ọbó bomegyí Yudafo ámu lóó? Ekekeke! Anímódun amó ọkpagyí ọkpasu. Nablí bōtsun mbée, ịkule Yudafo pó ahá ámu ọbó bomegyí Yudafo ámu fée bogyi. Tsúfẹ lakpan lagyi amó féesú. ¹⁰ Bulu asón lébblí ọbée, “Ọhaa asón meda ọkpa Bulu ansító. Ọbakóle kóráá médalí mótó.

¹¹ Ọhaa tamanú Bulu asón así;

ọhaa tamadúnká Bulu ọkpa.

¹² Amó fée badámlí ọma há Bulu,

ámó fée bafwí.

Yilé ọbwepó ọkoku má ịnu. Ọbakóle kóráá médalí mótó.”

¹³ Bulu asón ámu létá blí ọbée,

“Butekle asokpan blí.

Bótópó amó ọnó mlé ahá.

Amó ɔnótó asɔn blíhé tɔmó fɛ ɪwɔ elín.”

¹⁴ Bulu asón ámu létrá blí ɔbéɛ,
“ɪlwí pɔ asɔn-sɪnsín blí bɔtegyi dɪ.”

¹⁵ ɔlɛtrá blí ɔbéɛ,
“Ahámɔ ma amó ɔpá.

¹⁶ ɔtínɛgyíɔtínéá bɔna á, bɔdɛ ahá yintá, bɔdɛ ahá ipiantɔ wa.

¹⁷ Bɔmeyín ɔkpa ání ɪtɔpɔ iwílwii ba.”

¹⁸ Bulu asón ámu kɔ é lɛblí ɔbéɛ,
“Bɔtamanyá Bulu ifú.”

¹⁹ Séi á, anɪyin ání asóngyíasón ání Mose Mbla ámu losuná á, ɪda ha Yudafo ámuú bɔpɔ mbla ámu há ámu. Mú sɔ ɔkɔkɔ méenya ɔkpa lé asɔansɔ ɔnó bréá Bulu dé ahá fɛé asón gyí. ²⁰ Tsúfɛ Mose Mbla ámu sɔ gyí méɛtalí há ɔha ogyi asɔ Bulu ansító. Há mbla ámu ɪtɛhá anɪtɛbí ání lakpan abwɛpɔ anɪgyí.

Alá ɔha Tegyí Asɔ Bulu Ansító

²¹ Séi á, Bulu lasúná ɔkpa ání ɔtɔtsɔn músó há ɔha asɔ. Imená Mose Mbla ámu sɔ gyí sɔ. Táme Mose Mbla ámu pɔ Bulu ɔnósú atɔípɔ amɔ asɔn wanlínhé lɛblí ɔkpa ámu ɪwí asón yáí. ²² ɔkpa ámu gyí ɔkpa ání Bulu tɔtsɔn há ɔha asɔ mɔ ansító ní. Yesu Kristo hógyisɔ Bulu tɔtsɔn hɔ ɔhagyíɔha. Ma fɔgyi o, ma fɔmegyí o, nkónɔ fotsú o, nkónɔ fɔmotsú o, ɔhaa mótɔn ɔtsan Bulu ansító. ²³ Tsúfɛ ahá fɛé babwé lakpan. Mú sɔ bahólí Bulu numnyam. ²⁴ Awítɔlɛ Bulu lawá há anɪ. Mú sɔ nyankpɔsa obégyi asɔ mɔ ansító ní. Awítɔlɛ anfi ɪna Kristo Yesu sɔ. Múlɛka nyankpɔsa nwunsɔ ɪkɔ. ²⁵⁻²⁶ Anyánpɔsa bɔdɛ lakpan bwe tsú bré ɔpá, táme Bulu lɛnya klɔn há amó, ɔmɛbití amó ɪsɔ. Séi á, Bulu labɔpɔ Yesu bɔ afɔdɛ, pɔ mɔ obugya lé anɪ ɪwí mbusuo, ménɪ abótɔn mɔ hógyisɔ nyá lakpansikíé. Bulu lóbwe mú alɪ púsúná ání mɔ asón da ɔkpa, ménɪ ibósuná nke ánfɪtɔ ání yílɛ ɔbwɛpɔ ogyi. Ototsú ahá ání bɔhɔ Yesu gyi ání amó asón da ɔkpa mɔ ansító.

²⁷ Séi mé, tɔkɔ bu ɪnvá abótɔsɔ ɪwí músó? Tɔtɔ má ɪnv. Ntogyi sɔ anɪméɛtalí tsú ɪwí? Mose Mbla ámu sɔ lóó? O-o! Anɪ hógyi sɔ anɪméɛtalí tsú ɪwí. ²⁸ Megyí atɔ wankláán ámuú Mose Mbla losuná anɪ bwe ámu sɔ anɪtegyi asɔ Bulu ansító. ɪna Kristosɔ hógyisɔ abégyi asɔ Bulu ansító. ²⁹ Yudafo nkɔlɛ Bulu ógyi? Megyí ahá ání bɔmegyí Yudafo mú Bulu ogyi? Ee! Amó é amó Bulu ní. ³⁰ Bulu ɔkɔlɛ pé bu ɪnv. Mú sɔ ɪna hógyisɔ olotsulá ání Yudafo asón da ɔkpa. ɪna hógyi kénsú ɔlɔhɔ ahá ámuú bɔmegyí Yudafo ámu é ání amó asón da ɔkpa. ³¹ Mú sɔ ilehián ání abóhɔ Yesu gyi, sí Mose Mbla ámu sɔ hógyi lóó? Ekɛkɛkɛ! Megyí alɪ ɪgyi. Yesu hógyi téhá anɪtekítá mbla ámu tɔ kínkíínkín.

4

Abraham ɪwí Asón Lasúná Alá Hógyi Bɔ Labi

¹ Séi á, amansɔ anɪ Yudafo abéblí tsú anɪ náin Abraham ɪwí? Ntɔ olowun tsu Bulu aháhɔ asón ánfɪ ɪwí? ² Ní yílɛbwe sɔ Abraham légyi asɔ Bulu ansító á, mómú ɔbɔ tɔá ɔbópɔtsú ɪwí, táme megyí Bulu ansító. ³ Nkálí Bulu asɔn wanlínhé amɔ lɛblí? ɔlɛblí ɔbéɛ, “Abraham lóhɔ Bulu gyi. Mú sɔ Bulu lótsu mɔ ání mɔ asón da ɔkpa.” ⁴ Ní ɔkɔ ɔyɔ agyómá á, bɔteká mɔ ɪkɔ. Megyí atokiehé ɪkɔká ámu gyí. ɪgyi tɔá ilehián ání obénɪya tsú mɔ agyómá yɔtɔ. ⁵ Táme megyí ahá bwehé sɔ, mboún amó hógyi sɔ Bulu totsú amó ání amó asón da ɔkpa. Tsúfɛ Bulu téhá lakpan abwɛpɔ ání bɔhɔ mɔ gyi bɔtegyi asɔ mɔ ansító. ⁶ Owíe Dawid lɛblí oyúla asón ánfɪ kén dodo. ɔlɔtɔí tsú ahá ání Bulu mékɪ amó bwehé asa olotsu amó ání amó asón da ɔkpa ɪwí. ɔlɔwanlín mú wá Bulu asɔn ámu tɔ ɔbéɛ,

⁷ “Bulu layúlá ahá ání alási amó lakpan kíé amó,

alagyóra amó!

⁸ Ahá ámóú Bulu lasí amó lakpan kíé amó, ɔméetrá kaín mósú ámu bégyi ɔdwé!”

⁹ Keté atínpu nkɔle bú ɔdwégyi anfi Owíe Dawid dé mó iwí asón blí anfi? O-o! Ahá ámóú bɔmetin keté ámu é bɔbɔ mótó. Kain ání anilakla asɔankɔ Bulu asɔn wanlínhé amóto. Ania, “Abraham lóhɔ Bulu gyi. Mó sɔ Bulu lótsu mu ání mu asón da ɔkpa.” ¹⁰ Bré mɔmu Bulu lótsu mu ání mu asón da ɔkpa? Ɔletin keté asa lóó? Ekekeke! Bulu lótsu mu ání mu asón da ɔkpa dodoodo. ¹¹ Ɔma-ɔma asa ɔlebetin keté púhíe mu nsɔ. Ilosuná ání mu hógyi sɔ Bulu lótsu mu ání mu asón da ɔkpa. Iní sɔ ogyi fé ahá ámóú bɔmetin keté, táme bɔhɔ Bulu gyi, Bulu lótsu amó ání amó asón da ɔkpa ámu. Mó sɔ ogyi amó féé ɔsí ní. ¹² Ogyi keté atínpu amɔ é ɔsí. Tsúfé megyi amó ketétin sɔ, mboún amó Buluhógyi sɔ. Fé alí ámóú Abraham lóhɔ Bulu gyi asa betin mu keté ámu.

Tɔá Bulu Léhie Yáí Mu Ahógyipu

¹³ Bulu léhie Abraham mua mu abí-aná ání ɔyító féé ibóbwe amó klé. Megyi bée Abraham légyi Mose mblasɔ, sɔ Bulu léblí asón anfi. Táme iníá ɔlɔhɔ Bulu gyi, Bulu é lótsu mu ání mu asón da ɔkpa mu ansító sɔ. ¹⁴ Ní ahá ání bɔde Mose Mbla ámóto obégyi Bulu ató á, mómó ɔha Bulu hógyi igyi kpaali. Bulu nhíhíe há ɔha é ma labi kɔkɔ. ¹⁵ Tsúfé Bulu ɔbló mbla ámu tetí. Táme ní mbla má unɔ á, mblatɔn é ima unɔ.

¹⁶ Mó alí sɔ ina hógyisɔ ahá bétalí nyá atóá Bulu léhie yáí há amó. Atokiehé ámóú ɔbópɔhá Abraham abí-aná ámu ibéda amó ibí. Megyi ahá ání bɔtegyi mblasɔ nkɔle bú, táme ahá ání bɔhɔ Bulu gyi fé Abraham é. Tsúfé Abraham gyi aní féé ɔsí. ¹⁷ Fé alí ámóú Bulu asɔn wanlínhé amɔ ileblí ɔbéé, “Napó fú bwé ɔmá tsɔtsɔtsɔ ɔsí ámu. Abraham gyi aní féé ɔsí Bulu ansító.” Tsúfé olohogyi ání Bulu téhá awupó nkpa, ɔtehá tóá ima unɔ yáí iteba mótó fé tóá ibɔ unɔ yáí. ¹⁸ Bréá tɔto má inuá Abraham ɔbópɔ mu ansí dínká mósú á, ɔlɔhɔ Bulu gyi ání ɔbóbwe mu ɔmá tsɔtsɔtsɔ ɔsí alí ámóú ileblí yáí ámu. Bulu lébláa mu ɔbéé, “Fú abí-aná békleí fé ntsrakpabi.” ¹⁹ Alí bré ámóto á, Abraham lahɔ nfi lafakɔle (100). Mó sɔ aladan tsɔn kwíísú. Alí kén mu ka Sara é ɔkwíúpúni lawú, ɔméetrá kwíí ní. Oyin iní féé, táme ɔmekpa mu hógyi ɔma. ²⁰ Iní féé ɔma a, ome gyi nwéen ɔbéé, itó ámóú Bulu léhie mu amɔ iméeba mótó. Mboún ɔlekítá mu hógyito kínkíínkín, ɔlekanfó Bulu mó sɔ. ²¹ Tsúfé ɔhíe oyin ání Bulu ɔbétalí bwé itó ámóú alahíe há mu amɔ. ²² Mu hógyi anfi sɔ Bulu léblí ɔbéé, mu asón da ɔkpa ní. ²³ Megyi mu nkɔle sɔ bɔwanlín wá Bulu asón ámóto bée, “Bulu lótsu mu ání mu asón da ɔkpa.” ²⁴ Aní é, aní sɔ bɔwanlín mó. Ní anilóhɔ Bulu gyi a, obótsu aní ání aní asón da ɔkpa. Mɔgyi ɔhá ání ɔlókɔsúa aní Wíe Yesu tsú afúlitó. ²⁵ Aní lakpan sɔ Bulu léha beɛ mu há bɔmɔ mu. Bulu lókɔsúa mu tsú afúlitó, méní obótsu aní é ání aní asón da ɔkpa.

5

Isvgyi Bulu Ansító

¹ Aní hógyi sɔ Bulu latsú mó ání aní asón da ɔkpa. Mó sɔ aní Wíe Yesu Kristo lalá ania Bulunyɔ nsíné. ² Hógyi sɔ ɔkpa lafinkí há aní ngya. Iníá aní Wíe Yesu sɔ Bulu awítɔle anfi laba anisɔ, anilapó hogyi nyá ɔlúkpá ngya a, ihíe bɔ aní ɔdwé. Tsúfé anidín ansí ání abébenya mu numnyam amɔ kɔ. ³ Ansí itráa de aní gyi ání anidé ipian wúun. Tsúfé ipian téhá anitowá nsí. ⁴ Nsiwa téhá anitebí tsíá alíá ilegyi Bulu ansí. Ní abí tsíá alíá ilegyi mu ansí á, abédínká ansí musɔ. ⁵ Ansí pɔdínká Bulusɔ méeha péli méekítá aní. Tsúfé Bulu lótsɔn Ɔnye Wankíhé ámóú ɔbópɔhá aní ámusɔ pú mu ɔdwé wá aní klɔntɔ.

⁶ Bréá anitráa anigyí lakpan abwepó, animá ɔwɔnlín á, Kristo lóbowu há aní lalahé abwepó bréá Bulu onutó léhiɛto. ⁷ Ní ɔko asón da ɔkpa kúráá á, ibówa

ɔnlɪn asa ɔku obótsulá wú há mv. Fialɪ ɔha yilé mó á, ɔku ɔbówa klɔn wú há mv. ⁸ Táme tóá ilosuná aní Bulu tɛhíé dwé anɪ gyí, bréá anɪgyí lakpan abwɛpó á, ɔlɛha Kristo lóbowu há anɪ. ⁹ Ina Yesu Kristo obugya amúbú ɪlɔwólí asɪ ámvu Bulu lési anɪ lakpan kíé anɪ, tsú anɪ aní anɪ asón da ɔkpa. Kristo sɔ ɔbéle anɪ kokooko. Ɔméébití anɪ ɪsɔ lakpan abwɛpó ɪsɔ-ɔbitíké amv. ¹⁰ Tɛkɪ Bulu alupó anɪgyí. Táme tsúbɔn mv Bi ámv lowusɔ á, alabwé anɪ mv anyawíe kláklá. Iníá anɪlabwé mv anyawíe sɔ á, ɔbóhɔ anɪ nkpa kokooko. Tsúfé Kristo é bu nkpa. ¹¹ Megyí mó wɔle. Múá ɪtráa dɔn kúráá gyí, anɪdé ɔdwɛ gyí. Tsúfé anɪ Wíe Yesu Kristo lálá ania Bulunyɔ nsíné. Mó sɔ anɪlabwé Bulu anyawíe.

Adam Mva Kristo

¹² Adam nkɔle bwehé sɔ lakpan léba ɔyító. Mv lakpan ámv sɔ lowu léba ɔyító. Inɪ sɔ lowu lénya túmɪ ɔhagyíɔhasɔ, tsúfé ahá fée babwé lakpan. ¹³ Lakpan bu ɔyító asa Bulu lópv mv mbla ba Mose. Táme bréá Bulu mókópó mbla ámv ba mv a, olobun ansíbi lakpansɔ. ¹⁴ Tsú Adam brésú bɔtv Mose brésú lowu legyi iwíe anyánpósa féesú. Ƭbu mótó aní bɔmɔtɔn mbla kɔkv fé Adam, táme amó é bowu.

Akíi alíá Adam léklé ɔlian ɔmapv amv. ¹⁵ Adam ná ɔtsan há Yesu Kristo. Tsúfé Bulu awítɔle amv megyí fé Adam lakpan ámv. Adam nkɔle lakpan sɔ ahá fée bowu. Táme Yesu Kristo nkɔle awítɔlewa sɔ Bulu láláwá awítɔle, pó mv atokiehé há ahá tsɔtsɔtsɔ. Mv atokiehé ámv ɪbu bíá dɔn lowu ámv. ¹⁶ Tóá anyánpósa benya tsú Bulu atokiehé ámvɔ ina ɔtsan há tóá benya tsú Adam lakpan ámvɔ. Mv lakpan kɔle pé amv léha ɔhagyíɔha légyi pón Bulu ansító. Mólópv lowu ba, táme lakpan tsɔtsɔtsɔ ɔma a, Bulu atokiehé kɔle pé léha Bulu lótsu ahá fée aní amó asón da ɔkpa mv ansító. ¹⁷ Ɖbakóle lakpan sɔ lowu légyi iwíe ahásɔ. Táme alíá Bulu lahíé wá awítɔle há ahá ɪbu wánwan. Alatsɔn Yesu Kristo nkɔlesɔ tsú anɪ aní anɪ asón da ɔkpa, ania mɔnyɔ abégyi iwíe anɪ nkpató fée.

¹⁸ Inɪ sɔ alɪ ámvú ɔbakóle lakpan sɔ Bulu léha ahá fée pón ámv a, alɪ kén ɔbakóle yilébwɛ sɔ Bulu lahá ahá fée bagyi asɔ mv ansító, alahá amó nkpa aní ɪtamátá é ní. ¹⁹ Alɪ ámvú ina ɔbakóle asɔtɔ-ɔnlɪn sɔ ahá fée bemlí lakpan abwɛpó ámv a, alɪ kén ina ɔbakóle obú sɔ Bulu obótsu ahá tsɔtsɔtsɔ aní amó asón da ɔkpa ní.

²⁰ Bulu lópv mbla ámv ba, ménɪ ahá bówun lakpan aní bɔdebwɛ wankláán. Táme bréá lakpan dékleí á, Bulu awítɔle é ɪdekleí tsía. ²¹ Lakpan légyi ahásɔ, ɪlɛha ahá bowu. Alɪ kén Bulu lawá awítɔle tsú ahá aní amó asón da ɔkpa mv ansító ní. Inɪ lahá ahá batsɔn anɪ Wíe Yesu Kristosɔ nyá nkpa aní ɪtamátá.

6

Kristo Sɔ Anɪbu Nkpa

¹ Nkáli abéblí séi? Ƭlehián aní abóyɔ anɪ lakpanbwɛsɔ, ménɪ Bulu awítɔle bómoní tsía? ² Ƭkɛkɛkɛ! Igyi fé anɪlawú, mó sɔ lakpan ma túmɪ anɪsɔ. Ntogyi sɔ abétrá tsiá bwé lakpan? ³ Bré ámvú bɔbɔ anɪ asú ámv a, ania Kristo Yesunyɔ anɪlóbwe kɔle. Mliyin mó alɪ? Alɪ bré ámvú á, ania Kristonyɔ lówu, ⁴ bopulá anɪ, tsúfé ania mɔnyɔ anɪlabwé kɔle. Mó sɔ alɪ ámvú anɪ Sí Onumnyampv amv lókɔsúa mv tsú afúlitó ámv a, alɪ kén anɪ é abétsiá itsiá pɔpwɛtɔ ní.

⁵ Mó sɔ ínɪá ania mɔnyɔ anɪlóbwe kɔle mv lowutó á, alɪ kén ania mɔnyɔ lóbwe kɔle mv kɔsú tsú afúlitó é ní. ⁶ Mlɪbɪ aní bréá bɛda Yesu mántá oyikpalíhe amv sɔ á, mva anɪ tsiátó dada amv lówu, ménɪ anɪméétrá bwɛ lakpan nkpábi. ⁷ Tsúfé ní ɔha owú á, ɔtamatráa bwɛ lakpan. Lakpan má mv sɔ túmɪ. ⁸ Iníá ania mɔnyɔ anɪlawú sɔ á, anɪbu hógyi aní ania mɔnyɔ abétsiá nkpa. ⁹ Anɪyin aní Bulu lókɔsúa Kristo tsú afúlitó. Ɖméétrá wu ɛkɛkɛkɛ. Lowu ɪtráa ma mv sɔ túmɪ. ¹⁰ Yesu lówunáa wu ɔtsáwɔle, ménɪ ɔbéle lakpan ɪnv. Táme ínɪá otsie nkpa á,

otsie ha Bulu. ¹¹ Mli é mlikí mli iwí ání mlilawú há lakpan, amlile mli iwí le mó túmi asi. Mlitsia nkpa ha Bulu, tsúfé mli Kristo Yesunyɔ mlilabwé kole.

¹² Iní sɔ mlímáha lakpan igyi mli nyankpɔsa-oyí ánfí ibówu ánfisɔ, méní imeéha ɔwólí laláhe igyi mli sɔ, amlibwe tóá ideklé. ¹³ Mlímápu mli nyankpɔsa-oyí iwí ató há lalahɛbwe. Mboún mli pu mli iwí fée ha Bulu, fée ahá ání alakósóa amó tsú afúlito ba nkpatɔ, ɔpu mli bwe tóá ida ɔkpa. ¹⁴ Ima aléá lakpan ɔbétrá gyi mli sɔ, tsúfé séi mlitráa mlímá Mose Mbla ámu asi. Bulu awítale asi mboún mli bɔ.

Yilébwe Nkpábi Anígyí

¹⁵ Iní ɔma a, amansɔ abéblí? Ibo aléá abétrá bwe lakpan séi ánfí ánimá mbla ámu asi, anibɔ Bulu awítale mboún asi? Ekekeke! ¹⁶ Mlíméyín ání ní mleba iwiasí há tókɔ, mlidé mó apé bwe, mlidé mó súm fée mli wíe a, mlilabwé mó nkpábi? Ní mleba iwiasí há lakpan á, mó mó mlówu, táme ní mleba iwiasí há Bulu á, mlégyi asɔ mu ansító. ¹⁷ Mlilóbwe nkpábi há lakpan bré kutɔ. Séi á, mlilapó mli klɔn fée hɔ atosunáhe amóú bapóhá mli ámu, mlidé mósó gyí. Mó sɔ nde Bulu ipán da. ¹⁸ Bulu lahá mlilagyi iwí lé lakpan ibitɔ, mlilabwé nkpábi há yilébwe. ¹⁹ Alíá ibóbwe mlónu asún ánfí asi, sɔ napó nkpábi tsiátó nde mli suná. Bré kutɔ á, mlilóbwe mli iwí nkpábi há hakpan móa lalahɛbwe. Alí kén ilehián ání mlóbwe mli iwí nkpábi ha yilébwe, méní mlófɔn yi ní.

²⁰ Bré amóú mligyi nkpábi há lakpanbwe ámu a, yilébwe má túmi mli sɔ. ²¹ Labi mɔmu mlilénia tsú lakpan amóú mlilóbwe, nde ibɔ mli péli amotɔ? Mó labi gyí lowu. ²² Táme séi mó á, Bulu lahá mlilagyi iwí lakpanbwe túmi asi. Mlilamlí mu nkpábi. Labiá mlénia tsú móto gyí; mlétsiá tsiátóá ilɔfɔn yi, nyá nkpa ání itamatá. ²³ Tsúfé lakpanbwe ikáká gyí lowu, táme Bulu atokiehé gyí nkpa ání itamatá. Mó ɔlɔpugyi aní bɔale tsɔn ania aní Wíe Kristo Yesu ikolebwe sɔ ní.

7

Mbla Amɔ Itráa ma Túmi Akristofɔsɔ

¹ Mí apíó, mli fée mliyin Mose Mbla ámu. Mliyin ání bréá ɔha tsie nkpa á, ɔbɔ mbla asi. ² Fée ní ɔtsí tsia okúlu, mu kulu amɔ mókówú á, ɔbɔ mu kulu amɔ asi. Táme ní mu kulu amɔ owú a, alagyi iwí, okúlu wóyí mbla kɔkɔ itráa mɛdé mu. ³ Mó alí sɔ ní mu kulu amɔ mókónyá wú, ɔdálí mu ɔma a, alató mbua. Táme ní mu kulu amɔ owú mó á, ɔtráa ɔma okúlu wóyí mbla asi. Mó sɔ ní ɔláyétsiá oyín bámbá á, ɔmákótó mbua. ⁴ Mí apíó, alí kén igyi há mli ní. Mli é bréá mlilóhɔ Kristo gyi a, mliá mɔnyɔ mlilówu. Mó sɔ mlitráa mlímá Mose Mbla asi. Séi á, mlilabwé ɔhá amóú Bulu lókɔsóa tsu afúlito ámu klé, méní mlóbwe yilé há Bulu. ⁵ Tsúfé bréá anibɔ aní tsiátó dada amotɔ á, mbla ámu léha aní ɔwólí laláhe legyi anisɔ. Mó sɔ anilóbwe tóá itópó lowu ba. ⁶ Táme séi mó á, Bulu lahá anilagyi iwí tsú mbla amóú tekí anibɔ mó asi ámu ibitɔ. Ania Kristonyɔ lówu. Mó sɔ mbla ámu itráa ma túmi anisɔ. Anilagyi iwí, anidé Bulu súm tsɔn ɔkpa pɔpwe ání ɔhe Wankíhé dé aní sunású. Megyi ɔkpa ání mbla wánlínhé amɔ lósuná anisɔ.

Mbla Amɔ Móa Lakpanbwe

⁷ Mó sɔ anidéblí aniaa, itó laláhe Mose Mbla ámu gyí? Ekekeke! Mbla ámu ibéha abébi tóá lakpan gyí. Tekí ní mbla ámu imeblí ɔbéé, “Mápe ansí fú bá atósú” a, tekí mmebi tóá gyí ɔnsípe. ⁸ Ina alí mbla ánfí sɔ lakpan lénia ɔkpa pó ɔnsípe kugyíku wá mító. Tsúfé ní mbla ámu má inu á, tekí lakpan má túmi mísó. ⁹ Mí onutó netsiá bré kutɔ, mmebi mbla ámu. Táme bréá nebebi mó á, nowun ání napán mósó. Lakpan ɔbwe pó ngyi. Mó sɔ nówu. ¹⁰ Nowun ání mbla amóú nkí mbée, ibéha mí nkpa ámu lópu lowu ba mí. ¹¹ Tsúfé lakpan lénia ɔkpa tsɔn mbla ámu sɔ mlé mí, mó mí.

¹² Tsiátó mbla ámu mó á, tsitsa kuku ma mó iwí. Mó nhíhé kugyíku lowankí, ıda okpa, ibu alé é. ¹³ Mó su idesuná ání Bulu mbla ánfí ibu alé ánfí lópu lowu ba mí? Ekekeke! Megyí alí ígyi. Lakpan lótsun ıto wankláán ámu su pó lowu ba mí. Ina mbla ámu su lakpan léle iwí súná ání itépí ma alé.

Atá Ideko Nyankpɔsa

¹⁴ Anıyin ání ɔhétó ató mbla ámu gyí, táme mí mó á, nyankpɔsa ngyi. Nabwé lakpan okpábi. ¹⁵ Mmetálí bí mí tsiátó, tsúfé megyí tóá ndeklé ntɔbwé, tóá mmedéklé mboún ntɔbwé. ¹⁶ Ní tóá mmedéklé ndebwe mó á, natsúlá ání Mose Mbla ámu ibu alé. ¹⁷ Idesuná ání megyí mí dé alí ató ánfí bwe. Mboún lakpan túmiá ibu mısu téhá ntɔbwé mó. ¹⁸ Nyin ání bré ánfí mbu mí tsiátó dada anfitó á, ıto wankláán kuku má mító, tsúfé nyankpɔsa ngyi. Ntekleá nóbwe yilé, táme nakásián. ¹⁹ Mmedé yiléá ndeklé bwe. Lalahé amóú mmedékléá nóbwe ámu mboún ndebwe. ²⁰ Ní nde lalahé amóú mmedékléá nóbwe ámu bwe á, mó mó idesuná ání megyí mí onutó dé mó bwe. Mboún lakpan túmi amóú ibu mıtó ámu dé mó bwe.

²¹ Mó su nawun ání mbla ánfí lagyi mısu. Ní ndekléá nóbwe yilé á, lalahé kóún ntɔbwé. ²² Tsúfé nhíé ndekléá négyi Bulu mbla ámu su tsú mí klɔntó. ²³ Táme ntowun ání mbla ku dé mbla amóú ibu mí klɔntó ámu ısıá kɔ, gyi mósó, bwé mí lakpan okpábi. Iahá lakpan amóú ibu mıtó ámu ıde mí bwehé kugyíkusu gyí. ²⁴ Kí ipian kpɔnkpɔnkpɔntıá mbu mótó! Ilapó mí ıya lowuto. Ma ɔbéle mí tsú mótó? ²⁵ Táme anı Wıe Yesu Kristo su nde Bulu ıpán da ání alalé mí!

Mí klɔntó mó á, teki ndekléá nóbwe Bulu mbla ámu okpábi. Táme tsiátó lalahé amóú ibu mıtó ámu lahá nabwé lakpan okpábi mboún.

8

Nkpatsıá Dinká Bulu Ɔhé Amv Asónsɔ

¹ Inı su séi á, Bulu méetrá ha ahá ání amóa Kristo Yesunyɔ babwé kule ıpón. ² Tsúfé Kristo Yesu su Ɔhe Wankíhé túmi ání ıtehá nkpa lahá anılagyi iwí tsú lakpanbwe móa lowu ıbitá. ³ Mose Mbla ámu metálí lé anı tsú anı lakpantá. Tsúfé anı tsiátó dada amóú ıtehá anıɔbwé lakpan ámu imeha anımegyí mbla ámu atosunáhésu. Táme Bulu lótsun okpa pɔpwesu hɔ anı. Ɔlowa mu Bı onutó lébá fé nyankpɔsa ání ɔɔbwé lakpan, táme mu mó ɔmɔbwé lakpan. Bulu lótsun mu lowusu mó anı tsiátó dada amóú lakpan legyi mósó ámu. ⁴ Ɔɔbwé mó alı, ménı ní anıbuo Ɔhe Wankíhé amu a, abétalı tsiá tsiátó wankláán amóú teki mbla ámu lósuná ámu, anıméetrá tsiá anı tsiátó dada amu. ⁵ Tsúfé lalahé ahá ání tsiátó dada amóú ıɔbwé lakpan ıde amósó gyí bɔtɔgywın. Táme ahá ání buɔbuo Ɔhe Wankíhé amu a, tóá Ɔhé ámu tekle bɔtɔgywın. ⁶ Ɔhá ání lakpan lagyi mu tsiátósu tenyá lowu tsú mótó. Táme ɔhá ání Ɔhe Wankíhé lagyi mu su mó tenyá nkpa móa iwılwıi. ⁷ Tsúfé ɔha ání lakpan lagyi mu tsiátósu tolú Bulu. Ɔtamagyi Bulu mblasu, tsúfé ɔméetalı gyi mósó ekekeke. ⁸ Ahá ání lakpan lagyi amó tsiátósu bıméetalı gyi Bulu ansı.

⁹ Táme Bulu Ɔhé bu mıtá lélé. Mó su mlıméetrá tsiá mlı tsiátó amóú lakpan legyi mósó ámu. Mlóbwe tóá Ɔhe Wankíhé amu tekle. Ní oku má Kristo Ɔhé ámu a, omegyí mu kle. ¹⁰ Ibu mótóá lakpan su mlı nyankpɔsa-oyı ánfı obówu. Táme ní Kristo bu mıtá á, mlı okláa bu nkpa. Tsúfé Bulu latsú mlı ání mlı asón da okpa mu ansıtó. ¹¹ Bulu lókusúa Kristo tsú afúlıto lélé. Mó su ní mu Ɔhé bu mıtá á, mó mó ɔbótsun Ɔhé ámu su há mlı nyankpɔsa-oyı amóú ibówu ámu nkpa pɔpwé.

¹² Inı su mí apıó, imehián ání abétrá tsiá anı tsiátó dada amu, bwé tóá anı ɔwólı lalahé tekle. Mboún lehián ání abóbwe tóá Ɔhe Wankíhé tekle. ¹³ Tsúfé ní mletsıá mlı tsiátó dada amuto á, mlówu tsıtsá. Táme ní młotsun Bulu Ɔhé ámu su kıná mlı nyankpɔsa-oyı ámu apé bwe á, mlétsıá nkpa ání itamatá. ¹⁴ Tsúfé ahá

ání bahá Bulu Ɔhé de amó kpa gyí Bulu abí. ¹⁵ Megyí Ɔhé ání íbéha mlóbwe nkpábi, tsíá nyá ifú Bulu lópɔwá mltɔ. Mboún Ɔhé ámu lóbwe mli Bulu abí. Ɔhé ámu su anítetálí su kpolí Bulu aníaa, “Abba, mí Síl!” ¹⁶ Ɔhé ámu totsúlá há aní ání lélé á, Bulu abí anígyí. ¹⁷ Ní Bulu abí anígyí á, mómó anígyí mu ató agyípó. Ania Kristonyɔ obégyi mu ató. Tsúfé ní awun Kristo ipian ámu ku á, mómó abénnya mu numnyam amu é ku.

Numnyam Aní Abénnya Ekekó

¹⁸ Ní neki numnyam ání ida gyo aní, Bulu obéle suná aní á, ipian ánfí anidéwúun bré ánfíto imofun mú otinetine. ¹⁹ Bulu ató bwehé fée bwhíé bɔde okpa kí ha ekeá Bulu obéle mu abí numnyam ɔwan. ²⁰ Tsúfé Bulu ató bwehé fée lasí ida kẹkẹ. Megyí mú onutó apé igyí. Mboún mlobwe mú alí, íha mu ató bwehé fée iki okpa ²¹ ání ekekó á, obéha amó fée bégyi íwí, bumétrá yintá ekekẹkẹ. Mu ató bwehé ámu íbénnya mu abí íwígyí pó amó numnyam amu ku. ²² Aníyin ání bɔtu nde á, Bulu ató bwehé fée ide íwɔsin wúun. Idekímí fé alíá íkwí todwín ɔsi. ²³ Megyí Bulu ató bwehé ámu nkɔle dékímí. Aní ámóú alapó mu Ɔhé, igyí mu atokiehé gyankpapu wá anito ámu é anidékímí aní klɔntɔ. Anihíé anítsie anígyó ekeá Bulu obéha aní nyankpɔsa-oyí ánfí obégyi íwí, obóbwe aní mu abí. ²⁴ Tsúfé okpakí anfi su obɔho aní nkpa. Butamakí tóá fúbu okpa, tóá fuma okpa buteki. ²⁵ Ní anidé tóá anímá okpa kí a, anítenyá klɔn tsíá gyo mó.

²⁶ Ɔhe Wankíhé amu tetsá aní aní pɔntɔ. Tsúfé anímeyín alíá abókólí Bulu ató, íbégyi mu ansí. Ɔhé ámu onutó tɛhíé kímí pókólí Bulu ató há aní, dɔn alíá aní onutó abétalí. ²⁷ Bulu yin ɔhagyíɔha klɔntɔ asón. Mú su oyin mu Ɔhé ámu agywun. Tsúfé Ɔhé ámu tokókólí Bulu há mu ahá alíá Bulu onutó dé mó klé.

²⁸ Aníyin ání Bulu tɛhá tógyító tɔwá alé há mu adwepó. Amógyí ahá ání mu onutó ɔleti mu nhíhé ɔnó ní. ²⁹ Tsúfé ahá ámóú Bulu yin yaí ámu a, amó ɔlele. Ahá ámóú ɔlele ámu ɔleti obée, bɔbélian mu Bi ámu. Fówun mu Bi ámu obóbwe ɔdéhen mu abí tsɔtsɔtsɔ. ³⁰ Ahá ámóú Bulu yin yaí dodo amu ɔleti. Ahá ámóú ɔleti ámu olotsu ání amó asón da okpa mu ansító. Ahá ámóú olotsu ání amó asón da okpa ámu ɔlɔwa numnyam.

Yesu Bulu Ɔdwe Ɔwanle

³¹ Amansu anitráa aníbu blí tsú íni íwí? Ní Bulu bu aní wá á, ma obétalí kúsó líí anísu? Ɔhaa má ínu! ³² Bulu mékiná mu onutó mu Bi ámu si há lowu aní fée nwunsu. Olesi mu há faan. Nkálí só ɔmɔɔpu ató tráhe fée tsíá mu Bi ámu tɔ há aní? ³³ Ma obétalí ká asón dínká ahá ámóú Bulu lalé ámu su? Bulu lóó? Ekekẹkẹ! Múgyí ɔhá ání alatsú aní ání aní asón da okpa mu ansító. ³⁴ Ma obétalí há aní ipón? Ɔhaa má ínu! Tsúfé Kristo Yesu gyí ɔhá ání olobowu há aní, Bulu lókɔsúa mu tsú afúlitɔ. Alayó otsie Bulu gyɔpɔsu, ɔde mu kokólí aní nwunsu. ³⁵ Ma ntée ntɔ obétalí títi ania Kristonyɔ nsíné ɔdweto? Asun wunhe lóó, ntée ikplán? Ní bɔdɔn anísu lóó, ntée akón? Yayá natí lóó, ntée lowu? ³⁶ Tsúfé bɔwanlín wá Bulu ason wanlínhé amoto bee, “Fú su bɔde aní mɔ ekekegyíekẹ.

Bɔde aní kí fé akúfa ání bapó beya ɔmɔkpá.”

³⁷ Táme íni fée tó a, ɔdwe ámóú Kristo bu ha aní ámu su anílagyi ísu dáfá. ³⁸ Tsúfé nhíé nyin ání tɔtɔ méetalí ká ɔdweá Bulu bu ha anito. Lowu o, nkpa o, Bulu-abɔpu o, túmí kugyíkɔá ítráa de íwíe gyí ɔsúsú o, atóá íbu nu séi pó móá íbéba o. ³⁹ Tógyítóá íbu ɔsú pó así ntée ɔsulúv ayasí kókɔvku méetalí ká ɔdwe ámóú Bulu ladwé aní tsun aní Wíe Kristo Yesusu ámu tɔ ekekẹkẹ.

¹ Mía Kristonyo anilabwé kule. Mó su onakwalí asón ndeblí séi. Ɔɛ Wankíhé dé mí kpa. Mó su mí klɔn é de mí bláa ání mmédé afunu wa. ² Mí pí Israelfo su asón ihíé de mí háan, ahumitiá imeká itin de mí. ³ Ní ibówa aláa nénya ilwí, mía Kristonyo nsiné béyintá, méní bénya nkpa ání itamatá kóráá á, teki nɔpu iwí há. ⁴ Mí pí Israelfo gyí ahá ání Bulu léle póbwe mu abí. Amó ɔlele mu numnyam súná. Ɔleka ntam há amó, pú mu mbla wá amó ibito. Olosuná amó ɔkpa ání bɔpɔtswɛ mu. Ɔlebláa amó tás alahíé ání ɔbɔpuhá amó féé. ⁵ Amó lélin tsu Israelfo anáin akpɔnkpɔnti ámutɔ. Múá idɔn kóráá á, amótɔ Kristo amó lébelin ɔsolɔv anfisɔ. Kanfó letsia Kristo, (ɔhá amóú Bulu ladá mu ofúli amó), ogyi Bulu, ató féésú ogyípó amó bré féétó! Amen!

⁶ Iní imosuná ání Bulu asón amóú ɔleblí tswí amó imeéba mótɔ. Tsúfé megyí Israelfo amó féé gyí Israelfo onutónutó. ⁷ Megyí Abraham abí féé gyí mu abí onutó. Tsúfé Bulu lébláa Abraham ɔbéé, “Isaktɔ fú abí-aná bédali tsu.” ⁸ Iní lósuná ání megyí ahá ání botsú Abraham abí féétɔ gyí Bulu ahá. Abraham abí-aná amóú Bulu léhie há mu amó nkule gyí Bulu ahá. ⁹ Tsúfé tás Bulu léhie Abraham gyí, “Néyinkí bá ofiéba sesebre. Néba a, fú ká Sara lakwí obiyímbi.”

¹⁰ Megyí íní wule. Rebeka lókwí atabí há aní náin Isak. ¹¹ Táme bréa ɔmókónyá kwí amó, abɔdan bi yilé ntée lalahɛbwe á, Bulu lébláa Rebeka amó iwí asón. Bulu lóbwe mó alí, méní ibósuná aní ání ɔkpa amóú ɔtɔtsɔn mósú ho ahá amó imená aní bwehésú. Mboún ina mu nkule pé apé pú alíá ɔtelé mu ahásu. ¹² Asa Rebeka ɔbókwí nyebí amó a, Bulu lébláa mu ɔbéé, “Ɔdéhen obósum ɔkusɔ.” ¹³ Fé alíá bɔwanlín wá Bulu ason wanlínhé amótɔ bɛɛ, “Ntɔdwé Yakob dɔn Esau.”

¹⁴ Séi á, nkálí abéblí? Abéblí aniaa, Bulu asón meda ɔkpa lóó? Ekekeke! ¹⁵ Tsúfé Bulu lébláa Mose ɔbéé, “Ahá ání nówun amó nwe á, amó nówun nwe. Amóá nahíéá négyi buale a, amó négyi buale.” ¹⁶ Mó su megyí ɔha apé ntée mu nsiwa Bulu teki. Mboún mu onutó nwewúun igyi. ¹⁷ Bɔwanlín wá Bulu ason wanlínhé amótɔ bɛɛ, Bulu lébláa Egipte owíe Farao ɔbéé, “Atoku anyɔ ánfí su nɛyaí fú iwíe, alíá nótson fɔsu lé mí túmi súná, pú alíá ɔyítɔ ahá féé bónu mí dá, kanfó mí.” ¹⁸ Iní su ní Bulu ɔhíé ání obówun ɔku nwe á, otowun mu nwe. Ní ɔhíé ání ɔbéha ɔku ɔbówa klɔntɔ odwin é á, ɔtehá mu ɔtɔwá klɔntɔ odwin.

Bulu Ɔblónya Pó Mu Ahá Nwewutun

¹⁹ Mlɔtɔ ɔku ɔbéfité ɔbéé, “Ní alí igyi ní mó á, ntogyi só Bulu dé nyankpɔsa ipón ha? Ma ɔbétalí tin Bulu ɔkpa?” ²⁰ Táme nde mlí fité mbée, fúgyi ma ání fèle Bulu ilá? Ɔlɔ ɔbétalí fité mu ɔpwɛpú ɔbéé, “Ntogyi su fapwé mí alí?” ²¹ Alíagyíalíá igyi á, ató ɔpwɛpú tópú obón pwé tás odeklé. Ɔbétalí pú obón ipin kule pwé nlonyɔ. Ɔbɔpu kule bwé ɔlɔ nu ntsu, kpá nsúó wá kuletɔ.

²² Alí kén igyi há Bulu ní. Ɔbu ɔkpa lé mu ɔblɔ súná, méní ahá bówun mu túmi. Táme ɔlehie nyá klɔn há ahá amóú olenya ɔblɔ amósú amó. Teki ɔɔfon ání ɔbéhi amó. ²³ Bulu bu ɔkpa lé mu numnyam kpɔnkpɔnti amó ɔwan ahá amóú ɔlele yáí ání obówun amó nwe, ɔwa amó numnyam amɔsu. ²⁴ Anigyí ahá amóú ɔlele yáí amó nɔ. Megyí Yudafo nkuletɔ ɔlele ahá. Ɔlele ahá ání bomegyí Yudafo aku é. ²⁵ Bulu léblí mu ɔnósú ɔtɔípú Hosea ɔwulótɔ ɔbéé, “Néti ahá amóú teki bomegyí mí ahá amó mí ahá.

Ahá amóú teki ntamakle amó asón amó ɔbóbwe mí adwɛpú.

²⁶ Ɔtíné amóú teki nebláa amó mbée, ‘Megyí mí ahá mligyí’ amó a, inɔfo néti mbée, ‘Bulu Ɔkiankpapu abí ní.’

²⁷ Bulu ɔnósú ɔtɔípú Yesaia lóklɔn bláa Israelfo ɔbéé, “Ní Israelfo bekléi fé ɔpu ɔnɔ ɔsɔ kóráá á, amótɔ ahá kpalobí pé nóho nkpa. ²⁸ Tsúfé ɔbisasɔ aní Wíe obégyi ɔyítɔ ahá féé asón, búa mó wankláán.” ²⁹ Tsúfé Bulu ɔnósú ɔtɔípú Yesaia

légyankpá wanlín wá Bulu ason wanlínhé amuto obée, “Ní mí Wíe Bulu, túmí fée Owíe mési aní abí-aná akú yáí á, tẹkí aní fée abéhi fẹ Sodom móa Gomorafó.”

Israelfó Bulu Máhogyi

³⁰ Nkálí anidéblí ngýa? Anidéblí aníaa, ahá amóó bomegyí Yudafo ámu bómabó mbódí kọkọ, asa Bulu léha amó asu! Hógyi só benya mó. ³¹ Táme Israelfó amóó amó ansí lẹpẹ, bọde mbla ámusu gyí, Bulu ọha amó asu ámu bometalí. ³² Ntogyi su? Tsúfẹ bomepẹ ansí pọ hógýi dúnká mó. Ọbọwẹ amó fẹ mbla ámusu gyísu Bulu ọbótsun ha amó asu. Iní su bosutiin “Ibwi amóó itelẹ ahá dá” ámusu dida kpla. ³³ Ibwi ánfí ịwí asón bọwanlín wá Bulu ason wanlínhé amuto bẹe,

“Bulu obée, ‘Mlịkị!

Ndepụ Ibwi* tswi Sion wúluto.

Ahá bósutiin ibwi ámusu dida.

Péli méekitá ọhagýíọha aní ọlọhọ mu gyi.’ ”

10

¹ Mí apíó, tóá ntekle mí klonto, pọ mpái aní ndebo gyí, Bulu ọbóhọ mí ahá Israelfó. ² Nétalí gyi amó ịwí adánsíe mbée, amó ansí lahíe pé Bulusúm ịwí, táme bomeyín ọkpa aní bótson mósú súm mu wankláán. ³ Tsúfẹ bomeyín ọkpa aní Bulu tótson mósú há ahá asu. Mó su beyirí ịwí bọde amó ọkpa dunká, méní bégýi asu Bulu ansító. Mó alí su bomeba ịwiasí há ọkpa amóó Bulu tótson mósú há ahá asu ámu. ⁴ Ọnọkwali amu gyí, Kristo lómọ Mose Mbla ámu fée ọnó. Mó su ọhagýíọha aní ọlọhọ mu gyi obégýi asu Bulu ansító.

Nkpahóo Bv Inu Há Ọhagýíọha

⁵ Mose lówanlín tsú ọhagýíọha aní ọtẹkí mbla ámu aní mósú Bulu ọbótsun tsu mu aní mu asón da ọkpa ịwí obée, “Ọhagýíọha aní otegyi mbla ámusu ọbótsun mósú nyá nkpa.” ⁶ Táme hógýisu bótótson gyi asu Bulu ansító. Bulu ason wanlínhé amu léblí obée, “Máfítẹ ịwí fẹe, ‘Ma ọbódu yó ọsúsú?’ ” (Fẹfítẹ alí á, ilosuná aní fọyọpọ Kristo tsúa ọsúsú ba.) ⁷ Ntée fítẹ ịwí fẹe, “Ma ọbékplí yó ọsulọv ayasi?” (Fẹfítẹ alí á, ilosuná aní fọyọpọ Kristo tsúa afúlito ba.) ⁸ Mboún asón aní Bulu ason wanlínhé amu léblí gyí, “Bulu asón ámu ịmá fọ fọ wá. Ibo fọ ọnótó, ibo fọ klonto dodo.” Asón ámu gyí hógýi asón amóó anidéblí ámu ní. ⁹ Ní fobwíí ọnó blí fẹe, “Yesu gyí aní Wíe,” fọpọ fọ klon fée hogyi aní Bulu lókúsúa mu tsú afúlito á, Bulu ọbóhọ fọ nkpa. ¹⁰ Tsúfẹ ịklon ọha tọpóhọ Kristo gyi. Fówun Bulu obótsu mu aní mu asón da ọkpa. Ọnó é ọha tọpúbí obée, Yesu gyí mu wíe, méní Bulu ọbóhọ mu nkpa. ¹¹ Alí kén Bulu ason wanlínhé amu léblí obée, “Péli méekitá ọhagýíọha aní ọlọhọ mu gyi ekekekeke” ní. ¹² Iní su imefáhun aní Yudayin fọgyi, ntée bomegyí Yudayin. Tsúfẹ owíe ọkọle pé así amó fée bọbọ. Ọbọpọ mu yilébwe gyi ahá aní bosu kpolí mu fée bọale. ¹³ Alí kén Bulu ason wanlínhé amu léblí obée, “Ọhagýíọha aní otosu kpolí aní Wíe obénýa nkpa” ní.

¹⁴ Táme nkálí bétalí su kpolí ọhá aní bómọhọ mu gyi? Nkálí bétalí họ ọhá aní bómókónú mu ịwí asón gyí? Nkálí bónu mu ịwí asón ní ọhaa méda mó ọkan súná amó? ¹⁵ Nkálí bétalí dá mó ọkan súná amó, ní bómókúwá amó? Bulu ason wanlínhé amu léblí obée, “Thíe bu akíle aní fówun aní ọha ọbá beda Bulu ason wankláán ọkan!” ¹⁶ Táme megyí Israelfó fée lóhọ Bulu ason wankláán ámu. Tsúfẹ Bulu ọnósú ọtọpọ Yesaia lówanlín wá mu ọwulótó obée, “Mí Wíe, ọha móhọ aní ason blíhé ámusu gyi.” ¹⁷ Táme ason wankláán ámu téhá bọtohogyi. Ina Kristo asón ánfí blísú ahá bọtonú mu asón. Mó nu só ahá bọtọhọ mu gyi.

¹⁸ Mbée, bẹe nú bọmonu asón ámu? Bonu! Tsúfẹ Bulu ason wanlínhé amu léblí obée,

* 9:33 Ibwi ámu gyí Kristo.

“Amó ɔme lawíé ɔyító fée,

ámó asón é lawíé tsútsúútsú.”

¹⁹ Ntráa fite. Israelfo bɔmonu mu asón asi? Móa Mose lébláa amó gyankpapu gyí,

“Bulu ɔbéé, ‘Nópu ɔmá ání bɔmegyí Israelfo wá mli ansipere.

Nóyulá ɔmá mímláhe pówá mli ɔbló.’ ”

²⁰ Bré bámbátó a, Yesaia lówa klɔn bláa amó ɔbéé, “Bulu ɔbéé, ‘Ahá ání bɔmedé mí dunká lémentí mí.

Ahá ání bɔmedé míso nele iwí ɔwan súná.’ ”

²¹ Táme Israelfo ámu mó á, Bulu lébli amó iwí asón ɔbéé, “Iníá natéi ibito bré fée ání nóhɔ amó atúu ó á, bɔtráa bɔde asɔto-ɔnlin wa. Bɔmedé mí bu.”

11

Bulu Israelfo Nwewúun

¹ Nde mli fité mbée, mó su Bulu lakíná mu onutó ahá léle? O-o! Mí onutó ánfí óó Israelyin ngýi. Abraham abí-anátó notsú. Benjamin abusuantó obí ngýi.

² Megyí bée Bulu lakíná mu onutó ahá amó ɔlele amó yáí ámu. Mlikaun alí amóó Bulu asun wanlínhé amu lébli tswí ɔbéé, Bulu ɔnósó ɔtáipó Elia lékla Israelfo iwí asón súná Bulu amusu. ³ ɔbéé, “Mí Wíé! Israelfo bamó fú ɔnósó atáipó fée. Babwíé fú afɔdie-asubwí é fée. Ulasí mí nkukónó nkule. Bɔdekléá bómó mí é.”

⁴ Bulu léha Elia mbuai ɔbéé, “O-o! Megyí fú nkule lásí. Tsúfé nalé ahá mpím-sienó (7,000) ání bɔmókútswe ɔkpí Baal* kí há mí iwí.” ⁵ Alí ígyi nde nke ánfító é ní. Bulu lawá awítale lé Israelfo kpalobí ako yáí. ⁶ Ní alawá awítale lé aha ako á, mómó itráa megýi ɔha bwehé su ɔbéle mu. Tsúfé ní ina ahá bwehésú mó á, tekí mu awítale amu ilesian.

⁷ Mó nkálí ilegyi? Israelfo ibí meda itó amóó bepe ansí bɔdedunká ámu. Amótó ahá kpalobí akvá Bulu léle yáí nkule ibí léda mó. ɔleha atráhe bowa asɔto-ɔnlin bréá ɔde ahá ti. ⁸ Bulu asun wanlínhé amu lébli ɔbéé, “Bulu léha ilɛlin amó ɔwólí. Mó su bótu nde bɔmetálí pú amó ansíbi wun ató, pú amó asu é nú asón.” ⁹ Owíe Dawid é lébli ɔbéé,

“Amó ɔdwe ogyíkpa ibwée mpósa abɔda mótó. Ibwée agbláa, ikpa kíta amó.

Ibwée ima, abusréi dída mótó, ibwe isobití ha amó.

¹⁰ Ansító iklún amó, méní bɔméetrá wun ató.

Ha abotsia ipiantó bré fée.”

¹¹ Mó su ntráa ndefité mbée, Yudafo basréi dída, bɔméetalí trá kusó? Ekekeke! Amó lakpan su Bulu lóhɔ ahá ání bɔmegyí Yudafo nkpa. Fówun ípe amó ansí.

¹² Séi á, anyin ání Yudafo lakpan sù ɔmá fée banyá ató wankláán. Amó dída lawá labi há ahá ání bɔmegyí Yudafo. Ní belányá nkpahóó mó á, mómó labi ání ahá ání bɔmegyí Yudafo bénya uma blító.

Ahá Aní Bɔmegyí Yudafo Nkpahóó

¹³ Ahá ání mlimégyí Yudafo, mli nde asón ánfí bláa ngýa a. Kristo sumbí ɔyópó ngýi. ɔlɔwa mí sumbí mli wá. Mí gymagyihe legýi mí ansí. ¹⁴ Fíalí nétalí há mí ahá Yudafo ansí bépe, fówun Bulu obénya ɔkpa hɔ amótó ako nkpa. ¹⁵ Bréá Bulu lédamlí ɔma há Yudafo á, ileha ɔmá atráhe fée bɔbwe Bulu anyawíe. Ní ígyi alí mó á, brégyíbréá Bulu ɔbóhɔ amó é á, ibóbwe fé afúli fée bakósú tsú afúlito.

¹⁶ Ní belé tókoto gyankpapu há Bulu ígyí a, mómó itó ámu fée ígyi mu kle. Ní Bulu bó oyí nlín á, idesuná ání oyí ámu abámbi é ígyi mu kle. ¹⁷ Bekpalí oyí bámbi pú bambá tsá mósó. Yudafo gyí oyí ámu. Mli ahá ání mlimégyí Yudafo gyí bámbi bambá amóó bapó betsa mósó ámu, méní mlénýa oyí ámutó ntsu

* **11:4** Baal gyí ɔkpí ɔkvá ahá amóó begyankpá tsíá ɔsolóv amusu asa Israelfo beba betsiá mu amó bosúm.

wankláán ámu ku. ¹⁸ Mó alí sù á, m̀límákí m̀líaa m̀lì d̀v̀n oyí ámu onutó abámbi amúú Bulu lékpalí lé ámu. M̀límátsu ɪwɪ amó ansító, tsúfè oyí ámu ǹlín tamanu ntsu lé m̀lító. M̀lì mboún tonu ntsu lé m̀tótó p̀d̀an.

¹⁹ Fialí m̀lì akv m̀léblí m̀líaa, “Bekpalí abámbi amv, ménì aní é abénnya oyíkpa.” ²⁰ Ibo m̀tótó alí. Itsú alíá Israelfo b̀mohogyi sù Bulu lékpalí amó tsítsá. M̀lì é m̀lì h́ogyi sù Bulu lapó m̀lì tsá m̀sósú. Mó sù m̀límáha nwuntó ɪwa m̀lì ɔ̀dwɛ. M̀lìha ifú ɪkita m̀lì. ²¹ Tsúfè Israelfo amúú b̀gyi oyí ámu onutó abámbi kóráá b̀b̀wɛ lakpan, Bulu lébití amó ɪsù, mó m̀lì? ²² Séi á, m̀lìlawun aní Bulu bu awítòlɛ, táme mu asón bu ɔ̀nlɪn. ɔ̀bu ɔ̀nlɪn ahá aní badida h́ogyitəsù. Táme alawá awítòlɛ há m̀lì. ɔ̀b́wa awítòlɛ há m̀lì ní m̀lì ansí d̀n m̀sù. Ní megyí alí á, ɔ̀bébití m̀lì ɪsù m̀lì é. ²³ Táme ní Yudafo amúú besi mu h́ogyi amv beyinkí b́ho mu gyi a, Bulu ɔ̀bélapó amó tsá oyí ámu sù. Tsúfè ɔ̀bu túmì aní obéyinkía amó tsá. ²⁴ M̀lì ahá amúú m̀límégyí Yudafo ámu mó á, oyí laláhe bámbi m̀lìgyí, b́pu m̀lì tsá oyí ámu sù. Teki ima ɪnv alí. Israelfo mó á, oyí wankláán ámu onutó abámbi b̀gyi, bekpalí amó tsítsá. Mó sù amó yinkía yí mó yintisu móɔ̀wa ɔ̀nlɪn há Bulu.

Bulu Towun Ahá F́éé Nwɛ

²⁵ Mí apíó, asun ɲáínhé ku bu ɪnvá ndekléá m̀lìb́i, ménì m̀líméeki m̀lì ɪwɪ aní m̀lìlétɪn ansí d̀b̀b̀i. Asón ámu gyí, Yudafo ámu akv b́bu asutó-ɔ̀nlɪn. B́wa asutó-ɔ̀nlɪn alí b́fɔ̀n bréá Bulu lahá ahá aní b̀megyí Yudafo f́éé baba mu wá. ²⁶ Mó ɔ̀ma a, Bulu ɔ̀b́ho Yudafo f́éé nkpa. Bulu asón ámu léblí ɔ̀béé, “Sion wúluto Nkpa ɔ̀h́pu amv ɔ̀bélɪn tsu.

ɔ̀béba beha Yakob abí-aná f́éé b́si lalahe bwɛ.

²⁷ ɪnɪ gyí ntam aní néka há amó bréá néle amó tsú amó lakpantó ní.”

²⁸ ɪnɪá Yudafo ámu b̀ḿho asun wankláán ámu sù á, bemlì Bulu alupó, ménì ɪb́wa labi há m̀lì amúú m̀límégyí Yudafo ámu. Táme ɪnɪá b̀gyi ahá aní Bulu léle sù a, amó anáin sù otekle amó asón. ²⁹ Ní Bulu ɔ̀lé ɔ̀ku ntée ɔ̀pó mu atokiehé há ɔ̀ku á, ɔ̀tamatráa tse mu agywun. ³⁰ Bré kutó á, m̀lì ánfɪ m̀límégyí Yudafo ánfɪ m̀límóbu Bulu. Táme séi á, Yudafo b̀medé Bulu bu. Mó sù Bulu lawun m̀lì nwɛ. ³¹ Alí kén Bulu ɔ̀béba bowun Yudafo amúú b̀medé mu bu ámu é nwɛ f́é alíá alawun m̀lì nwɛ ní. ³² Tsúfè Bulu lótsu mó aní ahá f́éé b́bu asutó-ɔ̀nlɪn, alíá ɪb́b̀wɛ ob́wun amó f́éé nwɛ sù.

M̀lìha Akánfo Bulu

³³ 0o, m̀lìkí Bulu awítòlɛ wɔ̀lɛ! Mu nyánsa pó mu asónb̀i ma ɔ̀ka! Ma ɔ̀bétalí b́i mu ɔ̀kpa pó mu asóngyító? ³⁴ B́wanlín wá Bulu asun wanlínhé amotó bɛɛ, “Ma yín aní Wíe nwuntó?

Ma ɔ̀bétalí súná mu asón? ɔ̀haa má ɪnv.

³⁵ Ma lápó t́ku há mu, ɔ̀de ɔ̀kpa kíá ɔ̀bélaka mu ɪkó?”

³⁶ Bulu lóbwɛ t́gyító. M̀b́ó t́gyító. T́gyító bu ɪnv há mu. Kanfó ɪbwéɛ mu kle bré f́éétó. Amen!

12

Tsiátóá B́t́ṕsum Bulu

¹ ɪnɪá Bulu híé ɔ̀de aní nwɛ wúun alí sù á, mí apíó, nde m̀lì kokóli mbéé, m̀lìpu m̀lì ɪwɪ f́éé ha Bulu m̀lì nkpató. Ibwéé f́é igyí aható wankíhé ha mu. ɪnɪ gyí osum aní itsú kluntó, ilegyi mu ansí ní. ² M̀límáha ɔ̀sulóv anfisv atsiábi igyi m̀lìsù. M̀lìha Bulu ɔ̀tse m̀lì agywun, ɪha m̀lì tsiátó itse. F́owun m̀létalí b́i aní Bulu apé bu alé, ɪbu ɔ̀dwɛ, ɪb́fɔ̀n.

³ Bulu agyómá amúú alawá awítòlɛ ṕhá mí ámu sù nde m̀lító okugyítóku bláa mbéé, ɔ̀haa mákí mu ɪwɪ dáfá alíá ogyi. ɔ̀hagyíha ɔ̀b́a ansí así, ɔ̀kí aní ɔ̀ḿdun h́ogyi amúú Bulu lapóhá mu amv. ⁴ Nyankpusa-oyí ɪwɪ ató aní f́éé anígyí. Ntobí

ámuto kugyíku bu mó gyuma ání itegyí nyankpusa-oyí ámuṣu. ⁵ Alí kén ibu mótó ání anítsó, táme ania Kristonyo anilabwé oyulúv okole ni. Mó su angyí ntobí ɔtsan-ɔtsan ání anítsátsáa abaso, anilóbwe oyulúv okole amu. ⁶ Bulu atokiehé ámuó ɔleha aní ámu ina ɔtsan-ɔtsan. Ilehian ání aní fée abópu mu atokiehé ámu yó agyómá ató ámuó ɔleha aní ámu ɔnó. Mó su ní ɔku atokiehé gyí Bulu ɔnó asúnblí á, ɔhá ámu ɔbwée mó alíá mu hógyi losuná mu. ⁷ Ní ɔku klé gyí mu aba ahógyipu buá a, ɔbúa amó. Ní ɔku klé gyí ató suná á, osúna mó. ⁸ Ní ɔku klé gyí ahá ateto-ɔnlín wa á, ɔwá ahá ateto-ɔnlín. Ní ɔku é klé gyí ató kie á, ɔlé iwíto okie mó. Ní ɔku klé gyí ahá ɔnó lí á, ɔwáa nsi ɔbwe mó. Ní ɔku klé é gyí ahá nwe wúun a, ɔbwée mó ɔdweto.

⁹ Mlídwe ahá tsu mli klonto. Mlíkisi lalahe kugyíku. Mlíkita yilébwe to kinkíínkín. ¹⁰ Mlíha mli ansí ípe mli aba Akristofó dwes, amlibu aba wankláán. ¹¹ Mlíháha mli nsiwa bwé ató ɔnó iba asi. Mlíha ɔɲe Wankíhé amu ɔwa mli ɔwónlín, amlisum aní Wíe. ¹² Mlí ɔkpakí amu su mlinya ansigyí, amlílu kinkín mli ipiantó. Mlíbo mpái bré féeťó. ¹³ Mlíbua mli aba Bulu ahá ání bubu ikplántó. Mlíyiri iwí hɔ afó.

¹⁴ Mlíyula ahá ání budi mliṣu. Mlíyula amó, mlimálwí amó. ¹⁵ Ní aku bode ansigyí nya á, mliá amónyo mlinya ansigyí. Ní aku bodesú é á, mliá amónyo mliṣu. ¹⁶ Mlí fée mlisia wankláán. Mlí mátsu iwí. Mlípu iwí manta ahá ání ahá butamabú amó. Mlí mákí mli iwí ání mlíduv aku.

¹⁷ Ní ɔku ɔpó lalahe gyi mli á, mlimápu lalahe ká mu íkó. Mlíbo mbódí amlíbwé tóá ibu aléá ahá fée bótsulá dínká mósú. ¹⁸ Alígyíalíá igyi mli mó á, iwílwíi itsia mliá ɔhagyíɔha nsíné. ¹⁹ Mí apíó adwepó, mlimápu lalahe ká mli aba íkó. Mlísi tógyító ha Bulu. Tsúfě bɔwanlín wá Bulu asún ámu to be, “Bulu ɔbé, ‘Mí, mli Wíe téká íkó. Mí ɔbéka ahá akó amó lakpan su.’ ” ²⁰ Bulu asún wanlínhé létrá blí ɔbé, “Ní akón de fú olupú á, ha mu ató ogyi. Ní ɔmewóli de mu a, ha mu ntsu onu. Ní fɔbwé mó alí á, íbéha péli békítá mu ɔbétse.”* ²¹ Mlíháha lalahe igyi mliṣu, mbouín mlibwé yilé púgyi lalahes.

13

Iwiasíba Ha ɔmá Akpapó

¹ Ilehian ání ɔhagyíɔha ɔbéba iwiasí há ɔmá akpapó. Tsúfě Bulu téhá ɔmá akpapó túmi. ɔmá ɔkpapó ɔkuku má inuá megyí Bulu léyai mu. ² Iní su ní ɔku ɔkósú lí ɔmá ɔkpapó ɔkusú á, alakósú lí Bulu túmisu. Mó su ɔhá ámu dé isobití klé ha iwí. ³ Tsúfě ɔmá akpapó bumegyá yilé abwepó, lalahe abwepó bugya. Mó su ní fumedékleá funyaá ɔmá akpapó ifú á, mó mó bwe yilé abukanfu fú. ⁴ Bulu osúmbi ɔhagyíɔha ání bapó mu yái ɔmá ɔnó gyí. Mlí yilé su bode agyómá yó. Táme ní ɔku dé lalahe bwe á, mó mó obénnya amó ifú, tsúfě bubu ɔkpa bití ahá ísu. Bulu asúmbi bugyi, ɔleha amó ɔkpa ání bubití lalahe abwepó ísu ha mu. ⁵ Iní su ɔhagyíɔha ɔbá iwiasí ha ɔmá akpapó. Megyí be bode ifú nya ání bēbití amó ísu nkule su. Mbouín amó klón dé amó bláa ɔbé, ilehian ání bóbu amó.

⁶ Iní kén sú ilehian ání mléka tswitswí é ní. Bulu asúmbi ɔmá akpapó bugyi. Bapó amó bré fée bode ɔmá sú kí. ⁷ Mlíka íkó kugyíkúá ídín mliṣu. Mlíka tswitswí múa lampóo. Obú ɔkpasú á, mlibu amó fée. Ní igyi kanfú é á, mli kanfu amó fée.

Abadwe

⁸ Mlí mákítá ɔhaa íkó dún mli abadwe. Ní ɔku dé mu aba dwe á, ɔde mbli ámu féesú gyí. ⁹ Mose Mbli ámu léblí ɔbé, “Máto mbua.” “Mámó ɔha.” “Máwí ató.” “Mápe ansí fú ba atósú.” Iní pó mbli tráhe amu fée nwun gyí mbli kole ámuó íleblí ɔbé, “Dwe fú bá fé fú iwí” ámu. ¹⁰ Ní ɔku dé mu ba dwe á, ɔmá ɔpu lalahe gyi mu ekekeke. Iní su ɔhá ání ɔtɔdwé mu aba lagyi mbli ámu féesú.

* **12:20** Igyi fě fəkpá ogyá wólí mu ɔtántra.

¹¹ Mli onutó mliyin bré oduátó anibv. Bré lafun ání mlétsinkí, tsúfé aní nkpahóo lafun ta dun bré ámúó anilégyankpá hō Kristo gyi amv. ¹² Onyé detsúon, oyi lake ta. Mú sv mliha asi oklúnto bwehé fée bwe, atsu aní oyi kehetó akotó tsan. ¹³ Mliha aní tsiátó ibwe fē ahá ání butsie wankito. Mlímáha ayinta aní bré yetsiá odwe ogyíkpá, anidé ató dedé gyí, anidé ntá núu bv. Anímáwa atsi móa ayin asón. Anímáwa ɔnsípe, anímátre kó. ¹⁴ Mboún mlipv aní Wíe Yesu Kristo tin mli iwí. Mlímátrá tsiá tsiátó dada amóó mli ɔwólí láláhe tekle amv.

14

Akristofó Iláe Ọkpa Laláhe sv

¹ Mliho mli aba Akristofóá buma ɔwunlín hógyito wa mliho. Ní bee tóku bv alé ntée uma ale a, mli mágyi amó nwéen. ² Ọku lóhogyi ání ɔbv ọkpa gyi tógyító, táme ọku é hógyi ɔnó uma ɔnlín. Mú sv ɔtamagyi iye. ³ Ọkpa má inuá ɔhá ání otegyi tógyító ɔbéle ɔhá ání ɔtamagyi tóku ilá. Alí kén ɔhá ání ɔtamagyi tóku é ɔmále ɔhá ání otegyi tógyító ilá ní. Tsúfé Bulu lahó amó. ⁴ Fúgyí ma ání fēha ọku osúmbi pón? Mv wie nkule pé búbv ọkpa ání ɔbéblí ɔbéé, otsie wankláán ntée ometsie wankláán. Ọbétalí tsiá wankláán, tsúfé Bulu ọbétalí há mv ọbétsiá wankláán.

⁵ Ọku ọbétalí blí ɔbéé, eke kv dun mú aba, ọku é ɔbéblí ɔbéé nke ámv fée igyi kole. Ọhagyíha ɔyó mv klúnto wankláán, otsu móa ibv alé. ⁶ Ní ọku ɔlé eke ọku ɔbéé igyi eke yílé á, ɔde mósú gyí pútsú Bulu fúá. Ní ọku é tegyi tógyító á, ɔde mó gyí pútsú aní Wíe fúá. Ní ọku é tamagyi iye a, mv é ɔde mó kisi pútsú aní Wíe fúá. Tsúfé amó fée butedá Bulu ipán mósú. ⁷ Anito ɔhaa métsie nkpa há mv iwí, anito ọkoku é móowu há mv iwí. ⁸ Ní anitsie nkpa á, anitsie ha aní Wíe. Awú é á, anilawú há mv. Mú sv ní anilawú o, anitsie nkpa o, aní Wíe bú aní. ⁹ Tsúfé Kristo lówu, yínkí kúsú ba nkpató, méní ɔbóbwe akiankpapv pó awupó fée Owíe. ¹⁰ Iní sv imehián ání fēha fú bá ipón ntée fēkí fú bá ansító kótíkótí. Tsúfé aní fée abéyéli Bulu ansító, ọbégyi anito okugyíoku asón. ¹¹ Bɔwanlín wá Bulu asón ámvto bee, “Aní Wíe Bulu ɔbéé,

‘Nanyá mbv nkpa ánfí á,
 ɔhagyíha ɔbéda akpawunu mí ansító;
 ɔhagyíha ɔbéle blí ɔbéé, Bulu ngi.’ ”

¹² Mú sv anito okugyíoku ɔbéle mv asón ɔnó Bulu ansító.

Máha Fú Bá Ọdida Mv Hógyito

¹³ Mú sv mliha asi aba ilá le. Mboún abwée agywun ání anímóobwe tótóá ibéha aní bá ọkoku méesréí ntée dída. ¹⁴ Séí iníá namlí Okristoyin sv nabí ání atogyihe koku má inuá mv iwí metín. Táme ní Kristoyin ọku lóhógyi ání tóku iwí metín a, mómó mv wá mó iwí metín. ¹⁵ Ní fútegyi tóku, ide fú bá háan a, mómó fú bwehé medé odwe suná. Máha fú atogyihe iha fú bá ání Kristo lówu há mv ɔfwí. ¹⁶ Mú sv máha tóá foyin ání ibv alé ibwe tsitsa ahá ansító. ¹⁷ Tsúfé Bulu iwíegyi ámv imegyí atogyihe ntée atonuhe asón, mboún yilébwe, iwílwii pó ansigyí ání itsú Ọhe Wankíhé ámvto asón igyi. ¹⁸ Ọhagyíha ání otosúm Kristo ọkpa ánfisv á, mv asón tegyi Bulu ansí. Ahá é butobú mv.

¹⁹ Iní sv mliha aní ansí ipe tóá ibópv iwílwii ba, ibówa apíó aba ɔwunlín hógyitosv brégyíbré. ²⁰ Máyintá Bulu gymagyihe fú atogyihe sv. Ọkpa bv inuá abétalí gyi tógyító, táme ní ọku dé tóá ibéha mv ba ɔbóbwe lakpan bwe mó á, uma ale. ²¹ Ní ọku tamagyi iye kv, ntée nu ntá ntée bwé tóá ibéha mv ba ɔbédida á, ibv alé. ²² Mú sv tógyítóá fohogyi tsu ntóbí ánfí iwí á, ha mó ibwe fúá fú Bulunyó nsiné asón. Ní ọku opúni medé mv tsií mv bwehésó á, mómó ọkláa lawá mv ogyá. ²³ Táme ní mv klón medí mv asi mv atogyihe kv gyí sv, ogyi mó á, Bulu

lahá mu ipón dodoodo. Tsúfẹ mu ató ámu gyí melíi hógyisu. Tógyítáá ɔha mópɔ hógyi bwé igyi lakpan.

15

Ahá Ansísó Ató Bwe

¹ Ilehíán ání aní ahá ání aní hógyi ɔnó bu ɔnlɔn abénya klɔn há ahá ání amó hógyi ɔnó ɔma ɔnlɔn. Megyí tóá iletsiá aní wɔle abóbwe. ² Ilehíán ání anító okugyíáku ɔbóbwe tóá ibɔ alé há mu ba, ménɔ ibéha mu ɔbédan hógyito. ³ Tsúfẹ Kristo kóráá móbwe tóá mu onutó otekle. Mu iwɔl asón bɔwanlín wá Bulu asón ámutɔ bɛɛ, “Asiabí ámutú besia fú ámu fée ilebedinká mísú.” ⁴ Asón kugyíkuá bɔwanlín wá Bulu asón wanlínhé ámutɔ tsú titutɔ a, bɔwanlín mó ání ibósuná aní ató, wá aní atetɔ-ɔnlɔn, atomi lu kinkínkín. Fówun abénya klɔn kɔ ɔkpa ha ató ámutú aní ansí dɔn mósú ámu. ⁵ Bulu téhá ahá bɔtenyá klɔn. Mutówá ahá atetɔ-ɔnlɔn. Nde mu kulí mbée, ɔhá amlɔbwe kule, fée alhá Kristo Yesu lósuná aní. ⁶ Iní ɔbéha mli fée mlópɔ ɔme kule kánfú Bulu, ogyi aní Wíe Yesu Kristo mu Sɔ ámu nɔ.

Ahá Aní Bɔmegyí Yudafo Asón Wankláán Bláa

⁷ Iní sɔ mliho aba atúu fée alhá Kristo lóho mli, ménɔ ibówa Bulu numnyam. ⁸ Tsúfẹ nde mli bláa mbée, Kristo labwé Yudafo osúmpó, ménɔ ibósuná ání Bulu obégyi mu tó ámutú ɔlehie amó anáin amusu. ⁹ Kristo léba, ménɔ ahá ání bɔmegyí Yudafo bétɔ Bulu idayilé, nwe ámutú olowun amó ámu sɔ. Fée alhá Bulu asón wanlínhé ámu ilebli. Asón ámu gyí, “Aní Wíe Bulu, iní sɔ nówa fú numnyam ahá ání bɔmegyí Yudafo ansító.

Nówa lu kánfú fú.”

¹⁰ Bulu asón ámu létrá blí ɔbée,

“Mli ahá ání mli mégyí Yudafo, mliha Bulu ahá mli nɔ ansigyí!”

¹¹ Betrá wanlín bɛɛ,

“Ahá ání mli mégyí Yudafo fée, mli kanfu aní Wíe Bulu.

Ɔmá fée abí, mli kanfu mu.”

¹² Bulu ɔnósó ɔtɔípó Yesaia é lébli tswɔ ɔbée,

“Ɔha ɔku ɔbéln tsu aní náin Yisai* abí-anátó.

Mu obébegyi iwíe ahá ání bɔmegyí Yudafo sɔ ní.

Músú bédinká ansí ní.”

¹³ Buluá bɔtekɔ ɔkpa há ogyi. Nde mu kokóli mbée, ɔhá iwɔl lwii mli, ansí igyi mli amlího mu gyi. Mu Ɔhe Wankíhé ɔháa mli túmɔ, ménɔ mu ɔkpakɔ mósokpon mli.

Tóá Sɔá Paulo Léle Iwɔl Wánlín Ató Alí

¹⁴ Mí apíó Akristofɔ, mí onutó nhíé nyin ání aha wankláán mligyí, mli labí asón tsɔtsɔtsɔ, mlétalí tóí kplá aba. ¹⁵ Táme nawá klɔn nhíé nde mli asón bláa ɔwɔlɔ ánfɔtɔ pókáin mli. Tsúfẹ Bulu lawá awɔtɔle pɔ agyómá ánfɔ wá mí ibɔtɔ ɔbée mbwée. ¹⁶ Múgyí, mbóbwe Kristo Yesu osúmbi ahá ání bɔmegyí Yudafo. Mó sɔ nde osum agyómá ánfɔ yɔ fée Bulu igyi ɔhapó. Nde ahá ámutú bɔmegyí Yudafo ámu Bulu asón wankláán ámu bláa, ménɔ bémli igyi aható ání Ɔhe Wankíhé latin mó iwɔl, ilegɔ Bulu ansí. ¹⁷ Iníá míá Kristo Yesunɔ anɔlabwé kule sɔ á, mbɔ ɔkpa tsú iwɔl agyómá ánfɔ ndeyɔ há Bulu ánfɔ sɔ. ¹⁸ Tsúfẹ mméetali blí asɔansɔ tsíá atóá Kristo latsɔn mí asón blíhé pɔ mí bwehésó bwé ahá ání bɔmegyí Yudafo, ménɔ bóbu Bulu. ¹⁹ Ina ofúla móa osúna ámutú nɔbwe Bulu Ɔhe ámu túmitɔ ámusu netalí dá Kristo asón wankláán ámu fée ɔkan, tsú Yerusalem alí yédalí Iliriko ɔsɔlúsɔ. ²⁰ Tóá idɔn mí klɔnsɔ bré fée, ndekléá nóbwe gyí, nénatí dá Bulu asón wankláán ámu ɔkan ntínéá bɔmókúnyá nú

* **15:12** Yisai lókwí Owíe Dawid ání ogyi Yesu Kristo mu nain.

Kristo asón kɪ. Mmedékléá nótúá ɔkɔ gymagyiheɓu. ²¹ Tsúfɛ bɔwanlín wá Bulu asón ámutɔ beɛ,
 “Ahá ání bɔmɔkónú mɔ nka kɪ bówun mɔ,
 áhá ání bɔmɔkónú mɔ asón kɪ é bónu mó asɪ.”

Paulo Roma ɔpasua Yɛsɪndá

²² Inɪ láhá mmɔkónyá ɔkpa ba mɪ wá bɔtu ndɛ ní. ²³ Táme séi mó á, mí agyómá lamó ɔnó nfi fónsɔ. Nfi tsɔtsɔtsɔ ní ndekléá néba mɪ wá bekɪ mɪ. ²⁴ Mú sɔ nabwé agywɪn ání ní ndetsɔɔn nɔyó Spania a, nótɔn kɪ mɪ. Agyi ɔdwe kpalobí á, mlɪlasi mí ɔkpa nayó inu. ²⁵ Séi á, nabwé agywɪn ání négyankpá yó Yerusalem, yóbúá Bulu ahá ání bɔbu inu. ²⁶ Tsúfɛ Akristofá bɔbu Makedonia pú Akaia ɔsulósu bapó ɔdwe dúnká ató bɔdɛpɔsísí Bulu ahá ání bɔgyi ahiánfɔ Yerusalem. ²⁷ Iɔu amó ɔdwe ání bóbúá ahiánfɔ. Bawun ání ilehián ání bóbúá Yudafo é ká ɪkɔ. Tsúfɛ banyá ɔɣétó ató, nú nkpahɔ asón ámu tsú amó wá. Mú sɔ ilehián ání bódunká ɔyító ató kɔ há amó é. ²⁸ Ní nɔpú kóba ání bɔtswɪtswɪ ha mí fɛé wá amó ɪbɪtɔ á, nóbɔtsɔn mɪ wá yó Spania. ²⁹ Nyin ání ní neba á, nɔpu Kristo oyúla kpɔnkpɔɔnkpɔntɪ ba mɪ.

³⁰ Mí apíó adwɛpó, ndɛpu anɪ Wíe Yesu Kristo pú ɔdweá Bulu ɔɣé lahá mɪ há mɪ aba kókólí mɪ mbéɛ, mlɪlú mí ɔma, amlɪbɔ mpái ha mɪ kɪnkíínkín. ³¹ Mlɪbɔ mpái mlɪaa, Bulu ɔléɛ mí tsu Yudafo ámuó bɔmɔhɔ mɔ gyi amɔ ɪbɪtɔ. Mlɪbɔ ha mɪ, Bulu ahá ání bɔbu Yerusalem inu abɔhɔ ató ámuó napó neya amó ámu. ³² Fówun ní Bulu lótsulá á, néba mɪ wá ansigyí kpɔnkpɔɔnkpɔntɪtɔ, bɛda ɔkpónó. ³³ Buluá ɔtehá iwɪlwii, otsía mɪ fɛé wá. Amen!

16

Itsɪdha

¹ Ndɛ opio tshé Foibe lɛ súná mɪ. Kenkrea wúlutɔ ɔpasuatɔ ahandɛ ɔbúápu ogyi. ² Mlɪhɔ mɔ anɪ Wíe Yesu dátó alá ɪlekanáa ání Bulu ahá bóbwe, amlɪbɔ mɔ ɔkpagyíɔkpasu alá odeklé. Tsúfɛ mɔ onutó alabúá ahá tsɔtsɔtsɔ, alabúá mɪ é.

³ Nehá Priska mɔa mɔ kulu Akwila fɛé tsiá. Mía amónyɔ létsiá bwé anɪ Wíe Kristo Yesu agyómá. ⁴ Bɔpu amó ɪwɪ há ání bówu mí sɔ kóráá. Ndɛ amó ɪpán da wankláán. Megyí mí nkɔlɛ. Akristofá bɔmegyí Yudafo ɔpasua fɛé bɔdɛ amó ɪpán da. ⁵ Nehá ɔpasua ámuó betsiá fia amó wóyító ámu é fɛé tsiá.

Nehá mí ɔdwepó Epaineto tsiá. Múlégyankpá hɔ Kristo Asia ɔmátó fɛé ní. ⁶ Nehá Maria ámuó olowun ɪpian mɪ sɔ ámu tsiá. ⁷ Nehá mí aba Yudafo Androniko mɔa Yunia tsiá. Bawá mía amónyɔ obu kɪ. Bɔgyi Kristo sumbí ayɔpó ání obú bɔ amósú. Begyankpá hɔ Kristo asa natá bɔhɔ.

⁸ Nehá mí pío ɔdwepó Kristotɔ Amplia tsiá. ⁹ Nehá anɪ Kristo agyómá ɔyɔbá Urbano mɔa mí nyáwíe kláklá Staki tsiá. ¹⁰ Nehá Apele ámuó alalé súná wankláán ání alapó mɔ ɪwɪ há Kristo amɔ mɔa Aristobulo abusuanfɔ fɛé tsiá. ¹¹ Nehá mí bá Yudayin Herodion tsiá. Nehá Narkiso abusuanfɔ ání bɔgyi Akristofá tsiá.

¹² Nehá Trifaina mɔa Trifosa, bɔgyi atɪ ámuó bɔdɛ Kristo agyómátó kɪnkíínkín ámu tsiá. Nehá mí ɔdwepó tshé Persi, ɔdɛ Kristo agyómá yɔ kɪnkíínkín ámu é tsiá. ¹³ Nehá Rufo mɔa mɔ yin ámuó mí é ntɛtí mɔ yin ámu tsiá. Rufo gyí anɪ Wíe agyómá ɔyɔpó ání alahɔ dá agyómá ámutɔ. ¹⁴ Nehá Asinkrito, Flegon, Herme, Patroba, Herma pú apíó Akristofá ámuó bɔbu amó wá ámu fɛé tsiá. ¹⁵ Nehá Filologo, Yulia pú Nereo mɔa mɔ pio tshé pú Olimpa mɔa Bulu ahá ámuó bɔbu amó wá ámu fɛé tsiá.

¹⁶ Mlɪlata aba puta Bulu ɔdwɛtɔ. Kristo ɔpasua ámu fɛé bɔdɛ mɪ tsiá ha.

Tá Roma Ahógyipɔ Amɔ Bɔbwéɛ

¹⁷ Apíó, nokókóli mli, mlikí wankláán, méní mlétalí wun ahá ání búvú mli, búde mli dasáín. Alí ahá ámu bútehá ahá bútedida hógyitá. Amó atosunáhé tédá mó amóú nosuná mli ámu mó. Mlikula iwí le amósú. ¹⁸ Tsúfě ahá ámu odu á, megýí aní Wíe Yesu Kristo búdesúm. Amó ówóli laláhe búdesúm. Bapó amó ónwankí pó ahákanfú búna búde ahá ání búmeyín olala mlé. ¹⁹ Táme mli mó á, ohagyíha lanú alíá mli lapó mli iwí há Kristo. Mó sù íbú mli ódwe, ansí de mí gyí wankláán mli sù. Táme ndekléá mli tìn ansí, amlíbi tóá íbú alé. Mli máwa íbú lalahetá. ²⁰ Bulu téhá aní iwílwii. Imóowa ópá á, óbétá Satansu mántá ósulóv tántáántán, mlélí mli sù.

Aní Wíe Yesu Kristo ogyíi mli búale, olu mli óma.

²¹ Mí bá agyómá óyópó Timoteo dé mli tsiá ha. Alí mí aba Yudafo Lukio móa Yason pó Sosipatro é búde mli tsiá ha ní.

²² Mí mli pío Okristoyin Tertio ání nōwanlín ówóló ánfí há Paulo, nde mli tsiá ha.

²³⁻²⁴ Mí wóyí mu wie Gaio amóú ópasua amóú bútefia mu wóyító amu dé mli tsiá ha. Erasto, ogyi wúlu kóbasu okípu móa aní pío Kwartó é behá mli tsiá.*

Paulo Bulu Kanfó

²⁵ Mliha akanfó aní Bulu! Mu óbétalí tsun Yesu Kristo asón amóú nablí ámu sù há mlélí kinkíinkín hógyitá. Olópu ónókwali ánfí nájín tsú óyí ópá. ²⁶ Séi mó á, alatson mu ónósó atópó amu ató wanlínhésu lé mó ówan. Fé alíá Buluá óbu unu bré fěétó lahá ómá-ómá babí mó, méní ahá fěé bóhó mu gyí, bú mu.

²⁷ Bulu nkóle gyí Bulu. Mu nkóle búvú nyánsa. Numnyam ání ilekanáa itsóvun aní Wíe Yesusu itv mu bré fěétó. Amen!

* **16:23-24** Mótó yée 24 bú nwóló dada amu akótó: Aní Wíe Yesu Kristo ówáa awítóle ha mli fěé. Amen!

Ɔwulɔ Gyankpapɔ́a Paulo Lɔwanlín Sísí Korintofa

¹ Mí Kristo Yesu sumbí ɔyɔpɔ Paulo ání Bulu létɪ mɔ apétó pɔ anɪ pío Sostene dé ɔwulɔ ánfɪ wanlín.

² Anidé mó wanlín sísí Bulu ɔpasua ání ɪbu Korinto wúlutɔ, Bulu lalé amó, bwé amó mɔ ahá. Amóa Kristo Yesu babwé kɔlɛ, fé anɪ Wíe Yesu Kristo asúmpɔ́a bɔbɔ ɔyító fée, Yesu Kristo gyí anɪ fée Owíe.

³ Anɪ Sísí Bulu mɔa anɪ Wíe Yesu Kristo bɔgyí mɪ buale, abɔha mɪ iwilwii.

Ania Kristo ɪkɔlɛbwɛtɔ Oyúla

⁴ Ntɛdá Bulu pán brégyíbré, ahá mɪa Kristo Yesu kɔlɛbwɛ sɔ alawá awítɔlɛ há mɪ. ⁵ Tsúfé mó sɔ mlilanyá ɪwɪ tógyítótó. Múá ɪdɔn gyí mɪ tɔ́i pɔ mɪ asónbɪ féétɔ. ⁶ ɪnɪ lasúná ání asón amóó anɪlɛ́bláa mɪ tsú Kristo ɪwɪ amɔ bu mótó. ⁷ ɪnɪ sɔ ɔ́ɛ́tɔ atokiehé kugyíku mɛdé mɪ hián séi ánfɪ mɪhíé mɪdɛ́ ɛkɛá anɪ Wíe Yesu Kristo obótsu ɔ́súsú ba bɛlɛ ɪwɪ ɔwan ɔkpa kí anfi. ⁸ Mɔ onutó ɔ́bɔwa mɪ ɔwɔnlín yóɔn ɛkɛ amóó ɔ́bɛsankí bá begyi anɪ asón amɔ, ménɪ asɔansɔ méetsiá mɪ ɪwɪ. ⁹ Ɔnɔkwaliɔ Bulu gyí. Mɔlétɪ mɪ ɔ́bɛɛ, mɪa mɔ Bi, ogyi anɪ Wíe Yesu Kristonyɔ mɪbɔ́bwɛ kɔlɛ.

Ɔpasua Amɔtɔ ɪkɔlɛmbwé

¹⁰ Apíó, nɔpɔ anɪ Wíe Yesu Kristo kókóli mɪ ání mɪ fée mɪbwéɛ kɔlɛ, ménɪ mɪmɛ́ɛdasáin. Mɪha mɪ agywɔn ɪbwɛ kɔlɛ mɪ asɔn blíhɛ kugyíkɔtɔ. ¹¹ Mí apíó, tɔ́a sɔ́a ndɛ asón ánfɪ blí gyí, akɔ́a botsú Kloe abusuantɔ babláa mɪ bɛɛ, asón bɔbɔ mɪ nsínɛ. ¹² Bɛblí bɛɛ, mɪtɔ akɔ mɪa, “Paulo anɪbuo.” Abambá bɛɛ, “Apolo anɪbuo.” Akɔ́ ɛ bɛɛ, “Petro, bɔtɛtráa tɪ mɔ Kefa anɪbuo.” Akɔ́ ɛ bɛɛ, “Kristo anɪbuo.” ¹³ Nfítɛ mɪ, beye Kristotɔ? Paulo bɛda mántá oyikpalíhɛ amɔsɔ há mɪ, ntɛɛ mɔ dátó bɔbɔ mɪ asú?

¹⁴ Nɛdá Bulu ɪpán ání Gaio mɔa Krispu ɔma a, mmɛtrá bɔ mɪtɔ ɔkɔku asú. ¹⁵ Mó sɔ ɔhaa méetalí blí ɔ́bɛɛ, mí ɪdátó nɔbɔ mɔ asú. ¹⁶ Ké! Nakáin, nɔbɔ Stefana mɔa mɔ wóyító ahá ɛ asú. Amó ɔma a, mmɛ́ɛkaín ání nɛtrá bɔ ɔhaa asú. ¹⁷ Kristo mówa mí ahá asúbɔ. Mboún ɔ́bɛɛ, mbɛda asɔn wankláán amɔ ɔkan. Megyí ɔnɔwankɪ pɔ anyánkpɔ́sa agywɔn nɔpɔblí mó, tsúfé ní nɔpɔ mó blí mó á, túmɪ kɔkɔkɔ ɪmɛ́ɛtrá tsiá Kristo oyikpalíhɛ amɔtɔ.

Bulu Túmɪ Pɔ Mɔ Nyánsa

¹⁸ Anɪ Wíe Yesu oyikpalíhɛsɔ lowu ɪwɪ asón amɔ igyi mimlála há ahá ání bɔdɛhɪ. Táme igyi Bulu túmɪ há anɪ ahá ání Bulu dé nkpa ání itamatá ha.

¹⁹ Tsúfé bɔwanlín wá Bulu asón amɔtɔ bɛɛ,

“Néyintá anyansapɔ nyánsa.

Mmóɔhɔ amó agywɔn wankláán kɔku.”

²⁰ Ní igyi alɪ á, mómó ntɔ onyansapɔ gyí? Ntɔ Mose mbla osunápɔ gyí? Ɔyí ánfɪtɔ nwéɛn agyí́pɔ mɛ? Ɔyító ansítɪn mé, imegyí mimlála Bulu ansító?

²¹ Bulu lɔpɔ mɔ onutó nyánsa bwé mó. Nyankpɔ́sa méetalí pɔ mɔ nyánsa bí mɔ ɛkɛkɛkɛ. Mó sɔ alapó anɪ mimlá ɔkan amóó anɪdɛ́da amɔ hɔ ahá ání bahɔ mɔ gyi nkpa. ²² Tsúfé osúna ání itsú Bulu wá Yudafɔ bɔtekleá bɔpɔbí ání asón amɔ bu mótó. Griikifɔ ɛ á, nyánsa bɔtekleá bɔpɔbí ání ɪbu mótó. ²³ Mó sɔ ní adá ɔkan aniaa, bɛda Kristo mántá oyikpalíhɛsɔ á, ɪtɔkúsú líí Yudafɔsɔ, igyi mimlála ɔmá bámbásúfɔ ɛ ansító. ²⁴ Táme ahá ání Bulu lalé, bɔgyi Yudafɔ pɔ Griikifɔ mó á, Kristo gyí Bulu túmɪ kpɔ́nkpɔntɪ pɔ mɔ nyánsa há amó.

²⁵ Tsúfé Bulu mimlála igyi ansítɪnla dɔn nyankpɔ́sa nyánsa. Mɔ pón ɛ kóráá dɔn nyankpɔ́sa ɔwɔnlín.

²⁶ Apíó, mlíkain alíá mligyí bréá Bulu létí mli. Ahá bɔtamabú mli ɔdɔdɔɔ ání mlílétɔn ansí. Mli ɔdɔdɔɔ mlimégyí iwí anyapó, ɔdɔdɔɔ é bɔmotsú abusuan kpikplítɔ. ²⁷ Bulu léle ahá ání bɔma nyánsa ɔyí ánfítɔ, méní ɔbópɔ amó sɔpa atiansipɔ. Ɔléle ɔyí ánfítɔ apónpɔ é, méní ɔbópɔ amó wá awɔnlínpó pélítɔ. ²⁸ Ɔléle ahá ání obú ma amósú, pó amóá bɔma labi kɔkɔ ɔyí ánfítɔ, méní ɔbópɔ amó wá amóá obú bɔ amósú pélítɔ. ²⁹ Ɔlobwɛ mó fée alí, méní ɔhaa móotsu iwí mu ansító. ³⁰ Bulu sɔ mli Kristo Yesunyɔ mliabwé kɔle, alapó Kristo bwé aní nyánsa. Múlátsú aní ání aní asón da ɔkpa mu ansító, alabwé aní mu ahá. Alahɔ aní lé lakpan nkpábitɔ, há anílagyi iwí. ³¹ Mó sɔ fé alíá Bulu asón ámu léblí á, “Ɔhagyíɔha ání ɔbé, mótsu iwí á, ɔpóu tóá aní Wíe labwé tsu iwí.”

2

Kristo Da Mántá Oyikpalíhesu

¹ Mí apíó, bréá neba beɔa Bulu asɔn ɔáinhé amɔ ɔkan súná mli á, mmɔpɔ ɔnɔwankí ntée nyánsa kɔkɔ bebláa mli Bulu asón ámu. ² Tsúfé bréá mbɔ mli wá á, nɔbwɛ agywɔn ání nótó tsú Yesu Kristo pó mu oyikpalíhesu lowu nkɔle iwí. ³ Bréá neba a, mí awútó yóyóyó. Ifú de mí, ndekpinkí. ⁴ Megyí mí nyánsa pó mí ɔnɔwankí nɔpɔdá asón ámu ɔkan súná mli. Mboún Ɔhé Wankíhé amɔ túmí léha asón ámu ɔnɔwankí mli. ⁵ Ibeba alí, méní mlénýa mli hógyi tsú Bulu túmitɔ, megyí nyankpɔsa nyánsatɔ.

Bulu Nyánsa

⁶ Táme ní nowíe ahá ání badan hógyi amɔtɔ wá á, ntɔpó Bulu nyánsa bláa amó asón amó. Megyí nde ɔyí kehetɔ nyánsa, ntée ɔyí ánfítɔ isɔ agyípo ání béba bɔholú amó túmí klé. ⁷ Nyánsa ánfí anidé mó iwí asón blí ánfí igyi nyánsa ání Bulu lópɔɔhín asa ɔyí lebelín, ání ɔbópɔwá aní numnyam. ⁸ Ɔyí ánfítɔ otúmípo ɔkɔkɔ mébi nyánsa ánfí. Ní bebi mó á, tekí bɔmeda aní Wíe Onumnyampɔ amɔ mántá oyikpalíhesu. ⁹ Táme fé alíá bɔwanlín wá Bulu asón ámu á,

“Tóá ansíbi mɔkówun kí, asɔ mókónú kí,
imókúba nyankpɔsa agywɔntɔ é kí a,
mó Bulu lalá yáí há mu adwepó ní.”

¹⁰ Táme anílabí íní, tsúfé alalé mó súná aní tsɔn mu Ɔhé Wankíhé amɔsɔ. Ɔhé ámu tokwí tógyítótó kí, ɔtelé Bulu asɔn ɔáinhéá ibɔ ɔtótótó kóráá súná aní. ¹¹ Ɔhaa tamawun mu ba nwuntɔ, nkétí mu onutó ɔhé. Alí kén Bulu Ɔhé ámu nkɔle tówwun Bulu nwuntɔ ní. ¹² Aní mó á, Bulu lópɔ mu Ɔhé wá anítɔ, megyí ɔyí ánfítɔ ɔhé bɔ anítɔ. Mboún Ɔhéá itsú Bulu wá, méní abétalí nú itó ámuó Bulu lapókíe aní faan amɔ así.

¹³ Mó sɔ megyí aní onutó nyánsa asón anidé mli bláa. Mboún asón ání itsú Ɔhé Wankíhé ámu wá. Mó anidépolé Ɔhéá ɔnɔkwali asón así ní. ¹⁴ Ɔhá ání ɔma Ɔhé Wankíhé méetalí hɔ tóá itsú Bulu Ɔhé ámu wá, tsúfé igyi mimlála mu wá. Ɔhá ání Ɔhé Wankíhé bɔ mɔtɔ tónú asón ání Ɔhé ámu déblí así. ¹⁵ Mutetalí tété tógyítótó nú mó así. Táme mu mó á, ɔhaa méetalí tété mu asóntó, nú mu así ekekeke. ¹⁶ Nkálí ibóbwe asa bétalí nú mó así? Igyi fé alíá Bulu asɔn wanlínhé amɔ léblí ɔbé,

“Ma ɔbétalí bí aní Wíe agywɔn?

Ma ɔbétalí súná mu asón?”

Táme Kristo agywɔn bɔ anítɔ. Mó sɔ aní mó abétalí bí mu agywɔn.

3

Bulu Asúmpó

¹ Apíó, bréá neba mli wá á, mmɛtalí tóí mli ansító fé ahá ání Ɔhé Wankíhé bɔ amótó. Nebláa mli asón fé ahá ání amó agywɔn ɔdɔn ɔyí ánfítɔ atósú, bɔmɔkúdan

Kristotó. ² Nyópu-ntsu neha mli. Mmeha mli atogyihe onutó. Alí bré ámutó á, mlimákófun atogyihe onutó gyí. ³ Tsúfě ɔyí ánfító tsiátó ɪtráa bu mli. Mli dé aba lu, mli détré. Ní mli dé ɪni bwe mé, imosuná ání mli agywun trá dɪn ɔyí ánfító atósó, mligyí fě ɔmátófo? ⁴ Mli to aku mli aa, “Paulo mbuo.” Mli to aku é mli aa, “Apolo mbuo.” Mbée, ɪni medésuná ání mligyí fě ɔmátófo?

⁵ Mbée, ma gyí Apolo, ntée ma gyí Paulo, sú mli détré aní su? Bulu asúmpó keke anigyí, mli latsun aní ɪbitó mli mu ahógyipu. Anito okugyíaku légyi gyoma ání Bulu léha mu. ⁶ Mílódu, Apolo lówolí mó ntsu, táme Bulu léha mó ɪledan. ⁷ Megyí odupó móa ntsu ɔwólípó lóbwe tótó. Bulu nkole tóbwe, tsúfě mutéhá mó ɪledan. ⁸ Odupó móa ntsu ɔwólípó fěé bugyi kékée Bulu ansító, ɔbéka okugyíaku ɪko mu bwehé ɔnó. ⁹ Agyómá ayópó mía Apolo anigyí há Bulu. Mligyí Bulu ndó, mligyí mu obu é ní.

¹⁰ Bulu lówa awítale há mí, bwé mí obu oyípu ɔtiansipu. Mó sú nɔpu abwi wá obu ámu ntswiasí, aha bambá betalí budepwe dínká mósó ní. Táme ɔhagyíha ɔkú wankláán obu ámu pwetó. ¹¹ Tsúfě ɔhaa méetalí wá ntswiasí bambá dun mó ámú ɪda yaí, igyi Yesu Kristo amu. ¹² Ní ɔku ɔpó sika pepe o, sika futútú o, abwi ání ɪbu bíá o, nyí o, afitáa ntée ipí yi dínká ntswiasí ámu su á, ¹³ ɔbí ání kugyíku ɪbélɪn ɔwan eke ámú Bulu obégyi aní asón ámu. Ogyá ɔbópɔso mó kɪ bée, ɔlobwe mó wankláán. ¹⁴ Ní ogyá ámu mǎho obu ámu yíntá á, Bulu ɔbéda mu ipán. ¹⁵ Táme ní obu ámu lóhó a, ɔbéhie hólí ató. Bulu ɔbóhó mu nkpa, táme obófufu fě ɔhá ání alasrí dalí ogya plenplento.

¹⁶ Mliméyín ání Bulu ɔtswékpa mligyí, Bulu ɔhé ámu tsie mli to? ¹⁷ ɔhagyíha ání oleyintá mu ɔtswékpa a, Bulu é obéyintá mu, tsúfě Bulu ɔtswékpa lówankí. Mu ɔtswékpa amu gyí mli á.

¹⁸ ɔhaa mámlé mu ɪwí! Ní mli to ɔku dé mu ɪwí ti ɔtiansipu nde ɔyí ánfító á, ilehián ání ɔbóbwe mu ɪwí ɔha mimláhe, méní ɔbóbwe ɔtiansipu onutó. ¹⁹ Tsúfě ɔyí ánfító ansítɪn igyi mimlála Bulu ansító. Fě aliá bɔwanlín wá Bulu asun wanlínhé amutó bée, “ɔtiansipu agywun láláhe Bulu tǎpókítá mu.” ²⁰ Bulu asun wanlínhé amu letrá blí ɔbéé, “Bulu yin ání ɔtiansipu agywun itépí ma labi.” ²¹ ɪni su ɔhaa mápu ansí dínká ɔhaasu tsú ɪwí. Mlibú tógyító. ²² Paulo o, Apolo o, Petro o, ɔyí ánfí o, nkpa ntée lowu o, nde o, ɔke o, mlibú mó fěé. ²³ Kristo bó mli, Kristo é gyí Bulu klé.

4

Kristo Sumbi Ayópó

¹ ɪni su ɔhagyíha otsú mó ání Kristo asúmbi keke mía Apolo anigyí, Bulu lapó mu asun ɲáínhé amu agyómá wá aní ɪbitó. ² Tóá ihíe dehián gyí, ɔhá ání bapó agyómá wá mu ɪbitó obégyi ɔnǎkwali. ³ Mí mó á, ní mli to aku ntée aha bambá bu de mí pón ha kóráá á, imegyí tótó mí ansító. Mí onutó ó mmǎkóhá ɪwí pón ntée asu. ⁴ Nyin mí kluntó, táme imosuná ání mí asón da ɔkpa. Aní Wíe Yesu gyí mí asón ogyípó. ⁵ ɪni su mlimákási lé mli aba ɪlá kpéfɪn aní Wíe ɔbáke amu. Mu ɔbówankí wólí oklúntó atósó, lé aní agywun ɔwan, asa Bulu ɔbékanfó ɔhagyíha aliá ilehián ní.

⁶ Mí apíó, mli só ndepu mía Apolo tsiátó súná mli ató, méní mlónu mó ámú ahá boteblí bée, “Mlimányankí tóá bɔwanlín tswisu” ámu asi, fówun mlimóowun ɔhaa tsú ɪwí. ⁷ Ma lébláa fɔ ɔbéé fɔdun ɔku? Nto fɔbúá imegyí Bulu léha fó? Ní Bulu léha fó tógyító á, ntogyi só fóde ɪwí tsu fě megyí ha beha fó?

⁸ Mli dékú ání mli lamwé! Mli lanyá ɪwí! Mli lawúna mli dé iwíe gyí. Mí su mó á, tekí mli dé iwíe amu gyí lélé, méní ania mlinyɔ abégyi iwíe amu. ⁹ ɪde mí bwe fě Bulu lahá aní sumbí ayópó ánfí anilabwé ɔma agyápu fě ndoun bakpá bɔyómó. Tsúfě anilamlí ató kɪhe há ɔyító fěé, Bulu-abɔpu móa anyánpósa fěé. ¹⁰ Kristo

só anilabwé aha mimláhe, mli mó mlilatín ansí. Anígyí apónpu, mli mó mlibu ɔwɔnlín. Ahá bɔde mli bu, aní mó ɔhaa tamabú aní. Megyí alí mli dé aní kú ní? Ntéé megyí alí? ¹¹ Bófɔn séi á, akún móa ɔmewóli de aní, atatidato anída. Bɔde aní atswé fulí, anímá ɔdikpa. ¹² Aníeyírí iwí pú aní ibí yó agyómá pónyá aní ató hiánhe. Ní bɔlwí aní á, anítoyúlá amó. Ní bɔdín anísu é á, anítotomí. ¹³ Ní beblí aní iwí asɔn laláhe a, anítápó ɔdwe lé mó ɔnó. Bófɔn séi á, anilabwé wúna, bɔde ipí pɔtsítsá anísu ɔyí ánfító.

¹⁴ Mmedé ínɪ wanlín pósópa mli, mboún ndepɔtói kplá mli fé mí abí adwepó. ¹⁵ Tsúfé ní ahá mpím-dú (10,000) lósuná mli Kristo iwí asún kóráá á, ɔbakóle pé abí mligyí ɔhétó. Nɔbwe mli sí Kristo Yesuto bréá neda asɔn wankláán ámu ɔkan súná mli. ¹⁶ Mó su nde mli kokóli, mlikasí mí tsiátó. ¹⁷ Iní su nde Timoteo wa sísí mli. Mí bí ní, ntɔdwé mu. ɔbu ɔnɔkwali Kristotó. Mu ɔbéba bekaín mli tsiátó oduá nɔpu mbuo Kristo, ndepɔsúná ɔpasua kugyíkúá ibú ɔtíneyíótíné ní.

¹⁸ Mlító aku bɔde iwí tsu. Bukí beé, fialí mméetrá ba mli wá ekekekeke. ¹⁹ Táme ní aní Wíe Yesu lótsulá á, imáɔwa ɔpá kuku néba mli wá beki beé, asún keke iwí atsupó ánfí bɔdeblí lóó, ntéé lélé bɔbu Bulu túmí. ²⁰ Tsúfé megyí asɔn blíhé keke Bulu iwíegyi ámu igyi, mboún Bulu túmí. ²¹ Ní nebá mli wá á, ntó mpóba? Mpó mli ba lóó, ntéé ɔdwe móa ikɔn lwiíhé?

5

Mbvatɔ Iwí Asón

¹ Bahíé bebláa mli beé, mlító aku bɔde atsi móa ayin asún wa. ɔmátófo kóráá bɔmedé mó odu bwe. Mlító ɔku mó kóráá laswíí mu sí mu ka, ² ibú mli ansigyí! Ima mli awírehɔ. Péli medé mli, ménɪ mlégya ɔhá ánfí odu lé mli ɔpasuato. ³ Iníá mlimédé mí wúun ó á, mbu mlító ɔhétó. Nahá ɔhá ánfí ɔbu tsiátó anfi odu ipón dodoodo, fé mbu inu. ⁴ Mlító ɔpasua ámu fia aní Wíe Yesu Kristo dátó. Nétsiá mlító ɔhétó, aní Wíe Yesu Kristo túmí é ibétsiá mlító. ⁵ Inu á, mliɔu mu wa ɔbɔnsám ibíto, oyinta mu ɔyólóu, ménɪ Bulu ɔbóhɔ mu ɔkláa nkpa aní Wíe Yesu ɔbáke amu.

⁶ Kpaali mli dé iwí tsu. Mliméyín ání bodobodotu-afá kpalobí téhá bodobodo amu féé itotú? ⁷ Iní su mli le lalahe ɔbwepó anfi mlító, ménɪ mli iwí bétin fé bodobodoá bɔmɔwa afá mótó, tsúfé alí mli híé mligyí ní. Megyí bodobodoá bɔmɔwa afá mótó, imotu bɔtápógyí Katsun Nke? Bamó aní Israelfɔsu Katsun Nketó Okúfabi, ogyi Kristo amu, lé aní nwunsu mbusuo há aní dodoodo. ⁸ Mó su mli ha apu bodobodoá imotu, igyi iwítín móa ɔnɔkwali wa gyi Katsun Nke ámu. Mlimáha apu bodobodoá ɪlatú, igyi tsiátó laláhe móa lakpan gyi mó.

⁹ Nɔwanlín wá ɔwuló kúá nɔpɔsísí mlító mbéé, mlimápu mbua atápó gyi mba. ¹⁰ Megyí ɔyító mbua atápó, ɔnsípe awapó, awikplu ntéé ikpi atswépu iwí asún neblí. Mó mó tekí mlédali ɔyí ánfító asa mlimáɔwa amó mba ní. ¹¹ Tóá nɔwanlín sísí mli gyí, mlimápu ɔhá ání ɔbéé Okristoyin mɔgyi, táme ɔtótó mbua ntéé ɔbu ɔnsípe, ɔtatswe ikpi, otesiá mu aba, ɔtábó ntá ntéé otowí ató gyi mba. Mli ɔhá ámu nyɔ mlimáwa ibí gyi ató kóráá.

¹² Ntó só négyi ahá ání buma ɔpasua ámu to asún? Megyí ahá ání bɔbu mótó, bɔde lakpan ánfí odu bwe mboún asún lehián ání mlégyi? ¹³ Bulu obégyi ahá ámuó buma ɔpasua ámu to ámu mó asún. Táme bɔwanlín wá Bulu asɔn wanlínhé amuto beé, “Mli mó mligya lalahe ɔbwepó le mlító.”

6

Bulu Ahá Wɔlewɔle Nsíné Asóngyi

¹ Ní mliṭo oku mva mu ba Okristoyin benya á, ntogyi só mliṭowá klun poya amátófo asón ogyíkpa, mliṭamapó ya Bulu ahá abubli mó? ² Mliméyín aní Bulu ahá obégyi oyító ahá fée asón? Ní mli obégyi oyító ahá asón á, mó ntogyi só mliméetalí gyi mli wulewule nsiné asón? ³ Ntée mliméyín aní aní obégyi Bulu-abapu é asón? Ntogyi só animéetalí gyi ekekegyíeke asón mó? ⁴ Ní asón idá mli nsiné á, ntogyi só mliṭopuya amátófo asón agyípó amó mli opasuafó butamabú ámu? ⁵ Nde asón anfi wanlín sísí púsópa mli. Mó su otiansipu okule kórará má mli opasuato aní obétalí gyi mu aba nsiné asón? ⁶ Ntogyi só ohógyipu obésamáa mu ba, móa idun kórará pó mu yélí amátófo ansító?

⁷ Alí amó asón ibu mli Akristofa wulewule nsiné ámu kórará ilosuná aní mliṭagyi pón dodo. Ntogyi só mli bá opó ilá gyi mli, ntée osisi mli, mliméesikíé? ⁸ Mli mboun latsun gyankpa mliṭé mli aba sísí, mliṭé lalahé pugyi mli aba? ⁹ Ntée mliméyín aní aha lalahé bumóowie Bulu iwíegyi ámu? Mlimámlé mli iwi. Ahá aní butowá atsi móa ayin asón, ikpi atswépu, mbua atópó, ayin aní butekle amó aba ayin, ¹⁰ awikplu, onsípe awapó, ntá abupó, ahá asiapó pó ahá asisipu buméenya ogyíkpa Bulu iwíegyi ámu. ¹¹ Teki bré ámu a, alí mliṭo aku mli gyi ní. Táme Bulu labie mli ntsu, alabwé mli mu ahá. Alatsun mu ɔhé ámu pó aní Wíe Yesu Kristosu tsú mli aní mli asón da okpa mu ansító.

Mli ɔyulúv Powá Bulu Numnyam

¹² Mliṭo oku obétalí blí obée, “Mbua okpa bwé tótógyító.” Ee! Táme nde mli bláa mbée, “Megyi mó fée obówa labi.” Oku é obéblí obée, “Mbua okpa bwé tótógyító, táme mméha tótó méegyí misu.” ¹³ Ibu mótó oku obétalí blí obée, “Atogyihe bu unu há ipu, ipu é bu unu há atogyihe.” Ee! Táme mó fée ibéhi ekekú. Bulu móbwe nyankpusa há atsi móa ayin asón wa. Mboun aní Wíe bó aní ɔyulúv, aní ɔyulúv é bó aní Wíe. ¹⁴ Bulu lókúsó aní Wíe Yesu tsú afúlitó. Obópu mu túmi ámu kúsó aní é.

¹⁵ Ntée mliméyín mliáa, mli ɔyulúv igyi Kristo nyankpusa-oyí ámu iwi ató? Mó nkálí só mpúv Kristo ɔyulúv yeda obu-onó otsiápó ɔyulúv? Itsúvun misu! ¹⁶ Ntée mliméyín mliáa, ní oku opó ibi da obu-onó otsiápó a, mva munyɔ ɔyulúv labwé kule? Tsúfé Bulu ason wanlínhé ámu léblí obée, “Oyin ámu mva otsi ámu babwé ɔyulúv kule.” ¹⁷ Táme ní oku mva Kristo babwé kule a, mva munyɔ babwé ikule ɔhétó é.

¹⁸ Mlimápleí atsi ntée ayintó. Lakpan kugyíkúá oha tóbwe tamakúsó líí mu ɔyulúv. Táme ní oku owá atsi móa ayin asón mó á, alabwé lakpan aní ilókúsó líí mu onutó ɔyulúv. ¹⁹ Ntée mliméyín mliáa, mli ɔyulúv gyi ɔhe Wankíhé ámu otswékpa obu? Bulu lópu mu há mli, otsie mliṭo. Mó su megyi mliṭó mli iwi. ²⁰ Ibíá kpékpélékpé Bulu lóho mli. Mó su mliṭo mli ɔyulúv wa Bulu numnyam.

7

Akúlu Mva Aká, Akpanko Pó Asorapv Atosunáhé

¹ Nayó ason fitéhé amó mliṭowanlín sísí mí ámuṭo kí a,

Ee! Ibu aléá oyin móopu ibi da otsi. ² Táme mbuató ladubi su oyingyíoyin onyá mu onutó oká, otsgyíatsi é onya mu onutó okúlu. ³ Ilehian aní okúlu obégyi okátsiá mbla féesú ha mu ka, oká é obóbwe mó alí ha mu kulu. ⁴ Megyi otsi bó mu iwi, mu kulu bó mu. Alí megyi oyin é bó mu iwi, mu ka bó mu ni. ⁵ Mó su mlimákiná aba odikpa ha, nkéti mli abanyó ámu mliṭatsúlá aní mliṭsiá nke kpalobí, méní mliṭsiá bó mpái, asa mliṭelayó aba wá. Mliṭawun aba mó oma, méní Obonsám méetalí sɔ mli kí, ní mliméetalí kítá iwi.

⁶ Okpa ida aní mliṭbwe mó alí, táme megyi ohíé igyi. ⁷ Mí nkule su mó á, teki mliṭsiá kpanko fé mí, táme ohagyíha bu móá Bulu lópukíé mu. Omabwé aní fée kékée. Ohagyíha mva mu kle.

⁸ Séi nde akpanku móa asvrapu bláa mbéé, ní bótsulá tsíá mí atsiábi a, tekí ɪbu alé. ⁹ Táme ní mliméetalí kítá ɪwɪ ntée gyi mli ɪwɪsu mó á, mɪtsia akúlu móa aká, don ání mlenatí dá tsun.

¹⁰ Táme akúlu móa aká awíe mó á, mbla ku bu ɪnuá megyí mí, mboún aní Wíe Yesu lówa há amó. ɔbéé, ɔká mákiná mu kulu. ¹¹ Táme ní ɔmáin mu kulusu a, ɔkíta ɪwɪ ntée oyínki yɔ mu kulu wá. Okúlu é mákiná mu ka.

¹² Mli aha tráhe mó á, mí onutó dé mli ɪnɪ bláa. Megyí aní Wíe Yesu dé mó blí. Ní ohógyipu yínhé tsia ɔtsíá omegyí ohógyipu, táme ɔtsi ámu latsúlá ání muu monyɔ bétsiá á, ɔmákiná mu. ¹³ Ní ohógyipu tsíhé é tsia oyin ání omegyí ohógyipu, táme alatsúlá ání muu monyɔ bétsiá á, mu é ɔmákiná mu. ¹⁴ Tsúfé ohógyipu tsíhé ámu su Bulu ɔbóhɔ mu kulu. Alí kén ohógyipu yínhé ámu su Bulu ɔbóhɔ mu ka é ní. Ní megyí alí á, Bulu móotsu amó abí ání amó asón da ɔkpa mu ansító, táme ɪnɪ su Bulu latsú amó ání amó asón da ɔkpa mu ansító. ¹⁵ Táme ní okúlu ntée ɔká ání omegyí ohógyipu dékléá obékiná mu tsiába ohógyipu a, ohógyipu amu oší mu ɔnatí. Mbla kuku meklí mu, tsúfé Bulu létí aní ɔbéé, abétsiá ɪwilwiito. ¹⁶ Ohógyipu tsíhé, foyin ní fú ɔbóhɔ fú kúlu nkpa? Ntée ohógyipu yínhé, foyin ní fú ɔbóhɔ fú ká nkpa?

Tsia Alá Fúgyi

¹⁷ Mó su ɔhagyíɔha ɔpúu tóá aní Wíe Yesu léha mu asa Bulu létí mu tsia. Múgyí tóá ntebláa ɔpasua kugyíku ní. ¹⁸ Ní ɔku létin keté asa Bulu létí mu a, ɔmálayínkí yébwé mó ɪwɪ tɔtɔtɔ. Ní ɔku é métin keté asa Bulu létí mu é á, ɔmáyétin. ¹⁹ Ketétin ntée ketémátin megyí tɔtɔ. Bulu mbla ámu su gyí mboún gyí asón. ²⁰ ɔhagyíɔha ɔtsíá alíá ogyi asa Bulu létí mu. ²¹ ɔkpábi fúgyi asa Bulu létí fú? Imáhan fú. Táme ní ɔkpa ɪbá ání fégyi ɪwɪ á, kusú mósú. ²² Tsúfé ní ɔkpábi fúgyi asa aní Wíe létí fú á, alahá fagyí ɪwɪ. Alí kén ɔhá ání ɔtsie mu ɪwɪsu asa aní Wíe létí mu é gyí ɔkpábi séi há Kristo ní. ²³ Bulu lóhɔ mli ɪbíá kpékpélékpéé. ɪnɪ su mlimábwe mli ɪwɪ nkpábi há anyánkposá. ²⁴ Mí apíó, alíagyíalíá ɔhagyíɔha gyí asa Bulu létí mu a, ɔpúu mó alí tsia.

Mbitebi Móa Asvrapu

²⁵ Mli mbitebíá mlimókútsia akúlu kí mó á, mma mbla kukuá itsú aní Wíe wá há mli. Táme aní Wíe muu mu nwewúun, alahá mí nyánsa ání mletali ho m gyi. ²⁶ Asón ání nde há mli gyí, ɔyító lawá ɔnlɪn séi. Mó su nahogyiá ɪbu aléá ɔhagyíɔha obétisiá alíá ɔtsie yaí. ²⁷ Ní fúbu ɔká á, mákiná mu. Ní kpanku fúgyi é á, mátepi tsia. ²⁸ Táme ní fetsiá ɔká á, fúmókúbwé lakpan. Ní obitebíá ɔmókútsia okúlu kí é ɔtsia a, ɔmókúbwé lakpan. Asón wunhéá ɪbéba tekí ndetsu kúsú akúlu móa akású. Mó su nde ɪnɪ blí.

²⁹ Mí apíó, móá ndeblí gyí, bré itinbí ɪlasí. ɪnɪ su tsú séi á, ɔhá ání ɔbu ɔká ɔbwéé fé ɔhá ání ɔma. ³⁰ ɔsɪn ígyi o, ɔdwe ígyi o, ɪwɪnya ígyi o, ɔbwéé ɪwɪ fé asvansu medín muu. ³¹ Ahá ání bude ɔyí ánfito ató pubwé tɔku bumápu amó ansí féé dínká mósú. Tsúfé ɔyí ánfí pú mótó ató féé béba bɔtsun.

³² Mmedékléá asón iháan mli. ɔhá ání ɔma ɔká tɔpú mu ansí dínká aní Wíe agyómású, méní obégyi mu ansí. ³³ Táme ɔká mu wie mó tɔpú ansí dínká ɔyító atósú, méní obégyi mu ka ansí. ³⁴ Mó su mu agywɪn tɔbwé anyɔ. Alí kén ɔtsi kpanku é tesí mu ɪwɪ há aní Wíe, ɔyulúu móa ɔjétó féé, méní obégyi Bulu ansí ní. Táme okúlu mu wie mó tɔpú mu ansí dínká ɔyító atósú, méní obégyi mu kulu ansí.

³⁵ Mli yilé su nde asón ánfí blí. Mmedé mli itin ka. Mboún nde kléá mlibwéé tóá ɪda ɔkpa, amlisi mli ɪwɪ féé há aní Wíe Yesu.

³⁶ Ní oyin ɔfité ɔtsisu, owun ání ɔméetalí kítá ɪwɪ, ɔtsi ámu é déklé ɔdan tsun a, ɔyékpáin mu. Megyí lakpan igyi. ³⁷ Táme ní ɔlábwe agywɪn ání ɔméetsiá mu, ɔbétali kítá ɪwɪ tsíá kpanku á, ɔbu ɔkpa bwé tóá odeklé. Ní ɔbétali kítá ɪwɪ á,

mómú ɔ́kíta ɪwɪ. Ibo alé dɔn. ³⁸ Ibo aléá obétsiá ɔ́ká, táme ní ometepí tsía a, ibo alé dɔn.

³⁹ Mbla léklí ɔ́tsɪ ání oméekíná mɔ kulu yófun mɔ owuké. Táme ní oyin ámu owú á, ɔ́bo ɔ́kpa tsía oyin ání odeklé. Táme ilehián ání ɔ́há ámu ɔ́bóbwe Okristoyin. ⁴⁰ Mí nkɔle sɔ mú á, ní otsie kpanko á, ansí bégýi mɔ dɔn. Nyin ání Bulu Ɔ́hɛ ámuú ibo mɪto ámu sɔ natáli nde mli asón ánfɪ bláa.

8

Ɔ́kpɪto Atogyihɛ

¹ Mliha abli ɔ́kpɪto-ató gyí ɪwɪ asón ámuú mliɔ́wanlín sísí mí ámu.

Mliɔ́bɪ mliaa, “Ani fée aniyin asón.” Ibo mótó, táme mliɔ́bɪ ání asónbɪ tɛhá ɔ́ha totsú ɪwɪ, ɔ́dwe é itɛhá ɔ́ha tɛdan. ² Ní ɔ́ku ɔ́bée, mɔyin asón dɔbɪ a, ɔ́mɔkónyá bí tɔ́á idehián. ³ Ɔ́há ání ɔ́tɔ́dwe Bulu á, Bulu é yin mɔ.

⁴ Mú sɔ nkálí anɔ́dɛbɪ tsú ɔ́kpɪto-ató gyí ɪwɪ? Ani fée aniyin ání ɔ́kpɪ mégyí tɔ́tɔ́tɔ. Aniyin ání Bulu ɔ́kɔle pé é bu ɪnɔ, ɔ́kɔku trá ɔ́ma ɔ́tinetɪne. ⁵ Iníá ikpɪ múa túmɪ tsɔtsɔtsɔ bubu ɔ́sɔ múa asɪ ó á, ⁶ anɪ mú aniyin ání Bulu ɔ́kɔle pé é bu ɪnɔ. Mɔgyí anɪ Sí, ɔ́sɔ múa asɪ Ɔ́bwepó. Mɔ anɪtsie nkpa há. Anɪ Wíe ɔ́kɔle pé é bu ɪnɔ. Mɔgyí Yesu Kristo. Mɔsɔ Bulu lótsɔn bwe tógyító. Mɔ kén sɔ anɪtsie nkpa ní.

⁷ Táme mégyí Akristofɔ fée yín alɪ asón ánfɪ. Ikpɪsúm lamántá amó dodo. Inɪ sɔ ní begýi ɔ́kpɪto-ató á, bɔde mú tsu ání basúm ɔ́kpɪ ámu nɪ. Mú sɔ ifin lada amó, tsúfɛ bɔmɔkóɔdan hógýitɔ. ⁸ Mégyí tɔ́á anɪtegyi sɔ anɪa Bulunyɔ nsíné bówa alé. Ntɔ anɪlégyí o, ntɔ anɪmégyí o, tɔ́tɔ meyintá anɪ ɪwɪ.

⁹ Táme mliki wankláán ání ɔ́kpa ánfɪ mliɔ́bɪ gyí ɔ́kpɪto-ató ánfɪ iméɛha ɔ́há ání ɔ́mɔkóɔdan hógýitɔ ɔ́mɛɛdɪda. ¹⁰ Ní ɔ́há ání ɔ́mɔkóɔdan hógýitɔ owun fú ánfɪ fée fɔyin asón, fɔde ató gyí ɔ́kpɪto á, ibo alé? Mómú yée fɔde mɔ atɛtɔ-onlɪn wa fée, ogyíi ɔ́kpɪto-ató ánfɪ mɔ onutó oyin ání ɪma alɛ ánfɪ ní o. ¹¹ Mómú fapó fú asónbɪ mlé fú píó wá. Fahá fú píó ánfɪ ɔ́mɔkóɔdan hógýitɔ, Kristo lówu há mɔ ánfɪ lafwí. ¹² Ní fɔpó ilá gyí fú píó Okristoyin ání ɔ́mɔkóɔdan hógýitɔ, fɛhá mɔ ɔ́bwé tɔ́á oyin ání ɪma alɛ á, Kristo fapó ilá gyí a. ¹³ Mú sɔ ní tɔ́á négyi ibéha mí píó Okristoyin ɔ́bóbwe lakpan á, mméetepí trá gyi iye ekekekeke, ménɪ iméɛha mɔ ɔ́dɪda.

9

Sumbi Ɔ́yɔpó Túmɪ Pó Mɔ Gyumagyihɛ

¹ Mliki mliaa mmetsie mí ɪwɪsɔ? Ntée mégyí sumbí ɔ́yɔpó ngýi? Mmɔkóɔwun anɪ Wíe Yesu kí? Mégyí mí gyumagyihɛ sɔ mliɔ́lamli anɪ Wíe klé nde? ² Ní mmegýí sumbí ɔ́yɔpó há aku á, mli mú mliyin ání sumbí ɔ́yɔpó ngýi. Tsúfɛ iníá mli gyí Akristofɔ á, ilegyi adánsie ání anɪ Wíe sumbí ɔ́yɔpó ngýi.

³ Inɪ gyí tɔ́á ntɔpólé mí ɪwɪ ɔ́nɔ súná ahá ání butélé mí ilá ní. ⁴ Mía Barnaba mó anɪmágyi ató, nu ntsu? ⁵ Anɪmá ɔ́kpa tsía ohógýipɔ, kpá mɔ buo ɪwɪ, fɛ sumbí ayɔpó atráhe ámu pú anɪ Wíe apíó múa Petro aná? ⁶ Ntée mía Barnabanyɔ mó ayɔ́ ɔ́gyómá kí anɪ ɪwɪsɔ? ⁷ Isá ɔ́kɔpó onutó téká ɪwɪ ikɔ? Ekekekeke! Ɔ́ɔtɔpɔ ɔ́mɔmɔ tamagyí mɔ ndɔtɔ-ató? Mbɔwɪ ɔ́yaipó ɔ́mɔmɔ tamagyí mɔ ɔ́bwɪ yáihé?

⁸ Anyánkɔ́pɔsa agywɪn ndepɔ́bɪ inɪ? Yée Mose Mbla óó ɪleblí alɪ á? ⁹ Tsúfɛ bɔwanlín wá Mose Mbla ámutɔ bɛɛ, “Butamawá ɔ́nantswieá ɔ́de ayó da ɔ́nɔ ɪkan.”* Fahogyi fée nnantswie ɪwɪ dé Bulu hián sɔ ɔ́leblí asón ánfɪ? ¹⁰ Mégyí anɪ sɔ ɔ́de asón ánfɪ blí? Anɪ sɔ ɔ́de mú blí a. Bɔwanlín wá Bulu asón ámutɔ bɛɛ, “Ifɛ ɔ́wópɔ mɔa ató ɔ́kpɔtípó fée bɔgyo tɔ́á bénya tsú agyómá ámuú bayó ámutɔ.”

* 9:9 Deut. 25:4. Kɪ ató táanhéá bu ifɔn XXX, (1 Tí. 5:18). Mú asɪ gyí, “Butamalé ɔ́kwén pó ibɪ tsítsi ɔ́sɔlótɔ.”

¹¹ Ní aníabláa mli ason wankláán ámu, igyi ñhétó abíá aníladú wá mli to á, aní mó anímá òkpa nyá aní òyító atohiánhe tsú mli wá? ¹² Ní aku búbu òkpa nyá ató tsú mli wá á, anímá òkpa dùn amó?

Táme anímótsu kùkù lé ínító. Anílapó klòntò písii hò tógyító, ménì anímóòpò tótòtò tin Kristo ason wankláán ámu òkpa. ¹³ Mlíméyín mliaa, Bulu òtswékpa inu agyómá ayòpó é búbu ogyíkpa inu? Ntée mlíméyín aní afòdié-asubwi amu así asúmpó butegyí mó así ató? ¹⁴ Alí kén aní Wíe léhié aní mu ason wankláán ámu òkan adapó é bugyí ató tsu ahá aní bùde labi nya tsú asón ámutò wá ní.

¹⁵ Táme mí mó mmòkópó alí òkpa ánfì mbu anfi nyá tótò tsú mli wá. Megyí bée ndekléá néfì mó así, sò nde asón ánfì wanlín sísí mli. Ibo mí aléá nówu, dùn aní nòhulí itó ánfì nòpòtsú iwí ánfì. ¹⁶ Táme ní nde ason wankláán ámu òkan da a, imegyí tóá nòpòtsú iwí. Tsúfè òhié igyi há mí. Bulu òbèbítí mí isu ní mmèda mó òkan. ¹⁷ Ní mí onutó léblí mbée nóbwe mó á, tekí Bulu òbèda mí ipán. Táme megyí mí onutó apétó nde mó bwe. Òkpábi ngi, Bulu lóbu mí ònòkwálpò pò agyómá ánfì wá mí ibító. ¹⁸ Ikòká mòmù nénýa tsú mótó ngýa? Mógyí nédá ason wankláán ámu òkan, bóméeka mí tótò. Tekí mbu òkpa pòkle tókù há mí iwí, táme mmóòbwe mó alí.

¹⁹ Ntsie mí iwísu. Mma òhaa así, táme nabwé iwí òkpábi há òhagyíòha, ménì nékpa ahá tsòtsòtsò ba Kristo. ²⁰ Ntòbwé iwí fè Yudayin ní mbu Yudafòtò, ménì nétalí nyá Yudafò ámu. Mma Mose mbla así, táme ntòbwé iwí fè ahá aní búbu mó así, ménì nétalí nyá amótó aku. ²¹ Alí kén ní mìa òmátòfòá buma Mose mbla así aníná á, ntòbwé iwí fè amó, ménì nétalí kpá amó ba Kristo ní. Iní medésuná aní mma Bulu mbla ámu así, tsúfè ntobú Kristo mbla ámu. ²² Ntòbwé iwí fè ahá aní amó hógyi ònó ma ònlín, ménì nétalí há amó bédan Kristotò. Ntèdamlí iwí òkpa òtsan-òtsansu há ahá fée, ménì nétalí kpá amótó aku ba Kristo.

²³ Ason wankláán ámu sò ntòbwé ínì fée, ménì mí é nénýa ogyíkpa mótó. ²⁴ Mlikan aní ní ahá busrí a, okugyíòku teyírí iwí, táme òbakóle tégyi isu, butekíé mu ató? Mli é mliyírí iwí srí, ménì mlégyi isu, békíe mli ató. ²⁵ Òsrí otsiípó okugyíòku tekítá iwí, ménì òbésrí pòhò idá aní itamatsiá yó. Táme aní mó anídé ínì bwe, ménì abòhò idá aní imóòfwí ekekèkè. ²⁶ Iní su megyí kpaalí nsrí. Mí ansí dín tókusu. Ntamatswí atswé wá afútó. ²⁷ Ntesen ansító, bwé mí iwí òkpábi, ménì ní nédá asón ámu òkan súná ahá ta á, Bulu méébláa mí òbée, nabwé tsítsá.

10

Ikpísúm Iwí Oláda

¹ Mí apíó, ndekléá mlibí tóá Bulu lóbwe há aní anáin amu fée bímbí ámu. Òleha agyinde lobun amó féesú, òleha òpò pèpè bònkpato lése, òlekpa amó fée tsun òpò amutò. ² Bulu lópò agyinde móa òpò amu bó amó fée asú, pòsúná aní bugyí Mose abúopò. ³ Amó fée begyi ñhétó atogyihe oloku òkule amu. ⁴ Bonu ñhétó ntsu oloku òkule amu tsú butá ámutó òlekpa amó ámutò. Kristo gyí butá ámu ní. ⁵ Táme ínì fée òma a, Bulu ansí megyi amó òdòdò iwí, òlehi amó dimbí ámutò inu.

⁶ Ntóbí ánfì òleba amósú ánfì fée igyi atosuanhe há aní, ménì amó lalahe amu odu bwe méedunká aní òwólí, ⁷ anímóosúm ikpí é fè amó. Tsúfè Bulu ason wanlínhe amu òleblí òbée, “Ahá ámu betsiá así gyí ató, nu ntá, kúsú kóm.” ⁸ Mlímáwa atsí móa ayin asón fè alíá amótó aku bóbwe, òleha amótó mpím adwanyò-sa (23,000) benya lowu ekewóle. ⁹ Mlímáha asò Kristo kí fè alí ámutó aku bóbwe, awò bodundun amó mó ámu. ¹⁰ Mlímále Bulu òlá fè alíá amótó aku bóbwe, Bulu lópò òbòpò sísí, òlòbòmò amó.

¹¹ Ntóbí ánfì òleba amósú fée igyi atosuanhe há aní. Bòwanlín mó tswí, púdà aní ahá ánfì òyí ònómóbí lató aní ánfì òlá.

¹² Mú sù ní fókí fée fúlí kínkíínkín Kristo hógyító á, kí wankláán, méní fóméedida. ¹³ Bì ání fú ísókí amò m̀ts̀n ̀tsan há aha tráhè klé. ̀ǹkwálip̀ Bulu gyí. ̀m̀ééha ísókíá id̀n f̀ ̀ba f̀s̀. Támè ní fowíé ísókító á, Bulu obósuná f̀ ̀kpa ání f̀ts̀n m̀s̀ tálí líí m̀ ̀ǹ, méní fédalí m̀t̀.

¹⁴ Mú sù apíó adwèp̀, m̀máwa íwí ikpísúmt̀ ékèkèkè. ¹⁵ Atiansip̀ m̀gyí. Mú sù m̀l onut̀ m̀lỳ as̀n ánfíto am̀kí. ¹⁶ Ní adá Bulu ipán, anu aní Wíe Yesu ̀p̀ǹbasí ewe ámut̀ ntá á, imosuná ání ania Kristo obugya labwé k̀le? Ní abíá bodobodo am̀ é ye aba á, m̀ é imosuná ání ania m̀ ̀ỳl̀b̀ labwé k̀le? ¹⁷ Iníá aní ts̀ ó á, bodobodo ipin k̀le anitegyí. Mú sù aní f́é anílabwé ̀ỳl̀b̀ k̀le f́é bodobodo ipín am̀.

¹⁸ M̀p̀kí Israelf̀, megyí ahá am̀b̀ botegyi af̀dié-at̀ am̀ t̀bwé k̀le af̀dié am̀ b̀t̀? ¹⁹ Mú sù nkálí m̀ as̀n ánfí desuná? Blí ndeblí mb́éé, ikpí nt́éé atogyihé am̀b̀ bapóhá am̀ igyí am̀ ib̀ labí? ²⁰ Ékèkèkè! T́á ndeblí gyí, ní akpí́p̀ b́há ikpí igyí a, ̀je laláhe b́p̀há, megyí Bulu. Mú sù mmedékléá m̀lia ̀je laláhe m̀b̀wé k̀le. ²¹ M̀ḿétalí p̀ aní Wíe ewe tin ̀ǹ, láyóp̀ ̀je laláhe ewe é tin ̀ǹ. M̀lia Kristo m̀ḿétalí wá ib̀ gyí at̀, m̀lia ̀je laláhe é am̀liwa ib̀ gyí at̀. ²² Ní abwé m̀ alí á, aním̀owa Bulu ̀bl̀ f́é Israelf̀? Nt́éé anikíá anib̀ ̀ẁnlín d̀n Bulu?

²³ Ahá b̀teblí b́éé, “Anib̀ ̀kpa bwé t́gyít̀.” Ib̀ m̀t̀ alí, támè megyí m̀ f́éé b̀ labí. F̀deblí f́éé, “Anib̀ ̀kpa bwé t́gyít̀.” Támè megyí m̀ f́éé t́b́a aní.

²⁴ M̀mákí m̀ nk̀le klé, m̀b̀ún m̀kí m̀l aba é klé.

²⁵ T́á m̀bẃé gyí, m̀l wí ibíású iye kugyík̀. M̀máfíté m̀ íwí as̀ans̀, m̀l kl̀n é imáha m̀l p̀n. ²⁶ Tsúf́é b̀wanlín wá Bulu as̀n ámut̀ b́éé, “Bulu b̀ ̀yí m̀a m̀t̀ at̀ f́éé.”

²⁷ Ní ̀mát́yín ̀tí f̀ at̀ ogyíkpa, íletsíá f̀ á, fayó. Támè ní f́yó á, máfíté m̀ íwí as̀ans̀, f̀ kl̀n é imáha f̀ ipón. ²⁸ Támè ní ̀k̀ ̀bláa f̀ ̀b́éé, “̀kpít̀-at̀ igyí” á, alíá iḿéehan ̀há am̀ s̀ mágýí at̀ am̀. ²⁹ Megyí alíá ib́éehan f̀ s̀, m̀b̀ún ̀há am̀ s̀. M̀b̀ ntogyí s̀ t́á ̀k̀ d́esusúu ibétin m̀ íwígyí ̀kpa?

³⁰ Ní ntédá Bulu ipán atogyihés̀ asa ntegyí m̀ á, ntogyí s̀ ̀k̀ ̀b́éle m̀ ilá at̀ am̀ s̀?

³¹ Mú sù ní f̀degyí o, f̀denúu o, bwé m̀ f́éé p̀wa Bulu numnyam.

³² M̀máha m̀l tsiát̀ itin Yuda f̀ p̀ Griikif̀ nt́éé Bulu ̀pasua am̀ Kristo wá ba ̀kpa. ³³ Ntamakle m̀ nk̀le yilé. T́gyít́á nt̀bwé á, nt̀b̀ mb́dí ání néha ahá ansí b́gyí am̀, méní Kristo ̀b́h́ am̀ nkpa.

11

¹ M̀kasi m̀ tsiát̀, f́é alíá m̀ é nekásí Kristo klé.

Alíá Atsí B́p̀tsíá ̀pasuato

² Mí apíó, ntékánf̀ m̀l, tsúf́é m̀l ansí d̀n m̀s̀. M̀léd̀wé d́nká Kristo atosunáhé am̀b̀ ńp̀há m̀l am̀ s̀. ³ Támè ndekléá m̀l̀úu m̀ así ání oyingyíoyin b̀ Kristo así, ̀tsígyíatsí b̀ oyin así, f́é alíá Kristo é b̀ Bulu así. ⁴ Iní s̀ oyingyíoyin ání obun at̀ nwun asa ̀de mpái b̀ nt́éé ̀de as̀n ání Bulu lapówá m̀ ̀ǹ blí ḿédé Kristo bu. ⁵ Támè ̀tsígyíatsíá ̀mekĺ nwun asa ̀de mpái b̀ nt́éé ̀de as̀n ání Bulu lapówá m̀ ̀ǹ blí é ḿédé m̀ kulu bu. Igyí f́é alakpá nwun. ⁶ Ní ̀m̀p̀ at̀ klí nwun á, m̀m̀ ̀kpáa m̀. Támè ní ̀tsí ̀kpá nwun, ib̀ m̀ ṕl a, ̀p̀ at̀ klí m̀s̀. ⁷ Bulu ĺbwé oyin f́é m̀ íwí, pówá m̀ íwí numnyam. Mú sù mehián ání ̀b́p̀ at̀ bun nwun asa obósum Bulu. Támè ̀tsí m̀ á, Bulu ĺbwé m̀ pówá oyin numnyam. ⁸ Tsúf́é oyin ḿedalí tsu ̀tsít̀, ̀tsí m̀b̀ún lédalí tsú oyint̀. ⁹ Megyí ̀tsí s̀ Bulu ĺpwé oyin, m̀b̀ún oyin s̀ ̀l̀pwé ̀tsí. ¹⁰ Iní s̀ ilehián ání ̀tsí ̀b́kĺ nwun, ṕsúná ání ̀b̀ túmí así, tsúf́é Bulu-ab̀p̀ b́de m̀ ḱ. ¹¹ Iníá ania Kristonỳ anílabwé k̀le s̀ á, ̀tsí léhián

oyin, oyin é léhián ɔtsɪ. ¹² Tsúfɛ alɪ ámóó ɔtsɪ gyankpapu lédalɪ tsu oyintó ámu a, alɪ kén ɔtsɪ é lókwí oyin ní. Táme Bulu lóbwe tógyító.

¹³ Mli onutó mliyo asón ánfito amlíkɪ. Ibo aléá ɔtsɪ méeklí nwun asa ɔbóbo mpáɪ há Bulu? ¹⁴ Fɛ alíá Bulu lélé ɔyító á, ima aléá oyin obési mu imi ibówa iswí fɛ ɔtsɪ klé. ¹⁵ Imi tintín igyi numnyam há ɔtsɪ, tsúfɛ Bulu lópu mó há mu fɛ nwun-abúntó. ¹⁶ Táme ní ɔku dé mó iwɪ nwéen gyí a, asón ání mbu blí gyí, mmotsulá dínká kukusu dun ínɪ. Alɪ kén Bulu ɔpasua atráhe fɛé bumotsulá dínká mósú ní.

Ɔpónóasiyo

(Mateo 26:26-29; Marko 14:22-25; Luka 22:14-20)

¹⁷ Mméekanfó mli asón ánfɪ nɛbá bebláa mli ánfɪ mótó. Tsúfɛ yilé kuku tamadálɪ tsu mli ifiató. Lalahɛ kóún itetɪ há mli. ¹⁸ Gyankpapu a, babláa mli bɛɛ mli tamabwé kule ní ɔpasua ámu befia. Nahogyi ání asón ánfɪ ku bu mótó. ¹⁹ Lélé mó á, ilehián ání nwéengyí bétsiá mli, ménɪ mlówun ɔnɔkwaliá ibo mótó. ²⁰ Táme beblí bɛɛ, ní mlefia a, megyí ɔpónóasiyo su mlitefia. ²¹ Tsúfɛ mli tamagyo aba. Aku butegyi amó ató, butamahá aba. Mó su aku butonu bu, aku é butsie akón. ²² Mli onutó mli má wóyíá mli tegyi ató, nu ntá mótó? Ntée mli dékléá mlósopáa Bulu ɔpasua ámu, amlíwa ahiánfó ámu pélitó? Amansu mbli tsu ínɪ iwɪ? Nkánfó mli? Initó mó á, ekekeke, mméekanfó mli!

²³ Tsúfɛ tóá nosuán tsu anɪ Wíe wá kén ndɛ mli bláa a. Anɪ Wíe Yesu lélé bodobodo ipín onyé ámóó beɛ mu há ámu, ²⁴ ɔlɛda Bulu ipán, bíábíá mótó, blí ɔbéɛ, “Mí ɔyulúá ndepuhá mli ní. Mlitsia bwe ínɪ pukain mísó.” ²⁵ Alɪ kén atogyihe amu ɔma a, olotsu ntá-ewe ámu, blí ɔbéɛ, “Ntá-ewe ánfɪ gyí mí obugya ání Bulu dépusí ntam pɔpwe amóó ibo mli munya nsiné ámusu ní. Brégyíbréá mlónu mó á, mlinu mó pukain mísó.”

²⁶ Tsúfɛ brégyíbréá mli dé bodobodo anfi gyí, nu ntá tsú ewe ánfito á, mli dé anɪ Wíe lowu ámu ɔkan da kpéfɔn bréá obéyinkí bá. ²⁷ Mó su ɔhá ání obégyi alɪ bodobodo anfi, nu ntá tsú anɪ Wíe ewe ánfito mábú ɔkpasu á, alagyi anɪ Wíe ɔyulúu pú mu obugya amu iwɪ pón. ²⁸ Inɪ su ilehián ání mlóyo mli nwunto wankláán, asa mlégyi bodobodo anfi, nu ntá-ewe ánfito. ²⁹ Tsúfɛ ní mli móbu anɪ Wíe Kristo ɔyulúu, mli légyi bodobodo amu, nu ntá ámu é dínká ifinsu á, Bulu ɔbéha mli ipón mó su. ³⁰ Mó só mli ahá tsɔtsɔtsɔ bapɔn, aku budɛlo, aku mó kóráá bawú ní. ³¹ Ní anitoyó anɪ nwunto wankláán asa a, tekɪ Bulu méeha anɪ pón. ³² Táme ní anɪ Wíe ɔlé anɪ ilá, bíti anɪ isu á, ɔméeha anɪ ɔyító ahá fɛé ipón kule.

³³ Inɪ su mí apíó, ní mleyéfia ɔpónú ámu asɪ á, mlitsia gyo aba. ³⁴ Ní akón de ɔku á, ogyíi ató tsu wóyító asa ɔba, ménɪ mli ifia amu iméetɪ isubítí há mli. Mí onutó néba bebláa mli tóá mli bwée tsu ason tráhe amu iwɪ.

12

Ɔhe Wankíhé Atokiehé

¹ Séi á, apíó, ndekléá nélé Ɔhe Wankíhé atokiehé asón amó asɪ wankláán súná mli.

² Mliyin ání bréá mli gyí ɔmátófo á, bosuná mli asunakpan, iléha mli lóyo mli dé ikpiá butamatóí sum. ³ Mó su ndekléá mli bú móá itsú Bulu wá. Ɔhagyísha ání ɔdepɔ Ɔhe Wankíhé tóí méetalí lwíi anɪ Wíe Yesu. Ɔhá ání Ɔhe Wankíhé dé mu kpa nkule ɔbétalí blí ɔbéɛ, “Yesu gyí mí Wíe.”

⁴ Bulu atokiehé ɔtsan-ɔtsan bu inu, táme Ɔhe Wankíhé amu kén teye mó fɛé. ⁵ Bulusúm agyómá igyi ɔtsan-ɔtsan, táme anɪ Wíe amu kén anɪ fɛé anidésu. ⁶ Ɔkpa ɔtsan-ɔtsansu Bulu tóyó agyómá tsɔn anisu, táme Bulu ámu kén dé mó fɛé bwe tsɔn anɪ fɛésó. ⁷ Bulu telé mu Ɔhé ámu ɔwan tsɔn ɔkpa ɔkusɔ anitó okugyíakuto, ménɪ abópukpá aba. ⁸ Ɔhe Wankíhé tɛhá ɔku tɔpú nyánsa tóí kplá

ahá, ɔtehá ɔku é tebí asón. ⁹ Ɔtehá ɔku tehié hɔ Bulu gyi, ɔtehá ɔku é tetsá ahá ɔ. ¹⁰ Ɔhe Wankíhé amɔ kén tehá ɔku túmi ɔtɔpúbwé ofúla, ɔtehá ɔku é teblí asón ání Bulu lópɔwá mu ɔnó. Ɔtehá ɔku tetáli bí ɔhéá itsú Bulu wá pɔ múbá itsú ɔhe laláhe wá. Ɔtehá ɔku teblí ɔblí bambá, ɔku é tonú mó asi. ¹¹ Ɔhe Wankíhé amɔ nkɔle tóbwé íni fée, oteye atokiehé ánfí há ɔhagyíɔha alíá odeklé.

Ɔpasua Amɔ Igyi Nyankpɔsa-oyí Ɔkɔle

¹² Nyankpɔsa-oyí iwi ató itsɔ, táme mó fée lóbwɛ nyankpɔsa amɔ. Alí kén igyi Kristo é ní. Mu ɔpasua ámu gyí mu nyankpɔsa-oyí ámu ni. ¹³ Anító aku anígyi Yudafo, aku Griikifo, aku nkɔbí ntée adíhiɛ, táme bɔpu Ɔhe Wankíhé amɔ bó aní fée asú wá Kristo ɔyɔlɔbɔ kɔle amɔtɔ, Bulu lópu Ɔhé ámu kén núná aní fée.

¹⁴ Táme mégyí toku kɔle lóbwɛ nyankpɔsa-oyí ámu, mboún iwi ató ɔtsan-ɔtsan. ¹⁵ Ní yabi ɔblí ɔbéɛ, “Mma nyankpɔsa-oyí ámu iwi, tsúfɛ megyí ibi ngyi” á, ilosuná ání megyí nyankpɔsa-oyí ámu iwi ató ogyi? ¹⁶ Ní iɔv é ɔblí ɔbéɛ, “Mma nyankpɔsa-oyí ámu iwi, tsúfɛ megyí nsíbi ngyi” á, ilosuná ání megyí nyankpɔsa-oyí ámu iwi ató ogyi? ¹⁷ Ní nsíbi nkɔle gyí nyankpɔsa-oyí ámu fée á, nkáli ɔbóbwɛ obónu asón? Ntée ní iɔv nkɔle gyí nyankpɔsa-oyí ámu fée á, nkáli ɔbóhɔ ató afú? ¹⁸ Táme Bulu lópu iwi ató tsɔtsɔtsɔ bɔwé nyankpɔsa-oyí ámu, ɔlɔpu kugyíko yi ɔtínéá odeklé. ¹⁹ Ní iwi ntobí ámu igyi toku kɔle a, nkáli nyankpɔsa-oyí ámu ibóbwɛ? ²⁰ Iwi ntobí ámu itsɔ mó, táme mó fée lóbwɛ nyankpɔsa-oyí ámu ni.

²¹ Mó sɔ nsíbi méetalí bláa ibi ɔbéɛ, “Fuma labi há mí!” ekekekeke. Nwun é méetalí bláa yabi ɔbéɛ, “Fuma labi há mí!” ²² Ní akí a, iwi ató ámóú anidékú aniaa ɔlɔpɔn amɔ iwi téhían ni. ²³ Mó ámóú anidékúá obú ima mósú ámu anitobú dɔn ni. Ɔtíné ámóú anitamakléá ahá bɔwúun amɔ é anitɔpú ató tin ni. ²⁴ Táme anitamapú ató tin aní iwi ntobí ámóú ibi akíle amɔ. Bulu lóbwɛ aní iwi ató ámu alí, méní abóbu mó ámóú ima numnyam amɔ, kí mósú wankláán. ²⁵ Fówun ikɔlebwɛ bétisiá amótó, méní gyɔpɔ okpítá bina a, bina é lakpítá gyɔpɔ. ²⁶ Ní nyankpɔsa-oyí ámu iwi tɔku dé ɔsɔn wúun a, nyankpɔsa-oyí ámu fée towun mó. Ní bekánfó mótó kɔ é á, ansí tegyi nyankpɔsa amɔ.

²⁷ Yoo, ayó nkɔpá. Kristo ɔyɔlɔbɔ kɔle amɔ mli fée mligyi. Mligyi mu ɔpasua ámu ni. Mlító okugyíɔku gyí mu nyankpɔsa-oyí ámu iwi tɔku. ²⁸ Bulu léhíhié íni fée wá mu ɔpasua ámɔtɔ. Gyankpapɔ, sumbí ayɔpú. Nyɔɔsi, Bulu ɔnósú atáipú, saasi, ató asunápú. Mó ɔma a, ofúla abwɛpú. Amúbá bɔbɔ ɔlɔtsá túmi, buale agyípú, ahandɛ pɔ ɔblí bambá ablípú. ²⁹ Amó fée gyí sumbí ayɔpú? Ekekekeke! Amó fée gyí Bulu ɔnósú atáipú, ntée ató asunápú, ntée ofúla abwɛpú? Iméeba mótó alí! ³⁰ Amó fée bu ɔlɔtsá atokiehé? Amó fée teblí ɔblí bambá, ntée amó fée tetáli nú ɔblí bambá ámu asi? ³¹ Mlibɔ mbódí amlídunka atokiehé ámɔtɔ múbá idehián dɔn.

Nélasúná mli ɔkpa ání idɔn íni tsía mótó.

13

Ɔdwe

¹ Ní ntetáli blí anyánpɔsa pɔ Bulu-abɔpu ɔblí fée, táme ntamadwé mí aba á, ngyi fɛ ɔkan ntée gbémgbléin ání bɔdɛ mó da, idelín kúklókúú. ² Ní mbu Bulu ɔnó asónblí, Bulu asɔn nainhé bi pɔ hógyi kpɔnkɔntíá ntetáli pópúlí abu, táme mma mí bá iwi ɔdwe á, mómó mma labi kɔku. ³ Ní nɔpú mí ató fée kíé ahiánfɔ, nɔpú mí iwi há mbée bɔwáa mí ogyá, táme mma mí bá iwi ɔdwe á, mma labi há ɔhaa.

⁴ Ahá ɔdwɛpú tenyá iklɔn, ɔbɔ awítale. Ɔma olu, ɔtamaká ɔnótó, ɔtamatsú iwi. ⁵ Otobú ató, ɔma ɔnsípe. Ɔtamakósí nyá ɔbló, ɔtamahɔ asón wá iwitɔ.

⁶ Otamatsulá asokpan, onokwali otobuo. ⁷ Otenyá klun há tógyító, otahó asónsú gyi. Mu ansí tedínká asónsú, ototomi é.

⁸ Odwe mú itamatá, táme Bulu onó asónblí bómó onó. Oblí bambá blí béka itin, asónbi é ibéba bətsən. ⁹ Tsúfé animókónyá bí tógyító tá, animókónyá blí Bulu onó asón é yi. ¹⁰ Táme onétó atokiehé ánfí fée iməfon. Ní móá idəfon yi ibá á, iní fée bəfwí.

¹¹ Igyi fée iní. Bréá ngyi kebi á, nətóí fée kebi. Mí atə bwehé pú mí asən susúhe fée ləbwe fée kebi. Táme séi ánfí nadan a, nasí nyebito bwehé ámu fée bwe.

¹² Séi á, anidé atə kú fulaa fée ogyásito anidé mó kú. Bré iku béba a, abówun mó wankláán. Séi á, aní atəbi məfon. Oma a, abéba bebi mó fée aliá Bulu yin aní.

¹³ Onokwali a, atoku asa ánfí obétsiá ní. Hógyi, okpakú pú odwe, táme odwe dən mó fée.

14

Onye Wankíhé Atokiehé Bámbá

¹ Mlídunka odwe okpa, amlídunka onétó atokiehé é. Móá idən a, Bulu onó asónblí. ² Tsúfé ní oku dé oblí bambá blí á, megyí anyánpósa odebłáa, Bulu odebłáa. Ohaa tamanú mó asi, tsúfé mu oné dé asən ɲaínhé blí. ³ Táme ohá ání ode Bulu onó asón blí mó á, ahá odebłáa, odepúbúá amú abudan hógyito. Odepúwá amú əwənlín, odepulwíí amú iklun é. ⁴ Ohá ání ode oblí bambá blí nkule tényá əwənlín Bulusúmtó. Táme ohá ání ode Bulu onó asón blí mó təwá ɔpasua ámu əwənlín.

⁵ Teki ndekléá mlí fée mléblí oblí bambá, táme ní mlidé Bulu onó asón blí á, ibi mī alé dən. Tsúfé Bulu onósó ətəpó dən oblí bambá əblípó. Nkétí ní oblí bambá əblípó ámu tetálí lé mó asi, méní ɔpasua ámu bénya təku tsú mótó. ⁶ Mí apió, ní naba mlí wá séi beblí oblí bambá ku, mmele mó asi á, labi məmu ibówa há mlí? Táme ní neblí asón, nehá mlébi asón, ntée neblí asən lesúnáhé ku, ntée neblí Bulu onó asón ku, ntée súná mlí atə á, ibówa labi há mlí dən.

⁷ Mlípokí itáá fedá mó itotsulá, fée ikwe, əténte ntée okpe aná. Ní fumedá mó itsula wankláán á, bətamanú mó asi. ⁸ Ní klunsi ɔdapó mébi dá mó á, ohaa tamanú mó asi, dídá atə yó isá. ⁹ Alí kén ní mlidé oblí ání ohaa médé mótó nu blí á, mlidétoí wá afútó ní. ¹⁰ Oblí tsətsətsə bu ɔyító. Kugyíku idəfon, ibi mó əblípó anulé. ¹¹ Táme ní oku dé oblí ku blí, mí é mmedé mótó nu á, ntamanú mu asi, mu é ɔtamanú mí asi. ¹² Mó su iníá mlihié mlidé Onye Wankíhé atokiehé ámu dunká á, mlikuí móá ibówa ɔpasua ámu əwənlín.

¹³ Iní su ohá ání ətəblí oblí bambá okóli Bulu mó asinu, méní ɔbétalí le mó asi súná mó anupó. ¹⁴ Tsúfé ní ndepu oblí bambá bə mpái á, mí oné dé mó bə, táme mmedé asón ání ndeblí asi nu. ¹⁵ Nkálí mēe nóbwe? Nóbə mpái onétó bré kuto, pú mí agywun é bə mó bré bambátó. Alí kén nówa ibi onétó, pú mí agywun wá mó bré kuto é ní. ¹⁶ Tsúfé ní fúde Bulu kanfó onétó pé á, nkálí ibóbwe ohá ání ɔmedé mó asi nu ɔbétsa fú? Nkálí bétsa fú Bulu ipán da ní bumedé asón ání fudeblí asi nu? ¹⁷ Fíalí fúde Bulu ipán da wankláán, táme itamawá fú bá əwənlín.

¹⁸ Nedá Bulu ipán ání nteblí oblí bambá dən mliito okugyíku. ¹⁹ Táme ní afia a, ntekleá néblí asón anu pé ání ohagyíoha obónu mó asi, ibóbúá amú é dún ání néblí asón mpím-dú (10,000) oblí bambátó ání ohaa mónu mó asi.

²⁰ Mí apió, mliábwe agywun fée nyebi. Mliabwe iwí fée kebi-bəbwe lakpanbweto, táme mligywun fée ahande. ²¹ Bəwanlín wá Bulu asón ámu to bēe, “Nətóí tsən afəósú, bébláa mí ahá oblí bambá.

Mó ó á, mí ahá bumedé mó ɔmē.” Aní Wíe léblí.

²² Iní su oblí bambá blí igyi osúna há ɔmátəfo, megyí ahógyipu. Bulu onó asón blí é igyi osúna há ahógyipu, megyi ɔmátəfo.

²³ Ní ɔpasua ámu ifia, ɔhagyíha dé ɔblí bambá blí, ɔha bambá pɔ ɔmátóyín beba mlito á, buméeblí beɛ, mli nwun layintá? ²⁴ Táme ní mli fée mlidé Bulu ɔnó asón blí, ɔmátófo ntée ahá ání butamanú mótó beba mlito á, amó onutó bóyo asón ámutɔ, nú iwiasí ání babwé lakpan. ²⁵ Ibéha amó kluntɔ asón béliɔ ɔwan, béda akpawunu, kánfó Bulu beɛ, “Lélé, Bulu bu mlito.”

ɔpasua Ámutɔ Nhíhé

²⁶ Mí apíó, ní mlebá befia Bulu osúmkipá, mlito ɔku towá ilu, ɔku tosúná ató, ɔku towun ató, ɔku teblí ɔblí bambá, ɔku é tonú mó así á, bubwée mó pɔwa ɔpasua ámu ɔwɔnlín. ²⁷ Ní aku béblí ɔblí bambá á, bubwée ahá abanyó. Ní butso kúráá á, abasá. Bublí mó ikule-kule, méní ɔku ɔbéle mó así. ²⁸ Ní ɔhaa má ofiakpa inuá ɔbéle mó así mó á, bukpá ɔnó bun, amúa amó Bulu abutɔi nklobítɔ. ²⁹ Bulu ɔnósú atáipú abanyó ntée abasá butɔi, atráhe abuyɔ amó asón blíhé amutɔ. ³⁰ Táme ní Bulu ɔlé ató súná ɔkuá otsie ofiakpa inu á, Bulu ɔnósú ɔtáipú ámu osíi tóí, ɔhá ámu ɔblí tóá alawun. ³¹ Mli fée mlétalí blí Bulu ɔnó asón ámu ikule-kule, méní mli fée mlósuán taku tsú mótó pówá iwí ɔwɔnlín. ³² Bulu ɔnósú atáipú amó bunyáa túmí ɔhé ámuó ide amó kpa amósú, méní bótoí há amó aba ɔkpa. ³³ Tsúfé Bulu asón lolwii, omegyi basabasa.

³⁴ Ní ɔpasua ámu ifia a, atsi bubwée díín. Buma ɔkpa tóí. Bubá iwiasí fée alíá Mose Mbla léblí. ³⁵ Ní budekléa bónu aswankutɔ á, bufite amó akúlu wóyítɔ, tsúfé ibu péliá ɔtsi ɔbótɔí ofiakpa.

³⁶ Mlilahogyi mliaa, mli wá Bulu asón ámu ilotsuá así? Ntée mli nkule látsɔ mó nu? ³⁷ Ní ɔku dékíi ání Bulu ɔnósú ɔtáipú mugyi, ntée ɔbu ɔhétɔ atokiehé ku á, iwánkí mu ání aní Wíe onutó mbla ígyi ndewanlín sísí mli. ³⁸ Ní ɔmɔhɔ asón ánfí á, mli é mlimáha mu asón.

³⁹ Mí apíó, iní su mliprí ání mléblí Bulu ɔnó asón, táme mlimábláa ɔhaa mliaa, ɔmáblí ɔblí bambá. ⁴⁰ Mlibwe tógyítɔ duka mó ɔkpasu wankláán, ifun.

15

Kristo Kvsú tsú Afúlitɔ

¹ Mí apíó, séi á, nkáin mli asón wankláán ámuó neda mó ɔkan súná mli, mliólhɔ mósú gyí, mli hógyi ilí mósú ámu. ² Asón ánfí ɔbéha mli nkpa ání itamatá, ní lélé mliólhɔ mósú gyí ní. Táme ní mlekíná mósú hogyi mó á, mli hógyi labwé kpaali!

³ Tsúfé asón ání ihíe dehián bɔpɔhá mí nɔpɔba mli ígyi. Múgyí, Kristo lóbowu aní lakpan su, fée alíá Bulu asón wanlínhé amó léblí. ⁴ Bopulá mu, Bulu lókusúa mu tsú afúlitɔ eke sáásí fée alíá Bulu asón wanlínhé amó ileblí. ⁵ ɔlele iwí ɔwan súná Petro. Mó ɔma a, ɔlele iwí ɔwan súná sumbí ayɔpú dúanyɔ ámu fée. ⁶ Iní ɔma a, ɔlele iwí ɔwan súná mu abúopu tsɔtsɔtsɔá buɔɔn ahá lafanu (500) ɔtsáwɔle. Amótó aku bawú, táme ɔɔɔɔɔ butráa butsie nkpa. ⁷ ɔlele iwí ɔwan súná Yakobo é. ɔma a, ɔlele iwí ɔwan súná sumbí ayɔpú ámu fée.

⁸ Itráhe-tráhe a, ɔlele iwí ɔwan súná mí onutó ánfí nesin ɔma ba anfi. ⁹ Tsúfé mígyí sumbí ayɔpú ámutɔ ɔkusɔ ní. Teki mmɔfun ání bétí mí sumbí ayɔpú kúráá, tsúfé nedínká Bulu ɔpasua ámu. ¹⁰ Táme Bulu awítale só nde namlí alí. Mu awítale amó umɔbwe kpaali. Tsúfé nayó agyómá don amótó okugyíaku. Táme megyí mí ɔwɔnlín nɔpɔyó mó. Mu awítale amó dé mí kpa. ¹¹ Iní su ní mlétrá da asón ámu ɔkan o, amó o, móá idehián gyí mliólhɔ aní asón ámu. ¹² Ní anitédá Bulu asón ámu ɔkan aníaa, Bulu lókusúa Kristo tsú afúlitɔ á, ntogyi só mlito aku mó beɛ, awupó bumókusú tsú afúlitɔ? ¹³ Ní awupó bumókusú mó á, idesuná ání Bulu mókusúa Kristo é. ¹⁴ Ní Kristo mókusú tsú

Aní Kvsú Tsú Afúlitɔ

¹² Ní anitédá Bulu asón ámu ɔkan aníaa, Bulu lókusúa Kristo tsú afúlitɔ á, ntogyi só mlito aku mó beɛ, awupó bumókusú tsú afúlitɔ? ¹³ Ní awupó bumókusú mó á, idesuná ání Bulu mókusúa Kristo é. ¹⁴ Ní Kristo mókusú tsú

afúlitó á, tekí aní asún wankláán amú òkanda igyi kpaali. Mlì mósó hogyi é igyi kpaali. ¹⁵ Ní Bulu tamakúsó awupó mó á, mómó afunu anidéwa tìn Bulu ònó, bí aníaa alakúsó Kristo tsú afúlitó. Ní òtamakúsó awupó á, mómó asón ánfí ına mótó. ¹⁶ Ní òmókúsó amú mó á, mómó òmókúsó Kristo é ní. ¹⁷ Ní òmókúsó Kristo a, mómó kpaali mlílahò mụ gyi. Idesuná aní mlílasin lakpantó. ¹⁸ Mómó itráa desuná aní Kristo ahógyipwá bawú é bafwí. ¹⁹ Ní òyí ánfító nkpa nkulesó aní ansídín Kristosó mó á, mómó aní lá bu nwe òhagyísha.

²⁰ Táme òòkwaliá ida gyí, Bulu lakúsó Kristo tsú afúlitó. Kristo labwé ahá aní Bulu òbókúsóatò ogyankpapu. ²¹ Alí ámóú lowu léba tsún nyankpúsasó amú a, alí kén kúsó tsú afúlitó é òlèba tsún nyankpúsasó ní. ²² Tsúfé alí ámóú ahá butowú amó Adam òkùlèbwe sù amú a, alí kén amó Kristo òkùlèbwe sù amó fée bénya nkpa ní. ²³ Táme anító okugyíòkò bu mụ bré. Kristo Bulu légyankpá kúsó tsu afúlitó. Ní Kristo oyínkí bá a, mụ é òbókúsó mụ ahá fée. ²⁴ Mó òma a, Kristo obégyi òhétó túmí láláhe, iwíegyi pú túmíá ide òyísó gyí féesó asa òyí òbómò ònó. Mó òma a, obéyinkí iwíegyi ámu wá aní Sí Bulu ibító. ²⁵ Tsúfé òlèhián aní Kristo obégyi iwíe kpéfún bréá alagyi mụ alupó féesó, pú mụ ayabi tsá amúsó. ²⁶ Olupó tráhe aní òbèhí gyí lowu. ²⁷ Tsúfé Bulu asún wanlínhé amú òlèbí òbée, “Bulu lópú tógyító wá mụ así.” Iní imosuná aní Bulu bu Kristo así. ²⁸ Ní Kristo ogyi tógyítósó tá á, òbópú iwí wá Bulu así. Múlèha mụ túmí dínká tógyítósó, fówun Bulu é obégyi tógyítóá ibú òtínegyíòtínésó.

²⁹ Ní Bulu mókúsó awupó á, ntogyi sù ahá bu òde asú bò há ahá aní bawú? Ntogyi sù bèha bóbò amó asú há amó? ³⁰ Ntéè ntogyi sù aní mó abópú aní nkpa pléi brégyíbré? ³¹ Mí apíó, nekáse, ntefia alowusó ekekegyíeke! Igyi tóá ntópótsú iwí aní mliha aní Wíe Kristo Yesu mlílabwé òkùle. ³² Mó sù kpaali nòkò Efesofóá bogyi fè mbwíkítá-atò? Ní Bulu mókúsó awupó mó a, “Mómó mliha agyi, awí, anu, tsúfé òke sesebre anílawú.” Fè alíá bòwanlín wá Bulu asón ámutó.

³³ Mlímáha ahá aní butèbí asón ánfí odu abómle mli! Tsúfé ahande bée, “Mba láláhe gyí teyíntá sha.” ³⁴ Mlílabwé agywun wankláán, amlísi lakpan bwe. Tsúfé mlító akú butépi bómeyín Bulu. Nde asón ánfí wanlín sísí mli púsópa mli.

Òyulóbá Abópukúsó Tsú Afúlitó

³⁵ Òkò òbéfíté òbée, “Nkálí Bulu òbókúsó awupó? Òyulób mòmú bópukúsó?” ³⁶ Òha mimláhè! Bí aní ní fodú ató-abí á, itòpló asa itòkwe. ³⁷ Megyi itóbí ámóú fòpúwá òsulútó ámu gyí òbán amóú itedan amú. ³⁸ Bulu tèhá mó òyulób pòpwe aní mụ onutó odeklé. Òtèhá ató-abí kugyíko mó òyulób òtsan.

³⁹ Alí ámóú ató-abí òtsan-òtsan búu inu ámu a, alí tógyító òyulób igyi òtsan ní. Anyánpósa, mbwí, mbubwí pú ntsutso aye féeótò okugyíòkò òyulób òtsan.

⁴⁰ Òsúsú-ató bu inu, òsulósú-ató é bu inu. Mó fée ibú òyulób òtsan-òtsan. Òsúsó klé numnyam òtsan, òsulósú klé é numnyam òtsan. ⁴¹ Owí numnyam igyi òtsan há òtsra. Òtsra klé é igyi òtsan há ntsrakpabi. Òtsrakpabi kugyíko ná òtsan, mó numnyam é ına òtsan há mó bá.

⁴² Alí òbóbwe bréá Bulu òbókúsó awupó ní. Aní òsulósú-òyulób anfi itowú, pló ánfí òbótsún òtsan há móá Bulu òbókúsó tsu afúlitó, tsúfé mó mó imóowu ekekeeke. ⁴³ Aní òyulób anfi tòpòn bréá bopúlá mó, táme ní Bulu òkúsó mó á, itenyá òwònlín, wá numnyam. ⁴⁴ Òsulósú-òyulób igyi séi, táme ní Bulu òkúsó mó á, òbóbwe òhétó òyulób. Tsúfé alí ámóú òsulósú-òyulób bu inu ámu á, alí òhétó klé é bu inu ní. ⁴⁵ Bulu asún wanlínhé amú lébláa aní òbée, “Adam gyankpapu amú lóbwe òkiankpapu.” Táme Adam tráhe, ogyi Kristo amú mó gyí Òhèá òtèhá

nkpa. ⁴⁶ Ɔsulɔsu-ɔyulɔv anitegyankpá nyá asa anitebenya ɔɛtɔ klé. ⁴⁷ Ɔsulɔtɔ-ɪsi Bulu lɔpɔpwé nyankpɔsa gyankpapɔ, ogyi Adam amɔ. Kristo, amóó obuo amɔ mó otsú ɔsósó. ⁴⁸ Nyankpɔsa okugyíaku bu ɔsulɔsu-ɔyulɔv fé Adam, táme anɪ ɔsósó-ɔyulɔv mó bóbwe fé Kristo klé. ⁴⁹ Alɪ amóó anigyí fé ɔsulɔsu Adam amɔ a, alɪ kén abóbwe fé Kristo amóó otsú ɔsósó ámu é ekekó ní.

⁵⁰ Apíó, tɔá ndeblí gyí, anɪ ɔyulɔv anfi igyi ɔyulɔv móa obugya anfi imeenya ogyíkpa Bulu iwíegyi ámutɔ. Tɔá iteyíntá imeetalí nyá ogyíkpa tɔá itamayíntátɔ.

⁵¹ Táme mliyaá asɔ amlɪnu asɔn ɲáinhé kuá Bulu lalé súná mí. Ɔbéé, megyí anɪ féé obówu, táme anɪ féé ɔyulɔv bétse. ⁵² Ní ɔkpe tráhe ifólí pé á, anɪ féé abétse ɔtsáwɔle pé. Bulu ɔbókɔsúa awupó ámu. Amó ɔyulɔv imeetrá yintá, ɔbétse anɪ nkpa atsiápó é féé. ⁵³ Tsúfé ilehián ánɪ Bulu ɔbétse anɪ ɔyulɔv anfi itowú pló anfi, há anɪ ɔyulɔv itamawú, itamapló. ⁵⁴ Ní íbá mótɔ ánɪ Bulu latse tɔá itowú, bwé mó tɔá itamawú, tɔá itopló é lábwe tɔá itamapló á, inó Bulu asɔn wanlínhé anfi íbéba mótɔ ní. Ɔbéé, “Batú lowu asɪ plíplíplíplí. Isugyi onutó laba.”

⁵⁵ Bulu asɔn wanlínhé ku é léblí ɔbéé, “Ɔo lowu, nkónu fú ɔkpe bu?”

Nkónú fú isugyi bu?”

⁵⁶ Lakpan igyi ɔkpe ánɪ itómó, Mose mbɪla ámu é itehá lakpan túmɪ. ⁵⁷ Nkalɪ kóráá abókuku da Bulu ipán? Múláhá anɪlatsɔn anɪ Wíe Yesu Kristosɔ gyi asɔ.

⁵⁸ Mó sɔ apíó adwepó, mliɪ kinkíinkín, mli mákpunkí. Mli si mli iwɪ féé ha Bulu agyómá brégyíbré, tsúfé mliyin ánɪ mli gymagyihe móɔbwe kpaali.

16

Itswitswɪ Ha Yerusalem Ahíánfɔ

¹ Itswitswɪ ha Bulu ahá ánɪ bubu Yerusalem asún ámu é á, mli bwe mó fé alɪ amóó nebláa ɔpasua amóó íbubu Galatia ɔmátɔ mbée bubwée mó ámu. ² Ɔhagyíha ɔkɪ mu kóba alhá otenyá ɔnó, ɔle ku yaɪ Kwasiédagyíkwasiéda. Mli mágyo mli aa mbá asa amlitswitswɪ mó. ³ Ní neba á, nówanlín nwuló há ahá ánɪ mli onutó mléle mli aa, bɔpɔv ató ámu ya Yerusalemfɔ ámu, pólé amó súná amó. ⁴ Ní íbu aléá nóyɔ á, mómó bóbuo mɪ yó.

Paulo Ɔkpatu Nhíhé

⁵ Ní nɔkósú tsú Makedonia a, néba mli wá, tsúfé ndekléá nótɔn inu asa néba. ⁶ Fíalɪ nétsiá mli wá kpalobí. Fíalɪ kóráá nétsiá inu nyankpɔ móa atsalɪ bré ámu féé, fówun mli lasí mí ɔkpa nayó ɔtínegyíɔtínéá nóyɔ. ⁷ Séi mó á, mmedekléá néba beka tɔn mli wá kéke. Ní Bulu lótsulá á, nétsiá mli wá kpalobí.

⁸ Táme nétsiá Efeso nfi kpéfɔn Pentekoste eke ámu. ⁹ Tsúfé ɔkpa kpɔnkpɔntɪ lafinkí há mí ánɪ nóyɔ agyómá ánɪ íbówa labi. Íbu mótá mí alupó tsɔtsɔtsɔ bubu nfi mó.

¹⁰ Ní Timoteo owíé mli wá á, mli máha ifú ikɪta mu, tsúfé anɪ Wíe agyómá ámu kén ɔdeyɔ fé mí. ¹¹ Mli máha ɔhaa ɔkɪ mu ansítɔ kótíkótí. Mli si mu ɔkpa wankláán oyínki bɔtu mí, tsúfé ntsie ngyo mu a anɪ apíó atráhe amɔ.

¹² Anɪ pío Apolo asún ámu a, nalí musu mbée, obúo apíó ámu ba mli wá, táme omedekléá ɔbéba séi. Ní onyá ɔkpa á, ɔbéba.

Asún Tráhe

¹³ Mli da iwɪsɔ, amlɪɪ kinkíinkín mli hógyitɔ. Mli wa klɔn, amlɪ wa iwɪ ɔwɔnlín. ¹⁴ Mli pɔ ɔdwe bwe mli tógyítɔ.

¹⁵ Mí apíó, mliyin ánɪ Stefana mu wóyítɔ ahá gyí agyankpapóá bedamlí klɔntɔ Akaia nsáintɔ. Basí iwɪ há, bɔde Bulu ahá ámu súm. ¹⁶ Nokókóli mli, mli ba iwɪasɪ ha amóa ahá ánɪ béba betsiá amótɔ, bɔpɔ nsi yó agyómá ámu.

¹⁷ Ansí lagyi mɪ ání Stefana mɔa Fortunato pɔ Akaiko baba mí wá. Tsúfɛ bɔdɛ mɪ ɔbwɛkpá bwɛ. ¹⁸ Bawá mí atɛtɔ-ɔnlɪn wankláán, fɛ alɪ ámóó bɔwa mɪ ámɔ. Mɪbu ahá ánfɪ odu.

¹⁹ Ɔpasua ámóó ɪbɔ Asia amɔ fɛɛ bɔdɛ mɪ tsiá ha. Akwila mɔa Priska pɔ ɔpasua ámóó ɪbɔ amó wóyító amɔ é behá mɪ tsiá wankláán anɪ Wíe ɪdátó.

²⁰ Apíó aba amɔ fɛɛ behá mɪ itsiá gyágyáágyá.

Mɪlata aba puta Kristotɔ.

²¹ Mí Paulo onutó lapó mí ɪbɪ wanlín ínɪ, ndɛpɔhá mɪ tsiá.

²² Ní ɔkɔ tamadwé anɪ Wíe Yesu a, ɪlwí dɪn mɔsɔ!

Marana-ta! (Mó asɪ gyí, “Anɪ Wíe, ba!”)

²³ Anɪ Wíe Yesu Kristo ogyí mɪ bɔalɛ.

²⁴ Anɪa anɪ Wíe Kristo Yesu ɪkolɛbwɛ sɔ ntɛhíé dwé mɪ fɛɛ. Amen!

Ɔwɔlɔ Nyɔɔsiá Paulo Lɔwanlɔn Sísí Korintofɔ

¹ Mí Paulo ání ɔna Bulu apétó nabwé Kristo Yesu sumbí ɔyɔpɔ mɔa anɔ pío Timoteo dé ɔwɔlɔ ánfɔ wanlɔn.

Anɔdé mɔ wanlɔn sísí Bulu ɔpasua ání ɔbu Korinto wúlutɔ pɔ Bulu ahá ání ɔbu Akaia ɔsulɔsu fɛé.

² Anɔ Sísí Bulu mɔa anɔ Wíe Yesu Kristo ɔbugyi mli ɔuale, abɔha mli iwilwii.

Paulo Bulu Ipánda

³ Mliha akanfɔ Bulu. Mɔgyi anɔ Wíe Yesu Kristo mɔ Sísí pɔ mɔ Bulu. Mɔgyi anɔ Sísí otowun anɔ nwe pɔ anɔ Buluá otolwii anɔ klɔn ɔkpagyɔkpasɔ! ⁴ Otolwii anɔ klɔn anɔ asɔn wunhe kugyikɔtɔ, ménɔ anɔ é abétalɔ pɔ klɔn lwiihé ámɔ́ anɔlanyá tsú mɔ wá ámɔ́ lwii anɔ aba klɔn ámɔ́ asɔn wunhetɔ. ⁵ Alɔ ámɔ́ Kristo léhie wun ipian kpɔnkpɔnkpɔntɔ, anɔ é anɔdé mɔ kɔ wúun ámɔ́ a, alɔ kén Bulu ná Kristosɔ ɔhié ɔde anɔ klɔn lwii ní. ⁶ Mɔ sɔ ní anɔdé ipian wúun a, mli iwilwii pɔ mli nkpahɔ sɔ anɔdé mɔ wúun. Tsúfɛ Bulu dé anɔ klɔn lwii, ménɔ anɔ é abólwii mli klɔn, fówun mlétalɔ nyá klɔn, tomi wun anɔ ipian ámɔ́ odu kén. ⁷ Ifú mɛdé anɔ mli sɔ, tsúfɛ anɔyin ání ania mlinyɔ dé ipian ámɔ́ wúun. Mɔ sɔ Bulu obólwii mli klɔn fɛ anɔ.

⁸ Apíó, ɔbu aláá mlébi ání ɔwɔsɔn ámɔ́ anɔlówun Asia ɔmátɔ ámɔ́ ɔnɔ lehie wá ɔnɔlɔn. Ilekɔ dɔn anɔ. Ifú lekítá anɔ, aníkí ání abówu kokooko. ⁹ Ɔnɔkwali asón, ɔlɔbwe anɔ fɛ bahá anɔ lowu ipón. Táme alɔ anɔmɔ́pɔ ansí dínká anɔ ɔwɔsɔ, mboún Buluá ɔtɔkósúa awupúsú, sɔ ɔleba alɔ. ¹⁰ Lélé mɔ á, ɔlele anɔ tsú lowutɔ. Anɔlahogyi ání obétsiá lé anɔ brégyibré. ¹¹ Ɔbéle anɔ, tsúfɛ mli dé mpái ɔbɔ anɔ nwunsɔ. Inɔ sɔ ahá tsɔtsɔtsɔ bɛda Bulu ipán anɔ nwunsɔ, tsúfɛ alawá awitɔle há anɔ, mpái ámɔ́ ahá tsɔtsɔtsɔ ɔbudebɔ há anɔ ámɔ́ sɔ.

Paulo Nhíhé Tse

¹² Abétalɔ pɔ ɔbi sí kántɔ anɔaa anɔ klɔn mókóhá anɔ pón anɔ nkpatɔ, títriu ania mlinyɔ nátítɔ. Megyi anɔ ɔsulɔ anɔfɔsɔ nyánsa anɔlópɔ anɔdé anɔ agyómá yɔ, mboún Bulu awitɔle sɔ anɔlatálɔ lé ɔwɔtɔ anɔdé tógyítɔ bwe ɔnɔkwalisɔ. ¹³⁻¹⁴ Tsúfɛ megyi asón ání mlinéetalɔ kla, nu mɔ asɔ anɔtɔwánlɔn sísí mli. ɔbu mótɔá mlinéde mɔ asɔ nu yi, táme nahogyiá mlóbonu mɔ asɔ wankláán ekékú. Fówun mli é mlétalɔ pɔ anɔ tsú ɔwɔ, fɛ alɔ anɔ é abópɔ mli tsú ɔwɔ anɔ Wíe ɔbáke ámɔ́.

¹⁵ Mí ansí dɔn asón ánfɔsɔ. Mɔ sɔ nɔbwe agywun ání néba mli wá, ménɔ mlinya oyúla anyɔ. ¹⁶ Mógýí, nótson mli wá yɔ Makedonia. Ní neyínkí é nélatson mli wá; fówun mlétalɔ sí mí ɔkpa, néyínkí ba Yudea ɔmátɔ. ¹⁷ Mléfité mliaa, ntogyi sɔ nalátse mí agywun. Ntée nabwé fɛ ɔyítɔ ahá ámɔ́ ɔteblí bɛɛ, “Ee” latsé ámɔ́ ɔnɔ bɛɛ “O-o” ámɔ́ ɔkɔ? ¹⁸ Alɔ ámɔ́ Bulu ɔbɔ ɔnɔkwali, ɔtamawá afunu ámɔ́ a, alɔ mí “Ee” igyi mí “Ee” ní. ¹⁹ Tsúfɛ Bulu mɔ Bi Yesu Kristo ámɔ́ tamablí ɔbɛɛ “Ee” latsé mɔ ɔbɛɛ “O-o.” Mɔ mɔ á, “Ee” kóún ototsúlá. Mɔ ɔwɔ asón ɔkan mía Silas pɔ Timoteo anɔléda súná mli ní. ²⁰ Tsúfɛ mɔtótólá “Ee” há Bulu nhíhé kugyikɔ ɔteba mótɔ. Mɔ sɔ akánfɔ Bulu tá á, anɔteblí anɔaa, “Amen!” ní. ²¹ Bulu téhá ania mlinyɔ anɔtetálɔ lí kínkínkín ania Kristonyɔ ɔkɔlebwetɔ. Mɔgyi ɔhá ání ɔleɔda anɔ ofúli. ²² Mɔ kén lópɔ Ɔhe Wankíhé ámɔ́ wá anɔ klɔntɔ, póhie anɔ nsɔ; isuna ání mɔbɔ anɔ, ɔbóbwe tɔá ɔlehie há anɔ.

²³ Bulu ɔbíti mí ɔsɔ ní megyi ɔnɔkwali ndɛ mli bláa. Alɔ mméeba bowun tsitsa kɔkɔ blí tsú mli ɔwɔ sɔ mmetrá ɔtson inɔ. ²⁴ Anɔmédékléá ɔbóbwe fɛ anɔdé mli hie alɔ mlópɔ mli hógýi yɔ agyómá. Mboún alɔ ansí bégýi mli sɔ ania mlinyɔ anɔdé agyómá yɔ. Anɔyin ání mli hógýi sɔ mli lí kínkínkín dodo.

2

¹ Mú sù nabwé agywùn ání mméstrá ba bowa mli awireho. ² Tsúfè ní nebá bowa mli awireho á, ma òbéha ansí bégyi mli dòn mli ámúbó nawá awireho ámu? ³ Mú só nòwanlín òwuló gyankpapu amu sísí mli ní. Fówun ní nebá á, mli ámúbó mléha ansí bégyi mli ámu míméela há awireho mboún ikita mí. Tsúfè mí ansí dìn mli féesó ání ní ansí de mí gyí a, mli é ansí bégyi mli. ⁴ Megyí ansigyí nòpòwánlín òwuló ámu. Asón ihíe de mí háan, ndesú asa nòwanlín mó! Táme megyí alhá néha mlégyi awireho sù nòwanlín mó. Mboún alhá mlébi ání ntehié dwé mli sù.

Lakpansikié

⁵ Ohá ámúbó òlòpò asón ba òpasua ámu to ámu mókópó òlala gyi mli. Ní bee bukí mú á, òpasua ámu fée alapó asón gyí. (Mmedékléá nódùn mó blí.) ⁶ Isubití ámúbó mli òdòdò mli lébití mu amu itsò mu. ⁷ Ifun ání mlésikié mu, yíá mu klòn ngya. Fówun asón mósòdùn mu, iwí móowu mu. ⁸ Mú sù nokókóli mli, mli le suna mu ání mlitráa mli bu mu iwí òdwé. ⁹ Ndekléá nébi ní mlitegyi mí asón ámu féesó. Mú sù nòwanlín òwuló ámu ní. ¹⁰ Ní mlesíkié òku á, mí é nasíkié mu. Ní nesíkié mu é á, mli só nasíkié mu Kristo idátó, ní ilehián ní, ¹¹ méní Òbunsám oméenya aní iwí òkpa, tsúfè aniyin òkpa ání òtòtsun mósó fée.

Paulo Klòn Mèdi Mv Así

¹² Bréá neba Kristo asón wankláán ámu òkan òdakpá Troa wúluto á, nowun ání aní Wie lafinkí òkpa há mí. ¹³ Táme mí klòn médi mí así, tsúfè mmòto mí píó Tito inu. Mú sù neklá amó ká tsun yò Makedonia nsáinto.

Isugyi Kristo Idátó

¹⁴ Táme nde Bulu ipán da ání Kristo isugyi sù alabwé aní ndoun, alakpá aní buo iwí, anidé mu isugyi amu nke gyí. Ní ayó òtínegyí òtíne a, òtòtsun anisù bláa ahá ámu Kristo asón wankláán ámu, fé alhá ofobí fánfán tawá òfan yó tsútsúútsú. ¹⁵ Lélé mú á, Kristo gyí atò tóhé, anigyí mó òfan ání idekòsò há Bulu, há ahá ání bode nkpa nya pú amúbá bodefwí fée. ¹⁶ Itobon ahá ání bodefwí, kpá amó ya lowuto, itawá ahá ání òde amó nkpa hó òfan, kpá amó ya nkpatò. Ma mee lófùn ha gyuma ánfí odu yó? Ohaa má inu. ¹⁷ Aní mó animégyí fé ahá òdòdòá bode Bulu asón ámu fé púkle kóba. Iníá Bulu lówa aní sù á, aniteblí mó ònòkwálisù fé Kristo asúmbe ání bulí Bulu ansító.

3

Bulu Ntam Pòpwe Asúmpó

¹ Asón ánfí anidéblí ánfí itráa desuná ání anidé iwí kanfó súná mli lóó? Ntée ilehián ání abópò aní adánsie nwuló bá mli, ntée abóhò mó tsú mli wá fé alhá aku butòbwé? ² Èkèkèkè! Mli onutó tsiátó gyí adánsie nwuló bá wánlín dínká aní klònsù, ohagyísha dé mó wúun kla, póbí ání anidé agyómá wankláán yó. ³ Mligyi òwulóá Kristo lówanlín, òtòtsun anisù ba. Táme megyí oyípe òlòpòwánlín mó, Bulu òkiankpapò amu Ohé òlòpòwánlín mó. Megyí abwi pétéplé anyòsù* é òlòwanlín mó dínká, mboún anyánpósa klònsù.

⁴ Aníbu òkpa blí alí, tsúfè Kristo sù aní ansí dìn Bulusù. ⁵ Aniyin ání animófun ání abétalí bwé tòtò aní onutó iwisù. Bulu só anilófùn ha tógyítò bwe. ⁶ Moláhá anilabwé mu ntam pòpwe amu asúmpó. Megyí ibí Bulu lópòwánlín mó mó, mboún Ohé Wankíhé amu. Tsúfè mbla wanlínhé amu itòpó lowu ba, táme Ohé Wankíhé klé amu mó itòpó nkpa ba.

⁷ Mbla dada amúbó Bulu lówanlín dínká abwi anyòsù ámu òlòpò lowu ba. Táme mó numnyam léha Mose ansító lehie wankí asa òlòpòba Israelfò. Bréá

* **3:3** Abwi pétéplé anyò amúbó Bulu lówanlín mu Mbla dú dínká mósó há Mose amu.

numnyam amu onó ide asibá ó á, bumetalí kɪ mu ansító. ⁸ Iníá mbla wanlínhé amu lénýa numnyam alí á, mómó Ɔhé Wankíhé amu gymagyihe numnyam íbéhíe don mó! ⁹ Mbla wanlínhé amóó ítehá anitegyi ipón ámu kóráá íbu numnyam. Mómó nkálí Ɔhé Wankíhé gymagyihe amóó íhé bu numnyam don mó ámu íbóbwe? Tsúfé ítehá anitegyi asu Bulu ansító! ¹⁰ Mómó idesuná ání Bulu mbla dada amu ítráa ma numnyam kóráá. Pópwe anfi numnyam lagi mósú. ¹¹ Tsúfé ní Mbla dada amóó imetsiá wá ɔpá ámu íbu numnyam alí á, mómó pópwe anfi íbétsiá bré fée ání klé íbéhíe don mó!

¹² Aní ansí dín ntam pópwe anfisú. Mó su aníbu ɔkpa tóí faan. ¹³ Anímégyí fé Mose ání oletsíá pú tati bun nwun, méní Israelfo bumóowun mu ansító wankí, bréá mó onó ide asibá. ¹⁴ Táme mó óó á, Bulu léha amó klúnto lówa odwin bɔfon nde. Mó su ní bɔde Bulu mbla dada amu kláa amó ofiakpa a, butamanú mó así, tsúfé tati ámu létin amó agywun. Tɔto méetalí bwíí tati ámu lé amó agywunsu, nkétí amóa Kristo babwé kule. ¹⁵ Bótu nde kóráá ní bɔde Mose mbla ámu kláa a, tati ámu ítráa bun amó agywunsu. Mó su butamanú mó así. ¹⁶ Táme ní ɔha onyá damlí klúnto ba aní Wíe wá pé, Kristo labwíí tati ámu lé mu agywunsu. ¹⁷ Aní Wíe amóó asón ání ídetóí tsú mu íwí ámu gyí Ɔhé Wankíhé amu ní. Ɔtínegyíótínéá Ɔhé ámu íbu a, íwígyí tétsiá ínu. ¹⁸ Aní Wíe dé tati ámu bwíí lé aní fée ansító. Mó sɔ anidé mu numnyam amu le súná ní. Mu Ɔhé ámu lahá anidé mu lían, tsúfé mu numnyam amu ítráa dewankí anito tsia.

4

Ɔlótó Siadie

¹ Bulu láwun aní nwe pú agyómá ání wá aní íbito. Mó su abato tamawú aní. ² Aníakíná tóá íbu péli pú oklúnto ató fée. Anímédé ahá mlé, anímédé Bulu asón ámu é damlí bun. Mboún anidé ɔnɔkwali amu onutó blí pólé íwí súná ahá fée, íwankí amó alíá anígyí Bulu ansító. ³ Ní tɔku ibun ason wankláán amóó anidéblí ámusu kóráá á, ahá amóó bɔdefwí ámu nkule ibun há. ⁴ Ɔbunsám gyí ɔyí laláhe anfisú ogyípó. Múlápó ató tin ahá ání butamahɔ Bulu gyi anfi ansíbi. Mó sɔ bumédé ason wankláán amóó igyi wankí amu así nu ní. Wankí amu gyí Kristo. Múléhíe lían Bulu numnyam ní. ⁵ Tsúfé animéná anímédé aní onutó íwí asón ɔkan da. Yesu Kristo íwí asón ɔkan anidéda aníaa, mugyí aní Wíe. Tóá aníteblí tsú aní íwí gyí, Yesu sɔ anílabwé mlí asúmpó. ⁶ Tsúfé Bulu amóó ɔleblí ɔbéé, “Wankí ídálí tsu oklúnto!” ámu kén lahá mu wankí amu ídewankí aní klúnto. Ílahá anílabí ání mu numnyam amu ídewankí Yesu Kristo ansító.

⁷ Táme anígyí fé nló pwehé ání siadie bu mótó. Siadie ámu gyí wankí móa túmí ání ídewankí aní klúnto. Idesuná ání túmí kpɔnkpɔnkpɔntí ání imotsú aní, Bulu wá itsú. ⁸ Bɔde aní háan ɔkpagyíɔkpasu, táme bumókútálí sá aní tin. Íwí de aní klí, táme ímókókpon aní. ⁹ Bɔdín anísu, táme Bulu mókúsí aní há. Bɔtefin aní dá, táme Bulu sɔ anímókówú. ¹⁰ Aníatsúlá íde aní ɔyulóv anfi ipian brégyíbré, anidéwu fé Yesu, méní mu nkpa ámu íbélín ɔwan anito. ¹¹ Yesu súm sɔ aní nkpa atsiápó anfi anitefia lowu brégyíbré. Alíá íbóbwe mu nkpa bélín ɔwan aní ɔyulóv anfi idewu ánfito sɔ. ¹² Iní désuná ání lowu dé aní laláa, mlí é mli dé nkpa ání ítamatá nya.

¹³ Táme aníbu mósó anidé Bulu asón ámu ɔkan da. Tsúfé anílóhɔ mu gyi fé alíá Israel íbu ɔwapó ámu lówanlín wá Bulu asón ámutɔ ɔbéé, “Nɔhɔ Bulu gyi. Móláhá sɔ nde mó ɔkan da ní.” ¹⁴ Aníyin ání alí amóó Bulu lókúsɔa aní Wíe Yesu tsú afúlitɔ ámu a, alí kén ɔbókúsɔa aní, ɔbékpa aníaa mlinyɔ fée ba mu íwí wá ní. ¹⁵ Iní fée bówa labí há mlí, méní ní Bulu híe ɔde awítɔle wa, kpá ahá ɔdɔdɔ ba Kristo wá á, béhíe dá mu ipán, wá mu numnyam.

Hógyi Pɔtsiá

¹⁶ Mú sɔ abatɔ tamawú anɪ. Ibo mótáá anɪ ɔyɔlɔɔ anfi idewu mó, táme Bulu dé anɪ ɔkláa ɔwɔnlín wa ekekegyíeke. ¹⁷ Tsúfɛ iwiasin kpalobí anfi anidewúun séi anfi ibéha abénnya numnyam kpɔnkpɔnkpɔntiá itamatá, idɔn iwiasin anfi. ¹⁸ Mú sɔ animédé iwiasin anfi anidewúun anfi bu. Múá nyankpɔsa ansíbi tamawun ɔkpa anidéki. Tsúfɛ iwiasin anfi ibéba bɔtsɔn. Ansigyí ámuú ibɔ ɔma, ibétsiá bré fée ámu ɔkpa anidéki.

5

¹ Anɪ ɔyɔlɔɔ anfi igyi fé kantankpa ání anitsie mótá. Ní bobwié mó á, Bulu ɔbéha anɪ obu bámbá ɔsúsú. Mómó á, megyí nyankpɔsa léyi mó. Mɔ onutó léyi mó, imóobwie ekekeke. ² Tsúfɛ séi kóráá ide anɪ ipian ɔsolósu-ɔyɔlɔɔ anfitɔ. Anihíe anigyó ekeá ɔbɔpu anɪ ɔsúsú-ɔyɔlɔɔ wá anɪ fé atadi. ³ Mómó animóɔbwe fé ɔhéá ima ɔyɔlɔɔ, aniná yayá. ⁴ Ide anɪ ipian, anidékimí bré anfi anitráa anibɔ anɪ ɔyɔlɔɔ dada anfitɔ. Megyí bɛɛ anidékléá awú, adali ɔyɔlɔɔ anfitɔ. Mboún anidékléá Bulu ɔwáa anɪ ɔsúsú klé ámuú itamawú pló ámu, ménɪ ibégyi mó anfi itowú pló ánfisɔ. ⁵ Bulu onutó léla anɪ yáí há mó, ɔɔpu ɔhe Wankíhé ámu wá anitɔ. Múgyi ibwiá ɔledinká mósú ní.

⁶ Mú sɔ anitɔwá klɔn brégyíbré. Ibo mótáá bré anfi anibɔ ɔsolósu-ɔyɔlɔɔ anfitɔ á, anibɔ ifó anɪ Wíe wá. ⁷ Inɪ sɔ hógyi anilapó anitsie nkpa, megyí tóá ansíbi dewúun. ⁸ Ee! Anihíe anidé klɔn wa, tsúfɛ tóá anihíe anidéduká gyí abówa ifó ɔsolósu-ɔyɔlɔɔ anfi wá, ayetsiá anɪ Wíe wá. ⁹ Mú sɔ ní anibɔ ɔsolósu nfi o, ɔtine bambá o, tóá idɔn anɪ klɔnsɔ bré fée gyí, abóbwe tóá ibégyi anɪ Wíe ansí. ¹⁰ Tsúfɛ anɪ fée abéyélí Kristo ansító, obégyi anitɔ okugyíɔku asón, ká mu ikɔ anɪ ɔsolósu-ɔyɔlɔɔ anfi bwehé ɔnó. Yilé igyi o, lalahɛ igyi o.

Bulu Onyawíe

¹¹ Anihíe aniyin ání ilehián ání abénnya anɪ Wíe ifú. Mú sɔ anidétóí kplá ahá aniaa, ámu é bɔnyáa mu ifú. Bulu híe oyin anɪ. Nahogyi ání mli é mliyin anɪ mli klɔntɔ. ¹² Megyí iwɪ anitráa anidétsu súná mli. Mboún anidé mli ɔkpa suná, ménɪ mlótsu iwɪ anɪ sɔ. Fówun ní ahá bɔde iwɪ tsu tóá ɔha tɔpó ansíbi wun sɔ, imegyí tóá ibɔ ɔha klɔntɔ sɔ á, mlénnya ku bláa ámu. ¹³ Tsúfɛ ní bɛɛ anɪ nwun layíntá kóráá á, Bulu asón igyi. Táme ní bɛɛ anɪ ansító da mó á, ida ha mli. ¹⁴ ɔdwe ámuú Kristo bu ha anɪ ámu dé anɪ kpa, tsúfɛ anılanú iwiasɪ ání mu nkɔle lówu há ahá fée. Mú sɔ muu ahá fée bawú. ¹⁵ Olowu há ahá fée lélé, ménɪ ahá ání bénnya nkpa pɔpwe ámu bɔmétrá tsiá nkpa alíá bodeklé. Mboún bétsiá nkpa há Kristo ámuú olowu, Bulu lókusóa mu há ámu ámu.

¹⁶ Inɪ sɔ anitráa animédé ɔhaa kí fé alíá ɔyító ahá bɔteki mu. Ibo mótáá bré ámu anilétsiá kí Kristo fé alíá ɔyító ahá bɔteki mu, táme anitráa animédé mu kí alí. ¹⁷ Mú sɔ ní ɔha muu Kristo bɔbwe ikɔle a, alabwé ɔha pɔpwe. Mu tsiátó dada ámu fée ilatsɔn. Mu tsiátó labwé pɔpwe! ¹⁸ Nkpa pɔpwe anfi itsú Bulu wá. Mulótsɔn Kristosɔ bwé anɪ ánfɪ anigyí mu alupó ánfɪ mu anyawíe. Alapó agyómá ánfɪ wá anɪ ibitɔ, ɔbéɛ alée aha bambá é anyawíe ha mu. ¹⁹ Tsúfɛ Bulu lótsɔn Kristosɔ ɔde ɔyító ahá damlí bwé mu anyawíe. ɔtráa ɔmedé ámu lakpan iwɪ akúnta bu há ámu. Inɪ ɔɔpuwá anɪ ibitɔ ɔbéɛ, abláa ahá nɪ.

²⁰ Kristo atsiámu anigyí, Bulu détoí tsɔn anisɔ há mli. Mú sɔ anilíi Kristo ɔlúkpá anidé mli kokóli aniaa, “Mliha Bulu ɔbwe mli mu anyawíe!” ²¹ Tsúfɛ Kristo móbwe lakpan kɔku! Táme Bulu lópu mu bó afɔde anɪ lakpan sɔ, ménɪ ɔbótsɔn ania munyɔ ikɔlebwesɔ tsú anɪ ání anɪ asón da ɔkpa mu ansító.

6

¹ Ania Bulunyo anidé agyómá yɔ. Mó sɔ anidé mli kokóli aniaa, mlimáha Bulu awitále amóú mlianyá ámu ibwe kpaali. ² Tsúfɛ Bulu lɛblí mu asɔn wanlínhé amoto ɔbéɛ,

“Bréá mí bré lɔfɔn ání nówun ahá nwe a,
nonu mli ɔmɛ.

Mí nkpa ɔhóke amu ilɔfɔn é á, negyi mli buale.”

Mlinu! Bré ámu lɔfɔn a. Nde gyí mli nkpa ɔhóke amu ni!

³ Animédékléá abétin ɔhaa aní Wíe wá ba ɔkpa, méní ɔhaa méenya asvansu blí tsú aní agyómá ánfí iwí. ⁴ Mboún aní bwehé fɛétó a, anitelé súná ání Bulu asúmbi anigyí ɔnɔkwalisu. Anitotomi aní iwíɔsɔn, aní ikplán pó aní asɔn wunhe kugyíko étó. ⁵ Bepítí aní ató, wá aní obu, bekpa bun anisɔ dá aní. Anilóyo agyómá ání idun aní. Nkekó anitamadídi, nkekó é anitetsiá akón. ⁶ Anilótsun aní tsiátósu lé súná ání ifin kuku má aní iwí. Aniyin asún, anitenyá iklon. Anibu awitále, ɔhe Wankíhé amu tsie anito. Anitehié dwé ahá é tsú aní klontó. ⁷ Anitedá Bulu asún ámu ɔkan ɔnɔkwalisu pó Bulu túmitó. Yilébwe gyí isá-akotóá anidépukó ahá, anidépɔtin aní iwí é. ⁸ Aku butobú aní, aku é butósópa aní. Aku butekánfú aní, aku é butɔkpóí aní. Aní asún da ɔkpa, táme buɔe aní bu afunupu. ⁹ Fé animégyí toto ahá ansító, táme ahá anigyí. Fowun aní fɛe anidéwu ní, táme kí, anibu nkpa. Botesian aní mɔ, táme anitedáli mótó. ¹⁰ Anibu iwíɔsintó, táme Kristo sɔ anibu ansigyító. Ahiánfɔ anigyí, táme anilahá ahá bamlí iwí anyapó. Animá toto, táme anibu tógyító Kristo sɔ.

¹¹ Korintofɔ! Anitehié nyá mli iwí ansigyí, lé iwíto bláa mli asún.

¹² Anitamakóla iwí mliɔ, táme mli mó mlidé iwí kolá anisɔ. ¹³ Nde mli asún bláa fɛ mí onutó abí. Mli é mlimápu asvansu njáin aní.

ɔmátófo Pɔgyi Mba

¹⁴ Mliá ɔmátófo mlimágyi mba. Nkálí yilé móa lalahe bétalí tsiá tsukule?

Nkálí wankí móa oklún é bóbwe kule? ¹⁵ Kristo muá ɔbunsám* bétalí bwé agywun kule? Ekekɛɛkɛ! Nkálí ohógyipu muá ɔhá ání ɔma hógyi bóbwe kule?

¹⁶ Nkálí bótswɛ ɔkpi Bulu ɔtswékpa? Tsúfɛ anigyí Bulu ɔkiankpapu amu ɔtswékpa ni. Igyi fɛ alíá bɔwanlín wá Bulu asún ámoto beɛ,

“Bulu ɔbéɛ, ‘Nétsiá mí ahátó,
mía amónyo abénatí.

Nóbwe amó Bulu,
amó é bóbwe mí ahá.’ ”

¹⁷ Bɔwanlín wá Bulu asún ámoto é beɛ,

“Aní Wíe Bulu ɔbéɛ,
‘Mlidalí amótó, amlímain iwí le amósó.’ ”

Betrá wanlín wá Bulu asún ámoto beɛ,
“Mlimáwa ibi lalaheto,

mí anho mli.”

¹⁸ Betrá wanlín wá Bulu asún ámoto beɛ,

“Bulu ɔbéɛ, ‘Nóbwe mli Sí,
mli é mlóbwe mí abí.’
Alí aní Wíe Otúmípu déblí ní.”

7

¹ Mí apíó adwɛpó, Bulu lahié ntobíá igyi alí yái aní. Mó sɔ mliha afwí ibi le tógyítóá ibɔkpóí aní ɔyolóu pó aní ɔkláa fɛétó. Mliha anya Bulu ifú, méní ibéha aní iwí bétin, ifin kuku méétrá tsiá aní iwí.

Paulo Ansigyí

* **6:15** Paulo létí ɔbunsám ɔbéɛ, ‘Belial.’

² Kókoli, mlimákwáá ɪwɪ anɪsɪ! Animókópó lalahɛ gyi ɔhaa. Animókóyíntá ɔhaa, animókósisi ɔhaa é. ³ Megyí ɪpón ndɛ mli ha sɔ ndɛ asón ánfɪ blí. Tsúfɛ nablí bɔtsɔn mbéɛ, anitekle mli asón. Lowutɔ o, nkpatɔ o, animéetan mli sɔ ɛkɛkɛkɛ. ⁴ Ntɛtálí bla mli mí klɔntɔ asón, ndɛ ɪwɪ é tsu mli sɔ wankláán. Anɪ ipian fɛé ɔma a, mlilawá mí atɛtɔ-ɔnlɪn. Ansigyí kpɔnkpɔntɪ kɔ labólá mí klɔntɔ.

⁵ Tsúfɛ bréá anilówie Makedonia a, animénya ɔkpa dá ɔkpónó. Atsɔn nfi asón, ayínkí nfi itré. Mú sɔ ifú letsia anɪ ayetɔ. ⁶ Táme Buluá otolwíí ahá ámúb ɪwɪ lawú amú iklɔn amɔ lékpa Tito ba anɪ, pólwíí anɪ iklɔn. ⁷ Megyí mɔ ibá amɔ nkɔlɛ léha iklɔn lólwíí anɪ, mboún asón ání ɔlɔpɔtsúa inɔ ba é. Ɔlɛbláa anɪ ɔbɛɛ, mlihié mlidékléá mlówun mli. Alí asón ámɔ lahan mli, mlilanú ɪwiasɪ ání mlimébi bwé pɔ alí mlilahíé tsúlá dínká mí klésɔ, sɔ ansí lɛtrá gyi mli tsía.

⁸ Tsúfɛ ní mí ɔwúló ámútɔ asón lɛhan mli kóráá á, mí mú imehan mli. Ibo mótɔá ilɛhan mli bré kɔtɔ, tsúfɛ nowun ání ilɛha awiréhɔ lékitá mli kpalobí. ⁹ Ansí de mí gyí séi. Megyí alí ɔlɔwa mli awiréhɔ sɔ. Mboún alí awiréhɔsú amɔ ilahá mliladamlí klɔntɔ sɔ. Tsúfɛ mli awiréhɔsú anfi odu Bulu tekle nɪ. Mú sɔ mí asón ámɔ imeyintá tɔtɔ tsú mli ɪwɪ. ¹⁰ Tsúfɛ awiréhɔsúá igyi Bulu apé tɔpó klɔntɔdamlí bá. Itɛhá anitenyá nkpa. Mú odu bɔ ɔsɪn, táme ima ɔsɪn. Ɔyítɔ awiréhɔsú mú á, lowu itɔpóba. ¹¹ Mlikɪ tɔá awiréhɔsúá igyi Bulu apé latí há mli! Ulahá mlilatsú iku lé asón ámútɔ, mlidésuná ání mli asón da ɔkpa sɔ ɔbló é de mli. Uatsíí mli opúni, ilahá mlihié mlidékléá mlówun mli, mlilatsúlá dínká mí klésɔ. Mlihié mlidédunká ání mlébití lalahɛ ɔbwɛpó ámɔ ɪsɔ. Lélɛ, mlilalé súná ání mlimégyi pón asón ánfɪtɔ.

¹² Nɔwanlɪn ɔwúló sísí mli, táme megyí ahá ánfɪ sɔ. Megyí ɔhá ámúb ɔlɔbwɛ ilá, ntée ɔhá ámúb ɔlɔpɔ ilá gyí mɔ amɔ sɔ. Alí néle súná mli Bulu ansítɔ ání mlilatsúlá dínká mí klésɔ mboún sɔ. ¹³ Inɪ lahíé wá anɪ atɛtɔ-ɔnlɪn.

Múá idɔn kóráá á, ansí legyi anɪ, bréá anilówun ání mli fɛé mlilahá ansí de Tito gyí, tsúfɛ mlilahá iklɔn ladí mɔ asɪ. ¹⁴ Ní nekanfó mli mɔ ansítɔ kóráá á, mliméha péli mekitá mí. Alí ámúb asón ámúb anilébláa mli ámɔ fɛé igyi ɔnɔkwali amɔ a, alí kanfó ámúb nekanfó mli mɔ ansítɔ ámɔ é laba mótɔ ní. ¹⁵ Ní Tito ɔkáín alí mli fɛé mliteyaa asɔ há mɔ, hɔ mɔ asɔn blíhé, pɔ alí mletenyá ifú kpínkí mɔ ansítɔ á, ɔtɛtráa nya mli ɪwɪ ɔdwe tsía. ¹⁶ Ansí ihíé de mí gyí ání nɛtalí pɔ ansí dínká mli sɔ ɔkpagyíkpasɔ.

8

Akristofɔ Atókíe

¹ Apíó, anidékléá mlibú awitɔlɛá Bulu lawá há ɔpasua ámúb bɔbɔ Makedonia ɔmátɔ ámɔ. ² Iníá bɔbɔ ipian móa asɔn wunhɛ tsɔtsɔtsɔtɔ kóráá á, bɔpɔ amú ohian futútúútú lé amú awitɔlɛ kpɔnkpɔnkpɔntɪ súná ansigyísɔ tsɔn amú atokiehétɔ. ³ Néblí mbéɛ, bekie atɔ dɔn alí bétalí kóráá, tsú amú klɔntɔ. ⁴ Betsiá kólí anɪ ɔkpa bɛɛ, ahá amú é abɔnya ɔkpa wa awitɔlɛ ha Bulu ahá ání bɔbɔ Yerusalem. Fówun amú é amú ibi bówie osum agyómá ánfɪtɔ. ⁵ Bɔbwɛ dɔn alí anilósusúu. Gyankpapɔ a, besi amú ɪwɪ há anɪ Wíe, belási amú ɪwɪ há anɪ Bulu apétɔ. ⁶ Mú sɔ anilahá Tito ámúb olegyankpá beha mlilówa nsi ámɔ aniaa, ɔtráa yinki beha amlíwa nsi mɔ mli awitɔlɛ agyómá ámɔ ɔnó wankláán. ⁷ Mlilafɔn ɔkpagyíkpasɔ, tsúfɛ mlihié mlibɔ hógyi, mliyin tɔí, mlilétɪn ansí. Tɔtɔ tamakpɔn mli, mlitɛhíé dwé anɪ é. Ndekléá mlibóó mbódí awitɔlɛ agyómá ánfɪ étɔ dɔn ɔhagyíɔha.

⁸ Mmedé mli hɪɛ mbéɛ, mlibwéɛ mú. Mboún ndɛpɔ mli ɔdwe kápó akvá bɔdɛpríú ání amú é bóbúá. ⁹ Tsúfɛ mliyin alí anɪ Wíe Yesu Kristo lódwɛ ahá, wá awitɔlɛ. ɪwɪ onyapó ogyi tɛkɪ, táme anɪ sɔ ɔlɔbwɛ ɪwɪ ohíáni, ménɪ abótsɔn mɔ ohian ámɔsɔ bwé ɪwɪ anyapó.

¹⁰ Mí agywun gyí, ní mlómó agyómá amóú mliléfi así ofíku ámu onó á, íbówa labi há mli. Tsúfě mligyí ɔpasua gyankpapu ání mlilóbwe agywun ámu, mli kén léfi mó así. ¹¹ Mliwuna bwe mó mɔ onó. Mlile íklontɔ bwe mó, fě alíá mliléfi mó así. Mlikie mó mli ɔwɔnlín onó, méní íbékanáa agywun amóú mlilóbwe ámu. ¹² Ní íhíé igyi mli apéá mléha á, mlikie tóá mlibu. Mótegyi Bulu ansí, megyí múbá mliwá.

¹³ Megyí bɛɛ, anidékléá abéha íwí bólwií aku, íwí íklí mli mó; mbouín alíá íwí bólwií mliá amónyɔ fěé kékéɛ. ¹⁴ Séi mlibu ató tsɔtsɔá mlétalí púbúá amó. Mó mó ní íwá alé há amó, íwí íeklí mli é á, amó é bétalí búá mli, méní mliá amónyɔ fěé mlénýa kékéɛ. ¹⁵ Mlikain ání Bulu asún wanlínhé amó lébli ɔbée, “Óhá amóú ɔlekpa tsɔtsɔtsɔ ámu ménýa mó dubi. Óhá amóú ɔlekpa kpalobí ámu é klé lofun mu.”

Tito Mva Mv Aba

¹⁶ Adá Bulu ípán ání alahá Tito é latsúlá dínká mli klésu fě mí. ¹⁷ Bréá anilówa mu aníaa ɔbá mli wá á, olotsulá. Mu onutó óó, íbu mu ɔdwe ání ɔbétrá ba ínu. ¹⁸ Anidé mva opió ɔku wa sísí mli. ɔpasua ámu fěé bɔde mu kanfó, asún wankláán ámu ɔkan da su. ¹⁹ Makedonia ɔpasua ámu fěé léle mu ání ania mɔnyɔ anátí kí, aha atokiehé ámu ya Yerusalem. Anidé ató ánfí bwe pówá aní Wíe numnyam, méní íbósuná ání aní onutó latsú dínká íwísu ání abóbwe mó.

²⁰ Anidé aní íwí kí wankláán, méní ɔhaa mééle aní ílá, tsú alíá anilópɔ anidé atokiehé ámu su kí. ²¹ Tóá anidésusúu gyí, alíá abóbwe múbá ída ɔkpa Bulu mva anyánpósa fěé ansító.

²² Iní su anilapó aní apió ámuɔ ɔku mántá Tito anásó. Anilasɔ mu kí, anilawun ání ɔhíé ɔbu nsí. Alahá mli gyi séi. Mó su ɔhíé odekléá ɔbétsa aní agyómá ámu yɔ. ²³ Ní ɔku léfité mɔsu á, mlibla mu mliáa, mía mɔnyɔ dé agyómá yɔ púsúm mli. Makedonia ɔpasua lówa apió atráhe amóú mva amónyɔ bebá ámu. Iní désuná ání Kristo bɔde numnyam wa. ²⁴ Mó su mlile mli ɔdwe suna amó. Isuna ɔpasua ámu fěé ání mli su aníbu ɔkpa tsú íwí.

9

Akristofa Boma Tɔto Bvɔ

¹ Imehián ání nówanlín mli ɔwuló tsú alíá mlidé Bulu ahá ání búbu Yerusalem búá íwí. ² Tsúfě nyin ání mlihié mlidékléá mlóbúá amó. Nagyí mli íwí adánsíe súná amó mbée, tsú ofíku ɔpá Akristofá búbu Akaia ɔsulúsu bɛda íwísu yáí ání bóbuá. Mli nsiwa lahá ogyá ku lawíé amó ɔdɔdɔtsɔ. Mó su amó é bafí mó así. ³ Táme nde apió ánfí wa sísí mli, isuna ání megyí kpaali negyi mli íwí adánsíe súná amó. Mlída íwísu, fě alíá nebláa mli yáí, amlíka mli tswítswí fěé. ⁴ Tsúfě ní Makedonia Akristofa ámuɔ aku bobuo mli ba ínu, bowun ání mlimókódá íwísu fě alíá nebláa amó á, abósupáa amó ansító, táme mlósupáa dɔn mli. ⁵ Mó su nabwé agywun ání néha Tito mva mu aba ámu abugyankpa ba mli wá, íha amlidunka tóá mliléhié ání mléha yáí. Táme mliha mó tsú mli klontɔ, megyí ɔhíé igyi.

⁶ Mlikain ání ɔhá ání odú kpalobí á, kpalobí ɔtɔkpótí, táme ɔhá ání odú tsɔtsɔ tɔkpótí tsɔtsɔ. ⁷ Mlíto okugyíɔku ɔháa múbá ɔbétalí tsu mu klontɔ. Imábwe ɔhíé, tsúfě ɔhá ání ɔtɔpú ɔdwe kíé ató asún Bulu tekle. ⁸ Bulu téhá mli tóá mlidéhián brégyíbré, dɔn alíá ilehián mli. Mó su mlénýa tóá íde mli hián brégyíbré. Ibófon mli sian, mlópɔbwé yilé há aha bambá. ⁹ Fě alíá bówanlín wá Bulu asún ámuɔ bɛɛ,

“Bulu ɔha télé íwíto kíé ahiánfɔ ató.

Mu yilébwé tamatá.”

¹⁰ Bulu téhá adɔtɔpɔ ató-abí butodú, ɔtéhá ahá atogyihé. Mligyí fě amó. ɔbéha mli ató-abíá mlópɔ íku kíé ahá, atogyihé tsɔtsɔtsɔ bédalí tsu mli yilébwé ámuɔ.

¹¹ Ǫbéhie yúlá mli ǵkpagyǵkpasu, méní mlówa awítale há ahá brégyíbré. Iní íbéha ahá ámu béda Bulu ípán, ató ámuó mli lapótsun anísu há amó ámu su. ¹² Tsúfé atoku anyo ǵbédalí tsu mli ató hahé ánfíto. Megyí ató ámuó mli lapóhá Bulu ahá ámuó ató de amó hián, búbu Yerusalem amu nkule, mboún íbéha ahá tsotsotsó béhie dá Bulu ípán. ¹³ Tsúfé ní mlehá amó á, íbéha békánfó Bulu. Ibósuná ání lélé mli dé Kristo asun wankláán ámuó mli lóhá amusu gyí, mli dé awítale é wa há amó aha bambá. ¹⁴ Béhie káín mli su, bó mpái há mli, tsú awítale kpǵnkpǵntí ámuó Bulu lapóhá mli ámu su. ¹⁵ Adá Bulu ípán há mu atokiehé ánfí idon blí ánfí!

10

Paulo Gyumagyihe Ǫnóle

¹ Ibo mótsá mli to ako mli teblí mli aa, ní mbu mli wá á, mí asón lolwií, táme ntǵwánlín mí nwuló túmisu. Táme mí Paulo nde mli kokóli mbée, mli púki alíá Kristo asón lolwií, ǵleba iwiasí. ² Mli to ako bu deblí bee, mí bwehé lalian ǵyító ahá. Mó su ní netrǵ ba inu á, nawun ání ilehián ání mí ansító bówa ǵnlín. Kókoli, mli máha ampu tsiátó anfi odu ba inu. ³ Ibo mótsá ǵyí ánfíto aníbu, táme megyí ǵyí ánfíto agywun anidépukó isá. ⁴⁻⁵ Megyí ǵyító akotó anidépukó. Bulu akotó íbu túmi anidépúbwíé okpikplikpa kugyíkúá itakósó líí Bulusu. Anitǵpóyíntǵ afunu asón kugyíkúá ahá butǵpótsú iwí, itehá amó butamabí Bulu. Anitǵpódámli agywun laláhe kugyíkú, há itobú Kristo. ⁶ Ní mli aha tráhe amu mli lapó iwí há Kristo, mli dé mu asónsú gyí a, abébití ahá ámuó bu de asoto-ǵnlín wa ámu é asu.

⁷ Mli ki ǵnǵkwali ámuó ida mli ansító ámu. Ní mli dékúá Kristo bú mli á, mómu mli ki mó wankláán, amlíbi ání mubú aní é. ⁸ Ní nde iwí tsu túmi ámuó aní Wíe lapóhá aní ámu su dubí a, ima mí péli. Tsúfé ǵlǵpúhá aní ǵbéé, apóbua mli amlídan. Megyí ǵbéé, apóyinta mli. ⁹ Imábwe mli fé nde nwuló wanlín, pówá mli ifú. ¹⁰ Tsúfé ako bee, “Mákpla Paulo. Mu asun wanlínhé bu odwin, ǵtǵpúhíé ahá. Táme ní mu onutó ǵbu aní wá á, ololwií, mu asun blíhé é ima íbíá!” ¹¹ Iwánki ahá ámu ání asón ání anitǵwánlín sísí ahá kén anitǵbwé ní aníbu amó wá ní.

¹² Lélé mó á, amendi anígyíá abópu iwí kápó ahá ánfí bu de iwí kanfó ánfí? Amó wulewule dépu iwí kápó aba, bu de ansí pódínká abasu. Mimlá igyi amó. ¹³ Aní mó anímóotsu iwí dáfá, mboún ǵkpa ámuó Bulu léhie há aní ámu ǵnó abótsu iwí fun. Múgyí agyómá ání anilabwé bǵtu mli ní. ¹⁴ Anilégyankpá pó Kristo asun wankláán ámu ba mli. Mó su ní anidé mli asón bláa a, anímókótí dáfá. ¹⁵ Anímédépu ǵhaa agyómá é tsú iwí. Mboún anidé ǵkpa kí ání mli hógyi bédan. Agyómá ámuó anidéyo mli to ámu é íbékleí tsía. ¹⁶ Mómu abétalí dáfá mli su yéda asun wankláán ámu ǵkan ǵmá bámbá ésó, méní imóǵbwe fé anilapó ǵtínéá ǵku lagyankpá yó agyómá tsú iwí.

¹⁷ Táme Bulu asun wanlínhé amu léblí ǵbéé, “Ǫhagyíǵha ání ǵbéé, mótsu iwí á, ǵpúu tǵá aní Wíe labwé tsu iwí.” ¹⁸ Tsúfé ní Bulu ǵkánfó fú gyí asón, iwí kanfó mó kpaalí igyi.

11

Paulo Mva Sumbi Ayǵpó Afunupu

¹ Mli nya klun, amlínu mí mimlála kpalobí ánfí así! Kókoli, mli nya klun ha mli. ² Mmesi mli tswí fé alíá Bulu tamasí mli tswí. Tsúfé mli gyí fé obitebíá omeyín oyín, napó mli há oyín ǵkule, ogyi Kristo. ³ Táme alí ámuó iwǵ ámu lǵpu mu alape mlé Hawa amu á, ifú de mí ání ǵku ǵbémlé mli, mli ansí bédínki ǵnǵkwaliwa pú ǵdwe wankíhé ámuó mli bu ha Kristo amusu. ⁴ Tsúfé nyin ání ní ǵku ǵbá béda Yesu bámbá ǵku iwí asón ǵkan súná mli, imegyí ǵmuamóó aniléda

mu iwɪ asún ɔkan súná mli ámu a, mlókɔsí hogyi. Ní mlenyá ɔhɛ bámbá kuá ina ɔtsan há móámúbó mlilégyankpá nyá ámu é á, mlóhɔ mó gyí. Alí kén ní mlonú asún bambá ání ina ɔtsan há móámúbó anilébláa mli ámu é á, mlókɔsí hɔ mósó gyí ní!

⁵ Mmedéhógyiá ahá ánfí bɔdɛ iwɪ tɪ “Sumbí ayɔpó akpɔnkpɔntɪ” ánfí bɔdɔn mɪ ɔkpa ɔkukusu. ⁶ Ní mmeyín tɔí kóráá á, nyin asún ání ndɛblí. Nahogyiá anilahá asún ánfíto ilawánkí mli ɔkpagyíɔkpasu.

⁷ Iníá nɔpu iwiasibá pó obú há mli bréá nɛda Bulu asún wankláán ámu ɔkan súná mli, mmɔhɔ mli tɔtɔ su yée tsitsa nɔbwe á? ⁸ ɔpasua bámbá ató nɔswí, póbá bɔyɔ agyómá há mli. Mó su nɛtalí súm mli, mmɔhɔ mli tɔtɔ ní. ⁹ Bréá mbu mli wá, iwɪ lɛklí mí á, mmesi ipian tswɪ mliɔ ɔkukusu. Mboún apíó ámúbó bɔtsu Makedonia ba ámu léha mí mí atohiánhɛ. Iní su mmesi ipian dínká mliɔ ɔkukusu, mméesi dínká é. ¹⁰ Iníá ɔnɔkwali nɛnya ndɛblí tsú Kristo iwɪ mó á, ɔhaa méetalí ká mí itin ɔbée, mmápu asún ánfí tsú iwɪ Akaia ɔsolósu fée. ¹¹ Ntogyi su? Ntamadwé mli lóó? Ekekeke! Bulu yin ání ntɔdwé mli!

¹² Nóbwe mí agyómá fɛ alíá ndɛ mó bwe dodo. Nóbwe mó pútín amó ɔkpa, ní bɔdɛ iwɪ tsu bɛɛ, gyɔma kule ania amónyɔ anidébwe. ¹³ Afunupu bɔgyi. Bapina bwe iwɪ fɛ Kristo sumbí ayɔpó, bɔna bɔdɛ mli mlé. ¹⁴ Táme ima wánwan! Tsúfɛ ɔbɔnsám kóráá tɛkí ansí bwé iwɪ fɛ Bulu-ɔbɔpu wankíhé! ¹⁵ Mó su ima wánwan ání mu asúmpó anfi é bapina bwe iwɪ fɛ yilé abwɛpó. Amó ɔnómɔ bɛɛ amó bwehé kugyíku ɔwan.

Paulo Asún Wunhe

¹⁶ Ntráa ndɛ mli bláa mbée, ɔhaa mábu mí ɔha mimláhe. Táme ní mliɛ mí bu alí óó á, mliɔsu mó alí, mí é anya ɔkpa tsú iwɪ kpalóbí. ¹⁷ Aní Wíe tamatáí alí, táme nabwé iwɪ fɛ ɔha mimláhe. ¹⁸ Ahá tsɔtsɔtsɔ bɔtɔtsú iwɪ fɛ ɔyító ahá, su mí é nótɔsu iwɪ. ¹⁹ Ee á, iníá mlihaa atiansipu mligyí óó á, mliɔtsúlá há aha mimláhe. ²⁰ Tsúfɛ ní ɔku ɔpó mli bwé nkpábi kóráá á, mliɔtsúlá. Ní ɔpó mli nyá iwɪ, ogyi iwíe mliɔ, obú mli tɔku odu, ɔdá mli isɔtɔ kóráá á, mliɔtsúlá há mu. ²¹ Mliha mma ansító-ɔnlín. Ee, natsúlá. Mí klé ma inu.

Táme tógyítáá ɔku labwé ɔdɛpɔtsú iwɪ á, mí é nɛtalí pó mí klé tsú iwɪ. (Táme nahogyi ání igyi mimlála.) ²² Ní bɛɛ Hebriɔ bɔgyi á, mí é Hebriyin ngyi. Ní Israelfɔ é bɔgyi á, Israelyin mí é ngyi. Ní bɛɛ bɔtsú Abraham abí-anátó a, inu mí é nótɔsu ní. ²³ Bɛɛ Kristo asúmpó bɔgyi? Mblí mó mimlášu, ndɔn amó! Nayírɪ iwɪ yó agyómá dɔn amó. Nadí obu dɔn amó. Badá mí dɔn amó. Nesian wu bré tsɔtsɔtsɔtɔ. ²⁴ Yudaɔ banwén mí mplí tsé aduasa-kwebá (39) tse nu kéké. ²⁵ Romaɔ é bapítí mí ató tse sa kéké. Bɛda mí abwi ɔtsáwɔlɛ. Tse sa kéké ntsusu-yibi labun mɪ, nasin ntsutso ekewóɛ owító. ²⁶ Mí ɔkpa tsɔtsɔtsɔ tutó á, nafá ntsu akpɔnkpɔntɪ, natsɔn ogyo atɔwapó ibíto dáli. Natsɔn ɔmá bámbásóɔ pó aní pɪ Yudaɔ fée ibíto dáli. Natsɔn awúlusu pó adimbísó, nafá ɔpu. Natsɔn ahá ámúbó bɔdɛ amó iwɪ tɪ bɛɛ, Akristofɔ ámu aná fée ibíto dáli. ²⁷ Nayó agyómá kpékplé, ilapíán mí kɪ. Ntamadíɔ nkekó. Ntetsiá akún móa ɔmewóli, nteklí ɔnó, ntɛdí atsali, náti yayá aná fée. ²⁸ Iní fée ɔma a, tóá idín mí klɔnsu, ntɔgywín mó iwɪ ekekegyíɛke gyí ɔpasua ámu fée aléwa. ²⁹ Ma lópon, mmotsu kuku lé mu asóntó? Ma bekpa wá lakpántɔ, imɔwa mí ɔbló.

³⁰ Ní bɛɛ ntsú iwɪ á, ntobíá itehá mí hógyi tɛba así nópɔtsú iwɪ. ³¹ Bulu, ogyi aní Wíe Yesu mu Sɪ, ɔlekanáa kanfó bré féeɔtɔ ámu yin ání mmedé afunu wa. ³² Owíe dehen Areta léha mu ɔmáso ɔkípu léyɛɛ mɪ Damasko wúlu ɔnó, ɔkita mí. ³³ Táme bɔpu mí wá lakpátó, lé mí tsɔn ikwíto, kplí mí yi buntíi ání bɔpwe wá wúlu ámu ɔma, nesrí sí mu.

12

Paulo Atowunhe Pɔ Mv Atɔ Lesúndhé

¹ Ilehian ání nótso ɪwɪ, táme tɔtɔtɔ ɪma ɪwɪtsútɔ. Táme mblí atɔ́a nowun pɔ́ tɔ́a anɪ Wíe lalé súná mí. ² Nfi dúana (14) ní, bɔwan mɪ ya ɔ́sɔ́sɔ́ saasɔ́. (Mí nyankpɔsa-oyí lóyɔ ɪnu o, mí ɔ́kláa o, mméetalí bí. Bulu nkɔle yín.) ³⁻⁴ Fé alíá nakóblí á, bɔwan mɪ ya Paradiso. (Mí nyankpɔsa-oyí lóyɔ ɪnu o, mí ɔ́kláa o, mméetalí bí. Bulu nkɔle yín.) Nonu asún ání ɪma blítɔ, ɔ́haa é má ɔ́kpa blí mó. ⁵ Nétalí pɔ́ ɪtɔ́ ámóó nowun amɔ tsú ɪwɪ, táme mmóɔpɔ mí atɔ́ bwehé tsú ɪwɪ. Ntobíá ɪtehá mí ɔ́wɔnlín ɔ́nɔ́ tɛba asɪ ntɔ́pútsú ɪwɪ. ⁶ Ní mbée nótso ɪwɪ kóráá á, mmóotsu ɪwɪ fé ɔ́ha mimláhe, tsúfé néblí ɔ́nɔ́kwali. Táme mmóɔbwe. Mmedékléá ɔ́haa ɔ́kú mɪ dafa alíá mí tsiátɔ́ gyí, ntée asún ámóó nɔ́pɔba amɔ.

⁷ Alíá mmóɔpɔ ntobí ánfɪ ɪbɔ ifú, ɪbɔ wánwan, Bulu lalé súná mí ánfɪ tsú ɪwɪ sɔ́ á, ɔ́ɔpɔ owu kɔ́ wá mí awútɔ́, igyi ɔ́bɔnsám-ɔ́bɔpɔ. Itɛdá wɔ́ mí, ménɪ mmóotsu ɪwɪ. ⁸ Nakókóli anɪ Wíe Yesu tse sa kéké mbée, ɔ́lé ɪtɔ́ ámɔ mítɔ́. ⁹ Táme asún ání ɔ́tebláa mɪ brégyíbré gyí, “Mí awítɔ́le pé gyí tɔ́a fehian. Tsúfé ɔ́há ání mɔ ɔ́wɔnlín ɔ́nɔ́ laba asɔ́tɔ́ mí túmɪ tɛhíe lɪn ɔ́wan.” ɪnɪ sɔ́ ɪbɔ mɪ ansigyí ání nɔ́pɔ tɔ́a ɪtehá mí ɔ́wɔnlín ɔ́nɔ́ tɛba asɪ tsú ɪwɪ, ménɪ Kristo túmɪ ámɔ ɪbéhie bun misɔ́. ¹⁰ Kristo sɔ́ ansí bégýi mɪ brégyíbré. Ní mí ɔ́wɔnlín ɔ́nɔ́ ɪba asɪ, bɔ́de mí sia, mbɔ ɪkplántɔ́, bɔ́dɪn misú, ntée ɪwɪ de mí ɔ́sɪn, tsúfé ní mí ɔ́wɔnlín ɔ́nɔ́ ɪba asɪ á, mó ntelányá ɔ́wɔnlín ní.

Korinto ɔ́pasua ɪwɪ Asún

¹¹ Nabwé ɪwɪ fé ɔ́ha mimláhe, táme mlíláhá ɪlaba alɪ. Tɛkɪ ilehian ání mléblí asún wankláán tsú mí ɪwɪ. Tsúfé ɪbɔ mótɔ́a mmegyí tɔ́tɔ́, táme ndɔ́n “sumbí ayɔ́pɔ́ akpɔ́nkpɔ́ntɪ” ánfɪ mó. ¹² Bréá mbɔ mlí wá á, notomɪ bwé tɔ́a ɪbɔ wánwan pɔ́ osúna mɔ́a ofúla ɔ́tsan-ɔ́tsan, púsúná mlí ání lélé sumbí ayɔ́pɔ́ ngyi. ¹³ Ntɔ́ dé mlí háan? Tɔ́a nɔ́bwe mlítɔ́, mmɔ́bwe ɔ́pasua bámbátɔ́ gyí, mmesi ɪwɪ tswɪ mlisɔ́. Kókoli, mɪsikie mí!

¹⁴ Séi á, otse saasɪ ndɛbweá néba mlí wá á. Mméeba besi ɪwɪ tswɪ mlisɔ́, tsúfé mmédé tɔ́tɔ́ fité tsú mlí wá. Mlɪ onutɔ́ ndehian. Kebi tamatsú mɔ́ sɪ wá akɔ́nkɔ́, mɔ́ sɪ tótsú mɔ́ wá akɔ́nkɔ́. ¹⁵ ɪbɔ mɪ ɔ́dweá néyintá tógyítá mbɔ mlí sɔ́, sí mí ɪwɪ féé kóráá há mlí. ɪnɪá nde mlí dwe dubɪ alɪ á, ntogyi sɔ́ ɔ́dweá mlí mó mlíbɔ há misú dedínkí?

¹⁶ Fíalɪ mlílɔ́wun ání lélé, mméeba besi ɪwɪ tswɪ mlisɔ́, táme mlídéblí mlíaa, nɔ́fwífwí ansí. Ndepu atɔ́ tsɔ́n mlí omuá wá mlí ɔ́nɔ́. ¹⁷ ɔ́kpa ɔ́mɔ́mɔ́sɔ́? Nɔ́tsɔ́n ahá ámóó nɔ́wa mlí wá ámɔtɔ́ ɔ́kɔ́sɔ́ sísi mlí lóó? ¹⁸ Bréá nokokóli Tito, nɔ́wa mɔ́a anɪ pío Okristoyin amɔ mlí wá mé, olebesisíi mlí? Ekekeke! Tsúfé agyɔ́wɪn kɔ́le mía mɔ́nyɔ́ anɪdépubwé toku kɔ́le.

¹⁹ Fíalɪ mlídé mó tsu bré ánfítɔ́ féé mlíaa, anɪdétoí póká ɪwɪ lé. Megyí alɪ igyi. Akristofɔ́ anigyí, anɪdétoí Bulu ansítɔ́. Mí adwepó, anɪdé tógyítɔ́ bwe pówá mlí ɔ́wɔnlín. ²⁰ Tsúfé ifú de mí ání néba mɪmɛtsíe wankláán. Mó sɔ́ mí asún blíhé bɔ́wɔ́ mlí asɔ́tɔ́. Fíalɪ nóbɔ́tɔ́ ɪtré, ɔ́nsɪpɛ, ɔ́bló, olu, ahásia, ahá ɪwɪ asúnblí, ɪwɪtsú pɔ́ abasɔ́da mlítɔ́. ²¹ Nhíe nde ifú nya ání ní nébá ɪnu á, mí Bulu ɔ́bétrá ba mɪ asɪ mlí sɔ́. Nósu, tsúfé mlítɔ́ akɔ́ mɪmókósi mlí lakpan dada amɔ bwe, dámlí klɔ́ntɔ́ sí mbɔatɔ́, hakpanla pɔ́ ɔ́wólí laláhe amɔ.

13

ɪklá Pɔ́ ɔ́láda

¹ Otse saasɪ nébá mlí wá á. Bulu asún leblí ɔ́béé, “Asa mléha ɔ́kɔ́ ɪpón á, mɪnu adansífó abanyó ntée abasá ɔ́nɔ́.” ² Bréá néba mlí wá otse nyɔ́ɔsi a, nɛda ahá ámóó bɔ́de lakpan bwe ámɔ féé ɔ́lá. Ntráa nde amóa aha tráhe féé ɔ́lá da, tsúfé ní nébá ɪnu á, néhie bíti amó ɪsɔ́. ³ Tsúfé mlídékléá mléblí ání lélé Kristo détoí tsɔ́n mɪsɔ́. Kristo ɔ́wɔnlín ɔ́nɔ́ mɔ́kóba asɪ mlítɔ́. Mɔ́ túmɪ é ihíe tɔ́ ɔ́ mlítɔ́. ⁴ ɪbɔ mótɔ́a

m̃ oyikpalíh̃es̃ lowu ilosuná aní alap̃on, táme séi á, otsie nkpa Bulu túmit̃. Bréá ania m̃onỹ anilóbwe k̃ule a, anilóp̃on, táme séi ania m̃onỹ anitsie nkpa Bulu túmit̃. Mó anidép̃okpá mli ní.

⁵ Mliỹ mli nwunt̃ k̃i b̃ee, ahógyip̃ onutó mligyí? Mlikap̃ mli iw̃i k̃i b̃ee, lélé Kristo Yesu b̃u mlĩt̃? Mlilawun aní ɔ̃b̃u mlĩt̃? Ní mlimókó̃wun m̃u mlĩt̃ mó á, mómó megyí ahógyip̃ onutó mligyí. ⁶ Nahogyiá mléba b̃ebi aní Kristo ahógyip̃ onutó anigyí. ⁷ Anidé Bulu kokóli aniaa, mlimátrá b̃we lalah̃e k̃uk̃u. Megyí alhá ibósuná aní anigyí Kristo ahógyip̃ onutó s̃u. Táme ní ahá b̃udekí b̃ee megyí Kristo ahógyip̃ onutó anigyí ó á, ɔ̃há mli mó amlib̃we tóá ida ɔ̃kpa. ⁸ Tsúfé aní mó animé̃etalí kósó líi ɔ̃ñakwalí asún ám̃os̃u, d̃on aní abéha mó ibó̃ỹ nkpã w̃ule. ⁹ Ní aní mó aní ɔ̃w̃onlín ɔ̃nó laba asi, mli klé ilawá ɔ̃nlín á, ansí b̃égyi aní. Tóá anidé Bulu k̃ulí gyí, ɔ̃há amlilal̃u kínkíínkín, amlidan Kristo hóg̃yit̃. ¹⁰ Iní s̃ó nagyankpá nde ɔ̃w̃oló anfi wanlín sísí mli, asa amba iñu ní. Méní ní nehá á, mmóobotsu ibi mlis̃u. Tsúfé ndekléá nóp̃u túmi ám̃ó̃ aní Wíe lapóhá mí ám̃u bóa mli amlidan. Mmó̃p̃oyíntá mli.

¹¹ Apíó, itráhe a, ansí igyí mli. Mlib̃o mbódí amlil̃u kínkíínkín, amlidan Kristo hóg̃yit̃. Mliwa aba ɔ̃w̃onlín. Mli agyw̃un ibwé k̃ule, amlitsia iwilwiit̃, méní Bulu ám̃ó̃ ɔ̃t̃odwé aní, ɔ̃tehá aní iwilwii am̃u obétsiá mlĩt̃ bré f̃éé. Nehá mli itsiá gyágyáágyá.

¹² Mliha aba itsiá, amlilata aba puta ɔ̃dw̃es̃u.

Bulu ahá ám̃ó̃ b̃ob̃u nfi ám̃u f̃éé b̃ehá mli itsiá gyágyáágyá.

¹³ Aní Wíe Yesu Kristo b̃ualegyí, Bulu ɔ̃dw̃e pó Ɔ̃̃ge Wankíhé k̃uleb̃we itsiá mli f̃éés̃ó.

Ɔwɔlɔ́á Paulo Lɔ́wanlín Sísí Galatiafɔ

¹ Mí sumbí ɔ́ɔpɔ Paulo dé ɔwɔlɔ́ ánfí wanlín. Megyí anyánkɔ́sa ntée ɔ́haa lɔ́wa mí. Yesu Kristo mɔ́a aní Sí Bulu ámóó ɔ́lɔ́kɔ́sɔ́a mɔ́ tsú afúlitɔ́ ámɔ́ lɔ́wa mí. ² Nde mó wanlín sísí ɔ́pasua ání ibu Galatia ɔ́sɔ́lɔ́sɔ́ fée. Mía Akristofɔ́á bubu nfi fée anidé mli itsiá ha ania,

³ “Aní Sí Bulu mɔ́a aní Wíe Yesu Kristo bɔ́gyíi mli buale, abuha mli iwílwii.”

⁴ Yesu anfi lési iwí há bɔ́mɔ́ mɔ́ aní lakpan sɔ́, méní ɔ́béle aní tsú ɔ́yí laláhe anfitɔ́; fée alí ámóó aní Sí Bulu léhie yáí ámɔ́. ⁵ Akánfɔ́ Bulu bré fée. Amen!

Asɔ́n Wankláán Kɔ́kɔ́ Má Iní Ɔ́ma

⁶ Mli Galatiafɔ́, mli iwí lawá mí ifú ání mli lawúna yinkí Bulu ɔ́ma. Bulu lɔ́tsɔ́n Kristo awítɔ́lesɔ́ tí mli ɔ́béle, mli bɔ́bwɛ mɔ́ ahá. Mli alíá mli lawúna mli dé asɔ́n bambá hɔ́ mli aa, mógyí asɔ́n wankláán ámɔ́. ⁷ Táme ina ɔ́tsan há asɔ́n wankláán ámɔ́. Aha akɔ́ dékléá báyintá mli agywun, abutse Kristo asɔ́n wankláán ámɔ́. ⁸ Táme ní aní, ntée Bulu-ɔ́bɔ́pɔ́ ɔ́kɔ́ kóráá lɔ́tsu ɔ́sɔ́sɔ́ bá, beda asɔ́n wankláán bambá kɔ́ ɔ́kan súná mli, ina ɔ́tsan há mó ámóó anilébláa mli ámɔ́ a, Bulu ɔ́lwíi mɔ́. ⁹ Nakó blí asɔ́n ánfí, táme ntráa nde mli bláa mbée, ní ɔ́kɔ́ ɔ́bá beda Bulu asɔ́n wankláán bambá kɔ́ ɔ́kan súná mli, ina ɔ́tsan há mó ámóó anilébláa mli ámɔ́ a, Bulu ɔ́lwíi mɔ́.

¹⁰ Megyí bée, ndekléá ahá bɔ́dwée mí. O-o! Bulu mboún ndekléá ɔ́dwée mí. Ní ntráa ndekléá ahá bɔ́dwée mí á, tekí mmegyí Kristo osúmbi.

Paulo Sumbí Ɔ́ɔpɔ́ Bwɛ

¹¹ Mí apíó, ndekléá iwánkí mli ání Bulu asɔ́n wankláán ámóó nde mó ɔ́kan da ámɔ́ imotsú nyankɔ́sa agywuntɔ́. ¹² Megyí ɔ́haa wá notsúa mó, ntée ɔ́kɔ́ lɔ́suná mí. Yesu Kristo onutó léle mó súná mí.

¹³ Tsúfɛ mli lanú mí tsiátɔ́ asɔ́n, alíá ngýi bréá mbuo Yudafɔ́-osum ámɔ́, pó alíá nehie dínká Bulu ɔ́pasua ámɔ́sɔ́, nɔ́bɔ́ mbódíá nehí amó fée. ¹⁴ Nɔ́hɔ́ gyankpa mí abatɔ́ Yudafɔ́-osum ámɔ́tɔ́, pó alíá nɔ́wa nsi gyi mí anáin amándíé kugyíkɔ́sɔ́.

¹⁵ Táme Bulu lɔ́wa awítɔ́le há mí. Ɔ́lele mí yáí tsú bréá mbu mí yín iwítɔ́, ɔ́letí mí ɔ́béle, nyó mɔ́ agyómá. ¹⁶ Ɔ́lele mɔ́ Bi ámɔ́ súná mí, méní néda mɔ́ iwí asɔ́n wankláán ɔ́kan ahá ání bɔ́megyí Yudafɔ́tɔ́. Mmɔ́yɔ́ ɔ́haa wá mbée, osúna mí asɔ́n alí bré ámɔ́tɔ́. ¹⁷ Mmɔ́yɔ́ Yerusalembée, noyówun Kristo sumbí ayɔ́pɔ́ ámóó bubu inu asa neba amɔ́ é. Mboún nenatí laa yó Arabia ɔ́sɔ́lɔ́sɔ́, neyinkí ba Damasko wúlutɔ́. ¹⁸ Yesu léle iwí súná mí, mó ofi-saasítɔ́ á, nɔ́yɔ́ Yerusalembée yóyó sumbí ɔ́ɔpɔ́ Kefa ání bɔ́tetráa tí mɔ́ Petro, netsiá mɔ́ wá nke dúanu (15). ¹⁹ Mmetrá wun sumbí ɔ́ɔpɔ́ ɔ́kɔ́kɔ́ dɔ́n aní Wíe Yesu mɔ́ gyama Yakobo.

²⁰ Ɔ́nɔ́kwali asɔ́n ndewanlín sísí mli. Bulu yin ání mmedé afunu wa.

²¹ Mó ɔ́ma a, nɔ́yɔ́ Siria pó Kilikia ɔ́sɔ́lɔ́sɔ́. ²² Alí bré ámɔ́tɔ́ á, Akristofɔ́ ɔ́pasua ámóó ibu Yudea ɔ́sɔ́lɔ́sɔ́ ámɔ́ bɔ́mɔ́kónyá bí mí. ²³ Móá bɔ́denu tsú mí iwí fée gyí, ahá bɔ́deblí bée, “Oyin ámóó ɔ́dín anisɔ́ ámɔ́ ná ɔ́de hóggyi ámóó anidé mó asɔ́n blí, ɔ́de aní itin ka ámɔ́ kén ɔ́kan da.” ²⁴ Ina mí sɔ́ bekanfú Bulu.

2

Paulo Mɔ́a Sumbí Ayɔ́pɔ́ Atráhe Amɔ́

¹ Nfi dúana ɔ́ma a, mía Barnaba anilékpá Tito buo iwí, yínkí yó Yerusalembée. ² Bulu léle súná mí ání nyó inu, sɔ́ nɔ́yɔ́. Alíá mí agyómá mó bɔ́bwɛ kpaali sɔ́ á, negyankpá lé asúntɔ́ súná ɔ́pasua ahande amɔ́ nkɔ́le itsétɔ́. Nebláa amó asɔ́n wankláán ámóó nna nde mó ɔ́kan da ahá ání bɔ́megyí Yudafɔ́tɔ́ ámɔ́. Botsulá

dínká mósú. ³ Ibo mótó ání Griikiyin Tito amóú anilékpá buo ɪwɪ ámu gyí, táme bomehiε mu bεε, ɔ́tɪn keté. ⁴ Ibo mótóá Akristofɔ afunupu akɔ́á beki ansí bowie anitɔ bekleá ɔ́tɪn keté. Tsúfɛ bodunká ání báyintá ɪwɪsɔtsiá amóú Kristo Yesu lahá anɪ ámu; abubwε anɪ amlɪ nkpábi ha Yudafo mbla ámu. ⁵ Táme animési ɪwɪ há amó kpalobi kóráá, ménɪ ɔ́nɔkwaliá ɪbu asɔn wankláán ámutɔ iméetse ha mli.

⁶ ɔ́pasua ahandε amóú bubu ɪnu ámu bomebláa mɪ asvansu bεε, mpótsia asón wankláán amóú ndeblí ámutɔ. (Iníá nde amó tɪ ahandε kóráá á, megyí bεε, amó handε amu ɪbu mɪ labi, tsúfɛ Bulu mó tamakɪ ɔ́haa ansító.) ⁷ Táme ahandε amu bowun ání Bulu lópu asɔn wankláán ámu há mɪ ɔ́bée, ndáa mó ɔ́kan ahá ání bomegyí Yudafo, ^{*} fɛ alíá ɔ́lɔpuhá Petro é ɔ́bée, ɔ́dáa mó ɔ́kan Yudafo. ⁸ Tsúfɛ Bulu léha Kefa ání butetráa tɪ mu Petro túmɪ, ogyi mu sumbí ɔ́yɔpó Yudafo. Mu kén láhá mɪ túmɪ, ngyi mu sumbí ɔ́yɔpó ahá ání bomegyí Yudafo é ní. ⁹ Inu á, ɪlɔwankí Yakobo mu Petro pó Yohane amóú bɔhié bɔgyi ɔ́pasua ámu ɔ́tan ámu ání Bulu lápó alɪ agyómá ánfɪ kíé mɪ. Mó su bɔwa mía Barnaba ɪbi, pósúná ání anɪlabwé kɔle. Botsulá ání mía Barnaba ayó agyómá ahá ání bomegyí Yudafo, amó é abuyɔ agyómá Yudafo. ¹⁰ Móá bodunká tsú anɪ wá gyí, akáin amótó ahá ání buma tɔ́tɔsu. Mó kén gyí tóá ndekléá nóbwe é ní.

Paulo ɪynwa Wá Petro

¹¹ Táme bréá Petro léba Antiokia wúlutɔ á, nɔwa ɪyin wá mu ahá ansító, tsúfɛ tóá ɔ́lɔbwe itépɪ ma alε. ¹² Bréá ɔ́leba a, mu a hógypɔ́á bomegyí Yudafo butɔwá ɪbi gyi ató, táme Yudafo aku benya tsú Yakobo wá ba pé, ɔ́lebití ɪwɪ lé ahá ámutɔ, tsúfɛ ɔ́de ahógypɔ amóú bεε butɪn keté ámu ifú nya. ¹³ Iníá ndeblí á, Yudafo atráhe amu é bubuo Petro apinabwebí ánfɪ. Barnaba óó léyinkí yó obuo amó. ¹⁴ Nowun ání amó bwehé ámu imekanáa ɔ́nɔkwaliá ɪbu asɔn wankláán ámutɔ. Mó su nebláa Petro ahá ámu fɛé ansító mbée, “Petro, Yudayin fɔgyi, táme fɔmedé Yudafo amándiésú gyí. ɔ́mátɔfɔ amándiésú fɔdegyí. Ntogyi sɔ́ fɔde ahá amóú bomegyí Yudafo ámu hiε fεε, bubwée Yudafo amándié ání fakíná?”

Hógyisú Bulu Tɔ́tsɔn Hɔ́ Yudafo Pó ɔ́má Bámbásúfɔ Nkpa

¹⁵ Yudafo lókwí mía fɔnyɔ. Megyí ahá amóú bomegyí Yudafo, bomeyín Bulu mbla ámutɔ atsu. ¹⁶ Táme anɪ Yudafo Akristofɔ ámu mó anɪyin ání megyí Mose mbla ámusu gyí su Bulu totsú ɔ́ha ání mu asón da ɔ́kpa mu ansító, nkéti Yesu Kristo hógyi. Mó su anɪlahɔ mu gyi, ménɪ Bulu ɔ́bótɔn mu hógyi ámusu há anɪ asu ní. Tsúfɛ ní mbla ámusu gyí su mó á, tekɪ ɔ́haa méegyí asu Bulu ansító. ¹⁷ Anidédunká ání Bulu ɔ́tsúɔn anɪ Kristo hógyi, otsu anɪ ání anɪ asón da ɔ́kpa mu ansító. Táme ní Yudafo aku bɔde anɪ mboún kí lakpan abwεpó á, mómó imosuná ání asɔkpan Kristo dé anɪ suná a? Ekekeεke! ¹⁸ Ní nakíná Mose mbla ámu, láyó nde mósú gyí a, mómó ilosuná ání ɪtɔ láláhe nɔyɔ ndebwe á. ¹⁹ Tsúfɛ Mose mbla ámu ilosuná ání nawú. ɪleha negyi ɪwɪ, ménɪ nétsiá nkpa pɔpwε há Bulu. Mía Kristonyɔ beda mántá oyikpalíhesu ɔ́nétó. ²⁰ Mó su ntsie nkpa séi, táme megyí mɪ onutó tsie nkpa ɔ́sɔlób anfɪsɔ. Kristo, ogyi Bulu mu Bi ámu tsie mɪtɔ. Mulódwε mɪ, bowu há mɪ. Mu hógyi sɔ́ ntsie nkpa. ²¹ Mó su mmedé Bulu awɪtɔle amu kiná. Tsúfɛ ní Mose mbla ámu sɔ́ ɔ́ha obégyi asu Bulu ansító á, mómó kpaali Kristo lówu!

3

Mbla Ámusu Gyí Ntée Kristo Hógyi

* **2:7** Ahá ání bomegyí Yudafo támatɪn keté. Yudafo gyí keté atɪnpɔ.

¹ Oo Galatiafɔ aha mimláhe! Ma lálé mli ansí alí? Megyí mli onutó ansító behie lé súná mli alíá beda Yesu Kristo mántá oyikpalíhe, mósó mu? ² Nfite mli ason kua kole. Mose Mbla ámusu gyí léha mlilénýa Ɔhe Wankíhé amu lóó, ntée ason wankláán ámúú mlilónu, mlidé mósó hógyi amu su? ³ Aha mimláhe mlilókuku mligyí alí á? Iníá mlilópu Ɔhe Wankíhé amu tsúa mli Kristotatsiá así mé, mli onutó túmi mlihaa mlópumósó mósó ngýa? ⁴ Kpaali sósó mlilówun ipian ámu fée ason wankláán ámu su? Megyí kpaali su! ⁵ Ntráa fite mli. Mli Mose mbla ámusu gyí sósó Bulu lapó Ɔhe Wankíhé ámu há mli, ɔde ofúla é bwe mli? Ekekeke! Alíá mlilónu ason wankláán ámu, hósó mósó gyí sósó ɔlópohá mli.

⁶ Mliɔkɔ aní náin Abraham. Ibo Bulu ason wanlínhé amúú ání, “Abraham lóhó Bulu gyi. Mósó su Bulu lótsu mu ání mu asón da ɔkpa.” ⁷ Mósó su ilehián ání mlébiá ahá ámúú bósó Bulu gyi amu gyí Abraham abí onutó ní. ⁸ Bulu ason wanlínhé amu lébli yáí ání Bulu ɔbótsun ahá ámúú bomegyí Yudafo ámu hógyisó, tsú amó ání amó asón da ɔkpa. Iní sósó Bulu lébláa Abraham ason wankláán ámu dodoodo ɔbéé, “Fúsó nótson yulá ɔsolósó ahá fée.” ⁹ Abraham lóhó Bulu gyi. Mósó su Bulu lóyulá mu. Mósó su séi ání á, Bulu ɔbópu oyúla amóú ɔlópuyulá Abraham amu yulá ahá ání bahó Kristo gyi.

¹⁰ Táme ilwí dín ahá ání amó ansí dín Mose mbla ámusu gyisó. Tsúfé bówanlín wá Bulu asón amúú bée, “Bulu lalwí ɔhagyíha ání omegyí mbla ámúú bówanlín wá Bulu mbla ɔwolótó ámu féesó.” ¹¹ Séi á, ilawánkí ání ɔhaa má inová mu mbla ámusu gyí su Bulu obótsu mu ání mu asón da ɔkpa. Tsúfé Bulu ason wanlínhé amu lébli ɔbéé, “Ɔhá ání mu hógyi su Bulu latsú mu ání mu asón da ɔkpa obénýa nkpa.” ¹² Mbla ámusu gyí mená hógyisó, táme Bulu ason wanlínhé amu lébli ɔbéé, “Ɔhagyíha ání otegyi mbla ámusu ɔbótsun mósó nyá nkpa.”

¹³ Táme aní sósó Kristo lémlí ɔha ilwíhé bréá beda mu mántá oyikpalíhe amusu. Mósó su ɔlele aní tsú ilwí ámúú mbla ámu létí há aní ámu así. Tsúfé Bulu ason wanlínhé amu lébli ɔbéé, “Ilwí dín ɔhagyíha ání beda mántá oyísó.” ¹⁴ Kristo lówu, méní Bulu ɔbópu oyúla amóú ɔlehie há Abraham amu kén yulá ahá ání bomegyí Yudafo, méní abótsun aní Kristo Yesu hógyisó nyá Ɔhe Wankíhé amóú ɔlehie ámu.

Mbla Ámu Pó Bulu Nhíhé

¹⁵ Mí apíó, mpúu nde tsiátó asón ku flo asón ání ha mli. Alí ámúú ɔha ɔdínká ibwi mu asónsósó ɔbéé, ɔku ogyíi mu ató, ɔhaa má ɔkpa tse mósó, ntée lé iko mótó ámu a, alí igyí ntam ámúú Bulu léka há Abraham amu é ní. ¹⁶ Aní náin Abraham mba mu nanyo Bulu léka ntam há. Alí asón ání imosuná ání mu aná tsotsotsó, mboun mu na ɔkole pé. Mu na ámu gyí Kristo a. ¹⁷ Asón ání ndeblí gyí, Bulu léka ntam há aní náin Abraham, ɔledínká ibwi mósó púsúná ání obégyi mósó. Mbla ámúú ɔlɔwa há Mose nfi lafana aduasa (430) ɔma amu méetalí ká ntam ámúú ɔledínká ibwi mósó ámu, ntée tse mósó ekekeke. ¹⁸ Tsúfé ní mbla ámusu gyí su ɔha ibi beda agyapadie ámúú Bulu léhie yáí ámu a, mómó megyí hie Bulu léhie mósó yáí Abraham. Táme ɔnɔkwali amu gyí, kie ɔlópukíé mu.

¹⁹ Mómó labi mómó mbla ámu bu? Bulu lópu mósó é mántá mósó, méní ibósuná ahá tósó lakpan gyí. Táme ɔlɔwa mbla ámu ání ibétsiá alí yófun bréá Abraham mu na ámu ɔbéba. Mogyí mu ató ogyípó ní. Ɔlɔpu mbla ámu há mu abópu bopu bowa Mose ibito. Mlóbwe Bulu móa Israelfo nsiné ɔlapó ní. ²⁰ Nsiné ɔlapó tamalí há ɔbakóle, táme ɔbakóle Bulu gyí.

Labi Mbla Ámu Ibo

²¹ Bulu mbla ámu ilókúsó líi mu nhíhé ámúú ɔlehie yáí ámusu? Ekekeke! Ní mbla ku ibetalí há aní nkpa ání itamatá á, tekí abetalí gyí asu Bulu ansító, ní anilégyi mósó. ²² Táme Bulu ason wanlínhé amu iléblí ání lakpan lagyi oyító

ahá féesú plíplíplíplí. Mú sɔ ató ámuú Bulu léhiɛ yáí ámu igyi Kristo ahógyipɔ klé.

²³ Táme asa Yesu Kristo hógyi lébá ɔyító á, mbla ámu ileklí aní fé obu adípó. ɔhaa ménya mu iwí, bɔfun bréá Bulu lébɛɛ Kristo hógyi ɔwan. ²⁴ Mú sɔ mbla ámu lóbwɛ anisɔ ɔkípɔ bɔfun bréá Kristo léba, ménɪ Bulu obótsu aní ání aní asón da ɔkpa mu ansító, tsóon aní Kristo hógyisɔ. ²⁵ Iníá Kristo hógyi laba sɔ á, imehián ání mbla ámu ɔbétrá bwɛ anisɔ ɔkípɔ.

²⁶ Tsúfé mlɪ Kristo Yesu hógyi sɔ mlɪ fée mlɪlabwé Bulu abí. ²⁷ Mlɪ ahá ání mlɪa Yesu Kristo mlɪlabwé kɔɛ tson asúbɔsɔ mlɪlatsú mu tsiátó fée. ²⁸ Mú sɔ Yudayin ntée Griikiyin trá ɔma mu. ɔkpábi ntée ɔdíhiɛ, ɔtsɪ ntée oyin trá ɔma mu. Tsúfé mlɪ fée mlɪlabwé kɔɛ mlɪa Kristo Yesunyɔ ikɔɛbwɛtɔ. ²⁹ Iníá mlɪlabwé Kristo klé sɔ á, mlɪlabwé Abraham abí-aná onutó, pó mu ató agyípó. Iní sɔ itó ámuú Bulu léhiɛ yáí Abraham amɔ igyi mlɪ klé.

4

¹ Mlɪyɔ asón ánfítɔ kɪ. Ní ɔha owú, sí mu agyapadiɛ yáí mu abí bréá bɔmɔkódan a, bɔgyi fé nkpábi. Ibo mótóá amóbú amó sí ató fée, ² táme ilehián ání bɛba iwiasɪ há amósú ɔkípɔ alɪ yófun nfi oduá amó sí lósuná ání bɔhɔ, asa abɔpɔ ató ámu wa amó ibítɔ. ³ Alɪ aní é anigyí asa Kristo léba nɪ. Anilóbwe nkpábi há ɔhé, ntée túmiá ide ɔyí ánfisɔ gyí. ⁴ Táme bréá bré ámu onutó lɔfun a, Bulu lówa mu Bi sísí, ɔha tsíhé lókwí mu wá mbla ámu asɪ. ⁵ Bulu lówa mu ání ɔbá bɔhɔ aní ahá ámuú anigyí nkpábi há Mose mbla ámu tsu nkpábitɔ, ménɪ ɔbóbwe aní mu abí onutó.

⁶ Bulu lódunká ání obósuná ání mlɪlabwé mu abí. Mú sɔ ɔɔpɔ mu Bi ámu ɔhé wá aní ikɔntɔ ní. ɔhé ámu téhá anitokpólí mu aníaa, “Abba, mí Sí!” ní. ⁷ Mú sɔ opió, fɔtráa fɔmegyí ɔkpábi, mboún Bulu mu bi. Iníá mu bi fɔgyi sɔ á, mu ató fée igyi fú klé.

Galatiafɔ Iwɪ Ipián

⁸ Bréá mlɪmókúnyá bí Bulu á, mlɪlóbwe nkpábi há ikpiá bɔmegyí tɔtɔ. ⁹ Táme séi mlɪlabí Bulu, ntée néblí mbée, alabí mlɪ. Ntogyi sɔ mlɪdékléá mléyinkí yósum túmi ánfɪ ɪma labi kɔkɔkɔ? Ntogyi sɔ mlétrá yinkí yóbwe amó nkpábi fé bré ámu? ¹⁰ Mlɪdé amándíé kɔ bwɛ nke kɔtɔ, tsra kɔtɔ, bré kɔtɔ pó nfi kɔtɔ. ¹¹ Mlɪ bwehé ánfɪ sɔ ifú bɔ mɪtɔ. Ide mí bwɛ fé ipián ámuú ndewúun mlɪ sɔ ámu fée ibóbwe kpaalɪ.

¹² Mí apió, nokókóli mlɪ, nabwé mí iwí fé mlɪ. Ntráa mma mbla kɔkɔ asɪ. Mú sɔ mlɪtsia mí atsiábi. Megyí bɛɛ mbée, mlɪlapó lalahe kɔkɔ gyi mɪ, sɔ nde ínɪ blí.

¹³ Mlɪlakáin ání iwí ma mí ɔnlɪn asa neba mu bɛda Bulu asɔn wankláán ámu ɔkan eke gyankpapɔ? ¹⁴ Isókɪ kpɔnkpɔntɪ mí ilo ámu lóbwe há mlɪ, táme mú óó á, mlɪmóbu mí tɔkɔ. Mboún mlɪlóbwe mɪ fé Bulu-ɔbɔpɔ, ntée Kristo Yesu onutó kóráá. ¹⁵ Ansí lehié gyi aní alɪ bré ámutɔ! Ntɔ lébá? Mí onutó nowun ání ní mlétalí á, tekɪ mlɪlólótí mlɪ ansíbi wá mí alɪ bré ámutɔ. Mú ntɔ dé mlɪ séi? ¹⁶ Alɪ ámuú nde mlɪ ɔnɔkwali bláa amɔ sɔ namlí mlɪ olupó?

¹⁷ Ahá ámuú bɔdekléá mlɪgyí Yudaɔ mblasɔ ámu bɔma mlɪ iwí agywɪun wankláán kɔkɔ. Tóá bɔdeklé gyí bémaín mlɪ lé mísú, ménɪ mlékɛ amó asón.

¹⁸ Ibo aléá ahá bódunká ání mlɪdwée amó, agywɪun wankláán ɔkpasɔ. Megyí bréá mbu mlɪ wá wɔɛ. ¹⁹ Mí abí adwepó! Iwí trá ide mí ɔsɪn há mlɪ, fé ɔtsiá ikwí de mu dwiín. Nkétɪ mlɪlanyá Kristo tsiátó mlɪtɔ asa iwí bési mí ɔsɪn. ²⁰ Ihíé de mí háan ha mlɪ. Ní mí nkɔɛ sɔ mú á, tekɪ mbu mlɪ wá séi, ménɪ nétse mí tóitɔ.

Hagar Mba Sara Nfántóhɔn

²¹ Nfíte mlɪ ahá ámuú mlɪdékléá mlóbɔu Mose mbla ámu. Mlɪmónu asón ání ileblí asɪ? ²² Bɔwanlín wá Bulu asón ámutɔ bɛɛ, Abraham lókwí abi yínhé anyɔ.

Ɔkule mu yin gyi ɔkpabi, onyɔɔsi mu yin gyi ɔdihie. ²³ Ɔkpabi amu lɔkwɔi mu bi keke, tame ɔdihie amu mu a, Bulu lehie mu yai ani meha mu obi asa ɔɔkwɔi. ²⁴ Mliha anu ason anfi asi tsun ɔkpa anfisɔ. Atsi abanyo anfi buli ha ntam anyo ani Bulu leka. Hagar lii ha Sinaibusu kle, tsufe nkpabi mu abi bugyi. ²⁵ Sinaibu amu bu Arabia ɔmatɔ. Ili ha nde Yerusalem wulu. Yerusalem po motɔ aha fee bugyi nkpabi, Mbla amu su. ²⁶ Sara mu gyi ɔdihie, ɔli ha ɔsɔsɔ Yerusalem. Mgyi ani yin ni. ²⁷ Tsufe Bulu ason wanlinhe amu lebli ɔbeɛ, “Ɔtsi makwɔi, nya ansigyɔi!

Ɔtsi ɔkwɔi makɔdwɔin mu ki, kplɔn, afusura okitikiti ansigyɔsɔ. Tsufe ɔtsi amuu mu kulu lesi mu tswi amu obɛnya abi tsɔtsɔtsɔ, dun ɔmɔamuu mu kulu da mu wa ekekegyie amu.”

²⁸ Mi apio, sei a, mlilabwe Bulu aha tsun mu toa ɔlehi yaisɔ; fe alia ɔlehi yai asa ɔkwɔi Isak. ²⁹ Ali bre amuto a, obi amuu ɔkwɔi mu keke, ogyi Ismael amu ledinka Isak amuu ɔkwɔi mu Ɔɛ Wankihe tumito amusu. Ali ken igyi ha an nde ni. ³⁰ Tame nkali Bulu ason wanlinhe amu lebli? Ɔbeɛ, “Gya ɔkpabi amu mu bi, tsufe megyi ɔkpabi mu bi amu mu ɔdihie mu bi amu obegyɔi amu si atɔ.” ³¹ Mu su apio, megyi ɔkpabi amu abi anigyɔi. Ɔdihie amu abi anigyɔi.

5

Mliki Mli Iwigyɔsɔ

¹ Ani iwigyɔi su Kristo laha anlagyi iwi! Mu su mlii kinkinkin. Mlimatra tsula abɔwe mli nkpabi ha mbla amu.

² Mlinu! Mi Paulo de mli blaa ani ni mlesi iwi ha, betin mli ketɛ a, ilosuna ani to amuu Kristo lɔbwe amu ima mli labi kuku. ³ Ntraa nde mli ala da mbeɛ, ɔhagyɔha ani ɔleha betin mu ketɛ a, ilehian ani obegyɔi Mose mbla amu feesɔ. ⁴ Nde mli blaa mbeɛ, mli aha amuu mlidɛ mbla amusu gyi, men Bulu obotsu mli ani mli ason da ɔkpa mu ansito amu mlilamain iwi le Kristosu. Bulu awitale amu ilatswi mli pan. ⁵ Ani mu ani ansi din ani Bulu obotsu ani ani an ason da ɔkpa mu ansito. In gyi toa anidɛ ɔkpa ki tsun Ɔɛ Wankihe amuu ɔde agyoma yo anito, tsun an hɔgyisu amusu ni. ⁶ Tsufe ni ania Kristo Yesu anigyɔi kule a, ketetin ntee ketematin mehian. Mba idehian gyi anibu hɔgyia iteha anitodwe Bulu po an aba.

⁷ Teki mlidɛ mbodi bo asa. Ma koun latin mli ɔkpa ɔbeɛ, mlimatra buo ɔɔkwali amu? ⁸ Megyi Bulu bwehe igyi, tsufe mulele mli. ⁹ Mlikain ani bodobodotu-afa kpalobi taha bodobodo amu fee itotu. ¹⁰ Ani Wie laha nahogyi, ani mlimetra ha ɔha bambaa atosunahɛ dun mi nkule kle. Bulu ɔbebiti aha amuu ɔde mli agywɔn damli amu su.

¹¹ Mi apio, ni ntraa nde ɔkan da bli mbeɛ, ilehian ani aha butin ketɛ a, momo ntogyi so Yudafo butraa budin miso? Momo ni nde Kristo oyikpalihesu lowu amu e ɔkan da a, yee ɔhaa meedinka miso o. ¹² Mi su mu a, teki aha amuu bɔde mli haan beɛ, ilehian ani mletin ketɛ amu bawuna flo amu iwi.

¹³ Mi apio, Bulu lele mli ɔbeɛ, mlibegyɔi iwi. Tame mlimatsun mli iwigyɔi amusu layotsu mli tsiato dada amu. Mboun mli ɔdwe sum mli aba, ¹⁴ tsufe Mose mbla amu fee ili mbla kule pe amuu idebli ɔbeɛ, “Dwe fu ba fe fu iwi.” amusu. ¹⁵ Tame ni mlilabwe mli iwi fe mbwikita-atɔ, mlidɛ aba fini, mlidɛ aba lala a, momo mliki wanklaan; ni megyi ali mliha aba.

Tsiato Dada Po Ɔɛtɔ Atsiabi

¹⁶ Mu su nde mli blaa mbeɛ, mliha Ɔɛ Wankihe amu ɔkpa mli. Momo mlimɔbwe toa mli tsiato dada teke. ¹⁷ Tsufe toa an tsiato dada teke ihie na ɔtsan ha toa Ɔɛ Wankihe amu teke. Toa Ɔɛ Wankihe amu teke e ihie na ɔtsan ha toa an tsiato dada teke. Atoku anyo anfi ɔkɔsɔ lii abasu, men mlimɔbwe

tɔ́á mlitekle. ¹⁸ Ní Ɖɛ Wankíhé amɔ dé mli kpa á, mómú mlimá Mose mbla ámu así.

¹⁹ Tsiátɔ́ dada bwehé telɔ́n ɔ́wan. Mógyí; atsi móa ayin asónwa, agywɔ́n laláhe bwe, ifintotsiá, ²⁰ ikpɔ́tswée, afátɔ́pleí, olu, ɛtré, fú nkɔ́le klé dunká, ɔ́blókpán, ɔ́nsɛ, aba asumánú, iwɔ́maín lé fú abasɔ́, ²¹ ɔ́kabágyáa, ntábu, pléikpada pó móa ɛlɛɛn ínɔ́ aná. Mó aná iwɔ́ asón nde mli bláa, fɛ alíá nebláa mli yaí. Mbée, ahá ání butɔ́bwé ínɔ́ odu bóméenya Bulu iwíegýí ámuɔ́ agyapadié kuku.

²² Táme ní Ɖɛ Wankíhé amɔ dé anɔ́ kpa á, mó abi swiehé ání ibétsiá anɔ́ gyí, ɔ́dwe, ansigyí, iwɛlwii, ɛklɔ́nya, awɛtɔ́le, yilébwɛ, ɔ́nɔ́kwali, ²³ ilwíi pó iwɛsɔ́gyí. Mbla kɔ́kɔ́kɔ́ má ɛnuá iletin alɔ́ ntobí ánfɔ́ ɔ́kpa. ²⁴ Ahá ání bɔ́gyi Kristo klé bamó amó tsiátɔ́ dada pó amó ɔ́wólɔ́ laláhe Kristo Yesu oyikpalíhe amɔsɔ́. ²⁵ Ɖɛ Wankíhé amɔ lahá anɔ́ nkpa pɔ́pwe. Mó sɔ́ mliha agyi mu asónsɔ́. ²⁶ Anɔ́mátsu iwɔ́ súná aba, ntée wá aba ɔ́bló, ntée pé ansí aba atósó.

6

Iku Tsu Lé Aba Asóntó

¹ Mí apíó, ní mliɔ́ ɔ́ku ɔ́bwé lakpan ku á, mli ahá ámuú Ɖɛ Wankíhé de mli kpa ámu mlinya klɔ́n tɔ́ kpla mu pɔ́tɔ́. Táme mliki mli iwɔ́ wankláán, ménɔ́ mli é mliméedɔ́da ɛsókɔ́ amɔ odutɔ́. ² Mliɔ́su ɛku le mli aba asóntó. Ní mli dé mó bwe alɔ́ á, mli dé Kristo mbla ámuɔ́ gyí nɔ́. ³ Ní ɔ́ku dé mu iwɔ́ kí ɔ́bée mɔ́fɔ́n tógyítótó, táme omegýí tɔ́tɔ́ a, ɔ́de mu iwɔ́ mlé. ⁴ Mlikaɔ́ mu onutó tsiátó kí. Ní ɛbu alé á, mómú mliɛtalí pó ɛbɔ́ sí kántó mli bwehé sɔ́, mlimóɔ́pɔ́ kápó ɔ́ha bambá klé. ⁵ Tsúfɛ anɔ́ okugýíɔ́ku ɔ́bósɔ́rá mu onutó atɔ́ sɔ́ráhé.

⁶ Bulu asón ámu akasípó bɔ́yée atɔ́ wankláán ání bubu ɛku ha amó asunápó.

⁷ Mlimámlé mli iwɔ́. Ɖhaa tamamlé Bulu. Ɖhagyíɔ́ha ɔ́bókpɔ́tí tɔ́á olodu. ⁸ Ní ɔ́ku lódu tsiátó laláhe wá mu klɔ́ntɔ́ á, lowu ɔ́bókpɔ́tí tsú mótó. Táme ní ɔ́leha Ɖɛ Wankíhé amɔ lódu tsiátó wankláán wá mu klɔ́ntɔ́ á, ɔ́bókpɔ́tí nkpa ání ɛtamatá tsú mótó. ⁹ Mó sɔ́ yilébwɛ mákpɔ́n anɔ́, tsúfɛ ní abatɔ́ mowu anɔ́ á, abókpɔ́tí nkpa ání ɛtamatá mó brétó. ¹⁰ Mó sɔ́ brégyíbréá anyá mó iwɔ́ ɔ́kpa á, mliha abwe yilé ha ɔ́hagyíɔ́ha, títrɔ́ anɔ́ apíó ahógyipɔ́.

Itsíɔ́ha Pó Ɖláda

¹¹ Mliki atɔ́ wanlínhé akpɔ́nkpɔ́ntíá napó mí onutó ɛbɔ́ wánlín sísí mli! ¹² Ahá ámuú bɔ́dedunká ání bɛgyi asɔ́ ahá ansító ámu líí mliɔ́ bɛɛ, mliháa abɔ́tɔ́n mli keté ní. Megýí tɔ́tɔ́ sɔ́ bɔ́de ínɔ́ bwe. Alíá Yudaɔ́ bóméedɔ́nká amósó bɛɛ, bɔ́deblí bɛɛ Kristo oyikpalíhesɔ́ lowu ámu pésó ɔ́ha ɔ́bótsɔ́n nya nkpa. ¹³ Keté atínɔ́ amɔ onutó óó botamagyi Mose mbla ámuɔ́sɔ́. Táme bɔ́dekléá mliɛtɔ́n keté, ménɔ́ bóɔ́pɔ́tsú iwɔ́ súná amó aba ání bahá mliɛlatɔ́n keté. ¹⁴ Mí mó á, ɛmába mótó ání nótɔ́sɔ́ iwɔ́ ɔ́yí ánfɔ́tɔ́ tɔ́tɔ́ɔ́tɔ́sɔ́, dɔ́n anɔ́ Wíe Yesu Kristo oyikpalíhesɔ́ lowu ámu. Tsúfɛ mu lowu ámu sɔ́ ɔ́yító tsiá ɛtráa ma mí labi, mí é mma labi kuku há mó. ¹⁵ Ketétɔ́n ntée ketémátɔ́n megýí tɔ́tɔ́. Móá ɛdehián gyí ɔ́ha obémli ɔ́ha pɔ́pwe. ¹⁶ Iwɛlwii móa nwewúun ɛtɔ́ ahá ámuú bɔ́de mbla ánfɔ́sɔ́ gyí amɔ, pó ahá ání bohíé bɔ́gyi Bulu ahá!*

¹⁷ Asa nékpa mí asón opulu á, mbláa mli. Mliɔ́ ɔ́haa mátrá wa mí tɔ́. Tsúfɛ mí iwɔ́ apíná ánfɔ́ ɛdesuná ání Yesu ɔ́kpábi ngýi.

¹⁸ Mí apíó, anɔ́ Wíe Yesu Kristo ogyíi mli bɔ́ale. Amen!

* **6:16** Ahá ání bohíé bɔ́gyi Bulu ahá gyí Israel pɔ́pwe amɔ nɔ́.

ᾠῶλύά Paulo Lówanlín Sísí Efesof

Itsíáha

¹ Mí Paulo ání Bulu apé sù nabwé Kristo Yesu sumbí ɔ́yɔ́pó, dé ɔ́wɔ́lɔ́ ánfí wanlín sísí mli Bulu ahá ání mlílahɔ́ Kristo Yesu gyi, mliá mɔ́nyɔ́ mlílabwé kùlɛ, mliɔ́ Efeso wúlutɔ́. Nde mli itsiá ha.

² Aní Sí Bulu mɔ́a aní Wíe Yesu Kristo bɔ́gyíi mli bɔ́alɛ, abɔ́ha mli iwílwii.

Ɔ́súsú Oyúla Aní Aníɔ́ Kristotɔ́

³ Mliha akanfɔ́ aní Wíe Yesu Kristo mɔ́ Sí pó mɔ́ Bulu. Tsúfɛ́ tsɔ́n ania Kristonyɔ́ ikùlɛbwɛtɔ́ á, alapó ɔ́ɣétɔ́ atɔ́á íbékpa aní fɛ́é yúlá aní tsú ɔ́súsú. ⁴ Asa Bulu lóbwɛ ɔ́yí á, ɔ́lɛlɛ aní bwé mɔ́ klɛ tsɔ́n ania Kristonyɔ́ kùlɛbwɛsɔ́, ání abwéé ahá ání amó iwí lɛtín, ifín kùkú má aní iwí mɔ́ ansítɔ́.

⁵ Iníá Bulu tɔ́dwé aní sù á, ɔ́lɔ́bwɛ agywíun yáí ɔ́bɛé, mópɔ́ aní bwé mɔ́ abí tsɔ́n Yesu Kristosɔ́. Iní gyí tɔ́á olekle, igyí mɔ́ apé ní. ⁶ Mliha akanfɔ́ Bulu, mɔ́ awítalɛ anfi íbɔ́ numnyam, ɔ́lɔ́wa tsɔ́n mɔ́ Bì ɔ́dwɛpósó há aní faan anfi sù. ⁷ Ɔ́lɔ́pɔ́ mɔ́ Bì ámɔ́ obugya ká aní nwunsɔ́ ikɔ́, sí aní lakpan kíé aní. Awítalɛ anfi Bulu lɛ́hie wá há aní ánfí íbɔ́ ifú dɔ́bì. ⁸ Mɔ́ nyánsa pó mɔ́ asón-asínu lalé mó fɛ́é ɔ́wan súná aní tsɔ́n ɔ́kpa tsɔ́tsɔ́tsɔ́sɔ́.

⁹ Alahá anílabí mɔ́ asɔ́n ɣáínhé ání ɔ́lekíklí yáí dodoodo ɔ́bɛé, móbɛ́ tsɔ́n Kristosɔ́. ¹⁰ Mɔ́ asɔ́n ɣáínhé amɔ́ gyí, ní bré ámɔ́ ífɔ́n a, móbɛ́ mɔ́ atɔ́ bwɛ́héá íbɔ́ ɔ́sú móa así fɛ́é kùlɛ, pówá aní Wíe Kristo así.

¹¹ Bulu tɛ́há mɔ́ nwuntɔ́ asón pó mɔ́ apé tɛ́ba mótɔ́ brégyíbré. Mɔ́ onutó lɛ́lɛ aní ɔ́bɛé abwéé mɔ́ abí tsɔ́n ania Kristonyɔ́ ikùlɛbwɛtɔ́. Tsúfɛ́ alí ɔ́lɔ́bwɛ agywíun yáí dodoodo ní. ¹² Ɔ́lɛlɛ aní agyankpapɔ́ amóú aní ansí dín Kristosɔ́ amɔ́ ɔ́bɛé, abékanfɔ́ mɔ́ numnyam.

¹³ Alí ileggyi ha mli é ní. Bré amóú mlílónu ɔ́nɔ́kwálí asón, igyí asɔ́n wankláán amóú ílɔ́hɔ́ mli nkpa ámɔ́, hɔ́ mósú gyi ɔ́pá mliá Kristonyɔ́ mlílóbwɛ kùlɛ. Bulu lópɔ́ mɔ́ Ɔ́ɣɛ Wankíhé amɔ́ hie mli nsɔ́, pósúná ání mɔ́bó mli, fɛ́ alí amóú ɔ́lɛ́hie yáí ɔ́bɛé móbɛ́ amɔ́. ¹⁴ Ɔ́ɣɛ Wankíhé amɔ́ gyí ntswíasiá idesuná ání aní íbɔ́ bédá agyapadié amóú Bulu lɛ́la yáí há mɔ́ abí amɔ́ ní. Idesuná ání alaká aní nwunsɔ́ ikɔ́, pówá mɔ́ numnyam.

Paulo Mpáí

¹⁵ Mó alí sù, tsú bréá nonu ání mlílahɔ́ aní Wíe Yesu gyi, pó alíá mlítɔ́dwé Bulu ahá fɛ́é á, ¹⁶ mmákósí Bulu ípán da mli nwunsɔ́. Ní ndɛ mpáí bɔ́ á, ntekáín mli sù. ¹⁷ Ntokókóli aní Wíe Yesu Kristo Bulu, numnyam Ɔ́sí amɔ́ mbéé, ɔ́há mɔ́ Ɔ́ɣɛ ámɔ́ ɔ́ha mli nyánsa. Ilɛ mɔ́ ɔ́wan súná mli, méní mlébi mɔ́ wankláán. ¹⁸ Ntókóli mɔ́ mbéé, obwíi mli ansí, amlíwun atɔ́ wankláán amóú ɔ́bɛé, mliɔ́békí ɔ́kpa ha ámɔ́, méní mlébi ání atɔ́ amóú ɔ́lɛlayáí há mɔ́ ahá ámɔ́ ihíé bɔ́ bíá. ¹⁹ Ɔ́há amlíbi ání mɔ́ túmí dɔ́n túmí kugyíku há aní ahógyipɔ́. Mɔ́ túmí ánfí ɔ́ma a, kùkú má inɔ́. ²⁰ Mó kén ɔ́lɛlɛ súná bréá ɔ́lɔ́kúsóa Kristo tsú afúlitɔ́, pó mɔ́ yéyáí mɔ́ gyɔ́pí sɔ́súsú inɔ́ ní. ²¹ Inó Kristo dé iwíe gyí awíe fɛ́é, túmí kugyíku, ɔ́ɣɛ laláhe pó ɔ́másógyí túmí fɛ́ésú ní. Mɔ́ dibia dɔ́n dibia kugyíkuá íbɔ́ nɔ́ sɛ́i pó ɔ́yí amóú íbɛ́ba amótɔ́. ²² Bulu lópɔ́ tógýítɔ́ wá mɔ́ así, ɔ́lɔ́pɔ́ mɔ́ bwé tógýítɔ́ nwun há mɔ́ ɔ́pasua. ²³ Ɔ́pasua amɔ́ gyí Kristo ɔ́yúlɔ́. Kristo wá ɔ́pasua amɔ́ tenyá túmí kugyíku tsú. Mótéhá tógýítɔ́ tɔ́wá alé yí ɔ́tínɛgyíótíné.

2

Tsú Nkpa Dadatɔ́ Ba Pópɛwɛtɔ́

¹ Asa mlílémli Akristofɔ á, asɔtɔ-ɔnlɔn mɔ́a lakpanbwe su mligyí ɔ́ɛ́tɔ́ aha wuhé. ² Alí bré ámutɔ́ á, mlílétsiá ɔ́mátɔ́fɔ́ atsiábi. Mlílóbuo ɔ́ɛ́ laláɛ fée owíe Ɔbunsám. Mɔ́gyí ɔ́ɛ́ laláɛ ání ɔ́ɛ́ agyómá yɔ́ ahá ámóó butamabú Bulu ámutɔ́ ní. ³ Lélé mɔ́ á, aní fée anilétsiá amó atsiábi, bwé lalahéá aní ɔ́wólí léklé. Anilóbuo tɔ́á aní ɔ́yulúv pó aní agywɔ́n létsiá súná aní. Tsiátɔ́ anfi sɔ́ tekí Bulu ɔ́bébití aní ɔ́sɔ́ fée aha atráɛ ní.

⁴⁻⁵ Táme íníá Bulu nwewúun ɔ́tsɔ́, ɔ́tehié dwé aní sɔ́ á, ɔ́lɔtsɔ́n ania Kristonyɔ́ ɔ́kɔ́lɛbwɛsɔ́ há aní nkpa, bré ámóó anigyí aha wuhé Bulu ansítɔ́ aní lakpan sɔ́ ámu. Mɔ́ awítɔ́lɛ sɔ́ ɔ́lɔ́hɔ́ aní nkpa. ⁶ Ania Kristo Yesunyɔ́ ɔ́kɔ́lɛbwɛ ánfí sɔ́ Bulu lakúsúá ania mɔ́nyɔ́ tsú lowutɔ́, alahá aní ɔ́tsiákpá Kristo wá. Ania mɔ́nyɔ́ abégyí iwíe ɔ́sɔ́sɔ́. ⁷ Bulu lélé mɔ́ awítɔ́lɛ kpɔ́nkɔ́pɔ́nkɔ́ntí ánfí súná aní tsɔ́n Kristo Yesusu, méní ahá ání bétrá lɔ́n fée bówwun ání mɔ́ awítɔ́lɛ lomóní dɔ́n tógyítɔ́. ⁸ Bulu awítɔ́lɛ pó mli Kristo hógýisɔ́ Bulu lótsɔ́n hɔ́ mli nkpa. Iní motsú mli, Bulu atokiehé igyí. ⁹ Megyí mli bwehé wankláán kɔ́kɔ́ sɔ́, méní mliɔ́ ɔ́kɔ́kɔ́ mɔ́ɔ́pɔ́ ɔ́bɔ́ sí kántɔ́. ¹⁰ Bulu lábwé aní alí ánfí anigyí. Alabwé aní aha pɔ́pwe tsɔ́n ania Kristo Yesunyɔ́ ɔ́kɔ́lɛbwɛsɔ́, méní abóbwe yilé ání mɔ́ onutó ɔ́lɛla yáí há aní ɔ́bé abwée.

Kristotɔ́ ɔ́kɔ́lɛbwɛ

¹¹ Mɔ́ sɔ́ mlikain ání tekí ɔ́mátɔ́fɔ́ mligyí. Bré ámu a, Yudaɔ́ bɔ́tɛtí mli bɛɛ, “Ahá ání bɔ́mɛtɔ́n keté,” bótɛtí amó ɔ́wí keté atɔ́npɔ́. (Táme ketétɔ́n amó ó á, nyankpɔ́sa ɔ́yulúv pó ɔ́bɔ́ ɔ́nɔ́ ató igyi.) ¹² Mlikain ání alí bré ámutɔ́ á, mliméyín Kristo. Afɔ́ mligyí. Mlimégyí Yudaɔ́ ɔ́kpagyíɔ́kpasɔ́. Mlimá ogyíkpá Bulu nhíhié ámóó ɔ́lɛka mɔ́ ɔ́wí ntam há Yudaɔ́ ámutɔ́. Mɔ́á ɔ́dɔ́n kóráá á, mli ansí mɛdín tɔ́tɔ́sɔ́, mliméyín mɔ́ é. ¹³ Táme séi á, mli Kristo Yesunyɔ́ mlilabwé kɔ́lɛ. Iní sɔ́ Kristo latsɔ́n mɔ́ obugya amóó ɔ́lɛtséi wólí há ania mlinyɔ́ ámu sɔ́, kpá mli ahá ánfí tekí mliɔ́ ɔ́fɔ́ ánfí ba Bulu wá. ¹⁴ Tsúfɛ́ Kristo onutó lapó iwílwii wá Yudaɔ́ pó ɔ́má bámbásúfɔ́ nsíné, bwé aní afɔ́nka anyɔ́ ámu fée kɔ́lɛ. Alalé olu ámóó ɔ́lɔ́bwe buntíi wá aní nsíné ámu. ¹⁵ Ɔ́lɛka Yudaɔ́ mbɔ́la pó amó amándiétɔ́, méní afɔ́nka anyɔ́ amó bóbwe ɔ́pasua pɔ́pwe ɔ́kɔ́lɛ mɔ́tɔ́. Fówun mɔ́a amónyɔ́ bóbwe kɔ́lɛ, iwílwii bétsiá amó nsíné. ¹⁶ Ɔ́lɔtsɔ́n mɔ́ oyikpalíɛsɔ́ lowu ámu sɔ́ lé olu lé amó nsíné. Oyikpalíɛ amɔ́sɔ́ ɔ́lɔtsɔ́n tswí amóa Bulunyɔ́ ɔ́nɔ́ ntsu. ¹⁷ Bréá Kristo lébá a, ɔ́lɛda Bulu iwílwii asón ámu ɔ́kan há ahá fée. Mli ɔ́mátɔ́fɔ́ ání mli Bulunyɔ́ nsíné bɔ́ ɔ́fɔ́ pó Yudaɔ́ ání amóa Bulunyɔ́ nsíné ma ɔ́fɔ́ féeɔ́. ¹⁸ Kristo sɔ́ ɔ́kpa latíi há aní afɔ́nka anyɔ́ ámu fée. Ɔ́ɛ́ Wankíhé ámu sɔ́ abétalí ba aní Sí Bulu ansítɔ́.

¹⁹ Iní sɔ́ mli tráa mlimégyí afɔ́. Mli Bulu ahá mlilabwé ɔ́kɔ́lɛ, mligyí Bulu wóyí abí. ²⁰ Mligyí fée obuá bayi. Yesu sumbí ayɔ́pó ámu pó Bulu ɔ́nɔ́sɔ́ atɔ́ipó amɔ́ gyí mɔ́ nkpa bí. Kristo Yesu onutó gyí obu ámu ɔ́tan. ²¹ Mɔ́ sɔ́ obu ámu ɔ́tsa aba hógýitɔ́. Mɔ́téhá mɔ́ itomóní bwé Bulu ɔ́tswékpa obu wankíhé. ²² Iníá mli Kristonyɔ́ mlilabwé ɔ́kɔ́lɛ sɔ́ á, ɔ́ɛ́ mli Yudaɔ́ ámu pɔ́tsá abasɔ́, ɔ́ɛ́ obu ání Bulu obétisiá mótɔ́ ɔ́ɛ́tɔ́ yíi.

3

Paulo Ɔ́má Bámbásúfɔ́ Bulu Asón Bláa

¹ Mí Paulo nda obu Kristo Yesu asɔ́n wankláán ámóó ndɛ ɔ́kan da mli ahá ání mlimégyí Yudaɔ́tɔ́ ámu sɔ́. ² Nyin ání mli lanú awítɔ́lɛá Bulu lówa há mí, pó agyómá ánfí wá mí ɔ́bɛ́, mbwée, ɔ́wa labi ha mli. ³ Bulu lélé mɔ́ asɔ́n ɔ́jainhé ámóó ɔ́lɛkíklí yaí ámu ɔ́wan súná mí. Mɔ́ nawánlín kútúkú á. ⁴ Ní mlekla ɔ́wólú ánfí a, ɔ́bówankí mli ání nanú Kristo ɔ́wí asɔ́n ɔ́jainhé amɔ́ asi. ⁵ Tsú ɔ́yí ɔ́pá á, Bulu mókólé asɔ́n ɔ́jainhé anfi súná nyankpɔ́sa ɔ́kɔ́kɔ́. Táme séi ánfí á, alabelɛ mɔ́ ɔ́wan tsɔ́n mɔ́ Ɔ́ɛ́ ámu sɔ́ súná ahá ámóó alalé, bɔ́gyí mɔ́ sumbí ayɔ́pó pó mɔ́ ɔ́nɔ́sɔ́ atɔ́ipó wankíhé amɔ́. ⁶ Mɔ́ asɔ́n ɔ́jainhé amɔ́ gyí,

Bulu layúlá ɔmá bámbásófó é fée Yudafó, tsɔn mu asɔn wankláán ámuɔɔ. Amóa Yudafó bamlí ɔlepe ɔkuletó ató agyípó, alabwé amóa Yudafó kule. Mó sɔ babwé ɔyúló kule. Amó é bénya ató ámuó Bulu léhie ání ɔbéha Yudafó tsɔn Kristo Yesu ámu kɔ.

⁷ Ina Bulu awítale pó mu túmisɔ ɔlɔbwé mí mu asɔn wankláán ámu ɔsúmpó. ⁸ Ibo mótóá kebikɔsɔ ngyi Bulu ahá féeótó. Táme Bulu lówa awítale há mí ɔbéé, ndáa Kristo oyúla amóó idɔn blí ámu iwí ɔkan ha ahá ání bomegyí Yudafó. ⁹ Mólówa mí ɔbéé, nháa anyánkɔ́sa fée abɔbɔ alíá ɔdeɔ mu asɔn nǎínhé amu yó agyómá. Mólóbwe ɔsú móa así, ɔlɔɔ mu asón ánfí nǎín tsú ɔyí ɔpá. ¹⁰ ɔlɔbwé mó alí, méní ɔbótɔn mu ɔpasua ámuɔɔ lé mu nyánsa ɔtsan-ɔtsan súná ɔhe láláhe awíe pó atúmipwá bɔbɔ ɔtínéá bɔde iwíe gyí fée. ¹¹ Iní gyí tóá Bulu léhihé yaí asa ɔlele ɔyí ní. Alahá mó ilaba mótó séi tsɔn aní Wíe Kristo Yesu. ¹² Iníá anilahó mu gyí, ania mɔnyɔ anilabwé ikule sɔ á, abétalí wá klɔn yó mu ansító faan, anímétrá nya ifú. ¹³ Mó sɔ nde ipa bwií há mlí mbée, mlímáha abato iwu mlí, iwíɔsɔn ánfí ndewúun ha mlí ánfí sɔ, tsúfé ibówa labi há mlí.

Kristo ɔdwe

¹⁴ Iní sɔ mí akpawunu iyi así, nde aní Sí ámu kokóli. ¹⁵ Mɔtɔ abusuan kugyíkɔá ibɔ ɔsú móa así lelín tsu. ¹⁶ Mɔbɔɔ oyúla akpɔnkɔntí há mu abí. Mó sɔ nde mu kokóli mbée, mu ɔhé ámu ɔhie wa mlí ɔkláa ɔwɔnlín tsu mu oyúla kɔnkɔntí atokiehé ámuɔ, ¹⁷ Kristo ɔtsɔn mlí hógyisɔ tsia mlí klɔntɔ brégyíbré. Nde mu kulí mbée, ɔhá amlile nlín yó ɔtótó, Buludwe pó mlí abadwetɔ, amlilú kínkíínkín. ¹⁸ Fówun mlíha Bulu ahá atráhe mlétalí bí ání Kristo ɔdwe lehié móní, lehié téi, ihíe bɔ iswí, lehié fúá, lehié wíe ɔtótó. ¹⁹ Ntráa nde mu kokóli mbée, ɔhá amlíbi Kristo ɔdwe ámuó nyankɔ́sa ɔkuku méetalí nú mó así yi amu. Fówun mlí tsiátó bóbwe fée Bulu klé.

²⁰ Iníá Bulu túmi de agyómá yó anító sɔ á, ɔtetalí bwé ató há aní dɔn alíá anítokóli mu, ntée anitosúsu. ²¹ Iní sɔ mlíha akanfɔ Bulu. Anyánkɔ́sa ilíntɔ fée bókánfɔ mu ató akpɔnkɔntí ámuó ɔdebwé Kristo Yesu pó ɔpasua ámuɔ ámu sɔ, tsú séi yófɔn bréá itamatá. Amen!

4

Ania Kristonyɔ Ikulebwe

¹ Iní sɔ mí ánfí nda obu aní Wíe agyómá yó sɔ ánfí nde ipa bwií há mlí mbée, mlítsia tsiátó oduá ilekanáa alíá Bulu léle mlí ɔbéé, mlíbetsiá. ² Mlíba iwíasi, amlílwii. Mlínnya klɔn ha aba, amlídwé aba. ³ ɔhe Wankíhé amu lahá mlilabwé kule. Mó sɔ mlíɔ mbódí amlítsia iwílwíitɔ, méní ikulebwe ámu ibétsiá mlíto yó. ⁴ ɔyúló kule iwí ntóbí aní fée anígyí. ɔhe Wankíhé kule pé bɔ inu. Alí kén Bulu léle aní fée ɔbéé, abékí toku kule pé ɔkpa ní. ⁵ Owíe ɔkule; hógyi kule; asúbɔ kule. ⁶ Bulu ɔkule. Mɔgyí aní fée ɔsí. Mɔdé aní féesú gyí, ɔde agyómá yó tsɔn aní féesú, ɔtsie aní féeótó.

⁷ Kristo lówa awítale ye atokiehé há aní fée ɔbéé, apóyɔ mu agyómá, ⁸ fée alíá bɔwanlín wá Bulu asón ámuɔ bée,

“Bréá ɔlɔyɔ ɔsúsú á,
ɔlekpa ndoun buo iwí,
kíe ahá ató.”

⁹ Ní bɔwanlín wá Bulu asón ámuɔ bée, “ɔlɔyɔ ɔsúsú” á, idesuná ání Kristo légyankpá kplí wíe ɔsolútɔ. ¹⁰ Mómú idesuná ání ɔhá ámuó ɔlekplí wíe ɔsolútɔ ámu kén lóyɔ ɔsúsú, ɔtínéá ilófúá dɔn ní, méní ɔbóbúlá ɔsú móa así fée, há mó ifɔn. ¹¹ Kristo onutó lóbwe anító aku mu sumbí ayɔpó. Aku Bulu ɔnósú atóipó. Aku mu asɔn wankláán ámu ɔkan adapó. Aku é akpapó pó asunápó. ¹² Kristo léle amó alí, méní Bulu ahá bétalí yó mu agyómá, pówá Kristo ɔyúló ikule; igyi mu ɔpasua ámu ɔwɔnlín, ¹³ méní aní fée abóbwe kule hógyitɔ, bí Bulu mu Bí ámu.

Fówun abédan, fun òkpagyíòkpasu fẹ́ Kristo. ¹⁴ Iní sù aníméetrá bwe fẹ́ nyebíá ahá ání amó ònó bu òdwe bétalí pọ́ amó atosunáhé pọ́pwe kugyíku bẹmlé, fẹ́ alíá ntsu tédá òklun ya òtínegyíòtínéá ideklé. ¹⁵ Mboún mliha abláa aba ònòkwali asón ámu òdweto, méní abédan tógyítótó, bwé fẹ́ Kristo, ogyi òpasua ámu nwun. ¹⁶ Ina musu oyulú, igyi òpasua ámu òtínegyíòtíné ita aba, ide aba wankláán. Ní nyankpusa-oyí iwí ntobí ámu fẹ́ ide mó agyómá yò wankláán á, Kristo tẹhá mó itedan òdweto.

Nkpa Dada Múa Pópwe

¹⁷ Mó sù nde mli òlá da aní Wíe idátó mbéé, mlimátrá tsiá fẹ́ ahá ání bomeyín Bulu. Itáá móowa labi há amó iwí butògywín. ¹⁸ Amó nwuntò lóklun. Mó sù buma nkpa pọ́pwe amóó itsú Bulu wá ámu, tsúfẹ́ bomeyín tótó. Ikluntò bu amó odwin. ¹⁹ Lalahé bwe tamawá amó péli, butekle hakpanla kugyíku bwe. Butòbwé lalahé kugyíku, butamatálí kítá iwí.

²⁰ Táme mli mó á, megyí tsiátó anfi odu mlilékasí tsú Kristo iwí. ²¹ Nyin ání mlihanú Yesu iwí asón, basúná mli ònòkwaliá ibù mutò é. ²² Mó sù mlisi mli tsiátó dada amóó mlilétsiá ámu. Mli òwólí laláhe lémlé mli alí bré ámutò, ileha mli tsiátó leyintá. ²³ Mliha Bulu òbwe mli klun pọ́ mli agywun pọ́pwe. ²⁴ Mlitsia tsiátó pọ́pweá igyi Bulu atsiábi, mó iwí letín, ina dínká ònòkwali òkpa ámusu.

²⁵ Mó sù mli to okugyíku òmátrá wa afunu. Ohagyíoha òbláa mu ba Okris-toyin ònòkwali. Tsúfẹ́ aní fẹ́ anígyí nyankpusa-oyí òkole amó iwí ató. ²⁶ Òbló ikítá mli á, mlimáha mó iha amlibwe lakpan. Imátsiá mli to yófun owi tahé. ²⁷ Mlimátepi há Òbunsám òkpa òmle mli, amlibwe lakpan. ²⁸ Owikplu mátrá wi ató. Òpọ́ mu ibi yò agyómá, méní obénýa tóku kpá mu iwí, nyá iku é há ahá ání buma kuku. ²⁹ Mlimáha asón laláhe kuku idalí tsu mli ònó. Mboún móá ibóbúá òha, ibóbwe yilé, wá labi, wá mó anupó òwunlín. ³⁰ Mlimábwe tóá ibéhan Òhe Wankíhé amó. Tsúfẹ́ mu Bulu lópuhié mli nsu, púsúná ání móbó mli, móhò mli nkpa eke ámu ní. ³¹ Mlile ònsipekpan, olu pọ́ òblókpán, itré, isia pọ́ lakpan kugyíku agywun le mli to. ³² Mboún mliwa awitòle ha aba. Mliwun aba nwe, amlisi lakpan kie aba fẹ́ alí amóó Kristo sù Bulu lési mli klé kíé mli ámu.

5

Akristofò Atsiábi

¹ Iníá Bulu abí ání òtéhíé dwé mligyí sù á, mlitsia mu atsiábi. ² Mli dwe aba òkpagyíòkpasu, fẹ́ alíá Kristo lódwe aní, tsúlá boma mu aní sù. Òlọ́pọ́ mu iwí bwé ató hahé pọ́ afòdié-abòtòá ibù òfan fánfáánfán há Bulu, ilegyi mu ansí.

³ Bulu latín mli iwí. Mó sù mlimáwa atsi móá ayin asón, wá hakpan, ntée ònsípe. ⁴ Mó oma a, ima aléá mléblí asón ání ibù péli pọ́ móá ima anulé, ntée wá òplòkpan. Mboún mli da Bulu ipán brégyíbré. ⁵ Iwánkí mli ání mbua òtópó, òhakpan ntée ònsípe òwapó òkuku méenya ogyíkpá Kristo mu a Bulu iwíegyi ámutò. (Tsúfẹ́ ònsípe òwapó gyí fẹ́ òkpí òtswépu).

⁶ Mlimáha òkpa òhaa òpọ́ asón ání ima labi kuku mlé mli. Tsúfẹ́ tsiátó laláhe anfi odu sù Bulu tenyá òbló bíti ahá ání bubu asutò-ònlín isù ní. ⁷ Mó sù mlimápu amó gyi mba. ⁸ Bré ámu a, okluntò mlitsie mli dé lakpan bwe, táme séi á, mli a aní Wíenyò mli labwé ikole. Mó sù mlitsie wankitò. Iní sù mli tsiátó isúna ání mlitsie wankitò. ⁹ Tsúfẹ́ òhá ání òbu wankitò tóbwe yilé. Mu asón da òkpa, òbu ònòkwali. ¹⁰ Mó sù mli bọ́ mbódí amlíkasi tóá Bulu tekle. ¹¹ Mlimágyi mba. Labi kuku ima móótó. Mboún mlile amó bwehé òwan. ¹² Ihíé bu péli ání bẹblí ntobíá ahá butòbwé njaintò iwí asón kóráá. ¹³ Táme ní ito wankíhé iwánkí wólí tóá ibù okluntòsù á, itemlí itowunhe. ¹⁴ Tsúfẹ́ ató wankíhé telé tógyító òwan. Mó sù bẹblí bẹé,
“Òdídípó, tsinki.

Kusu tsu afúlitō,
Kristo ɔwanki woli fósó.” nɪ.

¹⁵ Inɪ sɔ mlikɪ mli tsiátó wankláán. Mlímátsiá nkpa fě aha mimláhe, mboun mlitsia fě atiansipɔ. ¹⁶ Ní mlenyá bréá mlópɔbwé ito wankláán á, mlímáyintá mó. Tsúfě lalahɛbwɛ lamóní alɪ bré ánfító. ¹⁷ Mó sɔ mlímábwe mimlála. Mboun mlibɔ mbódí amlibɪ tóá anɪ Wíe tekle, amlibwe mó.

¹⁸ Mlímánu ntá bú, tsúfě iteyintá ɔha. Mboun mliha ɔɣé Wankíhé amɔ ɔbɔla mli brégyíbré. ¹⁹ Mlɪpɔ Bulu asón wá ilɔ, amlɪwa ilɔá ɔɣe Wankíhé lópɔwá mli klɔntɔ pɔtɔi kpla aba; amlɪwa ilɔ é tsu mli klɔntɔ kanfɔ anɪ Wíe. ²⁰ Mlɪda anɪ Sí Bulu ipán tógyítótó brégyíbré, anɪ Wíe Yesu Kristo idátó.

Akristofō Akúlu Múa Aká Tsiátó

²¹ Mlɪba iwiasɪ ha aba fě alíá mliteba iwiasɪ há Kristo.

²² ɔtsɪ, ba iwiasɪ ha fú kúlu fě alíá futeba iwiasɪ há Kristo. ²³ Tsúfě okúlu bɔ túmɪ mɔ kasɔ, fě alíá Kristo bɔ túmɪ ɔpasua ámɔsɔ. ɔpasua ámɔ gyí mɔ ɔyulɔbɔ, Kristo amɔ onutó gyí mó ɔlepó. ²⁴ Alɪ ámóó ɔpasua ámɔ teba iwiasɪ há Kristo amɔ a, alí kén ɔká é ɔbá iwiasɪ ha mɔ kulu tógyítótó nɪ.

²⁵ Akúlu, mlɪdwe mli aká fě alɪ ámóó Kristo lódwe ɔpasua ámɔ, tsúlá bɔmɔ mɔ mó sɔ ámɔ. ²⁶ Kristo lótsulá bɔmɔ mɔ pótɪn ɔpasua ámɔ iwɪ há Bulu. Olebie ɔpasua ámɔ ntsu, pó mɔ asón ámɔ gyóra mó iwɪ. ²⁷ Omekleá ifɪn pó asɔansɔ bétsiá ɔpasua ámɔ iwɪ, ntée mó ɔtɪnekɔ ibókɔkpókɔbɔ tɪá, ménɪ ibówa mɔ onutó ámɔ akíle fě obitebí, ɔbékpa mɔ ba mɔ iwɪ wá. ²⁸ Alɪ kén lehián ánɪ oyin ɔbódwe mɔ ka fě mɔ iwɪ ní. Oyín ánɪ ɔtɔdwé mɔ ka tɔdwé mɔ onutó iwɪ. ²⁹ Tsúfě ɔhaa tamalú mɔ iwɪ, bulá ɔtebóla mɔ iwɪ, kɪ mɔ iwɪsɔ wankláán fě alíá Kristo é tɔbwé há ɔpasua ámɔ. ³⁰ Tsúfě anɪ fěé anɪgyí Kristo ɔyulɔbɔ iwɪ ntóbí. ³¹ Fě alíá bɔwanlín wá Bulu asón ámɔtɔ bɛɛ, “Inɪ sɔ oyin ɔbénatí sí mɔ sɪ mɔa mɔ yin, yémantá mɔ kasɔ. Fówun amó abanyó ámɔ bóbwe ɔyulɔbɔ kɔle” nɪ. ³² ɔnɔkwali, Bulu asón ɣáínhé anfitɔ bɔ odwin. Ndekí mbéɛ, Kristo mɔa ɔpasua ámɔ iwɪ asón igyi. ³³ Mli é mli asón igyi. Mó sɔ ntráa ndɛ mli bláa mbéɛ, oyíngyíoyin ɔdwéɛ mɔ ka fě mɔ onutó iwɪ, ɔtsɪ é obu mɔ kulu.

6

Abi Múa Akwípó

¹ Abí, mliha anɪ Wíenyɔ mlɪlabwé kɔle. Mó sɔ mlibu mli akwípó. Tsúfě mógyí tóá ida ɔkpa ánɪ mlóbwe ní. ² Inɪ gyí mbɪla ámɔtɔ gyankpapɔá ɔlehiɛ oyúla mántá mósó ní. “Bu fú sí móa fú yín, ³ ménɪ ibówa alé há fú. Fówun fědan fulí nwun fú nkpa ánfító.”

⁴ Abí así, mlímátsiá wá mli abí ɔbló. Mboun mliyaɪ amó, amlisuna amó ató alíá anɪ Wíe tekle.

Nkpábi Pó Amó Awíe

⁵ Nkpábi, mlibu mli awíe. Mlɪnya amó ifú, amlɪbu amó tsu mli klɔntɔ fě alíá mlɪtobú Kristo. ⁶ Mlímábwe yilé amó ansító alíá békankfó mli sɔ. Táme fě Kristo nkpábi a, mlibwe ató tsu mli klɔntɔ fě alíá Bulu tekle. ⁷ Mlɪle iwɪtɔ yɔ agyómá ansigyísó ha amó, fě Kristo mlídé mó yɔ há, megyí nyankpɔsa. ⁸ Mlɪdinka ansí ánɪ anɪ Wíe ɔbéka ɔhagyíɔha ikɔ, ito wankláán kugyíkɔá ɔlɔbwɛ sɔ. Ní ɔkpábi fɔgyi o, futsie fú iwɪsɔ o.

⁹ Awíe, mli é mlikita mli nkpábi wankláán, fě alíá nablí bɔtsɔn. Mlímábwe amó kpóunkpóun. Mlikain ánɪ mliha amónyɔ fěé owíe ámɔ bɔ ɔsúsó. Mɔ mó ɔtamakɪ ɔhaa ansító.

Bulu Akótó

¹⁰ Mí asón tráhe-tráhe gyí, apíó, mlɪtsɔn ania anɪ Wíenyɔ ikɔlebwɛsɔ amlɪha mɔ ɔwa mli ɔwɔnlín tsu mɔ túmɪ kpɔnkpɔntɪ ámɔtɔ. ¹¹ Mlɪdɪda ɪsá-akótó fěéá

Bulu lahá mli ɔbéɛ, mli pókɔ Ɔbunsám, ménɪ mlétalí líí mu ɔmle ámu ɔnó. ¹² Tsúfé megyí ania anyánpósa dékɔ. Mboún ania ɔhétó túmi laláhe, atúmipɔ pú ɔhe laláheá bobu ɔyí klúnhe anfitɔ pú ɔtínegyíɔtíné dékɔ. ¹³ Mú su mliɔda Bulu akɔtó ámu fée, ménɪ ekeá lalahɛ ku ifwíé mliɔ á, mli méesrí, mlétalí líí mó ɔnó, trá nya ɔhɛ wá ɔwɔnlín líí kínkínkín.

¹⁴ Mú su mli kɔsu, amlida iwɪsu. Ɔnɔkwaliwa ibwée ɔféá iklɪ mli osiésú. Yilébwɛ ibwɛ mli kántó-atíntɔ. ¹⁵ Iwɪsuɔda há iwɪlwii asɔn wankláán ámuɔ kɪtá pú mó blí ibwée mli isátó ntukɔta. ¹⁶ Inɪ fée ɔma a, mli kɪta Kristo hógyi ámuɔ brégyíbré. Ibwée mli atíntɔá mlóputin mli iwɪ, ménɪ Ɔbunsám mbɪn piónpíón ámuú ɪdetsúɔn ámuɔ kɔku ɪmóɔwɔ mli. ¹⁷ Mli pɔ Bulu nkpahóɔ ámu bwɛ mli kutɔpa. Mli kɪta Bulu asón ámuɔ, ibwɛ mli isátó ɔdayí ání Ɔhe Wankíhé ámu tɛhá mli. ¹⁸ Mli ha Bulu Ɔhɛ ámu ɔkpa mli, amlibɔ mpái brégyíbré. Mli kɔli Bulu, ɔtsa mli ɔkpagyíɔkpasɔ. Mú su mliɔnka ansí iwɪsu. Mli mási mpái bɔ há Bulu ahá fée. ¹⁹ Mli bɔ mpái ha mli. Ní nobwíí ɔnó á, Bulu ɔpɔv mu asón ámu wa mí ɔnó; ɔha mí antalɪ wa klɔn blí asɔn ɲáínhé ámuú ibɔ mu asɔn wankláán ámuɔ ámu fée. ²⁰ Asón ámu iwɪ sumbí ɔyɔpó ngyi. Mú ɔkanda sú nda obu ní. Mli bɔ mpái mli aa, Bulu ɔhá mí antalɪ wa klɔn blí mó alíá ilehián.

Iklá

²¹ Osúmbi ɔnɔkwali pɔ anɪ pío ɔdwɛpó Tihiko gyí anɪ Wíe agyómá ámuɔ. Ɔbébláa mli mí iwɪ asón fée, ménɪ mlébi alíá ngyi pú tɔá ndɛbwɛ. ²² Inɪ kóún su ndɛ mu wa mli wá ní. Ndeklé mbée, ɔbébláa mli alíá tógyító ɪde mósó yɔ nfi. Ɔtɔi kpɪla mli pɔwa mli ɔwɔnlín.

²³ Ɔsí Bulu mɔa anɪ Wíe Yesu Kristo boháa mli ahógyipɔ ámu fée iwɪlwii. Boháa amlɪtsia dwɛ aba, mli ansí ɪdínka Bulusɔ bré fée. ²⁴ Ogyíi ahá ání butamasí anɪ Wíe Yesu Kristo dwɛ fée buale.

ᾠωυλόά Paulo Λόwanlín Sísí Filipifó

Itsidha

¹ Mí Paulo pó aní pío Timoteo ání anígyí Kristo Yesu asúmpó dé ᾠωυλό ánfi wanlín sísí mli Bulu ahá ání mlibu Filipi wúluto, mliá Yesu Kristo mliabwé kule. Mliá mli ᾠpasua ahande pó amó abúápu fée anidé mó wanlín sísí.

² Aní Sí Bulu mva aní Wíe Yesu Kristo bogyí mli buale, abuha mli iwilwii.

Paulo Atókvli Pó Ipánda

³ Ntedá mí Bulu ipán ní nekáin mliṣu brégyíbré. ⁴ Brégyíbréá nde mpái bo há mli fée á, ansí tegyi mli. ⁵ Tsúfē tsú ekeá mlulótso ason wankláán ámu nu á, mliḍé aní tsa anidé mó ᾠkan da bōtu nde. ⁶ Nyin ání Bulu ámuó olefi agyómá wankláán ámu así mliṭo ámu kén ᾠbóyo músó alu yófōn Kristo Yesu ᾠbáke ámu.

⁷ Ilekanaá ání nōsusúu mli fée iwi alí, tsúfē ntehié dwé mli. Iníá nda obu, ntée ndekō ason wankláán ámu nwunsu, mliḷí mí ᾠma a, aní fée Bulu dé buale gyí.

⁸ Bulu yin ání ntosúsu mli iwi, ntehié dwé mli fē alíá Kristo Yesu tōdwé mli.

⁹ Nde Bulu kokóli mbée, ᾠhá amlidwe aba dōn alí, amlitn ansí, nú asón ámu é así wankláán, ¹⁰ méní mliḅí tóá ihíe iḅu alé, amlitsia nkpa ání mó iwi letin, ᾠlala ima mó iwi, alu yófōn ekeá Kristo ᾠbélaba. ¹¹ Yesu Kristo ᾠháa mu yilébwe iḅula mliṭo fē alíá oyí toswíé abí, ipu numnyam móa kanfó ha Bulu.

Paulo Ikantōdi Léha Bulu Asón Lekléi

¹² Mí apíó, ilehián ání mliḅí ání ikplán anfi ilatō mí anfi lahá ason wankláán ámu lakléi tsía. ¹³ Tsúfē ᾠhagyíᾠha ání ᾠḅu nfi, pó isá akᾠpóá ḅutogyo owíe wóyí aná fée babí ání Kristo-ḅúo su nda ikantō. ¹⁴ Mí ikantōdi su apíó tsotsᾠtsᾠtsᾠ ḅapó ansí dínká aní Wíesu. Buhíe ḅude klōn wa dá ason wankláán ámu ᾠkan, ifú medé amó.

¹⁵ Iḅu mótóá mí iwi olu pó mí iwi ahin sō aku ḅude Kristo iwi asón ámu ᾠkan da. Táme amó aku é balé klōntō ḅude mó bwe. ¹⁶ Alí ahá anfi ḅudepu mí iwi ᾠdwe dá ason wankláán ámu ᾠkan. Tsúfē ḅuyin ání Bulu lópu mí ba nfi ání mbéprí mu asón ámu nwun. ¹⁷ Ahá ámuó ḅumedé Kristo iwi asón ámu ᾠkan da tsú amó klōntō ámu mó á, amó nkule inya su ḅude mó bwe. Nda ikantō su ḅudekléá bēyintá mí iwi tsía.

¹⁸ Táme imedé mí han, ní yilé sō ḅude mó bwe o, lalahē su o. Móá ide mí hián gyí, banyá ḅude Kristo asón ámu ᾠkan da nli. Iní sō ansí ihíe de mí gyí ní. ¹⁹ Tsúfē nyin ání mli mpái pó Yesu Kristo ᾠḡé ámu ᾠbékpa mí, nédali ikplán anfitō. ²⁰ Nhíe nyin, mḅu hógyi ání mmᾠᾠḅwe tóá iḅéha péli békítá mí. Mbóun nétrá wa iwi ᾠwōnlín, méní ní lowu ígyi o, nkpa ígyi o, mí tsiátó fée iḅówa Kristo numnyam. ²¹ Tsúfē ní ntsie nkpa á, ntsie ha Kristo. Ní nowú é á, iḅówa mli labi dōn. ²² Táme ní ntráa ntsie ᾠyító á, négyi gyoma ání iḅówa labi há mí. Iní su mmowúun móá nlée. ²³ Nagyígyáa, táme iḅu mli aléá néyetsiá Kristo wá mbóun. Móḅu alé dōn. ²⁴ Táme mli su iḅu aléá nétsiá nkpa. ²⁵ Nyin alí. Mó su nétsiá mli wá abóyo agyómá ámu, méní mliḍan, nya ansígyí mli Kristo hógyi su. ²⁶ Mó mó bréá neyínkí bá mli wá á, mliḅnya ᾠkpa kánfó Kristo Yesu, itó ámuó alabwé há mí ámu su.

²⁷ Tóá idehián séi gyí, mliha mli tsiátó ikana Kristo ason wankláán ámu. Mó mó ní neḅá mli wá ó, mmeḅa ó, nónu ání mliḷí kínkíínkín ikoleḅweto; mliḍé hógyi ámuó iḅu ason wankláán ámuṭo ámu é nwun príu. ²⁸ Mliḡánnya ahá ání bókusó líi mliṣu ifú ᾠkpa ᾠkukusu. Mli iklōnwa iḅᾠḅwe osúna há amó ání Bulu onutó ᾠbēhi amó fée, táme ᾠbóḡo mli mó nkpa. ²⁹ Tsúfē megyí Kristo hógyi nkule

só Bulu lópohá mli. Mboún alíá mlówun ipian há mu é. ³⁰ Isá ámúó mlilówun ání ndékó ámu kén mlidékó á. Mó kéntó ntráa mbu ni.

2

Mlikasi Kristo Iwiasibá

¹ Mlia Kristonyó mlilabwé kule. Mó su alawá mli ateto-onlin. Mu odwe lalwí mli klón. Mlia mu Ɔhɛ́ ámu kulebwe su alahá mlia mli aba mlilabwé kule, mlidé iku tsu lé mli aba asóntó, mlidé aba nwe wúun. ² Mó su mlibwe kule, amlitsula dwe aba tsu mli klontó. Mlibwe agywun kule, amliyó agyómá wa abato puha mí ansigyí ifun. ³ Mlimábwe awonsípó. Mlimátsu iwi. Mboún mliba iwiasí, amlitsu mó ání mli aba budun mli. ⁴ Mlimádunká mli nkule klé. Mlidunka mli aba é klé. ⁵ Mliha mli agywun ibwe fé Kristo Yesu klé.

⁶ Iníá ɔlelian Bulu ɔkpagyíɔkpasu ó á,
ɔmɔbwe agywun ání obótsu mu iwi ání mba Bulu bugyi kékée.

⁷ Mboún olesi mu tógyító ɔmagyáa,
bwé mu iwi osúmpó.
Bakwí mu fé alíá bakwí ɔhagyíɔha.

⁸ Mu nyankpusabwetó á, ɔleba iwiasí.
Olobu ató alu wú oyikpalíhesu,
fé lalahé ɔbwepó.

⁹ Iní su Bulu lótsu mu fúá ya ɔsúsúúsó,
há mu dá ání idun adá fée,

¹⁰ méní ntobíá bubu ɔsú móa así
pó ɔsolóu ayasí bédá akpawunu há mu;

¹¹ ɔhagyíɔha ɔbéle blí ání “Yesu Kristo gyí Owíe!”
pówá aní Sí Bulu numnyam.

Mliwankí Fé Ntsrakpabi

¹² Iní su apíó adwepó, alí ámúó mlitobú mí bré ámúó mbu mli wá ámu a, iníá mma mli wá ó á, mliba mbódí amlibwe mó alí. Mlipu ifú móa kpinkí yó mli nkpahóó agyómá ámu mó ɔnó. ¹³ Tsúfé Bulu onutó dé agyómá yó mlitá. Alahá mlilatsúlá mlidé mu apé móa tóá otekle bwe.

¹⁴ Mlimátoí ntée gyí tógyítóá mlóbwe iwi nwéen, ¹⁵ méní ɔlala méetsiá mli iwi; mli iwi bétin, fé Bulu ahá bré ánfí mlitsie lakpan kugyíku abwepó ɔyí ánfító. Mliwankí fé ntsrakpabi amó ansító. ¹⁶ Mliyó mósó amlibla ahá asón ámúó itehá nkpa ámu, méní mli su nétalí pó ibí sí kántó ekeá aní Wíe Kristo ɔbélabá, ání mí mbódí ntée mí gyumagyihe mɔbwe kpaali.

¹⁷ Táme ní ibéba mótó ání bópu mí obugya wólí así fé ntá mli hógyi iwi afɔdie pó Bulu agyómá ání mlidéyɔsu kóráá á, ibówa mí ɔdwe. Ansí bégyi mía mlinyo fée. ¹⁸ Mó su iwá mli ɔdwe, ansí igyi aní fée.

Timoteo Mva Epafrodito

¹⁹ Ní aní Wíe Yesu lótsulá á, imóowa ɔpá nówa Timoteo mli wá. Ní oyínkí bebláa mí ání mlitsie wankláán á, ansí bégyi mí. ²⁰ Mma ɔhá ání olotsu iku lé mli asóntó dun mu. ²¹ Tsúfé atráhe amú fée búde amó onutó klé kí, megyí Yesu Kristo klé. ²² Táme mliyin alíá Timoteo lagyi mu iwi adánsie wankláán. Alatsá mí aniladá asun wankláán ámu ɔkan fé obí móa ɔsí. ²³ Mó su nde ɔkpa kí ání ní nenyá wun tóá ibéba misu nfi pé á, nówa mu mli wá. ²⁴ Nahogyiá aní Wíe ɔbékpa mí, imóowa ɔpá mí onutó néba mli wá.

²⁵ Táme nɔbwe agywun ání nélayínkíá Epafrodito sísí mli. Aní pío ání mía munyo anidé agyómá yó, anidéko asun wankláán ámu nwunsu. Mogyí mli bí ání mlilówa mlíaa, ɔbá beki misu ní. ²⁶ Tsúfé ɔde mliyu kaín dubi. Ihíe de mu háan, tsúfé mlilónu mu ilo. ²⁷ Lélé mó á, alaló sian wu, táme Bulu lówun mu

nwε. Megyí m̃v nk̃lε, mía m̃vnyo f̃éé, méñ aw̃r̃eh̃o móõd̃ṽn m̃i kitá. ²⁸ Mú s̃v nh̃ié ndekl̃éá nók̃s̃í wá m̃v m̃l̃i wá, méñ ní ml̃éláw̃un m̃v a, ansí b̃égyi m̃l̃i. Mí é m̃i as̃ṽn susúh̃es̃v b̃ékalá kúká. ²⁹ Ml̃ih̃ie p̃v ansigyí h̃o m̃v f̃é m̃l̃i bá Okristoyin, aml̃ip̃v obú ha m̃va ahá ání b̃ugyi f̃é m̃v. ³⁰ Tsúf̃é oles̃i m̃v nkpa há Kristo agyómá ámṽ. Olekle owu m̃ótó br̃éá olí m̃l̃i dátó, m̃v nk̃lε õde tógyítáá t̃ek̃i ní m̃l̃ib̃v nfi ml̃óbwe há m̃i bwe.

3

Yesu Lówu H̃o Añi Nkpa

¹ Itr̃áhe a, m̃i ap̃ió, añi W̃ie s̃v m̃l̃inya ansigyí. Im̃okók̃p̃ṽn m̃i ání nétrá wanl̃ín as̃ṽn kua k̃lε anfi s̃ís̃i m̃l̃i. Igyi as̃ṽn ání ib̃ékpa m̃l̃i é. ² Ml̃ik̃i aha laláhe anfi b̃ugyi f̃é ak̃iá anfi wankl̃áán. Lalah̃e abwep̃ó b̃ugyi, b̃ude ahá háan b̃ee b̃ut̃ín keté kpaali. ³ Tsúf̃é añi ahá ámṽõ anit̃op̃ó ̃̃he Wankíh̃e s̃úm Bulu ámṽ gyí keté at̃íñp̃ṽ onutó ní. Mú s̃v ab̃étalí tsú iw̃i it̃ó ámṽõ Kristo Yesu labwé há añi ámṽ s̃v. Anit̃amap̃ó ansí d̃ínká t̃óá nyankp̃osa lap̃ó ib̃i bw̃és̃ó. ⁴ Mí onutó óó mb̃v okpa p̃ó ansí d̃ínká mó anás̃ó. Ní ok̃v ob̃éé, mb̃v okpa p̃ó ansí d̃ínká m̃ós̃ó á, m̃i mb̃oún b̃óv okpa p̃ó ansí d̃ínká m̃ós̃ó d̃ṽn. ⁵ Tsúf̃é b̃okw̃í m̃i, t̃ín m̃i keté eke kw̃és̃í. Israelyin ng̃yi. Benyamin abusuant̃o notsú. Mú s̃v Hebriyin onutónutó ng̃yi. Mose mbla ámṽs̃v gyí okpas̃v é á, Farisiyin ng̃yi. ⁶ Neh̃ie wá nsi, d̃ínká Kristo op̃asua ámṽs̃v. Negyi Mose mbla ámṽs̃v wankl̃áán, olala metsiá m̃i iw̃i. ⁷ Táme ntobí anfi br̃é ámṽ ntek̃iá ib̃v m̃i labi anfi f̃éé á, Kristo s̃v nde itr̃áa megyí m̃i t̃ót̃ó. ⁸ Múá id̃ṽn mó kúr̃áá gyí, ní ñop̃ók̃i alíá ñop̃ób̃i m̃i W̃ie Kristo Yesu a, nawun ání ib̃v labi d̃ṽn tógyító. Nawun ání nah̃ól̃i ntobí anfi ntek̃iá ib̃v m̃i labi anfi f̃éé, alíá Kristo ob̃éda m̃i ib̃i s̃v. ⁹ Iñi s̃v iñiá mb̃v m̃v wá s̃v á, megyí Mose mbla ámṽs̃v gyí ob̃éha négyi as̃v Bulu ansító. Kristos̃v h̃ógyi mb̃oún ob̃éha négyi as̃v Bulu ansító. ¹⁰ Mí agyw̃un gyí, ndekl̃éá néb̃i Kristo p̃ó túmi ámṽõ Bulu lóp̃ok̃ós̃a m̃v tsú af̃úl̃it̃ó ámṽ tsia. Ndek̃l̃éá nówun ip̃ian f̃é alíá Kristo lówun ip̃ian wú, ¹¹ méñi okpagyíokpas̃v á, m̃i é Bulu ob̃ók̃ṽs̃a m̃i tsú af̃úl̃it̃ó!

Sr̃i Búo Kristo

¹² Mmed̃ébl̃i mb̃éé, m̃i ib̃i lada ntobí anfi f̃éé nt̃éé Bulu labwé m̃i naf̃ṽn. Ntr̃áa nde nsi wa alíá ib̃óbwe m̃i ib̃i b̃éda t̃ó ámṽ s̃v ámṽõ Kristo Yesu ib̃i lada m̃i ámṽ. ¹³⁻¹⁴ Mí ap̃ió, mmed̃ébl̃i mb̃éé, m̃i ib̃i lada mó. Nde mó ámṽõ id̃ets̃ṽn am̃ṽs̃v táan. Múá ida m̃i ansító okpa ng̃ya. Mí ansí lapé, méñi nénya siadĩe ámṽõ Bulu ob̃ót̃s̃ṽn Kristo Yesus̃v t̃i m̃i ñóỹo m̃v wá os̃ós̃ó ámṽ. ¹⁵ Ileh̃ián ání añi ahá ámṽõ aniladan h̃ógyit̃ó ámṽ f̃éé ab̃óh̃o al̃i as̃ṽn anfi. Ní ik̃v m̃ówankí m̃l̃i á, Bulu ob̃ówankí m̃ótó s̃úná m̃l̃i. ¹⁶ Táme m̃liha ak̃ita oñokwal̃i ámṽõ Bulu lasúná añi ámṽt̃ó. ¹⁷ Mí ap̃ió, ml̃ikas̃i m̃i tsiátó. Ml̃ikas̃i at̃ó tsu ahá ámṽõ bakás̃i añi tsiátó ámṽ wá. ¹⁸ Tsúf̃é ntetsiá bla m̃l̃i as̃ṽn anfi. Nap̃ó ntsú ntr̃áa nde m̃l̃i bl̃áa mb̃éé, ahá ts̃ots̃w̃ts̃o tsiátó losuná ání Kristo oyikpal̃ih̃es̃v lowu ámṽ alup̃ó b̃ugyi. ¹⁹ Ahá anfi b̃éhi. Amó apu gyí amó Bulu. Amó numnyam é gyí péli. ̃̃sul̃ós̃v at̃ó iw̃i pé b̃otosús̃u. ²⁰ Táme añi mó á, os̃ós̃ó gyí añi otsiákpá. ̃̃t̃íné ámṽõ anid̃é añi ̃̃h̃óp̃ṽ, ogyi añi W̃ie Yesu Kristo okpa k̃i ání ob̃ótsu ba am̃ṽ. ²¹ Mb̃ób̃v túmi, otegyi tógyit̃ós̃ó. Mb̃ ob̃éba betse añi oyul̃ób̃ wuhé anfi, bwé mó f̃é m̃v numnyam oyul̃ób̃v am̃ṽ.

4

¹ Iñi s̃v ap̃ió adwep̃ó, nt̃odwé m̃l̃i. Id̃ṽn m̃i ow̃ól̃i ání nówun m̃l̃i, tsúf̃é m̃l̃i s̃v ansí de m̃i gyí, nénya ip̃ánda é! Mí adwep̃ó, al̃i ileh̃ián ání ml̃él̃i k̃ínk̃ín m̃l̃i Kristo h̃ógyit̃ó ní.

T̃óá B̃wbw̃éé

² Nde mí apio tsihé Euodia mva Sintike kokóli ání bɔnúu aba así, tsúfɛ aní Wíe abúopu bɔgyi. ³ Mí agyómáyɔbá onutó, nde fú é kókoli mbéɛ, fotó kpla amó abubwe kule. Tsúfɛ bawá nsi tsá mía Klement pɔ atráhe amɔ anɔladá asɔn wankláán amɔ ɔkan. Bulu lawánlín amó adá wá nkpa ání itamatá atsiápó ɔwɔlótó.

⁴ Mlihiɛ nya ansigyí aní Wíe sɔ brégyíbré! Ntráa nde mli bláa mbéɛ, mlihiɛ nya ansigyí!

⁵ Mliha ɔhagyíɔha owun ání mliólwíí. Aní Wíe íbábí lafɔn. ⁶ Tɔtɔ imáhan mli. Mboún kugyíkɔá igyi á, mliɔ mpái kokoli Bulu dínka mósú, amlida mɔ ípán. ⁷ Méní Bulu ɔbéha mli iwílwíi ání idɔn blí, íbékpa mli klɔn pɔ mli agywun, mli Kristo Yesu íkɔlɛbwɛtɔ.

⁸ Ítráhe a, mí apíó, mliɔ mli agywun dínka tóá igyi ɔnɔkwali, tóá íbétí obú, tóá ída ɔkpa, tóá mɔ íwí letín, tóá ítegyi ahá ansí pɔ tóá ahá békánfúsú. Mligywun tóá íbɔ alé, ahá bɔtɛkanfó aná íwí. ⁹ Mliɔ mósú amlíɔ ntóbí ánfí nasúná mli ánfí, mósá mliónu tsú mí wá pɔ mósá mliólɔwun mli nɔbwe fɛé wa mli tsiátó, méní Bulu ámósú ɔtɛhá iwílwíi amɔ ɔbékpa mli.

Ipánda

¹⁰ Bulu lahá ansí íhié de mí gyí, tsúfɛ mliatráa kaín mísó. Nawun ání mli mókósí mí íwí gywín, táme talí mli mɛtalí lé mɔ súná. ¹¹ Mmedé asún ánfí blí pósúná ání mbɔ íkplántɔ, tsúfɛ nakási, nabí alíá tóá mbɔ íbófɔn mli, ní mbɔ óó, mma óó! ¹² Nasúan alíá nópɔtsiá ní mbɔ óó, mma óó. Nabí alíá tsiátó kugyíkɔtá mbɔ íbégyi mli ansí. Ní ntsie akón o, namwé o, mbɔ o, mma o. ¹³ Ntɛtalí bwé tógyító, tsúfɛ Kristo tɔwá mí ɔwɔnlín.

¹⁴ Mɔ alí óó á, íbɔ aléá mli latsú íkɔ lé mí íkplán anfitɔ. ¹⁵ Mɔ ɔma a, Filipifó, mliyin ání bréá nɔtsɔ mli Yesu Kristo íwí asɔn wankláán amɔ bláa, nɛdalí Makedonia ɔmátó á, mli ɔpasua ánfí nkɔlɛ dé mí bɔá, mli dé mí ató sísí ní. ¹⁶ Bréá ntráa mbɔ Tesalonika wúlutɔ kóráá, íwí lékplan mli á, mli létsiá sísí mí. ¹⁷ Megyí bɛɛ nde tɔkɔ kɔlí tsú mli wá. Mboún ndekléá mli nyá tɔkɔ dínka awítɔlɛ amósú mli déwa há mí ámɔsɔ. ¹⁸ Mí íbɔ lada tógyítóá mli lɔpɔhá Epafrodito mli aa ɔpɔ ba mli. Itsɔ kóráá dɔbɔ. Mɔ sɔ nanyá tógyítóá íbéhián mli. Itó ánfí mli labwé ánfí igyi fɛ mli lahá Bulu igyí ání íbɔ ɔfan fánfáánfán, ílagyi mɔ ansí. ¹⁹ Mí Bulu ɔbéha mli tógyítóá íde mli hián tsú mɔ numnyam ató tsɔtsɔtsɔá íbɔ ania Kristo Yesunɔ íkɔlɛbwɛtɔ. ²⁰ Numnyam íbwéɛ aní Sí Bulu klé bré fɛé. Amen!

Íklá

²¹ Nehá Bulu ahá ání bɔgyi Kristo Yesu klé fɛé itsiá. Apíóá bɔbɔ mí wá nfi é bɛhá mli itsiá. ²² Bulu ahá atráheá bɔbɔ mí wá nfi fɛé bɔde mli itsiá ha. Títriu amósú bɔtsú Roma owíe dehen wóyító.

²³ Aní Wíe Yesu Kristo ogyíi mli bɔale.

ጋግግግግ Paulo Lówanlín Sísí Kolosefọ

Itsíáha

¹⁻² Mí Paulo ání Bulu apé sù nabwé Yesu Kristo sumbí òyòpú pọ́ aní pío Timoteo dé ጋግግግግ ánfí wanlín.

Anídépusísí aní apíóá bụgyi Bulu ahá, búbú Kolose wúlutọ, búbú ọ̀nọkwali há Kristo Yesu, m̀wa amónyọ́ é babwé kùle.

Aní Sísí Bulu m̀wa aní Wíe Yesu Kristo bụgyi m̀li b̀uale, ab̀vha m̀li iwílwii.

Ipánda Mpáí

³ Anítédá aní Wíe Yesu Kristo m̀ Sísí Bulu ipán brégyíbréá anídé mpáí b̀ọ́ m̀li nwunso. ⁴ Tsúfẹ́ anílanú aní m̀lílóhọ́ Kristo Yesu gyi, m̀li b̀u ọ̀dwe é há Bulu ahá fée. ⁵ M̀lídé ọ̀kpa kú ha t́á bapóyáí há m̀li ọ̀sósó; fée alíá m̀liyin tsú bréá m̀lilégyankpá nu ọ̀nọkwali asón aḿú igyi Bulu asón wankláán aḿu. ⁶ Asón wankláán aḿu kén dékléí wá ọ̀yító, ıde ahá tsiátó tsée ọ̀tínegyíótíné; fée alíá ıletse m̀li tsú ekeá m̀lílónu ḿú, m̀lílébi aní lélé Bulu tegyi ahá b̀uale. ⁷ Aní osúmba ọ̀dwe pọ́ Epafra gyi ọ́há aní ọ̀lọpọ́ asón wankláán aḿu ba m̀li. Yesu Kristo osúmbi ọ̀nọkwali pọ́ ogyi, ọ̀de m̀li b̀uá aní ọ̀fansu.* ⁸ M̀lélábá bebláa aní ọ̀dweá Ọ́ge Wankíhé aḿu lapówá m̀lító.

⁹ Ḿú sù anímókúsí mpáí b̀ọ́ m̀li nwunso tsú ekeá anílónu m̀li ıwı asón ánfí. Anídé Bulu kokóli anıaa, ọ́háa amlıbı m̀u apé kugyíku wankláán. Ọ́háa m̀u Ọ́ge Wankíhé aḿu ọ́ha m̀li nyánsa ḿwa asón asınu fée, ¹⁰ m̀énı m̀létalı tsiá tsiátóá ıb́wa aní Wíe numnyam, amlıgyi m̀u ansı ọ̀kpagyíọ̀kpasu. Ọ́háa amlıbwe yilé brégyíbré, trá bı Bulu tsiá. ¹¹⁻¹² Anıa ọ́háa m̀u túmıá ḿú ọ́nó b̀u ọ̀nlın ıwa m̀li ọ̀wónlın, amlıtalı tomı, nya klón, pọ́ ansıgyı da aní Sísí Bulu ipán. M̀láláhá m̀lılafun aní m̀li m̀u ahá m̀lénya agyapadıe aḿú alalá yáı m̀u iwıegyi wankíhéto aḿu ıku. ¹³ Tsúfẹ́ m̀lálé anı tsú ọ́há aḿú ọ̀de oklúnsu gyi aḿu túmı ası, pọ́ anı ba m̀u Bı ọ̀dwe pọ́ aḿu iwıegyi aḿuto. ¹⁴ M̀u Bı ánfısu ọ̀lọtsun h́ọ́ anı, alası anı lakpan kíe anı ní.

Kristo Dón Tógyító

¹⁵ Ọ́haa tamawun Bulu, Kristoto ọ̀lẹ́lın ọ́wan. Ọ́bı ınu asa Bulu lóbwe tógyító, ọ̀dun Bulu ıto bwehé kugyíku. ¹⁶ M̀sú Bulu lótsun bwe tógyítóá ıb̀u ọ̀sú ḿwa ası. Ḿúá b̀utowun pọ́ ḿúá b̀utamawun fée, ọ́jéto awıe, ọ́ḿásúgyı túmı, atúmıpọ́, pọ́ ısu agyıpó fée. M̀sú Bulu lótsun bwe ọ́yí fée, pówá m̀u numnyam. ¹⁷ Ọ́bı ınu asa tógyító lefi ası. M̀sú ató aḿu fée ıde agyómá ýọ́ wá abato. ¹⁸ M̀gyı nwun há m̀u nyankpọ́sa-oyı, igyi ọ́pasua aḿu, ọ̀de ḿú nkpa ha. M̀légyankpá kúso tsú afúlító, ogyi tógyító nkpa ogyápu. ¹⁹ Tsúfẹ́ ıb̀u Bulu ọ̀dwe anı m̀u tsiátó fée b́etsıá m̀u Bı aḿuto. ²⁰ M̀sú Bulu lótsun yinkıa tógyító ba m̀u ıwı wá. Ọ̀lọtsun m̀u obugya aḿú ılọwulı ası bréá beada m̀u mántá oyikpalıhe aḿusu pọ́ iwılwii wá m̀wa tógyító nsıné. Ḿwa ıb̀u ọ̀sósó pọ́ ḿúá ıb̀u ọ̀sólósu fée.

²¹ Tekı m̀li é m̀lılédamlı ọ́ma há Bulu, m̀li gyı m̀u alupó m̀li asón susúhe pọ́ m̀li bwehé láláhe sù. ²² Táme séı á, ıtráa megyı alı. Kristo lóbwe nyankpọ́sa, olowu. Bulu lótsun m̀u oyikpalıhesu lowu aḿusu lá m̀li m̀u nyọ́ nsıné. Ḿú sù ifin pọ́ asıansu má m̀li ıwı, ọ́békpa m̀li ba m̀u ansıtó. ²³ Táme ilehián anı m̀lólóhọ́ asónsú ánfı gyi, líı kinkıínkín. M̀lımáha ab̀utse m̀li agywuın le ıto aḿú m̀lídé ḿú ọ̀kpa kú, asón wankláán aḿu lapóba m̀li aḿusu. Asón wankláán ánfı osúmpọ́ mı Paulo ngyi ní. Asón ánfı ọ́kan b̀udéda ọ́yıtó fée é ní.

* **1:7** M̀li ọ̀fansu b̀u nwóló dada aḿu akoto.

²⁴ Ibo mɛ ansigyí ání nde ipian wúun mli sɔ. Tsúfɛ nde iwɔsɔn ámóó Kristo lówun sian amɔ kɔ wúun ha mɔ ɔpasua, igyi mɔ nyankpɔsa-oyí ámɔ. ²⁵ Bulu lɔpɔ mɔ asón wankláán ámɔ wá mí íbɛtɔ, ání ndáa mó fɛé ɔkan suna mli, ampɔsum ɔpasua ámɔ. ²⁶ Ɔlɔpɔ asón ánfɛ ɲáín bímbí ɔpá, támɛ alalé mó ɔwan súná mɔ ahá séi. ²⁷ Ibo Bulu ɔdwe ání ɔbéle mó ɔwan súná mliá mlimégyí Yudafo. Asɔn ɲáínhé amɔ gyí, Kristo tsie mliɛ. Ibo íbíá, ibo numnyam é. Múdésuná ání abénɲa mɔ numnyam amɔ iko ní. ²⁸ Mɔ iwɛ asón anidé ahá fɛé bláa, anidé amó ɔlá da, pɔ nyánsa ámóó Bulu lahá anɛ ámɔ súná amó ató; ménɛ bófun, abékpa amó ba Bulu, amóa Kristo ikɔlebwetɔ. ²⁹ Inɛ sɔ nahíe ndeprí, pɔ Kristo túmí ámóó ibo mliɛ ámɔ yó agyómá ní.

2

¹ Ndekléa mlibú iprí ání ndeprí ɔwɔnlínsó, mliá ɔpasua ámóó ibo Laodikea pɔ ahá ámóó bɔmɔkówwun mli kɛ amɔ fɛé nwunsɔ. ² Nde mó bwe púwá amó ɔwɔnlín, abɔbwe kɔle, dwe aba, nu asón asɛ wankláán, ménɛ bónu Bulu asón ɲáínhé amóó igyi Kristo amɔ fɛé asɛ. ³ Kristotɔ Bulu lɔpɔ mɔ atonyahéa igyi mɔ nyánsa pɔ mɔ asónbɛ fɛé wá.

⁴ Nde mli asón ánfɛ bláa, ménɛ ɔhaa móɔpɔ asón ání ibo anulé kɔkɔ bɛmlé mli. ⁵ Ibo mótsá mɔ ífɔ mli wá, támɛ ntosúsu mli iwɛ brégyíbré. Ansí é ide mí gyí ání mliɛsie wankláán, mlií kínkíínkín Kristosɔ hógyitɔ. ⁶ Iníá mliłahɔ Kristo Yesu gyi ání mɔgyí mli Wíe sɔ á, mliɲɔ mósó mliá mɔnyɔ amlɔbwe kɔle. ⁷ Mli é mliłie lɛ kínkíínkín Kristo hógyitɔ, amlɔnya ɔwɔnlín tsu mliá mɔnyɔ ikɔlebwetɔ. Mliɲɔ mósó amlɔhɔ mɔ iwɛ asón ámóó bɔde mli suná, igyi ɔnɔkwali amɔ, fɛ alíá oyí nlin tɔyɔ ɔtótótótɔ, yódúnká ntsu há mó itedan, amlɔda Bulu ipán é brégyíbré.

⁸ Mlimáha ɔkpa ɔhaa ɔmle mli, pɔ mɔ ansítɛn móa afunu asón ání igyi amándíeá anyánpɔsa bɔwa kɔkɔ, itsú ɔɲé ntée túmíá ide ɔyí ánfisɔ gyí, imotsú Kristo wá beha amlɔmli mɔ nkɔpábi. ⁹ Tsúfɛ Kristotɔ Bulu tsiátɔ onutónutó ámɔ fɛé ibo nyankpɔsa ɔkpasɔ. ¹⁰ Iníá mliá Kristonyɔ mliłabwé kɔle sɔ mliłafɔn. Mɔgyí ɔhá ání ɔbɔ túmí ɔɲétɔ atúmipɔ pɔ isɔ agyípú fɛésú.

¹¹ Mliá mɔnyɔ ikɔlebwɛ sɔ aladínkí mli tsiátɔ dada amɔ lé mliɔ fɛ alí ámóó bɔtɛtɛn keté, dínkí awɔli lé mósó ámɔ. ¹² Bréa bɔbɔ mli asú á, bopulá mli tsiátɔ dada amɔ fɛ alíá bopulá Kristo; Bulu lókɔsúa mli ba nkɔpatɔ fɛ alíá ɔlókɔsúa Kristo, tsúfɛ mliłóhogyi ání Bulu bɔ túmí kósúa mɔ tsú afúlitɔ. ¹³ Tekɛ mli lakpan pɔ mli tsiátɔ dada amóó bɔmɔkódínkí lé mliɔ ámɔ sɔ mliłówwu fɛ ɔhá ání ɔmɔkótɛn keté. Támɛ séi á, Bulu lakósúa ania Kristonyɔ ba nkpa pɔpɔwetɔ, alasí anɛ lakpan fɛé kíe anɛ. ¹⁴ Ɔledínkí asón ámóó bɔwanlín wá Mose mblatɔ, ide anɛ ilá le ámɔ lé anisɔ, yéda mó mántá Kristo oyikpalíhe amɔsɔ. ¹⁵ Bulu lóswí ɔɲétɔ atúmipɔ pɔ isɔ agyípú túmí, ɔlekítá amó ndoun, lé amó ɔwan, wá amó pélitɔ, bré olegyi amósú Kristo oyikpalíhe amɔsɔ.

¹⁶ Mó sɔ mlimáha ɔhaa ɔle mli ilá mli atogyihe, mli atonuhe, nkegyí, ɔtsra pɔpɔwe nke, ntée Yudafo ɔkpónú ɔdaké aná sɔ. ¹⁷ Yiyí keke inɛ fɛé igyi há ató ámóó íbéba amɔ onutó. Mó onutónutó ámɔ lɛlin ɔwan Kristotɔ. ¹⁸ Mlimáha ɔkpa ɔhaa ɔmle mli amlɔba iwiasɛ sum Bulu-abɔpɔ, amlɔhɔli ipán ání Bulu lɛłie yái mli. Ní ɔbéle alawun tɔkɔ tsú mó iwɛ kóráá pɔ á, ɔyítɔ ansítɛn láhá mɔ ɔde iwɛ tsu. ¹⁹ Ɔhá ánfɛ odu lamáín iwɛ lé Kristo amóó ógyi ɔpasua ámɔ nwun ámɔsɔ. Tsúfɛ ɔpasua ámɔtɔ anɛ fɛé anilétsa abasɔ, Kristo amóó ogyi nwun ámɔ dé anɛ ɔwɔnlín wa, ménɛ abédan alíá Bulu déklé.

²⁰ Mliá Kristonyɔ lówwu. Mó sɔ mliłráa mlimá ɔyítɔ túmí kɔkɔ asɛ. Ntogyi sɔ mliłráa mliłé mbla ánfɛ anású gyí? ²¹ Bɛɛ, “Mágyi inɛ. Mápɔ ibɛ da inɛ, mátsu inɛ é!” ²² Ní bɔpɔ ntobí ánfɛ fɛé bwé ató tá á, iteyíntá. Anyánpɔsa onutó mbla pɔ

amó atosunáhé igyi. ²³ Anidé mbla ánfí kú fě tóá nyánsa bu mótó, íbéha abówa alé Bulu ansító, abéba íwiasí há mu, wá íwí osín aníaa íbéha abébi gyi íwísu. Táme ínı aná fěé íméetalí há aníméegyí íwísu.

3

Nkpa Pápwe Tsiá

¹ Mó su ní Bulu lakúsúa mliha Kristonyo ba nkpa pápwe to á, mliidunka atóá íbu osósú, otíné amóú Kristo tsie Bulu gyópísu ámu. ² Mliha agywun ínu ató íwí, megyí osulósú klé. ³ Tsúfě mliławú, Bulu lapó mliha Kristonyo nkpa onutó nájín muto. ⁴ Ekeá obéle Kristo amóú ogyi mli nkpa onutó ámu owan súná oyí á, eke ámu kén obéle mliha monyo owan mu numnyamto ní.

Tsiátó Dada Móa Pápwe

⁵ Mó su mli mto tsiátó dada amóú íbu mli to ámu. Mógyí; atsi móa ayin asónwa, ifintotsiá, owóli laláhe móa péli. Oyí ánfíto ató wankláán ímápe mli ansí, tsúfě onsípe igyi fě okpísúm. ⁶ Ntobi ánfí odu abwepósú Bulu tchíé nyá obló ní. ⁷ Mó aná mli tobwé bréá mli gyí omátófo ní.

⁸ Séi gyí bréá mléle obló, oblókpán, olu, abakpói, asokpan blí aná lé mli to ní. ⁹ Mli máwa afunu súná aba, tsúfě mli lasí mli tsiátó dada amu pó mó bwehé fěé. ¹⁰ Mli lalátsú tsiátó pápwe. Bulu gyí mó Obwepó, ode mó bwe pápwe lian mu íwí bré ánfí mli dé mu bi ánfí. ¹¹ Tsiátó pápwe anfi mó á, ímefáhun aní Griikiyin ntée Yudayin fúgyi. Fétin keté ntée fúmetin, okpótópo ntée okudasíyin, okpábi ntée odíhe fúgyi. Kristo gyí tógyító, obu amó fěétó.

¹² Mó su íniá Bulu lalé mli póbwé mu ahá aní amó íwí latin pó mu adwepó á, mliha nwewúun, awitolewa, íwiasíba, ílwií pó klonya itsia mli to. ¹³ Mli nya íklon ha aba. Ní oku mu ba benya á, mli sikie aba fě alíá Kristo lési mli klé kíé mli. ¹⁴ Móa ídun a, odwe tóbwé aní fěé íkule. Ibweé mli tati dídáhé. ¹⁵ Mliha Kristo iwílwii igyi mli klonsu, tsúfě mótó Bulu latí mli bowa; mliha mu nyankpósa-oyí ámu mli labwé kole ní. Mli da mu ípán é brégyíbré. ¹⁶ Mliha Kristo asón ámu íhe bula mli klonto, íha mli nyánsa. Mli putó kpla aba, suna aba ató. Mli wa Israelfó íbu, osankuosu íbu pó onjéto íbu mli klonto putu Bulu fua, puda aní Sí Bulu ípán. ¹⁷ Mli ató bwehé pó mli ason blíhé fěé íbwéé aní Wíe Yesu ídátó, amlipó ípán ha aní Sí Bulu tsun musu.

Akristofó Tsiátó

¹⁸ Aká, mli ba íwiasí ha mli akúlu alíá ílekanáa ha ahá aní bogyi Kristo klé. ¹⁹ Akúlu, mli é mli dwe mli aká. Mli mábwé amó kpóunkpoun. ²⁰ Abí, mli bu mli akwípó, tsúfě mó Bulu tekle ní. ²¹ Akwípó, mli máwa mli abí obló, méní íwí móowu amó. ²² Nkpábi, mli bu mli osulósú awíe tógyítóá mlóbweto. Mliha amó ansí igyi mli íwí brégyíbré, megyí amó ansító wule. Mli bwe mó tsú klonto, tsúfě mli to bú aní Wíe. ²³ Mli bwe tógyító tsu mli klonto, fě aní Wíe mli dé mó bwe há, megyí anyánpósa. ²⁴ Mli kain aní aní Wíe íbitó mlénia mli íkóká aní alalá yái mu abí. Tsúfě Kristo gyí Owíe aní mli désum. ²⁵ Táme ní fóbwe tóá íma ale a, obéka fú íkó, tsúfě otamakí ohaa ansító.

4

¹ Nkpábi awíe, mli pu tóá íbu alé, igyi onokwalí kpa mli nkpábi, tsúfě mli é mli bu Owíe osósú.

² Mli kíta mpaibótó. Mli idunka ansí íwísu, ípánda é itsia mli klonto. ³ Mli bó mpái ha aní é. Bulu ofinki okpa ha aní atalí da Kristo íwí ason nájínhé amu okan. Mó su nda obu ní. ⁴ Mli bó mpái mlihaa, ndáa mó okan wankláán, alíá ílehián.

⁵ Mlikɩ mlɩ nātɩto ɔmátɔfɔto. Ní ɔkpa ifinkí há mlɩ á, mlɩmáýintá mó. ⁶ Mlɩ ɩtɔɩ ɩwa anulé, ɩwa labi, ménɩ mlétalí lé ɔhagyíɔha asɔn fitéhé ɔnó wankláán.

Ikla

⁷ Anɩa opíó ɔdwepó Tihiko dé anɩ Wíe agyómá yɔ. Osúmpó ɔnɔkwaliɔvɔ ogyi. ɔbébláa mlɩ alíá mí ɩwɩ gyí fée. ⁸ Nawá mv mlɩ wá mbée, ɔbébláa mlɩ alíá anɩ ɩwɩ gyí, ɔwa mlɩ atetɔ-ɔnlɩn. ⁹ Mva anɩ pío ɔdwepó ɔnɔkwaliɔvɔ Onesimo, ogyi mlɩ pɩ amv ɔbéba bebla mlɩ asún ánɩ ɩlaba nfi fée.

¹⁰ Aristarko, mí bá ánɩ mía mvnyɔ anɩda obu ɔhá mlɩ itsiá. Alɩ kén Marko, ogyi Barnaba mv pio ámv é ɔhá mlɩ itsiá ní. Mliho Marko ɔfɔó wankláán, ní ɔlɔtsɔn ba mlɩ wá fée alíá nebláa mlɩ yái. ¹¹ Opíó Yesu, bɔtetráa tɩ mv Yusto é ɔhá mlɩ itsiá. Ahá abasá ánfɩ pé gyí Yudafoá mía amónyɔ anɩdé Bulu iwíegyi ámv ɩwɩ agyómá yɔ ní. Amó tékítá klɔn wá mí ɩwɩto ní.

¹² Epafra, otsú mlɩ wá, ogyi Kristo Yesu osúmbi amv é ɔhá mlɩ itsiá. ɔtehié bɔ mpái há mlɩ ánɩ Bulu ɔwáa mlɩ ɔwɔnlín, ɔha amlifɔn, amlitalɩ bwe Bulu apé kugyíko. ¹³ Nétalí gyí mv ɩwɩ adánsɩe ánɩ ɔhié ɔde agyómá yɔ mliá Akristofɔá bɔbɔ Laodikea pɔ Hierapoli ɩdátó. ¹⁴ Anɩ ɔdwepó Luka, ogyi ɩbɔ ɔtsapó mva Dema behá mlɩ itsiá.

¹⁵ Nehá anɩ apíó Laodikeafɔ ámv itsiá. Nehá Nunfa mva ɔpasua ámvú ɩbɔ mv wóyító amv é itsiá. ¹⁶ Ní mlekla ɔwɔlɔ ánfɩ súná ɔpasua ámv tá á, mliɔvɩsɩ Laodikeafɔ é. Mlikla amó klé ámvú nɔɔvɩsɩ amó ámv é. ¹⁷ Mliɩla Arkipo mliáa, ɔmɔó agyómá ámvú Bulu lɔɔwá mv ɩbɩto ámv ɔnó wankláán.

¹⁸ Mí Paulo, onutónutó lawá ɩbɩ ɔwɔlɔ ánfɩ asɩ. Mliámtan ánɩ nda obu. Bulu ogyíi mlɩ bɔale.

Ɔwulɔ Gyankpapɔá Paulo Lɔwanlín Sísí Tesalonikafɔ

¹ Mí Paulo, mía Silwano pɔ Timoteo dé ɔwulɔ ánfí wanlín sísí ɔpasua ání ígyi aní Sí Bulu mɔa aní Wíe Yesu Kristo klé, íbɔ Tesalonika wúluto.

Aní Sí Bulu mɔa aní Wíe Yesu Kristo bɔgyíi mlí bɔale, abɔha mlí iwílwii.

Tesalonikafɔ Hógyi

² Ní anidé mpáí bɔ há mlí brégyíbré á, anitédá Bulu ípán mlí fée nwunsɔ. ³ Anítetsiá káín aní Sí Bulu mlí hógyi gyumagyihe. Alíá mlídé mbódí bɔ dwé aba, pɔ alíá mlílatomi há mlí ansí dín aní Wíe Yesu Kristosɔ kínkíínkín. ⁴ Apíó, aníyin ání Bulu tɔdwé mlí, alalé mlí pɔbwé mɔ klé. ⁵ Tsúfée megyí ɔnó kɛkɛ anilópɔ bebláa mlí asɔn wankláán ámu. Mboún mlílówun Ɔɣé Wankíhé amu túmí é. Iní léha mlílébɔ wankláán ání asón ámu igyi ɔnɔkwali. Mlílówun tsiátó oduá anilópɔtsiá mlíto é, alíá íbóbɔa mlí sɔ. ⁶ Mlílékasí ania aní Wíe tsiátó. Tsúfée asón ámu sɔ mlílówun íwíɔsɔn tsɔtsɔtsɔ, táme mlílópɔ ansigyí ání itsú Ɔɣé Wankíhé wá hɔ mó. ⁷ Mó sɔ íleha ahógyipɔá bɔbɔ Makedonia ɔsulúsɔ pɔ Akaia ɔmátó fée beki mlí bwehé, buo mó. ⁸ Tsúfée megyí Makedonia pɔ Akaia wɔle aní Wíe asón ámu lekleeí tsú mlí wá yó. Mboún mlí Bulu hógyi asón é lakleeí yó ɔtínegyiɔtíne. Mó sɔ asɔnsɔ má inɔa abétrá blí tsú mó íwí. ⁹ Tsúfée amó onutó bɔde alíá mlílópɔkítá aní bréá aniléba mlí wá blí. Alíá mlílési íkpí súm ba mlídé Bulu Ɔkíankpapɔ Ɔnɔkwaliɔ amu mboún súm. ¹⁰ Pɔ alíá mlígyó bréá Bulu mɔ Bí Yesu ámuó ɔlɔkɔsɔa tsu afúlito ámu ɔbélatsú ɔsúsú bá. Mɔgyí ɔhá ání ɔde aní le tsú Bulu ɔbló ámuó íbá ámuɔ ní.

2

Paulo Tsiátó Tesalonika Wúluto

¹ Apíó, mlí onutó mliyin ání aní mlí wá bá mɔbwe kpaali. ² Mliyin alíá bɔwa aní amumɔyɔ, sɔpa aní Filipi wúluto asa aniléba mlí wá. Mliyin ání aku bɔmotsulá, behié kósó líí anisɔ; táme aní Bulu lɔwa aní ɔwonlín, anilébláa mlí asɔn wankláán ámu. ³ Tsúfée megyí afunu asón anidéblí. Mó sɔ nde mlí kokóli. Megyí agywun laláhe kuku ígyi, anímédé mlí mlé é. ⁴ Bulu lóhɔ anisɔ gyi, ɔlɔpɔ mɔ asɔn wankláán ámu wá aní íbɔ. Mó anidéblí ní! Megyí anyánpɔsa ansító anidéki blí mó, Bulu yin aní klɔntɔ. ⁵ Mlihié mliyin ání megyí ɔnó dédé anilópɔ ba mlí. Aníméba bɔwa afunu kuku é súná mlí, pónyá tɔku tsú mlí wá. Bulu gyí aní ɔdansiyin. ⁶ Anímódunká kanfó tsú nyankpɔsa ɔkuku, mlí, ntée ɔha bambá wá. Kristo sumbí ayɔpɔ anígyí. Mó sɔ tekí aníbu ɔkpa sí íwí tswí mlíɔ, ⁷ táme anilólwií há mlí, kí mlí fée alíá abí-oyín tekí mɔ onutó abísó. ⁸ Anítehié klé mlí asón. Mó sɔ megyí Bulu asɔn wankláán ámu nkɔle anilópɔ ba mlí, mboún anilési aní íwí é há mlí, tsúfée mlílamlí aní adwepó. ⁹ Apíó, yée mlékaín agyómá ání anilóyɔ ɔpa mɔa onyé pónyá tɔá ilehián aní? Alíá aníméesi ipian tswí mlíɔ bréá anidé Bulu asɔn wankláán ámu ɔkan da súná mlí sɔ anilóbwe mó alí.

¹⁰ Mlí ahógyipɔ amu pɔ Bulu gyí aní adansífo alíá anilópɔtsiá mlíto. Aní íwí letin, aní asón da ɔkpa, ɔlala é metsiá aní íwí. ¹¹ Mliyin ání anilékpá mlíto okugyiɔku fée alíá abí-ɔsí tekpá mɔ abí. ¹² Anilówa mlí atetɔ-ɔnlín, lwíí mlí klɔn, tóí kplá mlí aniaa, mlítsiá tsiátóá ilegyi Bulu ansí. Mlétí mlí ɔbée, mlíbénnya mɔ iwíegyi pɔ mɔ numnyam amu íku.

¹³ Tɔá sɔa anitédá mɔ ípán brégyíbré é gyí, bréá anilópɔ mɔ asón ámu ba mlí á, mli mótsu mó ání nyankpɔsa wá itsú. Mboún mlílóhɔ mó ání lélé, itsú Bulu wá; tsúfée mó Bulu dépɔyɔ agyómá mlí ahógyipɔ amuɔ ní. ¹⁴ Apíó, mlílamlí fée Bulu

ɔpasua ání ɪbɔbɔ Yudea ɔmátó, bɔgyi Kristo Yesu klé amɔ. Mlɪlɔwun ipian mɪ pɪ ɪbɪtɔ, fé alɪ ámúú amú é bowun ipian amú pɪ Yudafɔ ɪbɪtɔ ámɔ. ¹⁵ Yudafɔ lómɔ Bulu ɔnósú atɔ́pú pɔ anɪ Wíe Yesu. Amú kén lagya anɪ lé ɔmá ámɔtɔ. Bɔtamakle ahá asón, bɔtamagyi Bulu ansí. ¹⁶ Bɔkɔsú líí anɪsɔ ká anɪ itin bɛɛ, anɪmábla ahá ání bɔmegyí Yudafɔ nkpaḥó asón ámɔ, Bulu ɔḥɔ amú nkpa. Inɪ bwe lahá amú lakpan labiayi. Mó sɔ ilahá Bulu lanyá ɔbló, ɔbébɪtí amú ɪsɔ.

Paulo Lékléd ɔbélayéki Tesalonikafɔ

¹⁷ Apíó, anɪlénatí mɪ wá ɔpá anɪmókúsí mɪsɔ kaín. Mó sɔ anɪhíé anɪdé ɔkpa dunká ání abéla bowun mɪ ansító, tsúfé anɪdé mɪsɔ kaín dɔbɪ. ¹⁸ Anɪlékléá abélaba mɪ wá. Mí Paulo onutó ó nabwé agywun ání néyinkí bá ɪnɔ ita tsefinɪ, támɛ ɔbɔnsám méha ɔkpa. ¹⁹ Ma sɔ anɪ ansí dɪn? Megyí mɪ sɔ ansí dɛ anɪ gyí ání abénýa ɔkpa tsú ɪwɪ anɪ Wíe Yesu ansító bréá ɔbéba? ²⁰ Lélé mó á, mɪgyí anɪ numnyam pɔ anɪ ansigyí.

3

Timoteo Tesalonika Yɔ

¹ Mó sɔ bréá anɪmébí alɪá mɪ tsiátó igyi, ɪdɛ anɪ háan a, anɪlɔbwe agywun anɪaa, anɪ mó abétsiá Atene wúluto, ² awa anɪ pío Timoteo, ogyi anɪ Bulu agyómáyɔbá Kristo asɔn wankláán ámɔ ɔkandatɔ sɪsɪ mɪ, ɔbɔwa mɪ ɔwɔnlín. ɔtɔi kpla mɪ amlɪlɪ kɪnkíínkín hógýitɔ, ³ ménɪ mɪtɔ ɔkɔkɔ méeyinkí ɔma asɔn wunhɛ anfi sɔ. Mɪ onutó mɪyin ání igyi tóá ɪda yaí há anɪ Akristofɔ dodo. ⁴ Tsúfé bréá anɪbɔ mɪ wá á, anɪlébláa mɪ ání bédɪnká mɪsɔ. Lélé bédɪnká mɪsɔ fé alɪá mɪyin. ⁵ Inɪ sɔ bréá netsiá mmetsiá á, nɔwa Timoteo mɪ wá mbéɛ, ɔbékɪ alɪá mɪlédé hógýi amɔtɔ. Tsúfé ɪbétalí ba ání ɔbɔnsám lasɔ mɪ kɪ, há anɪ gymagyiɪɛ labwé kpaalɪ.

⁶ Timoteo layínkí pɔ asɔn wankláán tsúa mɪ wá ba anɪ séi, tsú mɪ hógýi pɔ mɪ abadwe ɪwɪ. Alabláa anɪ ɔbéɛ, mɪ é mɪlédé anɪsɔ kaín dɔbɪ. Mɪlédékléá mlɔwun anɪ, fé alɪ ámúú anɪ é anɪdékléá abówun mɪ ámɔ. ⁷ Mó sɔ apíó, mɪ hógýi lawá anɪ atɛtɔ-ɔnlɪn, anɪ ipian pɔ anɪ asɔn wunhɛ féétó; ⁸ tsúfé mɪlíí anɪ Wíe hógýitɔ kɪnkíínkín. Mó sɔ anɪ klɔn ládí anɪ asɪ. ⁹ Ipán mɔmɔ abókɔkɔ da Bulu mɪ sɔ, ansíá ɪdɛ anɪ gyí mɔ ansító sɔ? ¹⁰ Anɪtehíé bó mpái kókóli Bulu ɔpa móa onyé anɪaa, ɔhá ayinkɪ bowun mɪ, ménɪ abósuná mɪ tóá ɪbéha mɪ hógýi bófun.

¹¹ Anɪ Sí Bulu onutó mɔa anɪ Wíe Yesu bɔfɪnkɪ ɔkpa ha anɪ aba mɪ wá. ¹² Anɪ Wíe ɔhá mɪ apíó aba pɔ ahá féé dwe ɔnɔ ɪwa ɔnlɪn, fé alɪ ámúú anɪtɔdwé mɪ ámɔ. ¹³ ɔwá mɪ ɔwɔnlín, ménɪ anɪ Sí Bulu omóowun ɔlala mɪ ɪwɪ, ifin kɔkɔ é méetsiá mɪ ɪwɪ mɔ ansító, anɪ Wíe Yesu mɔa mɔ ahá féé ɔbáke amɔ.

4

Tsiátóá Ilegyi Bulu Ansí

¹ Apíó, ɪtráhe a, anɪlósuná mɪ tsiátó, ménɪ Bulu ansí bégýi mɪ ɪwɪ. Lélé mó á, alɪ mɪ tsiátó gyí ní. Séi á, anɪhíé anɪdé mɪ kókóli anɪ Wíe Yesu dátó anɪaa, mɪlbwéé mó dɔn alɪ. ² Tsúfé mɪyin mɪla ámúú anɪlɔwa há mɪ anɪ Wíe Yesu ɪdátó ámɔ. ³ Bulu dékléá mɪlháa mɪ ɪwɪ ɪtɪn. Mó sɔ mɪmáwa atsi móa ayin asón. ⁴ Mɪtɔ okugýíɔkɔ ɔbí alɪá ɔbékitá ɪwɪ, ɪwɪtɪn pɔ obú ɔkpasɔ. ⁵ Imábwe ɔwólɪ laláhe ɔkpasɔ, fé alɪá ahá ání bɔmeyín Bulu bɔtɔbwé. ⁶ Mɪtɔ ɔkɔkɔ másisií mɔ ba, swíí mɔ mɔ ka. Tsúfé anɪ Wíe ɔbébɪtí ahá ání bɔtɔbwé mó odu ɪsɔ. Anɪdé mɪ ɔlá da, fé alɪá anɪlókɔ bláa mɪ yáí. ⁷ Tsúfé Bulu méti anɪ ɔbéɛ, abá bɔtɔ mbɔa; mboún ɔbéɛ, ifin kɔkɔ mátsiá anɪ ɪwɪ. ⁸ Mó sɔ ɔhagyíɔha ání omegyi atosunáhé anfi sɔ á, megýi nyankpɔsa omédébu. Mboún Bulu ámúú ɔlɔpɔ mɔ ɔḡɛ Wankíhé há mɪ ámɔ.

⁹ Imehián ání abówanlín asvansu tsú mli aba akristofɔ dwe iwɪ sísí mli. Tsúfɛ Bulu onutó lasúná mli alíá mli dwé mli aba dododo. ¹⁰ Onəkwalɪ a, mli dé apíó ahógyipɔ́ bá bɔ́bɔ́ Makedonia ɔ́mátɔ́ fɛ́é dwe dodo. Mó sɔ́ apíó, anidé ipa bwií há mli aníaa, mli tráa dwe aba dɔ́n alí. ¹¹ Mli pɔ́dinka iwɪsɔ́ aní mli tsiátɔ́ wankláán. Mlɔ́pɔ́ mli ibi yó agyómá pókɪ mli iwɪsɔ́, fɛ́ alíá anilébláa mli, ¹² ménɪ mli ahá aní bomegyí ahógyipɔ́ mli tsiátɔ́ wankláán, mli méetrá pɔ́ ansí dínká ɔ́haasɔ́.

Anɪ Wíe Yesu Yínkí Bá

¹³ Apíó, anidéké aníaa mli bɪ́ ɔ́nəkwalɪ aní ibɔ́ Akristofɔ́ bá bawú iwɪ, ménɪ mli méetsiá gyi awirɛ́hɔ́ fɛ́ ahá aní amó ansí mɛ́dín tɔ́tɔ́sɔ́. ¹⁴ Anilóhogyi aní Yesu lówu kósó tsú afúlítɔ́. Alí kén anilóhogyi aní Bulu ɔ́békpa ahá amó bɔ́hɔ́ mɔ́ gyi asa bowu amó ba nɪ.

¹⁵ Anɪ Wíe onutó atosunáhé anidé mli suná séi á. Anɪ ahá aní anítráa anitsie nkpa asa anɪ Wíe ɔ́báke ibófɔ́n a, aníméegya awupó amó nkpa yéfia mɔ́. ¹⁶ Tsúfɛ anɪ Wíe ɔ́bókplón túmisɔ́, Bulu-ɔ́bɔ́pɔ́ dɛ́hɛn ɔ́béle ɔ́nó, bófɔ́lɪ Bulu ɔ́kpe é bréá anɪ Wíe onutó dékplí tsú ɔ́sósɔ́ ɔ́bá. Ahógyipɔ́ bá bawú bégýankpá kósó. ¹⁷ Mɔ́ ɔ́ma a, anɪ akiankpapɔ́ é fɛ́é abóyɔ́tɔ́ amó nwulótáatɔ́, anɪ fɛ́é abéyefia anɪ Wíe afútɔ́. Tsú eke amó a, abétsiá anɪ Wíe wá bré fɛ́é. ¹⁸ Mó sɔ́ mli pɔ́ asón anfi kíta ɪklɔ́n wa aba iwɪtɔ́.

5

Iwɪsɔ́da Gyo Anɪ Wíe Ibá

¹ Apíó, imehián aní abówanlín bré pó ekeá asón anfi ibéba sísí mli. ² Tsúfɛ mli onutó mliyin aní anɪ Wíe ɔ́báke amó ibéba bofwie anitɔ́, fɛ́ alíá owikplu tɛ́ba onyé. ³ Bréá ahá bɛɛ, “Owí latá, asón latá” á, alí bré amó bɛ́hɪ ní. Ibófwie amótɔ́ fɛ́ alíá ɪkwí tɛ́kan ɔ́tsɪ ɔ́tsáwɔ́le pé. ɔ́haa mɛ́edali mótɔ́. ⁴ Táme apíó, mli mó mliyin asón anfi. Mó sɔ́ mli métsié oklúntɔ́, ménɪ eke amó méeba bofwie mli tɔ́ fɛ́ owikplu. ⁵ Wankɪ móa ɔ́yi kehɛtɔ́ abí mli fɛ́é mli gyí. Megyí onyé ntée oklúntɔ́ abí anigyí. ⁶ Mó sɔ́ mli ha agyo, anímádídɪ fɛ́ aha bambá. Mli ha adinka ansí iwɪsɔ́, akɪ iwɪsɔ́ wankláán. ⁷ Onyé, adídípɔ́ bɔ́tɛ́dídɪ. Onyé, nta abɔ́pɔ́ é bɔ́tɔ́bɔ́ ntá. ⁸ Táme anɪ mó á, wankɪtɔ́ abí anigyí. Mó sɔ́ mli ha agyi iwɪsɔ́. Mli ha Kristo hógýi pó anɪ abadwe ibwe kántɔ́-atíntɔ́ tin anɪ kántɔ́. Mɔ́ ɔ́kpakɪ aní ɔ́bóhɔ́ anɪ nkpa ibwéé kutɔ́pa aní ibun anɪ nwun. ⁹ Megyí alíá Bulu obénýa ɔ́bló wa anɪ, bítɪ anɪ isɔ́ sɔ́ ɔ́lele anɪ. Mboún alíá ɔ́bótɔ́n anɪ Wíe Yesu Kristosɔ́ hɔ́ anɪ nkpa sɔ́. ¹⁰ Kristo lówu há anɪ, ménɪ mɔ́ bábi a, ní anilawú o, anibɔ́ nkpa o, ania mɔ́nyɔ́ abétsiá. ¹¹ Mli pɔ́ asón anfi kíta klɔ́n wa aba iwɪtɔ́, pɔ́wa aba ɔ́wɔ́nlín, fɛ́ alíá mli dé mó bwe dodo.

Ikla

¹² Apíó, abwí ipa há mli, mli bu mli ɔ́nó alípɔ́a bɔ́híé bɔ́de agyómá yɔ́ mli tɔ́, bɔ́de mli anɪ Wíe tsiátɔ́ suná. ¹³ Gyoma amó bɔ́degyí amó sɔ́ mli hɛ́ bu amó, amlídwɛ amó. Iwilwii itsiá mli mli aba nsúné.

¹⁴ Apíó, anidé mli ɔ́lá da aníaa, mli tɔ́ kplá awɔ́liyɔ́pɔ́. Mli wa afúpɔ́ atɛ́tɔ́-ɔ́nlín. Mli bɔ́a amó bá pɔ́n, amlinya klɔ́n ha ɔ́hagyíɔ́ha. ¹⁵ Mli kɪ aní ɔ́haa mó ɔ́pɔ́ lalahɛ ká mɔ́ ba ɪkɔ́. Mboún mli bwe yilé há aba pó ahá fɛ́é.

¹⁶ Ansí igyí mli, ¹⁷ amlí bɔ́ mpái brégyíbré. ¹⁸ Mli da Bulu ipán tógýítótɔ́. Mógýí tɔ́á Bulu dédunká tsú mli wá mli nkpatɔ́, bré anfi mli Kristo Yesunýo mli labwé ɪkɔ́le anfi ní.

¹⁹ Mli mákiná tɔ́á ɔ́hɛ Wankíhé amó tekle bwe.* ²⁰ Mli mábu Bulu ɔ́nósó atɔ́pɔ́ asón amó tɔ́kɔ́ odu. ²¹ Mli sɔ́ tógýítɔ́ kɪ, amlíkíta móa ibɔ́ alétɔ́ kínkínkín. ²² Mli kina lalahɛ kugyíko.

* **5:19** Ntée Mli mádun ɔ́hɛ Wankíhé ogyá amó.

²³ Bulu téhá anɪ iwɪlwii. Ɔtɪn mɪ ɪwɪ ɔkpagyɔkpasɔ. Ɔkɪ mɪ nyankpɔsa-oyɪ, mɪ ɔɲé pɔ mɪ ɔklásɔ tsú lalahɛ kugyíkɔtɔ, ménɪ ɔlala méetsiá mɪ ɪwɪ anɪ Wíe Yesu Kristo ɔbáke amɔ. ²⁴ Bulu létɪ mɪ. Ɔnɔkwalɪpɔ ogyi, ɔbɔbwe mó.

²⁵ Apíó, mɪbɔ mpáɪ ha anɪ é.

²⁶ Ahá ahógyipɔ amɔ fée itsiá gyágyáágyá. Mɪlata aba puta ɔdwesɔ.

²⁷ Nde mɪ bláa anɪ Wíe ɪdátɔ mbée, mɪkla ɔwɔlɔ ánfɪ suna ahógyipɔ amɔ fée.

²⁸ Anɪ Wíe Yesu Kristo ogyíi mɪ bɔale.

Ɔwulɔ Nyɔɔsiá Paulo Lɔwanlín Sísí Tesalonikafɔ

¹ Mí Paulo pɔ Silwano mɔa Timoteo dé ɔwulɔ ánfɔ wanlín sísí ɔpasua ání ibu Tesalonika wúlutɔ, mligyí anɔ Sɔ Bulu mɔa anɔ Wíe Yesu Kristo klé.

² Anɔ Sɔ Bulu mɔa anɔ Wíe Yesu Kristo bɔgyíi mli bualɛ, abɔha mli iwilwii.

Ipánda

³ Apíó, ilehián ání abéda Bulu ipán mli nwunso brégyíbré. Tsúfɛ mlidédáan hógyitɔ tsía. Ɔdweá mliɔ ha aba é demoní tsía. ⁴ Mó sɔ anɔtɔpɔ mli tsú iwɔ Bulu ɔpasua kugyíku ansítɔ; mli nsiwa pɔ hógyiá ibu mliɔ, bɔdɔn mliɔ, isókɔ dé mli tɔ, mliɔlatomi sɔ.

⁵ Inɔ déɛ súná ání Bulu asóngyí da ɔkpa. Tsúfɛ obótsu mli ání mliɔlafɔn ha mɔ iwíegyi ámúú mliɔdé ipian wúun mó sɔ ámúú yɔ. ⁶ Ɔnɔkwaliɔ Bulu gyí. Ɔbéka ahá ámúú bɔde mli iwɔsintɔ wa ámu akɔ. ⁷ Ɔbéha iwɔ bɔlwií anɔa mli ání mliɔdé iwɔsin wúun, eke ámúú anɔ Wíe Yesu ɔbékplí tsú ɔsúsú beɛ iwɔ ɔwan mɔa mɔ abɔpu atúmipɔ amɔ. ⁸ Ogya plenplentɔ ɔbéba bebití ahá ámúú bɔmeyín Bulu* ámu isɔ. Tsúfɛ bɔtamapɔ anɔ Wíe Yesu iwɔ asɔn wankláán ámu bwé tɔtɔ. ⁹ Amó isɔbití gyí, amúú anɔ Wíenyɔ nsiné bɔwa ifɔ, mɔ túmɔ mɔɔwankí wólí amúsú, obéyintá amó bré fɛétɔ. ¹⁰ Isɔbití ánfɔ ibéba eke ámúú ɔbéba, Bulu ɔbɔwa mɔ numnyam aha wankíhé ansítɔ. Ifú békítá ahógyipɔ. Mli é mliɔtsiá amótɔ, tsúfɛ mliɔlɔhɔ mɔ iwɔ adánsi ámúú anɔlégyí suná mli ámuɔ gyi.

¹¹ Mó sɔ anɔtɔbɔ mpái há mli anɔaa, Bulu ɔhá amlɔfɔn nkpa ámúú ɔletɔ mli ɔbéɛ, mliɔbétsiá ámuɔ. Mɔ túmɔ iháa amlɔtalɔ bwe yilé ání mliɔdékléá mliɔbwe, pɔmɔ mli hógyi agyómá ɔnɔ. ¹² Ní mliɔtálí bwé inɔ á, mli sɔ ahá bɔpu numnyam há anɔ Wíe Yesu, mɔ é ɔbɔwa mli numnyam; fɛ alɔ ámúú anɔ Sɔ Bulu mɔa anɔ Wíe Yesu Kristo awɔtɔɛ gyí ámu.

2

Yesu Mɔa Mblasɔ Mágyípɔ Amɔ

¹⁻² Mí apíó, nobwíi ipa há mli. Anɔ Wíe Yesu Kristo ibá, pɔ alɔ abɔbwe kule yéfia mɔ asɔn ání mliɔlanú imákɔsí kpínkí mli klɔn, ntéɛ ihɔ opúni itsii mli. Ní aku beɛ, Ɔhe Wankíhé lalé súná amó lóó, ntéɛ ibu anɔ asɔn blihé ntéɛ anɔ ɔwulɔ kɔtɔ ání anɔ Wíe ɔbáke amɔ laba dodo kóráá á, mliɔmáhogyi. ³ Mliɔmáha ɔhaa ɔmle mli ɔkpagyiɔkpasɔ. Eke kpɔnkpɔntɔ ánfɔ iméɛba, nkétɔ ahá bakósú líí Bulusɔ, ɔhá ámúú ɔtamagyi Bulu mblasɔ, ɔbéhi ámu lalin ɔwan asa. ⁴ Obótsu iwɔ fúá, kósú líí Bulu, ikpɔ pɔ tógyítá anyánkɔpɔsa bɔtosúmsú, bli ání ɔdɔn amó fɛé. Obéyetsiá Bulu ɔtswékpa inɔ kóráá, bli ɔbéɛ mɔgyí Bulu.

⁵ Mliɔmókókáin ání ntebláa mli asɔn ánfɔ bréá mɔ mli wá? ⁶ Mliyin tɔá ide mɔ ɔkpa tíin dodo. Nkétɔ mɔ ɔwanlebiɔ lafɔn. ⁷ Tsúfɛ Bulu mblasɔmágyi túmɔ ánfɔ ide agyómá yɔ nɔaintɔ dodooɔ, támɛ ɔku dé mó ɔkpa tíin. Mó sɔ nkétɔ ɔhá ámu ladáli inɔ. ⁸ Inɔ mblasɔ mágyípɔ amɔ ɔbélin ɔwan ní. Támɛ anɔ Wíe Yesu oyínkí ba a, mɔ ɔnótɔ afú keke ibómɔ mɔ, mɔ numnyam é ibɔwankí wólí mɔsɔ yíntá mɔ. ⁹ Ní mblasɔ mágyípɔ anɔ ɔlin ɔwan á, ɔbɔpu Satan afunu túmɔ kpɔnkpɔntɔ bwé osúna pɔ ofúla. ¹⁰ Ɔbótsɔn owuntɔlin ɔkpa ɔtsan-ɔtsansɔ mli ahá ámúú Bulu ɔbéhi amó ámu. Bulu ɔbéhi amó, tsúfɛ bɔmekle ɔnɔkwali amɔ asɔn, ménɔ Bulu ɔbóhɔ amó nkpa. ¹¹ Inɔ sɔ Bulu ɔbɔpu afunu ɔhéá mó ɔnɔ bɔ ɔnlin wá amótɔ, ménɔ bóhɔ afunu asúnsú gyi. ¹² Ɔbéha ahá ánfɔ bɔmɔhɔ ɔnɔkwali amɔsɔ gyi, bɔtekle lakpan bwe ánfɔ fɛé ipón.

* **1:8** Bɔmeyín Bulu, tsúfɛ bɔmeki mɔ.

Mli Nkpahɔɔ Sɔ Bulu Léle Mli

¹³ Apíóá aní Wíe tɔɔwé, ilehián aní abéda Bulu ipán mli nwunsu brégyíbré. Tsúfɛ tsú bréá ɔyí lɛlɛn ɔpá Bulu léle mli aní ɔbɔtsun mu ɔhɛ ámu pú mu ɔnɔkwali asón ámuú mli lahogyi amusu tun mli iwi, póhɔ mli nkpa. ¹⁴ Iní sù ɔlɔtsun asun wankláán ámuú anilébláa mli ámusu tí mli ɔbéɛ, mlibétsiá aní Wíe Yesu Kristo numnyam amuto ní. ¹⁵ Mú sɔ apíó, mli kinkíínkín, amlíkita ɔnɔkwali amú anilósuná mli ámuɔ, múá anilébláa mli pú múá anilówanlín sísí mli fɛé.

¹⁶⁻¹⁷ Aní Wíe Yesu Kristo onutó mba aní Sí Buluá ɔtɔɔwé aní, alawá awitɔle wá aní atetɔ-ɔnlín aní umóomɔ ɔnɔ ekekekɛ, anidé itɔ wankláán ɔkpa kú, ɔwáa mli ɔwonlín mli asun blíhé pú mli bwehé kugyíkɔ.

3

Mpáibɔ

¹ Itráhe-tráhe a, apíó, mlibɔ mpái ha aní. Aní Wíe asón ámu ikósi kɛi. Ahá abɔpu obú hɔ mú fɛ alí ámuú mli é mli lóhɔ mú ámu. ² Mlibɔ mpái, Bulu ɔle aní tsu awuntɔlɛnpu pú aha laláhe ibitɔ. Tsúfɛ megyí ahá fɛé lóhɔ aní Wíe gyi.

³ Táme aní Wíe bu ɔnɔkwali. ɔbɔwa mli ɔwonlín, hɔ mli lé lalahɛ ɔbwepú ámu ibitɔ. ⁴ Aní Wíe lahá anilahogyi aní mli dé ntobí ámuú anilósuná mli ámu fɛé bwe, mli méesi bwe é.

⁵ ɔkpáa mli, amlinu ɔdweá Bulu bu así yɔ ɔtótótó, ɔha amlitomi fɛ Kristo.

Tsiátɔ Wankláán

⁶ Apíó, anidé mli ɔlá da aní Wíe Yesu Kristo idátó aníaa, mli mápu Akristofɔ ámuú buna bɔdetsún, bɔtamakle agyómá, bɔmedé atosunáhé amúú anilósuná mli ámusu gyí wa mba. ⁷ Mli onutó mliyin aní ilehián aní mlétsiá aní atsiábi. Tsúfɛ animówa ɔwɔliyɔ, náti tsuntsun bréá anibɔ mli wá. ⁸ Animégyi atɔ ɔhaa wá, kíná mú ikɔ ka. Mboún anilóyɔ agyómá ɔpa múa onyé kinkíínkín, méní animéesi ipian tswi mli ɔkɔkɔkɔkɔ. ⁹ Megyí bɛɛ, animá ɔkpa bláa mli aníaa, mli kú anisɔ, sù anilóbwe mú alí. Mboún anilóbwe mú súná mli, méní mli é mlóbwe mú odu. ¹⁰ Bréá anibɔ mli wá kóráá á, anilówa mbla há mli aníaa, “ɔhá aní ɔmɔyɔ agyómá mágyi atɔ.”

¹¹ Anílanú aní mli ɔkɔ bɔtsie kpaali, bɔmedé agyómá kɔkɔkɔ yɔ. Okéngyé buna bɔdewa tsun. ¹² Anidé amú ɔlá da aní Wíe Yesu Kristo idátó aníaa, bɔsí náti tsun, abɔyɔ agyómá nya amú atogyihe.

¹³ Táme apíó, mli mú á, yilébwe imáta mli ɔhɛ. ¹⁴ Ní ɔkɔ mégyi asón ánfí anilawánlín sísí mli ánfisɔ á, mli kú mu wankláán. Mli mɔnyɔ mli mágyi mba, méní péli békítá mu. ¹⁵ Táme mli málu mu, mboún mli ɔi kpla mu fɛ mli pío.

Ikla

¹⁶ Iwilwii Owíe amú onutó ɔhá mli iwilwii bré fɛétɔ ɔkpagyíɔkpasu. Aní Wíe otsiá mli fɛé wá.

¹⁷ Mí Paulo onutó lapú mí ibí wanlín ín. Mí dá ánfí ntɔwánlín wá mí nwɔlɔ fɛé así, púsúná aní itsú mí onutó wá ní.

¹⁸ Aní Wíe Yesu Kristo ogyí mli fɛé buale.

ᾠωυλό Gyankpapuá Paulo Lówanlín Sísí Timoteo

Itsiáha

¹⁻² Mí Paulo ání aní Nkpa Ḑhópu Bulu mva Kristo Yesuá aní ansí dín mvsu lóbwε mí sumbí ɔyɔpó, dε ɔwυλό ánfí wanlín sísí fú Timoteo ání fúgyi mí bí onutó Yesu hógyi amótó.

Aní Sí Bulu mva aní Wie Kristo Yesu bogyi fú buale, abuwun fú nwε ha fú iwílwii.

Afunu Atosunáhé

³ Bréá ndenatí nɔyó Makedonia nsáintó á, nebláa fú mbée, futsía Efeso ɔmátó, afuka ahá ámúú bude afunu ató suná ámu itín. ⁴ Mú ɔma a, da amú alá abusi bré yintá há ɔtewa pó anáin ilíntó kláa títítíntín. Nwéengyí keke itópóba. Itamahá ahá abutsia nkpa Bulu hógyitó. ⁵ Tóá sɔá aníaa fukáa amú itín gyí, aláá Okristoyin okugyíáku ɔbódwε mu ba, mu klɔn méeha mu ipón, obénnya agywun wankláán mva hógyi onutó. ⁶ Aku bumobuo alí ɔkpa ánfí. Mú sɔ bafwí yó bude asón ání uma así blí. ⁷ Budekléá bóbwε Mose mbla asunápó, táme bumédé itó ámúú budesuná ámu así nu. Idε amú bwε fé buyin mó, táme bumeyín mó.

⁸ Aníyin ání mbla ámu bu alé, ní bɔpúsúná ató ɔkpa wankláánsó. ⁹ Táme iwánkí aní ání megyí yilé abwεpó sɔ Bulu lówa mbla ámu. Mboún ahá ání butamagyi mósú, ahá ání amú asótó bu amú ɔnlín, ahá ání butamanyá mu ifú, lakpan abwεpó, ahá ání amú iwí métn, ahá ání butɔkpóí Bulu, ahá ání butómó amú akwíípó pó aha bambá, ¹⁰ mbua atópó, ayin ání butekle amú aba ayin pó atsiá butekle amú aba atsi, anyánpósa ibíá agyíípó, afunupu, ahá ání beká ntam butamagyi mósú pó tsiátóá imekanáa atosunáhé wankláán ámúú ¹¹ Bulu Onumnyampu, ikanfó gyi mu kle amu lópuhá mí ɔbée, ndáa mó ɔkan amu.

Bulu Paulo Bvaleyí

¹² Nedá aní Wie Kristo Yesu ipán ání alawá mí ɔwυnlín, bú mí ɔnɔkwaliɔ ɔbée, nyóo agyómá ánfí pɔsum mu. ¹³ Tekí míteblí mu iwí asun laláhe, ntedínká mu ahásu, sɔpa amú ní. Táme olowun mɔ nwε, tsúfé mmɔhɔ mu gyi alí bré ámútó, mmeyín tóá ndεbwε é. ¹⁴ Oo, hie kí aláá ɔhíé ɔbu awítóle! ɔleha mí nenyá mu hógyi pó mva mí abadwεá ibu ania Kristonyɔ ikulebwεtó. ¹⁵ Asón ánfí ibu mótó, ilehián ání ɔhagyíɔha ɔbóhɔ mósú gyí. Múgyí, Kristo Yesu léba ɔyító beke lakpan abwεpó. Mígyí amótó ɔlaláhe ní. ¹⁶ Táme ínɔ sɔ Bulu lówun mɔ nwε, há Kristo Yesu léle mí ánfí ngyi lakpan ɔbwεpó kpɔnkpɔnkpɔntí ánfí ní. Ménɔ ɔhagyíɔha ɔbébɔ ání Bulu tɔhíé nyá klɔn há ɔhá ání ɔbéba bɔhɔ mu gyi, nyá nkpa ání itamatá. ¹⁷ Mliha awa Bulu numnyam, akanfú mu aníaa, “Fúgyí Owíéá fú iwíegyi tamamó ɔnó. Bulu ɔkukúnú ɔkule, butamapó ansíbi wun fú. Fubu ino bré féé, futamawú! Amen.”

¹⁸ Mí bí Timoteo, ató ámúú Bulu léle súná tsú fú iwí ámu sɔ ndε mbla ánfí wa há fú. Pɔ asón ánfí yɔ agyómá, afupɔkɔ atosunáhé wankláán ámu nwunsu. ¹⁹ Kita fú hógyitó. Bwε tóá fuyin fú klɔntó ání ibu alé, tsúfé aku babwé tóá buyin ání uma ale. Mú sɔ ilahá amú hógyi lawú. ²⁰ Amótó aku gyí Himeneo mva Aleksandro. Napó amú wá ɔbunsám ibító. ɔbítí amú isɔ, ménɔ bébíá mehián ání féblí Bulu iwí abususu.

2

Bulusúm Mbla

¹ Itóá ndedunká ání mligyánkpa bwe gyí, mlikokoli Bulu ahá fée nwunsu, amlibó mpái ha amó. Mlikoli Bulu ató há amó, amlida mu ipán ohagyísha nwunsu. ² Ilehian ání mlóbwe mó alí há awíe pú ahande é, méní asoto bólwií aní, abétsiá iwilwiitó, atalí sum Bulu okpagyíokpasu. ³ Iní búb alé, aní Nkpa Ohóp Bulu tekle ní. ⁴ Tsúfé odekléá obóhó ahá fée nkpa, méní bébí onokwali amu. ⁵ Bulu okukónú okule bu inu. Nsiné olapó okule pé é bu Bulu mu anyánpósa nsiné. Múgyí Kristo Yesu, ogyi nyankpósa amu. ⁶ Mólési mu nkpa há póhó ahá fée nkpa. Asón ánfí Bulu lópohá oyí fée mó bré wankláántó ní. ⁷ Onokwali nde mli bláa, mmédé afunu wa. Iní sù Bulu léle mí obéé, mbwée mu asón okan odapó, mu sumbí oyopó pú osunápó ha ahá ání bomegyi Yudafo, mí ambla amó onokwali asón tsú Yesusu hógyi iwí ní.

⁸ Ndekléá opasua kugyíkuto á, ayin ání amó iwí letin butsúu ibí fua bó mpái. Oblo ntée nwéengyí mátsiá amótó. ⁹ Atsi ámu é budida tati okpa wankláánsó. Amó ató didáhé máwó ansíbi. Bumádun imi bwe, wá sika ató, didá atatiá ibo ibiá dibi. ¹⁰ Atsiá bée butenyá Bulu ifú bubwée yilé. Mó obéha bowa akíle ní. ¹¹ Ilehian ání bétisiá así díín, ba iwiasí súan ató. ¹² Mmókóhá atsi okpa mbée, busúna ayin ató, ntée bogyí ayinsu. Mboún butsia díín. ¹³ Tsúfé Adam Bulu légyankpá bwé asa olóbwe Hawa. ¹⁴ Megyí Adam é Satan lémlé, mboún Hawa olémlé, okusú líí Bulu mblasu. ¹⁵ Táme Bulu obóhó otsi nkpa tsun ikwíusu.* Ní oletalí kítá mu hógyi pú mu abadwetó, oleha mu iwí letin, oletsiá nkpa é wankláán.

3

Opasua Ohande Bwe

¹ Asón ánfí bu mótó. Ní oha obwé agywun ání móbwe opasua ohande a, alakle agyómá wankláán. ² Imehian ání olala bétisiá opasua ohande iwí. Obwée oka okule otsiápu, mu agywuntó da, otegyi iwísu, obú bu musu, otóhó afóó, otosúná ató é wankláán. ³ Omábwe nta obupó ntée ohá ání obu iyin. Obwée ohá ání oleba iwiasí, mu asón lolwií. Omábwe otrépu, omábwe kóba odwepó. ⁴ Obwée ohá ání otéki mu wóyísó wankláán, mu abí beba iwiasí, butobú mu okpagyíokpasu. ⁵ Tsúfé ní oha méyín mu wóyísó kí wankláán á, nkálí obétalí kí Bulu opasua ámusu? ⁶ Omábwe ohá ání oledamli kluntó makówá opá. Ní megyí alí á, ibéha mu obótsu iwí, Bulu obébití mu isu fé Obunsám. ⁷ Iní fée oma a, ilehian ání ahá ání boma opasua ámutó kóráá bétí mu idayilé. Ní megyí alí á, obékpa wíé Obunsám yibito sópa.

Opasua Ohande Obvápu

⁸ Opasua ohande obvápu é obwée ohá ání obú bu musu, oma nnonyo, otamabó ntá, oma sika onsípe. ⁹ Ilehian ání obékítá hógyi asón amóu ilalín owan ámutó wankláán, mu klón é méetrá ha mu ipón. ¹⁰ Mligyankpa pu agyómá iku wa mu ibitó, púsó mu kí bée olala ma mu iwí, asa amlíha mu obwe opasua ohande obvápu. ¹¹ Alí kén mu ka* é obwée otsiá obú bu musu, otamablí ahá iwí ason laláhe, otegyi iwísu, obu onokwali tógyítótó ní. ¹² Opasua ohande obvápu obwée oka okule otsiápu, otetálí kí mu abí pú mu wóyísó wankláán. ¹³ Ahá butobú opasua ohande obvápu ání otóyó mu agyómá wankláán. Itehá mu otetálí tóí tsú mu hógyiá obu Kristo Yesutó.

Asón Nainhé Kpənkpaənkpaənti

¹⁴ Nde owuló ánfí wanlín sísí fú, táme ndin ansí ání nókosi ba inu. ¹⁵ Mómó ní nde opá wa kóráá á, owuló ánfí ibéha fébi tsiátó oduá ilehian ání oha obétsiá

* **2:15** Tsun ikwíusu, ntée Tsun mu abi kwíhésu. Idesuná ání Tsun obíá otsi ámu obókwiíusu, ntée tsun Yesu ikwíusu. * **3:11** Mu ka ntée opasua ohande obvápu tsihé

Bulu wóyí, igyi Bulu Ɔkiankpapɔ ɔpasua ámuɔ. Ɔpasua ámu gyí ɔtan pɔ ntswiasí kpékplékpée há ɔnɔkwali asón ámu nɪ. ¹⁶ Ɔnɔkwali, anɪ Bulusúm iwɪ asón ámuɔ ɪlalin ɔwan ámu lómoní. Múgyí, Kristo† léle mu iwɪ súná fɛ nyankpɔsa.

Ɔɲe Wankíhé léle mu suná aní yilé ɔbwɛpó ogyi.

Bulu-abɔpɔ bowun mu,

ahá bɛda mu asón ɔkan súná ɔmá fɛé.

Ɔyító ahá bɔhɔ mu gyi,

Bulu lótsu mu ya ɔsúsú numnyamɔ.

4

Afunu Ató Asunápó

¹ Ɔɲe Wankíhé amu lahié lé blí ɔbée, bré tráhe amuɔ á, aku bési Kristoso hógyi. Báyaa asu nú afunu ɔɲé asón pɔ ɔɲe laláhe atosunáhé. ² Apinabwɛbí abwɛpó afunu ató asunápó anfi bugyi. Amó klɔn tamatráa ha amó ipón.* ³ Amódé ahá hɪe bɛɛ, bukísi atogyihe ku, bumátsiá aká múa akúlu é ní. Táme Bulu onutó lɔbwɛ atogyihe amu, aní ahógyipɔá babí ɔnɔkwali amu buɔáa mu ipán, abugyi. ⁴ Tógyítá Bulu léle bu alé. Mú su ima aleá abékisi kuku. Ilehían aní abóhɔ kugyíku, dá mu ipán. ⁵ Tsúfé Bulu asón pɔ mpái ámuɔ anɪlabó wólí atogyihe amusu ámu lahá mú lamli Bulu klé.

Kristo Osúmpó Wankláán

⁶ Ní fɔpó asón anfi tswɪ apíó ámu ansító á, fɔbwɛ Kristo Yesu osúmbi wankláán aní bapó hógyi amuɔ asón, pɔ atosunáhé wankláán ámu búlá fú, fɔɔde mótó. ⁷ Máyaa asu nú atsi dehen ɔte pɔ múa imotsú Bulu iwɪ. Mboún hɪe fú iwɪ, afusum Bulu wankláán. ⁸ Tsúfé ní fúɔde nyankpɔsa ɔyɔlɔv anfi hɪe á, labi kpalobí ku bu mótó. Táme ní fɔpó Bulusúm hɪe fú iwɪ á, ibu alé dɔn. Tsúfé oyúla bu mótó há aní séi anfi anitsie nkpa, pɔ nkpa ámuɔ ibéba amuɔ. ⁹ Asón anfi bu mótó, ilehián aní abóhɔ mú. ¹⁰ (Nkpa anfi só anɪɔde iwɪ laláa yɔ agyómá ɔwɔnlínsó), anɪ ansí dɔn Bulu Ɔkiankpapɔ, ogyi ahá fɛé Ɔlepó, títriu ahógyipɔ anfisɔ ní.

¹¹ Suna amó ató anfi, afuha amó abugyi músó. ¹² Máha ɔhaa obu fú kebi. Mboún fú tɔitɔ, fú nkpatíatɔ, fú ahádwe, fú Bulu hógyi pɔ fú iwɪtɪn ibwɛɛ atosunáhɛ ha amó. ¹³ Ní mlefia a, bɔ mbódí afɔtsia kla Bulu asón suna amó. Da asón ámu ɔkan, afusuna amó ató alu yófɔn bréá néba. ¹⁴ Mákiná Bulu atokiehé ámuɔ ɔɔpɔhá fú tsɔn mu ɔnósó atɔípɔsu, bréá ɔpasua ahandɛ bɔpɔ ibi dínká fósó amu. ¹⁵ Tsia bwɛ ínɪ aná, afusi iwɪ ha mú, ménɪ ahá bówun aní fúɔde nkpa yɔ. ¹⁶ Tsia kɪ fú tsíatɔ pɔ atosunáhé amu. Tomi bwɛ mú alɪ, ménɪ fóhɔ fúa asón ámu anupó nkpa.

5

Táá Abóbwɛ Há Ahógyipɔ

¹ Mákplɔn wa oyin dehen. Mboún tɔɪ bla mu asón fɛ fú sí. Kita nyasubi ámu fɛ alíá fɛkítá fú apio yinhé. ² Kita atsi dehen amu fɛ fú yín, afókita mbitebí ámu é fɛ fú apio tsihé. Máwa amó mba.

³ Ɔpasua ámu bukú asurapɔá buhié buma ɔbuápɔsu. ⁴ Táme ní ɔsurapɔ ɔku bu abí ntée aná á, ha amó abubí táá ilehián aní bégýankpá bwɛ há amó akwíipó ntée amó aná Bulusúm ɔkpasu, puka amó ako. Múgyí amúsó kɪ, tsúfé mútegyi Bulu ansí ní. ⁵ Ɔsurapɔá ɔhié ɔma ɔhaa tɔpó ansí dínká Bulusu, tsíá bɔ mpái ɔpa onyé, kólí Bulu táá ɪɔde mu hián. ⁶ Ɔsurapɔá mu klɛ gyí nkpagyí kotóó mú lawú

† 3:16 Bulu bu nwóló dada amu akɔɔ.

* 4:2 Amó klɔn labwé fɛ táá bapó dátɔ wá ogyá, lé tó mú.

asa ɔna ɔyító. ⁷ Bla ɔpasua ámu asón ánfí, méní ɔhaa méeblí ɔsurapu ɔkuku íwí ason laláhe. ⁸ Ní ɔku mékí mu abusuanfɔso, títriu mu wóyító aháso á, mómó aladámlí ɔma há hógyi amu. Iní su mu lakpan dun ɔhá ání ɔmɔhɔ Bulu gyi.

⁹ ɔsurapu oduá mu idá bétisiá asurapu adá ɔwolótó gyí, ɔsurapvá alahɔ tsú nfi aduesie póya, ɔlɔwa ɔnɔkwali há mu kulu.* ¹⁰ ɔbwéé ɔhá ání ahá buyin ání ɔlɔbwe yilé, fé abísóki, afɔóhɔ, olosúm Bulu ahá,† ɔtɔbúa ahá ání bode íwí ɔsun wúun, ɔlɔbwe agyómá wankláán kugyíko.

¹¹ Máwanlín asurapvá bumɔkódan adá wá ɔwoló ámutɔ, tsúfé ní amó ɔwólí ihá amó bɔbwé agywun ání bɛlatsia akúlu a, buméetrá talí sùm Kristo ɔnɔkwalisu. ¹² Iní ibéha bégýi pón, tsúfé batón amó ntam ání beka há Bulu. ¹³ ɔma a, butebí ɔwuliyɔ wa, yíntá bré náti kí ahá wóyító. Megyí ɔwuliyɔ wole, butemlí ahá íwí asón ablípó, náti wá ɔnó ahá asúntó, blí asón ání imehián ání bɛblí. ¹⁴ Iní su ndekléá asurapu amóú bumɔkódan amu buwúna tsia akúlu kwí abí, abukí amó wóyísó, méní bumééha aní alupú‡ ɔkpa abublí aní íwí asón laláhe kuku. ¹⁵ Nde asón ánfí blí, tsúfé asurapu aku badámlí yó bubuo ɔbunsám dodo. ¹⁶ Ní Okristoyintse ɔku bu asurapu mu abusuantɔ á, ɔkí amósó. ɔmási amó tswí ɔpasua ámusu, méní ɔpasua ámu bénya ɔkpa kí amóú buma ɔhaaso.

¹⁷ Ilehian ání ɔpasua ámu bɛka ɔpasua ahandéá bode amó kpa ako wankláán, wá amó numnyam. Títriu amóú butɔbɔ mbódí Bulu asón ámu ɔkanda pó mó suná íwí. ¹⁸ Tsúfé Bulu asón wanlínhé amu íleblí ɔbée, “Butamawá ɔnantswiéá ɔde ayó da ɔnó íkan.”§ Íletrá blí ɔbée, “Agyómá ɔyɔpó buteká íko.” ¹⁹ Ní ɔku ɔdá ɔpasua ɔhande asón súná fú á, máhɔ mó, nkéti fanú mó tsú ahá abanyó-abasá ɔnó asa. ²⁰ Wa íyin wa ɔhande amóú ɔde lalahé bwe ámu ɔpasua ámu ansító, méní atráhe bénya ifú.

²¹ Nlí Bulu mu Kristo Yesu pó Bulu-abɔpu ání alalé ansító, nde fú híe mbée, fúgyí asón ánfisú wankláán. Mákí ɔhaa ansító ntée fúti fitátó kí. ²² Mákási tsíá yái ɔha ɔpasua ɔhande. Máwa íbɔ ɔha bambá lalahébwetɔ. Ha fú íwí itin brégýibré.

²³ Fú ɔmétó ilɔ ámu su mátsiá nu ntsu wole, tsia nu ntá kpalobí-kpalobí.

²⁴ Aku lakpan menjaín. Mó su butɔkási wun mó bítí amó ísu. Aku klé é lenjaín, ɔma asa ítelin ɔwan. ²⁵ Alí kén yilébwe tamanjaín ní. Ní imɔkási lin ɔwan kóráá á, ítebelin ɔwan ɔma.

6

¹ Ilehian ání nkɔpábiá bubu ɔpasua ámutɔ béhíe bú amó awíe, méní ɔhaa móɔkpɔí Bulu mu aní atosunáhé amu. ² Ilehian ání amóú amó awíe bubu ɔpasua ámutɔ bóbu amó awíe amu dun. Séi kóráá ilehian ání bóbu amó dun ní, tsúfé ahógyipu bɔgyi, butɔdwé amó é.

Afunu Atosundhé Pó Atonyahé Onutó

Iní aná gyí tásá fúsúna amó, afɔwa amó atetɔ-ɔnlín abubwe ní. ³ Ní ɔku lósuná atɔ laláhe kú, móa aní Wíe Yesu Kristo asón blíhé pó Bulusúm atosunáhé amu imená á, ⁴ idesuná ání ɔhá ámu dé íwí tsu. Omeyín tɔtɔ, nwéenkɔpangyí labólá mutɔ. Múá itedáli tsu mótó gyí ɔnsípe, ítré, isia pó agywun laláhe. ⁵ Asón ání imedéhián íwí nwéen ahá ánfí odu butenátí gyí. Amó agywun lawú, butamablí ɔnɔkwali. Amó odu botosúsu ání Bulusúm igyi ɔkpa kuá fótson músú nyá íwí.

⁶ Labi kɔnɔkɔntí bu Bulusúmtó ní tásá aníbu yaí legyi aní ansí. ⁷ Tsúfé animópu tɔtɔ ba ɔyító, animéetalí pó tɔtɔtɔ é náti. ⁸ Mó su ní aníbu atogyihe pó atɔ didáhé a, mliha mó kpán igyi aní ansí. ⁹ Ahá ání butekleá bunyáá atɔ

* **5:9** ɔsurapvá ɔmakókíná okúlu kí. † **5:10** olosúm Bulu ahá ntée ɔtɔfwí ahógyipu ayabiasí. ‡ **5:14** Ntée olupó § **5:18** Deut. 25:4. Mó así gyí, “Butamalé ɔkwén pó íbɔ tsítsi ɔsulótɔ.”

á, ɪbwébwéébwé bɪtekpá wíé ɪsóki pó ayibitá. Amó mimlála tekpá amó yówie ɪwɪɪsɪn móa lalahetá, hí amó. ¹⁰ Tsúfɛ kóbawɛ tópo lalahɛ kugyíko ba. Mó ɔma ako bagya alɪ, bafwí dalɪ hógýi amutá, ɪlahá amó buɔɛ awɪɛhɔ tsatsɔtsɔ gyí nɪ.

Paulo Asón Tráhe

¹¹ Timoteo, fɔ mó á, Bulu ɔha fɔgyi. Mó sɔ ha ɪnɪ aná ɪwa ɪfó fɔ wá. Hɪɛ fɔ ɪwɪ, afɔbwɛ tóá ɪda ɔkpa. Bɔ mbódí afɔha yilébɛ, Bulusúm, hógýi, ɔɔwɛ, klɔnya pó ɪwɪasɪbá ɪtsía fótó. ¹² Kɔ hógýi ɪkó wankláán ámu. Fɔ ɪbɪ bédá nkpa ámuú ɪtamátá, Bulu obékie anɪ mó ɔma amu. Nkpa ánfɪ só Bulu létɪ fɔ ní. Mó sɔ fobwíí ɔnó ahá tsatsɔtsɔ ansító, gyi fɔ hógýi ɪwɪ adánsɪɛ ní. ¹³ Nlí Bulu, ogyi tógýító nkpa ɔhapú mu Kristo Yesuá olegýi ɪwɪ adánsɪɛ wankláán Pontio Pilato ansító, ndɛ fɔ hɪɛ, ¹⁴ mbéɛ, fɔkíta mbla ánfɪ fɛétó wankláán. Mási mótó kpéfɔn ɛkéá anɪ Wíe Yesu Kristo ɔbéɛ ɪwɪ ɔwan. ¹⁵ Bulu ɔkɔkónó ɔkɔɛ amu ɪlehíán aní abékanfó. Mu nkɔɛ pé gyí Otúmípo, awíɛ fɛétó Owíɛ. Mu ɔbéɛ Kristo súná bré wankláán ámuú mu onutó ɔɛhɪɛ yáí ámutá. ¹⁶ Mu nkɔɛ pé tamawú, ɔtsɛ ɔwankíkpá aní ɔhaa tamatálí kpókpé mánta mu. ɔhaa mókówwun mu kɪ, ɔhaa móowun mu é ɛkɛkɛkɛ. Mu kɛ gyí obú móa túmɪ bré fɛé! Amen!

¹⁷ Bla ɔyí ánfɪtá ɪwɪ anyapó fɛɛ, bɔmátsu ɪwɪ. Bɔmápo ansí dínká kóba anfi iméetsiá yó ánfɪsɔ. Mboún bɔpóv ansí dínka Bulusɔ. Mutéhá anɪ tógýítóá abóponyá ansigyí ɔyí ánfɪtá. ¹⁸ Bla amó fɛɛ, bɔpóv amó kóba bwɛ yilé, amó yilébɛwɛ imonɪ. Bɔsánkɪ ɪbitá abɔkie ató. ¹⁹ Ní buɔɛ ɪnɪ bwɛ á, buɔɛ atonyahé yáí há bré ámuú ɪbá ámu. Amó ɪbɪ bédá nkpa onutó ámu.

²⁰ Timoteo, kítá ɪtó ámuú Bulu lahá fɔ ámu wankláán. Asón aní ɪma asɪ, imosuná Bulusúm mádalɪ fɔ ɔnó. Máwa ɪwɪ mimlá nwéɛngýi aní ɪtamasúná Bulusúmtó. Ako bɔtɔwá afunu bɛɛ, asónbɪ igýi. ²¹ Tsúfɛ ako batsɔn mósó sí Kristosɔ hógýi.

Bulu ogyíí mɪ buale.

Ɔwulú Nyɔɔsiá Paulo Lówanlín Sísí Timoteo

¹ Mí Paulo mú á, Bulu apé sɔ ngɔi Kristo Yesu sumbí ɔyɔpó. Ɖɔwa mí ɔbéɛ, nyéda nkpa ámuó ɔlehɛ tsɔn Kristo Yesu ámu ɔkan.

² Mídé ɔwulú ánfɛ wanlín sísí fú, mí bí ɔdwɛpó Timoteo. Aní Sí Bulu mɔa aní Wíe Kristo Yesu bɔwúun fɔ nwe, abugyi fɔ buale ha fú iwílwii.

Ipánda Pó Atɛtɔ-ɔnlɔn Wa

³ Nedá Bulu ipán. Mɔ ndɛpɔ klɔn ání imedé mí ipón ha súm, fé mí anáin. Timoteo, ní nde mpái bɔ ɔpa mɔa onyé á, ntekáin fósó brégyíbré. ⁴ Ní nekáin ntsúá fɛlɔn bréá ndenatí sí fósó a, ntekleá nówun fɔ, ménɛ ansigyí bóbólá mító. ⁵ Ntekáin hógýiá fɔbɔ ɔnɔkwálɔ. Hógýi anfi odu légyankpá tsíá fú ná Loitɔ ní. Uetrá tsíá fú yín Eunike étó. Nahogyiá mú odu bɔ fɔtɔ ní. ⁶ Iní sɔ nde fú kaín ání fɔháa Bulu atokiehé ámuó ɔleha fú bré ámuó nɔpɔ ibi dínká fósó ámu ɔnó iwa ogyá tsíá mótó. ⁷ Tsúfé Bulu méha aní ɔhéá abóponyá ifú, mbóun mɔa itehá aní túmɛ, ɔdwe pó iwíswgyí.

⁸ Mú sɔ máha aní Wíe asún ámu blí iwa fú péli. Máha mí obudɛ é iwa fú péli. Mbóun wa klɔn Bulu túmitɔ, afɔtsula wun iwíɔsɔn ání ilehián asɔn wankláán ámu sɔ. ⁹ Bulu lóhɔ aní nkpa. Ɖletɛ aní ɔbéɛ, abémlí mɔ aha wankíhé. Megýí tɔtɔ anilóbwe sɔ. Mbóun igyi tɔá mɔ onutó ɔlɔbwe agywun ání ɔbóbwe asa ɔyí lebelɔn. Ɖbéɛ, ɔbówa awítɔle há aní, dwé aní tsɔn ania Kristo Yesu nyɔ ikɔlebwesɔ. ¹⁰ Táme séi á, Bulu lalé mɔ awítɔle amɔ ɔwan tsɔn aní Ɖhópɔ Kristo Yesu ibásɔ. Móléyintá lowu túmɛ, ɔlele nkpa ání itamatá ɔwan súná aní tsɔn asɔn wankláán ámu sɔ.

¹¹ Bulu layáí mí mɔ asɔn wankláán ámu ɔkan ɔdapó, mú sumbí ɔyɔpó pó mú osunápó. ¹² Mú sɔ nde iwíɔsɔn ánfɛ odu wúun nɛ. Táme mmedé péli nya, tsúfé nyin ɔhá ání nahogyi. Nyin ání ɔbétalí gyo itó ámuó ɔlɔpɔwá mí ibitɔ ámu iwí alu yófun mɔ ɔbáke. ¹³ Kita ɔnɔkwálɔ asɔn ámuó nosuná fú ámutɔ. Yɔ mósó afɔhɔ Kristo gyi tsia. Dwe fú aba, tsúfé fúa Kristo Yesu nyɔ mlɛlabwé kɔle. ¹⁴ Ɖhe Wankíhé ámuó ɔbɔ anitɔ ámu ɔtsáa fú, afɔtalɔ gyo itɔ wankláán ámuó ɔleha fú ámu iwí.

¹⁵ Fɔyin ání ahá ámuó bɔbɔ Asia, Figelo mɔa Hermogene bɔbɔ amótó amɔ féé banátí sí mí. ¹⁶ Aní Wíe owúun Onesiforo wóyító ahá nwe, tsúfé mólétsiá wá mí ansigyí. Omenya mí obudɛ péli. ¹⁷ Bréá ɔleba Roma wúlutɔ á, olodunká mí kpéfɔn bréá olowun mɛ. ¹⁸ Aní Wíe owúun mɔ nwe mɔ ɔbáke amɔ! Fɔyin alíá ɔlɔbɔá mɛ nkpa tsɔtsɔtsɔsɔ Efeso wúlutɔ.

2

Isá Ɖkɔpó Wankláán

¹ Iní sɔ mí bí, ha Bulu awítɔle ámuó ɔlɔpɔtsɔn Kristo Yesu ámu iwa fú ɔwɔnlín. ² Pɔ asún ámuó neblí, fonu ahá tsɔtsɔtsɔ ansító ámu wa ahá ání bɔbɔ ɔnɔkwálɔ ibitɔ, ménɛ amó é bétalí súná aha bambá.

³ Tomi afɔwun iwíɔsɔn ámuó anidéwúun amɔ, fé Kristo Yesu isá ɔkɔpó wankláán. ⁴ Isá ɔkɔpó ɔkɔkɔ tamatráa kí ɔma, tsúfé odekléá obégyi mɔ ɔhande ansí. ⁵ Alí kén ɔsrí ɔtsíípó ɔkɔkɔ tamanyá isugyi atokiehé, nkétɛ alagyi ɔsrí amɔ mblasɔ ní. ⁶ Ɖɔɔtɔpɔá ɔbɔ nsi tégyankpá dá atɔ pɔpwe ɔnó. ⁷ Gywun asún ánfɛ nabláa fú ánfɛ iwí. Aní Wíe é ɔbéha fónu mú féé así.

⁸ Kaín Yesu Kristo, Owíe Dawid mɔ na ámu sɔ. Mɔ Bulu lókɔsúa tsu afúlitɔ. Múgyí asɔn wankláán ámuó ndeblí ámu nɛ. ⁹ Asún ánfɛ sɔ nde iwíɔsɔn wúun,

bawá mí ìkan fẹ̀ lalàhẹ̀ ɔ̀bwepó ní. Tàme bómàkówá Bulu asón ámu mó ìkan. ¹⁰ Ahá ámuú Bulu lalé ámu sù natomi ɔ̀kpagyíàkpasù nde iwíwíwí wúun, ménì Bulu ɔ̀bótson Kristo Yesusu hɔ̀ amó nkpa, amó ìbì bédà numnyam amóó ɔ̀tamatá ámu. ¹¹ Asón ánfì bọ̀ mótó.

“Ní ania múnɔ̀ awú á,
ania múnɔ̀ obétsiá nkpa.

¹² Ní atomi wun iwíwíwí á,
ania múnɔ̀ abégyi iwíe.

Ní akíná mu a,
mu é obékiná aní.

¹³ Ní anímá ɔ̀nàkwali a,
mu mó á, ɔ̀nàkwali pu ogyi,
tsúfẹ̀ ɔ̀tamatú atsonó tswi, lápó mu ɔ̀dandu tsú mó ekekekeke.”

Agyómá Ɔ̀yɔ̀pódá Olegyi Bulu Ansí

¹⁴ Tsia kain amó asón ánfì. Tɔ̀i kpla amó Bulu ansító fɛɛ, bómátsiá tré asónsú. Labi kuku uma mótó, tsúfẹ̀ mó odu abwepó butehí. ¹⁵ Bɔ̀ mbódí afuhɔ̀ idá Bulu ansító, fẹ̀ agyómá ɔ̀yɔ̀pódá mu agyómá ma mu péli, otosúná ɔ̀nàkwali asón ámu wankláán. ¹⁶ Asón ání uma así, imosuná Bulusúm mádalí fú ɔ̀nó, tsúfẹ̀ itehá ɔ̀ha mu Bulunɔ̀ nsíné tɔ̀wá ifó. ¹⁷ Alí ámuú ɔ̀lɔ̀ tekléí ámu a, alí asón ánfì ablípó asón é tekléí ní. Amó aku gyí Himeneo mu Fileto. ¹⁸ Bafwí dalí ɔ̀nàkwali ɔ̀kpa ámusu yó budéblí bɛɛ, kusó tsú afúlitɔ̀ laba bɔ̀tsun, buɔ̀de aku hóggyi yintá. ¹⁹ Tàme ntswiasí ámuú Bulu lówa há hóggyi amu ilí kínkínkín. Asón ání bɔ̀wanlín dínká ntswiasí ámusu gyí, “Aní Wíe yin ahá ání bugyi mu kle.” Nyɔ̀ɔ̀sɔ̀ é gyí, “Ɔ̀hagyíɔ̀ha ání ɔ̀teti mu iwí ɔ̀bée Okristoyin a, osii lalàhẹ̀ bwɛ.”

²⁰ Megyí sika pepe móa sika futútú ató pé tetsiá wóyí yílétó. Oyí móa isi ató é tetsiá mu. Butobú iku don ku. ²¹ Ní ɔ̀ku ɔ̀lé mu iwí lé lalahɛbwɛtɔ̀ á, Bulu telé mó yáí. Alabwé ɔ̀há ání alási iwí há, ɔ̀bu labi, mu Wíe Bulu ɔ̀bópu mu gyi gyuma wankláán kugyíku. ²² Iní sù lɛ fú iwí tsu nyasubi móa mbitebí mbagyító. Fówun fúa ahá ámuú butɔ̀pó ikɔ̀n wankíhé kpólí Bulu ámu ansí bédínká yilébwe, hóggyi, ɔ̀dwe pó iwílwíisú. ²³ Lɛ fú iwí tsu nwéengyí ání uma labi, ito wankláán kuku méedali tsu mótótó, tsúfẹ̀ fuyin ání itré pé iteti. ²⁴ Ima aléá aní Wíe osúmpó ɔ̀bóbwe ɔ̀trépó. Mboún ilehián ání ɔ̀bówa awitɔ̀le há ɔ̀hagyíɔ̀ha, ɔ̀bóbwe osunápó wankláán, otenyá klun há ahá ání amó asón bọ̀ ɔ̀nlín. ²⁵ Ilehián ání obénnya klun tóí kplá ahá ání butókúsú líí Bulu asón ámusu. Fíalí Bulu obówwun amó nwe, há amó bédamlí kluntɔ̀, bí ɔ̀nàkwali amu, ²⁶ iha amó ansí ìba así. Fíalí ìbéha amó bédali tsu Ɔ̀bunsám amóó ɔ̀bée bugyi mu asónsú, abubwe mu apé ámu ayibitɔ̀.

3

Nke Tráhe Amutɔ̀ Asón

¹ Tàme mí bí Timoteo, bí ání ɔ̀yító bówa ɔ̀nlín nke tráhe amutɔ̀. ² Tsúfẹ̀ ahá bóbwe awunsípó, bóbwe kóba adwepó. Bóhɔ̀ amó iwíwíwí gyi, bótsu iwí, bésia ahá, bómóonu amó akwípó asón, bóméeyi ahá aye, amó iwí méetun, ³ bómóɔ̀dwe ahá, bóméesi asón kíé, bóbwe ahá iwí asón ablípó, bóméetalí gyi iwíwíwí, bóbwe awuntalínpu, bómóɔ̀dwe ito wankláán kuku. ⁴ Béle ahá há, bómóosusúu asón iwí, békí amó iwíá budun ɔ̀hagyíɔ̀ha, bódwe ɔ̀yító ansigyí sí Bulu. ⁵ Bóbwe iwí fẹ̀ Bulu budesúm, táme békíná mu túmí. Lɛ iwí lɛ ahá ánfì odutɔ̀. ⁶ Amó odu butebítíwíé ahá wóyító, dámli atsiá amó ansító ma ɔ̀nlín agywun. Atsi ámu odu á, lakpan lamli amó ató sɔ̀ráhé, ɔ̀wólí laláhe labúlá amótó. ⁷ Butekleá bónu ɔ̀hagyíɔ̀ha atosunáhé, táme bóméetalí bí ɔ̀nàkwali amu ekekekeke. ⁸ Alí ámuú Yane mu Yambre bókúsú líí aní náin Mosesu ámu a, alí ahá ánfì é bakúsú líí ɔ̀nàkwali asón ámusu ní. Amó agywun lawú. Hóggyitɔ̀ é á, buma ɔ̀líkpá. ⁹ Tàme

bumóyọ nkpa dun alí, tsúfẹ amó mimlá b́́lun ọwan, ọhagýíọha obówun. Alí ọlẹba Yane mva Yambresu ní.

Paulo Asón Tráhe

¹⁰ Timoteo, fú mú fuyin mí atosunáhé f́́éé, mí tsiátó, t́́á ọkpa ngya, mí hógyi, mí ọklọnya, mí ahá ọwí ọdwe pú alíá notomi wun ipian, ¹¹ alíá ahá b́́edínká ḿ́sú pú mí asun wunhe. Ḿ́á ọlẹba ḿ́su Antiokia, Ikonion pú Listra ọmátó. Notomi, aní Wíe lélẹ mí tsú mú f́́éétó. ¹² Lélẹ mú á, ọhagýíọha aní odekléá obóbuo aní Wíe Kristo Yesu, ọbẃ́é Bulu apé á, ahá b́́utedínká ḿ́su. ¹³ Táme aha laláhe pú ahá asisípú mú á, b́́ýọ amó lalahẹbwesú dun alí. B́́enatí mlé ahá, ahá é b́́émlé amó. ¹⁴ Táme fú mú á, kítá fú ọnọkwali amóú fakásí, fú onutó fahó ḿ́sú gyí amóú kinkíinkín, tsúfẹ fuyin ahá amóú bosuná fú ató amó wankláán. ¹⁵ Tsú fú nyebító ọpá fẹb́́ Bulu asun wanlínhé amó. Mó ọb́́étalí há fú nyánsa f́́ọpọhó Kristo Yesu gyi ní. Mú su Bulu ọb́́óhó fú nkpa é ní. ¹⁶ Bulu asun wanlínhé amó f́́éé itsú Bulu onutó wá. Ibo aléá b́́ọpúsúná ọha, ṕ́ókíná asón há ọha, ṕ́ótswíí ọha, ṕ́óbólá ọha, ọb́́éha yilébwe b́́émantá ḿ́, ¹⁷ ḿ́éní ọb́́éla Bulu ọha bẃ́é wankláán, ọb́́ófún ha gymagýihe wankláán kugyíkú.

4

¹ Nĺ́í Bulu mva Kristo Yesuá ọb́́éba begyi akiankpapú pú awupó asón, obébegyi iwíe ansító, ndé fú ọlá da mb́́éé, ² fudáa Bulu asón amó ọkan. Ní f́́óbú ọkpa o, fuma ọkpa o, ḿ́ási mú blí. Nya klun afútswii amó. Kina asón ha amó. Wa amó ateto-onlín, afusuna amó atosunáhé wankláán amó. ³ Tsúfẹ bré kú ọb́́á, ahá buḿ́éetrá ya asu nú atosunáhé wankláán amó. B́́óbwe t́́á ọletsíá amó, náttí d́́únká ató asunápó oduá b́́ósuná amó t́́á b́́odekléá b́́ónu. ⁴ B́́ékiná ọnọkwali asón amó yóbuo ọte. ⁵ Táme fú mú á, ha fú ansí ọba así ọkpagyíọkpasú. Tomí afuwun iwíesin. Blí asun wankláán amó wankláán, afubwe agyómá amóú Bulu ĺ́éha fú amó ḿ́a ọnó.

⁶ Mí mú á, bré lafún aní b́́ọpú mí obugya wólí así f́́é ntá há Bulu f́́é afódiẹ-abótó. Mí lowu lafún. ⁷ Nakó ọkó wankláán amó tá. Natsíí ọsrí amó é tá. Nakítá hógyi amóú kinkíinkín. ⁸ Séi á, t́́á ıda gyo mí gyí ọsugyí atokiehéá Bulu t́́ọpóhá ahá aní babwé yilé, aní Wíe Yesu, ogyi asón ogyípó Ọnọkwali pú amó ọb́́ọpóhá mí ẹke yilé amóú ob́́eyinkí ba amó. Táme megyí mí nkọle ọb́́óbwe íní há. Ọb́́éha ahá amóú b́́ode ḿ́u yinkí bá ọkpa kí amó é f́́éé.

Paulo Onutó Iwí Asón

⁹ Bó mb́́ódí afókọsí ba mí wá, ¹⁰ tsúfẹ ọyító ató de Dema ansigyí wa. Mú su alayínkí mí ọma, náttí ọyó Tesalonika wúlutó. Kreske ọyó Galatia, Tito é ọyó Dalmatia. ¹¹ Luka nkọle bu mí wá nfí. Mú su ní fẹb́́ á, kpa Marko buo iwí, tsúfẹ ọtetsá mí agyómá yó. ¹² Nawá Tihiko sísí Efeso. ¹³ Tsu mí ligá pú mí nwuló amóú nesi tswí Karpo wá Troa wúlutó amó ba mí. Mátan nwuló amóú ọdín nwuló-kpákpású amó ẹsú.

¹⁴ Kóóbri ató ọbwepó Aleksandro lópu lalahé kú gyi mí. Ilehán mí wankláán. Aní Wíe ọb́́éka ḿ́u ọkó. ¹⁵ Kí fú iwí wankláán ḿ́su, tsúfẹ ọlókúso líí aní asun blíhé f́́éésó.

¹⁶ Bréá ahande beha b́́éé nléé mí ọnó á, ọhaa ḿ́élí mí ọma. Amó f́́éé besrí sí mí. Bulu osíkíe amó. ¹⁷ Táme aní Wíe lélí mí ọma, ọb́́owa mí ọwunlín. Mú su netalí bláa amó asón aní ndé f́́éé, ḿ́éní ahá aní bumegýí Yudafo f́́éé b́́ónu. Alí Bulu lópulé mí tsú lowutó ní. ¹⁸ Aní Wíe ọb́́éle mí tsú lalahé kugyíkú. Ọb́́ékpa mí púto alu yówie ḿ́u ọsúsú iwíegýí amóú. Numnyam ọbẃ́é ḿ́u klé bré f́́éétó. Amen.

Iklá

¹⁹ Néhá Priska mva ḿ́u kulu Akwila pú Onesiforo wóyító ahá f́́éé itsiá. ²⁰ Erasto lésin Korinto wúlutó, Trofimo é d́́ébo. Mú su nesi ḿ́u yáí Mileto wúlutó.

²¹ Bɔ mbódí afuba asa atsalíbí ɛfɔn. Eyubulo mva Pude, Lino mva Klaudia pɔ apíó ámɔ fée bɛhá fú itsiá.

²² Anɪ Wíe ɔkpáa mɪ, ogyi mɪ bɔalɛ.

ᾠωυλόά Paulo Lówanlín Sísí Tito

Itsídhá

¹ Mí Bulu osúmbi Paulo, ngýi Yesu Kristo sumbí òyòpó dé ᾠωυλό ánfí wanlín. Bulu léle mí òbée, mbeha ahá á múú alalé ámu abútra nya hógyi tsia. Mí ansuna amó abúbi ònòkwaliá íbèha amó bétsiá tsiátóá ilegyi mu ansí. ² Fówun íha amó abúdíka ansí nkpa ání ítamátásó. Bulu tamawá afunu! Múlèhíe mó yáí asa òyí lèbèlín. ³ Aní Nkpa ᾠhópú Bulu léle mu asón ánfí ᾠwan mu onutó brétó, òlòpówá mí íbítò òbée, ndáa mó òkan.

⁴ Nde ᾠωυλό ánfí wanlín sísí fú Tito, ání fógýi mí bí onutó Kristo hógyi amòtò. Aní Sí Bulu mva aní ᾠhópú Kristo Yesu búgyíi fú búale, abúha fú iwílwíi!

Tito Gyumagýihé Kreta

⁵ Tóá suá nesi fú yáí Kreta òmátó gyí alíá fómò aní agyómá ònó mu, yáí ᾠpasua ahande wúlugýíwúlusu fè alíá nèbláa fú. ⁶ Imehián ání òlala bétsiá ᾠpasua ᾠhande íwí. ᾠbwée òká òkúle otsiápú, mu abí búgyi ahógyipú. Búbúu ató; búmábwe nyebí laláhe. ⁷ Iníá Bulu agyómású ᾠpasua ᾠhande amú dékí su á, òlala mátsiá mu íwí. ᾠmábwe ᾠhá ání ᾠtamahò ahá asón, ntée òtòkósí nyá òbló, ntée òtòbú ntá, ntée otekle íkó ntée òbú sika ònsípe. ⁸ Mboún ᾠbwée ᾠhá ání òtòhò afòó, òtòbwé yilé, òbú nyánsa, mu asón da òkpa, mu íwí létín, otegyi íwísu. ⁹ ᾠbwée ᾠhá ání asón á múú bosuná mu amú íbú mótó. Ilehíán ání òbékítá mótó kínkíínkín, méní òbétalí há ahá bóbúo atosunáhé wankláán ámu, tálí gyí ahá ání bégýi atosunáhé amú nwéén ésó.

¹⁰ Tóá suá nde ínì blí gyí, ahá tsòtsòtsò bakósú líí atosunáhé wankláán ámu, búde asón ání uma labi pòmílé ahá. Títíri ketétín mbílasú agyípó amú dé ínì bwe ní. ¹¹ Ilehíán ání mléka amó itín, tsúfè búde atóá imehián ání bosunátó. Iní lahá abusuan tsòtsòtsò bafwí òkpa. Búde mó bwe é pódúnká sika òkpa laláhesu tsú ahá wá. ¹² Kretafò ámu onutó yébi ᾠhapó òkú kóráá lèblí òbée, “Afunupú, mbwíkítá-atò, apotsuapú pú awólyòpó Kretafò búgyi.” ¹³ ᾠnòkwali asón ánfí gyí. Mó su kina ha amó kínkíínkín, méní amó Kristo hógyi ònó bówa ònlín. ¹⁴ Abúsi Yudafò òte nu, si ahá á múú bakíná ònòkwali amú atosunáhé ésó gyí. ¹⁵ ᾠhá ání mu íwí létín Bulu ansító á, tógýító íwí létín ha mu. Táme tòtò íwí mètín ha lalahé ᾠbwepóá ᾠtamahò Yesu gyí. Lélé mó á, mu agywun layíntá, mu klón é ílasí mu ípón ha su ᾠtamabí yilé ntée lalahé. ¹⁶ Bútòpó ònó blí bée buyín Bulu, táme amó bwehé losuná ání búmeyín mu. Búbú Bulu nyányáa, bútamabú mu, bútamatalí bwé ítò wankláán kòkúkú é.

2

Atosunáhé Wankláán

¹ Táme fú mó á, suna amó tóá ílèkanáa atosunáhé wankláán ámu. ² Suna ayín dehen amú abúgyi íwísu, abúbwé ahá ání obú bú amósú, bútegyi íwísu. Búhíe kíta amó hógyitò kínkíínkín. Búdwée ahá wankláán, abúhíe tomi. ³ Suna atsi dehen é abútsia tsiátóá ílèkanáa Bulu osúmpó. Búmábwe ahá íwí asón ablípó, ntée ntakpan anúpú. Mboún búsuná tóá íbú alé. ⁴ Amó atosunáhé íha mbitebí ámu abúdwé amó akúlu pú amó abí. ⁵ Búgyíi íwísu, abúha amó íwí itín. Búbwée atsiá bútekí amó wóyísú wankláán, bútòbwé yilé, bútobú amó akúlu, méní ᾠhaa móòkpóí Bulu asón ámu.

⁶ Tòí kpla nyasubí é abúgyi íwísu tógýítóá bóbwetò. ⁷ Fú onutó é bú mbódí afule tsiátó wankláán suna, fú bwehé kugýíkútò. Ha fú ansí ípe, afusuna ònòkwali

asón ámu tsu fú klontó. ⁸ Suna onakwalí amu, méní ohaa méetalí kusó líí fú atosunáhésu. Fówun péli békítá fú alupó, ní bumenya olala blí tsú aní iwí.

⁹ Suna nkpábi é abubu amó awíe okpagyíokpasu. Bubwée tógyító igyi amó awíe amu ansí. Bumátsiá lé amó asón onó. ¹⁰ Bumáwi amó awíe, mboún bowáa onakwalí ha amó tógyítótó, méní amó bwéhé béha ahá ansí bégyi aní nkpa Ohópú Bulu atosunáhé amu iwí.

¹¹ Tsúfé Bulu lalé mu awítale owan. Múgyí, odekléá obóho anyánpósa fée nkpa. ¹² Mu awítale amu ilasúná aní ilehián aní abési lalahé bwe, sí aní owóli lalahé omagyáa, gyi iwísu, bwé yilé, aní asón igyi mu ansí oyí ánfitó. ¹³ Bré ánfi anidé okpa kí há eke yilé amóú Bulu Okpónkponti, ogyi aní Ohópú Yesu Kristo obéle mu numnyam owan ánfi. ¹⁴ Mulótsulá bomo mu aní su, méní obéle aní tsú lakpan kugyíkotó. Otin aní iwí, pu aní bwe mu onutó ahá, aní ansí ipe yilébwesu.

¹⁵ Suna ínì aná, afútó kpla amó abugyi mósú. Fobu okpa wá iyin wá amó, ní bumedébi bwé. Máha ohaa oki fú ansító kótíkótí.

3

Okristoyin Tsiátó

¹ Tsia kain amó abuba iwíasi ha omá akpapó, abugyi ahande mblasu, abubu amó. Bókí aní bóbwe tóá igyi yilé brégyíbré. ² Bumáblí ohaa iwí asón lalahé, bumágyi nwéen é. Mboún bubwée ahá aní bolwií, abuba iwíasi ha ohagyíoha. ³ Tsúfé bré ámu a, aha mimláhe aní é anígyí. Asuto lówa aní onlin. Anilófwí, mlí nkpábi há owóli lalahé pú atóá itowá oha ansigyí. Aniléyintá bré súsu lalahé móa tóá ide aní ansí pe iwí. Ahá bolu aní, aní é anilólu amó. ⁴ Táme aní nkpa Ohópú Bulu léle mu awítale pú odweá obu ha aní owan. ⁵ Olee aní, táme megyí yilé kuku anilóbwe su, mboún mu nwewúun su. Olotsun Oje Wankíhé amusu fwí aní lakpan lé anísu, olélakwíí aní, há aní nkpa pəpwe. ⁶ Olotsun aní Ohópú Yesu Kristosu, tséí Oje Wankíhé amu wólí anísu. ⁷ Olóbwe aní alí, méní obówa awítale há aní, tsú mó aní aní asón da okpa, fówun aní ibi béda nkpa aní itamatá amóú anidé mó okpa kí amu. ⁸ Asón ánfi bu mótó.

Yiri iwí afosuna mó wankláán, méní ahá amóú amó ansí dín Bulusu amó bétsiá bwé yilé brégyíbré. Múgyí tóá ibu alé, ibówa labi há ohagyíoha ní. ⁹ Mápu iwí wá mimlá nwéengyí, anáin ilíntó kláa, pú mbla ámu iwí itrétó. Labi ma mótó kugyíkotó. ¹⁰ Tóí kpla ohá aní otetí itré wá ahá nsiné tse nyo pé. Mó oma a, si mu asón. ¹¹ Bì aní ohá ámu odu nwuntó bu oklún. Oyín aní lalahé mudebwe. Alahá mu iwí pón dodo.

Paulo Asón Tráhe

¹² Nenyá wá Artema ntée Tihiko fú wá pé, bə mbódí afubətu mí Nikopoli wúluto, tsúfé nabwé agywun aní nétsiá unu atsalí bí. ¹³ Bə mbódí afusi mbla osunápú Sena mwa Apolo okpa wankláán. Tótó imáhián amó okpató. ¹⁴ Ha aní pi amu é abubi alíá butəbóba aba agyómá yo wankláán, méní bétalí kí ahá aní buma tótəsu. Fówun bumóobwe ahá aní amó iwí mówa labi.

¹⁵ Ahá amóú bubu mí wá nfi ámu fée behá fú itsiá. Ahá ahógyipu amóú butədwé aní ámu itsiá.

Bulu ogyíi mlí fée buale.

ᾠδὴ Paulο Lῶwanlín Sísí Filemon

Itsiáha

¹⁻² Mí Paulo ání nda obu Kristo Yesu su pú aní pío Timoteo dé ᾠδὴ aní wanlín. Aní dé mó wanlín sísí fú aní pío ᾠδewépó, fúgyi aní agyómáyobá Filemon, fúa aní pío tsíhé Apia mva aní agyómáyobá aní ogyi isá ᾠδepó Arkipo mva Kristo ᾠpasua ámbú botefia fú wóyító amú fée. ³ Aní Sí Bulu mva aní Wíe Yesu Kristo bogyi mli buale, abuha mli iwilwii.

Filemon ᾠdwe Pó Mv Hógyi

⁴ Opío Filemon, ntédá Bulu ipán fú nwunsu brégyíbréá nde mpái bɔ. ⁵ Tsúfé ndenu alíá fúde Bulu ahá fée dwe, fúde aní Wíe Yesu hógyito kinkíinkín. ⁶ Nde Bulu kokóli mbée, oháa afotali bla ahá fú hógyi iwí asón, méní ibéha fónu ito wankláán aní anilanyá Kristo búoto asi. ⁷ Mí pío, ᾠdweá fúbu lahá ansí de mí onutó oó gyí, ilawá mí ateto-onlin. Tsúfé fú awitole lahá Bulu ahá klun ladí amó asi.

Paulo Ipabwíí Onesimo Nwunsu

⁸⁻⁹ Iní su nétalí wá klun kólí fú ató. Teki mbu ᾠkpa híe fú mbée, fubwée tóá ilehián Kristo su. Táme ᾠdwe ámbú mbu ha fú ámu su ndekléá nókólí fú mboun. Mó su tsu mó aní mí oyin dehen Paulo, ngyi fú nyáwíe Yesu su, séi nda obu dé fú kólí. ¹⁰ Nde fú kokóli mbée, fubwúun mí bíá nda obu asa nakwíí mu, ogyi Onesimo nwe. ¹¹ Mu dá ámu asi gyí obu labi. Teki omowa labi há fú bréá ᾠesrí sí fú, táme séi mó obu labi há mía fonyo.

¹² Ntᾠdwe mu tsú mí klunto, táme nde mu yinkía sísí fú. ¹³ Teki ndekléá néha mu otsia fú otsiákpá mí wá nfi, ᾠtsa mí bré aní nda obu Bulu ason wankláán ámu ᾠkan da su aní. ¹⁴ Táme mmedékléá nóbwe tᾠto tson fú oma. Mmedékléá néhie fú é. Ndeklaá itsu fú klunto.

¹⁵ Tsu mó fée, Onesimo lésrí sí fú bré itinbító, méní obéla betsiá fú wá bré fée. ¹⁶ ᾠtráa omegyí ᾠkpábi. Alamlí opío ᾠdweépó onutónutó há mí. Móá idun a, falányá ᾠkpábi pú opío dun mí séi.

¹⁷ Mó su ní fuyin aní fú bá gyí mí á, mómú kpla mu wa iwito fé alíá fóbwe mí. ¹⁸ Ní ᾠᾠpᾠ ilá ku gyi fu, ntée ᾠde fú ikᾠ ku á, bu mó tswi mí. ¹⁹ Mí Paulo onutó lapó mí ibi wanlín iní, “Néka fú.” (Ima aléá nébli mbée, fú onutó ámu oó á, mílᾠhᾠ fú nkpa.) ²⁰ Iní su mí pío ᾠdweépó, aní Wíe su wa labi ha mí. Ha klun idi mí asi Kristo su.

²¹ Nyin aní fónu mí omᾠ bwé dínká tᾠá nawánlínso. Nyin aní fóbwe mó dun alí kóráá. ²² Mó oma a, bᾠ mbódí afola ᾠdikpa yaí mí, tsúfé nde ᾠkpa kíá Bulu ᾠbᾠso fú onó, néba mli wá.

Ikla

²³ Epafra aní mía monyo anida obu Kristo Yesu su ohá fú itsiá. ²⁴ Alí kén mí agyómáyobá Marko mva Aristarko pú Dema mva Luka é behá fú itsiá ní.

²⁵ Aní Wíe Yesu ogyi mli buale.

ᾠδὴ Βῶσανλίν Σίσί Hebrifó

Bulu Asún Ina Mv Bi Ámuvu

¹ Bímbí ámu a, Bulu lótsun okpa otsan-otsansu tóí kplá aní anáin bré tsotsotsoto tsun mu onósó atáípusu. ² Táme séi ánfí oyí íbá bomo onó ánfí mú á, alatóí kplá aní tsun mu Bi ámuvu. Mvgyí ohá aní Bulu léle aní ógyi mu ató ní. Mu Bi ánfísv elotsun bwe tógyító. ³ Muvu Bulu Okponkpontí numnyam tawánkí tsun. Mvgyí ohá aní oleehe lhan Bulu, ode mu asún ámúv íbu túmí ámu puki tógyítósó ní. Bréá ologyoráa aní tá á, oletsíá osósó Bulu Otúmípu amu gyopísv.

Bulu Mv Bi Ámu Lófóá Dvun

⁴ Bulu lótsu mu Bi ámu fúá dvun Bulu-abopu fée. Alí kén oleehe mu dá dvun amó ní. Iní lósuná aní odvun amó fée. ⁵ Tsúfé Bulu mókúbláa mu abopu amoto okukuvu kí obée,

“Mí Bí gyí fú,
ndé nabwé fú Sí.”
Ntéé bláa amútó okuku obée,
“Nóbwe fú Sí,
fú é fóbwe mí Bí.”

⁶ Iní oma asa Bulu obówa mu Bití ámu sísí oyító á, oleeblí obée,
“Mí abopu fée busúm mu.”

⁷ Tóá oleeblí tsú mu abopu amu mú íwí gyí,
“Nabwé mí abopu fé afú.*
Nabwé mí asúmpó fé ogya plenplen.”

⁸ Táme oleebláa mu Bi ámu mú obée,
“Oo Bulu, fú iwíegyi méeta ekekekeke!
Yilébwé gyí fú iwíegyi akonfra.

⁹ Yilébwé futekle. Futekísí lalahé fée.
Mú sv mí, fú Wíe Bulu nalé fú, dá fú ofúli.
Napó ansigyí wá fútó dvun fú aba.”

¹⁰ Bulu asun wanlínhé amu létrá blí obée,
“Mí Wíé, fólówa osulúv ntswiasí bréá fefi oyí así.
Fú onutó íbí fopubwé osósó.

¹¹ Mú fée bófwí, táme fú mú fétsiá bré fée.

Mú fée bóbwé dáda fé tatida.

¹² Fókuntá mú fé tati.
Fétse mú fé atadié.

Táme fú mú futamatse.
Fú nkpa móomo onó ekekekeke.”

¹³ Bulu mébláa mu abopu okuku obée,
“Tsia mí gyopísv,
yófuv bréá nópú fú alupó bwé fú ayabi oyíkpa.” fé alíá oleebláa mu Bi ámu.

¹⁴ Nto mee Bulu-abopu bvgyi? Megyi oné bvgyi, Bulu tawá butóbúa ahá aní obóho amó nkpa?

* **1:7** afú ntée oné. Oné móa afú lhan aba Griiki oblíto.

2

Nkpahóo Kpənkpəənkpənti

¹ Iní sù ilehián ání abékitá ɔ̀nəkwali asón ámuú anılanú ámutə kínkíínkín, ménì ɔ̀médali anì ibi. ² Tsúfě mbla ámuú Bulu lówa há anì anáin tsun mu abəpəsu ámu igyi ɔ̀nəkwali. Iní sù ahá ámuú bəwa asutə-ɔ̀nlìn, bəmegyi mósó ámu benya ɔ̀subití ání ɔ̀da ɔ̀kpa. ³ Nkálì anì mó abétalí srí ɔ̀subití ámu, ní akíná nkpahóo kpənkpəənkpənti ánfì? Anì Wíe onutó légyankpá blí mó asón. Ahá ámuú bonu mó ámu é begyi mó ɔ̀wí adánsíe súná anì bée, ɔ̀bu mótó. ⁴ Bulu onutó é lóbwe ofúla pú osúna ɔ̀tsan-ɔ̀tsan mu túmitə, ɔ̀leha ahá mu ɔ̀ɣe Wankíhé atokiehé bréá iletisiá mu, pódínká ɔ̀bwi mósó ání ɔ̀nəkwali igyi.

Nkpahóo ɔ̀kpa Osunápó

⁵ Bulu mópú ɔ̀yí ámuú ɔ̀bá, anidé mó ɔ̀wí asón blí ámu wá mu abəpə ɔ̀bitə ɔ̀bée, bəgyí mósó. ⁶ Mboún fě aliá ɔ̀ku lówanlín wá Bulu asón ámutə ɔ̀tineku ɔ̀bée, “Oo Bulu, ntə nyankpəsa gyí, sù fú ansí ɔ̀dìn mʊsʊ alì?

Ntə nyankpəsa gyí, sù fútekì mʊsʊ?

⁷ Bré itinbí kutə pé fəba mu asì dʊn fú abəpə.

Fəpə numnyam pú obú dínká mʊsʊ,

⁸ fəha mu ɔ̀de ató fěésó gyí.”

Ní Bulu asón ánfì déblí ɔ̀bée, “Ató fěé” á, idesuná ání tətə mesian ání ɔ̀medé mósó gyí. Séi ánfì á, anímókónyá wun ání ɔ̀de ató fěésó gyí. ⁹ Táme anilawun Yesu. Bulu léba mu asì dʊn mu abəpə bré itinbí kutə. Awítəle Bulu lówa bwé mó alì, tsúfě ɔ̀leha Yesu lówu ɔ̀hagyíɔ̀ha nwunsu. Anilabí ání séi á, Bulu lapó numnyam pú obú dínká mʊsʊ, ɔ̀wíəsɪn ámuú olowun, wú ámu sù. ¹⁰ Bulu, ató fěé ɔ̀lepú pú mósó ɔ̀kípu amu ɔ̀békpa mu abí tsətsətsə ba mu numnyamtə. Mó sù ɔ̀bu aléá ɔ̀lɔtsun Yesu ámuú ogyí amó Nkpa ɔ̀hópú amu lowusu há mu ɔ̀lɔfɔn, ménì ɔ̀bóhə amó nkpa.

¹¹ Yesu ámuú ɔ̀təgyóráa ahá lé amó lakpantə ámu mʊa ahá ámuú alagyóra amu fěé babwé ɔ̀sì ɔ̀kule abí. Mó sù ɔ̀ma mu péli ání ɔ̀bétì amó ɔ̀bée mu apíó.

¹² ɔ̀lebláa Bulu ɔ̀bée,

“Nékla fú bwəhé súná mí apíó.

Nékanfú fú anì ofiakpa.”

¹³ ɔ̀leblí bré bámbátó é ɔ̀bée, “Nópú ansí dínká Bulusu.” ɔ̀letrá blí ɔ̀bée, “Kì, mía abí ámuú Bulu lapóhá mí ámu líí á.”

¹⁴ Iníá anyánkpəsa abí ámuú Bulu lópohá mu amu bəgyi sù á, ɔ̀lɔbwə mu ɔ̀wí nyankpəsa fě amó, ménì ɔ̀bótɔn mu lowusu swíí ɔ̀bunsám túmì, yíntá mu.

¹⁵ ɔ̀kpa ánfì pəsó ɔ̀bétalí tsun há ahá ámuú benya lowu ifú, sù bəbwə nkpábi amó nkpatə fěé ámu bəgyi ɔ̀wí ní. ¹⁶ Tsúfě ɔ̀da yaí ání megyí Bulu-abəpə nkpa ɔ̀hókpa ɔ̀leba, mboún Abraham abí-aná. ¹⁷ Iní sù ilehián ání ɔ̀bélian mu apíó tógyítótó, ménì ɔ̀bóbwe amó igyí ɔ̀hapú dehen ání obówun ahá nwe, wá ɔ̀nəkwali Bulu ansító. Fówun ɔ̀bétalí bó amó lakpan ɔ̀wí afədié há Bulu, obésikíé amó. ¹⁸ Bəso mu kí, mu onutó é ɔ̀lɔtsun ɔ̀wíəsɪntə. Mó sù ɔ̀bétalí gyí ahá ání butəso amó kí é buale.

3

Yesu Dʊn Mose

¹ Iní sù apíó aba ání Bulu latí mlì wá ɔ̀súsó ayəpótó, mlípú ansí dínka Yesusu. Məgyí Bulu sumbí ɔ̀yəpó pú mu igyí ɔ̀hapú dehen ámuú anidé mu ɔ̀wí asón blí ámu ní. ² ɔ̀lɔwa ɔ̀nəkwali há Bulu, Bulu léle mu ɔ̀bée, ɔ̀bóyɔ mu agyómá fě alì ámuú Mose lówa ɔ̀nəkwali há Bulu, Bulu lópú mu wóyí fěé wá mu ɔ̀bitə ámu.

³ Táme obú bu Yesusu dʊn Mose, fě aliá butobú wóyí oyípu dʊn wóyí ámu.

⁴ Wóyígyíwóyí á, ɔ̀ha léyi mó, táme ató fěé ɔ̀bwepó gyí Bulu. ⁵ Mose lóbwe

osúmpó ɔ̀nɔkwaliɔ́wá ɔ̀de Bulu wóyísú kí. Ɔ̀lebláa amó asón aní Bulu ɔ̀béblí ekekó. ⁶ Táme Kristo lóbwɛ obí ɔ̀nɔkwaliɔ́wá ɔ̀de Bulu wóyísú kí. Bulu wóyító abí anígyí, ní anilówa klɔn kítá mu ɔ̀kpakító kínkínkín yófun mó ɔ̀nómɔ́ké.

Bulu Ahá Bédá Ɔ̀kpónó

⁷ Mó su ɔ̀bu Bulu asón ámuɔ́ ɔ̀nɔ Wankíhé léblí ɔ̀béɛ,

“Nde, ní mlonú Bulu ɔ̀me a,

⁸ mlimáwa asɔ́ɔ-ɔ̀nlin, fé alíá mli anáin Israelfɔ

bɔ́bwɛ bréá bɔ́kɔ́sú líí Bulusu,

sɔ́ mu kí dimbí ámuɔ́.

⁹ Inó mli anáin bɔ́sɔ́ mi kí ní.

Ibu mótóá bowun mí bwehé nfi adwana (40) kéké.

¹⁰ Iní su nɛnya ɔ̀bló wa amó, blí mbéɛ,

‘Butedáli mí ɔ̀ma brégyíbré,

kíná mí asónsú gyí.’

¹¹ Mó su nɛnya ɔ̀bló ká ntam mbéɛ,

‘Ní bówie mí ɔ̀kpónó ɔ̀dakpá inu fíin! Néká nɔ́tón!’ ”

¹² Mí apió, mlikí wankláán aní mliɔ́ ɔ̀kuku méenya klɔn láláhe aní itamahɔ Bulu gyi, méní iméeha mu ɔ̀dalí Bulu Ɔ̀kiankpapɔ amɔ́ ɔ̀ma. ¹³ Mboún mliɔ́ kpla aba ekekegyíekéá ɔ̀yí leke, betí mó “Nde,” fé alíá Bulu asɔ́n wanlínhé anfi ɔ̀leblí. Fówun lakpan méemlé mliɔ́ ɔ̀kuku, há mu ɔ̀wa asɔ́ɔ-ɔ̀nlin. ¹⁴ Tsúfé ní akítá aní hógyiɔ́ kínkínkín, fé bré ámuó anilótsɔ́ hógyi amɔ́ yófun mó ɔ̀nómɔ́ a, ania Kristonyɔ́ abékan, bwé toku kule.

¹⁵ Fé alíá Bulu asɔ́n wanlínhé amɔ́ léblí. Ɔ̀béɛ,

“Nde, ní mlonú Bulu ɔ̀me a,

mlimáwa asɔ́ɔ-ɔ̀nlin, fé alíá mli anáin Israelfɔ

bɔ́kɔ́sú líí Bulusu.”

¹⁶ Amɛndí lónu Bulu asɔ́n blíhé, táme bɔ́kɔ́sú líí muɔ́? Megyí ahá ámuó Mose lékpa tsú Egypte ɔ̀sulósu ámu féé? ¹⁷ Amɛndí Bulu lénɔ́ ɔ̀bló wá nfi adwana (40) kéké? Megyí amó kén lóbwɛ lakpan, bowu sin dimbísú inu ní? ¹⁸ Amɛndí Bulu léka ntam há ɔ̀béɛ, “Ní bówie mí ɔ̀kpónó ɔ̀dakpá inu fíin! Néká nɔ́tón?” Megyí ahá ámuó bɔ́kɔ́sú líí muɔ́ ámu? ¹⁹ Mómó ilawánkí aní aní amó Bulu máhógyi sɔ́ bɔ́mɔ́yɔ́ ɔ̀sulósu amɔ́su yéda ɔ̀kpónó.

4

¹ Nhíhíé ámuó Bulu lóbwɛ ɔ̀béɛ, mópu mu ɔ̀kpónó ɔ̀dakpá há aní ámu itráa da. Mó su mliha akí wankláán, méní iméeba aní mliɔ́ ɔ̀ku oméenya inu yó. ² Tsúfé bédá asɔ́n wankláán ámu ɔ̀kan súná aní, fé amó, táme bɔ́mɔ́hɔ́ asón ámuɔ́ gyí. Mó su imɔ́wa labi há amó. ³ Tsúfé aní ahá ámuó anilahɔ́ mósó gyi amɔ́ obówie mu ɔ̀kpónó ɔ̀dakpá inu. Ahá ámuó bɔ́mɔ́hɔ́ mósó gyi amɔ́ mó á, Bulu léblí tswí ɔ̀béɛ,

“Nɛnya ɔ̀bló, ká ntam mbéɛ,

‘Ní bówie mí ɔ̀kpónó ɔ̀dakpá inu fíin! Néká nɔ́tón!’ ”

Ibu mótó aní Bulu léhíhíé ɔ̀kpónó ɔ̀dakpá inu yáí tsú bréá ɔ̀lele ɔ̀yí ɔ̀pá. ⁴ Tsúfé bɔ́wanlín eke síénósí amɔ́ iwí asón wá Bulu asɔ́n ámuɔ́ beɛ, “Eke síénósí a, Bulu léda ɔ̀kpónó tsú mu gyumagyihe féétó.” ⁵ Fé alíá anílanú bɔ́tsɔ́n a, Bulu ɔ̀béɛ, “Ní bówie mí ɔ̀kpónó ɔ̀dakpá inu fíin! Néká nɔ́tón!” ⁶ Iní désuná aní akɔ́ mó bówie inu. Táme ahá ámuó begyankpá nú asɔ́n wankláán ámu bɔ́menya inu yó, tsúfé bɔ́mobu mu. ⁷ Iní su Bulu létrá hie eke bámbá, ɔ̀letí mó “Nde.” Nfi tsɔ́tsɔ́tsɔ́ ɔ̀ma a, ɔ̀lɔ́tsɔ́n Owíe Dawidsɔ́ tóí tsú alí eke anfi iwí, fé alíá ɔ̀bu Bulu asón ámuɔ́ ɔ̀béɛ, “Nde, ní mlonú Bulu ɔ̀me a,

mlimáwa asɔ́ɔ-ɔ̀nlin.”

⁸ Ní amó òkparó Yosua léha bèda òkpónú á, tekí Bulu métrá hie eke bámbá. ⁹ Iní sù òkpónú òdaké kúá ina òtsan ida gyo Bulu ahá, fè alíá Bulu léda òkpónú eke síénósí amù. ¹⁰ Tsúfè òhá ání olowie òkpónú òdakpá inu é ladá òkpónú tsú mu é mu gyumagyihe kugyíkùtò, fè alí ámóú Bulu léda òkpónú tsú mu kè kugyíkùtò ámu. ¹¹ Mú sù mliha abò mbódí awie òkpónú òdakpá inu, ménì anító òkùku méesin òkpatò fè alí ámóú Israelfò ámu bowa asùtò-ònlìn, besin òkpatò ámu.

¹² Tsúfè Bulu asún ámu ibu nkpa, itayó agyómá. Ibu ogyá dùn òdayí iya anyò kugyíku. Itéká òha alu yówie mu òkláa pú mú òjé ofiakpa, mu ntsakpá pú mu awú nfótò. Itegyi aní agywun pú tóá anitekè tsú aní klòntò asún. ¹³ Tòtòtò tamanáín Bulu! Tógyító da yayá mu ansító. Mu abóyóbu aní tsiátó akúnta kugyíku súná ní.

Aní Bulu Igyí Òhapó Dèhen

¹⁴ Aníbu igyí òhapó dèhen kpònkpòntì ání aladá fá òsúsú yó òbu Bulu wá. Múgyí mu Bì Yesu. Iní sù mliha akíta Yesu anfí anidé mu iwí adánsiè gyí anfító kínkíínkín. Anímádínkí ansí musù. ¹⁵ Tsúfè mu mú omegyí òhá ání omóonu aní así ní anímétálí gyí iwí. Ogyí òhá ání bòsò mu kí òkpagyíòkpasù fè aní, táme òmòbwe lakpan ekekeke. ¹⁶ Iní sù mliha awa klùn, ayò Awítólepù Bulu obíá así. Fówun obówun aní nwe, wá awítóle, kpá aní aní ohíánké.

5

¹ Lé butélé igyí òhapó dèhen okugyíòku tsú mu aba anyánkpósatò, òtelí amó nwun Bulu ansító. Òtòhò atò hahé pú lakpan afòdiè-abòtò tsú amó wá, púhá Bulu igyí. ² Mu onutó é òtamatalí gyí iwí sù bré tsòtsòtsòtò. Mú sù otenyá klùn há ahá ání bómeyín òlala pú amóá bafwí òkpa. ³ Mú sù ilehián ání òbóbò afòdiè há mu onutó lakpan, fè alíá òtòbò há mu ahá. ⁴ Òhaa tamawá mu iwí numnyam òbée, Bulu igyí òhapó dèhen múgyi. Mboún Bulu tétí òha, bwé mu mu igyí òhapó dèhen, fè alíá òlòbwe Aaron.

⁵ Alí kén Kristo onutó é mówa iwí numnyam ání Bulu igyí òhapó dèhen múgyi ní. Mboún Bulu lébláa mu òbée,

“Mí Bì gyí fú.

Nde nabwé fú Sí.”

⁶ Bòwanlín wá Bulu asún ámu òtínèku é bée, Bulu òbée,

“Bulu igyí òhapó fúgyi bré fèétó,

fè Melkisedek.”

⁷ Bréá Yesu tsie nkpa òsulú anfí sù á, òlòpù kokóli múa isú bó mpái, kplón kóklókúú, pú mu atò kulíhé tswí Bulu ání òbétalí hò mu nkpa ansító. Mu iwíasi bá sum Bulu sù Bulu lónu mu mpái. ⁸ Ibu mótóá Bulu mu Bì ogyí mú, táme òlòtsùn iwíòsintò asa òletalí bí alíá Bulubu ihíé igyí. ⁹ Iníá òlòbwe tógyítóá Bulu lówa mu bwe sù á, olemlí òkpa ání ahá ání butobú mu fèé bótson músú nyá nkpahòó ání itamatá. ¹⁰ Bulu léle mu súná ání ogyi mu igyí òhapó dèhen, fè alíá òleyaí Melkisedek.

Mlímási Hógyi Amùtò

¹¹ Mbo asún tsòtsòtsòá abéblí tsú Melkisedek asún anfí iwí. Táme mú asile súná mli ibówa ònlìn. Tsúfè séi á, mlítráa mlímédé asún así nu òsasù. ¹² Tekí bófùn alí bré anfító á, mlílamlí asunápú, táme mlilétrá hián òhá ání obósuná mli atò gyankpapuá ibu Bulu asún ámu. Múgyí, mliléhián atosuanhéá òlòpùn fè nyòpù-ntsu. Megyí móá ibu ònlìn fè atò wíhé ntée atogyihe onutó. ¹³ Táme kebi bòbwe tónyópú. Omeyín tóá gyí yilébwé. ¹⁴ Òhande tégyi tóá ibu ònlìn, tsúfè alatsòntson ntobító kí, alakási bí yilé múa lalahe.

6

¹ Mó su mlimátrá bítia aní ayabi ya oma. Mliha akasí móa ibéha aní abóyo nkpa, asi Kristo iwí atosunáhé gyankpapu amuto plá laplá. Mehián aní abétrá suná ató tsú Bulu hógyi pó klontadamli tsú bwehéá itetí lowu iwí, ² atosunáhé tsú asúbó, ibí púdínká ohasu, * afúlikusó pó Bulu asúngyí eke tráhe amu iwí. ³ Ní Bulu lótsulá á, mómó móa ibéha abóyo nkpa són abósuná mli ngya.

⁴ Ní ahá aní bawun Bulu wanki amu ki, badá osósó atokiehé onó ki, banyá Ohe Wankihé amu é ki, ⁵ badá Bulu asón amóú ibu alé amu pó bré amóú ibéba amuto túmi onó ki, ⁶ mó oma bedida hógyito á, butamatalí trá damli klontó. Tsúfé amó onutó amu trá bude Bulu mu Bi amu da mántá oyikpalíhesu, tsú mó líi bee, ahá búbwée mu ahinlá ní.

⁷ Anyánpósa aku bugyi fé osulóá itonu ntsuá nyankpu détswie wolí mósó, ató tówá alé, wá labi há ahá amu su amóú bado mó amu. Bulu toyúlá alí ahá anfi odu. ⁸ Táme aku é bugyi fé osulóú aní tunkpa móa awu aná tókwe mósó, butamawá labi. Ní bumeki wankláán á, Bulu obólwí amó, wá amó ogyá.

⁹ Táme apió adwepó, ní nde ini bí ó á, opúni medé mí tsií. Tsúfé nyin aní mli dé ató wankláán bwe, idesuná aní Bulu lahó mli nkpa. ¹⁰ Tsúfé tóá ida okpa Bulu tóbwe. Oméetan mli gyumagyihe pó odweá mlilalé suná mu tsú mu ahátsató, mlitráa mlibu mósó. ¹¹ Nhíé ndeklé mbée, mli to okugyíokú obówa iwí owonlín, bwé mó yófon mó onómo, fówun itó amóú mli ansí dun mósó amu ibéba mótó há mli. ¹² Mmedékléá mli mli onétó awoliyopó. Mboún mlikasi ahá amóú amó hógyi pó amó ikunya su amó ibí bédá itó amóú Bulu léhie yáí amu.

Bulu Lédká Ibwi Tóá Oheie Yáísó

¹³ Bréá Bulu léka ntam há Abraham a, ohaa má inuá odun mu Bulu. Mó su mu onutó iwí olópuká ntam. ¹⁴ Obée, “Nekáse, néhie yúlá fú. Néha fú abí-aná békleí tsotsotsó!” ¹⁵ Abraham lénya klun. Mó su olenya itó amóú Bulu léka ntam obée méha mu amu. ¹⁶ Ní oku obéka ntam a, oha aní odun mu idá otópuká ntam amu. Isuna aní nwéengyí kuku má mu ntam amu iwí. ¹⁷ Ini su bréá Bulu dékléá obósuná ahá amóú oheie tó amu há amu aní oméetse mu agywun ekekeke á, oletanu mu iwí. ¹⁸ Bulu tamawá afunu! Mu tó amóú oheie yáí amu, pó ntam amu igyi atoku anyo aní iméetse ekekeke. Ini su aní ahá amóú anilasrí tanu mu amu anibu tóá abópówá iwí owonlín, akita tó amóú anidé okpa kí amuto kinkíínkín. ¹⁹ Aní okpakí anfi lakítá aní yáí fé alíá otan tekítá obu líí. Aní okpakí anfi tekpá aní, anitotsun tati amóú isian osósó Owankíkpáto Owankíkpá obu-onó amuto wíé mótó. ²⁰ Aní su Yesu lagyankpá yó obu obu amuto inu dodo. Alamlí igyí ohapó dehen aní obu inu bré féétó há aní fé Melkisedek.

7

Bulu Igyí Ohapó Melkisedek

¹ Melkisedek anfi á, owíe ogyi Salem. Obóbwe osósósó Bulu amu igyí ohapó. Eke oku Abraham lóyókó awíe abaná aku isá, gyí amósó. Bréá oleyínkí obá á, olefia Melkisedek. Melkisedek lóyulá mu. ² Abraham léye atóá olenya tsú isá amuto idú, olópu idúsí há Melkisedek. Idá anfi así gyí, “Yilébwé Owíe.” Mu idá kule é gyí “Iwilwii Owíe,” tsúfé Salem así gyí, “Iwilwii.” ³ Bulu asón mebli asvansu tsú Melkisedek akwípo ntée mu ilíntó, mu kwí ntée mu lowu iwí. Oheian Bulu mu Bi amu. Bulu igyí ohapó ogyi bré féétó.

⁴ Mlíki alíá Melkisedek gyí oha kpónkpónkponti oku. Aní náin Abraham kóráá léye mu atóá olenya tsú isátó idú, pó iku kule há mu. ⁵ Mose Mbla léha Lewi abí-aná, bugyi igyí ahapó amu okpa aní bwhó ató yée idútó kule tsu amó

* **6:2** Ibí púdínká ohasu igyi amándíé aní opasua ahande búbwé pówá ahá aní balé há gyoma ku gyí opasua amuto owonlín, ntée pótá ahá ilo, ntée pókóli Bulu Ohe Wankihé há amó.

ahá Israelfó wá. Ibo mótó aní Abraham abí-aná amó é bogyi. ⁶ Melkisedek anfi mótsú Lewi abí-anátó, táme olóhó Abraham ató yée idútó kóle, yúlá Abraham mboún amóú Bulu léka ntam há ámu. ⁷ Nwéengyí ma mó iwí aní ohá aní otoyúlá dón omóá bodeyulá. ⁸ Yudafó igyi ahapó amóú butóhó Israelfó ató idútó kóle amó butowú, táme olóhó Abraham atóyetó idúsí anfi mó trá otsie nkpa fé alíá Bulu asón wanlínhé amó déblí. ⁹ Ní anímóowa afunu a, abétalí blí aníaa, bré amóú Abraham lópu mvo ató idútó kóle há mu amó a, Lewi abusuan amóú butóhó Israelfó ató idútó kóle amó é beka mó tsón Abrahamsu. ¹⁰ Tsúfé Lewi bu mvo nain Abraham iwíto, bumókónyá kwíí mvo asa mvo nain lópu mvo ató idútó kóle há Melkisedek.

¹¹ Ibo mótó aní Mose mbla ámu léblí aní Bulu igyí ahapó butsúu Lewi abusuantó. Ní bétalí há ohá obófon a, tekí Bulu métrá le mvo igyí ohapó bámbá aní ogyi fé Melkisedek, omotsú Aaron abusuantó. ¹² Ní betse igyí ahapóle mbla ámu a, mómú ilehián aní bétse Mose mbla ámu é. ¹³ Tsúfé aní Wíe anfi anidé mvo iwí asón blí anfi otsú abusuan bámbátó. Abusuan ánfító oháa mókósúm afódi-asubwí amósu kí. ¹⁴ Ohagyíoha yin aní Yuda abusuantó aní Wíe anfi otsú. Mose méti abusuan anfi idá bréá ode abusuan oduá bóbwe Bulu igyí ahapó iwí asón blí.

Bulu Igyí Ohapó Bambá Aní Ogyi Fé Melkisedek

¹⁵ Bulu mbla anfi tsée latráa wankí aní tsía, tsúfé igyí ohapó bámbá labelé iwí owan fé Melkisedek. ¹⁶ Mbla dada amó ilosuná aní Lewifó nkóle obwée igyí ahapó, táme megyí bee mvo anáin botsú Lewifóto só olóbwe igyí ohapó. Mboún mvo nkpa aní imóomó onó ekekekeke túmitó óna olóbwe igyí ohapó. ¹⁷ Tsúfé bōwanlín wá Bulu asón ámutó bee, “Bulu igyí ohapó fōgyi bré fēétó, fé Melkisedek.” ¹⁸ Idesuná aní balé igyíha mbla dada amó íbwi, tsúfé imōwa ogyá, imōwa labi é. ¹⁹ Tsúfé Mose mbla ámu metálí bwé tótóto ifon. Séi á, Bulu lapó aní okpakí wanklāán aní idon mbla dada amó yáí mó otsiákpá. Móá íbékpiá aní mantāa Bulu.

²⁰ Bulu léka Yesu iwí ntam aní obóbwe mvo igyí ohapó bré fēétó. Omeka igyí ohapó bámbá okokooku iwí ntam. ²¹ Yesu iwí ntam aní oleka bréá olóbwe mvo igyí ohapó gyí,

“Mí Bulu, naká mí iwí ntam aní
igyí ohapó fōgyi bré fēétó.
Mmēelatse mí agywun!”

²² Ina ntam anfi su Yesu labóbwe oma olúpó há Bulu nhíhié aní ihíé bu alé don nhíhié dada amó.

²³ Bulu igyí ahapó amóú betsiá nhíhié dada amó onó ámu bōhié butso, tsúfé butowú sí agyómá ámu tswí. ²⁴ Yesu mó bu unv bré fēétó. Mó su mvo Bulu igyíha móomó onó ekekekeke. ²⁵ Mó su otetálí hō ahá aní butótsón mōsu ba Bulu wá fēé nkpa plíplíplí. Tsúfé otsie Bulu wá, ode mvo kokóli amó nwunsu bré fēétó.

²⁶ Yesu gyí Bulu igyí ohapó dehen onutó aní anidéhián ní. Mvo iwí letin, tsitsa koku ima mvo iwí. Lalahé kookooku é ima mutó. Bulu léle mvo lé lakpan abwepó okpasu, há mvo otsiákpá fūáhé osósóúsó. ²⁷ Imehián aní mvo mó obégýankpá bó mvo lakpan iwí afódi, fé igyí ahapó dehen atráhe amó. Amó mó betsiá bó há amó onutó lakpan ekekegyíeke, asa bōbō há ahá atráhe. Otsáwule pé mvo mó olóbō afódi há ahá fēé lakpan, bréá olópu mvo iwí bó afódi ahá fēé nwunsu. ²⁸ Mose mbla léha ahá aní bapōn bōbwe Bulu igyí ahapó dehen. Táme mbla ámu oma a, Bulu léka ntam lé mvo Bi. Alahá mvo Bi ámu labwé mvo igyí ohapó dehen aní olófon bré fēétó.

8

Ani Igyi ɔhapɔ Dehen

¹ Asɔn ɔnɔ ndeblɔ fɛɛ gyi, anɔbu Bulu igyi ɔhapɔ dehen ɔnɔ ɔgyi aɔ, otsie Bulu Otumipɔ amɔ obiɔ gyɔpɔsɔ ɔsɔsɔ. ² Ɔde Bulu igyi ha Ɔwankikpɔtɔ Ɔwankikpɔ onutɔ ɔnɔ ibɔ ɔsɔsɔ inɔ. Mɔ mɔ ɔ, Bulu onutɔ lɛyi mɔ, megyi nyankpɔsa.

³ Bulu igyi ɔhapɔ dehen okugyiɔku ɔ, mɔ agyɔmɔ gyi, ɔbɔpɔ ahɔ ɔmɔ atɔ hahɛ pɔ ɔmɔ afɔɔɔɔ-abɔtɔ hɔ Bulu. Inɔ sɔ ilehiɔn ɔnɔ anɔ Bulu igyi ɔhapɔ dehen Kristo ɛ obɛnya tɔɔ ɔbɔpɔhɔ Bulu. ⁴ Nɔ ɔsulɔsɔ anɔsɔ ɔbɔ a, tɛki ɔmɔɔbwe Bulu igyi ɔhapɔ ekekekeke. Tsufɛ Bulu igyi ahapɔ onutɔ bubɔ inɔɔ butɛhɔ Bulu igyi Mose mbla ɔnɔ. ⁵ Igyi ahapɔ amɔ butɔtswe Bulu igyi ɔhakpɔ ɔnɔ ilehiɔn ɔsɔsɔ tati-obu ɔmɔ. Inɔ sɔ Bulu lɛɔ Mose ɔlɔ brɛɔ ɔbɔbwe tati-obu ɔmɔ ɔbɛɛ, “Kɔ ɔnɔ fɔbwe tɔgyiɔtɔ fɛ obu ɔmɔ nɛɛ sɔnɔ fɔ ibɔsɔ inɔ ɔmɔ odu pɛpɛɛpɛ.” ⁶ Tɔmɛ Yesu igyiha agyɔmɔ ɔmɔ Bulu lɛha mɔ amɔ lɛhiɛ fɔɔ ɔnɔ ɔsulɔsɔ igyi ahapɔ dehen amɔ klɛ. Ntam pɔpwe ɔmɔ ibɔ anɔ Bulu nsɔnɛ, Yesu gyi mɔ ɔma ɔlɔpɔ amɔ ɛ ihɛ bu ɔlɛ ɔnɔ ntam dada amɔ. Tsufɛ ɔlɛhiɛ atoyilɛɔ mɔbwe hɔ anɔ wɔ mɔtɔ.

⁷ Ntam gyankpɔpɔ amɔ inɔfɔn. Nɔ ilɔfɔn a, tɛki nyɔɔsɔ mɛtrɔ hiɔn. ⁸ Tɔmɛ Bulu lɔwun ɔnɔ anyɔnkpɔsa bɔmɛbɔ bwɛ. Mɔ sɔ ɔlɛblɔ ɔbɛɛ, “Ɛke ɔku ibɔ. Mɔ mɔ Wie dɛblɔ.

Mɔ Israelfɔ pɔ Yudaɔ abɛka ntam pɔpwe.

⁹ Imɔɔbwe fɛ mɔ ɔmɔ iletsiɔ mɔ amɔ anɔin nsɔnɛ, brɛ ɔmɔ nekɔtɔ amɔ ibɔ, kpɔ amɔ dalɔ Egyipte ɔsulɔsɔ ɔmɔ.

Tsufɛ bɔmegyi mɔ ntam amɔsɔ.

Inɔ sɔ nesi amɔ iwi hɔ amɔ.

¹⁰ Ntam anɔ obɛtsiɔ mɔ Israelfɔ nsɔnɛ ɛke amɔ nɔ. Mɔ mɔ Wie dɛblɔ.

Nɔpɔ mɔ mbla wɔ amɔ nwuntɔ, nɔwanlɔn mɔ dɔnkɔ amɔ klɔnsɔ.

Nɔbwe amɔ Bulu, amɔ ɛ bɔbwe mɔ ahɔ.

¹¹ Amɔtɔ ɔkɔku mɛtrɔ sunɔ mɔ pio, ntɛɛ mɔ ba ɔbɛɛ,

ɔbɔ Bulu.

Tsufɛ amɔ fɛɛ bɛbɔ mɔ.

Tsɔ nyebɔsɔ yɔfɔn ahandɛsɔ.

¹² Nesi amɔ lakpan kiɛ amɔ.

Mmɛtrɔ kɔin lalaheɔ babwɛsɔ.”

¹³ Nɔ anɔ Wie dɛ ntam pɔpwe iwi ɔsɔn blɔ ɔ, mɔmɔ ilɔsunɔ ɔnɔ dada amɔ itrɔa ma labɔ mɔ ansɔtɔ. Tɔɔ ilɔɔan bwe dɔɔa a, wu itowɔ.

9

Ɔsulɔsɔ Mɔɔ Ɔsɔsɔ Bulusum

¹ Bulusum mbla letsɔ Bulu ntam dada amɔtɔ. Bɔbwe tati-obu ɔnɔ bɔsum Bulu mɔtɔ ɔsulɔsɔ nɔ. ² Bɔpɔ tati tin tati-obu ɔmɔ ɔnɔ, bɔpɔ ikɔɛ ɛ kɔ mɔtɔ. Bɛtɔ obu gyankpɔpɔ amɔtɔ bɛɛ, Ɔwankikpɔ. Ɔkandɛ-oyi ɔnɔ butonywɛ nkandɛ bian mɔsɔ pɔ ɔpɔnɔ ɔnɔ bodobodoɔ bapɔhɔ Bulu igyi idɔn mɔsɔ bu inɔ. ³ Obu nyɔɔsɔ amɔ ibɔ tati nyɔɔsɔ amɔ ɔma amɔtɔ butɛtɔ, Ɔwankikpɔtɔ Ɔwankikpɔ nɔ. ⁴ Sika pɛpɛ afɔɔɔɔ-asubwi bu inɔ. Bulu Ntam-dɔka ɔnɔ bɔpɔ sika pɛpɛ pɔɔtɔ mɔ iwi fɛɛ ɛ itsie inɔ. Butɔwɔ ɔhiɛn ogyɔ afɔɔɔɔ-asubwi ɔmɔsɔ. Atoku asa bɔ Bulu Ntam-dɔka amɔtɔ. Mɔgyi, sika pɛpɛ ɔlɔnkabi ɔnɔ atogyihɛ kɔɔ bɛtɔ mɔ mana bu mɔtɔ, Aaron oyi yiɔhɛ amɔ ibɔpɔ amɔ pɔ abwi pɛtɛplɛ anyɔ amɔ Bulu lɔwanlɔn mɔ mbla dɔnkɔ mɔsɔ amɔ ɛ bu mɔtɔ. ⁵ Bɔbwe Kerubim anyɔɔ bubɔ numnyam, bɔgyi ntɔbɔ akɔɔ bubɔ abɔmba dɔnkɔ ntam-dɔka amɔ obuasɔsɔ.

Amó fée betínkí amó abám̄ba fia aba, ilobun dáka ámūsu. Amó nsíné inu Bulu tesí ahá lakpan kíé amó ní. Táme megýí séi abéle asón ánfí así.

⁶ Alí bela ntobí ámu yáí inu ní. Bulu igýí ahapó ámu butowíé obu gyankpapu, igýí Ɔwankíkpá amoto ekekegyíéke yóyo amó agyómá. ⁷ Bulu igýí ɔhapó dehen pé towíé obu nyɔɔsi, igýí Ɔwankíkpáto Ɔwankíkpá amoto. Ɔtsáwule pé otowíé inu ofító. Ilehíán ání ɔbópu ɔbwí obugya ání ɔbópúbó afɔdie há Bulu mu onutó nwunso pó ahá lakpan ání bɔbwé, bomeyín su ya inu. ⁸ Tóá Ɔhe Wankíhé amu désuná tsú ntobí ánfí iwí gyí, Ɔwankíkpáto Ɔwankíkpá inu ɔkpa lefin wa amó bréá tati-obu ámu gyí amó Bulu ɔtswékpa. ⁹ Iní igýí atosuanhé há nde ɔyi kéhe. Idesuná ání ibu mótóá butópó ato hahé pú afɔdie-abótó há Bulu igýí, táme iméetalí há mó ɔhapó ámu klun isi mu ipón ha ání mu iwí latin tsú mu lakpantó. ¹⁰ Tsúfé ntobíá igýí, atogyihé, atonuhé pú amándíé ání nyankpɔsa tɔpógyóra iwí kéke mb̄la ámu losuná. Bulu lóbwé mb̄la ámu fée há nyankpɔsa, ání ɔkíta mótó bɔfun bré ánfí alabwé ɔkpa pɔpwe ání bópɔbwé mó ánfí, animéetrá bwe dáda amu.

¹¹ Kristo labɔbwé Bulu igýí ɔhapó dehen há ato wankláán amóú ilaba ámu. Mu tati-obu ání ɔbu mótó bu ɔsósú. Inu tati-obu ámu dun ɔsulósu klé, ilɔfun dun mó é. Megýí nyankpɔsa lóbwé mó mó, imotsú ɔyí ánfító é. ¹² Megýí atrɔkpa pú nnantswie yínhé obugya Kristo lópɔya Ɔwankíkpáto Ɔwankíkpá inu. Mu onutó obugya ɔlɔpɔya inu, ɔlɔpóká aní nwunso ikɔ ɔtsáwule pé, anlén̄ya nkpa ání itamatá. ¹³ Mose mb̄la ámu ɔnó á, akpaláa pú nnantswie obugya pú ɔnantswiebí ání bawá mu ogyá, alahɔ nsúó butowún̄ya wolí ahá ání ifin lada amó, pógyóra amó. ¹⁴ Ní betalí bɔde mbwí obugya kóráá potin ahá iwí á, ntogyi su Kristo obugya méetalí tin ahá iwí dun? Kristo lótsɔn Ɔhé amóú ibu inu bré fée ámūsu, pú mu iwí lé mbusuo ání ilɔfun há Bulu. Mu obugya amu ibétin aní kluntó tsú bwehéá ibékpa aní wá lowuto iwí, méní abétalí súm Bulu Ɔkiankpapu amu.

¹⁵ Iní su Kristo gyí ntam pɔpwe ání ɔbu Bulu mūa anyánpɔsa nsíné ɔma ɔlúpó, méní ahá amóú Bulu latí ámu bénya ató amóú itamayíntá, ɔlehíe yáí há amó ámu. Tsúfé Kristo lowu ámu ilahá amó bagyi iwí tsú lakpan amóú bɔbwé bré amóú bubu ntam gyankpapu amu así amoto.

¹⁶ Ní ɔku ɔwánlín nhíhé há mu atótó yée tswí a, otowú asa itoyó agyómá. ¹⁷ Tsúfé nhíhé ámu ima labi bréá ɔhá ámu onutó tsie nkpa. Mu lowu ɔma itowá labi. ¹⁸ Iní só bɔpu obugya sí Bulu ntam gyankpapu amu ésú asa iloyó agyómá ní. ¹⁹ Tsúfé bréá Mose lékla mb̄la ámu fée súná Israelfó tá á, ɔlɔpu ntsu fráa nnantswie pú akpaláa obugyato, pú kufa iwí imi pepe móa ifá kuá butetí mó Hisop wún̄ya obugya fráhe amu wolí mb̄la ɔwoló ámu pú ahá ámu féesó. ²⁰ Móú ɔleblí ɔbéé, “Obugya ání ndepɔsí ntam ání Bulu laká há ml̄isu ní.” ²¹ Alí kén ɔlɔpu obugya amu ku wún̄ya tati-obu pú ntobí amóú butópútswe Bulu ámu féesó ní. ²² Lélé mó Bulu mb̄la ámu ɔnó á, abétalí blí aníaa, obugya butópógyóra tógyító. Ní bɔmɔpu obugya lé mbusuo á, lakpansikíé tamaba.

Kristo Afɔdie Téké Aní Tsú Lakpantó

²³ Alí ilehián ání bɔbwé amándíé ánfí pógyóra ntobí ánfí igýí fé ɔsósú klé amu ní. Táme ɔsósú klé amu ilehián afɔdie ání ihíé dun ɔsulósu klé anfi. ²⁴ Iní só Kristo mówie tati-obuá nyankpɔsa lópu mu ibí bwé, igýí fé ɔsósú klé amu oduto ní. Ɔsósú ɔloyó yélí Bulu ansító, ɔde mu kokóli ha aní. ²⁵ Ɔmɔpu mu iwí yóbo afɔdie tsenyɔ-tsesa, fé alí amóú Bulu igýí ahapó dehen amu butópó mbwí obugya ya ɔsulósu Ɔwankíkpáto Ɔwankíkpá inu ofifigyíofi ámu. ²⁶ Ní alí igýí á, tekí ilehián ání Kristo obétsiá wun iwíɔsin wú tsé dú tsé lafa, tsú bréá ɔyí lefi así ɔpá. Mboun alalé iwí ɔwan ɔyí ɔnóm̄bí ánfí, pú mu iwí bɔbo afɔdie ɔtsáwule pé pólé ahá tsú amó lakpantó. ²⁷ Igýí fé alíá ida yáí ání ɔtsáwule pé ɔha obówu.

Mó ɔma a, Bulu obégyi mu asón. ²⁸ Alí kén Kristo lópu mu iwí b́ af́die ɔtsáwule pé, pólé ahá tsɔtsɔtsɔ tsú amó lakpantɔ ní. Mó su ní ɔlé iwí ɔwan otse nyɔɔsi a, imehián aní ɔbétrá bwe tɔtɔ tsú lakpan iwí. Mboún ahá aní buhié butsie bugyo mu nkpa ɔbá b́hɔ.

10

¹ Alí á mú Mose mbla léle súná aní bupóha Bulu igyí amu iléian mó á mú ɔbéba amu kéke. Mó onutó á mu Kristo labɔbwe á. Af́die oloku ɔkule amu betsiá b́ há Bulu ofífigyíofi. Táme imetalí há ahá á mú buɛbeha igyí amu abufon Bulu ansító. ² Ní íletalí tɔn amó iwí Bulu ansító ɔtsáwule pé á, teki besi af́die á mu b́, amó klɔn é ilesi amó ipón ha aní babwé lakpan. ³⁻⁴ Tsúfé nnantswie yínhé ṕ atɔkpa obugya méetalí lé nyankpɔsa tsú mu lakpantɔ ekekekeke. Mboún ha itehá mu ɔtekáin mu lakpansu ofífigyíofi. ⁵ Iní su bréá Kristo ɔbá ɔyító á, ɔlebláa Bulu ɔbé,

“Megyí atɔ hahé móa af́die f́dedunká.

Mboún ɔyólɔ fela yáí mí.

⁶ F́ ansí megyi mbwí t́hé
ṕ lakpan af́die iwí.

⁷ Ḿ nɛblí mbée, ‘Mí Bulu, mí ní.
Nɛbá b́bwe f́ apé,

f́ alíá b́wanlín mí iwí asón wá
f́ ason wanlínhé amɔtɔ.’ ”

⁸ Olegyankpá blí ɔbé, “Megyí af́die móa atɔ hahé, mbwí t́hé ṕ lakpan af́die f́dedunká. F́ ansí megyi mó iwí.” ɔleblí alí, táme mbla ɔkpasó ilehián aní b́bwe mó. ⁹ Ḿ ɔletrá blí ɔbé, “Mí Bulu, mí ní. Nɛbá b́bwe f́ apé.” Mó su Bulu lalé af́die dada amu ibwí, ṕ Kristo af́die á mu wá mó otsiákpá. ¹⁰ Yesu Kristo lóbwe Bulu apé, ṕ mu iwí b́ af́die aní nwunsu ɔtsáwule pé, há bré f́é. Mó su aní iwí latín.

¹¹ Igyí ɔhapó okugyíɔku telí b́ af́die oloku ɔkule amu ekekegyíeke. Af́die-abɔt́ á mú otenyá ṕb́ mó tsé dú tsé lafa á mu kén ɔtɔṕb́ mó ní. Táme af́die anfi méetalí lé ahá tsú amó lakpantɔ ekekekeke. ¹² Kristo mó lénya b́ lakpan iwí af́die ɔtsáwule pé á mu a, íleta f́é, oleyétsiá Bulu gyɔpɔsu. ¹³ Tsú alí bré á mu ɔpá otsie inu ogyo bréá Bulu ɔb́pu mu alupó bwé mu ayabi oyíkpa. ¹⁴ Mu af́die kule pé á mu ilahá ahá á mú Bulu lapó amó bwé mu kle amu bafon ha bré f́é, ɔlala kukukukú itráa ma amó iwí.

¹⁵ ɔhe Wankíhé é légyi mó iwí adánsie súná aní. Olegyankpá blí ɔbé,

¹⁶ Aní Wíe ɔbé,

“Ntam anfi obétsiá mía amónyɔ nsíné,

bré á mú ɔb́ á mu t́.

Nópu mí mbla wá amó klɔntɔ,

wánlín mó wá amó nwuntɔ.”

¹⁷ ɔletrá blí ɔbé, “Mméetrá káin amó lakpan ṕ amó lalahesu ekekekeke.” ¹⁸ Mó su ní Bulu lasí lakpan ḱé á, mómó mó iwí af́die kukú itráa medéhián é.

Mliha Akpɔkpe Manta Bulu

¹⁹ Iní su mí apíó, Yesu obugya amu su aníbu ɔkpa wíé ɔsósó ɔwankíkpátɔ ɔwankíkpá inu faan. ²⁰ Mu lowu á mu su alafínkí tati á mú b́pɔká obu á mu t́ há aní. Ḿgyí ɔkpa ṕpweá itehá aní nkpa ní. ²¹ Aníbu Bulu igyí ɔhapó dehen kpɔnkpɔnkpɔntí ɔkúá ɔde Bulu ahásu kí. ²² Mó su mliha apu íklɔn aní ibu ɔnɔkwali, ṕ h́gyiá mó ɔnɔ bu ɔnlín kpɔkpe manta Bulu. Tsúfé alapó Kristo obugya gyóra aní. Aní klɔn méetrá ha aní pón, alapó ntsu wánkíhé é fwí aní iwí. ²³ Mliha akita t́ á mú anídé mó iwí adánsie gyí, anídé mó ɔkpa kí amɔtɔ kínkín, tsúfé ɔnɔkwali pu Bulu gyí. ɔb́bwe t́á ɔlehie aní móbwe há aní.

²⁴ Mliha akí alíá íbóbwe abówa aba ɔwɔnlín, ɔdwe móa yilébwetɔ. ²⁵ Mlimáha asi aní ofiakpa yɔ, fé alíá akú bɔdeɔbwe. Mboún mliha atra wa aba ɔwɔnlín tsía. Tsúfé mliɔéwúun ání aní Wíe ɔbáke ámu idekpokpé bá.

²⁶ Mí apíó, lakpan iwi afɔɔɔ kuku itráa ma iwu há aní, ní akí ansí bwé lakpan bréá anilabí ɔnɔkwali ámu. ²⁷ Mboún tásá ilasí gyí, abétsiá ifúsó gyo Bulu asón ogyíké pó ogyá kpɔnkpɔnkpɔntí ámuó íbóhɔ Bulu alupó ámu. ²⁸ Ní ahá abanyó-abasá begyi ɔku iwi adánsie, ání alakíná Mose mbla ámuɔ gyí a, bɔtámó mu. Bɔtamawun mu nwe. ²⁹ Mómu ní ɔku ɔkí Bulu mu Bi ámu ansító kótíkótí, omobu ání mu obugya ámuó Bulu lópusí mu ntamsu, ilogyɔráa mu iwi ámu bu ibiá, olesia Bulu awitɔle ɔhɛ ámu mó á, mu isubití ání ɔbéhie nyá méeba kí. ³⁰ Tsúfé aniyin ání Bulu léblí ɔbé, “Mí, mli Wíe téká lalahɛ ikɔ. Mí ɔbéka aha lalahɛ ako amó lakpan su.” ɔlɛtrá blí ɔbé, “Mí, mli Wíe obégyi mí ahá asón.” ³¹ Iwu ifú ání fékpa wíé Bulu ɔkiankpapo ámu agblátɔ.

³² Mlimátan bré ámuó Bulu wankí lówankí wólí mliɔ ámuɔ. Mlikain ání alí bré ámuɔ á, mliłɔtsɔn iwiɔsin tsɔtsɔtsɔtɔ, táme mliłélú kinkínkín. ³³ Betsiá síá mli, wá mli iwiɔsin ahá ansító. Bré kɔtɔ é á, mliłétsa ahá ání bɔde iwiɔsin ámu odu wúun. ³⁴ Mliłósú ha obu adípó. Bréá ahá bɔpu ɔwɔnlín swíi mli ató á, mliłési há amó ansigyísó. Tsúfé mliyin ání mliɔ atósá iwu alé dun mó, íbetsiá bré féétó. ³⁵ Mó su imákpɔn mli. Mlikita iwi, amlilu kinkín, tsúfé mliɔ ikáká kpɔnkpɔnkpɔntí Bulu wá. ³⁶ Ilehian ání mliłotomi, méní mliłetalí bwé Bulu apé, fówun mlenya itó ámuó Bulu léhie yáí há mli ámu. ³⁷ Tsúfé bɔwanlín wá Bulu asɔn wanlínhé ámuɔ bɛɛ,
“Iméegyi nke kuku Bulu obówotií.

ɔmówa ɔpá.

³⁸ Ahá ání amó hógyi su Bulu latsú amó ání amó asón da ɔkpa obétsiá nkpa. Táme ní amótó ɔku mówa klɔn kítá iwi mu hógyitɔ, oleyinkí ɔma mó á, Bulu ansí méegyi mu iwi.”

³⁹ Táme anímégyi fé ahá ání badámlí ɔma há Bulu, bafwí. Mboún anígyi ahá ání amó hógyi lahɔ amó nkpa.

11

Hógyi

¹ Hógyi gyí ansí pɔdínká tásá fɔmákwun, táme fɔde mó ɔkpa kisu. ² Ahá ámuó betsiá bímbí ámu hógyi sɔ Bulu ansí légyi amó iwi.

³ Aní hógyi sɔ anilébi ání asón Bulu léblí pólé ɔyí. Mó su tásá ansíbi towun lɛdalí tsu tásá ansíbi tamawuntɔ.

⁴ Hógyitɔ Habel lópu mu atɔ hahé ání iwu alé dun mu dehen Kain klé há Bulu igyí. Mu hógyi su Bulu ansí legyi muɔ mu atɔ hahé ámu iwi, olotsu mu ání mu asón da ɔkpa. Iwu mótásá olowu dodoodo, táme mu hógyi ámu su ɔtráa ɔdetáí bɔfɔn ndɛ.

⁵ Hógyi su Enok mówu asa Bulu lótsu mu, ɔhaa mówun mu. Bulu asɔn wanlínhé legyi mu iwi adánsie ání olegyi Bulu ansí asa olotsu mu náti. ⁶ Mliki, ɔhaa méetalí gyi Bulu ansí ní ɔmɔhɔ mu gyi. Tsúfé ilehian ání ɔhá ání ɔbéba Bulu wá obóhogyi ání Bulu bu iwu, ɔteká ahá ání bɔtodúnká mu ikɔ.

⁷ Hógyitɔ Noa lónu asón ání Bulu lébláa mu tsú tásá imákwun yá ba iwi. Olobu Bulu, sré dáka kpɔnkpɔnkpɔntí, púhɔ muɔ mu wóyítɔ ahá nkpa, bréá ntsu lɔbulá. Mu hógyi ámu sɔ ɔyítɔ ahá begyi pón, ɔlɔbwe ɔhá ání mu asón da ɔkpa Bulu ansító.

⁸ Hógyi léha Abraham lóbu Bulu bréá Bulu lébláa mu ɔbé, ɔdálí mu ɔmátɔ, ɔyɔ ɔsulúv ání mu Bulu léhie há muɔ. ɔlenatí dálí mu ɔmátɔ, omeyín ɔtínéá ɔyɔ.

⁹ Hógyi léha ɔlɔyóbwe ɔfɔɔ ɔsulúv ámuó Bulu léhie yáí há mu ámuɔ. Tati-obuto

oletsiá ɪnu. Alɪ kén Isak mɔa Yakob ání Bulu léhiɛ ɔsulúv amɔ yáí há é betsiá tati-mbuto ɔsulúv amɔsv ní. ¹⁰ Tsúfɛ Abraham létsiá tati-obuto, ogyo wúlu kpɔnkpɔɔnkpɔntiá Bulu léda, imóobwie ekekeke.

¹¹ Hógyi léha Abraham mɔa mɔ ka Sara benya obí kwíí. Ibv mótó ání badan tsɔn ikwíusɔ, Sara é ménya ikwíí. Abraham lóhogyi ání Bulu obégyi tás alahíé yáísú. ¹² Inɪ sɔ ɔmá kéín ání buma íklátɔ, bɔtsɔ fɛ ntsrakpabi ntée ɔpu ɔnɔ ɪsɪ belɪn tsu Abraham ání aladan tsɔn ikwíusɔtɔ.

¹³ Hógyitɔ ahá ánfɪ fɛé bowu. Ibv mótásá amó ibɪ mɛda atásá Bulu léhiɛ yáí há amó asa bowu. Táme bowun mó sísí, amó ansí légyi mó ɪwɪ. Botsu mó ání afóó pú ɔkpa atupú bugyi ɔyí ánfɪtɔ. ¹⁴ Ahá ání botsú mó alɪ bɔdele súná ání bɔde ɔmá ání íbóbwe amó onutó klé dunká. ¹⁵ Ní bɔde ɔmá ámóó bedalɪ tsu mótó ámɔ ɪwɪ susúu a, tekɪ bodunká ɔkpa yínkí yó ɪnu. ¹⁶ Táme ɔsúsú ɔmá ání ibv akíle dun mó ámóó bedalɪ mótó ámɔsv amó ansí dɪn. Mó sɔ ɪma Bulu péli ání bétɪ mɔ bɛɛ, amó Bulu. Tsúfɛ alalá wúlu kpɔnkpɔɔnkpɔntɪ kɔ yáí há amó.

¹⁷ Hógyi léha Abraham lékitá mɔ bi Isak ɔyóbɔ afódiɛ há Bulu bréá Bulu lósɔ mɔ kɪ. Ibv mótásá obí ánfɪ Bulu léhiɛ mɔ ání ɔbókwíí ní, táme ɔmɔtswe mó kpókpu. ɔlókúsú pú mɔ bi ɔkɔkúnú ɔkɔle amɔ ɔyóbɔ afódiɛ ámɔ. ¹⁸ Ibv mótásá alɪ bré ámɔtɔ á, Bulu labláa mɔ ɔbéɛ, “Fó bí Isak abí-aná ɔbóbwe fó abí-aná ní.” ¹⁹ Táme Abraham lótsu mó ání Bulu ɔbétalɪ tsínkí Isak. Lélé mó, ɔkpa ɔkɔsv á, ɔlɛlanyá Isak fɛ ɔhá ání Bulu lakúsóa tsu afúlitɔ.

²⁰ Hógyi léha Isak lóyulá mɔ atabí Yakob mɔa Esau. Mɔ ansí dɪn ání Bulu ɔbóbwe tás ɔlehiɛ há amó ekekó.

²¹ Hógyitɔ bréá Yakob ɔbá bowu á, oloyulá Yosef abi anyɔ ámɔ, olobun mɔ oyi yíahésɔ súm Bulu.

²² Hógyitɔ bréá Yosef ɔbá bowu á, ɔleblí ɔbéɛ, Bulu ɔbéle Israelfɔ tsú Egypte ɔmátó. Mó sɔ ɔlɛda amó ɔlá ɔbéɛ, bɔmási mɔ awú tswɪ ɪnu.

²³ Hógyi léha bréá bɔkwíí Mose a, bɔpu mɔ njáín tsra asa. Tsúfɛ bowun ání ɔbv akíle. Mó sɔ bɔmenya owíe amɔ mbɪla ání ɔlɔwa tswɪ ifú.

²⁴ Hógyi léha Mose lékiná ání bɔmátɪ mɔ Egypte owíe mɔ bi tsíhé mɔ bi bréá ɔlɛdan. ²⁵ Olotsulá ání bɔwáa mɔa Bulu ahá ɪwɪɔsɪntɔ, dun ání obénnya lakpanbwe ɪwɪ ansigyí bré itinbí. ²⁶ Olotsulá ání bɔsópa mɔ Kristo sɔ. Tsúfɛ íbéliɛ wá labi há mɔ dun ání obénnya Egypte atonyahé fɛé. Mɔ ansí dɪn íkóá Bulu ɔbéka mɔ ekekúsú.

²⁷ Hógyi léha Mose lénatí Egypte ɔmátó, omenya owíe amɔ ɔbló ifú. Mɔ ansí dɪn Bulu ání ɔhaa tamapú ansíbi wunsɔ. Mó sɔ olotomi, omeyinkí ɔma.

²⁸ Hógyi léha mɔ ɔleha Israelfɔ befi Katsɔn Nke gyí asɪ. ɔleha amó bɔpu obugya kpá amó obu-ɔnɔ, ménɪ Bulu-ɔbɔpɔá ɔtɔmó ahá ɔmóɔpu ibɪ da amó bití.

²⁹ Hógyi léha Israelfɔ bɔtsɔn ɔpu Pɛpɛ amɔtɔ fɛ ɔsulúv wɔlɪhesɔ bóna. Táme bréá Egyptefɔ é bɛɛ abɔtsɔn a, ɔpu amɔ lékitá amó.

³⁰ Hógyi léha Israelfɔ benatí bómlí abuntíi ání bɔpu gyi íban wá Yeriko wúlu nkensíénɔ, ilobwie bun gbloo. ³¹ Hógyi léha obu-ɔnɔ otsiápú Rahab mówu tsía ahá ání bɔmáho Bulu gyitɔ. Tsúfɛ ɔlɔho Israelfɔ ansí awakɪpu afóó wankláán.

³² Ilehián ání nétrá wanlín íkɔ é? Bré mɔtsó ání nówanlín Gideon mɔa Barak pú Samson, Yefta mɔa Dawid, Samuel mɔa Bulu ɔnósú atáípu amɔ hógyi ɪwɪ asón. ³³ Hógyi léha amó bókɔ ɔmá-ɔmá gyi amósú, bóbwe tás ída ɔkpa. Benya atásá Bulu léhiɛ há amó, bɛha agyatá ndatɔ lɛklí. ³⁴ Bodun ogyá kpɔnkpɔntɪ, bɔmesin ísá. Hógyi léha amóá bɔpɔn benya ɔwɔnlín, amó akɔ benya íkó túmí, gyi amó anyabású. ³⁵ Bulu létsinkí atsi akɔ afúli há amó. Ahá bɛpítí amó akɔ ató alu mó amó. Mó óó á, bɔmotsulá kíná Bulu. Ílɔwa amó ɔdweá bómɔ amó dun ání báyinkí Bulu ɔma, ménɪ Bulu ɔbókúsóa amó, bénnya nkpa ání ibv alé dun.

³⁶ Bóbwe amótó aku ahinlá, pítí amó mpli. Bowa amó aku ikan, pó amó tswi obu. ³⁷ Beda amótó aku abwi mó, pó sáa bói akuto, aku é besin odayí onó. Amó aku é bedi akúfa móa akpaláa nwuló-kpákpátó náti kí, aku bedi akón. Bedinká akusu, wá amó aku é iwíwíwí. ³⁸ Teki megýí oyí ánfí oduá ahá ánfí bétsiá asa. Adimbító móa abusu benatí kí fé okun abópó, tsíá dí abwi alató móa mbótó.

³⁹ Amó hógyi sú Bulu ansí légyi amó fée iwí. Okoku ibi meda tóá Bulu léhie yáí. ⁴⁰ Tsúfé atóá ibu alé, ibówa labi iwí Bulu lóbwe agywun yáí há ania amónyo fée. Mó su amó nkule buméetali nyá mó, yófun bréá Bulu labwé ania amónyo fée anilafun mu ansító.

12

Ani Sí Bulu

¹ Anibu odom anfi bapu hógyi tsíá ánfí odu bómli aní. Mó su mliha aní é atswi tógýítóá ide aní bitía ya oma pó lakpan aní ilakíklí aní kínkíínkín tsalífwí, atomi tsii osríu amóú ida aní ansító ámu. ² Mliha apu ansí dínka Yesusu. Mogyí aní hógyi nfiasí pó mó onómó. Iníá oyin ansigyí oduá ida gyo mu su á, olotomi wun ipian oyikpalíhesu wú. Omobu kpóí aní bókpoí mu tótó, alayó otsie Bulu owíe obíá ámu gýopisu.

³ Mlipuki ipian aní olotomi wun lakpan abwepó ibitó, bréá bolu mu, wá mu iwíwíwí, méní oné méeta mli, mliméesi mu hógyi. ⁴ Iwíá mliDépri le iwí lakpantó á, mlimókútálí pri yófun bréá mlési mli nkpa há. ⁵ Mlimátan itóí aní Bulu lótoí kplá mli ánfí mligyí mu abísó. Obée,
“Mí bí, ní nebití fú isu á, máhó mó lalahé su.
Ní nówá iyin wa fu á, máha mó ikpón fu.

⁶ Tsúfé ohá aní ntódwé á, mu ntówá iyin wa.

Ohá aní nópóbwé mí bí á, mu ntebití isu.”

⁷ Tomi wun ipian fé isu búde fú bití. Bulu dé mli isubití fé mu abí. Tsúfé obí omomó bu inová mu si tamabítí mu isu? ⁸ Ní omébití fú isu fé alíá otóbwé mu abí fée á, idesuná aní megýí mu bi onutó fúgyi, klétobi fúgyi mu. ⁹ Aní osulóu anísu así butebítí aní isu, anitobú amó é. Ntogyi só anímóotsulá ba iwíasi há aní Sí Bulu don amó, anya nkpa aní itamatá? ¹⁰ Bré itinbí pé aní osulósu así butópóbítí aní isu alíá budeklé. Bulu mó á, alíá abówa alé su otébítí aní isu, méní aní é aní iwí bétin fé mu. ¹¹ Ní búde aní isu bití á, itehan aní alí bré ámótó. Ansí tamagyi aní. Táme isubití ámu oma a, anitóbwé yilé, tsíá iwílwíitó.

Atosundhé Pó Oláda

¹² Mó su mlimáha abato iwu mli, akpawunuto ikpinkí mli. Mliwa iwí owonlín! ¹³ Mliha mli tsiátó iwa alé, méní abubúpu amó buméesin tsukole, mboún bénya lótsá.

¹⁴ Mlibó mbódí amlíha iwílwíi itsia mliha ohagýíoha nsiné. Mlitsia nkpa aní mó iwí letin, tsúfé ohá aní mu iwí métin móowun aní Wíe. ¹⁵ Mlíki aní mlito okukukú móohulí Bulu awítóle amó. Mlito okukú é mási asón wá mu klontó, méní omóopu asón wá mli nsiné, iyinta mlito aku. ¹⁶ Mlíki aní mlito okukú é móóbwe mu iwí mbua otópó, ntée ohá aní otamabú Bulu fé Esau. Mlópó mu hande tse otsáwule atogyihe. ¹⁷ Fé alíá mliyin yáí á, oma a, olobodunká obi dehen oyúla tsú mu si wá, táme mu si lékiná mu ha. Ibu mótóá olehie su kokóli mu si, táme omenya mótó okpa.

¹⁸ Megýí ibwá mlétalí pu ibi da así mlilaba. Otínéá oklún tuun pó afú kpónkpónkpontí bu, ogyá é idetsíí fé Sinaibu amóú Israelfó boyó mó así bréá Bulu dépu mu mbla há amó ámu así mlilaba. ¹⁹ Inó bonu okpe lófolí kóklúókúú, bonu ome kpónkpónkpontí ku lelín bláa amó asón, su bokokóli bee itsia alí, bumedékléá betrá nu asvansó. ²⁰ Tsúfé bumetalí gyí mbla amóú Bulu lówa

há amó ɔbéɛ, “Ní ɔbwí ɔkú kúráá íwí ɪda ɪbú ámu a, bɔd́áa mu abwí mɔ” ámuṣu. ²¹ T́á bowun ɪnu ĺwa amó ifú. Mú su Mose óó léblí ɔbéɛ, “Ifú lahá mí ndékpínkí!”

²² Mlí mú á, Sionbu así mlílaba. Bulu Ɔkíankpapu amu wúlu yilé, igyi ɔsúsú Yerusalem pú Bulu-abɔpu mpím-mpím ansí ogyíkpa mlílaba. ²³ Bulu bití ámu abí, bɔgyi ahá ámuú bawánlín amó adá ɔsúsú ámu ofiakpa mlílaba. Bulu, ogyi ahá f́éé asún ogyípú amu wá mlílaba. Mlílaba ahá ámuú Bulu latsú amó ání bafun amu akláa wá. ²⁴ Yesu wá mlílaba. Mɔgyí Bulu mɔa anyánpósa nsiné ntam ɔma ɔlípó ní. Yesu obugya wúnyáhe amóú ɪɔpu yilé ba dun Habel obugya amu wá mlílaba.

²⁵ Mú su mlikí wankĺán, méní mliméekíná Bulu ámuú ɔde mli asún bláa amu. Tsúf́é Israelf́o ámuú bekiná asún ání ɔb́wa Mose blí Sinaibu así nu ámu b́metalí srí sí ɪsubítí ámu. Ní aní é akíná ɔhá ánfí ɔdetáí tsú ɔsúsú ánfí ɔme nu á, aní ɪsubítí b́dun amó klé. ²⁶ Bréá Bulu ĺt́oí Sinaibuṣu á, mu ɔme léha ɔsulúv lekpiní. Táme séi á, alahíé ɔbéɛ, “Nétrá kpínkí ɔsulúv ɔtsáwule, kpínkí ɔsúsú é tsía mót́.” ²⁷ “Nétrá kpínkí mú ɔtsáwule” anfi idesuná ání Bulu ɔbékpínkí ató bwehé ámu, lé mú ɪnu. T́á ɪméekpiní ekekeke pé obésian.

²⁸ Mú su mliha ada Bulu ɪpán. Tsúf́é iwíegyi ání ɪméekpiní abénýa tsú mu wá. Mliha abu mu, anya mu ifú, méní abégyi mu ansí. ²⁹ Tsúf́é lélé mú á, ogyá aní Bulu ámu gyí, ɔt́hɔ ató plíplíplí.

13

Alá Abégyi Bulu Ansí

¹ Mlikíta mli aba Akristof́o dwet́o kínkínkín. ² Mlimátan af́óhɔṣu. Tsúf́é móléha aku b́hɔ Bulu-abɔpu af́ó, ɪmɔwankí amó ní. ³ Mlikain obu adípósú, f́é mliá amónýo dá obu. Mlikain ahá ání b́de ɪwíɔsin wúunsu, f́é mliá amónýo dé ɪwíɔsin ámu wúun.

⁴ Akúlu ḿoá aká b́b́úu aba amó abatsiátó. Ɔkuku mádali mu ba ɔma, tsúf́é Bulu ɔbébití ahá ání b́da ahá ání b́megyi amó akúlu nt́éé amó aká wá, ṕo mbua atópó f́éé ɪsu.

⁵ Ḱba asún ɪmádun mli ɔdwe wa. T́á mliṣu igyi mli ansí, tsúf́é Bulu lablí ɔbéɛ, “Mméenatí sí mli, nt́éé kíná mli ekekekeke.” ⁶ Mú su abétalí wá klón blí aníaa, “Mí Wíe Bulu gyí mí ɔb́ápu.

Mú su t́t́o ḿɔwa mí ifú.
Nt́o nyankpusa ɔbétalí bwé mí?”

⁷ Mlikain mli nkpá agyápu amóú begyankpá bláa mli Bulu asún ámuṣu. Mlikí alá b́potsiá, amĺnya hógyi f́é amó. ⁸ Alí ámuú Yesu Kristo gyí ígye ámu a, alí ógyi nde, alí kén obétsiá bré f́éé é ní. ⁹ Mú su mlimáha atosunáhé ɔtsan-ɔtsan igyi mli ansí, ɪbitia mli le ɔkpa wankĺán ámuṣu. ɪbú aléá mléha Bulu ɔb́wa awítale há mli ɔhétó ɔwonlín, megyí atogyihe mbla, ání ɪtamawá labi kuku há mósú agyípósu gyí.

¹⁰ Aníbu af́odie-asubwi ḱvá igyi ahapó ámuú beha Bulu igyi ɔsulúsu nfi ámu b́ma ɔkpa gyi mósú ató. ¹¹ Bulu igyi ɔhapó dehen t́pó mbwí obugya wíé Ɔwankíkpátó Ɔwankíkpá ɪnu ýbɔ amó lakpan ɪwí af́odie, b́t́pó aye amu mó ya mmuátse, ýwa mó ogyá. ¹² ɪnɪ śú Yesu é ĺwu mmuátse, méní ɔb́pu mu onutó obugya gyóra mu ahá, amó lakpan su ní. ¹³ Mú su mliha adali ýo mu wá mmuátse ɪnu, abukṕo ania ḿnyo. ¹⁴ Tsúf́é animá wúluá ɪbétsiá ýo ɔsulúsu nfi. Anígyó wúlu amóú ɪb́a ámu. ¹⁵ Mú su mliha atsún Yesuṣu akanf́u Bulu, ɪbwe af́odie ání anídepóhá mu ekekegyíeke. Mógýi ɔnót́ asún ání anídepówá aní Wíe numnyam ní. ¹⁶ Mlimátan awítalewasu. Mliye mli atót́ ha aba, tsúf́é mó aná gyí af́odieá itegyi Bulu ansí ní.

¹⁷ Mlɪbu mlɪ nkpá agyápu, amlɪba iwɪasi ha amó. Tsúfé butamadá ɔkpónó mlɪ ɔklásokú sɔ. Boyin ání b́eyele alíá b́epukɪ anɪ ɔklásɔ ɔnó Bulu ansító. Mlɪha amó abubwe amó agyómá ansigyísú, megyí nwesɔ. Ní megyí alɪ á, imóɔwa labi kuku há mlɪ.

¹⁸ Mlɪtsia b́o mpái ha anɪ. Nyin ání anɪ klɔn mɛdé anɪ pón ha, támɛ anidékléá abétsiá tsiátó wankláán brégyíbré. ¹⁹ Nhíé ndekléá mlɪb́o mpái, Bulu ɔháa mí ansanki ba mlɪ wá nkenyó ánfɪtɔ kótóó.

Mpái Tráhe

²⁰⁻²¹ Iwilwii ɔhapú Bulu, ɔlokɔsúa anɪ Wíe Yesu Kristo tsú afúlɪtɔ ámu ɔháa amlɪtalɪ bwe yilé kugyíkɔá odeklé. Nde mu kokóli mb́ee, ɔtsúun Yesu Kristosɔ ɔbwe t́á odeklé anɪtɔ. Yesu gyí akúfa ɔkpapú kpɔnkpɔntiá Bulu lópu mu obugya ká ntam amóó ɪbu ɪnu bré f́ée, muá mu akúfa, b́ugyi mu ahá amu nsíné ní. Numnyam ɪbẃee mu kle yófɔn bréá itamatá! Amen.

Iká

²² Mí apíó, ɪbu mót́á ɔwɔlɔ kútúklú nawánlín sísí mlɪ. Támɛ nobwíí ɪpa, mlɪyaa asɔ amlɪnu mót́ó asón ání ndepɔwá mlɪ ɔwɔnlín. ²³ Nde mlɪ ɪbi ha ání balé anɪ píó Timoteo obu. Ní ɔlɔwa ɔsa b́otɔ mí nfi mó á, nékpa mu abéba bekɪ mlɪ.

²⁴ Nɛhá mlɪ nkpá agyápu pú Bulu ahá atráhe f́ée itsiá. Akristofɔ amóó bubu Italia ɔmát́ó ámu é b́ehá mlɪ itsiá.

²⁵ Nde Bulu kokóli mb́ee, ɔwáa awɪtɔle ha mlɪ f́ée! Amen!

Yakobo ጋግሪ

Itsiaha

¹ Mí Yakobo ání ngýi Bulu mwa aní Wíe Yesu Kristo osúmbi dé ጋግሪ ánfí wanlín sísí mli Bulu ahá* ání mliladásáín wá ጋyító fée. Nde mli itsia ha.

Ansigyinya Ikplánto

² Apíó aba, ní mlowíe ikplán mwa asón wunhetó á, ansí ihíe gyi mli. ³ Tsúfē mliyin ání ní boso mli hógyi kí a, itehá mlitotomi táli líi mli asón wunhe fée onó. ⁴ Ní mletáli tomi líi mó onó á, ibéha mlédan, wá alé, fún tógyítótó. ⁵ Ní mlito oku léhián nyánsa á, okóli Bulu. Obéha mu faan. Omóowa mu pélitó, tsúfē Bulu tápó awitole há ahá fée nyánsa. ⁶ Táme ní fókulí mu a, pu hógyi kuli mu. Másusúu fée oméeha fó. Tsúfē ní fomohogyi ání obéha fó á, fúgyi fé ጋpá idá yó nkpa, iladá yó oma. ⁷⁻⁸ Ohá ání ogyi ali, mu agywun tamalíi tsukole omádinká ansí obée, ménya tototó tsú aní Wíe Bulu wá, tsúfē mu agywun igyi anyo.

Ohian Pó Iwinya

⁹ Ansí igyi Okristoyin ání oma totó, tsúfē Bulu latsú mu fúa. ¹⁰ Ní Bulu obá iwi onyapó é así á, ansí igyi mu. Tsúfē mu nkpa bótsón fé oyí ntswítswi. ¹¹ Ali ámuó owí onó iwá onlin, itó ifá, mó ntswítswi tóbó kpákpáa; ifá ámu alé tetá ámu a, ali kén iwi onyapó déyo odebá alu obówu ní.

Isóki

¹² Bulu toyulá ohá ání ototomi ikplánto. Tsúfē ní oledali mótó á, Bulu obéda mu ipán, há mu nkpa ání itamatá, igyi isugyi-ipa ámuó olee obée, mópohá ahá ámuó butodwé mu amu. ¹³ Ní boso oku kí a, omáblí obée Bulu lásó mu kí, tsúfē ohaa méetalí so Bulu kí obée, obwée lakpan. Bulu é tamaso ohaa kí obée, obwée lakpan. ¹⁴ Nyankpasa onutó ጋwóli laláhe témlé mu, bitia mu wá isókito. ¹⁵ ጋwóli laláhe tokwii lakpan. Lakpan é igyi ohaso á, itópó lowu ba.

¹⁶ Mó so apíó adwepó, mlímáha ohaa omle mli. ¹⁷ Ato wankláán pó atokiehé yilé kugyíku itsú osósó. Itsú aní Sí Bulu, osósó ato wankíhé Obwepó ámu wá. Otamatse fé ጋpa mwa onyé. ¹⁸ Mu apétó olapo mu onakwali asón kwii aní, méni abóbwe agyankpapo mu ato bwehé féeétó.

Asónnu Pó Músogyi

¹⁹ Apíó adwepó, mlinu. Mlikosi nu asón así. Mli onó máwa oša. Mlimákosi nyá obló é. ²⁰ Tsúfē obló tamabwé tóá Bulu tekke. ²¹ Mó so mlile tsiátó laláhe kugyíku le mli nkpató, amlisi lakpan bwe. Mboún mliba iwiasí, amlího Bulu asón ámuó aladú wá mlito ámu. Mó obéha mli okláa obénnya nkpa ní.

²² Mlibwe dinka Bulu asón ámuvo, mlímábwe mó anupó keke. Ní mlobwé mó anupó keke a, iwi mlidémlé. ²³ Ohá ání onú Bulu asón, omegyí mósó gyí fé ohá ání alaki mu iwi ahohwétó. ²⁴ Onyánátí mó así pé á, alatan alhá olowun mu iwi. ²⁵ Táme ohá ání oleyaa asu nú Kristo mbla ámuó ilofon, itehá anitegyi iwi ámu, ometan mósó, ode mósó gyí a, Bulu obóyulá mu okpagyíokpasu.

²⁶ Ohagyíoha ání obée mude Bulu süm, táme otamakítá iwi mu tóito á, ode iwi mlé. Mu Bulusüm igyi kpaali. ²⁷ Bulusüm oduá mó iwi letin, asvansu ma mó iwi, aní Sí Bulu tekke gyí, mléki awumbi mwa asvrapusu amó ikplánto. Mléki ání ጋyí ánfito lakpanbwe é iméegyí mliiso.

* **1:1** Yakobo létí Bulu ahá obée, abusuan dúanyo ámu.

2

Fitátò Futí Kí

¹ Mí apíó, ní mlalahó numnyam Owíe Yesu Kristo gyi a, mlimáfutí fitátò kí. ²⁻³ Ní ɪwɪ onyapúá ɔdɪdí tatiá ɪbɪ íbíá, ɔlɔwa sika ató pú ohiániá ɔdɪdí tatida be bá mli Bulu ɔsúm kpá a, mlimáha ɪwɪ onyapú ámu ɔtsiákpá, bláa mu mliáa, obétsiá oyilékpá nfi; bláa ohiáni ámu mú mliáa, ɔtsiá asɪ ɔtɪnekɪ ɪnu, ntée ɔdúnka ɔtɪnekɪ lu. ⁴ Ní mlobú ahá amó ɪwɪnya sɔ á, mlimókópó agywɪn laláhe gyi asón ní?

⁵ Apíó adwepó, mli yaa asu amlinu. Bulu léle ɔyí ánfɪtɔ ahiánfɔ ɔbéé, bunyáa hógyi ání mú ɔnɔ bu ɔnlɪn, abɔtsia mu ɪwíegyi ámutɔ, fé alɪ á múú ɔlehɪe yáí ɔbéé, mɔpɔhá ahá á múú bɔtɔdwé mu amu. ⁶ Táme mli mú á, mli tɔkpóí ahiánfɔ. Nfite mli, megyí ɪwɪ anyapú ánfɪ tesisi mli, tswín mli mánsu, sáma mli wúlu ahande wá ní? ⁷ Megyí amó dé Kristo ɪdayilé á múú ɪdɪn mli sɔ ámu kpóí ní?

⁸ Bulu mbla ámu féé nwun, bɔwanlín wá Bulu asɔn wanlínhé ámutɔ gyí, “Dwe fú bá fé fú ɪwɪ.” Ní mli dé mósú gyi léle á, mómú mli dé ɪtɔ wankláán bwe. ⁹ Táme ní mlofúti fitátò kí a, mli labwé lakpan. Bulu mbla ámu lahá mli ɪpón. ¹⁰ Tsúfé fúá fegyí mbla ámu féésó, táme fepán kule pé á, fagyí pón ání fatún mbla ámu féé. ¹¹ Tsúfé Bulu lébli ɔbéé, “Mátɔ mbua.” Mu kén lébli ɔbéé, “Mámɔ ɔha” é ní. Mú sɔ ní fómókótó mbua, táme famó ɔha a, fómókókíná Bulu mblasu gyí ní? ¹² Bulu ɔbópɔ mbla ánfɪ ɪtɔhá anitegyi ɪwɪ ánfɪ gyi ahá asón. Mú sɔ mli kí wankláán, mli asɔn blíhé pú mli bwehétó. ¹³ Tsúfé ɔhá ání ɔtamawun ahá nwe á, Bulu omóowun mu nwe. Táme ní fɔtowun ahá nwe á, Bulu obóowun fɔ nwe mu asón ogyíké.

Hógyi Pó Bwehé

¹⁴ Apíó aba, ní ɔku ɔbéé, mɔhɔ Bulu gyi, táme mu bwehé mosuná alɪ á, labi mɔmu mu hógyi ámu bu? Mú odu ɪbétalí há mu ɔkláa obénya nkpa? ¹⁵⁻¹⁶ Ní fowun fú aba áku buma atɔ didáhé pú ɔyɪ kehɔtɔ atogyiɪ, táme fómeha amó, febláa amó féé, “Nehá mli itsiá. Mli tsia wankláán. Bulu ɔkpáa mli, ɔha mli tɔá ɪde mli hián” a, labi mɔmu fú asɔn blíhé ámu ɪlɔwa? ¹⁷ Alí hógyi igyi ní. Hógyi oduá yilé bwe há fú bá ɪma mótó á, igyi hógyi wúhé.

¹⁸ ɔku ɔbétalí blí ɔbéé “Fɔbu hógyi. Mí é ntɔbwé yilé.” Néle bláa mu mbée, “Suna mí fú hógyi á múú yilé bwe ɪma mótó ámu. Mí é nɔsuná fú mí hógyi tsú mí yilé bwétó.” ¹⁹ Fú hógyi desuná ání Bulu ɔkule pé bu ɪnu? ɪbɔ alé! Táme bɪ ání ɔɪe laláhe féé bohogyi alɪ. Mú sɔ bɔtenyá mu ifú, kpínkí kpakpakpakpa. ²⁰ Fú ɔha mimláhe, fɔdekléá fówun ání hógyiá ɪtamabwé yilé igyi hógyi kpaalí? ²¹ Anɪ náín Abraham lóbwe yilé Bulu ansító, tsúfé olotsulá kpá mu bɪ Isak yáa pututɔ, tekɪ ɔyómɔ mu bó afɔdɪe há Bulu. ²² Mli lawun alíá nanáín Abraham hógyi pú mu bwehé lenatí? Mu bwehé sɔ mu hógyi lɔfɔn. ²³ Alí Bulu asɔn wanlínhé ánfɪ ɪleba mótó ní. ɔbéé, “Abraham lóhɔ Bulu gyi. Mú sɔ Bulu lóbu mu yilé ɔbwepó,” tí mu mu nyawie ní. ²⁴ ɪnɪ sɔ séí á, mli bɪ ání yilé bwe téhá Bulu totsú ɔha ání mu asón da ɔkpa mu ansító, megyí mu hógyi pé.

²⁵ Alí ɪleba ha obu-ɔnɔ ɔtsiápú Rahab é ní. Bulu lótsu mu ání mu asón da ɔkpa, tsú tɔá ɔlɔbwe sɔ. ɔlɔpɔ Yuda fɔ áku á beba bɔde ánsí wa kí mu ɔmátó njáín, ɔleha amó betse ɔkpa srí.

²⁶ Alɪ á múú ɔɪe ɪma ɔhatɔ ógyi itowuhé ámu a, alɪ ní yilé bwe memá hógyi sɔ é igyi hógyi wúhé ní.

3

ɔdandɔ

¹ Mí apíó, mli féé mli mábwe ɪwɪ ató asunápó. Tsúfé Bulu obégyi anɪ ató asunápó ánfɪ asón kí nkíínkín. ² Anɪ féé anitepán brégyíbré, táme ní ɔku

tamapán m̀v tóitò á, mómó òlòfún. Ǫbétalí gyi m̀v iwísv òkpagyíòkpasv. ³ Apókí, dátòbì k̀v pé butòpówá òpònkò ònò, pódámlí m̀v, súná m̀v òkpa pò t́á òbwéé. Itèhá otobú aní. ⁴ M̀lìkí ntsusv-yibiá idin ntsu ansítò. Ilomoní, afú kpònkpòntí t́pó mó nátí. Táme òtabv pátáplábi k̀v tédámlí mó, súná òtínéá iyóó. ⁵ Alí aní òdandv é igyi ní. Igyi aní iwí itó túkúríbí k̀v. Táme itetálí blí asón akpònkpòntí pòtsú iwí.

Igyi f́é ogya plènpènbì ání itówá ipó yílè ogyá. ⁶ Igyi itò laláhéá iteyíntá ató f́éé aní iwí. Itàkpóí nyankpòsa, yíntá m̀v nkpatíatò f́éé. Isòbití ogyá ání itamaduntò òdandv ogyá ánfí tetsánkí tsú. ⁷ Nyankpòsa tetálí bwé pututò-mbwí, mbubwí, awò pò ntsutso mbwí akugyíakv butemántá. ⁸ Táme òhaa mókótálí bwé òdandv òmanta kí. Itò laláhé òdandv gyí. Ǫtamatsíá díín. Elín ání itómó sósón bó mó. ⁹ Anitópó aní òdandv kánfó aní Wíe pò aní Sí Bulu. Mó kén anitópólwíí ahá ní. Táme Bulu onutó lóbwe nyankpòsa f́é m̀v iwí. ¹⁰ Ǫnò kule pé ámutò íkanfó móa ilwí tédálí tsu. Mí apíó, ima alá íbèba alí. ¹¹ Ntsuá ibv anúle pò ntsuá ima anúle bétalí lín tsu òbón kuletò? ¹² Mángò oyí bétalí swíé kankaba? Ntée baf́é oyí bétalí swíé mángò? Èkèkèkè! Alí ntsuá ibv anúle mèetalí lín tsu òbón ání mótò ntsu ma anúletò ní.

Nyánsa Aní Itsú Bulu Wá

¹³ Ní òkò bv nyánsa móa asón asínv m̀lìtò á, mómó òpóv m̀v tsiátò wankláán lè mó suna tsòv m̀v bwehé pò m̀v iwíasiá ání itsú m̀v nyánsatò. ¹⁴ Táme ní olu pò ònsípe tsiátò bv mutò á, mómó òmápv ibí sí kántò, blí òbée m̀bv nyánsa. Ní òblí alí á, aláwá afunv dínká òòkwálí amòsv. ¹⁵ Nyánsa ánfí odu motsú òsúsú. Itsú oyítò ató òmagyáa, tsiátò laláhé, pò òhe laláhé wá. ¹⁶ Tsúf́é òtíneyíatíné ání olu pò ònsípe bv a, aba asímánú pò lalahèbwe tésíá inu. ¹⁷ Táme òhá ání m̀v nyánsa itsú òsúsú á, gyankpapv, m̀v iwí letín. Ololwíí, òtòdwé ahá, òtèba iwíasi. Otowun ahá nwe, òtòbwé yilé. Ǫtamafútí fitátò kí, òtòbwé ató tsú m̀v klòntò. ¹⁸ Ahá nsíné òlapó todú iwílwííá itópó yilébwé ba.

4

Ǫyítò Ató Dwe

¹ Ntò tétí ikó móa itré wá m̀lì nsíné? Megyí òwólí laláhé ání ideklé igyi m̀lìsv tópóba? ² M̀lìlapó ònsípe m̀lìdé ató klé, m̀lìmédé mó nya. Iní sv m̀lìdé ahá m̀v. M̀lì ansí depe ahá atósú. Mó sù m̀lìdétré kó ní, támè m̀lì ibí méeeda mó kí. T́á svá m̀lìményá gyí, m̀lìtamakólí Bulu òha m̀lì. ³ Ní m̀lìkólí kóráá á, òtamahá m̀lì, tsúf́é agywun laláhé m̀lìtópókólí m̀v. Alíá m̀lìpówá iwí ansigyí sv m̀lìdé mó kulí. ⁴ M̀lìladámlí òma há Bulu. M̀lìméyin ání ní m̀lìdé oyítò ató dve á, m̀lìdé Bulu lu? Ní f̀òdeklé f́éé f́òdwe oyítò ató á, f̀òtòbwé Bulu olupó. ⁵ Ntée m̀lìdékíí m̀lìhaa, kpaalí Bulu asón wanlínhé amv òlèblí òbée, “Bulu tamatsúlá Ǫhé ámutò òlòpówá anitò ámutsv?” ⁶ Iní sù òtópó awítòle tsòtsòtso kpá aní, f́é alíá Bulu asón wanlínhé amv òlèblí ní. Ǫbée, “Ǫtòkúsú líí iwí atsupúsú,

támè òtópó awítòle kpá iwíasi abápv.”

⁷ Mó sv ndè m̀lì bláa mbée, m̀lìbá iwíasi ha Bulu. M̀lìkòsv lu Ǫbunsámsú, òbésrí nátí m̀lì wá. ⁸ M̀lìkpòkpè manta Bulu, Bulu é òbèkpòkpé manta m̀lì. Lakpan abwepó, m̀lìf́wí ibí lè lakpanbwetò. Ahá ání m̀lì agywun igyi anyò, m̀lìha m̀lì klòntò itín. ⁹ M̀lìsv, am̀lìha m̀lì iwí iwa m̀lì nwe, m̀lì lakpan sv. M̀lì m̀sú idámlí isú, m̀lì ansigyí imlì péli. ¹⁰ M̀lìba iwíasi Bulu ansítò, méní obòtsu m̀lì f́óá.

Aba Iwí Asón Blí

¹¹ Apíó adwepó, m̀lìmátrá blí m̀lì aba iwí asón. M̀lìmátrá tsii aba, kpóí aba. Ǫhagyíòha ání òlèlè m̀v ba ilá ntée gyi m̀v asón á, ilosuná ání òlèblí òbée, Bulu m̀bla ámv ima alé. Iní désuná ání alatsú m̀v iwí ání òdòn m̀bla ámv. Ní òdòn

mbla ámu a, múmú òmedé Bulu mbla ámu bu. ¹² Bulu lówa mbla ámu. Mu pé òbétalí pò mú gyi aní asón. Mu pé òbétalí hò aní nkpa, ntée mó aní. Ní igyi alí mó á, fúgyí ma ání fégyi fú bá asón?

Ansí Pvdínká Ọkẹsù

¹³ Mliya asu amlinu. Mli ahá ámuú mliṭeblí mliaa, “Nde ntée ọke abóyo wúlu yilé kusu, yétsiá inu ofi ọkule gyi ibiá nyá iwí” ámu. ¹⁴ Mbée, mliyin ọketo? Mliyin alíá mli nkpatasiátó bóbwe? Mligyí fẹ agyinde, itedálí dínká, táme itamawá ọpá kuku, itafwí. ¹⁵ Mó sù tásá ilehián ání mléblí gyí, “Ní Bulu lótsulá há aní nkpa á, abóbwe iní ntée iní.” ¹⁶ Ní imegyí alí á, ilosuná ání mliḍé iwí tsu, pò ibi sí kántó. Lakpan iwitsú ánfí odu gyí.

¹⁷ Mó sù ọhá ání oyin itò wankláán, táme ọtamabwé á, ọde lakpan bwe.

5

Iwí Anyapó Asón

¹ Iwí anyapó, mliṣu amlisura okitikíti, tsúfẹ ipian kpṛṅkpṛṅtí ibá mliṣu. ² Séi ánfí á, mli atonyahé fée laplò. Atéplẹ bawí mli atati. ³ Mli sika ató é ilakpóí, wí nkanu. Mó nkanu ámu obégyi mli iwí adánsiẹ, yíntá mli ọyulúv fẹ alíá ogyá teyíntá ató. Mlilakle ató tsòtsòtsò yáí kpaali, bré ánfí ọyí ibá bọmọ ọnó ánfí. ⁴ Mlikain ání ahá ámuú mlilóbò ipa, bọyo agyómá mli ndòtò, táme mlilékiná amú ikò ka ámu isú lató Bulu, túmi fée Owíe amu. ⁵ Mlilatsiá ọsulúv anfisù, gyi nkpa móa ọdwe pówá nfò fẹ nnantswie há mli ọmàké. ⁶ Mlilahá ọhá ání mu asón da ọkpa ipón, mó mu, ọmeprii iwí.

Iklunya Múa Mpáibò

⁷ Apíó aba, mlinya klun tsia gyo aní Wíe Yesu Kristo ibá. Mlikí alíá ọdòtọpu tenyá klun tsíá gyo nyankpu gyankpapu móa tráhẹ, pò alíá otetsiá gyo bréá ọsulúv amu ibéha ató pọpwe bówie wóyí. ⁸⁻⁹ Mli é mlinya klun amlilu kínkín, tsúfẹ aní Wíe, ogyi asón ogyípó amu ibá lafun. Mó sù mlimátsiá tóí mli abasù, méní ọméeha mli ipón.

¹⁰ Apíó, mliṣu Bulu ọnósú atópó amúv beblí Bulu asón ámu bwe mli ato-suánhẹ. Bowun asón tsòtsòtsò, táme benya klun. ¹¹ Mlikí alíá anitobú amú. Itsú alíá botomi amú ason wunhetò sù. Mlikain Hiob é iwí asónsú. Alíá olotomi mu ason wunhetò. Iní sù Bulu lóyulá mu mó ọma. Lélé, Bulu bu awítóle. Otowun ahá nwe.

¹² Mí apíó, ndeklé mbée mlibí wankláán ání mlimátánu ọsúsú ntée ọsulúv, ntée ká tótòtò. Mli “In!” ibwée “In!” mli “O-o!” é ibwée “O-o!” méní Bulu méeha mli pón.

¹³ Ní ọkú dé ipian wúun mliṭò á, okókoli Bulu. Ní ansí de ọkú gyí é á, ọwáa ilu kanfù Bulu. ¹⁴ Ní ọkú délò mliṭò á, ọtí ọpasua ahandẹ abuba bokokóli Bulu, abukpa mu ofobí aní Wíe idátò. ¹⁵ Ní bokókóli aní Wíe hógyitò á, ọbétisa mu ilò, ọbókúsú. Ní alabwé lakpan ku á, Bulu obési mó fée kíé mu. ¹⁶ Mó alí sù mliṭe mli lakpan bli, amlíkokoli Bulu ha aba, méní ọbétisa mli ilò. Ọhá ání mu asón da ọkpa mpái tówá ogyá. Itọyó agyómá wankláán. ¹⁷ Nyankpọsa Elia é gyí fẹ mía funyò. Olokokóli Bulu kínkínkín ání nyankpu mátswie. Lélé imotswie nfinsa móa ifun. ¹⁸ Ọlẹlakólí mu ání itswie. Lélé nyankpu létíí, ileha ató lẹlawá alé ọsulúv.

¹⁹ Mí apíó, ní mliṭò ọkú ọdida hógyitò á, ọkú ọsánkia mu ba. ²⁰ Mlibí ání ọhá ámu lalé ọkláa tsú lowu ání tẹkí obówutò. Mó sù Bulu obési mu lakpan tsòtsòtsò kíé mu.

iletin mli okpa ámutò. Itò ámúò òlòpuká mli nwunsu ikò ámu megýí fě sika pẹpẹ móa sika futútú ání itetálí yíntá. ¹⁹ Kristo obugya ání ihíé bu ibiá òlòpuká mli nwunsu ikò ámu. Kristo gyí fě okúfabiá òlòfún ha mbusuo kugyíku le, píná kòku ma mu iwí. ²⁰ Asa Bulu lóbwe oyí á, òlehíhíé tóá ibéba Kristosu yáí. Mli só Bulu lalé mu súná bré tráhe anfitò. ²¹ Kristo lahá mlilahò Bulu gyi. Bulu lókúsóa mu tsú afúlitò, wá mu numnyam. Mú só mli ansídin Bulusu, mli dé tóá alahíé okpa kí nì.

²² Mlilagyi dínká ònòkwali ámúò ibu Kristotò ámusu. Mú su mlilatín mli iwí há Bulu, mli dé aba dwe fě apió. Megýí ansító-òdwe mli dé pùhá aba. Mli yò mósú amlidwe aba wankláán tsu mli klòntò. ²³ Bulu lakwíí mli pópwe. Megýí nyankpúsa ání oméetsiá nkpa wá òpású òlòtsun kwíí mli. Mboún Bulu asón ámúò ibu nkpa, ibu inu bré fěétò ámusu òlòtsun kwíí mli. ²⁴ Bòwanlín wá Bulu asón ámutò bée, “Anyánpúsa bugyi fě ifá. Amó numnyam é igyi fě ifá ntswítswí. Ifá towú, mú ntswítswí tóbó kpákpáa, ²⁵ táme aní Wíe asón ámu mó bu inu bré fěétò.”

Asón ánfí gyí asón wankláán ámúò mó òkan adapó bèda súná mli ámu nì.

2

¹ Mú su mlilẹ agywun laláhe kugyíku le mli tò. Mlímátrá mlé aba, ntée bwé apinabwébi. Mlímátrá pẹ ansí abasu, ntée tsii aba. ² Mlibwe mli iwí fě nyebí bóbwe, amlíha Bulu asón ámúò iletín, tòtò mēfráa mótó ámu idínka mli òwólí brégyíbré, fě alí ámúò nyópu-ntsu tēdínká nyebí òwólí ámu. Méní ibéha mlédan, nyá nkpahóò tsú Bulu wá. ³ Mlilakápó aní Wíe ámu kí, mlilawun ání òbu awitòle.

Akristofò Babwé Aha Pópwe Há Bulu

⁴ Mú su mlíkpuke ba aní Wíe Yesu Kristo wá. Múgyí nkpa Owíe nì. Kristo gyí fě ibwiá ahá bekiná mú ání ɔma labi, táme Bulu léle mú ání ibu labi mu ansító. ⁵ Òhétò asón nebá beblí á. Mliba Bulu wá bré ánfí mlibu nkpa ánfí, òbwe mli fě abwiá òdepoyi obuá bótswé mu mótó. Òbwe mli mu igyi ahapó ání amó iwí létín, amlitsun Yesu Kristosu ha Bulu igyi ámúò mu Òhétò losusúu suná mli, itegyi mu ansí ámu. ⁶ Tsúfě bōwanlín wá Bulu asón ámutò bée,

“Bulu òbée, mli kí, nalé ibwi ání ibu labi,
púbwé okonkísóbwi yáí Sion wúluto.

Òhagýíòha ání òlòhò aní Wíe, ogyi okonkísóbwi ámusu gyi a,
péli méekitá mu ekekēke.”

⁷ Ibwi ánfí híé ibu labi há mli ahá ání mlilóhò Kristo gyi. Táme há ahá ání bómóhò Kristo gyi mú á, Bulu asón ámu òleblí òbée,

“Ibwi ánfí obu ayípu bekiná nì.

Táme mólébemlì ibwi ání ihíé bu labi dūn mú fěé nì.”

⁸ Asa é á,

“Iní gyí ibwiá ahá bósutíin mósú dída nì.”

Bósutíin mósó, tsúfě bomegyi Bulu asón ámusu. Alí Bulu léhie yáí ání ibá ha amó nì.

⁹ Táme mli mú á, mli gyí òmá ání Bulu lalé. Owíe ámu igyi ahapó. Òmá wankíhé ání Bulu lapó mli bwé mu onutó ahá nì. Mólálé mli tsú oklúntò pò mli ba mu òkandíe wánkíhé ámu así òbée, mlibéda ofúla ámúò alabwé ámu iwí òkan. ¹⁰ Teki bré ámu a, megýí Bulu ahá mli gyí. Táme séi mú á, mlilabwé Bulu ahá. Bré ámu a, tekí Bulu nwewúun ɔma mli su. Táme séi mú á, mu nwewúun laba mli su.

Bulu Nkpábi

¹¹ Apió adwepó, nhíé nde mli òlá da. Afóò mli gyí, mli méetsiá òsulób anfíso wá òpá. Mú su mlilẹ iwí tsu nyankpúsa òwólí laláhe ámúò itòkó mli òkláa isá ámutò.

¹² Iníá mliá ɔmátófɔ tsie sɔ á, mliɔsia tsiátɔ wankláán, ménɪ ní bɔdeblí bɛɛ mli tsiátɔ ɪma alɛ a, bówun mli yilébwe, fówun békánfó Bulu ɛke ámóú ɔbéba bekɪ amó gymagyihe amɔ.

¹³ Anɪ Wíe Yesu sɔ mlibu aban mɔa ɔhagyíɔha ání bapó túmi wá mu ibɪtɔ. Mlibu ɔmá ɔkparó ání ɔde ɔmá ámu féesú gyí. ¹⁴ Mlibu ɔmású akípɔ amóú ɔmá ɔkparó lalé ɔbéɛ, bɔbíti lakpan abwepó ɪsɔ, abɔkanfɔ yilé abwepó ámu. ¹⁵ Mlibwe yilé pɔka asɔn laláhe amóú aha mimláhe bɔteblí mábí sɔ tsú mli ɪwɪ ámu itin. Tsúfɛ ɔkpa ánfisɔ Bulu déklé ɔbéɛ, mlibwée mó ní. ¹⁶ Mliɔsia nkpa fɛ ahá ání bɔtsie ɪwɪsɔ, támɛ mlimápu mli ɪwɪsɔtsiá ámu tin ansíbi bwé lalahɛ. Mboún mliɔsia nkpa fɛ Bulu asúmpó. ¹⁷ Mlibu ɔhagyíɔha, amlɪdwe mli aba ahógyipɔ. Mlinya Bulu ifú, amlibu mli ɔmá ɔkparó.

Asúmpó ɪwiasibá

¹⁸ Nkpábi, mlinya mli awíe ifú, amlipɔ obú ha amó. Megyí amóá bolwií, bɔbɔ awítɔle há mli nkɔle. Mlibu amóá bɔbɔ owuntɔlin mliɔsɔ é. ¹⁹ Ní ɪleba mótó ání behá mlowun ɪwɪasɪn kɔkɔ kpaalɪ, támɛ Bulu sɔ mlotomi hɔ mó faan a, Bulu ansí béggyi mli ɪwɪ. ²⁰ Labi mɔmɔ ɪbɔ ní fatomi, badá fɔ fɔ lakpan sɔ? Kɔkɔ ɪma mótó. Támɛ ní fɔbwé yilé asa fotomi bɛda fɔ á, Bulu ansí tegyi fɔ ɪwɪ. ²¹ Asɔn wunhe ánfɪ aná sɔ Bulu létɪ mli ní. Tsúfɛ mli sɔ Kristo onutó é lótomi tsɔn asɔn wunhetɔ póbwe mfántóhɔn há mli, ménɪ mli é mlótsɔn mósú. ²² Bɔwanlín wá Bulu asɔn wanlínhé amɔtɔ bɛɛ, “ɔmɔbwɛ lakpan kɔkɔ. ɔmɛmlé ɔhaa é.” ²³ Besia mu, mu mó omesia ɔhaa. Bréá ɔde ipian wúun a, ɔmeká ɔhaasɔ, támɛ ɔlɔpu mu ansí dínká Bulu, asɔn ogyípó ɔnɔkwalipɔ amɔsɔ. ²⁴ Yesu Kristo onutó lɔhɔ anɪ lakpan fée sɔrá, bɛda mu mántá oyikpalíhe amɔsɔ, ménɪ abéggyi ɪwɪ tsú anɪ lakpantɔ, tsíá nkpa há yilébwe. Tsúfɛ bɔwanlín wá Bulu asɔn ámɔtɔ bɛɛ, “Mu ɪwɪ nlɔ ámɔtɔ mliénɪya mli ɪlɔtsá.” ²⁵ Tsúfɛ mligyí fɛ akúfa fwihé, fɛ alɪ ámóú bɔwanlín wá Bulu asóntɔ ámu. Támɛ séi mó á, mliɪayínkí bá mlibuo Yesu, mli ɔklásɔ ɔkípɔ pɔ mu ɔkparó ámu.

3

Akúlu Mɔa Aká

¹ Atsi, mlibu mli akúlu alɪ kén, ménɪ ní amótó akɔ bɔmɔhɔ Bulu asónsú gyi kóráá, bowun mli tsiátɔ a, ɪbétse amó, megyí mli obétepi trá bláa amó asɔansɔ. ² Tsúfɛ bówun mli tsiátɔ wankláán pɔ alíá mliɛhíé bú ató. ³ Mli alé ɪmátsu mli imi bwe, atati yilé didá ntée sika atóá ɪbɔ ɪbíá watɔ. ⁴ Mboún mliha mli alé itsu mli klɔntɔ. Aléá ɪtamayíntá gyi móá ɪbɔ alé, ilolwií. Mótɛhíé gyi Bulu ansí ní. ⁵ Tsúfɛ alɪ kén bímbí ámu atsiá bɔpu amó ɪwɪ há Bulu, pɔ ansí dínká mɔsɔ bobu amó akúlu, sɔ bɔwa akíle nɪ. ⁶ Alɪ kén Sara lóbu mu kulu, oletsiá tí mu ɔbéɛ, “Mí wíe” nɪ. Mu abí mligyí, ní mlobwé yilé, mliménɪya tɔtɔ ifú.

⁷ Alɪ kén mli ayin é, ní mliá mli aká mlibu ɪnɔ á, mlibɪ ání bɔma awútó ɔwɔnlín fɛ mli. Mliwun amó nwe, amlipɔ obú ha amó. Tsúfɛ mliá amónɔ obénɪya Bulu atokiehé ámóú igyi nkpa ámu. Mlikita mli aká tsɔn ɔkpa ánfisɔ, ménɪ ní mliɪdé mpáɪ bɔ á, tɔtɔ méetin mli ɔkpa.

Ipiánwúun Yilébwe Sɔ

⁸ ɪtráhe-tráhe a, mli fée mliha mli agywun ɪbwe kɔle. Mliɔsɔ ha aba, amlɪdwe mli aba Akristofɔ. Mliwun aba nwe, amliba ɪwiasɪ ha aba. ⁹ Mlimápu lalahɛ ká lalahɛ ɪkɔ. Ntée ní ahá besíá mli á, mlimásia amó ká ɪkɔ. Mboún mliyula amó, tsúfɛ Bulu létɪ mli ání mlibóyulá ahá, ménɪ obóyulá mli. ¹⁰ Bɔwanlín wá Bulu asɔn ámɔtɔ bɛɛ,

“Ní ɔkɔ déklé ɔbéɛ, mu tsiátɔ ɪwá alé,
otsia ansigyító a,
mómó osíi ahá ɪwɪ asɔn laláhe blí,

osi afunu wa.
 11 Osi lalahε bwe, abwεε yilé.
 Odúka iwílwí, ogyáa mó okpa.
 12 Tsúfε Bulu ansí bu yilé abwεpósó.
 Oteyaa asu nú amó ató kulíhé.
 Táme otókósó lí lalahε abwεpósó.”

13 Ma abópu lalahε gyi mli, ní mli ansí ipé yilébwεsu? 14 Táme ní ileba aní mli dé ipianwúun yilébwε su kóráá á, nwun láwá mli olú. Opúni mátsií mli, mli mánya ohaa é ifú. 15 Mboún mli bu tsu mli klontó aní Kristo gyí mli Wie, mu iwí letin. Mli da iwísu, méni brégyíbré ní oku léfité hógyi amóú ibu mli to amu iwí asón á, mli lé mli mó onó wankláán. Táme mli nya klón, amliba iwíasi le mó onó. 16 Mli klón máha mli pón tótó iwí, méni ní bude asun lalahε blí tsú mli tsiátó wankláán amóú mli lópú mli buo Kristo amu iwí á, péli békítá amó. 17 Ní igyi Bulu apé aní fowúun ipian kóráá á, ibu aléá fowun ipian yilébwε su, don aní fowun ipian lalahεbwε su. 18 Tsúfε Kristo é lówu ahá lakpan su otásáwule pé. Mu asón da okpa, táme olowu há lakpan abwεpó féé, méni abékpa mli ba Bulu wá. Boma mu nyankpusa-oyí, táme Bulu lókúsó mu Onétó. 19 Olotsun Oné amuto yéda asón amu okan há afúli amóú buda obu amu. 20 Afúli amu gyí, ahá amóú bumobu Bulu asón, Bulu lénya klón há amó bré amóú aní náin Noa dé daka kpónkpónkpón sré amu. Ahá ikwe pé lótsun ntsubulá amuto nyá nkpa. 21 Ntsu anfi léli há asúbó. Alí amóú ahá amu bótson ntsubulá amosu nyá nkpa amu a, alí kén asúbó anfi dé mli nkpa hoo ní. Megyí mli iwí ifin asúbó tófwí. Mboún igyi ipabwíí há Bulu aní mli klón idí mli asi, imátrá ha mli pón. Asúbó anfi lahó mli nkpa tsun Yesu Kristo kúsó tsú afúlitó amosu. 22 Alayó osósó yétsiá Bulu gyapísu séi. Bulu-abópu, onétó awíe pú túmi kugyíku bobu mu asi.

4

Nkpatsiá Há Bulu

1 Kristo lówwun iwíwín. Mó su mli da iwísu mli é, amlipu mu okpa amu alí kén. Tsúfε oha aní owun iwíwín lalé mu iwí lé lakpantó. 2 Iní su omátrá ha owóli lalahε igyi musu. Mboún oha Bulu apébwε itsia mu klontó mu nkpa aní ilasí oyí ánfító féé. 3 Asa mli lébemi Akristofó á, mli léyintá bré tsotsotsó tsíá bwé tóá ahá aní bomeyín Bulu botekle bwe. Mó aná gyí; atsi móa ayin asónwa, ntábo, pléikpada móa ntakpan onúkpa yó pú ikpíswéé aní igyi mli akisító. 4 Itobwíé omátófo amu onó aní séi mli tráa mli mēdésrí buo amó yóbwe lalahε. Mó sù botesiá mli ní. 5 Táme béle amó bwehé féé onó Bulu ansító. Mu obá begyi akiankpapu pú awupó féé asón ní. 6 Mó sù beyéda Bulu asón wankláán amu okan há awupó ní. Amó lowu amu igyi iswá Bulu labítí amó oyuló, fé alíá otebítí ohagyíha isu. Beyéda Bulu asón amu okan há amó, méni amó oklāa obénya nkpa fé alíá Bulu bu nkpa.

Bulu Atokiehé Kítá Wankláán

7 Tógyító onómó lafon ta. Mó su mli kíta iwí, amlíha mli agywuntó idí, méni mli talí bó mpái. 8 Móá idun mó féé gyí, mli dwε aba tsu mli klontó. Tsúfε odwε anfi odu obéha mli talí sí ahá lakpan kié amó ní. 9 Mli pu ansigyí hoo mli aba Akristofó afóó, mli máblí mli aa ilakpon mli. 10 Bulu lakíé ohagyíha ató otsan-otsan. Mó su ohagyíha okíta mu kletó wankláán, amlipukpa aba. 11 Ní oku klé gyí Bulu asónblí á, obli asón aní itsú Bulu wá. Ní oku klé gyí ahá sù m á, opóú owonlín amóú Bulu lahá mu amu féé sù m mu aba. Iní obéha ahá bēkanfó Bulu tsun Yesu Kristosú tógyítótó. Numnyam móa túmi igyi Bulu klé bré féétó. Amen.

Akristofó Ipiawúun

¹² Mí apíó adwepó, mlimáha asún wunhe kpɔ̀nkpɔ̀nkpɔ̀ntí ánfí bɔ̀dɛpɔ̀sɔ̀ mli kɪ ánfí íbwie mli ɔ̀nɔ̀. Mlimákɪ mɔ́ ání asún pɔ̀pwe dé mli tɔ̀. ¹³ Mliha ansí mboún igyi mli ání mli dé Kristo asún wunhe amɔ́ kɔ́ wúun, ménɪ ansí betrá hie gyí mli eke ámóó mɔ́ numnyam bɛ́lɪn ɔ̀wan ámɔ́. ¹⁴ Ní ahá bɔ̀de mli sia Kristo búo sɔ́ á, idesuná ání nwun lawá olú. Bulu Numnyam ɔ̀he Wankíhé amɔ́ bɔ́ mli tɔ̀. ¹⁵ Mli tɔ̀ ɔ̀kɔ́kɔ́ ɔ̀máwun asún ahámɔ́, ntéé owi, ntéé lakpanbwe, ntéé okéngyéwa sɔ́. ¹⁶ Táme ní mligyí Akristofɔ́ sɔ́ mli dé asún wúun á, imáwa mli péli. Mboún mlikanfɔ́ Bulu ání Kristo idá dɪn mli sɔ́.

¹⁷ Tsúfé bré lafɔ́n ání Bulu obégyi ɔ̀hagyíɔ̀ha asún. Obégyankpá gyi mɔ́ onutó ahá asún. Ní Bulu obéfi mɔ́ así tsú anisɔ́ á, mómó nkálí ahá ámóó bɔ́mɔ̀hɔ́ mɔ́ asún wankláán ámɔ́sɔ́ gyi amɔ́ klé bóbwe? Ibéhie wá ifú. ¹⁸ Bɔ́wanlín wá Bulu asóntó bɛɛ,

“Ní íbówa ɔ̀nlɪn asa Bulu ɔ̀bóhɔ́ yilé abwepó nkpa á,
mómó nkálí íbégyi ha lakpan abwepó pó ahá ání butamabú Bulu é?
Iméetepí wá alé há amó.”

¹⁹ Mɔ́ sɔ́ ahá ámóó igyi Bulu apé ání bɔ́wúun asún ámɔ́ bɔ́púú amó iwí fée wa amó ɔ̀lepó ámɔ́ íbɔ́tɔ́, abukita yilébwetɔ́ kinkíínkín. Otegyi mɔ́ asónsó brégyíbré.

5

Bulu Akúfasɔ́ Kí

¹ Séi á, ndeklé mbéɛ, nótoí kplá mliá mligyí ahande Kristo ɔ̀pasuatɔ́. ɔ̀pasua ɔ̀hande mí é ngyi. Ntráa ngyi ipian ámóó Yesu lówun amɔ́ iwí adánsie ogyípó. Mí é nénɪa mɔ́ numnyam amóó íbɛ́lɪn ɔ̀wan ámɔ́ íkɔ́. ² Nde mli kokóli mbéɛ, mlikí ahá ámóó Bulu lapówá mli íbɔ́tɔ́ amɔ́sɔ́ wankláán fɛ́ akúfa ɔ̀kparó. Imábwe mli fɛ́ bɔ̀de mli hie, mboún mli bwe mɔ́ tsu mli klɔ́ntɔ́ alíá Bulu déklé. Megyí sika ɔ̀nsípe sɔ́, mboún ɔ̀dweá mli bɔ́ ha osum ámɔ́ sɔ́. ³ Mlimábwe ahá ámóó Bulu lapówá mli íbɔ́tɔ́ ámɔ́ kpóunkpóun. Mboún mli tsia tsiátɔ́ wankláán ání íbóbwe nfántóhón há amó, ⁴ ménɪ ekeá Kristo, ogyi akúfa akparó Owíe amɔ́ ɔ̀bá á, ɔ̀béha mli ísɔ́gyí-ípa ání íbɔ́ numnyam, iméekpa ekekekeke.

⁵ Nyasubi móa mbitebí, mli é mli pɔ́ obú há mli ahande. Mli fée mli pɔ́ iwiasí kpa aba. Tsúfé bɔ́wanlín wá Bulu asún ámɔ́tɔ́ bɛɛ, “Bulu tɔ́kósú lí iwí atsupósó, táme ɔ̀tɔ́wá awítɔ́le há ahá ání beba iwiasí.” ⁶ Mɔ́ sɔ́ mli bɔ́ iwiasí, amlipɔ́ mli iwí wa Bulu túmi kpɔ̀nkpɔ̀nkpɔ̀ntí ámɔ́ así, fówun obótsu mli fɔ́á mɔ́ bré wankláántɔ́. ⁷ Mli pɔ́ mli asún wunhe fée wa Bulu íbɔ́tɔ́, tsúfé ɔ̀tɔ́gywín mli iwí.

⁸ Mlikita iwí, amlidinka ansí iwí sɔ́, tsúfé mli olupó, ogyi ɔ̀bɔ́nsám ná odekpóun, odeki fɛ́ gyatá, ɔ̀de ɔ̀kɔ́ dunká ɔ̀kita wí. ⁹ Iní sɔ́ mlikita mli hógyítɔ́ kinkíínkín, amlitin mɔ́ ɔ̀kpa. Mli bɔ́ ání mli aba Akristofɔ́ ání bɔ́bɔ́ ɔ̀yítɔ́ fée bɔ̀de ipian ánfí odu wúun. ¹⁰ Táme Bulu híe ɔ̀bɔ́ awítɔ́le há mli tógyítɔ́tɔ́. Mlálí mli ba mɔ́ numnyamtɔ́ tsɔ́n mli Kristonyɔ́ íkɔ́lɛbwetɔ́. Mɔ́ numnyam amɔ́ bɔ́ unɔ́ bré fée tɔ́. Ní mlowun ipian kpalobí á, imówa ɔ̀pá mɔ́ onutó obótsu mli kósú, há mléyinkí lí. ɔ̀bówa mli ɔ̀wɔ́nlín, há mléle nlín Kristotɔ́. ¹¹ Mɔ́bú iwíegyí bré fée tɔ́. Amen!

Ikálá

¹² Silwano létsa mí nɔ́wanlín ɔ̀wɔ́lɔ́ kútúklú ánfí sísí mli. Nyin ání opíó Okristoyin ogyi, ɔ̀bɔ́ ɔ̀nɔ́kwali. Ndekléá nówa mli ɔ̀wɔ́nlín, mí angyi adánsie suna mli ání asún ánfí nabláa mli ɔ̀wɔ́lɔ́ ánfítɔ́ fée idesuná ání iní gyí Bulu awítɔ́le onutónutó ámɔ́ nɪ. Mlikita mótɔ́ kinkíínkín.

¹³ Mli apíó ahógyipɔ́ amóó bɔ́bɔ́ Babilon ɔ̀pasuatɔ́ behá mli itsiá. Mí bí Marko é ɔ̀há mli itsiá. ¹⁴ Mli pɔ́ aba-ɔ̀dwe ámóó íbɔ́ Akristofɔ́tɔ́ ámɔ́ ha aba itsiá

brégyíbré. Nde Bulu kolí mbéε, ɔháa mlí ahá á múú mligyí Akristofɔ ámo fée
iwilwii.

Petro
ᏌᏍᏗᏍᏗ NyᏌᏍᏗ

Itsiáha

¹ Mí Yesu Kristo osúmbi pú mụ sumbí ọ́yọ́pú Simon Petro dé ọ́wulú ánfí wanlín.

Nde mú wanlín sísí mli fě́á mlílanyá hógyiá ɪbɔ labi fě́ anɪ klé, Bulu mɔa anɪ
 ɔlɛpó Yesu Kristo yilébwɛ lahá anɪlanyá ámv.

² Bulu chie gyi mli bvalε, cha mli iwilwii, tsúfé mliłabí mva anı Wıe Yesu Kristo tsía.

Bulu Ahá Tı Pó Tóá Odedunká

³ Iníá anílabí Yesu wankláán sù á, Bulu lahá aní tógyítóá abópotsiá nkpa ání itegyi m̀v ansí. Ọlẹti aní m̀v onutó túmito ọ́bée, abénýa m̀v numnyam p̀v m̀v yilébwé. ⁴ M̀v túmí kp̀onkp̀onkp̀ontí ám̀v kén ọ́lọpukíé aní atọ́ yiléá ẹ̀b̀v bíá. M̀v ọ́lẹhié yáí ání ọ́bópọ́há aní ní. Ọ́lẹhié ání ọ́bẹ́lẹ aní tsú ọ́yító ọ́wólí laláhié ám̀v iteyintá nyankpọ́sa ám̀v, atsóon m̀v tsíá m̀v atsiábi. ⁵ Iníá Bulu labwé iní há m̀lì sù á, m̀litsun m̀lì hógýisù amlíbwé yilé ọ́kpagyíọ́kpasù. M̀litsun m̀lì yilébwé ám̀v sù amlíbi asún. ⁶ M̀litsun m̀lì asúnbi ám̀v sù amlígyi ị́wí sù. M̀litsun m̀lì ị́wí sùgyi ám̀v sù amlíwa nsi. M̀litsun m̀lì nsiwa ám̀v sù amlisum Bulu. ⁷ M̀litsun m̀lì Bulusúm ám̀v sù amlíwa awítólẹ. M̀litsun m̀lì awítólẹwa ám̀v sù amlídwé m̀lì aba Akristofó. ⁸ Ní iní aná dẹ́dán m̀lìtọ́ á, ị́bósuná ání m̀lìlabí aní Wíe Yesu Kristo. M̀v bi ám̀v dẹ́suná ání m̀lìlawá labi, swíé abí ní. ⁹ Támé ní tsiátọ́ anfi aná ị́ma akútọ́ á, b́utamawun yọ́ tsútsú. Amó ansíbi labwíé. Batan ání Bulu lófwi amó lakpan dada am̀v lé amó ị́wí.

¹⁰ Mú sù mí apíó adwepó, m̀lisen ansító. Bulu létí ahá, ɔlɛlɛ akɔ há m̀u iwí. M̀lɪha m̀lɪ bwɛhé isuna ání lélé m̀lɪbɔ amótó. Ní m̀lɪdɛ ínɪ bwɛ á, m̀lɪm̀ɛdɪda ɛkɛkɛkɛ. ¹¹ Ibá alí á, Bulu obéfinkí ɔkpa gbagyaa há m̀lówie aní Wíe pú aní Ɖɛpó Yesu Kristo iwíegýí ámúbú itamamó ɔnó ámótó.

¹² Mméesi mli asón ánfí kaín. Ibo mótáá mliyin mó dodo. Mliu mli ɔnɔkwali amusu kinkíínkín. ¹³ Ee, nawun ání íniá nanya mbo nkpa ánfí mó á, ibo alé ání nétsiá kaín mli asón ánfí brégyíbré. ¹⁴ Tsúfé aní Wíe Yesu Kristo lahá mí nabí ání mí nké ítráa mɔtsó ɔsulóv anfisó. ¹⁵ Mó sɔ nátsɔn ɔkpagyíɔkpasu há mlétsiá kaín mósó mí ɔma.

Kristo Numnyam

¹⁶ Megyí nyánsa anilópɔsré ɔtɛ bɔwa súná mlɪ tsú anɪ Wíe Yesu Kristo túmɪ pɔ mɔ yinkí ba amɔ ɪwɪ. Mboún aniléhiɛ pɔ anɪ ansíbi wun mɔ numnyam.

¹⁷ Tsúfě anı ansító anı Sí Bulu lópu obú móa numnyam kpənkpənkpəntı há Yesu, bréá Bulu Onumnyampu amu əme ledalı tsu əsósó əbéé, “Ŋni gyí mí Bı ədwerúá olegyi mı ansí ní.” ¹⁸ Anı onutó lónu əme amu tsú əsósó, bréá ania munyó anılı́ ıbu wankihé amusu.

¹⁹ Inu su anilahíé wun ání asón ámóú Bulu ɔ́nósú atóipó amu beblí tswɪ amu ihíé ɪbu móútó. Ibéhíe wá alé há mli, ní mleyaa asu nú mó, gyi mósó. Tsúfé amó asón ámu igyi fé ɔ́kandíeá ɪdɛwankí oklúnto yófɔn bréá ɔ́yí ɔ́beke, bake ɔ́tsrakpabi amu ɔ́bówankí mli klúnto. ²⁰ Iwánkí mli ání megyí Bulu ɔ́nósú atóipó amu onutó apé bɔ́pɔwánlín Bulu asón ámu. ²¹ Tsúfé megyí amó onutó lópu amó agywɪun blí Bulu ɔ́nó asón tswɪ. Mboún ɔ́ɣe Wankíhé lébá amósó beblí asón ání Bulu déklé.

2

Afunu Ató Asunápó

¹ Bímbí ámu a, Bulu ɔ́nsó atóipó afunupó betsiá Bulu ahátó. Alí kén bétsiá mlító ní. Bóbwé híéé pó amó onutó atosunáhéá itómó bowa mlító. Bókusú líí amó Wíe amóú ɔ́lɔ́hɔ amó ámusu kóráá, póhí amó iwí. ² Ahá tsɔtsɔtsɔ bóbuo amó tsiátó láláhe pó pélíla anfi. Amó su ahá bókpoí ɔ́nɔkwali ɔkpa ámu. ³ Amó ɔ́nsípe su békpekpée asún blí púswwí mli kóba. Asún ogyípó Bulu léda iwísu ɔ́yí ɔ́pá ání ɔ́bɛbití amó isu, hí amó.

⁴ Tsúfɛ Bulu mɛsikíé mu abɔpu amóú bɔbwé lakpan ámu kóráá. ɔ́lɔ́wa amó ɪkan, tswí amó wá isubití ogyá amóú itamadun amó oklúklúúklúkpa oklúntó.* Bétsiá mu yófun amó asún ogyíké. ⁵ Mliyín ání Bulu mékiná atítífo amóú bómobu mu amó isubití. Mboún ɔ́leha ntsu léme amó fɛé. Noa mu ahá abasiénó pé lésián. Noa léda ɔ́kan bláa ahá alí bré ámutó ɔ́bɛé, bɛtsiá tsiátóá ilegýi Bulu ansí. ⁶ Ida mli ansító ání Bulu léha ogyá lɔ́hɔ Sodom múa Gomora awúlu mli nsúó. Amó lakpan su Bulu lébití amó isu, isuna tóá ɔ́bɛba ahá ání bɛtókúsú líí mususu ekekó. ⁷ Táme Bulu léle yilé ɔ́bwepó Lot mó alí bré ámutó. Ahá ámu tsiátó láláhe pó amó mblasumágyi letsia han mu. ⁸ Oletsiá nú, oletsiá wun amó bwehé láláhe ekekegyíeke, iletsiá tó mu klɔ́n. ⁹ Iní fɛé ilosuná ání aní Wíe yin alíá ɔ́bɛle yilé abwepó tsú isókító, pó alíá ɔ́bɛbití lalahe abwepó isu yófun ekeá obégýi amó asún. ¹⁰ Múá idɔ́n a, ahá anfi odu bɛtamagýi iwísu, iwítsú bu amótó, bɛtamasúsu tótó iwí dɔ́n hakpan ání amó ɔ́wóli láláhe tekle. Bulu ɔ́bɛhie bití amó isu.

Ní bɛde anumnyampóá bubu ɔ́sósú sia á, itamawá amó ifú. ¹¹ Bulu-abɔpóá bɔhíé bubu túmi, bubu ɔ́wonlín kóráá bɛtamasíá anumnyampó anfi Bulu ansító. ¹² Afunu ató asunápó anfi bɔgyi fɛ pututó-mbwíá buma agywun. Bɛtókwwí amó keke, ahá bɛtekítá amó, mó amó. Bɛteblí asún láláhe tsú tóá bómónu mó así iwí. Amó lalahebwe béhi amó fɛ pututó-mbwí. ¹³ Alí amóú bahá ahá bɛde asún wun amó su Bulu ɔ́bópó asún wunhe ká amó akó. Bɛtegyi ɔ́dwe nkɛtó, tsúfɛ ansigyíla bɛtɔbwé. Bɛtɔbwé pélíla, kpóí iwí, bɛtowíe anitó aní nkegyító. Bɛde iwí mlé. ¹⁴ Tótó ima amó ansigyí dɔ́n mbɔató. Bɛtamasí lalahe bwe. Bɛtemlé ahá ání amó hógýi melí tsukule, há bɛtɔbwé lakpan. Bahíé bí ɔ́nsípe wa. Amó bwehé láláhe anfi su, bɔgyówí ní! ¹⁵ Basí ɔ́kpa wankláán ámu tswí, yó bubuo Beor mu bi Bulu ɔ́nsó atóipó Bileam bwehé láláhe. ɔ́lɔ́dwe sika ání obénýa tsú lalahebwe. ¹⁶ Mó su Bulu léha mu afrímú lótoí wa mu, ɔ́leha olesi mu gbedéla amó bwe.

¹⁷ Afunu ató asunápó anfi buma labi kuku. Bɔgyi fɛ ntsuá ɔ́lakpí ntée nyankpóá ɔ́labílá tuun, afú latsɔ́n mó nátí. Iní su amó ɔ́tsiákpá ání Bulu lálá yáí amó gyí oklún tuuntó. ¹⁸ Bɛtotsú iwí, ká ɔ́nótó, pó amó ɔ́wóli láláhe tin ɔ́nó, mlé ahá bɛtelábwé lakpan ání besi bwe ɔ́mókówá ɔ́pá. ¹⁹ Bɛtehíé ahá bɛé, ní begýi amó atosunáhésu á, bégýi iwí. Táme amó onutó bɔgyi nkpábi há tsiátó láláhe. Tsúfɛ nyankpósa gyí ɔ́kpábi há tóá ide musu gyí. ²⁰ Ahá ání babí aní Wíe pó aní ɔ́lepó Yesu Kristo, sí ɔ́yító ɔ́wóli láláheá iteyíntá nyankpósa bwe, beyínkí yébitíwíé mótó, igýi amósú á, amó tsiátó teláyíntá dɔ́n alíá igýi yáí. ²¹ Ní bɛmetepí wun ɔ́kpa wankláán ámu kóráá á, tekí ɔ́bu alé há amó dɔ́n ání bówwun mó yínkí ɔ́ma, sí mbla wankíhé amóú bɔpuhá amó ámusu gyí. ²² Amó bwehé anfi lahá yébi anfi laba mótó. “Kíai tékpláí, lápó mu ɔ́dandɔ́ tsú” pó “Febie ɔ́prákuo ntsu alíágyíalíá á, ɔ́teláyébie ɔ́diba.”

3

Aní Wíe ɔ́báke

* 2:4 Tataro bɛtétí mu Griiki ɔ́blító.

¹ Mí apíó adwepó, íni gyí ɔwuló nyɔɔsiá ndewanlín sísí mli ní. Ndepw nɔwuló anyɔ ánfí káín mli, méní mlógywíín mó iwí wankláán. ² Ndekléá mlikáín asón ámóó Bulu ɔnósú atáípó wankíhé amv beblí yáí ámvsu. Mlikain aní Wíe, ogyi aní Ɔlepó Yesu Kristo mbla ámóó ɔlɔtsun mv sumbí ayɔpósú wá há mli ámvsu. ³⁻⁴ Gyankpapv a, ndekléá nékaín mli ání nke tráhɛ amvɔ á, ahinlá abwepó aku bóbuo amó onutó ɔwólí laláhe. Bómási mli, fité mli beɛ, “Yéɛ Yesu léblí yáí ɔbéɛ, mélayínkí bá a? Mó nkí mv mé? Tsú aní anáín lowu brésú ɔpá á, tɔtɔɔtɔ mókótse. Alí ámóó ilenya igyi ámv nɔ.” ⁵ Bakí ansí tan ání ɔnó Bulu lópublí asón bímíbí ámv, ɔsú móa así lɛlín, ɔsolóv lɛdalí tsu ntsutso. Ntsu é ɔlɔpubwé mó. ⁶ Ntsu kén ɔleha ɔlɔbulá yíntá bímíbí ɔyí ámv. ⁷ Ɔnó ámv kén ɔletrá públí ání ɔsú móa así ánfí mó íbétsiá yófɔn ekéá obégyi ahá ámóó butamanyá mv ifú ámv asón, pó ogyá hí tógyító.

⁸ Táme apíó adwepó, mlimátan íni mósó. Ekewóle igyi fé nfi-ɔpím, nfi-ɔpím é igyi fé ekewóle aní Wíe ansító. ⁹ Ahá bukí beɛ, Bulu tesi tsiá tóá alahíéá ɔbóbwev. Megyí alí igyi, mboún klɔn otenyá há mli; méní ɔhagyíɔha ɔbédamlí klɔntɔ sí lakpan bwɛ, tsúfé omedékléá ɔhaa ɔbófwi.

¹⁰ Táme aní Wíe ɔbáke amv íbófwie ahátɔ, fé alí owikplu tofwíé ɔhatɔ. Eke ámv a, ɔsósú bósuvrá okitikítí kúklóklóó ɔa. Ogyá bɛnlaín ntobíá ɔlɔpubwé ɔsú móa así féé. Ɔsolóv móa mósó ató é féé bóhɔ plíplíplíplí. ¹¹ Iníá lélé Bulu obéyíntá ɔyító ató féé alí á, tsiátó mɔmv ilehián ání mlóptsíá, íbégyi Bulu ansí? Ilehián ání mli iwí bétín, mlósúm Bulu. ¹² Mlitsia tsiátó anfi pukí ɔkpa ha Kristo ɔbáke amv, amlíha mó íkɔsɔ ba. Bulu ɔbópv ogyá hí tógyító ɔsósú eke ámv. Mó okunkúú é íbɛnlaín inu ató féé. ¹³ Táme Bulu léhiɛ ání ɔbóbwe ɔsú móa así pɔpwe há aní. Ɔtínéá ahá ání amó asón da ɔkpa bétsiá. Mó anígyó ní.

¹⁴ Mó sv apíó adwepó, ínía mligyó íni sv á, mliyin iwí amlitsia tsiátóá mó iwí lɛtín, ɔlala méetsiá mli iwí Bulu ansító, méní iwílwii bétsiá mliá mɔnyɔ nsíné.

¹⁵ Mlimátan ání ahá nkpahóó sú aní Wíe dé íklɔn nya, fé alí aní pío ɔdwepó Paulo lópv nyánsa ání Bulu léha mv wánlín asón ánfí kén sísí mli. ¹⁶ Asón ánfí aná iwí ɔlɔtɔí tsú mv nɔwuló féétó nɔ. Táme mv asón ámv íkv asinu bu ɔnlín. Mó sv ahá ání butamakási tɔtɔ pó ahá ání amó hogyi melíí tsukɔle butédámli Paulo asón ámv, fé alí ámóó butédámli Bulu ason wanlínhé bun amv. Mó ɔbéha Bulu ɔbéhi amó ní.

¹⁷ Táme apíó adwepó, ínía mliyin mó alí sv á, nde mli ɔlá da yáí. Mlidinka ansí iwísv, méní ahá ánfí butamagyí mblasv ánfí bómópv amó atosunáhé laláhe amv bemlé mli, amlídida. ¹⁸ Mboún mliyo mósó, méní aní Wíe pó aní Ɔlepó Yesu Kristo awítɔle pó mv bí bómoní mlítɔ. Numnyam íbwéɛ mv klɛ tsú séi pýa bré féétó! Amen.

Yohane Ꮖwuló Gyankpapu

Nkpa Asón

¹ Anidé Ꮖwuló ánfí wanlín sísí mli tsú Asón á múú itehá nkpa, ibu inu asa ɔyí lélín amu iwí. Aní onutó anilónu mu asón, pú ansíbi wun mu, kí mu, pú ibí da mu. ² Bulu léle Nkpa ɔhapú ánfí ɔwan súná aní, anilówun mu. Anidé adánsie gyí, bláa mli aníaa, mótéhá nkpa ání itamatá ní. Mba ɔsí ámu nyo bu inu yáí, asa alalé mu ɔwan súná aní. ³ Asón ání anilónu pú tóá anilówun anidé mli bláa, méní ania mlinyo abóbwe kule. Tsúfé ania ɔsí ámu pú mu Bi Yesu Kristonyo gyí kule. ⁴ Anidé mú wanlín sísí mli, méní ania mlinyo ansigyí bófun.

Bulu Lówankí

⁵ Asón ání anilónu tsú mu Bi ámu wá, anidé mli bláa gyí, Bulu lówankí. Oklún kókukukú má mutó. ⁶ Mú su ní anidéblí aníaa, ania mlinyo anidé mbagyí, táme anitráa aniná oklúntó á, anidé afunu wa. Animédébwé dínká ɔnókwalí asón ámu su. ⁷ Táme ní aniná wankí amutó, fé alí á múú mu onutó ɔna ámu a, ikulebwé bu ania aní aba nsiné. Mú su mu Bi Yesu Kristo obugya amu tetin aní iwí tsú aní lakpantó.

⁸ Ní ablí aníaa, lakpan ma aní iwí á, anidé iwí mlé. Anímá ɔnókwalí. ⁹ Táme ní alé aní lakpan bláa Bulu á, obésikíé aní, tin aní iwí tsú lalahe féétó, tsúfé yilé ɔbwepú pú ɔnókwalípu ogyi. ¹⁰ Ní ablí aníaa, anímégyí lakpan abwepú á, anilawá mu afunutó. Idesuná ání anímóho mu asón ámu.

2

Aní Bvalé Ogyipó

¹ Mí abí adwepú, nde asón ánfí wanlín sísí mli, méní mliméetrá bwe lakpan. Táme ní mlitó ɔku ɔbwé lakpan á, aníbu ɔhá ání otokókóli aní Sí ámu há aní. Múgyí yilé ɔbwepú Yesu Kristo. ² Tsúfé mulówu, pú mu obugya lé aní nwunsu mbusuo. Megyí aní nkule pé lakpan, táme ɔyító ahá féé klé.

³ Ní anidé Bulu mblasu gyí a, mú ɔbéha abébi ání anilabí mu ní. ⁴ Ní ɔku ɔblí ɔbéé, “Nyin Bulu,” táme ɔtamagyi mu mblasu á, ofunupu ogyi. ɔma ɔnókwalí. ⁵⁻⁶ Táme ní ɔku tegyi Bulu mblasu á, idesuná ání mu Buludwe lofun. Tóá íbéha abébi ání kulebwé bu ania Bulu nsiné gyí, anitsie nkpa fé Yesu Kristo.

Mbla Pəpwé Amu

⁷ Apíó adwepú, megyí mbla pəpwé kuku ndewanlín sísí mli. Mbla dada á múú mliyin tsú bré á múú mlilótso hógyi amu ní. Mbla dada anfi igyi asón ání mlilanú dodo. ⁸ Táme mbla pəpwé igyi. Tsúfé Kristo tsiátó pú mli klé lalé mú súná ání mbla pəpwé igyi. Oklún amu idetsúun. Wankí amu onutó idewankí dodo.

⁹ Mú su ɔhá ání ɔbéé, ɔna wankí amutó, táme ɔde mu ba Okristoyin lu á, idesuná ání ɔtráa ɔbu oklúntó. ¹⁰ ɔhá ání ɔtədwé mu ba Okristoyin ná wankí amutó. Mú su tətəto mééha mu ɔbwe lakpan. ¹¹ Táme ɔhá ání otolú mu ba Okristoyin mú tsie oklúntó. ɔna oklúntó, su omeyín ɔtínéá ɔyó, tsúfé oklún amu latin mu ansí.

¹² Mí abí adwepú, nde Ꮖwuló ánfí wanlín sísí mli, tsúfé Yesu Kristo su Bulu lasí mli lakpan kíé mli. ¹³ Mí así, nde Ꮖwuló ánfí wanlín sísí mli, tsúfé mlilabí ɔhá á múú ɔbu inu tsú ɔyí nfiasí ámu. Nyasubi, nde Ꮖwuló ánfí wanlín sísí mli, tsúfé mliagyi ɔbonsámsó.

¹⁴ Mí abí adwepó, nde ɔwóló ánfí wanlín sísí mli, tsúfě mlilabí Ɔsí ámu. Mí así, nde ɔwóló ánfí wanlín sísí mli, tsúfě mlilabí ɔhá ámuú ɔbu inu asa Bulu lóbwe ɔyí ámu. Nyasubi, nde ɔwóló ánfí wanlín sísí mli, tsúfě mli hógýi ɔnó bu ɔnlín, Bulu asón bu mli. Mlilagyi Ɔbunsámsó.

¹⁵ Mú su nde mli fěé bláa mbée, mlimápu mli klɔn dínká ɔyí pú mótó atósó. Ní ɔku dé ɔyí ánfí dwe á, ɔméetalí trá dwe aní Sí Bulu é. ¹⁶ Ɔyító ató ámu ɔku gyí, ató laláheá itedínká ɔha ɔwólí; atóá ɔha towun, itedínká mu ɔwólí pú ntobíá ɔha tɔpútsú iwí. Iní ánfí odu kɔkɔkɔ imotsú aní Sí Bulu wá, ɔyí ánfíto itsú. ¹⁷ Ɔyí ánfí pú mótó atóá itedínká ɔha ɔwólí fěé detsúun. Táme ɔhá aní ɔtɔbwé tóá Bulu tekle obétsiá nkpa aní itamatá.

Kristo Alupó

¹⁸ Mí abí adwepó, bré tráhe ní. Mlikain aní bebláa mli beé, Kristo olupó ámu ɔbéba. Séi ánfí á, Kristo alupó tsɔtsɔtsɔ baba. Iní désuná aní lélé bré tráhe ní. ¹⁹ Kristo alupó ánfí betsiá anito asa bedali. Ní lélé aní klé bɔgyi á, tekí besi tsiá anito. Amú anitɔdali lósuná aní bɔmegyí aní apíó Kristotó. Mú su bedali anito ní.

²⁰ Táme mli mú á, Kristo lapó mu Ɔhe Wankíhé amu wá mli. Mú su mli fěé mlilabí ɔnɔkwali amu. ²¹ Megyí beé mliméyín ɔnɔkwali amu, sú nde asón ánfí wanlín sísí mli. Mbouín alíá mliyin ɔnɔkwali amu, pú alí ámuú mliyin wankláán aní ɔtínéá ɔnɔkwali amu bu a, afunu kɔkɔkɔ ima inu ámu su.

²² Ma gyí ofunupu kpɔnkpɔntí ánfí? Mɔgyí ɔhá aní olekiná ɔbéé, “Megyí Yesu gyí Kristo, (ɔhá ámuú Bulu ladá mu ofúli amu).” Idesuná aní alakíná Ɔsí Bulu mu mu Bi Yesu Kristo amu. Mú su mɔgyí Kristo olupó ámu ní. ²³ Tsúfě ɔhá aní okíná Bulu mu Bi ámu lakíná mu Sí Bulu é ní. Táme ɔhá aní ɔlɔhɔ mu Bi ámu lahɔ mu Sí ámu é.

²⁴ Mú su mliha asón ámuú mliónu tsú bré ámuú mliłótsɔ hógýi amu isin mli. Tsúfě ní isin mli á, mómó ɔkɔlbwe bétsiá mli Yesu pú Ɔsí Bulu nsíné. ²⁵ Iní gyí tóá Kristo léhie ɔbéé méha aní, igyi nkpa aní itamatá ámu ní.

²⁶ Ahá ámuú bɔdekléá bémle mli ámu sú nde asón ánfí wanlín sísí mli. ²⁷ Mli mú á, Ɔhe Wankíhé ámuú Kristo lópɔwá mli ámu bu mli. Mú su imehián aní ɔhaa ɔbétrá suná mli ató. Tsúfě Ɔhe Wankíhé amu tosúná mli tógýító. Mu atosunáhé é igyi ɔnɔkwali onutó. Iní su mlikita tóá olosuná mli, amlitsia Kristotó.

²⁸ Iní su mí abí adwepó, mlitsia Kristotó. Fówun ní ɔhá á, péli méekitá aní, abétalí fia mu. ²⁹ Ní mliyin aní yilé ɔbwepó Yesu gyí á, mómó mliɔ aní yilé ɔbwepó Bulu mu bi okugyíɔku gyí.

3

Bulu Abi

¹ Mlikí alíá aní Sí Bulu tehié dwé aní só ɔteti aní mu abí. Lélé á, mu abí anigyí. Táme tóá suá ɔyí ánfíto ahá bɔmeyín aní gyí, bɔmeyín aní Sí Bulu. ² Mí apíó adwepó, séi á, Bulu ahá anigyí. Alíá abébemlí wɔle ɔmákonýá lé suná aní. Táme aniyin aní Kristo ɔhá á, abélian mu, tsúfě abówun alíá ogyi. ³ Ɔhagyíɔha aní ɔɔun ansí aní mélian mu tehá mu iwí tetin, fě alíá mu iwí letin.

⁴ Ɔhagyíɔha aní ɔtɔbwé lakpan á, ɔdekusú líí Bulu mblasu. Tsúfě lakpan gyí Bulu mblasumágyi. ⁵ Mliyin aní Kristo léba ɔyító bele aní tsú aní lakpantó, táme mu mú ɔmɔbwe lakpan kuku. ⁶ Iní su ɔhá aní mu Kristo bɔde mbagyí tamatráa bwe lakpan. Mú su ɔhagyíɔha aní ɔtráa ɔde lakpan bwe mókówun Kristo, ɔmákbí mu é.

⁷ Mí abí adwepó, mlimáha ɔhaa ɔmle mli. Ɔhagyíɔha aní ɔtɔbwé yilé á, mu asón da ɔkpa Bulu ansító fě Yesu. ⁸ Táme Ɔbunsám mu bi, ɔhá aní ɔtráa ɔde

lakpan bwe gyí. Tsúfě Ọ̀bunsám dé lakpan bwe tsú bréá ọ̀yí lefi así ọ̀pá. Bulu mu Bi Yesu Kristo léba ọ̀yító beyintá Ọ̀bunsám gyumagyihe kugyíku.

⁹ Ahá ání babwé Bulu ahá bɔ́tamatráa bwe lakpan, tsúfě Bulu tsiátó bu amótó. Mú su bóméetali trá bwe lakpan. ¹⁰ Tóá abópubí Bulu abí pọ́ Ọ̀bunsám abí gyí, ọ̀hagyíoha ání ọ̀tamabwé yilé, ntéé dwé mu ba mégyí Bulu mu bi.

Abadwe

¹¹ Asón ání mlílónu tsú bréá mlílémlí Akristofọ́ gyí, adwéé aba. ¹² Mlímábwe mli iwi fě Kain. Ọ̀lɔ́bwe Ọ̀bunsám mu bi, mó mu gyama. Ntọ́ léha sọ́ ọ̀lómọ́ mu? Ọ̀lɔ́bwe ito laláhe, mu gyama mú lóbwe ito wankláán su ọ̀lómọ́ mu.

¹³ Mí apíó Akristofọ́, imáwa mli wánwan ní ọ̀yí ánfító ahá bɔ́tolú mli. ¹⁴ Aní mó aniyin ání aniladáli lowu así yó nkpa ání itamatátó, tsúfě anidé aní aba dwe. Ọ̀há ání ọ̀tamadwé mu aba lasin lowuto. ¹⁵ Ọ̀há ání otolú mu ba gyí ahá ọ̀mọ́pọ́. Mliyin ání ahá ọ̀mọ́pọ́ ọ̀kuku má nkpa ání itamatá. ¹⁶ Alí ámuó Kristo lótsulá wú há aní ámu ilasúná aní alíá ọ̀dwe gyí. Mú su ilehián ání aní é abówu há aní aba alí kén. ¹⁷ Ní ọ̀ku bu ató, alawun ání ku de mu ba hián, táme omowun mu nwe há mu a, múmú ọ̀méetali blí ọ̀bée, mutədwe Bulu. ¹⁸ Mí abí adwepọ́, ní igyi alí á, mlímápu ọ̀nókpan dwé aba. Mboún mliha apu aní bwehé pọ́ ọ̀nókwalí dwe aba.

Iklɔ́nwa Bulu Ansító

¹⁹ Ní anitədwe aba alí á, mú abébi ání anibuo ọ̀nókwalí amu ni. Mú su ní anilíí Bulu ansító á, tọ́tọ́ mééhan aní. ²⁰ Ní aní klɔ́n ihá aní pón kóráá á, Bulu yin asón dun aní klɔ́n, oyin aní bwehé kugyíku. ²¹ Apíó adwepọ́, ní aní klɔ́n méha aní pón bréá anilíí mu ansító á, ifú méekítá aní. ²² Bulu ọ̀béha aní tóá anidé mu kulí, tsúfě anidé mu mblasu gyí, aní tsiátó é légyi mu ansí. ²³ Mbla ání Bulu lówa há aní gyí, ahóó mu Bi Yesu Kristo gyi, adwe aba fě alíá Yesu lébláa aní. ²⁴ Ọ̀há ání ọ̀de Bulu mblasu gyí a, muá Bulu babwé kule. Bulu bu mu klɔ́ntọ́. Tóá itosúná aní ání ọ̀bu aní klɔ́ntọ́ gyí Ọ̀he Wankíhé ámuó ọ̀lọ́puhá aní ámu.

4

Ọ̀he Wankíhé Pọ́ Ọ̀he Laláhe

¹ Apíó adwepọ́, mlímáho ahá fěé ání bée, bobu Ọ̀he Wankíhé amu asónsọ́ gyi. Mboún mliho ọ̀hé ámuó bodepusúná ató ámu ki. Tsúfě Bulu ọ̀nósó atóipọ́ afunupu tsotsotsọ́ babólá ọ̀yí ánfító. ² Iní apóbi ání ọ̀hé ámu itsú Bulu wá ní. Ní ọ̀ku dé ató suná, ọ̀leblí ọ̀bée, Yesu Kristo lélin fě nyankpọ́sa a, múmú mu atosunáhé amu itsú Bulu wá. ³ Táme ní ọ̀ku léblí ọ̀bée, Yesu mélin fě nyankpọ́sa a, múmú Ọ̀he Wankíhé amu uma mọ́tọ́. Kristo olupọ́ ọ̀hé ámuó mlílónuá bée, ibéba amu ni. Ilaba ọ̀yító dodo.

⁴ Mí abí adwepọ́, Bulu ahá mligyí. Mlilagyi Bulu ọ̀nósó atóipọ́ afunupu amusu. Tsúfě Ọ̀hé ámuó ibu mliho ámu bu ọ̀nlin dun múámúó ide ọ̀yí ánfító ahásu gyí amu. ⁵ Yesu alupọ́ ámu bomeyín Bulu. Iní su ámu atosunáhé fěé igyi ahá ání bomeyín Bulu atosunáhé. Mú su ahá ání bomeyín Bulu tóho ámu asónsọ́ gyi. ⁶ Aní mó á, Bulu ahá anigyí. Mú su ọ̀hagyíoha ání oyin Bulu tóho aní asónsọ́ gyi. Táme ọ̀há ání omeyín Bulu tamaho aní asón. Iní anitəpóbí ọ̀nókwalí Ọ̀hé ámu pọ́ afunu klé ni.

Bulu Gyí Ọ̀dwe

⁷ Mí adwepọ́, mliha adwe aba, tsúfě ọ̀dwe itsú Bulu wá. Ọ̀hagyíoha ání ọ̀tədwe ahá a, Bulu mu bi ógyi, oyin Bulu. ⁸ Ọ̀hagyíoha ání ọ̀tamadwé ahá méyín Bulu, tsúfě Bulu gyí ọ̀dwe. ⁹ Alíá Bulu léle mu ọ̀dwe súná aní gyí, ọ̀lọ́pu mu Bi ọ̀kukónó ọ̀kule amu sísí ọ̀yító, méní abótsun musu nyá nkpa ání itamatá. ¹⁰ Megyí alíá

* **4:8** Bulu gyí ọ̀dwe así gyí, ọ̀dwe itsú Bulu wá.

mbéε mlibóó mpáí ha. ¹⁷ Lalahe kugyíku igyi lakpan, táme lakpan ku bu inóá itamakpá oha wá lowutó.

¹⁸ Aniyin ání oha ání alabwé Bulu mu bi okoku tamatsiá bwé lakpan, tsúfé Bulu mu Bi ámu togyo mu iwi. Iní su Obunsám tamatáli bwé mu tótó.

¹⁹ Aniyin ání Bulu ahá anigyí, táme Obunsám dé oytó ahá féésú gyí.

²⁰ Aniyin ání Bulu mu Bi ámu laba. Alahá anlanú asón asi, méné abébi Bulu Onokwalipụ amu. Ania mụnyo anlabwé kule, ania mu Bi Yesu Kristo é anlabwé kule. Lélé á, mu nkule pé gyí Bulu Onokwalipụ pú nkpa ání itamatá ámu nı.

²¹ Mú su mí abí adwepó, mlikı mli iwi wankláán ikpısúmsó.

Yohane Ɔwulú Nyɔɔsi

¹ Anɪ yɪn ání Bulu lalé, mí ɔpasua ɔhandɛ Yohane dé ɔwulú ánfɪ wanlín sísí fúa fú abí. Ntɔdwé mlɪ fée ɔnɔkwali amɔtɔ. Megyí mí nkɔlɛ pé tɔdwé mlɪ, táme ɔhagyíɔha ání oyin ɔnɔkwali amɔ é. ² Tsúfɛ ɔnɔkwali amɔ bu anɪtɔ, ibétsiá anɪtɔ brégyíbré.

³ Anɪ Sí Bulu mɔa mɔ Bi Yesu Kristo bɔgyíi anɪ buale. Buwúun anɪ nwe, abɔha anɪ iwilwii, anɪ ahá ámóó anɪtɔdwé aba ɔnɔkwaliɔ amɔ.

Ɔnɔkwali Mɔa Ɔdwe

⁴ Ansí lehié gyi mɪ bréá nowun ání fú abí ámɔ akɔ buɔna ɔnɔkwali ɔkpa ámɔsɔ, fɛ alíá anɪ Sí Bulu lébláa anɪ. ⁵ Anɪ yɪn ɔdweɔpó, mliha adwe aba. Megyí mbla pɔpwe ndewanlín sísí fú. Mbla ámóó aniléɔ tsú bré ámóó anilótsɔ hógyi amɔ nɪ.

⁶ Ní fɔtɔdwé Bulu á, fégyi mɔ mblasɔ. Mbla ání aniléɔ tsú bréá anilótsɔ hógyi gyí, adwée aba.

⁷ Ahá amléɔpó tsɔtsɔtsɔ baba ɔyí ánfɪtɔ. Budebli beɛ Yesu Kristo mélin fé nyankpɔsa. Ahá ánfɪ gyí ahá amléɔpó pú Kristo alupó ámɔ nɪ. ⁸ Mó sɔ mlíkɪ wankláán, ménɪ mlɪ gymagyihe móɔbwe kpaali, fékɪ mlénɪya mlɪ ikáká fée.

⁹ Ɔhagyíɔha ání ɔmedé Kristo atosunáhé amɔtɔ, ɔlɔtsɔn mó ɔma yó ɔde tɔ bambá suná á, mɔa Bulu bɔmegyí kɔlɛ. Táme ɔhá ání ɔde Kristo atosunáhé amɔtɔ á, mɔa anɪ Sí pú Mɔ Bi ámɔ fée bɔgyi kɔlɛ. ¹⁰ Ní ɔkɔ ɔhá mlɪ wá, ɔmedé Kristo atosunáhé anfi suná á, mli máhɔ mɔ wá mlɪ wóyítɔ, mli mátsulá mɔ itsiá.

¹¹ Ɔhagyíɔha ání ɔtsúlá mɔ itsiá latsá mɔ lakpan ámóó ɔdebwe ámɔ bwe.

¹² Asón tsɔtsɔtsɔ bu inɔá tekɪ nébláa mlɪ, táme mmedékléá nówanlín mó sísí mlɪ. Mboún nde ɔkpa kí ání néba mlɪ wá, ménɪ mía mlinyɔ abétsiá asi, atɔi nya ansigyí wankláán.

¹³ Fú pío tsíhé ámóó Bulu lalé ámɔ abí behá fú itsiá.

Yohane Ꮚwulú Saasi

¹ Mí ɔdwepú Gaio, ntɔdwé fú ɔnɔkwali amɔtɔ. Mí ɔpasua ɔhande Yohane dé ɔwulú ánfí wanlín sísí fú.

² Mí ɔdwepú, ndehógyiá iwi bu fu ɔnlín, tógyító é ina wankláán fě alíá fúde fú Bulu súm. ³ Ansí lehié gyi mɔ bréá apíó aku beba bebláa anɔ alíá fúde Bulu mbla ámɔsu gyí, pú alíá fúna ɔnɔkwali ɔkpa ámɔsu. ⁴ Brégyíbréá nonú alíá mí abí Akristofɔ bɔna ɔnɔkwali ɔkpa ámɔsu á, itehíé wá mí ansigyí.

Gaio Kanfɔ

⁵ Mí ɔdwepú, ito wankláán fúdebwe, fúde anɔ apíósú kí, títriu afóó ámu. ⁶ Amótó aku baba bebláa anɔ ɔpasua ámu alíá fěkɔ amósú fěé. Bɔ mbódí afusi amó ɔkpa alíá ibégyi Bulu ansí é. ⁷ Tsúfě Kristo su bóna. Bɔmedé tɔtɔ hɔ́o tsu ahá aní bɔmegyí Akristofɔ wá. ⁸ Ilehián aní abéki ahá anfi odusu alɔ, fěkɔ anɔ amónyɔ abóbwe kule yó ɔnɔkwali agyómá ámu.

Diotrefe mva Demetrio

⁹ Nawánlín ɔwulú ku sísí mli dodo, táme Diotrefe dékléá ɔbóbwe mu iwi ɔpasua ɔhande. Mú su ɔmedé anɔ pɔbwé tɔtɔ. ¹⁰ Ní nebá mli wá á, nébláa mli mu asɔn laláheá ɔdeblí tsú anɔ iwi. Múá ima ale kóráá gyí, ɔbéé, mɔmóɔhɔ apíó ámu afóó. ɔde ahá é itin ka ɔbéé, bɔmákɔ amósú, ɔde ahá aní beki amósú é gyáa le ɔpasua ámɔtɔ.

¹¹ Mí adwepú, mlimákasí mu bwehé laláhe anfi. Mboun mlikasɔ yilé abwepú ámu bwehé. ɔhagyíɔha aní ɔtɔbwé yilé á, Bulu mu bi ógyi, táme ɔhá aní ɔtɔbwé lalahɔ mú méyín Bulu.

¹² Demetrio mú á, ɔhagyíɔha tetí mu ɔdayilé. Mu tsiátó é idesuná aní ɔha wankláán ogyi. Mí é ntetí mu ɔdayilé. Mliyin aní mí asɔn blíhé igyi ɔnɔkwali.

Iklá

¹³ Tekɔ asón tsɔtsɔtsɔ bu inɔá nébláa fu, táme mmedékléá nówanlín mú sísí fú. ¹⁴ Nde ɔkpa kí aní imóɔwa ɔpá kóráá néba mli wá, abétsiá asɔ tói.

¹⁵ Bulu ɔháa fú iwilwii.

Fú anyawíe fěé behá fú itsiá. Nehá anɔ anyawíe amɔtɔ okugyíaku é itsiá.

Yuda ᾯωυλό

Itsiaha

¹ Mí Yesu Kristo osúmbi Yuda, Yakobo mu pio dé ᾯωυλό ánfí wanlín sísí ahá ání aní Sí Bulu létí, ᾱᾱdwé amó, Yesu Kristo dé amósó kí.*

² Nde Bulu kokóli mbéé, ᾱhíe wun mli nwe, ᾱha mli iwilwii pó ᾱdwe.

Afunu Ató Asundápo

³ Apíó adwepó, tekí nahíé bwé agywun ání nówanlín mli ᾯωυλό tsú nkpa amóó Bulu lahó mía mlinyó ámu iwí. Táme ilehián ání nówanlín kókóli mli, amlipri hógyi amóó Bulu lapóhá mu ahá ᾱtsáwule pé ámu nwun. ⁴ Tsúfé aha aku banáin bowie mliᾱ. Ahá ánfí adá ida ᾯωυλόᾱ dodo há isubití, tsúfé butamanyá Bulu ifú. Budebli bée, ínía Bulu tesi aní lakpan kíe aní su á, abétalí tsíá tsiátó laláhe. Bakósó líí aní Wíe pó aní ᾱkparó Yesu Kristo ᾱkule pé ámuᾱ.

⁵ Mliyin asón ánfí fée dodo, táme ntráa kain mli ání aní Wíe Bulu† lékpa mu ahá dáli Egypte ᾱsulósu, táme ᾱma a, ᾱlomᾱ amóá bumohó mu gyi fée tsálífwí. ⁶ Mlikain ání Bulu-abᾱpu aku bumetsiá ᾱtínéá ᾱleha amó túmi ᾱbée butsia. Mó su Bulu léha bᾱwa amó ikan, butsie oklúntó bᾱgyo mu asón ogyíké kpᾱnkᾱnti ámu. ⁷ Sodom móa Gomorafᾱ pó nkuda ání ᾱlekafia amó é betsiá wá atsi móa ayin asón. Alí kén Bulu léha ogyá ání itamadun lóhᾱ amó awúlu fée, pódá ahá fée ᾱlá ní.

⁸ Alí nkude akúnpu anfi é butokun nkude ní. Itehá amó butᾱbwé lakpan pókpóí amó iwí, butamanyá Bulu túmi ifú. Butebli abususu pókpóí ᾱhéá ibᾱ numnyam é. ⁹ Bulu-abᾱpu dehen Mikael kóráá mébli asón laláhe bréá muᾱ ᾱbunsám beprí Mose fúli. Tóá ᾱlebli gyí, “Bulu ᾱwáa iyin wa fu!” ¹⁰ Táme ahá ánfí mú butebli asón laláhe tsú tóá bumonu mó asi iwí. Amó bwehé lelian mbwíá buma agywun. Múgyí tóá itehí amó é ní. ¹¹ Alí ahá ámu bᾱgyówí! Tsúfé bapó Kain amóó ᾱlomᾱ mu gyama ámu ᾱkpa. Bakula sika yóbwe tóá Bileam lóbwe, bakósó líí Bulusu fé Kora‡. Mó su Bulu ᾱbéhi amó. ¹² Ahá ánfí butᾱpó ifin da ᾱkulebwe atogyihe amᾱ. Ní mliᾱ amónyᾱ mliᾱ dé atógyí a, péli tamakítá amó. Akparó bᾱgyí, táme amó nkule klé butekí. Bᾱgyí fé agyindeá itamatswie, afú tatsvan mó náti. Bᾱgyí fé nyiá itamaswíé ntée bapúli mó, tú mó asi, ᾱlawú plíplíplí. ¹³ Amó péliᾱ bu nyányáa fé ntsusu-afuá iteda bobun ogbémgbesu. Bᾱgyí fé ntsrakpabiá ina detsᾱn nwulótáasu keké. Amó otsiákpá gyí oklún tuun ání Bulu lélayái há amó bré féeᾱ.

¹⁴ Adam ᾱma ᾱlntó sienósíto obí Enok lébli amó iwí asón tswí. ᾱbée, “Mlíki, aní Wíe muᾱ mu abᾱpu wankíhé mpím afiní-afiní bebá. ¹⁵ ᾱbá begyi ᾱyító ahá fée asón, ᾱbití ahá ání butamanyá mu ifú isᾱ. Amó lalaheá babwé pókósó líí muᾱ, pó mu iwí asón laláheá bablí su!”

¹⁶ Ahá ánfí butᾱtí ahásu, lé ahá ᾱlá, bwé lalahe kugyíkᾱ bᾱdeklé. Butotsú iwí, bun ahá kpantsapa, méní bénya tóá bᾱdeklé.

ᾱláda Pó Tóikplá

¹⁷ Táme apíó adwepó, mlikain asón ání aní Wíe Yesu Kristo sumbí ayᾱpó ámu bebláa mliᾱ. ¹⁸ Bebláa mli bée, “Nke tráhe amᾱᾱ á, ahinlá abwepó béba. Bóbuo amó ᾱwóli laláhe.” ¹⁹ Bᾱbu mliᾱ dodo. Amó dé mli nsiné yintá ní. Amó onutó agywun dé amó kpa, tsúfé ᾱhe Wankíhé amᾱ má amótó. ²⁰ Táme apíó adwepó, mli mó á, mliᾱpwe mli tsiátó dinka mli hógyi wankíhé amᾱsu. Mliᾱ mpái ᾱhe

* **1:1** Ntée Bulu dé amósó kí ha Kristo. † **1:5** Aní Wíe Yesu ntée Yosua bu nwuló dada amᾱ akᾱᾱ.

‡ **1:11** Kora lókósó líí Mose muᾱ mu dehen Aaronsu.

Wankíhé amv túmito. ²¹ Mlitsia tsiátóá Bulu ɔdwɛ lasúná mli, bré ánfí mligyó aní Wíe Yesu Kristo ání ɔbéba bowun mli nwɛ, há mli nkpa ání itamatá ánfí.

²² Mliwun ahá ání asón ámv imedé amó wankí nwɛ. ²³ Mlipri ako lɛ ogyá ámvto, pɔhɔ amó nkpa. Mliwun akv nwɛ ifúsó. Mlikí wankláán ání amó lalahɛ amv iméetsankí mli.

Bulu Kanfɔ Mpáí

²⁴ Mvétéhá anitamadida. Mvélé lalahɛ lé aní iwí, kpá aní ba numnyam amóú ibv bomlí mv amv así ansigyító. ²⁵ Mv nkɔlɛ gyí Bulu pú aní Ɔhópɔ. Numnyam, obú, ɔwɔnlín pó túmi itsóvn aní Wíe Yesu Kristosv itv mv. Tsú bréá ɔyí məkótsúa así, bɔtv ndɛ póya bré fɛ́é. Amen.

Atɔ́á Bɛlɛ Súná Yohane

¹ Iní gyí atɔ́á Bulu léha Yesu Kristo léle súná mu asúmpú tsú tɔ́á íbɛ́ba nke ánfító íwí ní. Yesu lówa Bulu-ɔ́bɔpu léba bɛlɛ mó súná mu osúmbi Yohane. ² Yohane légyí tógyítáá olowun íwí adánsíe. Olegyi Bulu asón ámu pɔ́ asón ání Yesu Kristo lébláa mu fée íwí adánsíe ɔ́nɔkwalisu. ³ Bulu obóyulá ɔ́há ání ɔ́tekla mu ɔ́nósó ɔ́tɔ́ipó asun wanlínhé anfi súná Kristo ɔ́pasua ámu. Obóyulá ahá ání bɔ́tonú asón ámu, gyi dínká mósú é; tsúfɛ́ mó féé bábi lafɔ́n ta.

Kristo ɔ́pasua Asienó Amu Itsidha

⁴⁻⁵ Mí Yohane dé ɔ́wuló anfi wanlín sísí Kristo ɔ́pasua asienóá mlibu Asia ɔ́mátó.

ɔ́há ámuú oletsiá, ɔ́bu inu, ɔ́bɛ́laba amu mɔ́a ɔ́hé asienó ání bulí mu owíe obíá ansító pɔ́ Yesu Kristo bɔ́gyíi mli bɔ́ale, abɔ́ha mli iwílwii. Mɔ́gyí ɔ́dansiyin ɔ́nɔkwalisu, ogyankpapuá ɔ́lɔ́kusú tsú afúlító, ɔ́yító awíe féésú ogyípú.

Mɔ́tɔ́dwé aní, ɔ́bɔpu mu obugya ká aní nwunsu ikɔ́, sí aní lakpan kíe aní. ⁶ Alabwé aní mu iwíe ogyíkpa pɔ́ mu igyí ahapó ání abósum mu Sí Bulu. Numnyam mɔ́a túmi íbwée mu kle bré féé! Amen.

⁷ Kí! ɔ́ha nwulótáasu ɔ́bá! ɔ́hagyíɔ́ha obówun mu. Ahá ámuú bɔ́wɔ mu pía amu kóráá bówun mu. Mu su ɔ́yító ahá féé bósu kóklókúú. Alí íbɛ́ba ní!

⁸ Aní Wíe Bulu léblí ɔ́bée, “Mígyí Alfa mɔ́a Omega. Otúmípu amúú oletsiá, ɔ́bu inu, ɔ́bɛ́ba amu ní.”

Kristo Lɛ Súná

⁹ Mí, mli pío Yohane ní. Mía mlinyɔ́ dé ipian wúun Yesu pɔ́ Bulu iwíegyi ámu su, anídé iklon nya líi kínkín. Bulu asón ɔ́kanda pɔ́ Kristo íwí asónbli su balé mí ya Patmo ɔ́pu nsíné ɔ́sulósu. ¹⁰ Eke ɔ́kúá igyi aní Wíe eke á, Bulu ɔ́hé léba mɔ́su. Nonu ɔ́me ku, ílɛ́lin kóklókúú fɛ́ ɔ́kpe ɔ́tsáwɔle pé mí ɔ́ma. ¹¹ ɔ́me amu ɔ́bée, “Wanlín tɔ́á fɔ́dewúun wa ɔ́wulótó, afɔ́pɔ́ya Kristo ɔ́pasua asienó, bɔ́gyi Efeso, Smirna, Pergamo, Tiatira, Sardi, Filadelfia pɔ́ Laodikea.”

¹² Bréá nɛdamlí mbée ankí ɔ́há ání ɔ́de mí asón bláa a, nowun sika pepɛ ɔ́kandíe-oyíá íbu abámbi asienó. ¹³ ɔ́ha ɔ́kúá ɔ́lɛ́lian Nyankpɔ́sa-Mu-Bi ámu líi ɔ́kandíe-oyí ámu nsíné. ɔ́lɔ́wa ligá, ɔ́bɔpu sika pepɛ ɔ́fɛ́ tsan mu kántó. ¹⁴ Mu nwun pɔ́ mu imi féé lofulí fɛ́ opulí mpútó ntée ɔ́hráda. Mu ansíbi aklambi é lɔ́wankí fɛ́ ogyá mpɔ́mpɔ́. ¹⁵ Mu ayabi de ogyá kpa fɛ́ kɔ́ɔ́bri ání bafwí mó lé ogyátó inu. Mu ɔ́me idetsulá fɛ́ ntsuá ídekpa yi. ¹⁶ ɔ́de ntsrakpabi asienó mu gyɔ́pɔ́tɔ́. ɔ́dayí íya anyɔ́ kláklá lɛ́dalí tsu mu ɔ́nótó. Mu ansító ihíe dɛwankí fɛ́ ɔ́pawí. ¹⁷ Bréá nowun mu a, nemlí bun mu ayabiasí fɛ́ ɔ́ha wuhé, táme ɔ́bɔpu mu gyɔ́pɔ́tɔ́ íbɔ́ dínká mísú, blí ɔ́bée, “Mánya ifú! Mígyí Ogyankpapu mɔ́a ɔ́tráhe amu ní. ¹⁸ Mígyí ɔ́kiankpapu amúú nowu ámu ní. Kí, mbu nkpa bré féétɔ́! Mbu túmi lowu mɔ́a afúlítósu.

¹⁹ “Wanlín tɔ́á fawun bɔ́tsun, mɔ́a ídɛ́bá séi pɔ́ mɔ́a íbɛ́ba ɔ́ma wa ɔ́wuló ámutɔ́. ²⁰ Ntsrakpabi asienó ámuú fowun mí gyɔ́pɔ́tɔ́ pɔ́ sika pepɛ ɔ́kandíe-oyí abámbi asienó ámu así ní. Ntsrakpabi asienó ámu igyi ɔ́pasua asienó ámu abɔ́pu. ɔ́kandíe-oyí abámbi asienó ámu é gyí ɔ́pasua asienó ámu.

2

Efeso ɔ́pasua Nkla

¹ “Wanlín asón ánfí sísí Akristofó ɔpasua ání ɪbɪ Efeso wúluto ɔbɔpɪ fɛɛ,*

“Ɔhá ámúú ɔde ntsrakpabi asienó mɪ gyɔpɪtɔ, ɔna sika pɛpɛ ɔkandíe-oyí abámbi asienó ámu nsíné ámu ɔbéɛ: ² Nyin tóá fɔdeɓwe fée. Nawun alíá fɔhíé fɔde agyómá yɔ, pú alíá fɔde nsi wa líí kínkín. Nyin ání fɔtamakle aha laláhe asón. Fakápó ahá ámúú bɔde amó ɪwɪ tɪ Kristo sumbí ayɔpó ámu, wun ání afunupɪ bɔgyi. ³ Fotomi wun ipian mí sɪ, fómeyinkí ɔma. ⁴ Táme asón kule péá mbɪ fú ɪwɪ gyí, ɔdwe ɪtráa ma mía fɔnyɔ ntée fúa fú aba nsíné fɛ gyankpapɪ amɪ. ⁵ Mó sɪ kain alíá tekɪ fɔgyi asa fadida. Damli klɔntɔ, afɔlatsia fú atsiábi. Ní megyí alí á, néba beɛ fú ɔkandíe-oyí ámu lé mó aba ɔpasua atráhe amɔtɔ. ⁶ Táme toku kuléá ɪbɪ alé fú ɪwɪ gyí, fɔtamakle Nikolai abúopɪ bwehé laláhe amɪ, fɛ alíá mí é ntamakle mó.

⁷ “Ɔhá ání ɔbɪ asɪ onúú asɪn ání Ɔhe Wankíhé amɪ dé ɔpasua ámu bláa asɪ. Néha ɔhá ání olegyi ɪsɪ obégyi Paradiso ndobítɔ oyí-abí ámúú ɪtéhá nkpa ámu.”

Smirna Ɔpasua Nkla

⁸ Ɔlɛtrá bláa mɪ ɔbéɛ, “Wanlín asón ánfí sísí Akristofó ɔpasua ání ɪbɪ Smirna wúluto ɔbɔpɪ fɛɛ,

“Ɔhá ámúú ogyi Ogyankpapɪ múa Ɔtráhe, olowu lákósú tsú afúlito ámu ɔbéɛ: ⁹ Nyin fú ipian wunhe pú ohian ání fɔdegyí, táme fɔbɪ ató! Nyin alíá ɔpasua ámúú bɔde ɪwɪ kí beɛ, Yudafo bɔgyi ámu bɔde afunu wa dínká fúsú. Megyí Yudafo bɔgyi, Ɔbɔnsám abúopɪ ɔpasua bɔgyi. ¹⁰ Máha ipian ání ɪbéba fɔsɪ ɪwa fú ifú. Nde fú bláa, Ɔbɔnsám ɔbéha békítá mlɪtɔ akɪ tswɪ obu. Ɔbósɔ mlí kí. Bédínká fúsú nke dú. Ní lowuto ígyi ó á, fú mó wa ɔnɔkwali. Néha fú ɪsɔgyi-ɪpa, ígyi nkpa ání itamatá.

¹¹ “Ɔhá ání ɔbɪ asɪ onúú asɪn ání Ɔhe Wankíhé amɪ dé ɔpasua ámu bláa asɪ. Ɔhagyíɔha ání olegyi ɪsɪ á, lowu nyɔsɪ amɪ ɪméeda mɪ.”

Pergamo Ɔpasua Nkla

¹² Ɔlɛtrá bláa mɪ ɔbéɛ, “Wanlín asón ánfí sísí Akristofó ɔpasua ání ɪbɪ Pergamo wúluto ɔbɔpɪ fɛɛ,

“Ɔhá ámúú ɔbɪ ɔdayí ɪya anyɔ kláklá ámu ɔbéɛ: ¹³ Nyin ání fɔtsie ɔtínéá Ɔbɔnsám owíe obíá itsie, táme fɔde fú hógyito kínkíínkín. Bréá bɔmɔ mí adánsie ogyípó ɔnɔkwaliɪpɪ Antipa mlí wá ɪnɪ kóráá á, fómekpa mí ɔma. ¹⁴ Táme mó ó á, mbɪ fú ɪwɪ asón kpaloíbí kɪ. Mlɪtɔ akɪ bɔbɪ Balaam amúú olosuná Balak† alíá ɔbóbwe Israelfó bóbwe lakpan, ɔleha amúú betsiá wá atsi múa ayin asón, tsíá gyi ɔkpɪtɔ-ató ámu. ¹⁵ Alí kén akɪ bɔbɪ mlɪtɔá bɔbɪ Nikolai atosunáhé nɪ. ¹⁶ Mlɪdamli klɔntɔ. Ní megyí alí nóbɔfwie mlɪtɔ, pú mí ɔnótó ɔdayí ámu kó amó.

¹⁷ “Ɔhá ání ɔbɪ asɪ onúú asón ání Ɔhe Wankíhé amɪ dé ɔpasua ámu bláa asɪ.

“Ɔhagyíɔha ání olegyi ɪsɪ obégyi atogyihe amúú bɔpɔnjáín ámu kɪ. Nétrá ha okugyíɔkɪ ɪbɪ futútúá bɔwanlín ɪdá pɔpwe dínká mósú. Mɪ nkule ɔbébɪ dá ámu. Ɔhaa méebɪ mó tsía mɔtɔ.”

Tiatira Ɔpasua Nkla

¹⁸ Ɔlɛtrá bláa mɪ ɔbéɛ, “Wanlín asón ánfí sísí Akristofó ɔpasua ání ɪbɪ Tiatira wúluto ɔbɔpɪ fɛɛ,

“Bulu mɪ Bi ámúú mɪ ansíbi ígyi fɛ ogyá ɔdandɪ, mɪ ayabiasɪ ígyi fɛ kɔóbri ání bapówá ogyá, plíí mó ɪwɪ ámu ɔbéɛ: ¹⁹ Nyin fú bwehé fée. Nyin fú ahádwe, fú hógyi, fú osum agyómá pú fú nsiwa líí kínkín. Nyin ání fɔdeɓɪ bwé dun gyankpapɪ amɪ. ²⁰ Táme asón ání mbɪ ha fú gyí, fahá ɔtsɪ ámúú bɔtɛtɪ mɪ Yesebel, ɔde mɪ ɪwɪ tɪ ɔbéɛ, Bulu ɔnósú ɔtɔípó amɪ dépɪ mɪ atosunáhé mlé mí

* **2:1** Ɔbɔpɪ anfi gyí Bulu-ɔbɔpɔá alí há ɔpasua ámu nɪ. ɪbɪ nfi múa 2:8, 12, 18; 3:1, 7, 14 étó. † **2:14** ɪnɪ bɪ Numeri 22–24tɔ

asúmpó, búde atsi múa ayin asón wa, búde ọkpító-ató é gyí. ²¹ Nakí mu ansító ání ọbédamí klúntọ bobuo Bulu, táme omedékléá obési mbuato. ²² Mú sù nẹda mu, wá mu ọ. Obówun ipian. Ní mu ahá ámuú búde mbua tọ ámu é bumesi, lé iwí lé mótó á, néha amó bẹ́hie wun ipian. ²³ Nómọ mu abúopo amu. Akristofọ ọpasua fée bẹ́bi ání mígyí ọhá ámuú otowun ahá klúntọ pọ amó nwuntọ asón ámu ní. Néka okugyíọkọ ọkọ mu bwehé ọnó.

²⁴ “Táme mli aha tráhe ání mliásí mlibu Tiatira wúluto, mli móbuo ọtsi ámu atosunáhé amúú búde mó tì ‘Ọbunsám asun ọ́aínhé’ amu mó á, mmọ́po atọ sọráhé kọkọ sọrá mli. ²⁵ Táme mli kíta mí atosunáhé amúú mlibu amuto kinkíinkín yófún bréá néba. ²⁶ Néha ọhá ání olegyi tógyítósú, ọletali bwé mí apé yófún ọ́yí ọ́nómaké túmi, obégyi ọ́má féesú. ²⁷⁻²⁸ Ọbékpa amú owuntọ́linsu, bwíébwíe amú blúbblúbblú fẹ́ abua. Obénýa túmi amúú mí Sí lópohá mí ámu odu. Nọ́po mu bake ọtsrakpabi há mu, púsúná ání alagyi isu.†

²⁹ “Ọhá ání ọbu asu onúu asun ání Ọ́je Wankíhé amu dé ọpasua ámu bláa así.”

3

Sardis Ọpasua Nkla

¹ Ọ́letrá bláa mí ọ́bée, “Wanlín asón ánfí sí sí Akristofọ ọpasua ání ọbu Sardis wúluto ọ́bọpọ fée,

“Ọhá ámuú ọbu Bulu Ọ́je asienó pọ ntsrakpabi asienó ámu ọ́bée: Nyin fọ́ bwehé fée. Fubu idá ání fọ́kí nkpa, táme fawú fóna. ² Mú sù tsinki, afuwa fú atọ tráhe amu ọ́wunlín, tsúfẹ́ idekléá iwu. Nawun ání fú bwehé lesian mí Bulu ansító. ³ Mú sù kain t́á bosuná fú pọ́ múa fonusu. Gyí mósó, afudamli klúntọ. Táme ní fómetsinkí á, nóbofwie fótó fẹ́ owikplu, fóméebí bréá néba. ⁴ Táme aha aku bubu wúlu amotá́a bómakókpọ́i amú atadié.* Bówa atadié futútú, mía amúnýọ abénatí, tsúfẹ́ bafún. ⁵ Néha ọhá ání olegyi isu ọ́bówa atadié futútú. Mméetsitsíi mu idá lé nkpa ọ́wulọ́ amuto. Néblí mí Sí mu mu abọ́po ansító mbée, míbú mu. ⁶ “Ọhá ání ọbu asu onúu asun ání Ọ́je Wankíhé amu dé ọpasua ámu bláa así.”

Filadelfia Ọpasua Nkla

⁷ Ọ́letrá bláa mí ọ́bée, “Wanlín asón ánfí sí sí Akristofọ ọpasua ání ọbu Filadelfia wúluto ọ́bọpọ fée,

“Ọhá ámuú ọ́bawankí, ọ́tamawá afunu, ọ́de Owíe Dawid sáafi, ofinkí ọ́haa tamatálí fin, ofin é ọ́haa tamatálí finkí ámu ọ́bée: ⁸ Nyin fọ́ bwehé fée. Kí, nafinkí obu yáí há fú. Ọ́haa méetalí fin mó. Nyin ání fuma ọ́wunlín, táme fagyi mí atosunáhésu, fómekpa mí ọ́ma. ⁹ Ọ́bunsám abúopo amúú búde afunu wa bée, Yudafọ́ bogyi ámu a, néka amó híe bẹ́ba bẹ́da akpawunu fú ayabiasí. Amó fée bẹ́bi ání ntádwé fú. ¹⁰ Fagyi mí asónsú, fanyá klún lí kinkíinkín. Mú sù néle fú lé ipian amúú nọ́pọ́sọ́ ọ́yító ahá fée kí amuto. ¹¹ Kí, nebá ní. Mú sù kítá itọ́ amúú fúbọ́ amuto kinkíinkín, méní ọ́haa móhọ́ fú isugyí-ọ́pa lé fú ọ́bító. ¹² Ọ́há ání olegyi isu á, nọ́po mu bwé mí Bulu ọ́tswékpa obu ámu ọ́tan. Ọ́méetrá dalí inu ekekekẹ́. Nówanlín mí Bulu idá dínká mọ́su. Nówanlín mí Bulu wúlu, igyi Yerusalem pọ́pwe amu idá dínká mọ́su. Wúlu amúú ọ́békplí tsú ọ́sósó mí wá ba amu, nówanlín mí onutọ́ idá pọ́pwe amu é dínká mọ́su.

¹³ “Ọhá ání ọbu asu onúu asun ání Ọ́je Wankíhé amu dé ọpasua ámu bláa así.”

Laodikea Ọpasua Nkla

¹⁴ Ọ́letrá bla mí ọ́bée, “Wanlín asón ánfí sí sí Akristofọ ọpasua ání ọbu Laodikea wúluto ọ́bọpọ fée,

“Ọhá ámuú ọ́bọtétí mu Amen, mu sọ́ Bulu asón fée iteba mótó, ogyi ọ́dansiyin ọ́nọ́kwalı́po, ọ́tamawá afunu, ogyi Bulu atọ́ bwehé fée nwun ámu ọ́bée: ¹⁵ Nyin

† 2:27-28 Israelfọ́ Ilu 2:8-9 * 3:4 Bómakókpọ́i amú atadié así gyí bómakóbwé lalahe.

fó bwehé fée. Fomebli ogya, fómolwii é. Ní fẹbli ogya ntée folwii á, tekí ẹ̀bọ alé. ¹⁶ Táme fọgyi bwíánbwíán, fomebli ogya, fómolwii é. Mú alí sù nótú fó tsítsá. ¹⁷ Fée, atọ onyapó fọgyi, fóbọ atọ. Tótọ médé fó hián, támé fuma tótọ, fomeyín ání ohiáni fọgyi. Fóbọ nwe, fó ansíbi labwíé, fóna yayá. ¹⁸ Mú sù ndetáí kplá fó mbée, pọ kóba bọhọ sika pẹpẹá bafwí mú ogyátó mí wá. Mú ọbẹha fénýa atọ onutónutó ní. Ntráa nde fó bláa mbée, fóbóhọ atadiẹ futútú, afọpọtín fó péli múa fó yayá ámu. Bọhọ afá da fó ansibisù, méní fówun atọ. ¹⁹ Ahá ání ntədwe á, amó ntəwá ẹ̀yín wa, bítí amó isù. Mú sù wa nsi, afudamli klontọ. ²⁰ Kí, nlí obu-ónó, nde agoo tswí. Ní ọkú lónu mí ọme, olefinkí há mí á, nébitíwíé mu wá, mía munyọ abówa ẹ̀bọ gyi atọ. ²¹ Ọhá ání olegyi isù á, nẹha mu obétsiá mí wá, mí owíe obíá ámu. Alí kén mí é negyi isù, ntsie mí Sí wá mu owíe obíá ámu ní.

²² “Ọhá ání ọbọ asù onúu asùn ání Ọ́gẹ Wankíhé amú dé ọpasua ámu bláa así.”

4

Ọ́sọ́ Bulusúm

¹ Iní ọma a, nelawun atọ bámbá. Nowun ání obu lafinkí ọ́sọ́. Nelanú ọme amú ilegýankpá bláa mí asún ámu. Ọme amú igyi fẹ ọkpe. Ọlebláa mí ọbée, “Dọ ba nfi, mí ansuna fó tóá ilehián ání ẹ̀bẹba ínı ọma.” ² Bulu Ọ́gẹ leba mísú ọ́sáwọle pé. Múá nówun a, owíe obíá kú tsie ọ́sọ́ inu, ọkú tsie mósú. ³ Ọhá amú ọ́sıe mósú ámu ẹ̀wí dé ogyá kpa fẹ abwi wankláán kúá igyi pẹpe múa futútú. Mú ọ́tınẹkú é igyi fẹ nyankpótáa, ıde ogyá kpa bomlí owíe obíá ámu fẹ ıbwi wankláán kúá igyi fitáa bọbwe.* ⁴ Owíe-mbíá aduanyọ-na itsie bomlí owíe obíá ámu. Ahande aduanyọ-na bọwa atadiẹ futútú bọtsie mbíá ámu, bọbun sika pẹpe ıpa. ⁵ Inu nyankpọ lówa ẹ̀bọ fıwı bı. Odekpıe, ọ́práda depotí dálı owíe obíá ámu. ıbia asienó ılí owíe obíá ámu ansító, ıdetsıí. Múgyı Bulu Ọ́gẹ asienó ámu ní. ⁶ Nowun gláası ọ́pọ kúá mósú ıde ogyá kpa fẹ atsufolıbı, ıda owíe obíá ámu ansító.

Mbwı akúá bókı nkpa ana, ansıbi iduadúá amó nkpa múa ọma fée, bobomlí owíe obíá ámu ọbun nsıné inu. ⁷ Amótọ ogyankpapọ gyı fẹ gyatá. Onyọọsı gyı fẹ ọ́nantswıe yínhé. Ọsaası ansító igyi fẹ nyankpọsa, ọ́naası é gyı fẹ oyıtsu ánı odefulı. ⁸ Okugyı́kú bọ abámba asıe, ansıbi iduadúá mótó múa mú ọma fée. Bude ıbọ wa ọpa onyé bẹe,

“Wankı, wankı, wankı gyı anı Wıe Bulu Otúmıpọ.

Múlétsiá, ọ́sıe, ọ́bẹlaba.”

⁹ Mbwı ámu bótəwá ıbọ ámu, pọ numnyam, obú múa ıpán há ọ́há amú ọ́sıe owíe obíá ámu, omóowu ẹ̀kẹkẹkẹkẹ ámu. Ní bọbwe mú alı á, ¹⁰ ahande aduanyọ-na ámu é bamlı bun ọ́há amú ọ́sıe owíe obíású amú ansító sım mu. Mubúu inu bré féeótó ní. Fówun babwı́ amó owıepa ámu tswı obíá ámu ansító blı bẹe,

¹¹ “Anı Wıe pọ anı Bulu!

Fólehián ánı abọpọ obú, numnyam múa túmı há, tsúfẹ fólóbwe atọ fée. Fọbwe tógyıtó fó apétó.

Mú fée ılaba mótó.”

5

Okúfabi Amú Létıí Ọ́wóló Amú

¹ Inı ọma a, nowun ánı ọ́há amú ọ́sıe owíe obíá ámu amú dé ọ́wóló kúntáhé mu gyọpıtọ. Bọwanlın atọ dínká mú nkpa múa mú ọma fée, bọpọ okpın tan mú ọ́nó tse sienó. ² Inu nowun Bulu-ọ́bọpọ otúmıpọ ọ́kúá ọ́dekplón fıté ọ́bẹe,

* **4:3** ıbwi futútú ámu dá gyı anı yaspa. Pépe amú dá gyı kanelia. Fıtáa bọbwe amú é dá gyı emerald.

“Ma lófún ání obémaín ató asienó ání, tíí ọwulọ́ ámu ọ́nó?” ³ Bumenya ọ́haa ọ́súsú ntéé ọ́sulọ́su ntéé ọ́sulọ́ ayasí ání obétalí tíí mó ọ́nó, kla mó. ⁴ Inú sù nẹ́hiẹ sù, tsúfẹ́ bumenya ọ́há ání ọ́lọ́fún, obetíí ọ́wulọ́ ámu ntéé obékla mó. ⁵ Inu ahandẹ́ amuto ọ́kule lébláa mọ́ obéé, “Mátrá su. Kí, Yuda abusuantọ́ Gyatá, ogyi Owíe Dawid mu na ámu lagyi isu. Ọ́lọ́fún ání obémaín ató asienó ámu, tíí ọ́wulọ́ ámu ọ́nó.”

⁶ Inu nowun Okúfabi ọ́kú. Uẹlián ání bapọ́ mu há igyí kí. Ọ́lú owíe obíá ámu, akiankpapọ́ ana ámu pọ́ ahandẹ́ aduanyọ́-na ámu nsiné. Ọ́bọ́ nsiebí asienó pọ́ ansíbi asienó. Mu ansíbi asienó ámu gyí ọ́hé asienó ání Bulu tawá sísí ọ́sulọ́ anfisú ọ́tínegyíótíné ní. ⁷ Okúfabi amu lédalí ba nkpa, ọ́lọ́bọ́họ́ ọ́wulọ́ ámu lé ọ́há ámuú otsie owíe obíású amu gyọ́pító. ⁸ Inu mbwí ámuú bọ́kí nkpa ana ámu pọ́ ahandẹ́ aduanyọ́-na ámu ọ́kugyíọ́kú lémlí bún Okúfabi amu ansító. Okugyíọ́kú dé ọ́sankuo pọ́ sika pẹ́pẹ́ blanwébi ání ọ́híén bọ́ mó. Bulu ahá mpáí gyí ọ́híén ání. ⁹ Akiankpapọ́ ana ámu pọ́ ahandẹ́ aduanyọ́-na ámu bọ́dẹ́ ilu pọ́pwe wa bẹ́e,

“Fólófún ání fótso ọ́wulọ́ ámu,

máín ató asienó ámuú bọ́putan mó ọ́nó ámu.

Tsúfẹ́ bọ́pọ́ fọ́ há igyí, fọ́pọ́ fọ́ obugya họ́ ahá há Bulu.

Fọ́họ́ ahá abusuangyíabusuan, ọ́blúgyíọ́blú, ọ́mágyíọ́má pọ́ ọ́sulọ́su ahá ọ́tsan-ọ́tsan fẹ́étó.

¹⁰ Fayáí fọ́ iwíe ogyíkpa há amó, fabwé amó fọ́ igyí ahapọ́ ání bétsiá há aní Bulu ámu igyí.

Bégyi iwíe ọ́sulọ́su.”

¹¹ Nẹ́lákí, nonu Bulu-abọ́pọ́ tsọ́tsọ́tsọ́ ọ́mẹ́. Buhíé bọ́tsọ́ ání buma íklátọ́. Bobomlí owíe obíá ámu móa akiankpapọ́ amu pọ́ ahandẹ́ aduanyọ́-na ámu.

¹² Bọ́pọ́ ọ́mẹ́ kpọ́nkpańkpọ́ntí wá ilu bẹ́e,

“Okúfabi ámuú bọ́pohá mu igyí ámu lófún

ha túmí, iwínya móa

nyánsa pọ́ awútọ́ ọ́wunlín,

ídayilé móa numnyam pọ́ kanfó.”

¹³ Inu nonu atọ́á Bulu lóbwẹ́ fẹ́é ọ́mẹ́. Móa íbọ́ ọ́sọ́ móa así, ọ́sulọ́ ayasí pọ́ ọ́puto fẹ́é, bọ́dẹ́ ilu wa bẹ́e,

“Kanfó, idayilé, numnyam pọ́ túmí fẹ́é

íletsíá ọ́há ámuú otsie owíe obíású amu

pọ́ Okúfabi amu bré fẹ́é!”

¹⁴ Móú akiankpapọ́ ana ámu bẹ́blí bẹ́e, “Amen!” Inu ahandẹ́ aduanyọ́-na ámu bemlí bun súm Bulu móa Okúfabi amu.

6

Okpin Asienó Amu Main

¹ Mí ansító inu á, Okúfabi amu lémaín ató asienó ámuú bọ́putan ọ́wulọ́ ámu ọ́nó ámu ọ́kule. Inu nonuá akiankpapọ́ ana ámu ọ́kule léle ọ́nó. Mu ọ́mẹ́ lẹ́lín fẹ́ ọ́práda obéé, “Ba!” ² Nẹ́kí a, ọ́pọ́nkọ́ futútú ọ́kú ní. Musu odínkápọ́ amu dé ita, bobun mu owíepa. Ọ́lọ́pọ́ ọ́pọ́nkọ́ ámu kplí ba ọ́sulọ́su fẹ́ isu ogyípọ́á ọ́tráa ọ́bá bọ́kọ́ isá tsọ́tsọ́tsọ́, ọ́tra gyi isu.

³ Bréá Okúfabi amu lémaín ató nyọ́ọ́síá bọ́putan ọ́wulọ́ ámu ọ́nó á, nonuá akiankpapọ́ amuto onyọ́ọ́sí léblí obéé, “Ba!” ⁴ Ọ́pọ́nkọ́ pẹ́pẹ́ ọ́kú lédalí ba. Beha musu odínkápọ́ ọ́dayí íya anyọ́ títín kú. Beha mu túmí ání ọ́lẹ́ iwílwíi lẹ́ ọ́yítọ́. Mó sù isá lẹ́dà ọ́tínegyíótíné, ahá bọ́mọ́ aba.

⁵ Bréá Okúfabi amu lémaín ató saasíá bọ́putan ọ́wulọ́ ámu ọ́nó á, nonuá akiankpapọ́ amuto ọ́saasí léblí obéé, “Ba!” Nẹ́kí a, ọ́pọ́nkọ́ bibi ọ́kú ní. Musu odínkápọ́ amu dé skéeli. ⁶ Inu nonu ọ́mẹ́ kú lédalí tsu mbwí ámuú bọ́tsie nkpa

ana ámutò òbée, “Ayó olónká kùlè ntée umò olónká asa íbóbwe ekewóle ikóká.* Táme máyintá nfò móa wáun-nyí mó.”

⁷ Bréá Okúfabi amu lémaín ató naasiá bəputan əwuló ámu ɔnó á, nonuá akiankpapɔ amutò ɔnaasi lébli ɔbée, “Ba!” ⁸ Inu nowun ɔpənkɔ ɔkɔá mu iwí igyi fé nsúó. Musu ɔdinkápú amu ɔdǎ gyí Lowu. Afúlító é buo mu. Beha amó túmí ání ní beye ɔyító aku ana á, bómóó iku kùlè. Bupúv ɔdayí iya anyo móa akón, ɔlò móa ɔsulúsu mbwíkítá-atò mɔ amó.

⁹ Bréá Okúfabi amu lémaín ató nuusiá bəputan mó ɔnó á, nowun Bulu asóntó akítápú amu ɔkláa afɔdié-asubwi amu ayasi. Bulu asón ámu iwí adánsi gyí su bómɔ amó. ¹⁰ Inu bəsurá okitikíti kóklókúú bée, “Oo! Bulu Otúmípu, fú iwí ləwankí, fóbú ɔnəkwali. Ɔmenke fégyi ɔsulúv anfiso ahá asón, fíté aní obugya tsú aní aməpó ámu wá?” ¹¹ Mó ɔma a, beha amó fée ligá futútú, bebláa amó bée, bətráa tsia kplobí. Butsia yófɔn bréá bamó amó aba asúmpó ahógyipu amu é, amó ɔdɔdɔvə lafɔn asa.

¹² Bréá ndékú a, Okúfabi amu lémaín ató siesiá bəputan əwuló ámu ɔnó. Ɔsulúv ləkpínkí kóklókúú, owí lebi tuun fé tati bibi, ɔtsra é ləpɛ kəɔ fé obugya. ¹³ Múv ntsrakpabi bekpakpáa bun ɔsulúsu, fé afú kpənkpənkpəntí látsɔn kpakpáa pəntə-abíá uməkúdan bun. ¹⁴ Nwulótáa lokuntá fé əwuló, tsú mó náti. Abv móa ɔpu nsiné ɔsulúv fée lədalí mó otsiákpá. ¹⁵ Inu nowun ání ɔyító awíe pú ahande pú ɔsá ɔnó alípú pú asikafɔ pú atúmipu, nkpábi móa iwísu atsiápú beyénáin abvsv abwi alatə pú abwi mbótó. ¹⁶ Bebláa abv móa abutá ámu bée, “Mlikpa bun anísv, méní owíe obíású otsiápú amu omóowun aní, Okúfabi amu ɔméebítí aní sv! ¹⁷ Tsúfé amó ahá svbití eke ámu lafɔn. Ma ɔbétalí líí mó ɔnó?”

7

Bulu Ahá Mpím Lafakule Advana-na (144,000)

¹ Iní ɔma a, nowun Bulu-abəpu ana, bulí ɔyí afunka ana ámu féesó. Bude afú afunka ana ámutò kínkínkín, méní iméetrá tsɔn ɔsulúsu, ɔpusv ntée oyí kuku. ² Inu nowun ání Bulu-əbəpu bámbá dɛdalí tsu owí ɔdalíkpa. Ɔde Bulu Ɔkiankpapɔ atóá ɔtəpóhié mu ahá nsu. Múv ɔləsurá okitikíti kóklókúú kpólí abəpu ana ámutó Bulu léha amó túmí ɔbée, bubéyintá ɔsulúv móa ɔpu amu. ³ Bulu-əbəpu amu lébláa Bulu-abəpu ana ámu ɔbée, “Mlumáyintá ɔsulúv ntée ɔpu ntée oyí kuku, yófɔn bréá nɔpu ató híe mí Bulu asúmpó ɔsokpi nsu asa.” ⁴ Inu beklá ahá ámutó bapó Bulu ató híe amó nsu amu fée. Amó ɔdɔdɔvə bugyi ahá mpím lafakule advana-na (144,000). Amó fée botsú Israel abusuan dúanyo ámutò. ⁵⁻⁸ Behie ahá mpím dúanyo (12,000) nsu abusuan ámu kugyíkɔtə. Abusuan ámu adá gyí, Yuda, Ruben, Gad, Asa, Naftali, Manase, Simeon, Lewi, Isakar, Sebulon, Yosef pú Benjamin.

Ɔdɔm Aní Botsú Ɔmá-ɔmátó

⁹ Iní ɔma a, nowun ɔdɔm kɔá ɔhaa méetalí kla amó. Botsú ɔmágyíɔmá, abusuangyiabusuan, ɔsulúsu ahá ɔtsan-ɔtsan pú ɔblígyíɔblítə. Bulí owíe obíá ámu pú Okúfabi amu ansító. Bəwa ligá futútúútú, bude mbláa. ¹⁰ Bəsurá okitikíti kóklókúú bée, “Aní Bulu ámutó otsie owíe obíású pú Okúfabi amu tóhə ahá nkpa!” ¹¹ Inu á, Bulu-abəpu amu fée belí bómli owíe obíá ámu pú ahande advanyo-na ámu pú akiankpapɔ ana ámu. Bemli bun, pú ansító bun ɔsulútə owíe obíá ámu ansító, súm Bulu, ¹² blí bée, “Amen! Ikanfó, numnyam, nyánsa, ipán, obú, túmí pú əwunlín íbwée mu klə bré fée! Amen!”

¹³ Inu ahande amutò ɔkule léfité mí ɔbée, “Amendi gyí ahá ánfí bəwa ligá futútúútú ánfí? Nkónú botsú?”

¹⁴ Múv nebláa mu mbée, “Ɔhande, fú yín.”

* 6:6 Ilosuná ání ɔsá sv ató behie wá íbíá.

Múú ọ̀lẹ̀bláa m̀i ọ̀bée, “Ahá ́nfi gyí ahá ́nfi batsun asun wunhe kp̀nkp̀nti ámutọ́ d́ĺi ní. Amó láfíwí amó atadi Okúfabi amó obugyato, ọ̀láfúli futútúútú ní. ¹⁵ Mó sù bulí Bulu owíe obíá amó ansító, bode mu sùm ọ̀pa-onyé mu ọ̀tswékpá un ní. Ọ́h́ ́múú otsie owíe obíá amó ́é obétsiá amótó, b́n amósú. ¹⁶ Akón ḿa ọ̀mewóli méetrá kítá amó, owí ntée ọ̀pawí ́é iméetrá to amó. ¹⁷ Tsúfẹ́ Okúfabi amóú ọ̀li Bulu owíe obíá amó así amó ọ̀bóbwe amó ọ̀kpapú. Obégya amó nkpa, kpá amó ya nkpa-ntsu amó ọ̀wíkpa, aní Wíe Bulu obétsitsii amó ansí ntsú fée.”

8

Okpin Sienósi Amu Main

¹ Bréá Okúfabi amó lémáin atọ sienósiá bọ̀putan ọ̀wuló amó ọ̀nó á, ọ̀súsú lólóá fẹ́ d́nhwírí-fun. ² Inu nowun Bulu-abọ̀pu asienó amóú bulí mu ansító amó. Beha amótó okugyíọ̀ku ọ̀kpe.

³ Bulu-ọ̀bọ̀pu bámbá lẹ́bá belí afodi-asubwi amó ansító. Ọ́de sika pẹ̀pẹ́ blanwébi ́nfi b́tawá ọ́hién ogyá mótó. Beha mu ọ́hién tsotsotsọ, ọ̀lọ̀pọ̀tsiá Bulu ahá mpáto, ṕyédinká sika pẹ̀pẹ́ afodi-asubwi amóú iyi owíe obíá amó ansító amó. ⁴ Mu ọ́hién amó ogyási letsíá Bulu ahá amó mpáto, kósú tsú afodi-asubwi amó yó Bulu ansító. ⁵ Inu Bulu-ọ̀bọ̀pu amó lótsu ọ́hién blanwébi amó, ọ́lẹ́lẹ́ ogyá afodi-asubwi amó wá mótó, fin mú dá ọ̀súlú. Inu nyankpu lówa ibi fwi bi. Odekpíe, ọ̀práda depotí, ọ̀mẹ́ ọ̀tsan-ọ̀tsan delin kóklókúú, ọ̀súlú ́é dekpinkí kpakpakpa.

Ikpe Asienó Amu

⁶ Bulu-abọ̀pu asienó amóú bode ikpe asienó amó ́é beda iwísi há mú folí.

⁷ Bulu-ọ̀bọ̀pu gyankpapu lófúli mu ọ̀kpe. Múú botsu atsufolibi ḿa ogyá ́nfi obugya lẹ́fráa mú, tswi mú wólí ọ̀súlú. Ní beye ọ̀súlúto asa á, mótó iku kule ḿa mósú nyí pú mósú ifá fée lóhó plíplíplí.

⁸ Bulu-ọ̀bọ̀pu nyọ́si lófúli mu ọ̀kpe. Inu b́tswi t́ku fẹ́ ibi kp̀nkp̀ntiá idehó wá ọ̀puto, ọ̀puto yée asato ikule ledamlí obugya. ⁹ Ọ̀puto mbwíá bukí nkpa féétọ́ yée asato iku kule bowu, ntsusu ayibito yée asato iku kule ́é lobwiebwie.

¹⁰ Inu Bulu-ọ̀bọ̀pu sáási lófúli mu ọ̀kpe. Ọ̀tsrakpabi kp̀nkp̀nkp̀nti kuá ide ogyá tsií fẹ́ obia lẹ́kpa tsú ọ̀súsú beda ntsu tsunheá ibi ọ́yító féétọ́ye asato iku kulesu. ¹¹ Ọ̀tsrakpabi amó dá gyí “Ọ́kítá.” Inu ntsu tsunhe amótọ́yée asato iku kule lówa ọ́kítá dun ọ̀kpín. Mú ọ́kítá su ahá tsotsotsóá bonu mú bowu.

¹² Ọ̀bọ̀pu náási lófúli mu kẹ́. Ilawo owí ḿa ọ̀tsra pú ntsrakpabito yée asato iku kule. Mú fée lodun. Inu su ọ́yí kehe ḿa owi tahétọ́ yée asato iku kule ́é loklun.

¹³ Nekí a, oyitsu ọ̀ku défulí, odesú kóklókúú ọ̀bée, “Ahá ́nfi b́etsiá ọ̀súlú anfiso asa Bulu-abọ̀pu asa atráhe amó b́ofúli amó nkpe amó b́gyówi tsenyọ́-tsesa!”

9

¹ Bulu-ọ̀bọ̀pu núúsi lófúli mu ọ̀kpe. Nowun ́nfi ọ̀tsrakpabi lẹ́kpa tsú ọ̀súsú beda ọ̀súlú, bọ̀pu ilán klúklúúklúá ima ọ́ka sáafi há mu. ² Múú olefinkí ilán klúklúúklú amó ọ̀nó, ogyási ledalí mótó fẹ́ obuntọ́. Ogyási amó ileha nsainto fée ilebi tuun. ³ Inu atsantsanku bedalí tsu ogyási amótọ́ ba ọ̀súlú. Beha amó túmi bẹ́e busóra ahá fẹ́ nyankpukpíe. ⁴ Bẹ́láa atsantsanku amó bẹ́e, bumápu ọ̀nó da ifá ntée nyí kuku, dun ahá amóú Bulu nsuhieto medín amó ọ̀sokpi amó. ⁵ Bumeha amó ọ̀kpa ́nfi bumó amó, táme buhie wa amó iwísin tsra anu kéké. Amó iwísin amó ibwé fẹ́ aliá nyankpukpíe-surá tohó sin. ⁶ Ahá bódunká lowu nke amótọ́, táme buméenya. Bóbo mbódí ́nfi b́owu, táme bumóowu.

⁷ Atsantsanku amó belian mp̀nkp̀á bahíhe amó há isá, t́ku idun amó nwunsu fẹ́ sika pẹ̀pẹ́ ipa. B́wa anyánpósa ansító. ⁸ Amó nwunsu-imi bu iswí

fé ɔtsi klé. Amó ayín é igyi fé gyatá klé. ⁹ Bɔwa kántó atíntɔ ání bɔpu dátɔ bwé. Ní budefulí á, amó atɛ totsúlá fé mpɔnkɔ móa keké tsɔtsɔtsɔá busrí bɔyó isá. ¹⁰ Bɔbu odú, itasúra fé nyankpɔkpíe. Beha amó túmi bɛɛ, bupúu amó odú ámu pilan ahá tsra anu kéké. ¹¹ Ilán klúklúúklúá ima ɔka ɔbɔpu gyí amó owíe. Butetí mu Hebrifo ɔblítɔ bɛɛ, Abadon. Griiki ɔblítɔ é butetí mu bɛɛ, Apolion. Mú así gyí, “Ató Oyintápó.”

¹² Asɔn wunhe gyankpapu lámó ɔnó á. Anyɔ tráhe é ibá.

¹³ Bréá Bulu-ɔbɔpu síésí lófúlí mu ɔkpe a, nonu ɔme ku ledali. Iledali tsu sika pɛpɛ afɔdiɛ-asubwí ámu okonkí ana ámutɔ Bulu ansítɔ mu. ¹⁴ Ide ɔbɔpu amóu ɔlɔfulí ɔkpe amó bláa ɔbéɛ, “Sanki ɔbɔpu ana ámóu beklí mántá ntsu yílé Efrate ɔnó ámu.” ¹⁵ Bulu léla amó yáí há alí bré ánfí, ofí ánfí, ɔtsra ánfí, ɛke ánfí pú dɔnhwírí anfi ɔbéɛ, busánki amó abuyɔmɔ ɔyítɔ ahátɔ yéɛ asatɔ iku kule fée. ¹⁶ Bebláa mí ání isá akɔpú ámu ɔdɔdɔ bóbwe bliba lafanyɔ (200,000,000), bɔdin mpɔnkɔsu. ¹⁷ Nowun mpɔnkɔ pú amósú adinkápú mí atowunhe ámutɔ, bɔwa kántó atíntɔ. Aku klé lɛpɛ fé ogyá, aku klé lebi, aku é klé igyi bate-nfɔ. Mpɔnkɔ ámu nwun igyi fé gyatá klé, ogyá móa ogyási pú atonkodu dɛdali amó ɔnótɔ. ¹⁸ Alí asɔn wunhe aku asa, igyi ogyá, ogyási pú atonkodu amó Iledali tsu mpɔnkɔ ámu ɔnó, ilomɔ ɔyítɔ ahátɔ yéɛ asatɔ iku kule. ¹⁹ Megyí amó ɔnótɔ nkule asɔn wunhe túmi tɛdálí tsu. Ibu amó odútɔ é, tsúfé amó odú igyi fé iwɔ, ibu nwun, itepílan ahá.

²⁰ Anyánkpósa amóu besian ɔsulósu, bumowu asɔn wunhe ámutɔ ámu fée bekiná bumɛdamlí klɔntɔ. Bumesi ɔɛ laláhe móa atunkuá bapó sika pɛpɛ, sika futútú, kɔɔbrí, abwí móa nyí aná bwé súm. Alí ɔɛ laláhe pú atunku anfi butamawun ató, butamanú asún, butamanátí. ²¹ Alí kén bumɛdamlí klɔntɔ sí amó tsiátɔ laláhe; igyi ahámɔ, ɔkpé, atsi móa ayín asúnwa móa owi ámu é bwe ní.

10

Bulu-ɔbɔpu Mva ɔwuló Túkúríibi

¹ Inu nelawun Bulu-ɔbɔpu ɔwɔnlínpu bambá ɔkuá ɔtsú ɔsúsú. Agyinde lobomlí mu, nyankpɔtáa ilan mu awunso. Mu ansítɔ lɔwankí fé owí, mu ayabi igyi fé ɔsɔti ání ogyá bu mótɔ. ² ɔde ɔwuló túkúríibi kuá ɔletéí mótɔ. Mu gyɔpi yabi iyi ɔpusu, mu bina yabi é iyi ɔsulósu. ³ ɔlɔkplón kúklókúú fé gyatá dékpóun, ɔpráda asienó ámu lɔputí. ⁴ Bréá ɔpráda asienó ámu lɔputí, mbée anwanlín asún ámóu ileblí ámu a, nonu ɔme bámbá tsú ɔsúsú. ɔme amó débli ɔbéɛ, “Máwanlín asún ámóu ɔpráda asienó ámu ilabli ámu. Pɔwa fú kpawunuto.”

⁵ Múu Bulu-ɔbɔpu amóu nowun, alí ɔpu móa ɔsulósu ámu lótsu mu gyɔpi ibi fúá yó ɔsúsú. ⁶ Inu ɔleka ɔhá ámóu ɔbu nkpa bré féeťɔ ámu ntam. Mólóbwe ɔsú móa asi, ɔpu móa mótɔ ató fée, ɔleblí ɔbéɛ, “Buméetrá si tsiá! ⁷ Táme bréá Bulu-ɔbɔpu síénósí amó ɔbófulí mu ɔkpe a, alí bré ámutɔ Bulu asɔn ɲáínhé amóu ɔlehie yáí ɔbéɛ, móbwe ámu ibéba mótɔ ní. Ibéba mótɔ fé alí ɔlebláa mu asúmpú, bɔgyi mu ɔnósú atáípu ámu.”

⁸ Inu ɔme amóu ide mí asún bláa tsú ɔsúsú ámu létrá bláa mí ɔbéɛ, “Yɔhɔ ɔwuló ámóu ilafinkí ámu le Bulu-ɔbɔpu amóu alí ɔpu móa ɔsulósu ámu ibito.”

⁹ Mú su nɔyɔ Bulu-ɔbɔpu amó wá mbée, ɔpúu ɔwulóbi ámu ha mí. Múu ɔlebláa mí ɔbéɛ, “Hɔ, afɔwí mú! Ibówa fú ɔdwe débídébí fé ɔkwén, táme iméekanáa fú iputo.”

¹⁰ Inu nɔhɔ ɔwulóbi ámu lé mu ibito, nɔwí mó. Ilɔwa mí ɔdwe débídébí fé ɔkwén, táme imetepí kanáa mí iputo. ¹¹ Múu ɔletrá bláa mí ɔbéɛ, “Ilehián ání félabli asún ámóu ibéba ahá féeťɔ ámu. Ibéba ɔmá fée, ɔblí ɔtsan-ɔtsan ablípú pú awíe féeťɔ, fé alí ámóu Bulu lalé súná fú ámu!”

11

Adansifo Abanyó Amu

¹ Inu ɔma a, beha mí oyíá butɔpɔ́susu ató. Múú Bulu-ɔbɔpu amu lébláa mɛ ɔbé, “Kusu afɔyosusu Bulu ɔtswékpa obu ámu pɔ afɔdié-asubwi amu, afɔkla inu asúmpó amu. ²⁻³ Táme másusu nwunsínésó amu mó. Si inu tswi, tsúfé Bulu lasí inu há ahá ání bomegyí Yudafo. Alí ahá ání bɛtsatsáa wúlu wankíhé amusu tsra advana-nyɔ (42), igyi nke ɔpím-ɔkule lafa-anyɔ aduesie (1,260). Néha mí adansifo abanyó bédídá akpekpe, há amó túmi, béblí mí asón ání nalé súná amó nke ámɔtɔ.”

⁴ Amógyí nfo-nyí anyɔ pɔ ɔkandíe-nyí anyɔ ámuú ilí Bulu, ogyi ɔyí féesó ogyípó amu ansító ní. ⁵ Ní ɔku ɔbwé agywun ání obépilán amó á, ogyá bédali amó ɔnó, hɔ mu mó. Alí ɔhá ání odekléá obépilán amó obówu ní. ⁶ Bulu adansifo ámu bubu túmiá bétalí há nyankpu omóotswie nkeá bɔpublí Bulu asón ámu fée. Bubu túmiá bétalí há ntsu kugyíku bédamlí obugya. Bétalí lé ason wunhe kugyíku é ba ɔsulósu brégyíbréá budeklé.

⁷ Ní adansifo ání beblí amó asón tá á, ɔbwikítá-atɔ amóú ɔtedáli tsu ilán klúklúúklúá uma ɔkatɔ ámu ɔbókɔ amó ísá, gyí amósú, mó amó. ⁸ Amó afúli bédí amó wúlu yilé brɔnusu. Butetí wúlu yilé ání be, “Sodom móa Egipte.”* Inu bɛda amó Wíe Yesu mántá oyikpalíhesu, mó ní. ⁹ Ahá bótswu abusuangyíabusuan, ɔblígyíɔblí, ɔmágyíɔmá pɔ ɔsulósu ahá ɔtsan-ɔtsan féesó ba beki afúli amu nkensá móa ifon. Bumeéha ɔkpa abɔpula amó kóráá. ¹⁰ Bulu ɔnósó atɔípó abanyó ání bawú su ansí bégýi ɔsulósu atsiápó. Bégýi nke kpɔnkpɔntí, kíe aba ató, tsúfé Bulu ɔnósó atɔípó ání bawá amó ipian kpɔnkpɔntítɔ kɪ. ¹¹ Táme nkensá móa ifon ámu ɔma a, Bulu léha ɔhé lelawíé amótó, belakúsú lí ayabisu. Mó su ifú lehie kítá ahá ání bowun amó. ¹² Inu Bulu ɔnósó atɔípó abanyó ámu bonu ɔme kpɔnkpɔntí ku tsú ɔsúsú, ílebláa amó ɔbé, “Mlɔdu ba nfi!” Amó alupó ámu bulí bude amó kí, agyinde lotsu amó ya ɔsúsú. ¹³ ɔsulósu lékpinkí kpukpukpukpu alí bré ámɔtɔ kén. Ní beye wúlu amɔtɔ idú á, iku kule fée lobwie bun ɔsulótɔ gbloo. Ahá mpím-sienó (7,000) bowu ɔsulókpinkí ámɔtɔ. Ifú lehie kítá atráhe amu. Mó su bɔwa ɔsúsú Bulu numnyam.

¹⁴ Ason wunhe nyɔɔsi latsɔn, saasi srí íbá á.

ɔkpe Sienósi

¹⁵ Múú Bulu-ɔbɔpu osienósi lófulí mu ɔkpe. Inu ɔme akpɔnkpɔntí lelɔn tsu ɔsúsú be, “Séi á, ɔyító iwíegyí lamlí aní Wíe Bulu mu Kristo, (ɔhá ání Bulu ladá mu ofúli amu) klé. Obégýi iwíe bré fée!” ¹⁶ Inu ahande advanyɔ-na ámuú butsie amó mbíású Bulu ansító ámu fée bobun, súm mu, ¹⁷ blí be, “Aní Wíe Bulu Otúmípu, adá fú ipán.

Fúlétsiá, fóbɔ inu bré fée.

Tsúfé fapó fú túmi kpɔnkpɔntí ámu
fi fú iwíegyí asi!

¹⁸ ɔmá-ɔmá benya ɔbló,
bré lafon ání fú é fénya ɔbló.

Bré lafon ání fégyi awupó asón.

Bré lafon ání fóbwe yilé há fú asúmbi, bogyí fú ɔnósó atɔípó amu,
pó Bulu ahá ání butenyá fú ifú,
nyebí pɔ ahande fée.

Bré lafon ání féhi ahá ání bamó ahá ɔyító fée.”

¹⁹ Inu befinkí Bulu ɔtswékpa kpɔnkpɔntí ámuú íbu ɔsúsú ámu, bowun mu Ntam-dáka obu ámɔtɔ. Inu nyankpu lówa íbɪ fwɪ bɪ. Odekie, ɔpráda deputí,

* **11:8** Wúlu yilé ání dá onutó gyí Yerusalem. Bɔpukápó Sodom móa Egipte, tsúfé amó bwehé láláhe lehan aba.

omẹ ọtsan-ọtsan lẹlun kóklókúú, ọsúlúw lẹkpinkí; átsufolibíá igyi fẹ akwebi lẹhúe kpá.

12

Ọtsi Amu Mva Bóti Amu

¹ Inu osúna kpṛṇkpṛṇtí kú lédalí ọsúsú. Nowun ọtsi ọkúá ọdídí owí, mu ayabi yí ọtsrasu. Obun owíepa, ntsrakpabi dúanyo ipan mósú. ² Ọtsi ámu dé omẹ, ikwíu de mu dwiín, odekikíni, ode okitikíti ogyo obí ámu kwí.

³ Inu osúna bámbá letrá dalí ọsúsú. Nowun bóti kpṛṇkpṛṇkpṛṇtí ọkúá ọlẹpe, ọbú nwun asienó pú nsiebí dú. Owíepa asienó bun nwun asienó ámuṣu. ⁴ Ní beye ntsrakpabi fẹ́tótó aku asa á, bóti ámu lópu mu odú kíkí mla iku kule, ọlẹbitía mú kpá beda ọsúlúw. Ọlú ọtsi ámuó omẹ de mu dwiín ámu ansító, méní ọtsi ámu onyá kwí pé á, obótsu mu bi ámu mé. ⁵ Ọtsi ámu lókwí obiyímbi aní ọbékpa omá fẹ́ owuntolunṣu. Botsu kebi ámu ya Bulu wá, yéyáí mu obíasó. ⁶ Inu ọtsi ámu lésrí yó dimbísó ọ́tínéá Bulu léla yáí há mu. Békí muṣu nke ọ́pím-ọ́kule lafanyo aduesie (1,260).*

⁷ Inu, isá lẹda ọsúsú. Bulu-ọ́bọpu dehen Mikael mva mu aba abọpu bako bóti ámu mva mu aba abọpu. ⁸ Táme bóti ámu mva mu abúopu bumeṭalí líí amó ọ́nó, begya amó lé ọsúsú inu. ⁹ Inu bekpa bóti ámuó butetí mu iwọ́ dada amu mva mu abọpu beda ọsúlúw. Mu butetráa tí Bulu olupú ntée Satan pọ́ ọ́yító ahá fẹ́ ọ́mlépo ní.

¹⁰ Inu nonu omẹ kóklókúú kú lẹlun ọsúsú. Ileblí ọ́bée,
“Séi gyí bréá Bulu ọ́bóhọ́ mu ahá nkpa ní!

Bulu ọ́bọpu mu túmi gyi iwíe.

Mu Kristo, (ọ́há ámuó Bulu ladá mu ofúli amu) é ọ́bée mu túmi ọ́wan.

Tsúfẹ́ bakpá ọ́há ámuó oletsiá lé aní Akristofó ilá ámu dá ọsúlúw.

Ọ́bunsám méetrá ka asón dínká aní apíósó,
aní Bulu ansító e.

¹¹ Bapú Okúfabi amu obugya pọ́ mu iwí adánsíe ámuó
begyi amu gyi muṣu.

Bumadwe amó iwí dọ́bídọ́bí,
su bumenya amó lowu kóráá ifú.

¹² Iní su ọsúsú pọ́ mliá mlibu inu fẹ́
mlínya ansigyí.

Táme ọsúlúw mva ọ́pu,
mligyọ́wí ní.

Ọ́bunsám laba mli wá ọ́blósó,
tsúfẹ́ alawun aní mu nke trá mọ́tsó.”

¹³ Bréá bóti ámu lówun aní bafin mu dá ọsúlúw á, ọ́lọ́kúṣú kplá gya ọtsi ámuó ọ́lọ́kwí obí ámu. ¹⁴ Táme beha ọtsi ámu oyitsu kpṛṇkpṛṇkpṛṇtí abám̃ba anyo, méní ọ́bétalí fúlí sí bóti ámu yó mu otsiákpá dimbísó inu. Bulu ọ́békí muṣu inu nfinsa móa ifon.† ¹⁵ Inu bóti ámu lẹ́fén ntsu tsunhe dáli mu ọ́nótó wólí ọtsi ámu oma, méní ibékítá mu náti. ¹⁶ Táme ọsúlúw légyí ọtsi ámu buale. Ntsu ámuó bóti ámu lẹ́fén tsu mu ọ́nótó ámu fẹ́ leme wíe ọ́súlúto. ¹⁷ Inu bóti ámu léñya ọ́bló ọtsi ámuṣu, pọ́ mu ọ́bló gya mu abí atráhesu. Amógyí ahá aní butegyi Bulu mb̃lasu, bude Yesu iwí adánsíe gyí a. ¹⁸ Inu bóti ámu lési oda ọ́pu amu ọ́nó.‡

13

Mbwikítá-atọ Anyo Aku

* **12:6** Nke ọ́pím ọ́kule lafanyo aduesie (1,260) ánfí igyi nfinsa móa ifon. † **12:14** Nfinsa móa ifon igyi nke ọ́pím ọ́kule lafa-anyo aduesie (1,260). ‡ **12:18** Iní bu nwóló dada amu akoto: Inu nesi líí ọ́pu amu ọ́nó.

¹ Iní ɔma a, nowun ání ɔbwíkítá-atɔ kpɔ̀nkpɔ̀ntɪ ɔku dédalɪ tsu ɔpu amɔtɔ ɔbá. Ɔbu nwun asienó pɔ nsiebí dú. Owiepa bun nsiebí ámu kugyíkɔsu. Bɔwanlín dá ání ɪlɔkɔsɔ líí Bulusu dínká nwun ámu kugyíkɔsu. ² Ɔbwi ámu gyí fé dundu, táme mu ayabi lomóní, mu akuti bu ɪswí fé osísré ayabi, mu ɔnó é igyi fé gyatá ɔnó. Bótí ámu lópɔ mu túmi, iwíegyi pɔ ɔwɔnlín ku há ɔbwi ánfɪ. ³ Nowun ání ɔlɔ kpɔ̀nkpɔ̀ntɪ ku ɪdɪn ɔbwi ámu nwun asienó ámuɔtɔ kɔlesu. Ɔlɔ ámu lómoní, ɪbétaí mɔ mu, táme ɪleta, omowu. ɪlɔwa ɔyítɔ ahá féé wánwan, bekplá buo mu. ⁴ Bosúm bótí ámu, tsúfé alapó mu túmi há ɔbwi ámu. Bosúm ɔbwi ámu é, fité bée, “Ma lófɔn ɔbwi ánfɪ? Ma ɔbétaí líí kó mu?”

⁵ Bulu léha ɔbwi ámu ɔkpa ání ɔblí abususu akpɔ̀nkpɔ̀ntɪ pukusu lu musu. Ɔleha mu ɔkpa ání ɔbwéé túmíla kugyíkɔ́a odeklé tsra aduana-nyɔ (42), igyi nfinsa mɔa ɪfɔn ámuɔtɔ. ⁶ Ɔbwi ámu lóbwií ɔnó, blí abususu púkpóí Bulu mɔa mu dá pɔ ahá ámuɔ́ bɔbu ɔsúsú, igyi mu otsiákpá amu. ⁷ Bulu léha mu ɔkpa ání ɔkɔ́ Bulu ahá, ogyi amúsú. Ɔleha mu ɔkpa ání ogyíi iwíe abusuangyíabusuan, ɔblígyíɔblí, ɔmágyíɔmá pɔ ɔsulúsu ahá ɔtsan-ɔtsan féésú. ⁸ Ɔyítɔ ahá féé bɔsum ɔbwi ámu. Ahá ání bɔmóosum mu gyí ahá ání bɔwanlín amó adá wá Okúfabi amó́ bɔpuhá igyi asa ɔyí ɪebelín amu nkpa ɔwulótɔ.

⁹ Ɔhá ání ɔbu asu onúu. ¹⁰ Ɔhá ání ɪda yaí ání békítá mu ndoun ɪsátɔ a, békítá mu ɪsátɔ, kpá mu náti. Ní ɪda yaí ání ɔku obésin ɔdayí ɔnó é á, ɔdayí ɔnó obésin. Iní su Bulu ahá bɔtómí, abulu kínkín amó hógyito.

¹¹ Inu netrɔ́a wun ɔbwi ɔku é lɔ́wɔ dalɪ ɔsulótɔ. Ɔbu nsiebí anyɔ fé okúfabi, táme ɔlɔtɔ́ fé bótí. ¹² Ɔbwi ánfɪ líí ɔbwi gyankpapu amu ansítɔ, ɔlɔyɔ mu agyómá kugyíku ɔbwi gyankpapu amu túmitɔ. Iní léha ɔsulúsu atsiápó féé bosúm ɔbwi gyankpapu amó́ ɔlɔ ɪedínká mu, ɪleta, omowu ámu. ¹³ Ɔbwi nyɔɔsi amu lóbwe osúna akpɔ̀nkpɔ̀ntɪ. Ɔleha ogyá lekpa tsú ɔsúsú beda, ahá féé bowun. ¹⁴ Ɔlɔpu osúna amó́ ɔlɔbwe ɔbwi gyankpapu amu ansítɔ ámu mlé ɔyítɔ ahá ɔbéé, bɔpwéé ɔkpi, ogyi fé ɔbwi gyankpapu amó́ bɔwɔ mu ɔdayí ɪya anyɔ, omowu, ɔtráa otsie nkpa ámu. ¹⁵ Bulu léha ɔbwi nyɔɔsi anfi ɔkpa ání ɔwáa ɔkpi ámu ɔhé, fówun ɪbétaí tóí. Inu ɔkpi ámu léha ɔbéé, bɔmɔ́ ahá ání bɔmóosúm mu. ¹⁶ Ɔleha ání bɔhíe ahá féé nsu, amó gyɔpɪ ɪbɪsu ntée amó ɔsukpi; nyebí ahande, ahíánfɔ mɔa asikafɔ, nkpábi mɔa ɪwɪ agyípó. ¹⁷ Ɔhaa méetalí fé tɔtɔ ntée hɔ tɔtɔ, nkétɪ ɔhá ání ɔbwi ámu nsuhíetɔ, igyi mu ɪdá ntée ibi ání ɪlí há mu ɪdá dɪn musu.

¹⁸ Iní léhián nyánsa, ménɪ fétaí nú ibi ámu asɪ. Ibi ámu ɪlí há ɔbwi gyankpapu amu, igyi oyin ɔku dá. Ibi ámu gyí lafasie aduesie-sie (666).

14

Okúfabi Amu Mɔa Mu Ahá

¹ Inu nelawun Okúfabi amu líí Sionbɔsu. Ahá mpím lafakule aduana-na (144,000) bulí mu wá. Okúfabi amu mɔa mu Sɪ ɪdá dɪn amó ɔsukpi. ² Inu nonu ɔme ku tsú ɔsúsú fé ntsu lábóla, ɪdekpa yi, ntée ɔpráda députí, ntée fé nsankuo tsɔtsɔɔtsɔ bɔdeda. ³ Bude ɪlɔ pɔpwɛ ku wa owíe obíá ámu, akɪankpapu ana ámu pɔ ahande aduanyɔ-na ámu ansítɔ. Ɔhaa má ɪnvá ɔbétaí súan ɪlɔ ámu ɔsulúsu anfisɔ, nkétɪ ahá mpím lafakule aduana-na (144,000) amó́ Bulu lahɔ amó nkpa tsú ɔsulúsu ámu nkule pé. ⁴ Alɪ ahá ánfɪ gyí ahá ání amó ɪwɪ ɪetɪn, bɔmeyín ɔtsɪ, bɔtobuo Okúfabi amu ɔtínegyíɔtíneá ɔyó ní. Amó nwunsu ɪkɔ ɔleka anyánpósa féétɔ, fé atɔ-abí gyankpapu há Bulu mɔa Okúfabi amu nɪ. ⁵ Butamawá afunu, ɔlala kuku é ɪma amó ɪwɪ.

Bulu-abɔpu Abasá Asɔn Blíhé

⁶ Inu nelawun Bulu-ɔbɔpu ɔkɔ́a ɔna afútɔ, ɔde asɔn wankláán amó́ ɪbu nu bré féétɔ amu. Ɔbá bebláa ɔyítɔ ahá, abusuangyíabusuan, ɔblígyíɔblí ablípó, ɔmágyíɔmátɔ ahá pɔ ahá ɔtsan-ɔtsan. ⁷ Bulu-ɔbɔpu amu lókplɔn blí ɔbéé,

“Mlɛnya Bulu ifú, amlɛwa mu numnyam, tsúfɛ mu asóngyíbi lafun. Mlɛsum mu. Múlóbwe ɔsɔ mɔa asɛ, ɔpu mɔa ntsu fɛé!”

⁸ Bulu-ɔbɔpu onyɔɔsi é lóbuo mu, beblí ɔbéɛ, “Babilon labwíé. Wúlu yilé Babilon labwíé. Tsúfɛ Babilon lahá ɔmá-ɔmá banu mu mbɔatɔ-ntá ání itehá Bulu ɔblɔ tɔkɔsú!”

⁹ Bulu-ɔbɔpu saasi é búo amó, ɔdeblí ɔbéɛ, “Ní ɔku lósum ɔbwɛ ámu mɔa mu ɔkpi ámu, há ɔbɔpu amó nsɔhíetɔ hɛ mu ɔɔkpi ntée mu ibi nsu a, ¹⁰ alɛ ɔhá ámu obónu Bulu ɔblɔ-ntá, bɔmɛfráa mó asa betseí mó wá Bulu ɔblɔ-ɛwɛtɔ ní. Bulu ɔbɔpu ogyá mɔa atonkodu bití mu isɔ, mu abɔpu wankíhé pú Okúfabi amu ansító. ¹¹ Amó isubítí ogyá ámu ogyási bókusú yó ɔsúsú bré fɛétó. Alɛ ahá ámu gyí ahá amóú bosúm ɔbwɛ ámu pú mu ɔkpi, ɔbwɛ ámu nsɔhíetɔ dɛn amósú ámu nɛ. Iwɛ móolwíi amó ɛkɛkɛkɛ.”

¹² Inɛ sɔ ilehián ání Bulu ahá bótomi líi kínkín, gyi Bulu mblasɔ, wá ɔnɔkwali há Yesu nɛ.

¹³ Inu nonu ɔmɛ ku lótsu ɔsúsú ɔbéɛ, “Wanlɛn tswɛ fɛɛ, ‘Ansí bégýi ahá ání bówu anɛ Wíe agyómátó tsú séi pýa!’ ”

Bulu ɔɣé ámu ɔbéɛ, “Ee, ibɔ mótó. Ansí bégýi amó lélé. Bɛda ɔkpónú tsú amó ipian fɛétó, tsúfɛ amó bwehé wankláán bóbuo amó.”

Bulu Asóngýi Iwɛ Atowunhɛ

¹⁴ Inu neláki a, agyinde futútú ku ní. ɔha ɔkuá ogyi fɛ Nyankpɔsa-Mu-Bi ámu tsie agyinde ámuɔɔ. Obun sika pɛpɛ owíɛpa, ɔde tsɛnɛ kláklá ku. ¹⁵ Inu Bulu-ɔbɔpu ɔku é lédalɛ tsu ɔsúsú Bulu ɔtswékpa inu ba. Móú ɔlɔkplón bláa ɔhá amóú otsie agyindesɔ ámu ɔbéɛ, “Pɔ fú ɔdayí ámu tɛn ató-abí, tsúfɛ ɔsulósɔ ató-abí lapé yóí. Mó tɛnbɛ lafun!” ¹⁶ Mó sɔ ɔhá amóú otsie agyindesɔ ámu létɛnkí mu tsɛnɛ amu, tɛn ɔsulósɔ ató-abí ámu fɛé.

¹⁷ Bulu-ɔbɔpu ɔku é lédalɛ tsu ɔsúsú Bulu ɔtswékpa obuto inu. Mu é ɔde tsɛnɛ kláklá ku.

¹⁸ Móú Bulu-ɔbɔpu ɔkuá ɔbu túmi ogyá ámuɔɔ é lédalɛ tsu afɔdiɛ-asubwi ámu asɛ ba. ɔlɔkplón bláa Bulu-ɔbɔpu amóú ɔde tsɛnɛ ámu ɔbéɛ, “Pɔ fú tsɛnɛ amu ka wáɛn-abí ámu ɔkpɛtsa, tsúfɛ abí ámu ilapé.” ¹⁹ Mó sɔ Bulu-ɔbɔpu amu lótswɛ mu tsɛnɛ amu káka ɔsulósɔ wáɛn-abí ɔkpɛtsa fɛé, kpá wáɛn-abí ámu wá ɔtínéá botenyímé ntsu lé mótó. Inɛ ilí há Bulu ɔblɔ. ²⁰ Wúlu amu mmuátse benyímé wáɛn-abí ámu. Obugya lédalɛ mótó, idetsúɔn waa fɛ ntsu tsɔnhɛ. Mó iswító bóbwɛ máilɛ lafakɔlɛ adukwe (180). Mó oklú é bóbwɛ ayabi anu.

15

Bulu-abɔpu Pó Asɔn Wunhɛ Asienó Tráhe

¹ Inu nowun osúna bámbá kuá ibɔ ifú, ibɔ wánwan ɔsúsú. Nowun ání Bulu-abɔpu asienó bɔde asɔn wunhɛ asienó ání Bulu ɔbópɔbítí ahá isɔ asa ɛklɔntɔ bólwií mu.

² Inu nowun ɔpu kuá igyi fɛ ahɔhwé, ilɛpɛ fɛ ogyá. Nowun ání ahá bolí mó ɔnó, bɔde Bulu nsankuo. Alɛ ahá ánfɛ gyí ahá ání bakó gyi ɔbwɛ gyankpapo amu mɔa mu ɔkpi ámu pú nsɔhíe-ibi amóú ilí há mu dá ámuɔɔ ní. ³ Bɔde Bulu osúmbi Mose mɔa Okúfabi amu ibɔ wa bɛɛ,

“Anɛ Wíe Otúmípu,

fú bwehé bu ifú, ibɔ wánwan.

Fú bwehé fɛé igyi ɔnɔkwali, ida ɔkpa.

Owíéa mu iwíegýi tamamó ɔnó.

⁴ Anɛ Wíe, ma oméenya fú ifú, wá fú numnyam?

Tsúfɛ fú nkɔlɛ lówankí.

ɔma fɛé bɛba bosúm fú,

tsúfɛ falé fú yilébwɛ ɔwan.”

⁵ Iní ɔma a, nekí ɔsúsú, nowun ání Bulu ɔtswékpa obu, igyi tati-obu ámuó itosúná ání Bulu bú amó wá ámu ɔnó ɣa. Nowun mótó Ɔwankíkpa ámu. ⁶ Nowun Bulu-abɔpu asienó amúó bɔpu asun wunhe kpɔnkpɔntí asienó bá ámu. Bedalı tsu Ɔwankíkpa inu. Bɔwa ɔhráda atadiéá ɔlɔwankí, ide ogyá kpa, bɔpu sika pepe ɔfé tsán. ⁷ Akɔankpapu ana ámuɔ ɔkɔle léha Bulu-abɔpu asienó ámuɔ okugyíáku sika blanwébi ání Buluá ɔbu inu bré féétó ɔbló ɔbó mó dédédédé. ⁸ Bulu numnyam pú mó túmi leha ogyási lɔbulá Bulu Ɔwankíkpa inu féé. Ɔhaa métalı bítíwíé mótó, yáfun bréá Bulu-abɔpu asienó ámu batséí asun wunhe asienó ámu féé wólí ɔsulósu.

16

Bulu Ɔbló Ablanwébi

¹ Inu nonu ɔme kpɔnkpɔntí kuá ɔledalı tsu Bulu Ɔwankíkpa inu. Ide abɔpu asienó ámu bláa ɔbéé, “Mlɣɔ, amlɣetseí Bulu ɔbló ablanwébi asienó ámu wólí ɔsulósu.”

² Mó su ɔbɔpu gyankpapu lédalı tsu Bulu ɔtswékpa inu yetseí mu kle wólí ɔsulósu. Inu ahá ámuó ɔbwí ámu nsuhíeto ɔɔn amúó, bɔde ɔkpí ámu sum ámu iwí létsitsíi nɔ akpɔnkpɔntí, ide amó dwiín.

³ Ɔbɔpu nyɔɔsɔ létseí mu kle wá ɔputɔ. Ɔpu ámu lémlí fé fúli obugya. Tógyítáá ɔbu ɔpu ámuɔ lówu.

⁴ Ɔbɔpu sáásí létseí mu kle wá ntsu tsunhe pú abɔnkpabi féétó. Mó féé ilemlí obugya. ⁵ Inu nonuá Bulu-ɔbɔpá ɔteki ntsusu lébláa Bulu ɔbéé, “Ɔo Ɔwankípá fúbu inu bré féé. Fú asón da ɔkpa ání fabítí amó ɔsu alí. ⁶ Tsúfé bamó fú ɔnósó atáípu pú fú ahá, tséí amó obugya wólí ɔsulósu. Mó sú fahá bapú obugya há amó féé, bɔnúu nɔ. Iní lékanáa ha amó ní.” ⁷ Inu nonu ɔme kuá ɔledalı tsu afɔɔɔ-asubwí ámu así ɔbéé, “Ee, aní Wíe Bulu Otúmípu, fú ɔsubítí igyi ɔnɔkwali, ida ɔkpa.”

⁸ Móú ɔbɔpu náásí létseí mu kle wólí owí. Mó su owí ɔnó lɔwa ɔnlɔn, ɔleha mó ide ahá tɔ fé ogyá. ⁹ Owí ámu ɔlɔtɔ okugyíáku. Bulu búú túmi asun wunhe anfi féésó, táme bekiná bɔmedamlí klɔntɔ; pówá mó numnyam, mboún lwí bɔlwí mu.

¹⁰ Onuusi létseí mu kle wólí ɔbwí ámu owíe obíásó. Ɔbwí ámu iwíe ogyíkpa féé iloklun. Iwɔsun su mu abúɔpu ámu bɔwí amó ɔdandu. ¹¹ Táme bekiná bɔmedamlí klɔntɔ sí amó lalahé ámu féé bwe. Mboún bɔlwí ɔsúsú Bulu, iwɔsun ámuó bɔdewúun ámu su.

¹² Osiesɔ létseí mu kle wá ntsu yilé Efrateto. Ntsu ámu féé ɔlekpí lé mó ɔbúntó. Iní léla ɔkpa há awíéá botsú owí ɔdalíkpa pú amó ɔsá akɔpú bétalı tsɔn ba inu.

¹³ Inu nowun ɔhe lalahé asa akúá bugyi fé agyóngyo, bedalı tsu bótí ámu ɔnótó, ɔbwí ámu ɔnótó pú ɔnósó ɔtáípu ofunupu ámu ɔnótó. ¹⁴ Ɔhe lalahé anfi búbu túmi bwé osúna akpɔnkpɔntí. Bɔtsun ɔsulósu awíe féésó, méní békpa amó féé wá abato, béba bɔkɔ aní Wíe Bulu Otúmípu ɔsá eke yilé ámuó igyi mu asón ogyíké ámu.

¹⁵ Aní Wíe ɔbéé, “Kí, néba fé owikplu. Bulu obóyulá ɔhá ání ɔleda iwísu, alalá mu atadié yáí, méní ɔméenatí yayá, péli méekítá mu.”

¹⁶ Móú ɔhe lalahé ámu bekpa awíe ámu yéfia ɔtɔnekúá bɔtetí inu Hebrifo ɔblító beé, “Harmagedon.”*

¹⁷ Inu Bulu-ɔbɔpu siénósí létseí mu kle wá afútó. Ɔme kúklókúú ku ledalı tsu Bulu ɔtswékpa inu owíe obíá ámuɔ ɔbéé, “Ilatá!” ¹⁸ Inu nyankpu lówa ɔbɔ fwi bí. Odekpíe, ɔpráda deputí. Ɔme ɔtsan-ɔtsan lelɔn kúklókúú, ɔsulósu ɔlekpinkí kpinkí kuá mó odu ɔmakóba kí tsú bréá ahá belɔn ɔyító ɔpá. ¹⁹ Wúlu yilé Babilonto léye asa. Awúlu yiléá ɔbɔ ɔyító féé ilobwiebwíe. Inu Bulu lékaín Babilon lakpan

* **16:16** Harmagedon así gyí, Megidobu. Bɔkɔ ɔsá tsɔtsɔtsɔ ɔbɔ ánfisu.

féésú, ọ̀bọ̀pọ̀ mọ̀ ọ̀bọ̀lọ̀ kpọ̀nkpọ̀nti eweto-ntá ámu há mọ̀ olonu. ²⁰ Ọ̀pọ̀ nsinẹ̀ ọ̀sọ̀lọ̀ kugyíku lófwi, abọ̀ é féé ileja. ²¹ Atsufolibi akpọ̀nkpọ̀ntiá mọ̀ odwintọ̀ bóbwe fẹ́ kílo aduenu (50) lekpa tsú nwolótáasọ̀ bẹ́da ahásu. Atsufolibi amọ̀ ọ̀nọ̀ ọ̀nlun sọ̀ bọ̀lwí Bulu.

17

Obu-ọ̀nọ̀ Otsiápọ̀ Kpọ̀nkpọ̀nti Amọ̀

¹ Inu Bulu-ọ̀bọ̀pọ̀ abasiénọ̀ ámuú bẹ́kítá ablanwébi ámuoto ọ̀kọ̀lẹ́ lẹ́ba bebláa mọ̀ ọ̀bée, “Ba, ansuna fú alíá bréá Bulu ọ̀bẹ́biti obu-ọ̀nọ̀ otsiápọ̀ kpọ̀nkpọ̀nti ámuú otsie ntsu tsọ̀tsọ̀tsọ̀sọ̀ ámu isu. ² Mọ̀ba ọ̀yítá awíe féé batọ̀ mbua. Ọ̀yítá ahá féé banu mọ̀ mbuato-ntá bú.”

³ Inu Ọ̀jẹ́ ámu lẹ́ba misu, Bulu-ọ̀bọ̀pọ̀ amọ̀ lótsu mí ya dimbísó. Nowun ọ̀tsi ọ̀ku tsie ọ̀bwikítá-ato pépẹ́ ọ̀kọ̀sọ̀ inu. Ọ̀bwi ámu bu nwun asienó pọ̀ nsiebi idú. Bọ̀wanlín adá ání ilọ̀kọ̀sọ̀ líí Bulusu dínká mọ̀ iwí féé. ⁴ Ọ̀tsi ámu lówa atadiéá igyi faasí ntsu mọ̀a pépẹ́. Ọ̀lọ̀wa abutọ̀ wolihe ọ̀tsan-ọ̀tsan, ọ̀de sika pépẹ́ owebi mọ̀ gyọ̀pítọ̀. Akisító pọ̀ mọ̀ obu-ọ̀nọ̀tsiá ifin lẹ́bọ̀lọ̀ mọ̀ dédédé. ⁵ Bọ̀wanlín idá kọ̀á mọ̀ así lejaín dínká mọ̀ ọ̀sọ̀kpí bẹ́, “Wúlu yílẹ́ Babilon, obu-ọ̀nọ̀ atsiápọ̀ féé oyín. Ọ̀sọ̀lọ̀sọ̀ akisító féé owíe.” ⁶ Nowun ání ọ̀tsi ámu lanu Bulu ahá obugya bú. Ahá ánfí bọ̀mọ̀ Yesu iwí adánsiẹ́gyí sọ̀ ní.

Bréá nowun mọ̀ a, ọ̀nọ̀ lobwíe mí. ⁷ Mọ̀ú Bulu-ọ̀bọ̀pọ̀ amọ̀ léfité mí ọ̀bée, “Ntogyi ọ̀nọ̀ labwíe fú alí? Nẹ́lẹ́ asọ̀n ọ̀jainhẹ́á ibọ̀ ọ̀tsi ámu mọ̀ba ọ̀bwikítá-ato ámuú ọ̀bọ̀ nwun asienó mọ̀a nsiebi dú ámu así súná fú. ⁸ Ọ̀bwi ámuú fowun amọ̀ latsiá kí. Ọ̀tráa ọ̀ma inu séi, ọ̀bẹ́laba. Táme imọ̀owa ọ̀pá ọ̀bẹ́dalí tsu ilán klúklúúklú ámuú ima ọ̀ka ámuoto yó ọ̀hikpá. Ọ̀sọ̀lọ̀sọ̀ atsiápọ̀ ámuú Bulu mọ̀wanlín amú adá wá nkpa ọ̀wọ̀lọ̀ ámuoto tsú bréá ọ̀yí lefi así ámu ọ̀nọ̀ bóbwie amú, tsúfẹ́ bowun ání ọ̀bwi ámuú oletsíá, ọ̀tráa ọ̀ma inu ámu lalá bá.

⁹ “Iní léhián nyánsa ání bóponú mọ̀ así. Nwun asienó ámu igyi abọ̀ asienó* ání ọ̀tsi ámu dé iwíe gyí mósó. ¹⁰ Nwun asienó ámu ilí há awíe asienó é. Abanú bawú bọ̀tsun, osiesi tsie obíású séi á. Osienósí mọ̀kónyá ba. Ọ̀bá á, bré kpalobí kọ̀ pé obétsiá. ¹¹ Owíe okwesí gyí ọ̀bwi ámuú oletsíá, ọ̀tráa ọ̀ma inu séi ámu. Abasiénọ̀ ámuoto ọ̀kọ̀lẹ́ ogyi. Mọ̀ é ọ̀bẹ́hí fẹ́ mọ̀ aba ámu.

¹² “Nsiebi dú ámuú fowun amọ̀ igyi awíe idú ání bọ̀mọ̀kónyá tsíá obíású. Táme béyaí amú mbíású amú iwíe ogyíkpa. Amọ̀ba ọ̀bwi ámu bégyi iwíe bré itinbí. ¹³ Amú féé bóbwe agywun kọ̀lẹ́, pọ̀ amú túmi há ọ̀bwi ámu. ¹⁴ Amọ̀ba ọ̀bwi ámu bóko Okúfabi amọ̀, táme Okúfabi amọ̀ obégyi amósó, tsúfẹ́ mọ̀gyí asító Ọ̀sí pọ̀ awíeto Owíe ní. Mọ̀ abúopo gyí ahá ámuú Bulu latí amú, lé amú, bọ̀bọ̀ ọ̀nọ̀kwali há mọ̀ amọ̀.”

¹⁵ Inu Bulu-ọ̀bọ̀pọ̀ amọ̀ lébláa mọ̀ ọ̀bée, “Ntsu tsọ̀tsọ̀tsọ̀ ámuú fowun ání obu-ọ̀nọ̀ otsiápọ̀ ámu tsie mósó ámu ilí há ọ̀má-ọ̀má pọ̀ ọ̀blí ọ̀tsan-ọ̀tsanto ahá. ¹⁶ Nsiebi dú ámuú fowun ọ̀bwi ámu nwunsu ámu é ilí há awíe idú ání mọ̀ba amúnysọ̀ bégyi iwíe. Amú féé bólu obu-ọ̀nọ̀ otsiápọ̀ ámu, swíi mọ̀ atọ̀ féé, lé mọ̀ yayá, wí mọ̀ aye, wá tráhe ogyá, ibóho plíplíplíplí. ¹⁷ Tsúfẹ́ Bulu lópo agywun ánfí wá amú féé nwunto, méní bóbwe mọ̀ apé. Amú féé bópo amú túmi há ọ̀bwi ámu, yófọ̀n bréá Bulu asón ámu féé ibéba mótó.”

¹⁸ Inu Bulu-ọ̀bọ̀pọ̀ amọ̀ létrá bláa mọ̀ ọ̀bée, “Ọ̀tsi ámuú fowun atowunhe ámuoto ámu gyí wúlu yílẹ́a ide ọ̀sọ̀lọ̀sọ̀ awíe féésọ̀ gyí ní.”

18

Babilon Bwie

¹ Iní ọ̀ma a, netrą wun Bulu-ọ̀bọ̀pọ̀ ọ̀ku é dékplí tsú ọ̀sọ̀sọ̀ ọ̀bá. Ọ̀bọ̀ túmi kpọ̀nkpọ̀nti. Mọ̀ numnyam dẹ̀wankí wólí ọ̀sọ̀lọ̀sọ̀. ² Ọ̀lọ̀kplón kóklókúú ọ̀bée,

* **17:9** Abọ̀ asienó ánfisọ̀ Roma wúlu idin ní.

“Babilon labwíé! Wúlu yilé Babilon labwíé! Ɖamlí ɔɛ laláɛ ɔtsan-ɔtsan fée ɔɛáinkpá. Ɖlabwé isia há mbubwi laláɛ pú mbwikítá-atọ laláɛ fée. ³ Tsúfẹ alapú mu mbuato-ntá ámu dá ɔmá-ɔmá fée ɔnó. Mba ɔyító awíe fée bató mbua. Ibíá agyípó fée banyá iwí tsú nkpa ámuó olegyi amuto.”

⁴ Ɔnu nɛlanú ɔme ku tsú ɔsúsú ɔbéɛ,

“Mí abí, mlíle iwí le muto!

Mlimáwa ibi mu lakpan ámu, ɔ,

méni mu asun wunhe amu ku méeba mliɔ.

⁵ Tsúfẹ mu lakpan lawo nwulótáa.

Mú su Bulu lakáin mósú.

⁶ Pú mu lalahéá alapógyí fú ahá ka mu ɔko.

Pú mu bwehé ka mu ɔko tsenyɔ-tsesa.

Ɖɔpu nta kpekplé há ahá bonu.

Mú su pu múá ibu ɔnlɔn ɔn mú aku anyo ha mu onu.

⁷ Alagyi ɔdwe laláɛ, tsú iwí dubi.

Mú su pu iwíɔsin múa asun wunhe ka mu ɔko séi.

Ɖtebláa mu iwí ɔbéɛ,

‘Owíe tsihé ngyi, ntsie mí obíású.

Megyí ɔsurapu ngyi, mmóɔwa nwe ekekekeke!’

⁸ Mú su asun wunheá igyi akún, isú pú lowu bótu mu ekewóle pé.

Bówa mu ogyá, ɔbóho plíplíplíplí,

tsúfẹ Otúmípu aní Wíe Bulu gyí. Mudé mu ɔsu bití.”

⁹ Ɖsolósu awíe amóu mba amónyo bató mbua, begyi ɔdwe laláɛ amu bówun mu ogyási, su kpisi. ¹⁰ Mu ipian ámuó odewúun amu ibówa amó ifú. Mú su béli tsútsúútsú blí beɛ, “Gyɔwi ní! Babilon gyɔwi ní! Wúlu kpɔnkpɔnkpɔnti, nkáli su Bulu labítí fú ɔsáwule pé alí?”

¹¹ Ɖyító bíá agyípó bósu, gyi awírehɔ, tsúfẹ ɔhaa trá ɔma muá ɔbóho amó ato fɛhé. ¹² Múlétsiá hɔ sika pepe pú sika futútú ató, abwi wankláán pú abutó wulihɛ, ɔhráda, ago, sríkí atati pú atati pepe, nyíá ibu ɔfan, atóá bɔpu súrófó-ise bwé, múá bɔpu nyíá ibu ibíá sré, pú múá bɔpu káóbri múá dátá pú abwíá ihíé bu akíle aná fée bwé tsɔtsɔtsɔ tsú amó wá. ¹³ Oletsíá hɔ amó pípri, ɔhíén, ohuam, apuse, ntá, olif-nfó, nfúó wankláán, ayó, nnantswie, akúfa, mpɔnko, akeké, tsíá hɔ ahá nkpábi kóráá.* ¹⁴ Bósu blí beɛ, “Ntóbí ámuó futekle amu fée ladáli fú ibu. Ató ámuó fútɔpówá bite ámu fée lahóli fú. Fuméetrá wun mó ekekekeke!”

¹⁵ Bíá agyípó amóu batsun muɔ nyá iwí ámu fée béli ifóntó, tsúfẹ buɔe ifú nya aní bówun mu iwíɔsin ámu odu. Béki mu ipian ámu, su gyi awírehɔ! ¹⁶ Béblí beɛ, “Gyɔwi ní! Wúlu yilé, gyɔwi ní! Teki fuhíé fubu akíle. Atati futútú múa pepe pú ago futédídá. Sika pepe ató múa abutóá ɔde ogyá kpa srasrasra futówá.

¹⁷ Atonyahé tsɔtsɔtsɔ ánfí fée lahóli fú ɔsáwule pé!”

Ntsusu-yibi akanpó, mó ahande pú mótó agyómá ayɔpó pú ibíá agyípó fée bówa ifó mu wá. ¹⁸ Ní bowun mu ogyási amu a, bósurá okitikíti beɛ, “Wúlu mɔmu lófɔn wúlu ánfí ɔyító fée?” ¹⁹ Békpá ɔsí wá nwunto, gyi awírehɔ, blí beɛ, “Gyɔwi ní. Wúlu yilé, gyɔwi ní! Fú nyato aní ntsusu ayibi awíe fée anilanyá iwí tsú. Fú iwíɔ ató fée lahí ɔsáwule pé!”

²⁰ Ɖsúsú atsiápó fée, mlinya ansigyí. Bulu ahá, mu sumbí ayɔpó pú mu ɔnósó atóipó fée, mlinya ansigyí. Tsúfẹ Bulu lagyi mu asún, bití mu ɔsu, itó ámuó alapógyí mli ámu su.

²¹ Ɔnu Bulu-ɔbɔpu ɔwɔnlínpu ɔku lótsu ibwi kpɔnkpɔnti ku, tswi wa ɔputo. Mú ɔleblí ɔbéɛ, “Alí Bulu ɔbópu ɔbló bwíe wúlu yilé Babilon, ɔhaa méetrá wun mó ekekekeke ní. ²² Ɖhaa méetrá nu ɔsankuo adapó, ɔlu awapó, ɔténtɛ afulípó pú ɔkpe

* **18:13** ahá nkpábi ntée anyánpósa-oyí múa akláa.

afulípo nka wúlu amuto ekekeke. Ibi onó agyómá kukukuku é iméetrá tsiá nu. Boméetrá kwe nfúó nu ekekeke. ²³ Okandíe kuku méetrá wankí wólí nu, ohaa é méetrá nu okúlu móa oká pɔpwe ome nu ekekeke. Tsúfɛ teki mu ibiá agyípo gyí aha kpɔnkpɔnti oyító ní. Alapó mu atóla mlé oyító ahá fée, há bafwí!

²⁴ “Babilon brɔnusu Bulu onósó atáípo amu obugya ibun. Múlómó Bulu ahá oyító fée ní.”

19

¹ Inu fée oma a, nonu ome kuá igyi fɛ odom ání bɔdekplón kuklókókú osúsó. Bɔdeblí bɛɛ, “Halelúia! Aní Bulu tɔhɔ ahá nkpa. Mu nkɔle búu túmi móa numnyam, ² tsúfɛ mu isubítí igyi onɔkwali, ida okpa. Alabítí okipó kpɔnkpɔnkpɔnti á múú ɔɔpɔ mu obu-onó tsiá yíntá oyító ámu isɔ, alafítɛ mu asúmpó obugya tsú mu wá.” ³ Butráa bɔdekplón kóklókókú bɛɛ, “Halelúia! Wúlu amu ogyási lakúsó yó osúsó bré féeótó!” ⁴ Inu ahandɛ adɔanyɔ-na ámu pó akɔankpapo ana ámu bemlí bun súm Bulu á múú otsie owíe obiá ámu sɔ, blí bɛɛ, “Amen! Halelúia!”

Okúfabi Amu Oká Otsiáke

⁵ Inu ome ku lɛlin tsú owíe obiá ámu ɔ bɛɛ, “Mlí Bulu asúmpóá mlitenyá mu ifú, nyebí ahandɛ fée, mlíkanfu aní Bulu ámu!” ⁶ Mú oma a, ome tsɔtsɔtsɔ lɛlin, fɛ ntsu bóláhɛ détsɔvɔn waa, ntée ɔpráda deputí kóklókókú bɛɛ, “Halelúia! Aní Wíe Bulu Otúmípo amu dé iwíe gyí. ⁷ Mlíha anya ansigyí, iwí isankí aní, awa mu numnyam! Tsúfɛ Okúfabi amu oká otsiáke lafɔn. Mu ka ámu lahíhíe iwí tá.” ⁸ Beha mu okpa bɛɛ, ɔwáa ɔhráda atadiéá ilɔwankí, ide ogyá kpa. (Ohráda atadié ánfí ilí há Bulu ahá yilébwɛ.)

⁹ Múú Bulu-ɔɔpɔ amu lébláa mí ɔ bɛɛ, “Wanlin fɛɛ, ‘Bulu layúlá ahá ání alatí Okúfabi amu okátsiá nke ámu así.’ ” Múú ɔletrá bla mí ɔ bɛɛ, “Asún ánfí igyi onɔkwali, Bulu wá itsú.”

¹⁰ Inu nemlí bun mu ayabito, mbée ansum mu, táme ɔlebláa mí ɔ bɛɛ, “Mábwe! Tsúfɛ Bulu osúmbi ngyi fɛ fúa fú apíó á múú mlíde Yesu iwí adánsíe gyí amu. Sum Bulu nkɔle pé!

“Tsúfɛ ahá á múú bɔde Yesu iwí adánsíe gyí amu bubu Bulu onósó asónblí ɔhɛ.”†

Ɔpɔnkɔ Futútúsú Ɔdɔnkápó

¹¹ Inu móa nówun a, osúsó lafinkí. Nelákí a, ɔpɔnkɔ futútú oku líí á! Mú sɔ ɔdɔnkápó amu ida gyí, “Yilé Ɔbwɛpó pó Ɔnɔkwaliɔ.” Otegyi asún, ɔtɔkó isá é onɔkwali sɔ. ¹² Mu ansíbi aklambi igyi fɛ ogya plɛnplɛn. Owíepa tsɔtsɔtsɔ ibun mu nwun. Ɔbu dá kuá bɔwanlín dínká mú sɔ, ohaa méyín mú tsíá muto. ¹³ Ɔlɔwa ligá ání bɔwa mú obugyato. Mu ida gyí, “Bulu Asún.” ¹⁴ Ɔsúsó isá akɔpó bɔdín mpɔnkɔ futútúsú. Bɔwa ɔhráda atadiéá ilɔwankí, ide ogyá kpa bubu mu. ¹⁵ Ɔdayí iya anyɔ kláklááklá ku lɛdali tsu mu onó. Mú ɔbɔpɔsáín ɔmá-ɔmá bun ní. Ɔbɔpɔ owuntɔlin kpá amú. Bulu Otúmípo amu ɔbló kpɔnkpɔnti ámu ɔbɔpɔnyímé amú fɛ alíá butenyímé wáin-abí. ¹⁶ Ida ání bɔwanlín dínká ɔhá á múú ɔdín ɔpɔnkɔ futútú ámu atadié sɔ pó mu obiánsú gyí, “Asító Ɔsí, Awíeto Owíe.”

¹⁷ Inu nowun Bulu-ɔɔpɔ oku líí owító. Ɔlɔkplón kpolí mbubwi ání buna afútó fée ɔ bɛɛ, “Mlíba! Mlíbefia Bulu ɔpónú kpɔnkpɔnti á múú alatswí ha mlí ámu así!

¹⁸ Méní mlégyi awíe, isá onó alípo, isá akɔpó akinkín, mpɔnkɔ sɔ adɔnkápó pó amú mpɔnkɔ, oyító ahá, iwí agyípo, nkpábi, nyebí pó ahandɛ fée aye.”

¹⁹ Inu nowun ání ɔbwíkítá-atɔ amu mɔa ɔsulósɔ awíe pó amú isá akɔpó fée bekpa aba bɔyókɔ ɔpɔnkɔ futútúsú ɔdɔnkápó amu mɔa mu isá akɔpó. ²⁰ Táme

* **19:1** Halelúia igyi Hebrifó ɔblí. Mú así gyí, Kanfu aní Wíe Bulu! † **19:10** Ntée Onɔkwali á múú Yesu lébele ɔwan ámu téhá ahá bɔtetáli blí Bulu asún ámu ní.

begyi obwíkítá-atò amòsò, bekítá mva mu onósú otáípú amóú otobwé osúna akpònkpònti mu idátó ámu. Ofúla amò otòpumlé ahá amóú obwíkítá-atò amò nsuhieto dín amósú, butosúm okpí amóú bopwe lian obwi ámu ní. Bòtswi obwi ámu mva mu onósú otáípú amò wá ogyá paati kpònkpòntiá ogyá móa atonkodu ihíe detsií mótó. ²¹ Opònkòsò otònkápú amò lópu otáyí iya anyò amóú ilèdalí tsu mu onó ámu mó isá akòpú atráhe amò fée. Mbubwi amò begyi amó aye plíplíplí.

20

Bowa Obonsám Ikan Nfi Opím

¹ Inu nowun ání Bulu-obòpu oku lékplí tsú osósú. Ode ilán klúklúúklúá ima okà sáafi pú ikan kpònkpònti ku. ² Odekítá bótí, ogyi iwò dada amóú butetí mu Obonsám ntée Satan amò, obwa mu ikan nfi opím-okule. ³ Otòtswi mu wá ilán klúklúúklú amòtò, fin mú, wá mú onó sáafi, ménì Obonsám méeetrá talí mlé omá-omá ámu. Nfi opím ámu oma asa béle mu kpalóbí.

⁴ Mó oma a, nowun awíe-mbiá ku. Ahá amóú bahá amó okpa ání bégyi asón ámu butsie mósú. Nowun aha aku oklää. Amógyí ahá ání betín amó Yesu iwí adánsiegýí pú Bulu asón okanda sú ní. Amó kén gyí ahá amóú bómotsulá súm obwíkítá-atò amò ntée mu okpí ámu, bómotsulá abòpu mu nsuhieto dínka amó osokpí ntée amó ibasò ní. Bulu léha amó betsinkí, amóa Kristo begyi iwíe nfi opím-okule amòtò. ⁵ Amó Bulu légyankpá kósúá tsú afúlitò ní. (Awupó atráhe bóméetsinkí, nkétí nfi opím ámu ilatsòn.) ⁶ Bulu lóyulá mu aha agyankpapu amóú otòkúsúá tsu afúlitò amò. Amó mó á, lowu nyòsì amò ima amósú túmì. Bóbwe igyí ahapó há Bulu mva Kristo, mva amónyò bégyi iwíe nfi opím-okule amò.

Satansu Gyí

⁷ Nfi opím ámu oma a, béle Satan obu. ⁸ Obédalí yémlé omá-omá ání bubu oyí afunka ana, igyí Gog móa Magog amò, ménì obékpa ahá tsòtsòtsòá buma iklátò buo iwí ya isá. ⁹ Nowun ání benatí tsun oyító fée, káfia Bulu ahá pú amó wúlu yiléá Bulu tekle, táme ogyá lekpa tsú osósú behí amó akòpú fée plíplíplíplí. ¹⁰ Inu bòtswi Obonsám amóú otèmlé amó ámu wá obun ání ogyá móa atonkodu detsií mótó plèplèplèntò. Mva obwíkítá-atò amò pú mu onósú otáípú afunupu amò bétsiá iwíòsinto opa onyé bré féeótó.

Asóngyí Tráhe

¹¹ Inu nowun owíe obíá futútú kpònkpònti kuá oku tsie mósú. Nwulótáa móa otòlòbò besrí sí mu, táme bomenya ojaínkpá. ¹² Nowun awupó, nyebí ahande bulí owíe obíá ámu ansító. Bobwíí nwulótò tswí. Bobwíí nkpa otòlòbò ámu étò tswí. Inu bòpu tóá nwulò ámu ileblí tsú awupó ámu bwehé iwí gyi amó asón. ¹³ Opò léle awupóá bubu mótò ba. Lowu mva afúlitò é bele amóá bubu amótò ba. Bulu légyi okugyíokú asón mu bwehé onó. ¹⁴ Inu bòtswi lowu mva afúlitò fée wá ogyá ání itamaduntò. Iní gyí lowu nyòsì ní. ¹⁵ Bòtswi ohagyíoha ání bómowun mu idá nkpa otòlòbò ámu é wá ogyá ámu.

21

Osósú Mva Otòlòbò Pòpwe

¹ Inu nowun osósú móa otòlòbò pòpwe, tsúfé osósú móa otòlòbò gyankpapu amò itráa ma inu. Opò é itráa ma inu. ² Móu nowun wúlu wankíhé, igyí Yerusalem pòpwe amò, idekplí tsú Bulu wá osósú ibá. Bulu léhíhé mó fé otíá bawá mu ató wanklään, oyéfia mu kulu. ³ Nonu omè kpònkpònti kuá ilelín tsu owíe obíá ámu asì obée, “Kí! Séi mó á, Bulu otíákpá laba anyánkpósatò. Obétíá amótò,

bóbwe mu ahá. Mu onutó obétsiá amútó, obóbwe amú Bulu. ⁴ Obétsitsii amú ntsú fée. Lowu ntée isú ntée ipian ntée asun wunhe koku é imétrá tsiá, tsúfé ato dada amú fée latson.”

⁵ Múú owie obíású otsiápó amú lébli obée, “Kí, nde tógyító bwe pópwe.” Múú òlèlabláa mi obée, “Wanlin asón anfi tswi, tsúfé mú fée ibu mótó, igyi onokwali.”

⁶ Múú òlètrá bla mi obée “Nabwé mú fée tá. Mígyí Alfa múa Omega, Ogyankpapu múa Otráhe. Néha ohá aní omewóli de mu nkpa-ntsu, oméeka mú íko. ⁷ Nópú oyúla anfi há ohá aní olegyi isu. Nóbwe mu Bulu, mu é obóbwe mí bí. ⁸ Táme afúpóá beyinkí mí oma, ahá aní buməhə mi gyi, mbusuo abəpó, ahá aməpó, mbua atəpó, atə alapó, ikpi atswépu pú afunupu fée otsiákpá gyí ogyá paati kpənkpənti, ogyá múa atonkodu ihíe detsii mótó. Iní gyí lowu nyəəsi amú ni.”

Yerusalem Pəpwe

⁹ Inu Bulu-abəpu abasiénó amúú bude ablanwé asienó amúú asun wunhe asienó tráhe ibu mú amutə okule léba bebláa mi obée, “Ba, ansuna fú otsiá Okúfabi amú obá betsiá.” ¹⁰ Inu òlekpa mí Oñétó ya ibu fúáhé kpənkpənti kusu, olosuná mí Yerusalem wúlu wankíhéá idəklí tsú osúsú Bulu wá íbá.

¹¹ Bulu numnyam dəwankí wólí wúlu amusu, ihíe dəwankí húnánááná fé atsufolibi, ide ogyá kpa fé ahəhwéá mú ansító ləwankí. ¹² Bəpwe buntii trihe fúáhé ku bómli mú, ibu aklon akpənkpənti dúanyə. Bulu-abəpu dúanyə bude aklon amú onó gyo. Bəwanlin Israel abusuan dúanyə amú adá dínká aklon amusu ikule-kule. ¹³ Aklon asa bu owí òdalíkpa. Asa bu owí òklíwíékpá, asa bu osúsú, asa é bu ayasi. ¹⁴ Beyi buntii amú dínká abwi yiléyilé dúanyəsu. Bəwanlin Okúfabi amú sumbí ayəpó amú adá dínká abwi amusu ikule-kule. ¹⁵ Bulu-əbəpu amúú òde mí asón bláa amú dé sika pepé oyíá butəpósúsu atə. Obəpósúsu wúlu amú, mú abuntii pú aklon aní ilobomli mú fée. ¹⁶ Wúlu amú swító pú mú téitó fée igyi kékéé. Bréa olosusúu mú á, mú swító, mú téitó pú mú fúátó fée igyi máli opím-òkule lafana (1,400). ¹⁷ Inu olosusúu buntii amú trító é. Igyi ayabi lafanyə múa dúasie (216), nyankpəsa atosusúhe onó. ¹⁸ Abwiá igyi fé ahəhwé bəpəpwé abuntii amú. Bəpu sika pepéá tətə məfráa mú, igyi fé gláasi pwé wúlu amú. ¹⁹ Bəpu abwiá ibu bíá otsan-otsan dúanyə wá abuntii amú ntswiasi. Abwi amú adá gyí, yaspa, safiri, agate, emerad. ²⁰ Onik, kanelia, krisolit, beril, topas, krisopas, yasint pú ametiste. ²¹ Abutó wəlihe fútútú wankláan dúanyə bəpəbwé aklon amú. Iklon amú kugyíku igyi butóbi fútútú kule. Sika pepéá tətə məfráa mú, igyi fé gláasi bəpəwá abrənu wúlu amutə. Fétali kí tson mótó.

²² Mmowun Bulu ətswékpa koku wúlu amutə, tsúfé Bulu Otúmípu amú muə Okúfabi amú gyí Bulu ətswékpa inu. ²³ Wúlu amú imehián owí ntée ətsra wankí mótó, tsúfé Bulu numnyam təwánkí há mú, Okúfabi amú é gyí mú òkandíe. ²⁴ Omá-omá bənati wúlu amú wankitə. Oytó awie é bəpu amú numnyam ba mótó. ²⁵ Buméefin mú onó aklon, tsúfé oklún ma inu. ²⁶ Omá fée bəpu amú numnyam pú amú obú ba mú. ²⁷ Tógyítóá mú iwí metin, mbusuo abəpó ntée afunupu bumóowie wúlu amutə, nkéti ahá amúú bəwanlin amú adá wá Okúfabi amú nkpa əwólótó amú nkule.

22

Nkpa-ntsu Tsonhe

¹ Inu Bulu-əbəpu amú losuná mí nkpa-ntsu amúú ləwankí fé ahəhwé amú. Idətsəon tsu Bulu muə Okúfabi amú owie obíá amutə. ² Ntsu amú ina brənu yiléá ida wúlu amú nsiné. Nkpa-oyí ilí ntsu amú agbemgbe anyə amusu, itoswíe abí otsan-otsan ətsragyíətsra. Itoswíe tsé dúanyə ofi okuletə. Mú afitáa é igyi afá há omá féeétó ahá. ³ Tógyítóá Bulu lalwíi mú méetsiá wúlu amutə.

Mboun Bulu muwa Okufabi amu owie obia obetsia mu, mu asumpo bosome mu. ⁴ Bowun mu ansito, mu ida e bedinka amu osokpi. ⁵ Owie metra ta mu ekekeke. Bometra hian okandie ntee owie, tsufe anu Wie Bulu obowanki woli amosu. Begyi iwie bre fee.

Yesu Iba

⁶ Inu Bulu-oboru amu leblaa mi obee, "Asun anfi bu moto, igyi onakwali. Anu Wie Bulu tele toa ibeba suna mu onosu atopu. Mulawa mu oboru obee, obele toa ibeba nke anfito suna mu asumpo."

⁷ "Ki! Imowa opa neba! Owulo anfito asun beba moto. Mo su Bulu oboyula zha ani olegyi mo feeso!"

⁸ Mi Yohane lonu asun anfi, nowun mo fee. Bre nonu asun anfi, nowun ato amu e a, nemli bun Bulu-oboru amubu olele mo suna mi amu ayabito, mbee ansum mu. ⁹ Tame letra blaa mi obee, "Mabwe! Tsufe Bulu osumbi ngi fe foa fu apio Bulu onosu atopu, pu aha amubu begyi asun amubu bowanlin wa owulo anfito amusu. Sum Bulu nkule!" ¹⁰ Mub oleblaa mi obee, "Mapu ato lesunahé anfi nan, tsufe mo babilafun ta. ¹¹ Ha lalah obwepo oyo mu lalahewesu. Ifinto otsiapu otsia mu ifinto, yile obwepo e okita mu yilebweto. Zha ani obee, mopo mu iwi ha Bulu osii mu iwi ha Bulu."

¹² Inu Yesu leblaa mi obee, "Ki, imowa opa neba! Neba iko okakpa. Neke zhagyioha iko mu bwehe onu. ¹³ Migyi Alfa moa Omega. Ogyankpapu muwa Otrahé, asi Otsupu pu onu Omapo."

¹⁴ "Bulu oboyula aha ani bude amu atadie fwi, menu betali nya okpa tsun wulu yile amubu iba amu onu wie moto yegyi nkpa-oyi amu abi. ¹⁵ Akiai obesin iban amu oma. Amu gyi; ato alapu, mbua atapu, aha amapo, ikpi atswepu pu aha ani butekle afunu, butawa mo e fee."

¹⁶ "Mi Yesu lawa mi oboru mbee, oba beblaa fu asun anfi, afupbla Akristofa opasua amu fee. Migyi Owie Dawid mu na, mu ato ogyipu pu Bake Otsrakpabi wankihe amu nu."

¹⁷ Inu Bulu Ohe amu pu oka papwe amu bebli bee, "Ba!"

Zhagyioha ani onu asun anfi obli obee, "Ba!"

Zhagyioha ani omewoli de mu oba. Zhagyioha ani odekle oba, Bulu okie mu nkpa-ntsu amu.

Itrahé

¹⁸ Mi Yohane, nde zhagyioha ola da kpakpaakpa. Mbee, ni oku lonu ato lesunahé owulo anfito asun, oboru ku tsia moto a, Bulu e obeha asun wunhea ibu owulo anfito ibeba musu. ¹⁹ Ni oku e lele toku tsu owulo anfito a, mumu Bulu e obele mu ogyikpa ani ibu nkpa-oyi amu pu wulu wankihe amubu nowanlin mo iwi asun wa owulo anfito amuto.

²⁰ Zha amubu ode ntobi anfi iwi adansie gyi onakwalisu amu obee, "Ee! Imowa opa neba!"

Amen! Owie Yesu, ba!

²¹ Anu Wie Yesu ogyii Bulu aha buale!